

釋宗金書





禪宗全書

# 史傳部十五

( 15 )

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,  
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

---

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),  
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

---

書號 ISBN 7-5013-2602-9/B · 108

定價 18000 圓

# 解題

## 一、佛祖綱目

編譯組

全書四十一卷。明·朱時恩（心空居士）編。作者主要在仿照孔子作「春秋」的方式，從釋尊示現受生起，到明·萬峯時蔚入滅為止，將西天東土佛祖的行業及其宗教綱目，依歷代年號編纂成書。自萬曆三十八年（一六一〇）至崇禎四年，前後費時二十一年始告完成。

本書可以說是編年體的列傳集或禪宗史。除正文外，卷首有作者的自述願文、原疏、凡例；董其昌的序文；黃廷鵠、澹志甫的緣引；宋濂的「傳法正宗記序」、「釋氏護教編後記」；七佛偈。卷末附有作者的跋文。

## 二、皇明名僧輯略

編譯組

全書一卷。明·雲棲株宏編。主要輯錄明代禪僧楚石琦、毒峯善、空谷隆、天琦瑞、傑峯英、楚山琦、性原明、雪庭、笑巖寶、古音琴等十人的行實及語錄。卷末輯錄了「宋景濂學士集」中古鼎銘、雪窗光等九位禪師的碑銘。另附〈高麗普濟禪師答李相國書〉一文。本書的特色是各篇



末尾均附有作者的評語。

### 三、正宗心印後續聯芳

編譯組

全書一卷。明·善燦和尚編。主要輯錄福建福州府當代緇素（果字系、正字系）七十二人的本貫姓氏及機緣語要。

### 四、先覺宗乘

編譯組

全書五卷。明·語風圓信校定，郭凝之彙編。本書是依陶明潛的「先覺集」二卷改編而成，收錄一百八十四名居士的機緣語要，期使先覺居士的道業流傳後世，以爲學人之規範。

所收一百八十四名居士中，師承明確者一百一十一人，無名者七十三人。卷首轉載了「先覺集」的三篇序文（道安靜、拙庵智朴及圓教解三洪撰）。此書與明·朱時恩的「居士分燈錄」、清·彭際清的「居士傳」、民國·劉大心的「居士參禪蘭錄」等，同屬居士研究的必備資料。

# 目次

解題

壹、佛祖綱目

序

凡例

原書目錄

緣引

宋序

編後記

敘七佛

卷一

釋迦牟尼佛示現受生

卷二

釋迦牟尼佛示現出家

釋迦牟尼佛示現成道

一六

一五

一二

一〇

九

八

八

六

三

一

卷三.....二三

釋迦牟尼佛傳法大迦葉——初祖大迦葉傳法阿難

卷四.....三一

二祖阿難傳法商那和修

卷五.....三三

三祖商那和修傳法優波翹多

卷六.....三六

四祖優波翹多傳法提多迦

卷七.....三七

五祖提多迦傳法彌遮迦

卷八.....三八

六祖彌遮迦傳法婆須蜜——震旦國李耳示生

卷九.....三九

七祖婆須蜜傳法佛陀難提——震旦國孔丘示生

卷十.....四〇

八祖佛陀難提傳法伏馱蜜多——震旦國孔丘示寂

卷十一.....四三

十祖脇尊者傳法富那夜奢

卷十二.....四四

十一祖富那夜奢傳法馬鳴

卷十三.....四五

十二祖馬鳴傳法迦毗摩羅

卷十四.....四六

十三祖迦毗摩羅傳法龍樹

卷十五.....四七

十四祖龍樹傳法迦那提婆

卷十六.....四八

十五祖迦那提婆傳法羅睺羅多

卷十七.....五〇

十六祖羅睺羅多傳法僧伽難提——十七祖僧伽難提傳法伽耶舍多

卷十八.....五二

十八祖伽耶舍多傳法鳩摩羅多

卷十九.....五三

十九祖鳩摩羅多傳法闍夜多

卷二十.....五五

天竺沙門攝摩騰竺法蘭至洛陽——二十一祖婆修盤頭傳法摩拏羅



卷二十一……………五七

二十二祖摩拏羅傳法鶴勒那

卷二十二……………五九

二十三祖鶴勒那傳法師子比丘——三藏康僧會行化至吳

卷二十三……………六一

二十四祖師子比丘傳法婆舍斯多——三藏僧會諫毀佛寺

卷二十四……………六三

天竺佛圖澄至洛陽——佛圖澄尊者入寂

卷二十五……………六六

支遁法師隱居剡山——慧遠法師示生淨土

卷二十六……………七四

曇順法師往生淨土——二十八祖菩提達磨說法南印度

卷二十七……………八一

寶誌大士說法王宮——曇鸞法師往生淨土

卷二十八……………八九

傅大士設大法會——三祖僧璨傳法道信

卷二十九……………九八

三祖僧璨隱居羅浮山——善導大師示生淨土

卷三十.....一〇

慧安禪師隱終南山——法欽參玄素禪師

卷三十一.....二六

普寂禪師住唐興寺——馬祖道一傳法無業

卷三十二.....四二

懷海禪師開法百丈——智廣禪師隱居巖谷

卷三十三.....八六

善道禪師隱居石室——義存師備說法王宮

卷三十四.....三一

布袋和尚示現明州——永明道潛禪師入寂

卷三十五.....六九

光祚禪師住智門——重顯禪師開法雪竇

卷三十六.....九

楚圓謁洪諲禪師——投子義青禪師入寂

卷三十七（上）.....四五

宗本禪師住慧林——克勤禪師傳法紹隆

卷三十七（下）.....八一

守智禪師住開福——法忠禪師傳法印肅

卷三十八.....四一九

清了禪師住補陀.....佛照德光禪師入寂

卷三十九.....四四四

佛光道悟禪師入寂.....偃溪廣聞禪師入寂

卷四十.....四五八

如珏禪師住徑山.....永寧禪師住龍池

卷四十一.....四七二

行瑞禪師傳法梵琦.....萬峯時蔚禪師入寂

貳、皇明名僧輯略.....五〇九

凡例.....五一一

原書目錄.....五一一

楚石琦禪師.....五一一

壽峯善禪師.....五一七

空谷隆禪師.....五二〇

天琦瑞禪師.....五二六

傑峯英禪師.....五三一

楚山琦禪師.....五三二

性原明禪師.....五三七

雪庭禪師	五三九
古音琴禪師	五四〇
笑巖寶禪師	五四二
附錄	
古鼎銘禪師	五四四
雪窗光禪師	五四四
南堂欽禪師	五四四
徑山悅空禪師	五四四
佛光普照禪師	五四四
壁峯金禪師	五四五
東溟日禪師	五四五
孤峯德禪師	五四五
又附：高麗普濟禪師答李相國書	五四五
叁、正宗心印後續聯芳	
肆、先覺宗乘	五四七
序	五六七
原書目錄	五六九
卷一	五七一
	五七四



維摩居士 龐蘊居士

卷二 ..... 三八四

甘蜜行者 放牛居士

卷三 ..... 六〇三

侍郎白居易 吳十三道人

卷四 ..... 六一八

太守楊銜之 相國錢象祖

卷五 ..... 六三二

洪州廉使 宮人問無棟僧

# 佛祖綱目

明・朱時恩

編



佛祖綱目序

余不佞浮沉史局垂五十年而知古今事無更難於史者。無論正史難。卽偏記小錄亦難。無論稗史難。卽瑣語雜簿亦難。若更進而史天史地。又進而史仙史佛。自非以山河爲法身。以人天爲手眼者。未有能撮其要而膏其成者也。心空居士以三十年精力。彙爲佛祖綱目一書。於是梵網有總持。法門有紀載。宗教有源流。廢輿有考覈。而合之則曰此七佛以來一部大史也。宋元徽中王儉爲七志。僅以佛書附圖譜之末。梁初命任昉等於文德殿列藏衆書於華林園。另集釋典。其後阮孝緒博采經籍。獨尊佛錄於七錄之外。然亦不過資博覽。示瑰異而已。唐宋以來宗學熾盛。枝葉各分。自景德傳燈錄出。續之者至合爲五燈。於是曹溪之後。思讓再分。馬祖以來。五宗各顯。至宋僧法鑒別立教宗。以法華爲經。天台爲統。止觀爲門。此佛祖統記所緣作也。迨元僧智常復作統載名依統記而立例。則殊始用史家編年之法。其意以宗爲主。以教爲輔。凡淨行神足性相義觀無所不備而識

者。摘其漏誤。至不可實辨。蓋史之難如此。居士宿身了了。自謂明教當再來。故於定祖正宗大義。凜凜巨綱細目。標識精詳。至其略化跡而重機緣。合宗乘而歸淨土。則又善誘曲導。無非融和水乳。吹亮薪傳。俾見性成佛之旨。人人開卷直下。領會將居士顯化報恩之願。於是焉畢矣。何至如小師諱士。橫分正閏。妄劃南北。始以病史而究爲宗教。戈矛哉。嗟乎。韋昭仗正書。落窖坑。崔浩屬諱。族冤駢覆。至使貞臣節士。默標張儼之文。私存孫盛之本。木天金馬。穿闕盈途。豈如旃檀林邊。可以逍遙撰述。大圓海畔。從無意外風波。人鬼天龍。俱供筆削。闔城鹿苑。倚作直廬。如居士之肩史責。誰謂極樂國中。珥毫簪筆。無其位。無其人。也。

皇明崇禎歲在甲戌仲秋吉旦 賜進士出身資政大夫太子太保禮部尙書兼翰林院學士掌詹事府事 實錄副總裁董其昌撰



## 佛祖綱目序

余輯是書。竊有深願。經云。自未得度。先度人者。菩薩發心。自覺已圓。能覺他者。如來應世。曰。發心正。以求其自覺。曰。應世正。以滿其初心。心之未形。杳杳冥冥。不見一物。無佛無祖。無綱無目者。此性之纖塵不立。也。心之已形。浩浩蕩蕩。不遺一物。有佛有祖。有綱有目者。此性之萬法朗然也。故曰。不可以有心求。不可以無心得。不可以語言造。不可以寂默通。離四句。絕百非。如空裏栽花。如波心踏月。無汝湊泊。處無汝擬議。處畢竟如何。以佛祖遺佛祖。以綱目奪綱目。神而明之。存乎其人而已。是書草創於萬曆三十八年之庚戌。卒業於崇禎四年之辛未。嘔心枯鬚者。歷二十有一年。遂成佛祖綱目四十一卷。一時蓮社行人。相與謀付剞劂。作人天眼目。余乃歡喜踴躍而說偈言。

偈曰

我述此書 不爲名聞 事理俱備 權實雙行  
庶幾觀者 了如鏡明 開卷展讀 發無上心  
不願佛子 耽著句味 但願反求 直下便是

剪葛藤根 伐無明樹 不願佛子 瞥生知解  
但願窮源 掃開奇怪 赤手歸家 塵塵出礙  
不願佛子 貢高我慢 但願知非 靈光顯現  
佛不奈何 魔軍自散 不願佛子 輕忽毗尼  
但願性戒 無犯無持 赤肉團上 出摩尼珠  
不願佛子 沉空枯坐 但願明心 了無退墮  
管甚蒲團 破與不破 不願佛子 虛度光陰  
但願精進 拳拳服膺 萬年一念 大地平沉  
不願佛子 龍侗顛頂 但願悟徹 擊碎疑團  
竿頭進步 桶底踢穿 不願佛子 浮飾外護  
但願實心 圓修六度 法海無邊 利那步過  
我作此偈 諸佛證明 滄海可竭 須彌可崩  
而此願力 與佛長存

## 附刻原疏

伏念時恩博地。凡夫渺無福慧。四十餘載。虛度光陰。幼承父母教育。竊佩孔聖遺言。既而母氏先亡。遂慕佛門教典。當其步趨手儒也。幾欲效顰而攻乎佛。及

其歸依乎佛也。又因嘗鼎而薄乎儒。皆緣不滙大聖之淵源。遂致下同流俗之軌轍。往歲萬曆丁未。正當四十四歲。發無上心。勤求妙道。晨夕參叩。不敢怠違。夢寐之間。默蒙印可。始信千古法道。匪從人得。河沙妙用。總在心源。度生爲急。僧俗何拘。愚者自迷。妄分儒釋。原夫世尊說十二部經。而人天瞻仰。孔子作春秋。而亂臣賊子懼。苟可開世間眼目。豈復愛一己愛膚。今恩竊不自揣。思報佛恩。照依歷代年號。編輯佛祖綱目。意傲乎孔子名。同乎紫陽。須以十年。或可卒業。顧孔子聖人也。春秋猶世諦也。當時且冒罪我之嫌。況恩何人。斯所編年而載者。皆天中天聖中聖。非古佛現身。卽菩薩救世。上自天魔外道。下至拘儒曲士。能無惱亂。或多謗毀。用是投誠懇求。三世諸佛十方諸大菩薩。天龍八部。護法善神。被無量之神力。多方護持。假莫大之靈通。曲垂方便。苦心思索。智慧脉脉。自流彈力。校讐精神。奕奕長旺。或奇書古帙。或斷簡殘編。奚所求而弗獲。或助以刻費。或牖以知識。將善士之必逢。數年彙集。無異利那千葉詞章。

如出一氣。帙成而鵲嶺芳規。儼若未散。展畢而龍華勝會。預撥目前。無論後有作者。相續不斷。化爲無盡之燈。卽今有志禪那一覺。無遺獨目菩提之路。明主收入藏中。流通竝天長地久。鬼神不忘遺囑。呵護同玉策金函。天魔外道。拱手歸降。曲士拘儒。回心嚮道。自非大慈大力。何以成始成終。謹當發心纂集之初。不勝祈禱。欵誠之至。時萬曆庚戌四月八日。弟子朱時恩謹疏。

時恩旣於如來像前發弘願。已屢獲瑞夢。不一而足。或夢三教後聖人私感之。私服之。或夢明教嵩禪師再來後聖者。以是書所載。乃先聖化跡。讀是書而興起者。皆三教後聖人也。私者。非佛非祖。以一俗士而編輯佛祖綱目。卽孔子所謂其義則丘竊取之者。雖公而亦私也。感之者。因是書而明心見性。自應銘感之不忘也。服之者。因是書而惑斷執空。自應佩服之無數也。明教再來者。昔以比丘而著傳法正宗記。今以居士而著佛祖綱目。前後若出一人也。自是而知佛祖加被我矣。雖菟繭未

盡而千聖不傳之奧旨。超出語言文字之外者。已若含若吐。於是書古德云。將此深心奉塵刹。是則名爲報佛恩。

### 佛祖綱目凡例

一佛祖 福慧兩足。正覺無上。故名爲佛。明佛心宗。行解相應。故名爲祖。現在賢劫第四尊。佛號曰釋迦王。此五濁大千世界。釋迦傳迦葉二十八傳至達磨。是謂西天二十八祖。達磨傳慧可。六傳至惠能。是謂東土六祖。嗣後五宗繼興。法法相傳。無忝祖位。教門則有瑜伽宗。南山宗。天台宗。慈恩宗。賢首宗。

一綱目 綱者大綱。目者細目。儒書綱目爲世間法。善惡俱陳。以備法戒。故有褒有貶。佛祖綱目爲出世間法。專爲託彼已成之佛。祖顯我自性之佛。祖故無褒無貶。

一卷帙 如來示生印度。大教漸被支那。則此方著述。斷以釋迦爲主。今不論篇數多寡。以一甲子週。

爲一卷。起周康王二年甲子。止洪武十六年癸亥。總計四十一甲子。或四十一卷。仍編字號。以便查考。

一年號 西土東土不同。世法道法亦異。今每卷綱目前。先將此土年號。注入甲子。內然後專書佛祖機緣化跡。庶不混雜。

一五時 如來示現有五時。一降生。二出家。三成道。四說法。五涅槃。如來說法。亦有五時。一華嚴。二鹿苑。三方等。四般若。五法華。

一機緣 教外別傳。纔出母胎。便已漏逗。何待拈花。綱目於涅槃後。純錄機緣者。良有深意。上流之士。若於此處。觀得破時。一千七百則公案。不消一捏。一化跡 神通變化。雖佛祖亦時藉以折伏魔外。實則正法不係乎此。如瀉山雲門。道滿天下。未聞以三世國王失通之故。而少貶其宗風。故綱目雖不削化跡。亦不滯化跡。

一宗教 教是佛語。宗是佛心。但愁心不作。佛不愁。佛不解。語然通宗不通教。開口便亂道。故是書以。

傳法正宗爲主而教尤不可不看

一淨土 佛開淨土一門實救世之良方亦參禪之捷徑達磨未來遠公始創蓮社教人一心念佛要其歸極與直指單傳毫髮無異近世雲棲宏師古佛再來儼然德山臨濟而不用棒喝單提念佛話頭可謂善學柳下惠不師其跡讀綱目者直須識得此意

一宗派 綱目號第三十一卷馬祖石頭會下有二道悟不可不辨一道悟嗣石頭東陽張氏子初參國一後謁石頭頤悟住荊州城東天皇寺弟子三人一慧真一文貫一幽閑協律卽符載撰碑一道悟嗣馬祖渚宮崔氏子初謁石頭不契次謁忠國師後謁馬祖言下大悟授記返荊門節使以天王眞寶造天王寺於府西供師弟子一人龍潭崇信荊南節度使丘玄素撰碑據此則龍潭嗣天王天王嗣馬祖無疑傳燈乃誤列於石頭法派而宋景濂護法後記亦因之何也況唐聞人歸登南嶽碑圭峰答裴相國宗趣權德輿馬祖塔銘皆以天王

嗣法馬祖而佛國白達觀頤呂夏卿張無盡亦皆著辨證傳燈之誤綱目查明一一改正

一辨訛 綱目號第三十四卷乾祐庚戌吳越王以誕辰飯僧王問永明今有眞僧降否曰長耳和尚乃定光佛應身也王趨駕參禮稱爲定光出世長耳但云永明饒舌遂踟趺而化令參號永明與長耳同嗣雪峰初住翠巖天福丁酉王請住龍冊卽所問之永明也顯德甲寅王始建永明寺請道潛居之宋建隆辛酉道潛化王乃請延壽住永明自辛酉邇至庚戌凡十有一年此時壽未出世永明寺亦未建安得謂王所問之永明乃延壽之永明哉佛書中如此類者頗多而遺漏處亦不少姑俟博雅詳訂再續

一序文 綱目卷首除自述願文及原疏外止錄宋景濂序傳法正宗記及護教編後記二首更不敢乞文名公以相粉飾

此書業已鐫成於癸酉乃甲戌秋思翁予告南還一見欣然願序洪傳典要遂爲此書冠冕佛祖綱目凡例終

佛祖綱目總次

全部綱目內所載雖西方聖人爲大千教主實  
遵東土帝王花甲編年紀號自序文起至末卷  
助贊姓氏止分列四十一卷共成十二策開後

第一策 董序 黃引 許跋 自序 凡例 末序

七佛偈 首卷至十八卷

第二策 十九卷至二十八卷

第三策 二十九卷至三十一卷

第四策 三十二卷

第五策 三十三卷

第六策 三十四卷

第七策 三十五卷

第八策 三十六卷

第九策 三十七卷之上

第十策 三十七卷之下

第十一策 三十八卷至三十九卷

第十二策 四十卷至四十一卷 自跋 善信

助贊數目

佛祖綱目總次終

佛祖綱目錄引

刻分燈錄既竣則諸善信夙生種子已蘇蘇發動矣  
然心空氏弘願深慈增進無已且其一生精力注之  
佛祖綱目一書蓋蒐輯全藏纂要鉤玄而用編年法  
詮次焉以迦文爲教主以西竺東土諸祖一花五葉  
爲正宗以經教義觀淨行神足爲旁翼泊宰官長者  
諸善知識靡不賅攝雖倣通載之例而盡刊七誤之  
短採摭參訂功兼勞倍洵可謂貝笈之巨筏法印之  
金鑑令學人薰習其中不待遍閱三乘十二分教而  
心知眼孔一時洞開如渴飲天漿如饑餐王膳又如  
東海狂且忽游衆香之國負茲孺子扶節百藥之肆  
其踴躍歡喜又詎可量哉卷凡四十而羈縻爲十二  
策將託重十二大法力人流通演化業有獨任之者  
不佞則謂末法凌夷盡大地人迷却向上一著與其  
獨爲君子寧若善與人同於是迺有分募之脫悉照  
徑山規式各刻姓名卷後庶幾財法二施一雨普潤  
卽半滿功德不且平等無二乎莫道心空居士特特  
漫天頌網打鳳羅龍也



崇禎五年壬申四月 佛示生日黃廷錫澹志甫題

傳法正宗記序

宋 濂

表大法之真傳起群生之正信宜莫如書然而真丹  
身毒相去絕遠梵言華言重譯或殊況屢遭滅斥之  
禍生乎其後者必菟羅墜逸偏觀會通然後能定是  
非之真諛聞之士苟獲窺其一偏遂執爲確然之論  
斯亦過矣嗚呼闢邪說之膠固伸正議於千載之下  
不有先覺學者將何所從哉昔者濂讀涅槃經及智  
度論頗知釋迦文佛以正法授迦葉世世相傳具有  
明證故自前魏支彊梁樓至洛邑譯續法傳自七佛  
至二十五祖婆舍斯多而止東晉佛跋跋陀羅至廬  
山所譯禪經自迦葉至二十八祖達摩多羅而止逮  
夫後魏之時崇道屏釋而沙門曇曜蒼黃逃竄單錄  
諸祖之名匿巖穴間僅及二十四祖師子尊者而止  
佛運重啓曇曜進爲僧統吉迦夜等遂因之爲付法  
藏傳其去前魏已一百九十餘年東晉亦六十二年  
矣東魏那連耶舍至魏復備譯西域諸所傳授事跡

其次第與禪經不差毫髮則全闕之分有不待辨而  
自明矣唐興曹溪大弘達磨之道傳布益盛義學者  
忌之而神清爲甚乃據法藏傳所列謂師子遭難絕  
嗣不傳猶以爲未足誣迦葉爲小智不足承佛心印  
指禪經實後來傳會難以取徵而好議論之徒紛紛  
而起矣宋明教大師契嵩讀而病之博采出三藏記  
泊諸家紀載釋迦爲表三十三祖爲傳持法一千三  
百四人爲分家略傳而旁出宗證繼焉名曰傳法正  
宗記復畫佛祖相承之像明其世系名曰定祖圖申  
述禪經及西域諸師爲證以關義學者之妄名曰正  
宗論共十二卷其衛道之嚴凜凜乎不可犯也濂竊  
聞之太平真君之七年魏太武用崔浩言宣告征鎮  
佛像胡書皆擊破焚燒當是時諸種經論多煨燼之  
末屋壁之深藏蓋至於久而後出以此觀之曇曜之  
流固未必能見禪經至於諸師之論義學者亦未必  
能盡聞之顧執一時單錄不全之文而相爲詬病猶  
將十指而掩日月之光一口而吸滄溟之水多見其  
不知量也大師之辨析夫豈得已者哉甫東祖杲禪

師以誠篤契道汲汲焉惟恐法輪不運合衆緣重刻以傳嗚呼書不流通與無書等大師固有功於宗乘而果公之爲則又有功於大師者也皆不可以不記因追序其作者之意於首簡云

## 釋氏護教編後記

宋 濂

西方聖人以一大事因緣出現於世自從鹿野苑中直至於跋提河演說苦空無我無量妙義隨機鈍利分爲頓漸無小無大盡皆攝入薩婆若海既滅度後其弟子阿難陀多聞總持有大智慧結集爲修多羅藏而諸尊者或後或先各闡化源優波離集四部律謂之毗尼金剛薩埵於毗盧遮那前親受瑜伽五部謂之秘密章句無著天親頻升知足天宮咨參慈氏相與造論發明大乘謂之唯識宗旨西竺龍勝以所得毗羅之法弘其經要謂之中觀論燉煌杜法順深入華嚴不思議境大宣立旨謂之華嚴法界觀毗尼之法魏嘉平初曇柯羅始持僧祇戒本至洛陽而曇無德曇諦等繼之立羯磨法唐南山澄照律師道宣作疏明之四分律遂大行是爲行事防非止惡之宗

薩埵以瑜伽授龍猛猛授龍智智授金剛智唐開元中智始來中國大建曼荼羅法事大智道氐大慧一行及不空三藏咸師尊之是爲瑜伽微妙秘密之宗唐貞觀三年三藏玄奘往西域諸國會戒賢於那蘭陀寺因受唯識宗旨以歸授慈恩窺基基乃網羅舊說廣制疏論是爲三乘法相顯理之宗梁陳之間北齊惠聞因讀中觀論悟旨遂遙禮龍勝爲師開空假中三觀止觀法門以法華宗旨授慧思思授天台國師智顗顗授灌頂頂授智威智威授惠威惠威授玄明明授湛然是爲四教法性觀行之宗隋末順以法界觀授智儼儼授賢首法藏至清涼大統國師澄觀追宗其學著華嚴疏論數百萬言圭峰宗密繼之而其化廣被西方是爲一念圓融具德之宗瑜伽久亡南山亦僅存其盛行於今者唯天台慈恩賢首而已此則世之所謂教者也世尊大法自迦葉二十八傳至菩提達摩達摩悲學佛者纏蔽於竹帛間乃弘教外別傳之旨不立文字而見性成佛達摩傳慧可傳僧璨璨傳道信信傳弘忍忍傳曹溪大鑑禪師惠

能而其法特盛能之二弟子懷讓行思皆深入其間。奧讓傳道一一之學江西宗之其傳爲懷海海傳希運運傳臨濟慧照大師義玄立三玄門策厲學徒是爲臨濟之宗海之旁出爲爲山大圓禪師靈祐祐傳仰山智通大師慧寂父唱子和微妙玄機不可湊泊是爲爲仰之宗思傳希遷遷之學湖南宗之其傳爲道悟悟傳崇信信傳宣鑑鑑傳義存存傳雲門門匡真大師文偃偃之氣宇如王三句之設如青天震雷聞者掩耳是爲雲門之宗玄沙師備偃之同門友也其傳爲桂琛琛傳法眼大師文益益雖依華嚴六相唱明宗旨迥然獨立不涉凡情是爲法眼之宗遷之旁出爲藥山惟嚴嚴以資鏡三昧五位顯三種滲漏傳曇晟晟傳洞山悟本大師良价价傳曹山元證大師本寂而復大震是爲曹洞之宗法眼再傳至延壽流入高句驪仰山三傳之芭蕉徹當石晉開運中遂亡弗繼雲門曹洞儘不絕如續唯臨濟一宗大用大機震盪無際若聖若凡無不宗仰此則世之所謂禪者也嗚呼教之與禪本無二門依教修行蓋不出於

六度梵行而禪定特居其一緣衆生根有不齊故先佛示化亦不免其異耳奈何後世各建門庭互相盾矛教則譏禪禪乎空寂禪則譏教泥乎名相籍籍紛紛莫克有定是果何爲者耶此則教禪異塗猶可說也自禪一宗言之佛大勝多與達摩同學禪觀達摩則遠契真宗勝多所見一差遂分爲有相無相定慧戒行無得寂靜六門非達摩關之安能至今廓如也慧能與神秀同受法於弘忍能則爲頓宗秀則別爲漸宗荆吳秦洛各行其教道一神會又同出於能者也道一則密受心印神會則復流於知解一去弗返而其末流若大珠明教慈受輩尙何以議爲哉自教一宗言之慈恩立三教天台則分四教賢首則又分五教龍妙各見漸圓互指終不能歸之一致可勝嘆哉此雖通名爲教各自立宗猶可說也自夫本教之內言之律學均以南山爲宗眞悟智圓律師允堪著會正記等文識者謂其超出六十家釋義之外何不可者至大智律師元照復別以法華開顯圓意作資持記又與會正之師殊指矣不特此也四明法智尊



者知禮孤山法慧大師智圓同祖天台同學心觀真妄之異。觀三諦之異。說既已抵牾之甚。雪川仁岳以禮之弟子。又操戈入室。略不相容。諫書辨謗之作。逮今猶使人凜然也。其他尙可以一二數之。哉。嗚呼。毗盧華藏圓滿廣大。徧河沙界。無欠無餘。非相而相。非緣而緣。非同而別。苟涉思惟。卽非聖諦。又何在分教與禪之異哉。又何在互相盾矛。業擅專門。說又何在操戈相攻。遽背其師說哉。雖然。適長安者。南北異塗。東西殊轍。及其所至。未嘗不同。要在善學者。慎夫所趨而已。比丘永壽嘗以閩僧一源所著護教編示予。自大迦葉至於近代諸師。皆有傳贊文辭。簡古誠奇作也。壽獨惜其不著教禪承傳同異之詳。請予爲記以補其闕。略予因以所聞疏之。如右文繁而不殺者。欲其事之著明。蓋不得不然也。

王忠文公禪叢錄中載佛學一篇。與此文同末一段。云佛之爲道本無二門。自去聖旣遠。源遠而流益分。於是師異指殊。各建戶庭。互相矛盾。禪則譏教爲滯於名相。教則譏禪爲溺於空寂。若律之爲

用。雖禪教所共持。而取舍各不同。至於爲教禪之學者。又各立異以取勝。一彼一此。不相出入。自教宗言之。慈恩立三教。天台則分四教。賢首則又爲五教。自禪宗言之。慧能與神秀同受法於弘忍。能則爲頓。宗秀則爲漸。宗道一神會同出於能道。一則密契心印。神會則復流於知解。其不同如此。至若天台教宗之一也。而四明知禮孤山智圓性善性惡之說。如氷炭之不相投。臨濟禪宗之一也。而以棒或以喝。至橫川珙則復以聲偈。其示人之道。要如柄鑿之不相合。支派乖錯。論說紛紜。殆不得而悉數也。忠文與文憲同里同門。故其問學之相合如此。

### 叙七佛

傳燈錄云。古佛應世。綿歷無窮。難以悉數。現在賢劫。有千如來。暨於釋迦。但紀七佛。案長阿含經云。七佛精進。力放光滅暗冥。各各坐樹下。於中成正覺。又曼殊室利爲七佛祖師。金華善慧大士登松山嶺行道。

感七佛引前維摩接後今之撰述斷自七佛而下

毗婆尸佛通云莊嚴劫第九百九十八尊

長阿含云人壽八萬歲時此佛出世種利利姓拘利若父盤頭母盤頭婆提居盤頭婆提城坐波波羅樹下說法三會度三十四萬八千人神足二一耆茶二提舍侍者無憂子方膺偈曰身從無相中受生猶如幻出諸形像幻人心識本來無罪福皆空無所住

尸棄佛莊嚴劫第九百九十九尊

長阿含云人壽七萬歲時出世種利利姓拘利若父明相母光耀居光相城坐芬陀利樹下說法三會度人二十五萬神足二一阿毗浮二婆婆侍者忍行子無量偈曰起諸善法本是幻造諸惡業亦是幻身如聚沫心如風幻出無根無實性

毗舍浮佛莊嚴劫第一千尊

長阿含云人壽一萬歲時出世種利利姓拘利若父善燈母稱戒居無踰城坐婆羅樹下說法二會度人一十三萬神足二一扶遊二鬱多摩侍者寂

滅子妙覺偈曰假借四大以爲身心本無生因境有前境若無心亦無罪福如幻起亦滅

拘留孫佛現在賢劫第一尊

長阿含云人壽四萬歲時出世種婆羅門姓迦棄父禮得母善技居安和城坐尸利沙樹下說法一會度人四萬神足二一薩尼二毗樓侍者善覺子上勝偈曰見身無實是佛身了心如幻是佛幻了得身心本性空斯人與佛何殊別

拘那含牟尼佛賢劫第二尊

長阿含云人壽三萬歲時出世種婆羅門姓迦棄父大德母善勝居清淨城坐烏暫婆羅門樹下說法一會度人三萬神足二一舒槃那二鬱多樓侍者安和子導師偈曰佛不見身知是佛若實有知則無佛智者能知罪性空坦然不怖於生死

迦棄佛賢劫第三尊

長阿含云人壽二萬歲時出世種婆羅門姓迦棄父梵德母財主居波羅奈城坐尼拘律樹下說法一會度人二萬神足二一提舍二婆羅婆侍者善

友子集軍。偈曰。一切衆生性清淨。從本無生無可滅。卽此身心是幻生。幻化之中無罪福。

釋迦牟尼佛賢劫第四尊

長阿含云。人壽一百歲時。出世本在一萬歲時。爲觀衆生無機可度。至百歲劫末。苦逼故出。乎世種刹利姓。瞿曇父淨飯母大淸淨。居舍衛城坐菩提樹下。說法一會。度人無數。神足二。一舍利弗。二目犍連。侍者阿難。子羅睺羅。偈曰。法本法無法。無法法亦法。今付無法時。法何曾法。

幻寄居士瞿汝稷曰。始予錄指月錄。七佛第書其偈。阿含化跡皆削焉。旣見世之人。能聞卽心卽佛者。率多撥無報化。乃悟昔人載此之妙密。蓋偈闡法身之極致。阿含示化跡之大略。可謂斷常俱遣。事理兩融者矣。傳燈成於道原。而裁定於楊大年。其旨不苟也。因具錄之。此錄稍錄神通亦以此。

佛祖綱目叙七佛卷終

佛祖綱目卷第一天字號

甲子周康王二年起己丑周昭王癸亥周昭王三十五年止

周姬姓起武王己卯止赧王乙巳三十七主合八百六十七年世尊乃第四主昭王二十六年示生故今斷自昭王甲寅起世尊生時此方江河泛漲泉井溢出大地震動有五色光貫太微宮王問群臣是何祥瑞太史蘇繇奏曰西方有聖人生王曰於此何如繇曰此時無他一千年後聲教被及王令刻石埋於南郊誌之云

甲寅釋迦牟尼佛示現受生

釋迦牟尼佛賢劫第四佛也然燈佛所爲善慧仙人嘗買蓮花供佛又見地濕脫衣布地解髮覆之佛記善慧汝過阿僧祇劫於五濁惡世當得成佛號釋迦牟尼○賢劫第三尊迦葉佛時爲護明菩薩命終往生兜率陀天爲諸天主說補處行亦於十方國土現種種身爲諸衆生隨宜說法乃至作佛期運將至卽觀今閻浮提諸衆生皆我初發心來所成熟者堪受

妙法餘國邊地皆不應生此世界迦毗羅國最爲處中往古諸佛出興皆生於此諸族種姓刹帝利第一瞿曇苗裔聖王之後淨飯王過去因緣具足清淨性行夫妻真正堪爲父母旣作此觀遂集諸天子告言我今不久捨此天宮生閻浮提出家學道成一切種智設大法會廣利人天汝等亦當同受法食諸天子歡喜踊躍各心念言菩薩不久當成正覺時菩薩乘六牙白象發兜率宮降神母胎淨飯王夫人摩耶於寤寐間見菩薩騰空來從右脇入影現於外如處琉璃觀見自身如日月照菩薩在胎晨朝爲色界諸天說法日中爲欲界諸天說法晡時爲諸鬼神說法夜三時亦復如是成熟無量衆生甲寅四月八日日出時摩耶手攀無憂樹枝菩薩從右脇出時樹下生七莖七寶蓮花菩薩墮蓮花上自行七步舉其右手而言天上天下惟我獨尊無量生死於今盡矣此生利益一切天人說是言已四天王接置寶几龍王吐清淨水灌太子身王以太子生時諸瑞吉祥遂名薩婆悉達此言頓吉時香山有一梵仙名阿私陀具足五通

能斷疑惑。以神通力騰空而來。相太子已忽然悲泣。

王驚問故。仙人答曰。太子具三十二相。年十九爲轉

輪聖王。若出家者。成一切種智。然王太子決定成一切

種智。轉無上法輪。我今年已百二十。不久命終。生

無想天。不親佛。與不聞經法。故自悲耳。太子生七日。

摩耶命終。生忉利天。王囑姨母波闍波提養育。太

子初生。口稱獨尊。言已便默。如諸嬰孩。七歲王令學

書。訪國中第一聰明婆羅門。名曰選友。爲太子師。婆

羅門授以梵書。佉留書。太子問閻浮提中有幾種書。

師默然。又問阿字何義。師又默然。即從座起。問曰。太

子初生時。自言天人之中。最尊最勝。此言不虛。惟願

爲說閻浮提凡有幾種。太子曰。閻浮提中。梵書。佉留

書。護衆書。疾堅書。龍鬼書。捷查和書。阿須倫書。鹿輪

書。天腹書。轉數書。轉眼書。觀空書。攝取書。具有天地

八部四洲鳥獸等音聲諸書。有如是等六十四種。又

阿字是梵音聲。此字義是不可壞。亦是無上真正之

道義。凡如此義。無量無邊。婆羅門曰。王太子是天人

第一之師。云何欲令我教耶。復令忍天教兵法。太子

自能通達。忍天反禮太子。

佛祖綱目卷第一

佛祖綱目卷第二地字號

甲子周昭王三十六年起 庚辰周穆王元年 癸亥周穆王十四年止

壬申釋迦牟尼佛示現出家

佛年十七王娶婆羅門女耶輸陀羅爲太子妃。復增

二妃。一名瞿夷。二名鹿野。太子雖有三妃。於靜夜中。

但修禪觀。一日白王游觀。初出東門。淨居天化作老

人。頭白背偃。拄杖羸步。太子乃念日月流邁。時變歲

移。老至如電。身安足恃。我雖富貴。豈獨免耶。云何世

人而不怖畏。復游南門。淨居天化作病人。兩人扶掖。

在於路側。太子又曰。如此身者。是大苦聚。云何世人

不知覺悟。王聞切責。諸臣有婆羅門子名優陀夷。聰

辯絕倫。王令與太子友。具說世間樂事。令其心動。太

子復出城西門。淨居天心念先現老病。舉衆皆見。令



王嗔責我。今現死。惟令太子及優陀夷見耳。卽化死。人四人。疊之。室家大小號哭。共送太子與優陀夷二人。獨見太子問此爲何人。優陀夷先受王敕。默然不答。如是三問。淨居天威神之力。不覺答言是死人也。何謂爲死。答曰。死者。刀風解形。神識去矣。四體諸根。無復所知。此人在世。貪著五欲。不識無常。一旦捨之而死。又爲父母親戚。愛念命終之後。恩情好惡不復相關。誠可哀也。問惟此人死。餘亦當然。答曰。一切世人。皆應如是。無有貴賤得免者。太子曰。世間乃復有此苦。云何於中而行放逸。又出北門到彼園所止息。樹下除去侍衛。端坐思惟。時淨居天化作比丘。法服持鉢。手執錫杖。視地徐行。太子前問。汝是何人。答曰。沙門。何謂沙門。答曰。三界兮擾擾。六趣兮昏昏。識心達本源。故名爲沙門。又曰。一切皆無常。惟我所修聖道。永得無爲。到解脫岸。言訖。騰空而去。太子喜曰。天人之中。惟此爲勝。我當決定修學。是道。太子年十九。自知出家時。至詣王言曰。父王恩愛集會。必有別離。惟願聽我出家學道。一切衆生愛別離苦。皆使解脫。

王流淚曰。汝今宜息此意。國未有嗣。而便委我。曾不懷顧。太子遂還。時有相師白王。太子今不出家。過七日。已必得轉輪王位。王卽往告太子。我聞阿私陀說。汝必不樂處世。惟願爲我生一子。然後不復相違。太子答曰。如勅。卽以左手指其妃腹。耶輸陀羅便覺有娠。二月七日。淨居天人白太子曰。無量劫來修行。今正成熟。太子曰。如汝等語。但內外嚴衛。欲去無從。諸天白言。我等自設方便。卽以神力悉令熟臥。至於後夜。諸天充滿虛空。同聲白言。今者正是出家時。太子往至車匿所。語之曰。汝爲我牽健陟來。健陟太子所乘馬名車匿。泣曰。後夜之中。欲何所之。太子曰。我今欲爲一切衆生降伏煩惱。汝不應違我。車匿號哭。欲令王官覺知。以天神力昏臥如故。於是諸天捧馬四足。并接車匿。帝釋執蓋。從北門出其門。無聲自開。太子又曰。我若不斷八苦。終不還宮。我若不得阿耨多羅三藐三菩提。不轉法輪。終不還與父王相見。我若不盡恩愛之情。終不還見波闍波提及耶輸陀羅。行至天曉。已三繇旬。諸天便沒。不現。太子至閑靜林。卽

便下馬撫健陟背而言。所難爲事。汝作已畢。又語車匿。世人富貴。競隨奉事。我捨國來。惟汝一人。獨能隨我。甚爲希有。我今旣至。汝與健陟。俱可還宮。車匿悲不自勝。健陟屈膝。祇足淚落如雨。太子卽就車。匿取七寶劍。自剃鬚髮。而發願言。願共一切。斷除煩惱。及諸習障。淨居天。又化獵師。身服袈裟。太子喜曰。汝所著衣。是寂靜服。我今以此寶衣。與汝貿易。吾服此衣。爲欲攝救一切衆生。斷其煩惱。答言。善哉。遂脫寶衣。貿之太子。前行車匿。卽還太子入檀特山修道。始於阿羅邏迦藍處。三年復至鬱頭藍弗處。三年又至象頭山。於尼連河側靜坐思惟。宜六年苦行。以度衆生。天獻麻米。淨心守戒。或日一食。或七日一食。不避風雨。不起經行。鵲巢糞污。亦不棄去。

癸未釋迦牟尼佛示現成道

佛示六年苦行。自念非正解脫。我當受食而後成佛。卽沐浴於尼連河。天爲偃樹。挽之而出。時彼林外有二牧牛女。一名難陀。二名波羅。見地中生千葉蓮花。上有乳糜。取奉菩薩。卽便受食。復念過去諸佛。以草

爲座。成無上道。帝釋因化凡人。執淨軟草。菩薩問汝何名。答名吉祥。菩薩喜曰。我破不吉。以成吉祥。卽便受草。向菩提樹下。而取正覺。菩薩坐闍浮樹下。四十八日。觀察思惟。眉間白毫光。蔽魔宮。魔王波旬。恐懼召會諸魔。及道未成。當往亂之。長子商主。泣諫不聽。乃率衆作難。悉現可怖。可欲諸境。時菩薩身心寂然。不動。以指按地。地大震。魔聞怖懼。還歸本宮。乃於癸未二月七日之夕。入正三昧。二月八日明星出時。廓然大悟。成正等覺。嘆曰。奇哉。一切衆生。具有如來智慧德相。但以妄想執著。不能證得。

○釋迦牟尼佛示現說法

佛自二月八日成道。九日至二十九日。爲寂場。智入三世。悉皆平等。其身充滿一切世間。其音普順十方。國土有無量無邊。法身大士。普賢文殊。觀音彌勒等。及宿世根熟。天龍八部。一時圍繞。如雲籠月。爾時世尊現毗盧遮那身。說大方廣佛華嚴經。三七日。滿二月三十日。從菩提場。座起。詣波羅柰國。行至阿闍波羅水側。日暮止宿。入定。風雨大至。有大龍王。名目真

隣陀以其大身七重圍繞龍有七頭羅覆佛上以爲障蔽至三月六日四七日滿雨止出定龍王化作年少婆羅門稽首問訊受三歸五戒諸旁生中最先見佛三月七日受提謂長者食三月八日至鹿野苑初世尊成道觀樹思惟一切衆生處五濁世三毒所覆薄福鈍根無有智慧云何能解我所得法今我若轉法輪彼必不信生誹謗心當墮惡道受無量苦我寧不說入於涅槃時大梵天王心懷憂惱衆生長夜沉沒生死今當往請轉大法輪欲界六天亦同勸請世尊默然受之遂以五時設教第一華嚴時第二鹿苑時第三方等時第四般若時第五法華涅槃時○世尊至鹿野苑憍陳如摩訶那摩跋波阿捨婆闍跋陀羅闍五人見佛心大歡喜求佛出家佛爲說法成阿羅漢於是世間始有三寶如來是佛寶四諦是法寶阿羅漢是僧寶○有長者子名曰耶舍中夜睡覺見諸妓女不淨生厭離心於不淨中生淨想忽見空中光明尋光而去趣鹿野苑佛爲說法成阿羅漢天明耶舍父爲尋子故跡至佛所佛受三歸爲最初優婆

塞又耶舍朋類五十人共詣佛所俱成沙門○迦毗羅國有婆羅門子名富樓那具解韋陀等論與佛同日生本性厭離世間見佛出家即與朋友三十人往雪山專心學道獲四禪五通以天眼遙見世尊在鹿野苑說法遂共三十人來到佛所求佛度脫說法人中最爲第一○南天竺有婆羅門姓大迦旃延第二子名那羅陀其父令習韋陀諸論不久通解長兄忌之欲害其命父令往阿私陀仙人處洞解諸論得四禪五通仙人命終那羅陀貪世利養不信三寶有伊羅鉢龍王商佉龍王爲夜叉金齊言彼城先有一偈云在於何自在染著名爲染彼云何清淨云何得癡名癡人何故迷云何名智人何會別離已名曰盡因緣龍王至那羅陀仙所問此偈義不能解了那羅陀乃詣佛佛爲開解說種種法生大歡喜遂求出家因其種族本姓名大迦旃延論議第一○摩竭提國有優樓頻螺迦葉兄弟三人學古仙道王臣歸信佛詣彼住處現諸神通種種調伏先度優樓頻螺迦葉及五百弟子又度那提迦葉迦闍迦葉各有二百五十



弟子俱證阿羅漢有一姊妹螺髻梵志名優波斯那在阿修羅山共二百五十弟子修學仙道亦投佛出家成阿羅漢王舍城頻婆娑羅王見三迦葉爲佛弟子嘆曰嗚呼如來有大神力智慧深遠不可思議乃能伏如此之人以爲弟子佛爲說法得法眼淨王勅諸臣於竹園起諸堂舍請佛及僧住彼竹園諸王見佛頻婆娑羅爲首諸僧伽藍竹園爲始○王舍城有二婆羅門具大智慧一名舍利弗一名目犍連各有一百弟子往詣竹園佛爲說法成阿羅漢舍利弗智慧第一目犍連神通第一○摩竭提國有婆羅門名曰迦葉具大智慧誦四韋陀論日夜勤求無上道法旋復出家修杜多行會空中有神告曰佛已出世請往師之迦葉便趣竹園佛知其將來躬自往迎到多子塔前相逢迦葉合掌言曰世尊實是一切種智實是慈悲濟衆生實是一切所歸依卽五體投地而白佛言世尊是我大師我是弟子如是三說佛言如是迦葉我是汝師汝我弟子若人實非一切種智而欲受汝爲弟子者頭裂爲七分復爲說法成阿羅漢以

此迦葉有大威德天人所重故名大迦葉○淨飯王聞佛得道已經六年思欲一見令梵志優陀夷請佛還國優陀夷見佛爲諸天釋梵歸化亦願爲沙門佛爲說法得羅漢道卽遣優陀夷先現神變發起道心於是神足飛行經遊虛空往到本國現十八變報言却後七日佛當來降王出四十里迎佛見佛大喜選宗族五百人爲沙門侍佛左右斛飯王二子一名摩訶男一名阿那律摩訶男言諸釋多出家而我一門獨無當一人營家一人出家那律以家事煩碎遂與釋種跋提各白其母懇求出家過七日釋子等八人出迦毗羅城脫其寶衣象馬付所使優波離令還優波離思惟人身難得佛法難值諸尊貴者皆棄世榮我身卑賤何所食樂卽以寶衣等懸著樹上遂便共至佛所白言我父母已許願聽出家乞先度優波離以除我等憍慢心故於是世尊先度優波離次度那律等○世尊從弟阿難以成道日生故名阿難此云歡喜舉國欣慶又名慶喜八歲出家弟子中多聞第一年三十一佛命給侍左右阿難言願如來與我三願一

者不受如來故衣。二者不隨如來受別請三者聽我。出入無時。佛言善哉。具足智慧。預見譏嫌。何以故。若有人言。汝爲衣食奉給如來。是故不受故衣。不隨別請。出入有時。則不能廣利諸部。故求出入無時。我爲阿難開是三事。○佛子。羅睺羅年已九歲。佛遣目連往迦毗羅城。白父及耶輸陀羅。放羅睺羅出家。修習聖道。目連受命到彼。以種種方便。曉諭耶輸。耶輸不聽。時佛起化人空中告言。耶輸陀羅。汝煩惱憶念。往古世時。誓願事不我當爾時。爲菩薩道。以五百銀錢。從汝買得五莖蓮花。上定光佛。時汝求我。世世所生。共爲夫妻。我不欲受。卽語汝言。我爲菩薩。累劫行願。一切布施。不逆人意。汝能爾者。聽爲我妻。汝立誓言。世世所生國城妻子。及與我身。隨君施與。誓無悔心。而今何故。愛惜羅睺。不令出家。學聖道也。耶輸聞已。霍然還識宿業。因緣事。事明了。知昨所見愛子之情。自然消歇。時淨飯王。卽集國中豪族。各遣一子。有五十人。隨從出家。佛使阿難剃頭。舍利弗爲其和尚。目連爲阿闍梨。授十戒法。便爲沙彌。○舍衛國王波斯匿有一

大臣名須達。多家巨富。賑貧乏。時號孤給獨。因欲爲兒娶婦。躬往王舍城中。大臣護彌家。旣到已。見其家內大張供具。須達多問。故答言。請佛及僧。問云。何名佛。云。何名僧。護彌具告。所以須達多聞之。毛髮俱竦。尋到佛所。見佛相好。過於護彌所說。心大歡喜。佛爲說法。成須陀洹。須達多願起精舍。請佛降舍衛國。度彼衆生。佛許之。辭佛還家。佛命舍利弗與俱。至舍衛國。案行諸地。惟王太子祇陀有園。正得處。所須達多乃白太子。太子不肯。須達多慙。再三太子曰。若能以黃金布地。令無空者。便當相與。答曰。諾。乃使人象負黃金八十頃。中須臾。欲滿。略欠少地。太子念言。佛必大德。能使斯人輕寶。乃爾。遂令止。勿更出金園地。屬卿樹木。屬我共立精舍。須達多共舍利弗經地。已竟。起立精舍。啓知國王。請佛及僧。佛言。須達買園樹木。祇陀所有。可名祇樹給孤獨園。○佛再還迦毗羅衛國。王問云。何修行。當得諸佛之道。佛言。一切衆生。皆卽是佛。父王當念。西方世界阿彌陀佛。常勤精進。當得佛道。王言。一切衆生云。何是佛。佛言。一切法無

生無動搖。無取捨。無相貌。無自生。王當於此佛法中。安住其心。勿信於他。王與七萬釋。種聞說是法。信解歡喜。悟無生忍。○初佛還國。頃母大愛道即波闍波提。白佛出家。三請不許。及佛再還國。如前重請。佛亦不許。佛既出國。大愛道與諸老母等。追佛頓止河上。復求出家。又亦不許。退住門外。歎歎而啼。阿難自外回問。故答曰。我以女人。故不得出家。自悲傷耳。阿難乃白佛。大愛道以至心。欲受法律。願佛聽之。佛言止止。若聽女人出家者。令正法不得久住。阿難復曰。過去諸佛。具四部衆。如來獨不具耶。佛言。若大愛道修八敬法。盡壽行之。可入法律。阿難出告大愛道。便受大戒。爲比丘尼。遂得應真。○樓至菩薩。請立戒壇。爲比丘結戒受戒。於是創立三壇。佛院門東名佛爲比丘結戒壇。佛院門西佛爲比丘尼結戒壇。外院東門南置僧爲比丘受戒壇。戒壇從地而立。三重爲相。以表三空。爲入佛法初門。時天帝施以覆釜。置於壇上。大梵王施無價寶珠。置覆釜上。供養舍利。是爲五重表立分法身壇。時十方諸佛。無量菩薩。天龍八部。悉皆雲

集諸佛。登之共議。結戒輕重。持犯等相。及度尼滅正法。相諸佛通議曰。古有四部。今何獨無。初雖正法滅。半今尼行八敬。還住千年。故比二壇。惟佛所登。共量佛事。外院戒壇。乃僧爲四衆受戒壇也。

佛祖綱目卷第二

佛祖綱目卷第三五字號

甲子周穆王四十五年乙亥共王元年丁亥懿王元年壬子孝王元年癸亥周孝王十二年止

佛滅時。此方暴風。忽起。損舍折樹。地動木陰。西方有白虹十二道。南北通貫。連夜不滅。穆王怪問群臣。太史區多對曰。西方聖人入滅之相耳。  
辛未釋迦牟尼佛傳法大迦葉

佛說法華經。凡二處三會。始在靈山。次升虛空。後復還靈山。有大梵王。以金色波羅花獻佛。請佛說法。世尊登座。拈花示衆。人天百萬。悉皆罔措。獨有迦葉。破

頤微笑。世尊曰。我有正法眼藏。涅槃妙心。實相無相。微妙法門。付囑與汝。汝當護持。流通。毋令斷絕。聽吾偈曰。法本法無法。無法法亦法。今付無法時。佛法何曾法。說偈已。復告迦葉。吾將金縷僧伽梨衣。傳付與汝。轉授補處慈氏。勿令朽壞。并敕阿難。副貳傳化。迦葉禮足。白佛言。善哉善哉。我當依勅。恭順佛故。

王釋迦牟尼佛示現涅槃

辛未十一月。既望。佛念四衆懈怠。不將侍者。如屈伸臂頃。獨至忉利天。歡喜園。三月安居。佛告文殊。汝詣母所。道我在此。摩耶既至。佛言。身所經歷。與苦樂俱。當修涅槃。永離苦樂。摩耶聞法。得須陀洹果。是時人間久不見佛。優填王等。至阿難所。問佛所在。阿難報曰。我亦不知。時優填王。渴仰如來。遂勸奇巧工匠。作如來形像。毗首羯磨。天化身爲匠。不日而成。三月。將盡。佛令鳩摩羅告閻浮提。如來將下。欲入涅槃。於是佛化寶階。從天而下。優填王載像來迎。爲佛作禮。佛三喚三應。乃云。無爲眞佛。實在我身。又語像言。汝於來世。大作佛事。○佛姨母大愛道。將欲滅度。告衆曰。

吾不忍見世尊泥洹。遂與五百比丘。尼白佛。佛默可之。大愛道便還精舍。各現神足。同時滅度。○舍利弗目犍連。不忍見佛泥洹。遂先入滅。七萬阿羅漢。亦同時入滅。四衆惶亂。佛以神力。化二弟子。在佛左右。四衆稍定。○壬申二月十五日。佛在拘尸那城。力士生地。跋提河邊。娑羅雙樹間。臨涅槃時。說涅槃經。告大衆言。我以甚深般若。遍觀三界。根本性離。畢竟寂滅。同虛空相。一無所有。法相如是。其知是者。名出世人。是事不知。名生死始。時諸比丘。勸請如來。惟願久住。不入涅槃。佛言。汝等不應作如是語。我今所有無上正法。悉已付囑摩訶迦葉。是迦葉者。當爲汝等作大依止。猶如如來。復告文殊。阿難。給侍我來二十餘年。聞法受持。如渴水置器。我今欲令受持。是涅槃經。爲諸魔所惱。汝可持是大陀羅尼。救護阿難。文殊受已。至阿難所。魔王聞呪。卽放阿難。歸至佛所。佛於是三入禪定。三出三告。乃云。以是因緣。我今安住。常寂滅光。名大涅槃。乃於寶床右脇而臥。於其中夜。寂然無聲。便般涅槃。迦葉遠來奔訃。金棺自開。卽現雙足出。

於城外衆體足已。還自入棺。爾時棺從座舉高七多。羅樹往還空中。化火三珠。須臾灰生。得舍利八斛。四斗。諸王爭取。有婆羅門以石瓶塗蜜。即共三分一分。諸天一分。龍王一分。八國。○天上四塔。切利城東。照明園。佛髮塔。城南。羅漢園。佛衣塔。城西。歡喜園。佛鉢塔。城北。駕御園。佛牙塔。人中四塔。生處塔。在迦毗羅衛國林數園中。成道塔。在摩竭提國元吉樹下。轉法輪塔。在波羅奈國鹿野苑中。涅槃塔。在拘夷那竭國力士生地。秀林雙樹間。

### ○阿難尊者結集三藏

佛滅度後。諸天王等。請迦葉言。法城欲頽。法幢欲倒。當以大悲建立佛法。迦葉受請。往須彌頂。擊大鍵槌。諸聖弟子。得神通者。皆來集會。迦葉告言。佛法欲滅。衆生可惡。待結集竟。隨汝入滅。諸來聖衆。受教而住。畢鉢羅窟。迦葉以天眼觀。惟有阿難煩惱未盡。遂於大衆中。牽出阿難。言汝結未盡。不應住此。阿難悲泣。告迦葉言。我能有力。久可得道。但爲侍佛。以阿羅漢者。不能給侍。故留殘結不盡。斷爾迦葉復告阿難。汝

有六種罪。應於僧中悔過。是時阿難畏跪合掌。依六種罪。發悔。悔已。迦葉率阿難出。語言。汝罪盡可來。言訖。身閉窟門。阿難涕淚悲泣。求斷結惑。難不精誠。至於後夜。疲極。偃息。頭未至枕。朗然得悟。三明六通。作大阿羅漢。却至窟擊門。曰。我罪已盡。迦葉言。汝若漏盡。可縱神通。通於戶。論孔中。入阿難。騰身入來。禮拜僧足。迦葉手摩阿難頂。而告之言。我欲爲汝。令汝得道。汝勿嫌慢。時大衆請阿難陞座。結集法藏。阿難既陞座。已。未發言。間感得自身相好。如佛。是時大衆疑佛重起。或疑他方佛來。或疑阿難成佛。及發聲唱言。如是我聞。一時佛住某處。與某衆俱。三疑俱遣。

### ○釋迦牟尼佛機緣

世尊初生時。一手指天。一手指地。周行七步。目顧四方。曰。天上天下。惟我獨尊。○世尊一日陞座。大衆集定。文殊白。惟曰。諦觀法王法。法王法如是。世尊便下座。○世尊一日陞座。默然而坐。阿難白。惟曰。請世尊說法。世尊云。會中有一比丘。犯律行。故我不說法。阿難以他心通觀。是比丘遂乃遣出世尊。還復默然。阿



難又白。適來爲二比丘犯律。是二比丘已遣出世尊。何不說法。世尊云。吾誓不爲二乘聲聞人說法。便下座。○世尊一日陞座。迦葉白。惟曰。世尊說法竟。便下座。○世尊示隨色摩尼珠。問五万天王。此珠作何色。時五万天王互說異色。世尊藏珠。復擡手曰。此珠作何色。天王曰。佛手中無珠。何處有色。世尊曰。汝何迷倒之甚。吾將世珠示之。便強說有青黃赤白。色。吾將眞珠示之。便總不知。時五万天王悉自悟道。○世尊因黑氏梵志獻合歡梧桐花。佛召仙人放下。著梵志放下。左手一株花。佛又召仙人放下。著梵志又放下。右手一株花。佛又召仙人放下。著梵志曰。吾今兩手俱空。更教放下箇甚麼。佛曰。吾非教汝放捨其花。汝當放捨外六塵內六根中六識。一時捨却。無可捨處。是汝放身命處。梵志於言下悟。無生忍。○世尊因普眼菩薩欲見普賢。不可得見。乃至三度入定。偏觀三千大千世界。覓普賢不可得見。而來白。佛曰。汝但靜三昧中起一念。便見普賢。於是普眼纔起一念。便見普賢。向空中乘六牙白象。○五通仙人問世尊有

六通。我有五通。如何是那一通。佛召五通仙人。仙人應諾。佛曰。那一通你問我。○世尊一日勅阿難。食時將至。汝當入城持鉢。阿難應諾。世尊曰。汝既持鉢。須依過去七佛儀式。阿難便問。如何是七佛儀式。世尊召阿難。阿難應諾。世尊曰。持鉢去。○世尊因此丘問我於世尊法中。見處即有。證處未是。世尊當何所示。世尊曰。比丘某甲。當何所示。是汝此問。○世尊因耆婆善別音響。至一塚間。見五髑髏。乃敲一髑髏。問耆婆。此生何處。曰。此生人道。又敲一曰。此生何處。曰。此生天道。又別敲一問耆婆。此生何處。耆婆罔知。生處。○世尊因七賢女遊尸陀林。一女指屍曰。尸在這裏。人在甚麼處去。一女曰。作麼作麼。諸姊諦觀。各各契悟。感帝釋散花。曰。惟願聖姊有何所須。我當終身供給。女曰。我家四事。七珍悉具。足惟要三般物。一要無根樹子。一株。二要無陰陽地。一片。三要叫不響山谷。一所。帝釋曰。一切所須。我悉有之。若三般物。我實無有。女曰。汝若無此。爭解濟人。帝釋罔措。遂同往白。佛曰。憍尸迦。我諸弟子。大阿羅漢。不解此義。惟有諸大

菩薩乃解此義。○世尊因地布髮掩泥。獻花於然燈佛。然燈見布髮處。遂約退衆。乃指地曰。此一方地。宜建一梵剎。時衆中有一賢于長者。持標於指處。插曰。建梵剎竟。時諸天散花相讚。○世尊嘗與阿難行次。見一古佛塔。世尊便作禮。阿難曰。此是甚麼人塔。世尊曰。過去諸佛塔。阿難曰。過去諸佛是甚麼人弟子。世尊曰。是吾弟子。阿難曰。應當如是。○世尊因自恣。曰。文殊三處過夏。迦葉欲白椎擯出。纔拈椎。乃見百千萬億文殊。迦葉盡其神力。椎不能舉。世尊遂問迦葉。汝擬擯那箇文殊。迦葉無對。○城東有一老母。與佛同生。不欲見佛。每見佛來。即便迴避。雖然如此。回顧東西。總皆是佛。遂以手掩面。乃至十指掌中。總皆是佛。○世尊因文殊至諸佛集處。值諸佛各還本處。惟有一女人。近於佛座。而入三昧。文殊乃白佛云。何此人得近佛。而我不得。佛告文殊。汝但覺此女。令從三昧起。汝自問之。文殊繞女人三匝。鳴指一下。乃托至梵天。盡其神力。而不能出世尊曰。假使百千萬文殊。亦出此女人定。不得下。方過四十二恒河沙國土。有

闍明菩薩。能出此女人定。須臾闍明大士。從地湧出。作禮世尊。世尊勅闍明出。闍明却至女子前。鳴指一下。女子於是從定而出。○殃崛摩羅。因持鉢至一長者門。其家婦人。正值產難。長者曰。瞿曇弟子。汝爲主。聖當有何法。能免產難。殃崛語長者曰。我乍入道。不知此法。待我回問世尊。却來相報。及返具事。白佛。佛告殃崛。汝速去報言。我從賢聖法來。未曾殺生。殃崛奉佛語。疾往告之。其婦得聞當時分娩。○世尊一日。因文殊在門外立。乃曰。文殊。文殊何不入門。來文殊曰。我不見一法在門外。何以教我入門。○無邊身菩薩。將竹杖量世尊頂。丈六了。又丈六量到梵天。不見世尊頂。乃擲下竹杖。合掌說偈云。虛空無有邊。佛功德亦然。若有能量者。窮劫不可盡。○世尊因乾闥婆王獻樂。其時山河大地。皆作琴聲。迦葉起作舞王。問迦葉。豈不是阿羅漢。諸漏已盡。何更有餘習。佛曰。實無餘習。莫謗法也。王又撫琴三遍。迦葉亦三度作舞。王曰。迦葉作舞。豈不是習。佛曰。實不曾作舞。王曰。世尊何得妄語。佛曰。不妄語。汝撫琴山河大地。木

石盡作琴聲。豈不是王曰是佛。曰迦葉亦復如是。所以實不曾作舞王。乃信受。○世尊在第六天說大集經。勅他方此土人間天上一切憐惡鬼神悉皆輯會。受佛付囑。擁護正法。設有不起者。四天門王飛熱鐵輪追之。令集。既集會已。無有不順佛勅者。各發弘誓。擁護正法。惟有一魔王。謂世尊曰。瞿曇。我待一切衆生成佛。盡衆生界空。無有衆生名字。我乃發菩提心。○世尊因調達誘佛。生身入地獄。遂令阿難問你在地獄中安否。曰。我雖在地獄。如三禪天樂。佛又令問。你還求出否。曰。我待世尊來。便出。阿難曰。佛是三界導師。豈有入地獄分。調達曰。佛既無入地獄分。我豈有出地獄分。○世尊因文殊忽起法見。佛見被世尊威神攝向二鐵圍山。○世尊因靈山會上五千比丘得四禪定。具五神通。未得法忍。以宿命智通。各自見殺父母及諸重罪。於自心內各各懷疑。於甚深法不能證入。於是文殊承佛神力。遂手握利劍。持逼如來。世尊乃謂文殊曰。住住。不應作逆。勿得害吾。吾必被害。爲善被害。文殊師利。爾從本已來。無有我人。

但以內心見有我人。內心起時。我必被害。卽名爲害。於是五百比丘自悟本心。如夢如幻。於夢幻中。無有我人。乃至能生所生。父母於是五百比丘同讚嘆曰。文殊大智士。深達法源底。自手握利劍。持逼如來身。如劍佛亦爾。一相無有二。無相無所生。是中云何殺。○世尊因外道問不問有言不問無言。世尊良久外道嘆曰。世尊大慈大悲。開我迷雲。令我得入作禮而去。阿難白。佛外道得何道理稱讚而去。世尊曰。如世良馬見鞭影而行。○世尊因波斯匿王問勝義諦。中有世俗諦否。若言無。智不應。二若言有。智不應。一二之義。其義云何。佛言。大王。汝於過去龍光佛時。曾問此義。我今無說。汝今無聽。無說無聽。是爲一義。二義。○世尊因外道問。昨日說何法。世尊曰。說定法。外道曰。今日說何法。曰。不定法。外道曰。昨日說定法。今日何說不定法。世尊曰。昨日定。今日不定。○世尊因有異學問諸法是常耶。世尊不對。又問諸法是无常耶。世尊亦不對。異學曰。世尊具一切智。何不對我世尊曰。汝之所問。皆爲戲論。○世尊嘗在尼俱律樹下。



坐次因二商人問世尊還見車過否。曰不見。還問否。曰不聞。莫禪定否。曰不禪定。莫睡眠否。曰不睡眠。商人乃嘆曰。善哉善哉。世尊乃覺而不見。○世尊因長爪梵志索論義預約曰。我義若璽。當斬首以謝世尊。曰。汝義以何爲宗。志曰。我一切不受爲宗。世尊曰。是見受否。志拂袖而去。行至中路有省。乃嘆曰。我義兩處負墮。是見若受。負門處。是見不受。負門處。細一切人。天二乘不知我義。墮處。惟有世尊。諸大菩薩。知我義。墮。同至世尊前。曰。我義兩處負墮。故當斬首。以謝世尊。曰。我法中無如是事。汝當回心向道。於是同五百徒衆。一時投佛出家。設阿羅漢。○世尊一日坐次。見二人昇猪過。乃問。這箇是甚麼。曰。佛具一切智。猪子也不識世尊。曰。也須問過。○世尊臨入涅槃。文殊大士請佛再轉法輪。世尊咄曰。文殊。吾四十九年住世。未曾說一字。汝請吾再轉法輪。是吾曾轉法輪耶。○世尊於涅槃會上。以手摩胸告衆曰。汝等善觀吾紫磨金色之身。瞻仰取足。勿令後悔。若謂吾滅度。非吾弟子。若謂吾不滅度。亦非吾弟子。○世尊至

拘尸那城。告諸大衆。吾今背痛。欲入涅槃。即往娑羅雙樹下。泊然示寂。復從棺起。爲母說法。并說無常偈。曰。諸行無常。是生滅法。生滅滅已。寂滅爲樂。時諸弟子。即以香薪。燒茶毗之。盛後金棺。如放大衆。即於佛前。以偈讚曰。凡俗諸靈。曠何能致火。焚請尊三昧火。闍維金色身。時金棺從座而舉。高七多羅樹。往返空中。化火三昧。須臾。所生得舍利八斛四斗。

### ○諸菩薩羅漢機緣

文殊菩薩一日令善財探藥。曰。不是藥者。探將來。善財遍觀大地。無不是藥。却來白曰。無不是藥者。殊曰。是藥者。探將來。善財遂於地上拈一莖草。度與文殊。殊接得。示衆曰。此藥亦能殺人。亦能活人。○文殊問菴提遮女曰。生以何爲義。女曰。生以不生生爲生。義曰。如何是生。以不生生爲生。義女曰。若能明知地水火風四緣。未嘗自得有所和合。而能隨其所宜。是爲生。義曰。死以何爲義。女曰。死以不死死爲死。義曰。如何是死。以不死死爲死。義女曰。若能明知地水火風四緣。未嘗自得有所離散。而能隨其所宜。是爲死。義

○菴提遮女問文殊曰。明知生是不生之理。爲何却被生死之所流轉。殊曰。其力未充。○文殊嘗謂善住意。天子曰。汝今若能違背諸佛毀謗法僧。吾即將同汝如是梵行。天子曰。大士。今何故復如是。語殊曰。天子如汝意者。以何爲佛。天子曰。如如法界。我言是佛。殊曰。天子於汝意云何。如如法界可染著乎。曰。弗也。殊曰。以是義故。我如是說。汝今若能背毀佛法僧。吾將同汝如是梵行。○善住天子曰。文殊可共俱往。如來之所咨受。未聞亦同。此時如法問難。殊曰。爾莫分別取著。如來天子曰。如來今在何所。令我莫著。殊曰。祇在目前。天子曰。若如是者。我何不見。殊曰。爾若一切不見。是名眞見。如來天子曰。若見在前。云何戒我。莫取著。如來殊曰。爾今見前。何有天子。曰。有虚空界。殊曰。如來者。虚空界是。故虚空界者。卽是如來。此中無有一物可分別者。○維摩會上三十二菩薩各說不二法門。文殊曰。我於一切法。無言無說。無示無識。離諸問答。是爲菩薩入不二法門。於是文殊又問維摩。仁者當說何等是菩薩入不二法門。維摩默然。文

殊讚曰。乃至無有語言文字。是菩薩眞入不二法門。○善財參五十三員善知識。末後到彌勒閣。前見樓閣門閉。瞻仰讚歎。見彌勒從別處來。善財作禮曰。願樓閣門開。令我得入。彌勒尋至。善財前。彈指一聲。樓閣門開。善財已入。閣門卽閉。見百千萬億樓閣。一一樓閣有一彌勒。領諸眷屬。并一善財而立其前。○須菩提尊者在巖中宴坐。諸天雨花讚嘆者。曰。空中雨花讚嘆。復是何人。云何讚嘆。天曰。我是梵天敬重尊者。善說般若者。曰。我於般若。未嘗說一字。云何讚嘆。天曰。如是尊者。無說我。乃無聞。無說無聞。是真說般若。○須菩提。一日說法。次帝釋雨花。提問此花從天得耶。從地得耶。從人得耶。釋曰。弗也。提曰。從何得耶。釋乃舉手提曰。如是如是。○無厭足王入大寂定。乃勅有情無情。皆順於王。若有一物不順於王。卽入大寂定不得。○舍利弗。因入城遙見月上女出城。舍利弗心口思惟。此姊見佛。否知得忍不得忍否。我當問之。纔近便問。大姊往甚麼處去。女曰。如舍利弗與麼去。弗曰。我方入城。汝方出城。何言如我。怎麼去。女曰。

諸佛弟子當依何住。佛曰：諸佛弟子依大涅槃而住。女曰：諸佛弟子既依大涅槃而住，我亦如舍利弗與麼去。○舍利弗問：須菩提，夢中說六波羅蜜與覺時，司異提曰：此義深遠，吾不能說。會中有彌勒大士，汝往彼問。舍利弗問彌勒，彌勒曰：誰是彌勒？誰名彌勒。○舍利弗問天女曰：何以不轉女身？女曰：我從十二年來求女人相，了不可得。當何所轉？即時天女以神通力變舍利弗，令如天女。女自化身如舍利弗，乃問：言何以不轉女身？舍利弗以天女像而答言：我今不知云何轉面而變為女身。○鶡鵠魔羅尊者未出家時，外道受教為鬻尸迦，欲登王位，用千人拇指為花冠，已得九百九十九，惟欠一指，遂欲殺母取指。時佛在靈山，以天眼觀之，乃作沙門在鶡鵠前，鶡鵠遂釋母，欲殺佛。佛徐行，鶡鵠急行，追之不及，乃喚曰：瞿曇，住！住！佛告曰：我住久矣，是汝不住。鶡鵠聞之心忽開悟，遂棄刀投佛出家。○障蔽魔王領諸眷屬一千年，隨金剛齊菩薩覓起處，不得。忽一日得見，乃問曰：汝當依何而住？我一千年覓汝起處，不得。齊曰：我不依

有住而住，不依無住而住，如是而住。○那叱太子析骨還父，析肉還母，然後現本身，運大神力為父母說法。○黃額屠兒於涅槃會上放下屠刀，立地成佛。自云是賢劫千佛一數。

丙初祖大迦葉傳法阿難

摩訶迦葉，摩竭陀國人，姓婆羅門，父號飲澤，母號香至。過去世為鍛金師，善明金性，使其柔伏，嘗於久遠劫中毗婆尸佛入涅槃後，四眾起塔，塔中像面上金色有少缺壞，時有貧女將金珠往金師所請飾佛面，既而因共發願，願我二人世世為無姻夫妻。緣是因緣，九十一劫身皆金色，及此世與紫金光尼復為夫婦。梵語迦葉，波此云飲光，勝尊，蓋以金色為號。然夫婦皆清淨自居，無世間想，旋復出家，冀度諸有佛於眾中稱嘆第一。後因拈花因緣付法，有外道問：如何是我？我迦葉曰：覓我者是汝。我外道曰：這箇是我。我師我何在？迦葉曰：汝問我覓，一日踏泥次，有一沙彌問尊者何得自為？迦葉曰：我若不為誰為？我為佛涅槃時，迦葉告眾曰：佛已荼毗，金剛舍利非吾等事宜。

佛祖綱目卷第四黃字號

甲子周孝王十三年起 丁卯夷王元年 癸未厲王元年 庚申周共和元年  
癸亥周共和四年止

癸巳二祖阿難傳法商那和修

阿難王舍城人。姓利帝利。父斛針。王實佛之從弟也。多聞博達。智慧無礙。世尊以爲總持。第一嘗所讚歎。加以宿世有大功德。受持法藏。如水傳器。乃命爲侍者。一日白佛言。今日入城。見一奇特事。佛曰。見何奇特事。阿難曰。入城見一攢樂人作舞。出城總見無常。佛曰。我昨日入城亦見一奇特事。阿難曰。未審見何奇特事。佛曰。我入城時見一攢樂人作舞。出城時亦見樂人作舞。阿難一日問迦葉曰。師兄世尊傳金縷袈裟。外別傳箇甚麼。迦葉召阿難。阿難應諾。迦葉曰。倒却門前利竿著。阿難一日入竹林。聞比丘誦偈曰。若人生百歲。不見水老鷄。不如生一日而得觀見之。阿難因爲正之曰。不然。佛云。若人生百歲不解諸佛機。不如生一日而得解了之。於是比丘以聞其師其

結集法藏。無令斷絕。結集既畢。迦葉自念衰老。宜入定於雞足山。以待彌勒。乃召阿難言。我今不久世間。今將正法付囑於汝。汝當護持。聽吾偈曰。法法本來。法無法。無非法。何於一法中有法。有不法。偈已。阿難作禮奉命。迦葉念如來舍利。皆在諸天。凌虛徧至塔廟。禮已而還。復以夙約往辭阿闍世王。遂杳然入雞足山。席草而坐。自念。今我被糞掃服。持僧伽黎。必經五十七俱胝六千歲。至於彌勒出世。終不致壞。乃語山曰。若阿闍世王及阿難來。汝當爲開去。已復合。阿闍世王知迦葉已入雞足山。乃請阿難同往。山果爲開。見迦葉入定。儼然王禮拜。訖欲以香薪茶毗。阿難曰。未可燔也。大迦葉方以禪定持身。俟慈氏下生。乃般涅槃。王聞驚嘆。與阿難禮辭。山合如故。當此土周孝王五年丙辰也。

佛祖綱目卷第三

師曰阿難。老昏矣。吾語是也。異日阿難復經竹林。見比丘誦偈。如前阿難詰知其故。因念愚癡難化。入三昧求尊聖爲之證。於是地爲之動。光明遠發。俄有一聖宿大士示現。而爲之說偈曰。彼者念諷偈。實非諸佛意。今遇歡喜尊。而可依了之。彼師弟子。竦敬尋得。二果後阿闍世王。白言。如來迦葉尊勝二師。皆已涅槃。而我多故。悉不能親。仁者般涅槃時。願垂告別。阿難許之後。自念言。我身危脆。猶如聚沫。況復衰老。豈堪長久。又念阿闍世王與吾有約。乃詣王宮告之曰。吾欲入涅槃。故來辭耳。門者曰。王寢不可以聞。阿難曰。俟王覺時。當爲我說。時王夢中見一寶蓋七寶嚴飾。千萬億衆圍繞瞻仰。俄而風雨暴至。吹折其柄。珍寶瓔珞悉墜於地。心甚驚異。既寤。門者具白上事。王聞語已。失聲號慟。哀感天地。卽至毗舍離城。見阿難在恒河中流。跏趺而坐。王乃作禮而說偈言。稽首三界尊。棄我而至此。暫憑悲願力。且莫般涅槃。時毗舍離王亦在河側。復說偈言。尊者一何速而歸。寂滅場願住須臾間。而受於供養。爾時阿難見二國王咸來。

勸請。乃說偈言。二王善哉。住勿爲苦悲。懸涅槃當我淨。而無諸有。故復念我。若向一國而般涅槃。諸國爭競。無有是處。應以平等度諸有情。遂於恒河中流。將入寂滅。是時山河大地六種震動。雪山中有五百仙人。觀茲瑞應。飛空而至。禮阿難足。胡跪白言。我當於長老而證佛法。願垂大慈。度脫我等。阿難默然受請。卽變琉璃河悉爲金地。爲其仙衆說諸大法。復念先所度脫弟子。應當來集。須臾五百羅漢從空而下。爲諸仙人出家。受具。其仙衆中有二羅漢。一名商那和修。二名末田底迦。阿難知是法器。乃告之曰。如來以正法眼付大迦葉。迦葉入定而付於我。我今將滅復付於汝。汝受吾教。當聽偈言。本來付有法。付了言無法。各各須自悟。悟了無無法。說偈已。復以正法眼。囑累商那和修。而謂末田底迦曰。昔佛記云。佛滅度後。後五百歲中。汝當於罽賓國敷宣大法。言已。踊身虛空。現十八變。入風輪奮迅三昧。而分身四分。一分惠切利天。一分惠娑竭羅龍宮。一分惠阿闍世王。一分惠毗舍離王。各造寶塔而供養之。當此土周厲王十



二年癸巳也

佛祖綱目卷第四

佛祖綱目卷第五 字號

甲子周共和五年起 甲戌宣王元年 庚申幽王元年 癸亥周幽王四年止

乙未 三祖商那和修傳法優波鞠多

商那和修摩突羅國人亦名舍那婆斯性毗舍多父林勝母憍奢耶在胎六年而生西域有九枝秀草名商諾迦北云自出則聖人降生和修生而此草出昔如來行化至摩突羅國見一青林枝葉茂盛語阿難曰此林地名優留茶吾滅後一百年有比丘名商那和修於此轉妙法輪後百歲果誕和修出家證道受慶喜尊者法眼化導有情及至此林降二火龍龍受三歸遂施其地以建梵宮和修化緣既久思付正法尋於叱利國得優波鞠多以爲給侍因問鞠多曰汝年幾耶答曰我年十七和修曰汝身十七性十七耶

答曰師髮已白爲髮白耶心白耶和修曰我但髮白非心白耳鞠多曰我身十七非性十七也和修知是法器後三載遂爲落髮受具告曰昔如來以無上正法眼藏付囑迦葉長轉相授而至於我我今付汝勿令斷絕汝受吾教聽吾偈曰非法亦非心無心亦無法說是心法時是法非心法說偈已卽隱於罽賓國南象白山中後於三昧中見鞠多有五百徒衆常多懈慢乃往彼正之鞠多見和修至頂禮次和修以右手手指卽有香乳自空而注問鞠多曰汝識之手鞠多不測遂入三昧觀察亦不能測乃請曰是果何三昧耶和修曰是謂龍奮迅三昧如是五百三昧汝皆未之知復曰如來三昧辟支不識辟支三昧阿羅漢不識吾師阿難三昧而我不識今我三昧汝豈識乎是三昧者心不生滅住大慈力遍相恭敬其至此者乃可識之於是鞠多弟子皆伏而悔謝和修復爲說偈曰通達非彼此至聖無長短汝除輕慢意疾得阿羅漢五百比丘聞偈已依教奉行皆獲無漏和修乃現十八變化火光三昧用焚其身鞠多收舍利建塔

於梵迦羅山當北土周宣王二十二年乙未歲也

○阿育王造塔緣起

巴連弗邑國王名頻頭婆羅生子阿育此云無憂身體羸

弱不喜見之後值邊國恒又尸羅反諸子中獨命阿

育往伐僅給朽鈍甲兵數十人從者難之阿育曰我

若應王自有來應之者作是語時忽然兵甲從地湧

出即將往伐彼國俱聞空中宣示阿育王子當王此

天下汝等勿與逆意於是諸國悉平至於海際適王

臥病諸臣共扶阿育將至王所欲立爲王王聞不樂

即便命終阿育心念我若應王諸天自然水灌我頂

素縉繫首言訖鐵輪飛降王閻浮提領一天下阿育

王如法葬父王已卽立阿窺樓陀爲大臣時諸臣自

持策立功高心生輕慢王知其意乃勅諸臣伐花果

之樹而植刺棘三勅不從卽持利劍手殺諸臣阿窺

樓陀勸王宜立屠殺之人時有兜提耆黎子自誇其

能王便爲起屋舍僅開一門中作種種治罪之法狀

似地獄夷人啓王若入此中者不復得出王許之爾

第七食誤入暑舍遙見舍中火車爐炭等恐怖毛豎

更欲出門兜主前來執捉比丘比丘心生悲悔涕淚

滿目乞延一月不聽如是漸減至於七日乃聽比丘

勇猛精進坐禪息心至第七日適王將一宮女送付

兜主兜主取善白中許擣須臾便成碎末比丘見已

極生厭惡我身不久亦當如是斷一切結成阿羅漢

兜主語比丘言期限已盡比丘答曰我心得解脫斷

除諸有盡今此身該無復悵惜兜主卽執比丘著鐵

鑊油中使者燃火火不能熱及至自燃火卽猛盛既

開護蓋見彼比丘坐蓮華上生希有心卽以啓王王

便嚴駕率衆來看比丘身升虛空猶如鷹王示種種

變化向王說偈曰我是佛弟子逮諸漏已盡生死大

恐而我今悉得脫阿育王聞已於佛法所生大敬信

白比丘言佛滅度時何所記說答曰佛記大王於

我滅後過百歲時於巴連弗邑有三億家彼國有王

名曰阿育當王此閻浮提爲轉輪王正法治化又復

宣布我舍利於閻浮提立八萬四千塔王今造此大

掌作禮我得大罪。惟願佛子受我懺悔。勿復責我愚人。比丘度阿育王。已乘空而化。時王欲出苑。主留之。王曰。汝欲殺我耶。答曰。如是。王曰。誰先入此中。答曰。我是。王曰。若然者。汝先應取死。卽勅左右將苑主著膠舍中。以火燒之。又勅懷此地獄施衆生。無畏王乃至王舍城。取佛塔中舍利。作八萬四千金銀瑠璃瓔。黎篋。又作八萬四千四寶瓶。勅諸鬼神。神造八萬四千塔。耶舍尊者舒指放光。八萬四千道令捷疾。鬼於閻浮提城邑聚落。滿一億家者。各立一塔。在震旦國者一十九所。○初世尊與諸比丘循邑而行。時有二童子。一名闍耶。二名毗闍耶。共在沙中嬉戲。遙見世尊。三十二相莊嚴。其體闍耶心念。我當以夢夢上佛。仍手捧細沙。著世尊鉢中。毗闍耶亦合掌隨喜。時童子發願言。以惠施善根功德。令得一天下一徹蓋。王卽於此處生。得供養諸佛。世尊微笑告阿難曰。我滅度百年之後。此童子於巴連弗邑。統領一天下。轉輸王姓孔雀名阿育。正法治化。又復廣布我舍利。造八萬四千塔。阿難汝可取此鉢中所施之沙。捨著如來經

行處。阿難如教奉行。

○阿育王參禮優波鞠多

時巴連弗邑有上座名耶舍。阿育王深生禮敬。立雞雀精舍。請耶舍主之。至是復詣雞雀白耶舍曰。更有比丘佛所授記。當作佛事否。我當往詣供養恭敬耶舍。答曰。佛般涅槃時。游行至摩偷羅國。告阿難曰。於我般涅槃百歲之後。當有長者子名優波鞠多。出家學道。號無相佛。王曰。今已出世。不答曰。已出世。住在優留茶山中。王聞已。便欲詣彼。令使者告報鞠多。思惟若王來者。無量侍從。殺害微蟲。答使者曰。我當自詣王所。鞠多遂至王國。王大歡喜。至尊者前五體投地。長跪合掌而言曰。我今領此閻浮提。受輸王位。不以爲喜。今觀尊者如觀於佛。踴躍無量。如來弟子乃能如是。又曰。尊者顏貌端正。而我形體醜陋。何也。鞠多說偈曰。我行布施時。淨心好財物。不如王布施。以沙施於佛。王又白言。願尊者示我佛所說法。遊行處。并佛記諸大弟子塔所。當禮拜供養。鞠多曰。善哉善哉。遂將王至彼所。一一指示供養。訖至示阿難塔曰。



此人是佛侍者多聞第一撰集佛經王遂捨百億珍寶供養是塔告諸臣曰如來之體身法身性清淨彼悉能奉持是故供養勝法燈常存世滅此愚癡冥者縣從彼來是故供養勝○王復詣菩提樹下手持香爐向四方作禮願如來賢聖弟子在諸方者悉來集會時三萬大阿羅漢王見第一座無人問其故海意尊者曰此是賓頭盧位此人親見佛來王曰今在何處海意曰且待須臾言訖賓頭盧從空而下王請就座禮敬賓頭盧不顧王乃問承聞尊者親見佛來是否賓頭盧以手策起眉曰會麼王曰不會曰阿耨達池龍王曾請佛齋吾是時亦預其數

佛祖綱目卷第五

佛祖綱目卷第六 宙宇號

甲子周幽王五年起辛未平王元年王戌桓王元年癸亥周桓王二年止

庚子四祖優波總多傳法提多迦

優波總多叱利國人一名優波總多姓首陀父善意十七出家二十證果隨万行化至摩突羅國得度者甚衆縣是魔宮震動波旬愁怖遂竭其魔力以害正法總多即入三昧觀其所緣波旬復何便密持瓔珞摩總多頭及總多出定取人狗蛇三屍化為華髮輒言諭波旬曰汝與我瓔珞甚是珍妙吾此華髮以相酬奉波旬大喜引頭受之即變為三種臭屍蟲蛆壞爛波旬厭惡大生憂惱盡其神力莫能移動乃升六欲天告諸天主又詣梵王求其解免彼各告言十力弟子所作神變我輩凡陋何能去之波旬曰然則柰何梵王曰汝可歸心尊者即能除斷乃為說偈令其回向曰若因地倒還因地起離地求起終無其理波旬受教已即下天宮至總多所禮足哀懺總多曰汝自今去於如來正法更作燒害否波旬曰我誓回向

佛道永斷不善。總多曰：若然者，汝可口自唱言，皈依三寶，波旬合掌三唱，華髮悉除，乃歡喜踴躍而說偈曰：稽首三界尊，十力聖弟子。我今願回向，勿令有劣。弱說是偈，已作禮而去。總多一日因訪一老比丘尼，繙入門，便觸撒鉢。孟比丘尼曰：佛在日六群比丘，甚是麤行，數來我舍，尚不如是尊者。紹祖位人得與麼麤行？總多乃休去。總多在世化導證果最多，每度一人，以一籌置於石室，其室縱十八肘，廣十二肘，充滿其間。最後有一長者子，名曰香衆，來禮總多，求出家。總多問曰：汝身出家，心出家否？曰：我來出家，非爲身心。總多曰：不爲身心，復誰出家？答曰：夫出家者，無我。我故無我，我故即心不生，滅心不生，滅即是常道。諸佛亦常心無形，相其體亦然。總多曰：汝當大悟，必自通達。宜依佛法僧，紹隆聖種，卽爲剃髮授具足戒。仍告之曰：汝父嘗夢金日而生，汝可名提多迦。復謂曰：如來以大法眼藏次第傳授，以至於我。今復付汝聽。吾偈曰：心自本來心，本心非有法，有法有本心，非心非本法。付法已，乃踴身虛空，呈十八變，却復本座，跏

趺而逝。時號無相好佛。提多迦以室內籌用焚其軀，收舍利建塔當此土周平王三十年庚子歲也。○有著身見者，求度於總多，總多曰：求度之法，要信吾言，不違吾教。其人曰：既來投師，固當聞命。總多乃化一險崖山，聳喬木，令其上樹，又於樹下化作大坑，深廣千肘，又令放脚。其人受教，卽放二脚，令放一手，便放一手，令復放手。其人答言：若復放手，便墮坑死。總多曰：先約受教云：何違我？是時其人身愛，卽滅放手而墮，不見樹坑，卽證道果。

#### 佛祖綱目卷第六

佛祖綱目卷第七 洪字號

甲子周桓王三年起 乙酉莊王元年 庚子釐王元年 乙巳惠王元年 癸亥周惠王十九年止

周莊王十年甲午夏五月五日，彗星不現，星殞如雨，乃西方文殊菩薩於雪山化五百仙人而

歸本國光明掩於常星不現也

已五祖提多迦傳法彌遮迦

提多迦此云通摩伽陀國人初名香衆生時父夢金

日自屋而出照耀天地前有大山諸寶嚴飾山嶺泉

湧滂沱四流後遇德多尊者爲解之曰寶山者吾身

也泉湧者法無盡也日從屋出者汝今入道之相也

照耀天地者汝智慧超越也因爲更今名提多迦聞

偈已踊躍述偈曰巍巍七寶山常出智慧泉回爲眞

法味能度諸有緣德多亦說偈曰我法傳於汝當現

大智慧金日從屋出照耀於天地提多迦聞偈設禮

奉持後至中印度彼國有八千大仙彌遮迦爲首聞

提多迦至率衆瞻禮謂提多迦曰昔與師同生梵天

我遇阿私陀仙授我仙法師逢十力弟子修習禪那

自此報分殊途已經六劫提多迦曰支離累劫誠哉

不虛今可捨邪歸正以入佛乘彌遮迦曰昔阿私陀

仙人授我記云汝却後六劫當遇同學獲無漏果今

也相遇非宿緣耶願師慈悲令我解脫提多迦卽度

出家命諸聖授戒其餘仙衆始生我慢提多迦示大

神通於是俱發菩提心一時出家提多迦乃告彌遮

迦曰昔如來以大法眼藏密付迦葉展轉相授而至

於我我今付汝當護念之乃說偈曰通達本法心無

法無非法悟了同未悟無心亦無法說偈已躡身虛

空作十八變火光三昧自焚其軀彌遮迦與八千比

丘同收舍利於班荼山中起塔供養當此土周莊王

五年己丑歲也

佛祖綱目卷第七

佛祖綱目卷第八 荒字號

甲子周惠王二十年起 庚午襄王元年 癸卯頃王元年 己酉匡王元年 乙

卯定王元年 癸亥周定王九年止

甲六祖彌遮迦傳法婆須蜜

彌遮迦中印度人既得法於提多迦已遊化至北天竺國見維摩之上有一金色祥雲嘆曰斯道人氣也必有大士爲吾法嗣乃入城於闐闐間有一人手持酒

器迎而問曰師何方而來欲往何所彌遮迦曰從自  
心來欲往無處彼曰識我手中物否彌遮迦曰此是  
罽瑟而貢淨者彼曰師識我否彌遮迦曰我即不識  
識即非我復謂之曰汝試自稱名氏吾當後示本因  
彼說偈答曰我從無量劫至於生此國本姓煩羅蜜  
名字婆須蜜彌遮迦曰我師提多迦說世尊昔遊北  
印度語阿難言此國中吾滅度後三百年有一聖人  
姓煩羅蜜名婆須蜜而於禪祖常獲第七世尊記汝  
汝應出家彼乃置器作禮側立而言曰我思往劫嘗  
作檀那獻一如來寶座彼佛記我曰汝於賢劫釋迦  
法中宣傳至教今符師說願加度脫彌遮迦即與披  
剃復圓戒相乃告之曰正法眼藏今付於汝勿令斷  
絕乃說偈曰無心無可得說得不名法若了心非心  
始解心心法彌遮迦說偈已入師子奮迅三昧踴身  
虛空高七多羅樹却復本座化火自焚婆須蜜收靈  
骨貯七寶函建浮圖實於上級當此土周襄王十五  
年甲申歲也

丁巳震旦國李耳示生

周定王三年九月十四日老子生於楚國陳郡苦縣  
賴鄉曲仁里姓李氏名耳字伯陽諡曰聃在母胎八  
十一年剖左脇而生生即皓然故號老子生於李樹  
下故姓李黃色美眉長耳大目鼻有雙柱耳有三門  
釋迦會中老子為迦葉菩薩經云迦葉應生震旦示  
號老子設無外之教以治國假神仙之術以治身佛  
滅至老子生凡三百四十六年

佛祖綱目卷第八

佛祖綱目卷第九日字號

甲子周定王十年起 丙子簡王元年 庚寅靈王元年 丁巳景王元年 癸亥  
七年止

辛未 七祖婆須蜜傳法佛陀難提

婆須蜜北天竺國人姓煩羅隨常服淨衣執酒器遊  
行里閭或吟或嘯人謂之狂及遇彌遮迦宜如來往  
誌自省前緣投器出家受法行化至迦摩羅國廣興

佛事於法座前忽有一智者自稱我名佛陀難提今  
與師論義婆須蜜曰仁者論即不義義即不論若遂  
論義終非義論難提知婆須蜜義勝心即歛服曰我  
願求道需甘露味婆須蜜遂與制度而授具戒復告  
之曰如來正法眼藏我今付汝汝當護持乃說偈曰  
心同虛空界示等虛空法證得虛空時無是非非法  
偈已婆須蜜即入慈心三昧時梵王帝釋及諸天衆  
俱來作禮而說偈言賢劫衆聖祖而當第七位尊者  
哀念我請爲宣佛地婆須蜜從三昧起示衆曰我所  
得法而非有故若識佛地雖有無故語已還入三昧  
示涅槃相難提即於本座起七寶塔以葬全身當此  
土周定王十七年辛未歲也

庚震旦國孔丘生

商帝乙之子微子始封於宋十三世孔叔徙居於  
魯國取邑平鄉防叔子伯夏伯夏子叔梁紇先娶鄒  
氏女生子孟皮不才後娶顏氏女名徵在禱於尼丘  
山而生孔子遂名丘字仲尼誕之夕二龍遶室五老  
降庭顏氏之房聞鈞天之樂身長九尺六寸腰帶十

圍垂三過膝月角日準河目海口龍顏方額鳳頭燕  
頰鬚髯虎視眉有十二采目有六十四理時周靈王  
二十一年十一月四日魯襄公二十二年也釋迦會  
中孔子爲孺童菩薩顏回爲月光菩薩經云閻浮界  
內有震旦國我遣三聖在中化導人民慈哀禮義具  
足佛滅至孔子生凡四百年

佛祖綱目卷第九

佛祖綱目卷第十月字號

甲子周景王三年 壬午敬王十一年 癸亥周敬王十四年  
丙寅八祖佛陀難提傳法伏臥蜜多

佛陀難提迦摩羅國人性瞿曇氏頂有肉髻辯捷無  
礙初遇婆須蜜傳佛心印既而領徒行化至提迦國  
毗舍羅家見舍上有白光上騰謂其徒曰此家有聖  
人口無言說真大乘器不行四衢知觸穢耳言訖長  
者出致禮問何所須難提曰我求侍者長者曰我有



一子名伏獸蜜多年已五十口未曾言足未曾履難提曰如汝所說真吾弟子伏獸蜜多聞之遽起禮拜而說偈曰父母非我親誰是最親者諸佛非我道誰為最道者佛陀難提乃以偈答曰汝言與心親父母非可比汝行與道合諸佛心即是外求有相佛與汝不相似欲識汝本心非合亦非離伏獸蜜多聞偈已便行七步難提遂曰此子昔曾值佛悲願廣大慮父母愛情難捨故不言不履耳長者遂捨令出家難提尋授具戒復告之曰我今以如來正法眼藏付囑於汝勿令斷絕乃說偈曰虛空無內外心法亦如此若了虛空故是達真如理伏獸蜜多承難陀付囑即超身虛空散衆寶花以偈讚曰我師禪祖中當得為第八法化衆無量悉獲阿羅漢爾時難陀忽起本座現大神變却復本座儼然寂滅衆即其所興建寶塔闢其全身時當此土周景王十年丙寅歲也

壬午震旦國李耳西入流沙

周簡王四年李耳仕周為守藏吏十二年遷為柱下史自是五十四年一職不遷時人目為吏隱敬王元

年耳年八十六以王室凌遲遂去周西入函谷關關令尹喜見紫雲西邁知有道人當度遂迎設禮耳乃為著道德經五千言與尹喜遂西入流沙至罽賓國見浮屠自傷不及乃對像說偈云我生何以晚佛出一何蚤不見釋迦又心中常懊惱後莫知所終

甲寅九祖伏獸蜜多傳法脇尊者

伏獸蜜多提伽國人姓毗舍羅既受佛陀難提付囑後行化至中印度有長者香蓋携一子而來瞻禮曰此子處胎六十歲因號難生復嘗會一仙謂此兒骨相非常當為法器今遇尊者可捨令出家蜜多即與落髮羯磨之際祥光燭座仍感舍利三七粒現前自此精進忘疲未幾蜜多告曰如來大法眼藏今付於汝汝護念之乃說偈曰真理本無名因名顯真理受得真實法非真亦非偽蜜多付法已即入滅盡三昧而般涅槃衆以香油旃檀闍維收舍利建塔於那爛陀寺當此土周敬王三十三年甲寅歲也

壬戌震旦國孔丘示寂

孔子年十七朝周問禮於老子訪樂於萇弘自周反

魯周敬王十九年爲魯中都宰。定養生送死之節。長幼異食。強弱異任。一年而四方諸侯則焉。魯定公曰。以此法治魯。何如。曰。雖天下可也。二十一年爲魯司空。立五土之性。而物各得其所生之宜。二十二年魯定公與齊景公會於夾谷。孔子攝相事。齊人歸所侵之田。以謝過。孔子爲大司寇。七日而誅少正卯。墮三都之城。強公室。弱私家。尊君卑臣。政化盛行。三月大治。鬻豚者弗飾。價男女別於途。道不拾遺。四方之客至乎邑者。不求有司。定公受齊女樂。三日不聽政。郊不致膳俎。孔子遂行。適衛二十三年。孔子自衛適陳。過匡。匡人以孔子貌似陽貨。圍之。既解。適宋。與弟子習禮大樹下。司馬桓魋欲害之。拔其樹。三十二年。孔子至陳三十五年。楚攻陳。孔子在陳。絕糧。復去陳。反衛三十六年。孔子自衛反魯。刪詩書。定禮樂。繫周易。作春秋。七十子之疇會。集孔子所言。以爲論語。三十九年。魯哀公十四年。魯哀公西狩獲麟。孔子傷麟之出非其時。遂絕筆於春秋四十一年四月己丑。孔子蚤作。負手曳杖。逍遙於門。歌曰。泰山其頽乎。梁木其壞乎。

哲人其萎乎。子貢聞之曰。夫子殆將病也。趨而入。孔子曰。子疇昔之夜。夢奠於兩楹之間。明王不興。而天下其孰能宗予。予殆將死也。蓋寢疾七日而歿。年七十二。塋魯城北泗水上。弟子皆服心喪三年。喪畢。相訣而去。惟子貢廬於塚六年。弟子及魯人往從塚而家者百餘室。因命曰孔里。弟子三千人。身通六藝者七十有二人。孔子生鯉字伯魚。鯉生伋字子思。伋學於魯。子作中庸。後有孟軻。又受業於子思之門。人總之冥合如來正法眼藏。號曰儒宗。初商太宰誥問孔子曰。夫子聖者歟。曰。丘博學強記。非聖人也。三王聖者歟。曰。三王善用智勇。聖非丘所知。五帝聖者歟。曰。五帝善用仁信。聖非丘所知。三皇聖者歟。曰。三皇善用時政。聖非丘所知。太宰大駭曰。然則孰爲聖人乎。夫子動容有間。對曰。丘聞西方有大聖焉。不治而亂。不言而自信。不化而自行。蕩蕩乎。人無能名焉。



佛祖綱目卷第十一 盈字號

甲子周敬王四年起丙寅元王年癸酉年貞定王年辛丑年考王年

丙辰威烈王年癸亥年周威烈王年八年止

紀十祖脇尊者傳法富那夜奢

脇尊者中印度人本名難生處胎六十年將誕之夕母夢白象載一寶座座置一明珠從門而入既覺遂生而生而祥光燭室體有奇香及長雖穀食絕無穢滓後值伏獸蜜多執侍左右未嘗睡眠謂其脇不至席遂號脇尊者初至華氏國憩一樹下右手指地而告衆曰此地變金色當有聖人入會言訖即變金色時有長者子富那夜奢合掌前立脇問曰汝從何來答曰我心非往脇曰汝何處住答曰我心非止脇曰汝不定耶答曰諸佛亦然脇曰汝非諸佛答曰諸佛亦非脇因說偈曰此地變金色預知有聖至當坐菩提樹覺華而成已夜奢復說偈曰師坐金色地常說真實義回光而照我今入三摩諦脇知其意即度出家復具戒品乃告之曰如來大法眼藏今付於汝汝護

念之乃說偈曰真體自然真因真說有理領得真眞法無行亦無止脇付法已即現神變而入涅槃化火自焚舍利從空而下不可勝數四衆盛以衣被隨處建塔供養當此土周貞定王二十七年己亥也○北天竺有無著弘闡宗教其弟天親初尙小乘造論五百部無著觀其根緣將熟乃假疾召還甫近一驛遣一弟子往迎夜同館宿弟子誦偈云若人欲了知三世一切佛應觀法界性一切惟心造天親聞之豁然開悟且悔昔排斥罪過皆緣舌根即從臥起手執利刀欲截其舌無著遙知伸臂捉住諭之曰汝悟大乘蓋其時矣昔以舌毀宜以舌讚苟斷舌不言其利安在天親乃止戴星而行泊觀無著諦聽慈旨便造大乘論累五百部時號千部論師一日無著入法光定夜昇兜率請問彌勒菩薩金剛經義彌勒說八十頌無著約十八住處造論二卷天親約斷二十七疑造論三卷天親復爲衆講婆沙論以一日所講之義乃造一頌攝之且遍造諸國論師諸師不能解絲是自造長行釋頌即今俱舍論是一日天親從彌勒內宮而下無

著問曰。人間四百年。彼天爲一晝夜。彌勒於一時中。成就五百億天子。證無生法。忍未審說甚麼法。天親曰。也只說這箇法。止是梵音清雅。令人樂聞。

### 佛祖綱目卷第十一

佛祖綱目卷第十二 吳字號

甲子周威烈王九年 庚辰安王元年 丙午烈王元年 癸丑顯王元年 癸

亥周顯王十一年止

戊十一 祖富那夜奢傳法馬鳴

富那夜奢。華氏國人。姓瞿曇氏。父寶身。有子七人。夜奢最少。幼即與諸兄異。尚嘗曰。若遇大士。坐於道場。我則詣彼。親近隨喜。及遇脇尊者。遂授法。夜奢教被。無量得果者。且五百矣。後至波羅奈國。有一長者。來趣其會。夜奢謂衆曰。汝等識此來者耶。佛記聖者。馬鳴。紹吾法者也。於是馬鳴致禮問曰。我欲識佛何者。即是夜奢曰。汝欲識佛不識者。是馬鳴曰。佛既不識。

焉知是乎。夜奢曰。既不識佛。焉知不是馬鳴曰。此是窮義。夜奢曰。彼是不義。乃問窮義者何。曰。與師平出。馬鳴却問。木義者何。曰。汝被我解。馬鳴豁然省悟。遂求制度。夜奢謂衆曰。此大士者。昔爲毗舍利國王。以其國有一類裸人。如馬裸露。王運神通。分身爲蠶。彼乃得衣。後復生中印度。馬人感戀悲鳴。故號馬鳴。如來懸記。滅度後六百年。馬鳴當於波羅奈國摧伏異道。繼吾傳化。今正是時。遂告之曰。如來大法眼藏。今付於汝。即說偈曰。迷悟如隱顯。明暗不相離。今付隱顯法。非一亦非二。付法已。即現神變。湛然圓寂。衆興寶塔。以闢全身。當此土周安王十九年戊戌歲也。○宗鏡錄云。西天須陀山中。有一羅漢。名富樓那。馬鳴往見。端坐林中。志氣渺然。若不可測。馬鳴語之曰。沙門說之。敢有所明。要必屈汝。我若不勝。剎頭以謝。羅漢默然。容無負色。亦無勝願。扣之數四。曾無應情。馬鳴退自思。惟我負矣。彼勝矣。彼安無言。故無可屈。吾以言之。雖如言有可屈。自吾未免於言。真可愧矣。遂投出家。此說與傳燈不同。并識之。

卷第十二

佛祖綱目卷第十三辰字號

甲子周顯王十年 辛丑慎親王元年 丁未報王元年 癸亥周報王十年  
止七年

甲十二祖馬鳴傳法迦毗摩羅

馬鳴大士波羅奈國人亦名功勝以有作無作諸功德最爲殊勝故名焉既受心印於夜奢說法度人摧諸異論有一外道來索論義集國王大臣及四衆俱會論場馬鳴曰汝義以何爲宗曰凡有言說我皆能破馬鳴乃指國王曰當今國土康寧大王長壽請汝破之外道屈服後於華氏國轉妙法輪忽有老人座前仆地馬鳴謂衆曰此非庸流當有異相言訖不見俄從地湧出一金色人復化爲女子右手指馬鳴而說偈曰稽首長老尊當受如來記今於此地上宣通第一義說偈已瞥然不見馬鳴曰將有魔來與吾較力有頃風雨暴至天地晦冥馬鳴曰魔之來信矣吾當除之即指空中現一大金龍奮發威神震動山岳馬鳴儼然於座魔事隨滅經七日有一小蟲大若蟻

蟻潛形座下馬鳴以手取之示衆曰斯乃魔之所變盜聽吾法耳乃放之令去魔不能動馬鳴告之曰汝但皈依三寶即得神通遂復本形作禮懺悔馬鳴問曰汝名誰耶眷屬多少曰我名迦毗摩羅有三千眷屬馬鳴曰盡汝神力變化若何曰我化巨海極爲小事馬鳴曰汝化性海得否曰何謂性海我未嘗知馬鳴即爲說性海曰山河大地皆依建立三昧六通緣故發現迦毗摩羅聞言遂發信心與徒衆三千俱求制度馬鳴乃召五百羅漢與授具戒復告之曰如來大法眼藏今當付汝汝聽偈言隱顯即本法明暗元不二今付悟了法非取亦非離付囑已即入龍奮迅三昧挺身空中如日輪相然後示滅四衆藏真體於龍龕時周顯王四十七年甲午也馬鳴造甘蔗論十萬偈又造起信等論善能開誘度人無量

佛祖綱目卷第十三

佛祖綱目卷第十四宿字號

甲子周赧王十八年起秦昭襄王元年 壬子秦莊襄王元年 乙卯秦始皇元年 癸亥秦始皇九年止

秦嬴姓起昭襄王丙午止子嬰甲午共六主合四十九年

十三祖迦毗摩羅傳法龍樹

迦毗摩羅華氏國人初爲外道有徒三千通諸異論後於馬鳴尊者得法領徒至西印度彼有太子名雲自在伽摩羅名請於宮中供養摩羅曰如來有教沙門不得親近國王大臣有勢之家雲自在曰今我國城之北有大山焉山中有一石窟師可禪寂於此否摩羅曰諾即入彼山行數里逢一大嶰摩羅直前不顧繞摩羅身摩羅因與授三皈依隣聽訖而去摩羅將至石窟復有一老人素服而出合掌問訊摩羅曰汝何所止答曰我昔嘗爲比丘多樂寂靜有初學比丘數來請益而我煩於應答起嗔恨想命終墮爲嶰身住是窟中今已千載適遇尊者獲聞戒法故來謝

耳摩羅曰此山更有何人居止曰此去十里有大樹蔭覆五百大龍其樹王名龍樹嘗爲龍衆說法我亦聽受耳摩羅遂與徒衆詣彼龍樹出迎曰深山孤寂龍樹所居大德至尊何枉神足曰吾非至尊來訪賢者龍樹默念此師得決定性明道眼否是大聖繼真乘否摩羅曰汝雖心語我已意知但辦出家何慮我之不聖龍樹聞已悔謝摩羅即與度脫及五百龍衆俱受具戒復告之曰今以如來大法眼藏付囑於汝諦聽偈言非隱非顯法說是真實際悟此隱顯法非愚亦非智付法已即現神變化火焚身龍樹收五色舍利建塔焉當此土周赧王四十六年壬辰歲也○龍樹亦名龍勝南天竺人乳哺中聞諸梵志誦四韋駄凡四萬偈皆達句義長而善知衆藝天文地理星緯圖讖之屬無不綜練後因術罹禍遂悟慾爲苦本出家入石窟棲止龍樹爲龍衆所歸遇摩羅付法於九十日誦通閻浮所有經書復念世界佛經雖妙句義未盡我當更爲敷演開悟後學大龍菩薩便以神力接入龍宮開七寶函與諸方等經典九十日中通

解甚多。龍曰：汝今閱經，爲偏未耶？樹曰：汝經無量，不可得盡。我今所讀，足過閻浮十倍。龍曰：忉利天上諸經，復過此中百千萬倍。樹於龍宮修行，深入無生，龍送出宮，是後大弘佛法，造大無畏等論數十萬偈。中論是其一品，即大智度論是。經云：善逝涅槃後，未來世當有南天竺比丘，厥號爲龍樹，能破有無宗顯我大乘法，得初歡喜地，往生安養國。○樹入龍宮，看藏見華嚴經，有三本：上本十三世界微塵數偈，一四天下微塵數品，中本四十九萬八千八百偈，一千二百品，下本十萬偈，四十八品。上本非佛不能知，中本惟住地菩薩乃能知之。遂記下本，回歸西土。西土傳至震旦，八十卷經三十九品，品分爲七處：九會一會菩提場說六品，十一會普賢爲會主，二會普光明殿說六品，四卷文殊爲會主，三會忉利天說六品，三卷法慧爲會主，四會夜摩天說四品，三卷功德林爲會主，五會兜率天說三品，十二卷金剛幢爲會主，六會他化天說一品，金剛藏爲會主，七重會普光明殿說十一品，十三卷普賢與如來普賢品談平等，因如來出現品談平等。

果八三會普光明殿說一品七卷，亦普賢九會逝多林說一品二十一卷，則如來與善友也。此乃下本前分三萬六千偈，尚有六萬四千偈九品在西土。

佛祖綱目卷第十四

佛祖綱目卷第十五列字號

甲子秦始皇壬辰秦二世乙未漢高祖丁未漢惠

年呂太后甲寅漢文帝壬戌漢文帝癸亥漢文帝

漢劉姓西漢起高祖元年乙未止更始二年甲

申十四帝合二百十五年王莽篡位東漢起光

武建武元年乙酉止漢獻帝建安二十五年庚

子十二帝合一百九十五年二漢合四百二十

五年

巳十四祖龍樹傳法迦那提婆

龍樹既得法於摩羅已後，至南印度彼國之人多信福業，樹爲說法，遞相謂曰：人有福業，世間第一。徒言



佛性誰能觀之。樹曰：汝欲見佛性，先須除我慢。彼人曰：佛性大小，樹曰：非大非小，非廣非狹，無福無報，不死不生，彼聞理勝，悉回初心。樹復於座上現自在身，如滿月輪。一切衆，惟聞法音，不覩樹相。彼衆中有長者，子名迦那提婆，謂衆曰：識此相否？衆曰：目所未覩，安能辨識？提婆曰：此是尊者現佛性體相，以示我等。何以知之？蓋以無相三昧形如滿月，佛性之義，廓然虛明，言訖輪相即隱，復居本座而說偈言：身現圓月相，以表諸佛體說法，無其形用，辨非聲色。彼衆聞偈，頓悟無生，咸願出家，以求解脫。樹即爲剃髮，命諸聖授具。時南印度有五千外道，與大幻術王與國人，靡然從之，不知向佛。樹爲感慨，易其威儀，白衣持幡，每俟王出，則趨其前，或隱或顯。如是者七載。王一日忽異之，問曰：汝何者？而前吾行，追則不得，縱之不去。樹曰：吾是智人，知一切法。王曰：汝知諸天，今何所爲？樹曰：天今與修羅方戰，王曰：何以明之？樹曰：頃則徵矣。俄有戈戟，手足自空，紛然而下。王遂大敬，信命諸外道，皆歸禮樹，悉化之。令歸三寶，後謂上首弟子迦

那提婆曰：如來大法眼藏，今當付汝。聽吾偈曰：爲明隱顯，法方說解脫，理於法心，不證無真，亦無喜付法。已入月輪三昧，廣現神變，復就本座，凝然入寂。及七日，天雨舍利，樹復於座，指空語衆曰：昔拘那含佛弟子摩訶迦尊者，有三願：一爲佛時，凡有聖士化度，則天樹雨及其身，皆爲舍利；二大地所生，皆堪爲藥，療衆生病；三凡有智者，皆得所知微妙，以通宿命。今雨舍利摩訶迦神力也。言已，復寂。迦那提婆與衆建塔，闕其全身，當此土秦始皇三十五年己丑歲也。

佛祖綱目卷第十五

佛祖綱目卷第十六 要字號

甲子 漢文帝三年起 乙酉 景帝元年 辛丑 武帝建元元年 丁未 武帝建元元年  
 戊辰 武帝建元元年 癸丑 改元 己未 改元 癸亥 漢武帝元  
 庚辰 十五 祖迦那提婆傳法羅睺羅多

迦那提婆南天竺人，姓毗舍羅，初求福業，兼樂辯論。



後謁龍樹將及門龍樹知是智人先遣侍者以滿鉢水置於座前提婆觀之卽以一鍼投之而進欣然契會龍樹卽爲說法不起於座現月輪相提婆旣得法已名震五天然猶以人不信用其言爲憂時天竺有大自在天人身真金色高二丈人有所求皆如所願提婆造廟見之萬衆隨入像果瞬視若怒提婆曰神則神矣何其小哉正當以威靈感人智德化物而假金爲軀玻璃爲目以妖世非所望也卽梯其肩鑿出目睛觀者疑之曰大自在天乃爲一小婆羅門所折困耶提婆曰神明遠大故以近事試我我得其心故敢爾也於是辦供是夜大自在天降以受之曰汝得我心人得我形汝以心供人以質讀知而敬我者汝畏而誣我者人然汝供甚美但乏我所欲提婆曰神須何物大自在天人曰我缺左目能施我乎提婆笑卽出自己目與之愈出而愈不竭自旦及暮出目睛數萬神讚曰善哉摩訶眞上施也欲何所求提婆曰我稟明於心不假外也後至迦毗羅國彼有長者曰梵摩淨德一日園樹生耳如菌味甚美惟長者與第

二子羅睺羅多取而食之取已隨長盡而復生自餘親屬皆不能見提婆知其宿因遂至其家長者乃問其故提婆曰汝家昔曾供養一比丘然此比丘道眼未明以虛沾信施故報爲木菌惟汝與子精勤供養得以享之餘則否矣又問長者年多少答曰七十有九提婆乃說偈曰入道不通理復身還信施汝年八十一此樹不生耳長者聞偈已深加嘆伏且曰弟子衰老不能事師願捨次子隨師出家提婆曰昔如來記此子當第二五百年爲大教主今之相遇蓋符宿因卽與剃髮至巴連弗城聞諸外道欲障佛法計之旣久提婆乃執長旛入彼衆中彼問曰汝何不前提婆曰汝何不後彼曰汝似賤人提婆曰汝似良人彼曰汝解何法提婆曰汝百不解彼曰我欲得佛提婆曰我灼然得佛彼曰汝不合得提婆曰元道我得汝實不得彼曰汝旣不得云何言得提婆曰汝有我故所以不得我無我故我自當得彼詞旣屈乃問提婆曰汝名何等曰我名迦那提婆彼旣夙聞提婆名乃悔過致謝時衆中猶互興問難提婆折以無礙之辨

絲是歸伏乃告上足羅睺羅多而付法眼。偈曰：本對傳法人爲說，解脫理於法實無證，無終亦無始。說偈已入誓，迅定身放八光而歸寂滅。學衆興塔供養，當此土漢文帝十九年庚辰歲也。○漢武帝元符二年，驃騎將軍霍去病討匈奴，過居延，擒休屠王，獲其金人，率長丈餘，帝以爲大神，列於甘泉宮，不祭祀，但燒香禮拜而已。此佛道流通之漸也。及開西域，遣張騫使大夏，還云：身毒國有浮屠之教。云：元符三年，京師掘昆明池，得黑灰，以問東方朔，朔曰：可問西域胡道人，及後永明中，摩騰至，有問之者，騰曰：此劫灰也。

佛祖綱目卷第十六

佛祖綱目卷第十七 寒字號

甲子漢武帝元符六年起 乙丑元鼎 辛未元封 丁丑昭帝 辛未昭帝 乙酉太始 己丑征和 癸巳後元 乙未昭帝 丙午宣帝 壬子地節 丙午地節 丁未元平 戊申元平 壬子地節 丙午地節

辰改元 庚申改元 癸亥漢宣帝神爵四年止

長十六祖羅睺羅多傳法僧伽難提

羅睺羅多迦毗羅國人行化至室羅筏城有河名曰金水其味殊美中流復現五佛影羅睺羅多告衆曰此河之源凡五百里有聖者僧伽難提居於彼處佛誌一千年後當紹聖位語已領諸學衆迴流而上至彼見僧伽難提安坐入定羅睺羅多與衆伺之經三七日方從定起羅睺羅多問曰汝身定耶心定耶難提曰身心俱定羅多曰身心俱定何有出入難提曰雖有出入不失定相如金在井金體常寂羅多曰若金在井若金出井金無動靜何物出入難提曰言金動靜何物出入言金出入金非動靜羅多曰若金在井出者何金若金出井在者何物難提曰金若出井在者非金金若在井出者非物羅多曰此義不然難提曰彼義非著羅多曰此義當墮難提曰此義不成羅多曰彼義不成我義成矣難提曰我義雖成法非我故羅多曰我義已成我無我故難提曰我無我故復成何義羅多曰我無我故成汝義難提曰仁者

師誰得是無我羅多曰我師迦那提婆證是無我難提以偈贊曰稽首提婆師而出於仁者仁者無我故我欲師仁者羅多答偈曰我已無我故汝須見我我汝若師我故知我非我我難提心意豁然即求度脫羅多曰汝心自在非我所繫語已即以右手擎鉢鉢舉至梵宮取彼香飯將齋大衆大衆忽生厭惡之心羅多曰非我之咎汝等自業即命難提分座同食衆復訝之羅多曰汝不得食皆緣此故當知與吾分座者即過去娑羅樹王如來也愍物降跡汝輩亦莊嚴劫中已至三果而未證無漏者衆曰我師神力斯可信矣彼云過去佛者即竊疑焉難提知衆生慢乃曰世尊在日世界平正無有丘陵江河溝澗水悉甘美草木滋茂國土豐盈無八苦行十善自雙樹示滅八百餘年世界丘墟草木枯瘁人無至信正念輕微不信真如惟愛神力言訖以右手漸展入地至金剛輪際取甘露水以琉璃器持至會所大衆見之即時欽慕悔過作禮於是羅多命難提而付法眼偈曰於法實無證不取亦不離法非有無相內外云何起難提

聞命敬奉勤至復說偈贊曰善哉大聖者心明逾日月一光照世界暗魔無不拔羅睺羅多付法已安坐歸寂四衆建塔當此土漢武帝二十八年戊辰也

丁未十七祖僧伽難提傳法伽耶舍多

僧伽難提室羅筏城人寶莊嚴王之子生而能言常讀佛事七歲即厭世樂以偈告其父母曰稽首大慈父和南骨血母我今欲出家幸願哀愍故父母固止之遂終日不食乃許其在家出家號僧伽難提復命沙門禪利多爲之師積十九載未嘗退倦每自念言身居王宮胡爲出家一夕天光下燭見一路坦平不覺徐行約十里許至大巖前有石窟焉乃燕寂於中父既失子即攢禪利多出國訪尋其子不知所在經十年僧伽難提遇羅睺羅多得法得記已行化至摩提國忽有涼風襲衆身心悅適非常而不知其然難提曰此道德之風也當有聖者出世嗣續祖燈乎言訖以神力攝諸大衆遊歷山谷食頃至一峯下謂衆曰此峯嶺有紫雲如蓋聖人居此矣即與大衆徘徊久之見山舍一童子持圓鑑直造難提前難提問汝

佛祖綱目卷第十八來字號

甲子漢宣帝五戊辰改元甘露壬申改元黃龍癸酉元帝初

戊寅改元永光癸未建昭戊子景帝己丑成帝建癸巳

改元丁酉改元辛丑改元乙巳改元己酉改元癸

丑改元乙卯哀帝建己未改元辛酉平帝元癸亥

漢平帝元  
始三年止

壬寅鴻嘉二年光祿大夫劉向撰神仙傳云黃

帝以下迄今得仙道者百四十九人其七十四

人已見佛經矣又言博觀典籍往往見有佛經

己未元壽元年景憲使大月氏國還得浮圖經

時莫有識者

戊十八祖伽耶舍多傳法鳩摩羅多

伽耶舍多摩提國人也姓鬱頭藍父天蓋母方聖嘗

夢大神持鑑因而有娠凡七日而誕肌體瑩如琉璃

未嘗洗沐自然香潔幼好閑靜語非常童持鑑出遊

遇僧伽難提尊者付法後領徒至大月氏國見一婆

羅門舍有異氣舍多將入彼舍舍主鳩摩羅多問曰

幾歲耶曰百歲提曰汝年尚幼何言百歲童曰我不

會理正百歲耳難提曰汝善機耶童曰佛言若人生

百歲不會諸佛機不如生一日而得決了之難提曰

汝手中者當何所表童曰諸佛大圓鑑內外無瑕翳

兩人同得見心眼皆相似彼父母聞子語即捨令出

家難提携至本處受具戒訖名伽耶舍多他時聞風

吹殿鈴聲難提問曰鈴鳴耶風鳴耶舍多曰非風鈴

鳴我心鳴耳難提曰心復誰乎舍多曰俱寂靜故難

提曰善哉善哉繼吾道者非子而誰即付法眼偈曰

心地本無生因地從緣起緣種不相妨華果亦復爾

僧伽難提既付法已右手攀樹而化大衆議曰尊者

樹下歸寂其垂蔭後裔乎將奉全身於高原建塔衆

力不能舉以諸象力挽之亦不動遂就樹下焚之身

盡樹更蒼鬱當此土漢昭帝十三年丁未歲也

是何徒衆舍多。曰是佛弟子。彼聞佛號。心神悚然。即時閉戶。舍多良久。扣其門。羅多曰。此舍無人。舍多曰。答無者。誰羅多聞語。知是異人。遽開門。延接舍多。指其舍簷之下。犬宿之處。謂羅多曰。汝父埋金於此。今爲犬以守之。遂掘地。果得金。復謂羅多曰。昔世尊記曰。吾滅後一千年。有大士出現於月氏國。紹隆立化。今汝值吾應斯嘉運。於是羅多發宿命智。投誠出家。舍多度之。授具已。付法眼。偈曰。有種有心地。因緣能發明。於緣不相礙。當生生不生。伽耶舍多既付法已。踴身虛空。現十八變化。火光三昧。自焚其身。衆以舍利建塔。當此土漢成帝二十年戊申歲也。

佛祖綱目卷第十八

佛祖綱目卷第十九 署字號

甲子 漢平帝元 始四年起 丙寅 漢孺子嬰居攝元年 戊辰 改元 始初 己巳 新莽  
建國元年 甲戌 新改天鳳 庚辰 新改地皇 癸未 漢更始元年 乙酉 東漢光武  
建武元年 丙辰 改元 中元 戊午 明帝永平元年 癸亥 東漢明帝永平六年  
壬十九祖鳩摩羅多傳法闍夜多  
鳩摩羅多大月氏國婆羅門之子。昔爲自在天人。欲六見菩薩瓔珞。忽起愛心。墮生忉利。聞憍尸迦說般若波羅蜜。多以法勝。故升於梵天。以根利故。善說法要。諸天尊爲導師。以繼祖時。至遂降月氏。既得法已。後至中天竺國。有大士名闍夜多。問曰。我家父母素信三寶。而常染疾。瘵凡所管作。皆不如意。而我隣家久爲旃陀羅行。而身常勇健。所作和合。彼何幸而我何辜。鳩摩羅多曰。何疑乎。且善惡之報。有三時焉。凡人但見仁夭。暴壽。逆吉。義凶。便謂亡因果。虛罪福。殊不知影響相隨。毫釐驛貳。經百千萬劫。亦不磨滅。時闍夜多聞是語已。頓釋所疑。鳩摩羅多曰。汝雖已信三業。而未明業從惑生。惑依識有。識依不覺不覺。



依心心本清淨。無生滅。無造作。無報應。無勝負。寂寂然。靈靈然。汝若入此法門。可與諸佛同矣。一切善惡。有爲無爲。皆如夢幻。闇夜多承言。願旨即發。宿慧懇求出家。鳩摩羅多曰。汝何許人。可白父母而後出家。夜多曰。我國北印度也。去此三千里。然吾有小術。往返亦易。遂行其術。與羅多須臾達彼。夜多既聞其父。母羅多。遂與受具。後告之曰。吾今寂滅時。至汝當紹行化跡。乃付法眼。偈曰。性上本無生。爲對求人說。於法既無得。何懷決不決。又云。此是妙音。如來見性清淨之句。汝宜傳布。後學言訖。即於座上。以指爪劈面。如紅蓮開出。大光明照。羅四衆而入寂滅。闇夜多建塔以奉全身。當此土新莽十四年壬午也。○漢永平四年。明帝夜夢金人身長丈餘。頂佩日輪。胸題卍字。飛行殿庭。光明照耀。旦問群臣。太史傅毅奏曰。臣按周書異記。昭王二十四年甲寅四月八日平旦之時。異風忽起。宮殿屋舍悉皆震動。有五色光氣入貫太微。偏於四方。盡作青紅色。王問太史蘇繇。是何祥瑞。對曰。西方有大聖人生。王曰。於此何如。對曰。此時無

他。一千年後。聲教被及。王使鐫石記之。南郊天祠前。以年計之。至今辛酉一千一十年也。陛下所夢將必是乎。帝深信之。遂遣中郎將蔡愔博士王遵秦景等十有八人。至西域訪求其道。○佛知此震旦國衆生緣熟。將來教化。梓潼帝君嘗言。予受業報爲卬池龍。羈於積水之下。連年旱虐。水復爲泥。身既廣大。無穴可容。烈日上臨。內外熱惱。諸鱗甲中各生小蟲。啞囁困苦。一日晨涼。天光忽開。五色雲氣浮光而過。中有瑞相紺髮螺旋。金容月瑩。山靈河伯。萬衆稽首讚歎。歡喜聲動天地。天香繚繞。隨處生春。予乃仰首哀號。乞垂救度。萬靈諸聖咸謂予曰。此西方大聖正覺世尊釋迦文佛也。今以教法流行東土。隨教化身將往中國。爾既遭逢宿業。可脫予乃身。自踴躍入天光中。具陳往昔報應之理。世尊答言。善哉。帝子。汝於向來孝家忠國。又復憫世生護持心。因果未周。仇敵相爭。以人我相。肆興殘忍。遷怒於物業債當。償今復自悔。欲求解脫。汝於此時。復有冤親之想。與夫嗔恚愚癡。念否。予聞至理。心地開明。內外豁然。如虛空住。自顧



其身隨念消滅復爲男子得灌頂智予皈依焉

佛祖綱目卷第十九

佛祖綱目卷第二十往字號

甲子 漢明帝永平七年 起 丙子 章帝建初元年 甲申 改元 丁亥 改元  
己丑 和帝永元元年 乙巳 改元 丙午 廢帝延平元年 丁未 安帝永初元年  
甲寅 改元 庚申 改元 辛酉 改元 壬戌 改元 癸亥 安帝永初元年  
帝延光二年止

漢明帝永平丁卯佛教始入震旦

丁卯天竺沙門攝摩騰竺法蘭至洛陽

東土蔡愔等至天竺隣境月支國遇梵僧攝摩騰竺法蘭二僧欲奉經像來此震旦遂同東還永平十年至洛陽摩騰入關獻經像帝大悅館於鴻臚寺蘭亦間行而後至○永平十四年己巳明帝詔於洛陽城西雍門外別立一寺使居之以白馬馱經而來遂名白馬寺帝幸其寺問摩騰曰佛出世後何以化不及

此騰曰天竺迦毗羅衛國者三千大千世界百億日月之中三世諸佛皆於此出天神龍鬼有願力者盡生彼中受化悟道餘處佛雖不往然光相及處千五百皆有聖人傳佛聲教而往化之帝大悅騰蘭進曰寺東何館帝曰昔有旱無因而起夷之復然夜有異光民呼爲聖塚因祀之疑洛陽神也騰曰按天竺金藏證所誌阿育王藏如來舍利於天下凡八萬四千所今震旦境中十有九處此其一也帝大驚卽駕幸拜之忽有圓光現塚上三身現光中侍衛呼萬歲帝喜曰不遇二大士安知上聖遺祐哉詔塔其上受制度於騰蘭塔成九層高二百尺明年光又現有金色手出塔頂尺許如琉璃中見天香郁然帝駕幸拜瞻光隨步武旋繞自午及申而滅○帝於佛法深相敬信永平十四年五嶽道士稽善信費叔才等忌之斥言佛法虛僞騰蘭白帝曰吾佛出世間法水火不能壞請與道士驗之帝勅善信等盡出所有奇經秘訣與沙門所持梵策於正月十五日築壇火驗火作而道士諸經俱燼惟佛經像儼然善信等自愧而死

道士一衆。隨首欽服。法蘭於大衆中。即唱偈言。遍非  
師子頽燈。非日月明。池非江海。納丘無山。岳榮法雲。  
垂世界。善種得開萌。願通希有法。處處化群生。自是  
帝益驚異。騰蘭習漢言。久之譯四十二章經。十地斷  
結。佛本生。法海藏。佛本行等五經。永平十六年。薊摩  
騰入寂。竺法蘭自譯經五部十三卷。

<sup>甲戌</sup>二十祖闍夜多傳法婆修盤頭

闍夜多。北天竺國人。智慧淵冲。化導無量。後至羅閱  
城。敷揚頓教。彼有學衆。惟尚辯論。爲之首者。名婆修  
盤頭。<sup>此云</sup>常一食不臥。六時禮佛。清淨無欲。爲衆所  
歸。夜多將欲度之。先問彼衆曰。此偏行頭蛇。能修梵  
行。可得佛道乎。衆曰。我師精進。何故不可。夜多曰。汝  
師與道遠矣。設苦行。歷於塵劫。皆虛妄之本也。衆曰。  
尊者。蘊何德。行而譏我師。夜多曰。我不求道。亦不顯  
倒。我不禮佛。亦不輕慢。我不長坐。亦不懈怠。我不一  
食。亦不雜食。我不知足。亦不貪慾。心無所希。名之曰  
道。時偏行聞已。發無漏智。歡喜讚歎。夜多又語彼衆  
曰。會吾語否。吾所以然者。爲其求道心切。夫紆急即

斷。故吾不贊。令其住安樂地。入諸佛智。復告偏行曰。  
吾適對衆。挫抑仁者。得無惱於衷乎。偏行曰。我憶念  
七劫前生。常安樂國。師於智者。月淨。記我非久。當證  
斯陀含果。時有大光明菩薩出世。我以老故。策杖禮  
謁。師叱我曰。重子輕父。一何鄙哉。時我自謂無過。請  
師示之。師曰。汝禮大光明菩薩。以杖倚壁。畫佛面。以  
此過慢。遂失二果。我責躬悔過。以來。聞諸惡言。如風  
如響。況今獲飲。無上甘露。而反生熱惱耶。惟願大慈。  
以妙道垂誨。夜多曰。汝久植德本。當繼吾宗。聽吾偈  
曰。言下合無生。同於法界性。若能如是解。通達事理。  
竟夜多。既付法。已於其座上。以首倒植。象婆羅樹枝。  
奄然而化。衆欲闍維。百千人舉之。不能。乃至諸羅漢。  
以神力舉之。亦不能動。衆乃炷香祝之。遂頽然委地。  
闍維收舍利。建塔當此土。後漢明帝十七年甲戌也。  
○初月支國王。聞夜多德風。躬詣問法。修敬已。請開  
演。夜多曰。大王來時。好道。今去亦如來時。王歎服。  
<sup>丁巳</sup>二十一祖婆修盤頭傳法摩拏羅

婆修盤頭。羅閱城人。姓毗舍佉。父光蓋。母嚴。一家富

而無子。父母禱於佛塔而求嗣焉。一夕母夢吞明暗二珠。覺而有孕。經七日。有一羅漢名賢衆。至其家。光蓋設禮。賢衆端坐。受之。嚴一出拜。賢衆避席云。同禮法身大士。光蓋罔測其繇。遂取一寶珠跪獻。試其真偽。賢衆即受之。殊無遜謝。光蓋不能忍。問曰。我是丈夫。致禮不顧我妻。何德尊者。避之。賢衆曰。我受禮納殊貴。福汝耳。汝婦懷聖子。生當爲世燈慧。曰。故吾避之。非重女人也。賢衆又曰。汝婦當一乳而生二子。一名婆修盤頭。則吾所尊者也。二名錫尼。此云野蠻子昔如來雪山修道。錫尼巢於頂上。佛既成道。錫尼受報爲那提國王。佛記云。汝至第二五百年。生羅閱城。毗舍佉家。與聖同胞。今無爽矣。後一月。果誕二子。尊者婆修盤頭。年十五。禮光度羅漢出家。感毗婆訶菩薩與之授戒。行化至那提國。彼王名常自在。有二子。長名摩訶羅。次名摩拏羅。王問盤頭曰。羅閱城土風。與此何異。答曰。彼曾三佛出世。今王國有二師化導。王曰。二師者誰。答曰。佛記第二五百年。有二神。力大士出家。繼聖一。卽王之次子摩拏羅。吾雖德薄。亦當其一。

初那提國有惡象爲害。拏羅生而象息。至是三十年矣。人尙不知其所以息。王方同盤頭語。忽使者報有象巨萬。逼城王憂之。盤頭曰。拏羅出患解矣。王試命拏羅出。拏羅遂出城南向象。撫腹大喝。城爲震動。群象頭仆。頃皆馳散。至是人始知三十年之安。以拏羅也。王大敬信。命拏羅繼依盤頭出家。盤頭卽與授具。付法。偈曰。泡幻同無礙。如何不了悟。達法在其中。非今亦非古。付法已。踴身高半繇旬。屹然而住。四衆告曰。願尊者無爲神。通我輩欲收舍利。遂復座入寂闍維。舍利建塔。當此土後漢安帝十二年丁巳也。

佛祖綱目卷二十一

佛祖綱目卷第二十一 秋字號

甲子	漢安帝延光三年起	丙寅	順帝永建元年	壬申	改陽嘉	丙子	改永和
壬午	改漢安	甲申	改建康	乙酉	改冲帝永嘉元年	丙戌	改初元本
亥	桓帝建和元年	庚寅	改和平	辛卯	改元興	癸巳	改永興
						乙未	改永

戊戌改延丁未改永戊申雲帝建壬子改嘉戊

午改光癸亥漢靈帝光

戊子安息國沙門安清字世高至京譯經庚戌  
譯成九十五部凡一百一十五卷辛亥清至廬  
山有郊亭廟神甚靈會三十餘船奉性請福神  
輒降語曰舟有沙門可與請來客請清至神復  
降語曰吾昔與子俱出家學道吾好施而多嘆  
今為廟神壽盡旦夕復恐墮地獄吾有嫌千段  
并雜寶物可為立法營塔使生善處清使出形  
神現大蟒悲淚如雨清取絹拭別而去清至  
豫章為建大安寺因安傳名乃江淮建塔之始也俄  
而神逝報云得生善處後人於山西澤中見死  
蟒頭尾數里今潯陽縣有大蛇村存焉

乙二十二祖摩拏羅傳法鶴勒那

摩拏羅姓利帝利父常自在王年三十遇婆修盤頭  
遂出家傳法至西印度彼國王名得度瞿曇種族事  
佛精進一日於行道處忽現一塔高一尺四寸其色  
青玄衆莫能舉王即大會梵行禪觀呪術二衆問塔

所繇衆莫能知摩拏羅曰此塔阿育王所造佛舍利  
塔也四面示相前則尸毗王割股飼鷹救鴿後則慈  
力王刺身燃燈左則薩垂太子投崖飼虎右則月光  
王捐舍寶首四面皆是釋迦世尊宿世修道之跡今  
王有緣故出現耳言已畢之王大悅遂謂摩拏羅曰  
敢問法要答曰佛法能具七事去三物乃可學王問  
三物七事為何答曰所去三物貪瞋癡所具七事大  
慈歡喜無我勇猛饒益降魔無證人所以明了不明  
了以此耳王聞已曰至聖難逢世樂非久即傳位太  
子出家七日而證四果摩拏羅深加慰誨曰汝居此國  
善自度人今異域有大法器吾當往化得度曰師應  
跡十方勸念當至寧勞往耶摩拏羅於是焚香遙語月  
支國鶴勒那比丘曰汝教導鶴衆道果將證宜自知  
之時勒那為彼國王寶印說修多羅偈忽觀異香成  
穗王曰是何祥也曰西印土摩拏羅尊者將至此信  
香也王與勒那俱西嚮作禮摩拏羅亦以手束嚮三點  
於地答之即辭得度與其具通衆凌虛而往勒那與  
寶印迎摩拏羅至王宮供養異日勒那問曰我止林間

已經九白印土以一有弟子龍子者幼而聰慧我於

三世推窮莫知其本拏羅曰此子於第五劫中生妙

喜國婆羅門家曾以旃檀施於佛宇作龍撞鐘受報

聰敏為衆欽仰又問我有何緣而感鶴衆拏羅曰汝

第四劫中嘗為比丘當赴會龍宮汝諸弟子咸欲隨

從汝觀五百衆中無有一人堪任妙供時諸弟子曰

師嘗說法於食等者於法亦等今既不然而何聖之有

汝即令赴會坐是盂食報為羽族師弟夙緣故今相

隨勒那曰以何方便令彼解脫拏羅曰吾有無上法

寶汝當聽受化未來際說偈曰心隨萬境轉轉處實

能幽隨流認得性無喜亦無憂鶴衆聞偈飛鳴而去

拏羅即躡身空中呈十八變返座指地發一神泉復

說偈曰心地清淨泉能潤於一切從地湧出徧滿

十方際偈已泊然寂滅勒那與寶印王建塔以奉全

身當此土漢恒帝十九年乙巳也

佛祖綱目卷第二十一

佛祖綱目卷第二十一

佛祖綱目卷第二十二收字號

甲子漢靈帝中庚午獻帝初甲戌漢改丙子漢改

庚子魏高祖黃辛丑蜀漢昭烈壬寅吳太祖黃癸

卯漢後主建丁未魏明帝太己酉吳改壬子吳改

癸丑魏改丁巳魏改戊午漢改庚申魏改癸

亥漢後主延熙六年魏正始四年吳赤烏六年止

魏 曹姓五主共四十五年

三國 蜀漢劉姓二主共四十四年

吳 孫姓四主共五十九年

漢初平年中有牟子未詳名字避世隱居銳志  
佛道著理惑三十七篇極其推崇梁僧祐律師  
收之弘明集○陳思王曹植字子建魏武帝操  
之中子十歲誦詩書十餘萬言善屬文邯鄲淳  
見而駭嘆稱為天人植每讀佛經留連嗟玩以  
為至道之宗轉讀七聲升降曲折世皆則之遊  
漁山間有聲特異清颺哀婉因倣之為梵唄然  
不好黃老嘗著辨道論以見意



已二十三祖鵝勒那傳法師子比丘

鵝勒那勒即梵語月支國人姓婆羅門父千勝母金

光以求子禱於七佛金幢夢須彌頂有神童持金環

云我來及誕而天雨花國王以其有神徵乳於宮中

宮嬪育之即分身各爲其子有千許王曰我無諸嗣

將育爾爲太子今者千身孰爲正子哉言已一子放

光忽皆不見而見於其父母家王莫能如何七歲親

民間淫祠惡其宰殺入廟叱之廟貌遂隳鄉黨稱之

爲聖子至年二十二出家棲一林間九白誦大般若

感鵝衆相隨三十得法行化至中印度爲其王無畏

海說法感日月天子禮拜其前王目見之乃問勒那

日月國土總有多少勒那曰千釋迦所化世界各有

百億迷盧日月我若廣說即不能盡王聞忻然時勒

那演無上道度有緣衆有上足龍子圣天其兄師子

博通強記事婆羅門將塋龍子而衆力舉其柩不能

勒勒那謂師子曰昔汝弟欲冥福汝而塑一佛像汝

方信婆羅門投於地今汝弟雖謝世猶欲感悟汝故

示斯異汝亟供像極斯學矣師子奉命而極舉未幾

婆羅門師死師子乃歸依勒那聞曰我欲求道當何

用心勒那曰汝欲求道無所用心曰既無用心誰作

佛事勒那曰汝若有用即非功德汝若無作即是佛

事經云我所作功德而無我所故師子聞是語已即

入佛慧時勒那忽指東北問曰是何氣象師子曰我

見氣如白虹貫乎天地復有黑氣五道橫亘其中勒

那曰其兆云何曰莫可知矣勒那曰吾滅後五十年

北天竺國當有難起嬰在汝身吾將滅已今以法眼

付囑於汝善自護持乃說偈曰認得心性時可說不

思議了了無可得得時不說知師子比丘聞偈欣慍

然未曉將羅何難勒那乃密示之言訖現十八變而

歸寂闍維各欲分舍利與塔勒那復現形空中而說

偈曰一法一切法一切一法攝吾身非有無何分一

切塔大衆聞偈遂不復分就馱都場而建塔當此土

後漢獻帝二十年己丑也

辛丑三藏康僧會行化至吳

康居國大丞相之子姓康名僧會棄俗歸緇遊化至

建康營立茅茨設像行道吳人以爲妖吳主孫權聞



之曰是漢明帝所夢佛道之遺風耶詔至問狀會廣陳如來之化因曰如來化已千年然靈骨舍利神應無方昔育王奉爲八萬四千塔此遺化也權曰舍利可得當爲塔之荷其無驗國有常刑會請期七日謂其靈曰佛法廢興在此一舉當加意懇求至期無驗乃展二七又無驗權曰趣烹之會默念我佛名真慈必不違我更請展期又七日五鼓矣聞鏗然有聲起視瓶中五色錯發大呼曰果如吾願矣黎明進之權與公卿聚觀嘆曰希世之瑞也會言舍利威神一切世間無能壞者權使力士槌之砧碎而光明自若於是建塔立寺名其里曰佛陀寺曰建初江南塔寺自此而始權問太傅闕澤曰漢明何年佛教入中國何緣不及東方澤曰永平十一年佛法初至計今亦烏四年一百七十餘年矣永平十四年五嶽道士褚善信等與西僧鳩法善信負妄慚死凡中國人例不許出家無人流布加之亂離歲深方至本國權曰孔子制述典訓教化來葉老莊修身自玩放浪山林歸心澹泊何事佛爲澤曰孔老二教法天制用不敢違天

佛教諸天奉行不敢違佛以此言之優劣可見也

佛祖綱目卷第二十二

佛祖綱目卷第二十二冬字號

甲子 漢後主延熙七年魏正始五年吳赤烏七年起 己巳 魏嘉平 辛未 吳大  
壬申 吳建興 甲戌 魏正元 丙子 魏甘露 戊寅 漢景  
庚辰 魏景 甲申 魏咸熙 乙酉 晉武帝泰始 丙戌 吳  
鼎 己丑 吳建興 壬辰 吳鳳凰 乙未 晉咸寧 丙申 吳天  
西紀 吳天 庚子 晉太康 庚戌 晉惠帝永 辛亥 改元康  
庚申 改永 辛酉 改永 壬戌 改大 癸亥 晉惠帝大  
晉司馬姓西晉起武帝乙酉止愍帝丙子四主  
共五十二年東晉起元帝丁丑止恭帝己未十  
二主共一百四年二晉共一百五十六年  
丁二十四祖師子比丘傳法婆舍斯多  
師子比丘中印度人姓婆羅門得法遊方至罽賓國  
有沙門波利迦本習小乘禪觀其學徒有五曰禪定

日知見曰執相曰捨相曰不語師子謂持不語者曰。佛教勤衍般若。執爲不語。而反佛說耶。謂捨相者曰。佛教威儀具足。梵行清白。豈捨相耶。謂執相者曰。佛土清淨自在。無著何執相耶。謂知見者曰。諸佛知見。無所得。故此法微妙。覺聞不及。無爲無相。何知見耶。四衆皆服從。惟禪定師達磨達者。聞四衆義。屈憤悱而來。師子曰。仁者習定。何當來此。既至於此。胡云習定。彼曰。我雖來此。心亦不亂。定隨人習。豈在處所。師子曰。仁者既來。其習亦至。既無處所。豈在人習。彼曰。定習人故。非人習定。我當來此。其定常習。師子曰。人非習定。定習人故。當自來時。其定誰習。彼曰。如淨明珠。內外無翳。定若通達。必當如此。師子曰。定若通達。一似明珠。今見仁者。非珠之徒。彼曰。其珠明徹。內外悉定。我心不亂。猶若此淨。師子曰。其珠無內外。仁者何能定。穢物非動搖。此定不是淨。達磨達聞已。遂作禮曰。我於學道。蓋虛勞耳。尊者幸有以教我。慙慙哀請。師子曰。諸佛禪定。無有所得。諸佛覺道。無有所證。無得無證。是真解脫。酬因答果。世之業報。於此法中。

悉不如是。達磨達蒙師子開悟。心地朗然。師子既攝五衆名聞。遐邇方求法嗣。遇一長者。引其子來問曰。此子名斯多。當生便拳。左手年二十矣。終未能舒。願尊者示其宿因。師子觀之。卽以手接曰。可還我珠。童子遽開手。奉珠衆皆驚異。師子曰。吾前報爲僧。有童子名婆舍。吾嘗赴西海齋。受觀珠。付之。今還我珠。理固然矣。長者遂令出家。師子會衆聖與受具以前緣。故名婆舍。斯多師子卽謂之曰。吾師密有懸記。罹難非久。如來正法眼藏。今當付汝。汝應保護。普潤來際。偈曰。正說知見時。知見俱是心。當心卽知見。知見卽於今。師子說偈已。以僧伽黎密付斯多。俾之他國。隨機演化。斯多受教。直抵南天竺。師子謂難不可以苟免。獨留罽賓。達磨達恨師子不令嗣祖。一日渡谿。見女子浣露。其足念曰。此脛乃爾白晳耶。師子忽至曰。今日之心。可嗣祖乎。

已二十四祖師子尊者示寂

師子住罽賓國時。有外道二人。一名摩目多。二名都洛遮。相與隱山學諸幻法。欲共謀亂。遂易其徒。皆爲

僧形潛入王宮不效爲國所擒其王彌羅崛大怒曰  
我素重佛何以爲此大逆遂勅誅沙門毀佛寺王自  
秉劍至師子前問曰師得蘊空否曰已得蘊空王曰  
離生死否曰已離生死王曰既離生死可施我頭曰  
身非我有何吝於頭王即揮刃斷師子首白乳湧高  
數尺王之右臂旋亦墮地七日而終太子光首泣曰  
吾父何故自取其禍延衆懺悔時象白山有仙人深  
明因果言師子與羅崛往世皆爲白衣以嫉法勝故  
陰戕於崛乃今償焉衆遂以師子報體建塔於被害  
處當此土魏甘露四年己卯也

乙三藏僧會諫毀佛寺

吳主孫皓下令遍毀神祠波及梵宇群臣諫曰先帝  
感瑞創寺不可毀也皓遂召康僧會問曰佛言善惡  
報應可得聞乎會曰明主以孝慈治天下則赤烏翔  
而老人見以仁德育萬物則醴泉冽而嘉禾茁善既  
有應惡亦如之故爲惡於隱鬼得而誅之爲惡於顯  
人得而誅之易稱積善餘慶詩美求福不回雖儒典  
之格言實佛教之明訓皓曰然則周孔既明安用佛

教會曰周孔不欲深言故略示其跡佛教不止淺言  
故詳示其要皆爲善也聖人惟恐善之不多陛下以  
爲嫌何也皓無以對遂罷毀寺之令○天竺耆域初  
來交廣多著靈異至洛陽見比丘衣服華麗乃曰大  
違戒律非佛意也見帝都宮室曰大略似忉利天宮  
然人天殊分疲民之力繕刻如此不亦侈乎大安元  
年知洛將亂辭歸天竺有僧乞一言爲識域令集衆  
陞座曰守口攝身意慎莫犯衆惡修行一切善如是  
得度世言訖便默於是數百人各請域中食域皆許  
往明日五百舍皆有一域分身受食

佛祖綱目卷第二十三

佛祖綱目卷第二十四藏字號

甲子	晉惠帝永	丙寅	改光	丁卯	懷帝永	癸酉	愍帝
元	興元年起	興	熙	嘉元年	年	建興	
年		年		年		年	
元	東晉元帝	戊寅	改大	壬午	改永	癸未	明帝
年	建武元年	興	興	昌	昌	太	太
年		年		年		年	
元	成帝咸	乙未	改咸	癸卯	康帝建	乙巳	穆帝
年	和元年	康	康	元	元	永	和
年		年		年		年	

元丁巳改昇壬戌哀帝隆癸亥晉哀帝興  
年  
和元年止

庚午天竺佛圖澄至洛陽

佛圖澄天竺人姓帛氏晉永嘉四年至洛陽自云百  
 有餘歲服氣自養積日不食善誦神呪役使鬼神腹  
 旁有孔以綿塞之夜則拔綿出孔以自照每臨溪從  
 孔出腸胃洗濯還納腹中欲於洛陽立寺以弘大法  
 值劉曜寇亂遂不果時石勒屯葛陂多殘殺部下大  
 將郭黑略素奉法澄即杖錫投略略受五戒後略從  
 征伐輒預冠勝負勒疑而問略略曰有一沙門習術  
 非常云將軍當略有區夏已應爲師臣前後所白皆  
 其言也勒喜曰天賜也遂召澄問佛道有何靈驗澄  
 知勒不達深理止可以道術爲徵即取鉢盛水燒香  
 呪之須臾生青蓮花勒繇此信服澄因諫曰王者德  
 化洽於宇內則四靈表瑞勒甚悅之勒後因忿欲害  
 諸道士并欲害澄澄乃避去使人覓之不得還報勒  
 勒驚曰吾有意向聖人聖人捨我去矣通夜不寢思  
 欲見澄澄知勒意悔明且造勒勒曰昨夜何行曰公  
 有怒心昨故權避公今改意是以敢來勒大笑

乙酉二十五祖婆舍斯多傳法不如蜜多

婆舍斯多罽賓國人姓婆羅門父寂行母常安樂初  
 母夢得神劍因而有孕既誕掌左手遇師子尊者願  
 發宿因密受心印後遍南天至中印度彼國王名迦  
 勝設禮供養時有外道號無我尊先亦爲王禮重嫉  
 斯多至乃於王前論義謂斯多曰我解默論不假言  
 說斯多曰孰知勝負彼曰不爭勝負但取其義斯多  
 曰汝以何爲義彼曰無心爲義斯多曰汝既無心豈  
 得義乎彼曰我說無心當名非義斯多曰汝說無心  
 當名非義我說非心當義非名彼曰當義非名誰能  
 辨義斯多曰汝名非義此名何名彼曰爲辨非義是  
 名無名斯多曰名既非名義亦非義辨者是誰當辨  
 何物如是往返五十九番外道杜口信伏時王宮殿  
 忽有異香斯多肅然面北合掌長吁曰我師師子尊  
 者今日遇難斯可傷焉尋辭王王曰尊者少留容有  
 所問此苑有泉熱不可探願爲決之斯多曰此爲湯  
 泉有三緣所致其一神業其二鬼業其三熱石熱石  
 者其色如金其性常炎故其出泉如湯鬼業者謂其

鬼方出罪所遊於人間以餘業力煎灼此泉以償其夙債神業者謂神不守其道妄作禍福以取饗祀惡業貫盈宜罰役之亦使煎灼此泉以償蓋祭王曰幸尊者驗之三緣中此果何者所致斯多曰此神業所致也即命熬香臨水爲其懺悔須臾沸水現一長人前禮斯多曰我有微祐得遇尊者即生人中故來辭謝耳已而遂隱後七日其水果清冷如常泉斯多辭王王躬羅御仗以送之至南印度潛隱山谷時彼國王名曰天德迎請供養王有二子長曰德勝凶暴而色力充盛次曰不如蜜多和柔而常嬰疾苦王以問斯多斯多爲陳因果王敬信受後六十載德勝嗣位信向外道因致難於斯多不如蜜多以進諫被囚王遽問斯多囚予國素絕妖訛師所傳者當是何宗斯多曰王國昔來實無邪法我所得者即是佛宗王曰佛滅已千二百年師從誰得耶斯多曰飲光大士親受佛印展轉至二十四世師子尊者我從彼得王曰子聞師子比丘不能免於刑戮何能傳法後人斯多曰我師雖未起時密授我信衣法偈以顯師承王曰

其衣何在斯多即於囊中出衣示王王命焚之五色相鮮薪盡如故王即追悔致禮師子真嗣既明乃赦蜜多蜜多遂求出家斯多問曰汝欲出家當爲何事曰我若出家不爲其事斯多曰不爲何事曰不爲俗事斯多曰當爲何事曰當爲佛事斯多曰王子智慧天至必諸聖降跡即許出家六年侍奉後於王宮受具羯磨之際大地震動頗多靈異斯多乃命之曰吾已衰朽安可久留汝當善護正法眼藏普濟群有聽吾偈曰聖人說知見當境無是非我今悟本性無道亦無理蜜多受偈已問衣可傳乎曰此衣爲難故假以證明汝身無難何假其衣化被十方人自信需斯多乃現神變化三昧火自焚平地舍利可高一尺德勝王叛浮圖而秘之當此土晉明帝乙酉歲也

戊申佛圖澄尊者入寂

石勒弟虎襲位尤傾心事佛圖澄澄謂虎曰帝王事佛在恭儉慈忍顯贊法道不爲暴虐不害無事民有爲惡化之不懷者其可不罰乎但殺不可蓋刑不可不恤耳永和四年十二月澄謂弟子曰石氏當滅



佛祖綱目卷第二十五 閏字號

甲子 晉哀帝興寧二年 丙寅 帝奕太和元年 辛未 晉文咸安元年 癸酉 孝武

寧康元年 丙子 改太 丁酉 安帝隆安元年 壬寅 改元 乙巳 改元

己未 恭帝元熙元年 庚申 宋高祖永初元年 癸亥 宋文帝景平元年

南北朝 宋劉姓八主共六十年 魏拓拔姓十

二主共一百四十九年分而為東西魏

丁卯 支遁法師隱居剡山

支遁字道林壯歲出家興寧二年至都講道行般若經謝安王羲之殷浩郗超孫綽許詢何充王坦之等皆與結方外交太和二年歸隱剡山嘗著銘以勗衆有曰勤之勤之至道非彌茫茫三界渺渺長羈謹守明禁抗志無為有遺以馬者畜之曰吾愛其神駿耳有遺以鶴者縱之曰冲天之物豈耳目玩哉晚移石城山木食澗飲復至山陰講維摩經許詢為都講聽者欽服○慧永內江潘氏子與慧遠同師道安相期結屋羅浮及遠為安所留永乃先至潯陽刺史陶範留憩廬山舍宅為西林以居之峯巒別立茅室嘗有

吾及其未亂失逝矣乃遣人辭虎虎驚曰大和尚遠棄我國有難乎即至寺慰澄澄曰出生入死道之常也修短分定無絲毫損有可恨者國家存心佛法建寺度僧當蒙福祉而布政暴虐刑罰交盛特違聖典終無福祐能敷仁政祚或可延虎號慟悲咽知其必逝即為鑿墳營墳至八日安坐而逝壽一百七十歲入道一百九年酒不踰齒食不過中非戒不履立寺八百九十三所度弟子七千餘人凡澄所在國人無敢向其方涕唾便利者每相戒曰莫起惡心大和尚知汝自大教東來至澄而盛後有僧自雍州來見澄西入關以聞虎虎命發塚惟塊石存焉○竺佛調久師澄住常山寺積年或分身他處或經歲入山齋乾飯數斗歸常有餘有僧隨調山行值雪調入虎窟中宿虎還共臥後自剋亡日遠近皆至調曰人身無常能專心真淨形數雖乖而必同契言訖端坐而逝弟子入山見調坐巖上衆禮曰和尚尚在耶調曰吾常在耳乃不見衆共開棺惟衣履存

佛祖綱目卷第二十四



一虎馴伏入其室者輒聞異香因號香谷

已道安法師至長安

道安常山衛氏子世業儒年十一出家師事佛圖澄讀書日記萬言才辯無敵性聰而貌醜時人語曰漆道人驚四隣澄及率徒衆依陸渾山寧康元年至襄陽立檀溪寺時有高士習鑿齒詣安自稱曰四海習鑿齒安應聲答曰彌天釋道安太元四年秦主苻堅攻拔襄陽得安而喜謂左右曰吾以十萬師取襄陽才得一人半耳左右問爲誰曰安公一人習鑿齒半人也安至長安大弘法化

丙慧遠法師住廬山

慧遠鴈門賈氏子少好學博綜六經尤善莊老宿儒先進莫不服其深致年二十一與弟慧持造道安法席聞出世法而悅之嘆曰儒道九流特獮批耳遂出家時門徒數千遠居第一座安嘗謂衆曰使道流東國者其在遠乎及關中擾亂安散其徒各隨所往靡不諄諄規誨獨遠不聞一言因恠問之安曰若汝者吾尙何言哉遂自荊州將之羅浮抵潯陽見廬山愛

之乃立精舍以去水猶遠舉杖扣地曰若此可居當使朽壤抽泉言畢清流湧出學侶漸衆遠慮居隘非弘道之所其夜山神忽見夢曰此山足可棲神願毋他往一夕天大雪雨詰旦林麓廣闊素沙布地梗柶文梓充布地上刺史大相感動乃爲建刹丙戌畢功名其殿曰神運號曰東林先是陶侃刺廣州漁人見海中有神光網之得金像文殊後商人於海東獲一圓光持以就像若彌縫然侃以送武昌寒溪寺及侃移督江州迎像將還至舟而溺及寺成遠至江上虔禱像忽浮出遂迎至神運殿造重閣以奉之

戊子二十六祖不如蜜多傳法般若多羅

不如蜜多姓刹帝利南印度王之次子既得法於婆舍斯多後行化至東印度彼王名堅固奉外道師長爪梵志暨蜜多將至王與梵志同觀白氣貫於上下王曰斯何瑞也梵志曰此魔來之兆耳何瑞之有卽鳩徒衆議曰不如蜜多將入都城誰能挫之弟子曰我等各有呪術可以動天地入水火何患哉蜜多至見宮牆有黑氣乃曰小難耳直詣王所王曰師來何

爲曰將度衆生王曰以何法度曰各以其類度之時梵志聞言不勝其忿即以幻法化一大山於蜜多頂上蜜多指之忽移化山還壓彼頭復以手按地地動五百外道皆不能立梵志怖懼懺禮蜜多蜜多復按地地靜指山山滅王異曰大治齋集諸外道懇蜜多預會蜜多初不欲行而知所會地將陷乃往王喜曰師肯來耶蜜多曰吾非應供來救死耳此地已爲龍窟須臾當下陷王大恐與其衆俱如高原反顧其地已淵然成坎矣王益敬信蜜多乃爲王演說法要俾趣眞乘且曰王國有聖人常繼我法先是東印有婆羅門子年二十幼失父母不知名氏或自言嬰珞人遂名曰嬰珞童子丐行閭里有問汝行何急即曰汝行何緩問何姓即曰與汝同姓人莫測之一日王與蜜多同車而出嬰珞隨首於前蜜多曰汝憶往事否答曰我憶往劫中與師同居師演摩訶般若我演甚深修多羅今日之事蓋契昔因蜜多謂王曰此大勢至菩薩也繼後出二人一人化南印度一人緣在震旦九年却返此方遂以昔因名童子爲般若多羅付

正法眼藏偈曰眞性心地藏無頭亦無尾應緣而化物方便呼爲智蜜多既付法已即辭王曰吾化緣已終當歸寂滅願王於最上乘無忘外護即還本座現形如日少頃復呈十八變出三昧火自焚雨金色舍利王以金塔闕之當此土晉武帝戊子歲也

巳道安法師入寂

太元十四年正月二十七日道安見有異僧出入窓隙安以生處問之異僧手指西北即時雲開見樓閣如幻出曰彼兜率天也二月八日跏趺而逝安每疏經義必求聖證一日感龍眉尊者降安出所製似之尊者欽嘆以爲盡契佛心乃許以密助弘通安識其爲賓頭盧因設日供門弟子通其業者數十人有法遇者傳教長沙徒衆數百中有一人私飲遇縱而不舉安兼知之即封荊以寄遇抱荊泣曰董衆無狀遠遺師憂於是俯伏受譴安左臂有一肉串隆起如印持可上下而不出脫時號印手菩薩

庚慧遠法師結蓮社

晉室式微天下奇才絕俗之士多隱居不仕來歸慧

遠遠曰諸君倘有心淨土之遊。宜加勉勵。於是率衆共結蓮社。一心念佛。期生淨土。令劉程之著發願文。而王喬之等復爲念佛三昧詩。以見志。遠序曰。念佛三昧者。何思專想寂之謂思。專則志一。不撓想寂則氣虛。神明氣虛則智恬。其照神明則無幽不徹。斯二乃是自然之玄符。會一而致用也。是故靖恭閒宇。而感物通靈。御心惟正。動而入微。此假修以凝神。積習以移性。猶或若茲。況夫尸居坐忘。冥懷至極。智落宇宙而暗。蹈大方者哉。請言其始。菩薩初登道位。甫窺玄門。體寂無爲。而無弗爲。及其神變也。則令修短葦常度。巨細互相遠。三光迴景。以移照。天地卷而入懷矣。又諸三昧其名甚衆。功高易進。念佛爲先。窮玄極微。尊號如來。神體合變。應不以方。故令入斯定者。昧然忘知。卽所緣以成鑒。鑒明則內照交映。而色像生焉。非耳目之所暨。而聞見行焉。於是觀夫淵凝虛鏡之體。則悟靈相湛一。清明自然。察玄音之叩心。聽則塵累每消。滯情融朗。非天下之至妙。孰能與於此。以茲而觀一觀之感。乃發久習之深覆。豁昏習之重迷。

若匹夫衆定之所緣。故不得與其優劣。若可知也。是以奉誠諸賢。咸思一揆之契。感寸陰之頽景。懼來儲之未積。於是洗心法堂。整衿清向。夜分忘寢。夙宵惟勤。庶夫貞詣之功。以通三乘之志。臨津濟物。與九流而同往。仰援超步。拔萌之興。俯引約進。秉策其後。以覽衆篇之渾翰。豈徒文詠而已哉。○釋慧巍山居禪定。山鬼現種種形。皆隨巍點化而隱。時大雪。有一女子姿容婉媚。衣服鮮麗。來白巍曰。上人有德。天遣我來。以相慰諭。因說種種。欲言巍一心不動。乃謂女曰。吾心若死灰。無以革囊見試。女遂凌雲而去。顧嘆曰。海水可竭。須彌可傾。彼上人者。秉志堅貞。

辛鳩摩羅什法師至長安

鳩摩羅什

此翻童壽

中天竺人。父名鳩摩羅炎。家世相國。

棄榮出游。龜茲王以妹妻之。生羅什。什生而神靈七歲。隨母入寺。見鐵鉢。試取加頂。俄念此鉢甚重。我何能舉。卽不勝。重遂悟。萬法惟心。博學強記。人莫能及。年二十。什母辭王往天竺。謂什曰。方等深教。不可思議。傳之東土。惟爾之力。但於汝無利。其可奈何。什曰。

必使大化流轉。雖苦無恨。母至天竺。道成。獲河那舍。果符堅據。秦攻襄陽。得道安。安因勸堅。迎西域羅什。適太史奏。德星現於西域。分野當有大智人入輔中國。堅曰。朕聞龜茲有羅什者。得非此耶。遣將呂光謂曰。朕非貪地用兵。聞羅什深解法相。爲後學宗。若克龜茲。即宜馳驛送什。及破龜茲。送什以歸。中道聞堅已爲姚萇所害。遂止不返。什因不至。秦後。萇亦聞什名。要請而光不允。萇亡子興復。請亦不允。因遣兵伐光。光敗降。秦方得迎什。十二月。什至長安。秦主命什於西內道。遙園譯經。什尋覽舊經。多所紕繆。不與梵本相應。乃集沙門僧肇。僧叡等重譯。○僧肇自爲沙門名震。三輔什在姑臧。肇往依之。什與語。驚曰。法中龍象也。及歸關中。助什詳定經論。因出大品之後。著般若無知論。什覽奇之。傳其論至廬山。慧遠深相讚嘆。○僧叡冀州人。初遊學諸方。後入關。從羅什講成實論。什嘆曰。子眞精識。傳譯有賞音。吾何恨焉。

○慧遠法師著法性等論

慧遠生廬山。大弘法道。聞鳩摩羅什入關。遣書通好。

什答書略曰。經言末後東方當有護法菩薩。勗哉仁者。善弘其事。并遺偈一章曰。既已捨染樂心。得善攝。否若得不馳。敢深入實相否。異境空相中。其心無所樂。若悅禪智慧。是法性無照。虛誑等無實。亦非停心處。仁者所得法。幸願示其要。遠復答以偈曰。本端竟何從。起滅有無際。一微涉動境。成此頽山勢。惑想更相乘。獨理自生滯。因緣雖無主。開塗非一世。時無悟宗匠。誰將運玄契。來問尚悠悠。相與期暮歲。初震旦未有涅槃常住之說。但云壽命長遠。遠曰。佛是至極至極。則無變無變之理。豈有窮哉。乃著法性論十四篇。略曰。至極以不變爲性。得性以體極爲宗。羅什見論歎曰。邊方未見經。便聞與理會。豈不妙哉。

丙 天竺佛跋陀至關中

天竺佛跋陀。北云得正法於佛大先。佛大先與達磨同參。二十七祖跋陀。既得法後。遊剎賓國。嘗積歲

宴坐。時有秦沙門智嚴等。西往剎賓。迎陀入關。鳩摩羅什剎雁而迎。恨相見之晚。議論多所發。秦太子姚泓。延至東宮。對什論法。什問法云。何空陀曰。衆微

成色色無自性。故色卽空。又問。旣以極微破色。空復云何破一微。陀曰。以一微故。衆微空。以衆微故。一微空。沙門寶雲不省其意。咸謂跋陀所計微塵是常。更申請之。陀曰。法不自生。緣會故生。緣一微故有衆微。微無自性。則是空矣。寧當言不破一微乎。時秦尙玄化沙門出入宮闕者數千。跋陀隕然而已。一日偶謂弟子曰。昨見天竺五舶俱發。應合至矣。又其徒自言得那含果。僧正道誓曰。佛不許言自所得法。五舶之論何所窮詰。弟子輕言誑惑於律於達義不同。處陀遂渡江入匡廬。見慧遠論義遠高之。乃請出禪數諸經。稽考別傳之旨。源流所自。未幾而五舶俱至。

丁未 天竺佛陀耶舍至關中

鳩摩羅什在秦嘗於草堂寺講經。秦主姚興及朝臣沙門數千肅容觀聽。一日興謂什曰。大師聰明才辨。海內無雙。何可使法種不嗣哉。遂以宮女十輩逼令受之。什自是不住僧房。別立廨舍。諸僧中有欲效之者。什乃聚鍼盈鉢。謂諸僧曰。若能見效食此者。乃可畜室耳。因舉匕進鍼。如常膳。諸僧愧服。乃止。天竺佛

陀耶舍此云覺明至姑臧。聞羅什受秦宮女。嘆曰。什如好綿。其可使入棘刺乎。什聞耶舍爲已遠來。勸秦主迎之。使者至。彼耶舍曰。明旨遠降。便當驛馳副禮。越待士之勤。脫如見禮。羅什則貧道當在北山北矣。使還興復敦請耶舍。乃來秦主郊迎。別創精舍處之。設供如王者。耶舍一無所受。時至分衛一食而已。

○陶潛居士謁慧遠大師

慧遠住東林寺。下有虎溪。遠送客每以虎溪爲限。義熙三年。道士陸修靜偕陶潛入山。見遠遠送之。執手談話。不覺過虎溪。虎便哮吼。三人相顧大笑。世傳爲三笑圖。時潛居柴桑。近廬山。常訪遠遠。愛其曠達。以書招入。社潛性嗜酒。謂許飲。卽來。遠遠許之。乃造焉。久之以無酒。攢眉而去。潛字元亮。初名淵明。嘗仕晉爲彭澤令。晉滅。改名潛。時號靖節先生。

庚戌 遣民居士劉程之示生淨土

劉程之字仲思。彭城人。少孤。事母以孝聞。初爲府參軍。卽隱去。桓玄劉裕等交薦不就。乃之廬山。依慧遠。遠曰。官祿巍巍。何以不爲。程之曰。君臣相疑。疣贅相



虧晉室無磐石之固。物情有累卵之危。吾何爲哉。遠然其說大相器厚。朝廷知其志不可奪。旌其號曰遺民。遠創蓮社。俾程之撰誓文。其略曰。神者可以感。涉而不可以迹。求必感之有物。則幽路咫尺。苟求之無方。則渺茫何津。今幸以不謀而感。念心西境。乃機象通於寢夢。欣懽百於子來。可不克心。克念重精。疊思以凝其慮哉。然景續參差。功福不一。雖晨期云同。而夕歸攸隔。卽我師友之眷。良可悲矣。是以慨然胥命。整衿法堂。等施一心。亭懷幽極。誓茲同人。俱遊絕域。其有警世絕倫。首登神界。則無獨善於雲。矯志兼金。於幽谷先進。後升勉思彙征之道。然後妙觀大義。啓心眞照。識以悟新。形繇化革。程之復著。念佛三昧。詩以表專志。始涉半歲。卽於定中見佛光照地。皆作金色。居十五年。又見阿彌陀佛。玉毫光照。垂手慰接。程之懇曰。安得如來爲我摩頂。覆我以衣。俄而佛爲摩頂。引袈裟被之。翼日念佛。又見身入寶池。蓮花青白。其水湛然。一人頂有圓光。胸出卐字。指池水曰。八功德水。汝可飲之。程之飲水甘美。及寤。猶覺毛孔香發。

乃告衆曰。吾淨土之緣至矣。對像焚香。再拜祝曰。我以釋迦遺教。故知有阿彌陀佛。此香供養釋迦如來。次供阿彌陀佛。及妙法華經。願一切有情俱生淨土。言訖。面西合掌而逝。異香郁然。七日而息。時晉義熙六年也。○周續之字道祖。鴈門人。幼通五經。五緯。號十經童子。養志閒居。公卿交辟。皆不就。事慧遠。預蓮社。宋文帝踐祚。召對。辯析帝大悅。或問身爲處士。時踐王廷。可乎。答曰。心馳魏闕者。以江湖爲桎梏。情致兩忘者。市朝亦隱穴耳。時稱通隱先生。後居鍾山。專心念佛。愈老愈篤。一日向空云。佛來迎我。合掌而逝。○張野字華民。居潯陽。兼通華梵。尤善屬文。舉茂才。屢徵散騎常侍。俱不就。入廬山蓮社。修淨業。義熙十四年。與家人別。入室端坐而逝。○張詮字秀碩。野之族子。高逸好學。耕鋤間。帶經不釋。屢徵弗就。庾悅以其貧。舉爲潯陽令。笑曰。古人以容膝爲安。屈志就祿。奚榮之有。乃入廬山。依蓮社。研窮內典。多有悟入。宋景平元年。無疾安臥而逝。○雷次宗字仲倫。入廬山蓮社。立館東林之側。及遠示寂。與子侄書曰。吾弱冠。



入廬山事釋和尚於時師友淵源務宏聖道玩心佛理夜以繼日樂而忘憂二十餘載淵匠既傾良朋亦喪遂與汝曹歸耕隴畔山居十年齒逾知命及今耄未至昏尚可勵志成西歸之津梁自今以往家務大小一勿見關子平之言可以爲法○闕公則入廬山蓮社既卒友人於洛陽白馬寺夜中爲作忌祭忽一時林木殿宇皆成金色空中有聲曰我闕公則也祈生極樂今已得生言訖無所見

壬 慧持法師入寂

慧持即慧遠之弟年十八與遠同事道安止廬山隆安二年辭遠入蜀遠留之曰人生愛聚汝獨樂離持曰滯情愛聚者本不應出家今既割欲求道正以西方爲期耳遂辭至成都大弘佛法升其堂者皆號登龍門晉義熙八年垂誠門徒訖即入定於龍龕樹

癸 鳩摩羅什法師示寂

鳩摩羅什雅好大乘志在敷演常嘆曰吾若著筆作大乘阿毗曇非迦旃子比也今深識者既寡將何所論惟爲姚興著實相論二卷後秦弘始十五年四月

示有疾乃口出三番神呪令外國弟子誦之以自救未及致力病覺危殆遂集衆曰因法相逢殊未盡心方復後世惻愴可言自以闇短謬充傳譯願傳之後世咸共流通今於衆前發誠實誓若所傳無謬義契佛心當使焚身之後舌不焦爛言訖而寂闍維薪滅形盡舌根不壞若紅蓮色壽七十初什嘗與母謁大月氏國北山尊者北山謂其母曰善護此沙彌年三十五毗尼無缺度人如優波鞠多杯度在彭城聞什入關嘆曰吾與此子數別三百餘年相見杳然未期遲於來世耳什自入關後弟子凡千餘人生肇融叙謂之什門四聖所譯經論三百九十餘卷○釋道生姓魏氏生而穎悟不喜塵囂落髮受戒初入廬山幽棲七年後遊關中從羅什受業關中僧衆欽服若神

甲 慧永法師往生淨土

慧永住西林三十年絕志塵囂一心安養鎮南將軍何無忌至虎溪慧遠從徒數百人高言華論舉止可觀而永衲衣半脛荷錫持鉢松下飄然而來神氣自若無忌嘆曰永公清散之風乃多於遠公也義熙十

年示微疾。忽歛衣合掌求罷。欲起。如有所見。衆咸驚問。承曰。佛來迎我。言訖而化。異香七日乃歇。

丙 慧遠法師示生淨土

慧遠住廬山三十年。影不出山。超志西方。初十一年。三觀聖相。沉厚不言。後十九年。義熙丙辰七月晦夕。於般若臺。前方從定起。見阿彌陀佛。身滿虛空。圓光之中。有諸化佛。觀音勢至。左右侍立。又見水流光明。分十四支流。注上下。演說妙法。佛告遠曰。我以本願力。故來安慰汝。七日後當生我國。又見佛陀耶舍。慧持。慧永。劉遺民。在佛之側。前揖遠曰。師志在先。何來之晚耶。遠乃謂弟子曰。吾始居此。三觀聖相。今復再見。吾生淨土必矣。至八月六日。遠乃端坐入寂。壽八十四。○僧齊從慧遠游。遠嘗曰。紹隆大法。其在爾乎。後疾篤。誠期淨土。遠遺燭一枝曰。汝可運心安養。齊執燭憑几。停想無亂。又集衆諷淨土諸經。五更齊以燭授弟子元。勅令隨衆行道。頃之覺自乘一燭。乘空而行。見阿彌陀佛。接置於掌。遍至十方。歛然而覺。且悲且慰。自省四大。了無疾苦。明夕忽起。立目逆虛空。

如有所見。須臾還臥。容色愉悅。謂傍人曰。吾行矣。右脇而逝。時方炎暑。三日而體不變。異香郁然。○道敬。瑯琊人。祖凝之。刺江州。因從慧遠出家。博通經論。篤志念佛。宋永初元年。謂衆曰。先師見命。吾其行矣。端坐唱佛而化。衆見光明滿室。彌時方滅。

佛祖綱目卷第二十五

佛祖綱目卷第二十六 餘字號

甲子 宋文帝元嘉元年 甲午 孝武孝建元年 丁酉 明初泰始元年 乙巳 明初泰始元年  
元壬子 改泰康元年 癸丑 廢帝元徽元年 丁巳 順帝昇明元年 己未 齊太建元年  
元癸亥 齊武帝永明元年

齊蕭姓七主共二十四年

丑 曇順法師往生淨土

曇順黃龍人。從鳩摩摩羅什講經。什嘆曰。此子奇器也。後依慧遠修淨業。宋元嘉二年。別衆坐逝。異香滿室。寅 杯渡尊者入寂

杯渡初示現冀州。貌甚寒。嘗乘木杯渡水。神化莫測。不修細行。或扣冰而浴。或著屐登山。或跣足入市。惟荷一蘆圖。子更無餘物。嘗至廣陵。遇村舍李家。方飯。僧渡乃以蘆圖置於中庭。直入齋堂而坐。衆環目之。渡自若。時有數人見蘆圖礙道。盡力移之。不能動。渡食畢。便挈之而去。笑曰。四天王時。李氏童子窺見圖中有四小兒。皆長數寸。眉目如畫。於是李知其異。請渡在家供養。久之。忽索袈裟。李辦未至。渡云。暫出。至暮不歸。合境聞有異香。跡之。忽見渡在北巖下。敷一敗袈裟於地。晏然而寂。頭前脚後。皆生蓮花。鮮香逼人。一夕而萎。既殯數日。後有人從北來云。見渡負蘆圖行向彭城。乃啓棺。僅存韠履而已。至彭城有黃欣者。深信佛法。見渡拜請。還家家至貧。但麥飯而已。渡甘之如飴。後東游吳郡。見網師從乞魚。網師怒不與。渡乃拾兩小石投水中。俄有兩牛鬪。其網碎不復見。牛吳郡民朱靈期自高麗還。風携至一洲。見一寶寺。寺僧設食。乃拜其僧。乞速還鄉。其僧問曰。識杯渡道人否。曰。識。其僧因指北壁一囊。掛錫杖及鉢。曰。

此杯渡者。今以鉢寄君。并作書著函中。復授青竹杖。令置前。前三日便至石頭。渡忽至。開書大笑。取鉢擲空。復接曰。我不見此鉢四千年矣。宋元嘉三年九月。示滅。滅後人。猶時時見之。嘗作一鉢歌曰。遏喇喇。聞聒聒。總是悠悠造。扶撻如飢喫鹽。加得渴。枉却一生頭。拚拚究竟。不能知。始末拋却死屍何處。脫勸君努力。求解脫。閑事到頭。須結撮。火落身上。當須撥。莫待臨時叫苦。薩丈夫。語話須豁豁。莫學癡人受摩挲。越時結。裏學擺撥也。學柔和也。癡癡也。剃頭也。披褐也。學凡夫。做生活。直語向君。君未達。更作長歌歌。一鉢一鉢歌。多中一一中。多莫笑。野人歌。一鉢曾將一鉢度。婆婆青天寥寥月初上。此時影空含萬像。幾處浮生自是非。一源清淨無來往。更莫將心造水泡。百毛流血是誰教。不如靜坐真如地。頂上從他鵲作巢。萬代金輪聖王子。只這真如靈覺是。菩提樹下度衆生。度盡衆生不生。死不死。真丈夫。無形無相。大毗盧。塵勞滅盡。真如在一顆圓明。無價珠。眼不見耳不聞。不見不聞。真見聞。從來一句無言說。今日千言強。

爲分須諦聽人人盡有真如性。恰似黃金在礦中。鍊去鍊來全體淨。真是妄妄是真。若除真妄更無人。真心莫謾生煩惱。衣食隨時養色身。好也著惡也著。一切無心莫染著。亦無好亦無惡。二際坦然平等道。靈也餐細也餐。莫學凡夫相上觀也。無靈也無細。上方香積無根蒂。坐亦行行亦坐。生死樹下菩提果。亦無坐亦無行。無生何用覓無生。生亦得死亦得。處處當來見彌勒。亦無生亦無死。三世如來總如此。離則著著則離。幻化門中無實義。無可離無可著。何處更求無病藥。語時默默時語。語默縱橫無處所。亦無語亦無默。莫喚東西作南北。嘆即喜喜即嘆。我自降魔轉法輪。亦無嘆亦無喜。水不離波波即水。慳時捨捨時慳。不離內外及中間。亦無捨亦無寂寂寥寥無可把。苦時樂樂時苦。只這修行斷門戶。亦無苦亦無樂。本來自在無繩索。垢即淨淨即垢。兩邊畢竟無前後。亦無垢亦無淨。大千同一真如性。藥是病病是藥。到頭兩事須拈却。亦無藥亦無病。正是真如靈覺性。魔作佛佛作魔。鏡裏尋形水上波。亦無魔亦無佛。三世

本來無一物。凡即聖聖即凡。色裏膠青水里鹽。亦無凡亦無聖。萬行總持無一行。真中假假中真。自是凡夫起妄塵。亦無真亦無假。若不喚時何應諾。本來無姓亦無名。只麼騰騰信脚行。有時鄆市并屠肆。一朵紅蓮火上升。也曾策杖游京洛。身似浮雲無定著。幻化繇來似寄居。他家觸處更清虛。若覓戒三毒瘡。幾時癒。若覓禪。我自縱橫汨淪眠。大可憐。不是顛世間出世。天中天時人不曾此中意。打著南邊動北邊。若覓法。雞足山中問迦葉。大士持衣在此中。本來不用求專甲。若覓經。法性真源無可聽。若覓律。窮子不須教走出。若覓修。八萬浮圖何處求。只知黃葉止啼哭。不覺黑雲遮日頭。莫恠狂言無次第。篩羅漸入麤中細。只這麤中細也。無即是圓明真實。諦真實諦本非真。但是名聞即是塵。若向塵中解真實。便是堂堂出世。人出世。人莫造作。獨行獨步空索索。無生無死無涅槃。本來生死不相干。無是非無動靜。莫謾將身入空井。無善惡無去來。亦無明鏡掛高臺。山僧見解只如此。不信從他造劫灰。

辛 天竺求那跋摩至金陵

求那跋摩此云功德鎧初讓國出家貫通三藏屬國諸王

皆受其歸戒遊闍婆國其王欲出家事之群臣固請不可乃令國中曰若率土奉和尚歸戒即從爾請於是其國臣民稽首遵命元嘉初宋文帝聞其名遣使迎之摩欣然附舶抵廣州道繇始興摩愛其山嶺靈鷲爲留暮年於寺壁畫定光布髮等像夜輒有光常在定累日不出寺僧遣沙彌候之忽見白獅子仰躡柱而戲滿空皆青蓮花沙彌驚走大呼寺僧爭至了無所有元嘉八年至金陵帝問曰寡人常欲持齋不殺以身應物不獲所願師幸教之摩曰道在心不在事法繇已不繇人且帝王所修與匹夫異匹夫倘不克己苦節何以爲用帝王以四海爲家萬民爲子出一嘉言則士庶咸悅布一善政則神人以和刑不夭命役不勞力則風雨時若寒暑應節百穀滋繁桑柘鬱茂以此持齋齋亦大矣以此不殺利亦多矣安在輟半日之食全一禽之命然後爲弘濟耶帝撫几嘆曰俗迷遠理僧滯近教如師言可論天人之際矣

壬 道生法師至金陵

初道生見初分涅槃經云除一闍提皆有佛性乃曰闍提何得獨無佛性此經來未盡耳於是倡言闍提皆當成佛一時文字之師共詆爲邪說於律當擯生遂誓曰如我所說不合經義請於現身即受惡報若實契佛心願捨壽時踞師子座竟拂衣入虎丘冷然若有會心處遂棲於青園寺嘗獨坐長松下聚石爲徒一日講涅槃經至闍提處則說有佛性且曰如我所說義契佛心否群石皆點頭其年夏月雷震青園佛殿忽見一龍飛躍生天光影西壁遂改寺名曰龍光時人嘆曰龍既去師必行矣數日生果還廬山留一遺影落於虎丘巖岫間僧衆無不瞻禮生聞曇無讖重譯涅槃經後品果云一闍提人雖復斷善猶有佛性因大喜慰元嘉九年至金陵未幾復還廬山

甲 道生法師入寂

道生住廬山精舍講涅槃經元嘉十一年十一月升法座論義數番觀聽者莫不怡悅忽見塵尾紛然墜地端坐整容隱几而化壽八十生有疏論世皆寶焉



乙道曷法師往生淨土

道曷。潁川人。從幼師事慧遠。歷通三藏。言與行合。念佛三昧。究心無間。宋元嘉十二年。集衆念佛。就座而化。異香滿室。壽七十一。

卯僧叡法師往生淨土

僧叡。初從鳩摩摩羅什受經義。後預廬山蓮社。一心念佛。元嘉己卯。忽集衆告別曰。吾將行矣。遂命具浴。燒香禮拜。還座面西。合掌而化。衆見叡榻前一金蓮花。煖爾而隱。五色香煙從其房出。

甲玄高法師入寂

魏太武聽崔浩之讒。囚其太子晃。晃乃求哀於玄高。高爲作金光明懺。帝夢其先祖。讓曰。不當以讒疑太子。既寤。以語群臣。群臣皆稱太子無過待之如初。浩恐太子將不利於己。謂帝曰。太子前實有謀。仍結玄高。以術致先帝。陛下耳若不蚤除。必爲大害。帝怒。收高及慧崇。縊之高弟子玄暢。自遠奔至高。忽開眸曰。大法應緣。隨緣盛衰。盛衰在跡。理常湛然。但惜汝等行如我耳。惟玄暢南渡。汝等死後。法當更興。善自

修心。毋令中悔。言訖。卽化。沙門法進號呼曰。聖人去。世。我何用生。應聲見高於空中。謂進曰。不忘一切。寧獨棄汝耶。進曰。和尚與崇公並生。何所高。曰。我往惡處救護衆生。崇歸安養矣。言訖。不見。初高居麥積山。聞曇無毗至。涼往師事之。旬日。卽悟。無毗嘆以爲勝。已。魏武遣使迎高。爲太子晃師。門人得法者甚衆。有一弟子名僧印。自謂得阿羅漢果。時方坐夏。高乃假以神力。使定中見十方無盡世界。及聞諸佛所說之法。各各不同。卽於一夏。尋其所見。不盡。乃生愧悔。丁二十七祖。般若多羅傳法。菩提達磨。

般若多羅。東印度人。得法於不如蜜多。因東印度國王請。齋次。王乃問諸人。盡轉經師。獨爲何不轉。多羅曰。貧道出息不涉衆緣。入息不居陰界。常轉如是經。百千萬億卷。非但一卷。兩卷。後行化至南印度。彼王名香至。尊重供養。度越倫等。又施無價寶珠。時王有三子。一名月淨多羅。二名功德多羅。三名菩提多羅。其季開士也。般若多羅欲試其所得。乃以所施珠問三王子曰。此珠圓明。有能及否。月淨功德曰。此珠七



寶中尊固無踰也。菩提曰：此是世寶，未足爲上。於諸寶中，法寶爲上。此是世光，未足爲上。於諸光中，智光爲上。此是世明，未足爲上。於諸明中，心明爲上。此珠光明，不能自照，要假智光，光辨於此。既辨此已，卽知是珠。既知是珠，卽明其寶。若明其寶，寶不自寶。若辨其珠，珠不自珠。珠不自珠者，要假智珠而辨。世珠寶不自寶者，要假智寶以明。法寶然則師有其道，其寶卽現。衆生有道，心寶亦然。多羅歎其辯慧，乃復問曰：於諸物中，何物無相？曰：於諸物中，不起無相。又問於諸佛中，何物最高？曰：於諸物中，人我最高。又問於諸物中，何物最大？曰：於諸物中，法性最大。多羅知是法器，以時尙未至，且默而混之。及香至，王棄世衆皆號絕。菩提獨於柩前入定，經七日而出，遂依多羅求出家。既受具已，多羅曰：汝於諸法已得通量，達磨者通大之義也。宜名達磨，遂改其名。後告之曰：如來以正法眼付大迦葉，如是展轉，乃至於我。我今囑汝，聽吾偈曰：心地生諸種，因心復生理。果滿菩提圓，花開世界起。付法已，卽於座上起立，舒左右手，各放光明。二

十七道。五色晃曜，又踊身虛空，高七多羅樹，化火自焚空中。舍利如雨，大衆建塔收供。當此土宋武帝大明元年丁酉歲也。

戊戌二十八祖菩提達磨說法南印度

般若多羅示寂，菩提達磨遂演化於本國。時有二師，一名佛大先，二名佛大勝。多本與磨同學，小乘禪觀。佛大先遇般若多羅，與磨同稟正法，而佛大勝多更分徒而爲六宗。一有相宗，二無相宗，三定慧宗，四戒行宗，五無得宗，六寂靜宗。各封已解，別展化源。磨喟然嘆曰：彼之一師已陷牛跡，況復支離而分六宗。我若不除，永遷邪見。言已，微現神力，至有相宗所問曰：一切諸法，何名實相？彼衆中有一尊長薩婆羅答曰：於諸相中，不互諸相，是名實相。曰：一切諸相而不互者，當何定？耶曰：於諸相中，實無有定。若定諸相，何名爲實？曰：諸相不定，便名實相。汝今不定，當何得之？曰：我言不定，不說諸相。當說諸相，其義亦然。曰：汝言不定，當爲實相。定不定，故卽非實相。曰：定既不定，卽非實相。知我非故，不定不變。曰：汝今不變，何名實相？已

變已往其義亦然曰不變當在不在故變實相以定其義曰實相不變變即非實於有無中何名實相薩婆羅心知聖師懸解潛達即以手指虛空曰此是世間有相亦能空故當我此身得似此否曰若解實相即見非相若了非相其色亦然當於色中不失色體於非相中不礙有故若能是解此名實相彼衆聞曰心意朗然欽禮信受磨訢然匿跡至無相宗所問曰汝言無相當何證之彼衆中有波羅提者答曰我名無相心不現故曰汝心不現當何明之曰我明無相心不取捨當於明時亦無當者曰於諸有無心不取捨又無當者諸明無故曰入佛三昧尚無所得何況無相而欲知之曰相既不知誰云有無尚無所得何名三昧曰我說不證證無所證非三昧故我說三昧曰非三昧者何當名之汝既不證非證何證波羅提聞已即悟本心禮謝於磨訢悔往謬習記曰汝當得果不久自證此國有魔非久降之言已忽然不現至定慧宗所問曰汝學定慧爲一爲二彼衆中有婆蘭陀者答曰我此定慧非一非二曰既非一二何

名定慧曰在定非定處慧非慧一即非一二亦不二曰當一不一當二不二既非定慧約何定慧曰不一不定慧能知非定非慧亦復然矣曰慧非定故然何知我不一不二誰定誰慧婆蘭陀聞之疑心冰釋至第四戒行宗所問曰何者名戒云何名行當此戒行爲一爲二彼衆中有一賢者答曰一二二一皆彼所生依教無染此名戒行曰汝言依教即是有染一二俱破何言依教此二違背不及於行內外非明何名爲戒曰我有內外彼已知竟既得通達便是戒行若說違背俱是俱非言及清淨即戒即行曰俱是俱非何言清淨既得通達故何談內外賢者聞之即自慙服至無得宗所問曰汝云無得無得何得既無所得亦無得得彼衆中有寶靜者答曰我說無得非無得得當說得得無得是得曰得既不得得亦非得既云得得得何得曰見得非得非得是得若見不得名爲得得曰得既非得得得無得既無所得當何得得寶靜聞之頓除疑網至寂靜宗所問曰何名寂靜於此法中誰靜誰寂彼有尊者答曰此心不動是名爲

佛祖綱目卷第二十七 成字號

寂於法無染名之為靜曰本心不寂要假寂靜本來  
寂故何用寂靜曰諸法本空以空空故於彼空空故  
名婆靜曰空空已空諸法亦爾寂靜無相何靜何寂  
彼聞指誨豁然開悟於是六衆咸誓歸依○寶誌金  
陵人初東陽民朱氏婦聞兒啼鷹巢中梯樹得之舉  
以爲子七歲依鍾山僧儉出家專修禪觀至是顯迹  
以剪尺拂子掛杖頭負之而行經聚落兒童譁逐或  
微索酒或累日不食嘗遇食餽者從而求之食者分  
啗而有輕薄心誌即吐水中皆成活魚往來於皖山  
劍水之下髮而徒跣著錦袍面方而瑩徹如鏡手足  
皆鳥爪時時題詩初若不可解後皆有驗

佛祖綱目卷第二十六

壬午寶誌大士說法王宮  
初齊武帝怒寶誌惑衆收逮建康獄是日人見誌遊  
行市井而檢較仍在獄中其夕語吏曰門外有兩輿  
食金鉢盛飯汝可取之果文惠太子竟陵王送供至  
建康令以聞帝悔謝迎至禁中俄帝宴後宮誌乃暫  
出已而猶見行道於顯揚殿帝驚遣吏至問吏白誌  
久出在省中帝益神敬之後誌假神力於帝見高祖  
地下受錐刀之苦自是永廢錐刀王仲熊問仕何所  
至誌不答解杖頭左索與之熊後果至尙書左丞徐  
陵兒時父携謁誌誌摩其頂曰此兒天上石麒麟也  
後果顯於世壬午梁武帝卽位召誌至闕帝一日整  
容問曰弟子煩惑未除何以治之曰十二問其旨如

甲子齊武帝永明二年起甲戌明帝建武元年辛巳中興元年壬午梁武帝天監元年庚子改普通丁未改大己酉改中乙卯改大癸亥梁武帝大同九年止

梁蕭姓四主共五十六年

壬午寶誌大士說法王宮

何曰在書字時節刻漏中帝益不曉又問弟子何時得以靜心修習曰安樂禁○初武帝夢神僧告曰六道四生受大苦惱何不爲作水陸大齋救拔之帝乃扣沙門惟誌勸帝尋經必有因緣帝乃取佛經躬自披覽創造儀文三年乃成於夜捧文停燭白佛曰若此文理協聖凡願拜起時此燈自明或議式未詳燈暗如故言訖投地一禮初起燈燭盡明天監四年二月十五日於鎮江金山依儀修設誌又嘗假帝神力令見地獄苦相問何以救之曰夙生定業不可頓滅惟聞鐘聲其苦暫息於是詔天下寺院擊鐘當舒徐其聲○帝嘗詔畫工張僧繇寫誌像僧繇下筆輒不自定誌遂以指勢面門分披出十二面觀音相或慈或威繇竟不能寫誌曰毗婆尸佛蚤留心直至而今不得妙他日與帝臨江縱望有物汭流而上誌以杖引之隨杖而至乃紫旛檀卽以屬供奉官令雕誌像頃刻而成神彩如生

甲午寶誌大士示寂

寶誌示現四十餘載天監十三年冬忽告衆僧令移

寺金剛神像出置於外乃密謂人曰菩薩將去因詣內殿與武帝永訣帝大驚問曰朕壽幾何誌不答以手指腹及頸而出回山燃一燭以付後閣舍人吳慶慶以事聞帝嘆曰大師不復留矣燭者將以後事燭我乎十二月六日無疾而終舉體香軟壽九十二帝爲建塔於鍾山獨龍阜勅陸倕製銘王筠立碑先是誌與帝登鍾山指前獨龍岡阜曰此爲陰宅則永其後帝曰誰當得之誌曰先行者得之是年示寂帝乃以金二十萬易其地建浮圖五級鎮以無價寶珠瑩之日車駕親臨誌忽現於雲間萬衆歡呼聲震山谷誌嘗垂語曰終日拈香擇火不知身是道場又曰京都鄴都浩浩還是菩提大道又曰如我身空諸法空千品萬類悉皆同又嘗問一梵僧承聞尊者喚我作屠兒曾見我殺生麼曰見曰有見見無見見不有不見若有見見是凡夫見無見見是聲聞見不有不見見是外道見未審尊者如何見梵僧曰你有此等見耶誌便休去嘗作十二時歌曰平日寅狂機內有道人身窮苦已經無量劫不信常擎如意珍若捉物

入迷津。但有纖毫。即是塵。不住舊時。無相貌。外求知。識也非真。日出卯。用處不須生。善巧縱使。神光照有。無起意。便遭魔事。燒若施功。終不了。日夜被他人。我拘不用安排。只麼從何。曾心地生煩惱。食時辰。無明本是釋迦。身坐臥。不知元是道。只麼忙忙。受苦辛。認聲色。覓疎親。只是他家染汚人。若擬將心求佛道。問取虛空。始出塵。禺中已未了之人。教不至假使通達。祖師言。莫向心頭安了。義只守玄。沒文字。認著依前。還不是。暫時自肯。不追尋。曠劫不遭魔境。使日南午。四大身中。無價寶。陽燄空。華不肯拋。作意修行。轉辛苦。不曾迷。莫求悟。任你朝陽幾回暮。有相身中。無相身。無明路上。無生路。日昧未心地。何曾安了。義他家文字。沒疎親。不用將心求的。意任縱橫。絕忌諱。長在人間。不在世。運用不離聲色中。歷劫何曾暫拋棄。晡時申。學道先須不厭貧。有相本來權積聚。無形何用要求。眞作淨業。却勞神。忽認愚癡。作近鄰。言下不求無處。所暫時喚作出家人。日入西。虛幻聲音。不長久。禪悅珍羞。尚不餐。誰能更飲。無明酒。勿可拋。勿可守。

蕩蕩逍遙。不曾有縱你。多聞達古今。也是癡狂外邊。走黃昏。戎狂子。施功投暗室。假使心通。無量時。歷劫何曾異。今日擬商量。却歇脚。轉使心頭黑如漆。晝夜舒光照。有無癡人。喚作波羅蜜。人定亥。勇猛精進。成懈怠。不起纖毫。修學心。無相光中。常自在。超釋迦。越祖代。心有微塵。還質礙。放蕩長如癡兀人。他家自有通人。愛半夜子心。住無生。即生。死死何曾屬。有無用時。便用無文字。祖師言。外邊事。識取起時。還不是。作意。搜求。實沒蹤。生死魔來。任相試。雞鳴丑。一顆圓光明。已久內外推尋。覓總無境上。施爲。渾大有不見頭。亦無手。天地壞時。渠不朽。未了之人。聽一言。只這如今。誰動口。誌又作大乘讚十首十四科頌十四首

己慧約法師說戒王宮

慧約姓婁氏。少有風德。族祖給事中。婁幼瑜。每見約。輒起爲禮。或問此乃君族下。班何乃恭耶。瑜曰。菩薩出世。方且師於天下。豈直老夫致敬而已。梁武帝請居省中。天監十八年四月八日。帝受約菩薩戒。復設



無遮大會。是日忽有甘露降於庭。三足鳥二孔雀。歷堵馴伏。凡太子諸王公卿道俗。從約受戒者。四萬八千人。因大赦天下。

庚子傳大士隱居雙林

齊建武四年五月八日。傳大士降生於婺州義烏縣傳宣慈家。名翕。字玄風。年十六娶劉氏。名妙光。生子普建。普成年二十四。泝水取魚於稽亭塘下。獲魚已沉。籠水中。曰。去者適止者留人。或謂之愚。會有天竺僧嵩頭陀。語曰。我昔與汝於毗婆尸佛前發願度生。汝今何時還兜率宮。因命臨水觀影。見圓光寶蓋。便悟。前因士笑曰。爐鞴之所多鈍鐵。良醫之門足病人。度生爲急。何暇思天宮之樂乎。於是棄魚具。携行歸舍。因問修道之地。嵩指松山雙樹。曰。此可矣。遂結菴。自號雙林樹下當來解脫善慧大士。種植蔬果爲人傭作。與妻妙光晝作夜歸。敷演佛法。

庚子二十八祖菩提達磨至震旦國

東土初祖

菩提達磨南天竺國香至王之第三子。姓刹帝利。本名菩提多羅。遇般若多羅付法。因改名達磨。磨問多

羅當往何國作佛事。曰。汝雖得法。未可遠遊。且止南天。待吾滅後六十七載。當往震旦。設大法藥。直接上根。慎勿速行。衰於日下。曰。彼有大士堪爲法器否。千載之下有留難否。曰。汝所化之方。獲菩提者不可勝數。吾滅後六十餘年。彼國有難。水中文布自善降之。汝至南。勿住。彼惟好有爲功業。不見佛理。汝縱到。彼亦不可久留。聽吾偈曰。路行跨水復逢羊。獨自棲棲暗渡江。日下可憐雙象馬。二株嫩桂久昌昌。又問。此後更有何事。曰。從是去一百五十年。而有小難。聽吾識偈曰。心中雖吉外頭凶。川下僧房名不中。爲遇毒龍生太子。忽逢小鼠寂無窮。又問。此後如何。曰。却後二百二十年。林下見一人。當得道。果聽吾識曰。震旦雖闊無別路。要假兒孫脚下行。金雞解銜一粒粟。供養十方羅漢僧。復演諸偈。皆預識佛教隆替。磨稟教義。服勤四十年。迨多羅順世。降伏六宗。化被南天。經六十載。度無量衆。後值磨叔父異見王。欲毀佛法。磨憫之。欲開其蒙。六衆亦各念佛法。有難師將何匡濟。磨遙知衆意。彈指應之。六衆悉聞云。此我師信響。



皆至磨所磨曰一翳蔽空孰能剪拂前無相宗勝欲行磨曰汝雖辯慧道力未全且與王無緣勝辭磨竟至王所廣陳法要王曰汝今所解其法何在宗勝曰如王治化當合其道王所有道何在王曰我所有道將除邪法汝所有法將伏何人磨不起於座懸知宗勝義墮召波羅提曰宗勝不稟吾語與王論屈汝急往救波羅提曰願假神力言訖雲生足下至王前時王正問宗勝忽見愕然忘其所問答曰乘空來者是正是邪提曰我非邪正而來正邪王心若正我無邪正王雖驚異而驕慢方熾即擯宗勝令出提曰王既有道何擯沙門我雖無解願王致問王怒而問曰何者是佛曰見性是佛曰師見性否曰我見佛性曰性在何處曰性在作用曰是何作用我今不見曰今現作用王自不見曰於我有否曰王若作用無有不見是王若不用體亦難見曰若常用時幾處出現曰若出現時當有其人曰其人出現當爲我說提即說偈曰在胎爲身處世爲人在眼曰見在耳曰聞在鼻辨香在口談論在手執捉在足運奔徧現俱該沙界收

攝在一微塵識者知是佛性不識喚作精魂王聞偈已心即開悟悔謝前非咨詢法要王復問提師承爲誰曰卽大王叔菩提達磨是也王聞驚駭遽勅近臣迎磨至王宮磨爲王懺悔往非王聞泣謝詔宗勝歸國近臣曰宗勝被謫時已捐軀投崖矣磨曰勝尚在召之當至初勝受擯耻不能正王遂投身危崖俄有神人以手捧承置於巖上勝曰我忝沙門當與正法爲主不能抑絕王非是以捐身自責神何佑助願示所以於是神人說偈曰師壽於百歲八十而造非爲近至尊故熏修而入道雖具少智慧而多有彼我所見諸賢等未嘗生珍敬二十年功德其心未恬靜聰明輕慢故而獲至於此得王不敬者當感果如是自今不疎怠不久成奇智諸聖悉存心如來亦復爾勝聞偈欣然遂宴坐巖間至是王遣使召勝磨謂王曰知勝來乎曰未知曰再命乃來耳使者至山而勝辭果再命乃至磨念震旦緣熟行化時至乃辭祖塔別同學後至王所慰之曰勤修白業護持三寶吾去非晚一九卽回磨汎重溟凡三周寒暑達於南海

○菩提達磨至金陵

達磨至南海廣州刺史蕭昂表問武帝帝遣使齎詔迎請以普通元年十一月至金陵帝問朕卽位以來造寺寫經度僧不可勝紀有何功德曰並無功德曰何以無功德曰此但人天小果有漏之因如影隨形雖有非實曰如何是真功德曰淨智妙圓體自空寂如是功德不以世求又問如何是聖諦第一義曰廓然無聖曰對朕者誰曰不識帝莫測玄旨

○千歲寶掌和尚參菩提達磨

寶掌中印度人自降神受質卽左掌握爭七歲祝髮乃展因名寶掌魏晉間東遊此土入蜀禮普賢常不食日誦般若等經千餘卷一日謂衆曰吾有願住世千歲今六百二十有六矣故人以千歲稱之宋大明中遊五臺南歷衡岳黃梅匡廬尋入建業會達磨入梁就而扣請玄旨悟無生忍武帝高其道臘延供內庭未幾如吳述偈曰梁城遇導師參禪了心地飄零三浙遊更盡佳山水遂遍探兩浙名山

○初祖菩提達磨至少林

達磨知武帝機不契是歲十一月十九日潛回江北二十三日至洛陽止嵩山少林寺面壁而坐終日默然人莫之測謂之壁觀婆羅門

甲辰初祖菩提達磨傳法慧可

慧可武牢姬氏子父以無子禱祈既久一夕有異光照室母遂懷妊故生而名之曰光自幼志氣不群博極載籍尤精玄理不事家產好遊山水後覽佛書超然自得出家受具浮游講肆遍學大小乘義年三十二返香山終日宴坐又八年於寂默中忽見一神人謂曰將欲受果何滯此耶大道匪遙汝其南矣翼日覺頭痛如刺欲治之空中有聲曰此換骨也往見本師本師視其頂骨如玉峯秀出以有神異更名神光復謂曰汝相吉祥當有所證神令汝南者少林有達磨大士必汝之師也光受教遂造少林參磨磨常面壁默坐莫聞譟勦光自惟曰昔人求道敲骨取髓刺血濟飢布髮掩泥投崖飼虎古尚若此我又何人值大雪光夜侍立暈明積雪過膝立愈恭磨顧而憫之問曰汝久立雪中當求何事光悲淚曰惟願和尚慈

悲開甘露門。廣度群品。磨曰。諸佛無上妙道。曠劫精勤。難行能行。非忍而忍。豈以小德小智。輕心慢心。欲冀真乘。徒勞勤苦。光聞磨誨。勵潛取利。刀自斷左臂。置於磨前。磨知是法器。乃曰。諸佛最初求道。爲法忘形。汝今斷臂。吾前求亦可在。因與易名曰慧。可光曰。諸佛法印。可得聞乎。曰。諸佛法印。匪從人得。曰。我心未寧。乞師與安。曰。將心來。與汝安。曰。覓心了不可得。曰。我與汝安心竟。

戊申傳大士設大會

傳大士住雙林七年。一日行道。次感七佛相隨。釋迦引前維摩接後。惟釋尊數顧共語。爲我補處也。又一日。見釋迦金粟定光三如來。放光襲其體。士乃曰。我得首楞嚴定。繇是弟子益衆。大通二年。士欲導群品。乃化妻子。齋身助設大會。

○初祖菩提達磨示寂

西天二十八祖

達磨居少林。爲慧可說法。祇教外息諸緣。內心無喘。心如牆壁。可以入道。可種種說。心性曾未契理。磨祇遮其非。不爲說。無念心體。一日可忽曰。我已息諸緣。

磨曰。莫成斷滅去否。曰。不成斷滅。曰。此是諸佛所傳心體。更勿疑也。魏永安二年。忽謂門人曰。時將至矣。汝等盡言所得。手道割曰。如我所見。不執文字。不離文字。而爲道用。磨曰。汝得吾皮。尼總持曰。我今所解。如慶喜見阿閼佛國。一見更不再見。磨曰。汝得吾肉。道育曰。四大本空。五蘊非有。而我見處。無一法可得。磨曰。汝得吾骨。最後慧可禮三拜。依位而立。磨曰。汝得吾髓。乃顧可曰。昔如來以正法眼藏付迦葉大士。展轉囑累。而至於我。我今付汝。汝當護持。并授袈裟。以爲法信。各有所表。宜可知矣。曰。請師指陳。曰。內傳法印。以契證心。外付袈裟。以定宗旨。後代澆薄。疑慮競生。云我西天之人。汝此方之子。憑何得法。以何證之。汝今受此衣法。却後難生。但出此衣。并吾法偈。用以表明其化。無礙至吾滅後二百年。衣止不傳法。周沙界明道者多。行道者少。說理者多。通理者少。潛符密證。千萬有餘。汝當闡揚。勿輕未悟。一念回機。便同本得。聽吾偈曰。吾本來茲土。傳法救迷情。一花開五葉。結果自然成。又曰。吾有楞伽經四卷。亦用付汝。

即是如來心地要門。令諸衆生開示悟入。吾自到此。凡五度中。盡我嘗自出而試之。置之石裂。緣吾本難。南印來此東土。見赤縣神州有大乘氣象。遂踰海越。漢爲法求人際。會未諸如愚。若訥。今得汝傳授。吾意已終言已。乃與徒衆往禹門。止三日。有期城太守楊街之。蚤慕佛乘。問磨曰。西天五印。師承爲祖。其道如何。曰。明佛心宗。行解相應。名之曰祖。又問。此外如何。曰。須明他心。知其今古。不厭有無。於法無取。不賢不愚。無迷無悟。若能解。故稱爲祖。又曰。弟子歸心三寶。亦有年矣。而智慧昏蒙。尙迷真理。適聽師言。罔知攸措。願師慈悲。開示宗旨。磨知懇到。即設偈曰。亦不觀惡而生嫌。亦不觀善而勤措。亦不捨智而近愚。亦不拋迷而就悟。達大道兮過量。通佛心兮出度。不與凡聖同纏。超然名之曰祖。街之聞偈。悲喜交併。曰。願師久住世間。化導羣有。曰。吾即逝矣。不可久留。根性萬差。多逢愚難。曰。未審何人弟子。爲師除得否。曰。吾以傳佛秘密利。益迷途害彼。自安必無此理。曰。師若不言。何表通變觀照之力。磨不獲已。乃爲識。曰。江陵。

分玉浪管炬開金鎖。五口相共行九十。無彼我街之。莫測禮辭而去。時魏氏奉釋。禪寓如林。光統律師。沈支三藏者。僧中鸞鳳。而議多與磨相違。磨玄風遐振。有議咸歸。彼徒生嫉。數加毒藥。莫能中傷。至第六度。以化緣既畢。遂端居而逝。卽己酉十月五日也。塋熊耳山起塔。定林寺。其年魏使宋雲自西域還。遇磨。葱嶺見手携隻履。翻翻獨逝。雲問師何往。曰。西天去雲。歸具奏其事。帝令啓墳。惟隻履存焉。詔取遺履於少林寺。供養。梁武帝追憶。自撰碑文。刻之鍾山。其末云。嗟乎。見之不見。逢之不逢。遇之不遇。今之古之。悔之恨之。朕雖一介凡夫。敢師之於後云。

癸丑梁武帝問道傳大士

癸丑正月。傳大士遣弟子傳。詣關奉書於梁武帝。帝詔迎赴關。問師事。從誰。曰。從無所從。師無所師。事無所事。又問。何不論義。曰。菩薩所說。非長非短。非廣非狹。非有邊非無邊。如如正理。復有何言。

乙梁慧約法師入寂

大同元年九月。慧約示微疾。武帝勅遣舍人問疾。約



曰今夜當去至五鼓異香滿室左右肅然乃誡門人曰夫有生有死自然常數勤修念慧勿起亂相言畢合掌而逝約嘗所乘青牛吼淚不息白鶴一隻自建塔始環遶哀鳴聲甚悽惋後三日欬然而去

已傳大士說法王宮

大同五年傳大士再入都武帝延見問曰何爲真諦曰息而不滅曰息而不滅此則有色有色故鈍如此則居士未免流俗曰臨財無苟得臨難無苟免曰居士大識禮曰一切諸法不有不無大千世界所有色像莫不皆空百川叢注不過於海無量妙法不出真如如來何故於三界九十六道中獨超其最視一切衆生有若赤子天下非道不安非禮不樂帝默然一日帝請講金剛經士纔陞座以尺揮案一下便下座帝愕然有僧曰陛下還會麼曰不會曰大士講經竟

主 曇鸞法師往生淨土

東魏曇鸞出家志欲延壽而後修佛法聞江南隱士陶弘景有仙術至梁謁景景欣然授以仙方十卷及還魏至洛遇菩提流支問佛法中有長生不死法否

曰是何言歟此土何曾有長生法縱得少時不死終更輪迴耳即授以觀經曰此吾金仙氏之長生也依而修之永出生死鸞乃焚仙經精修淨土魏主號爲神鸞興和四年見香花幡樂來迎奄然而逝

佛祖綱目卷第二十七

佛祖綱目卷第二十八歲字號

甲子	梁武帝大	丙寅	政中大	丁卯	政太	庚午	簡文大
壬申	元帝承	乙亥	敬帝紹	丙子	政太	丁丑	陳高祖
年	壬申	年	乙亥	年	丙子	年	丁丑
庚辰	世祖天	丙戌	陳政	丁亥	陳臨海王	己丑	陳宣
年	庚辰	年	丙戌	年	丁亥	年	己丑
帝太建	辛丑	隋高祖文帝	癸卯	陳後主至	丁未	陳	
元年	辛丑	開皇元年	癸卯	陳後主至	丁未	陳	
明辛酉	隋政	癸亥	隋文帝仁				
仁壽	三年止						

北朝 周宇文姓五主共二十六年 齊高姓六主共二十八年

南朝 後梁蕭姓三主共三十三年 陳陳姓五主共三十二年 隋楊姓三主共三十八年

## 甲傳大士設大法會

傳大士嘗著心王銘曰。觀心王空。玄妙難測。無形無相。有大神力。能滅千災。成就萬德。體性雖空。能施法則。觀之無形。呼之有聲。爲大法將。心戒傳經。水中鹽味。色裏膠青。決定是有。不見其形。心王亦爾。身內居停。面門出入。應物隨情。自在無礙。所作皆成。了本識心。識心見佛。是佛是心。是佛念佛。念佛心念。佛欲得成。戒心自律。淨淨心心。卽是佛。除此心王。更無別佛。欲成佛。莫染一物。心性雖空。貪瞋體實。入此法門。端坐成佛。到彼岸。已得波羅蜜。慕道眞士。自觀自心。知佛在內。不向外尋。卽心卽佛。卽佛卽心心。心明識物。曉了識心。離心非佛。離佛非心。非佛莫測。無所堪任。執空滯寂。於此漂沉。諸佛菩薩。非此安心。明心大士。悟此玄音。身心性妙。用無更改。是故智者。放心自在。莫言心王。空無性體。能使色身作邪作正。非有非無。隱顯不定。心性離空。能凡能聖。是故相勸。好自防慎。剎那造作。還復漂沉。清淨心智。如世黃金。般若法藏。並在身心。無爲法寶。非淺非深。諸佛菩

薩了此本心。有緣遇者。非去來今。又偈。夜夜抱佛眠。朝朝還共起。起坐鎮相隨。語默同止。纖毫不相離。如身影相似。欲識佛去處。祇這語聲是。又偈。有物先天地。無形本寂寥。能爲萬象主。不逐四時凋。士於梁大同十年。設大法會。普爲衆生。懺滅罪苦。速得解脫。士又以佛經目錄繁多。或人不能遍閱。乃建輪藏立。願曰。登吾藏門者。生生世世。不失人身。發菩提心者。能推輪藏與持誦諸經。功德無異。○梁武帝蕭衍狀貌奇偉。日角龍顏。頂有圓光。身不映日。所居之室。嘗若雲氣。幼而好學。自詩書以至陰陽緯候。卜筮占決。草隸尺牘。弓矢騎射。並洞精微。雖登大位。曾手不釋卷。晚奉佛道。日止一食。非宗廟祭祀宴饗。大會不舉樂。決死囚必流涕。勤政事。雖冬月。過子夜。執筆視事。手爲皸裂。性方正。居暗室。必理衣冠。暑月。未嘗褻袒。雖見內豎小臣。如遇嚴賓焉。太清二年。侯景陷臺城。以甲士五百人。自衛帶劍上殿。帝神色不動。使向三公坐。湯謂曰。卿在戎日久。無乃爲勞。景惶懼。不能對。出謂左右曰。吾每據鞍臨敵。矢石交下。了無所怖。今



見蕭公使人畏懼。豈非天威難犯。吾不復見之矣。寢疾日夕。念佛不絕口。大漸不能進膳。久而口苦。索蜜。舉手曰。荷荷。遂崩於淨居殿。壽八十六。

庚午 慧聞大師發明心觀

北齊慧聞。姓高氏。因閱龍樹大智度論。恍然大悟。遂造稟龍樹爲師。

甲戌 傳大士供養三寶

承聖三年。傳大士復捨家貲。爲衆生供養三寶。偈曰。傾捨爲群品。奉供天中天。仰祈甘露雨。流澍並無邊。

○慧思參慧聞大師

慧思。武津李氏子。頂有肉髻。牛行象視。少以慈恕聞於閭里。嘗夢梵僧勸令出家。乃辭親剃染。及稟具戒。日惟一食。誦法華千遍。梁承聖三年。聞北齊慧聞有徒數百。乃往受法。晝夜攝心。脇不至席。坐夏三七日。獲宿命通。尋有障起。四肢緩弱。不能行步。自念曰。病從業生。業從心起。心源無起。外境何狀。病業與身。都如雲影。作是觀已。輕安如故。夏滿。猶無所得。深懷慚。

愧放身倚壁。背未至間。豁然開悟。法華三昧。○陸法和少隱江陵清溪山。服勤沙門。執弟子禮。及長。出游以操行絕等。爲梁湘東王所重。初侯景始降。和知其必叛。以語朱元英。英不了其意。未久。景圍京城。英求策。和曰。取菓宜待熟。景遣將任約。擊湘東王。和乞軍禦之。對壘赤沙湖。賊因風縱火燒廬。和以白羽揮風。風即返。約軍大潰。士卒求約不獲。和曰。洲際有水。利約在其下也。可往擒之。果得約。和捨之。謂王曰。他日當得力。約後果爲王立功。湘東王即位。是爲元帝。改元承聖。以和爲郢州刺史。爵以開散伯。和欲大舉定魏。帝不許。和笑曰。吾嘗不希釋梵。天王坐處。豈窺人王位耶。但吾與王於空王佛所有因緣。如不能用。則柰業何。至是。帝爲魏所敗。和乃歸齊。齊文帝大喜。封和爲太尉。賜甲第。和乞爲佛寺。身居偏室。日手持香爐行道。禮佛。燒香。凝坐。預期八日時。至坐去。

庚辰 智觀參慧思大師

智觀字德安。華容陳氏子。父封開國侯。母徐始娘。夢吞白鼠。并香雲五色。縈繞於懷。誕生之夕。祥光燭隣。

目有重瞳。膚不受垢。臥必合掌。坐必面西。七歲入寺。聞僧誦普門品。即隨念之。忽自憶七卷之文。宛如宿習。十五禮佛。恍焉如夢。見大山臨海。崇巖有僧。招手復接入。一伽藍云。汝當居此。汝當終此。出家進具。後至大蘇山。謁慧思。思一見謂曰。昔靈鷲同聽法華。經今復來矣。示以普賢道場說四安樂行。覲入觀三七。白誦法華。經至藥王品曰。是真精進。是真法供養。如來於是悟法華三昧。見靈山一會。儼然未散。宿通便發。以所證白。思思曰。非爾弗證。非我不識。此乃法華三昧。前方便初。旋陀羅尼也。縱令文字之師。千萬不能窮汝之辯。於說法人中。最爲第一。

### ○二祖慧可傳法僧璨

慧可自達磨西歸。繼闡玄風。博求法嗣。至北齊。有一居士。年踰四十。不言名氏。聿來設禮。而問曰。弟子身纏風恙。請和尚懺罪。可曰。將罪來。與汝懺。曰。竟罪了。不可得。曰。我與汝懺罪。竟宜依佛法。僧住曰。今見和尚。已知是僧。未審何名。佛法曰。是心是佛。是心是法。法佛無二。僧寶亦然。曰。今日始知罪性不在內。不在

外。不在中間。如其心然。佛法無二也。可深器之。卽爲剃髮。曰。是吾寶也。宜名僧璨。其年三月十八日。受具自茲。疾漸愈。執侍經二載。可乃告曰。菩提達磨遠自竺乾。以正法眼。藏密付於吾。吾今授汝。并達磨信衣。汝當守護。無令斷絕。聽吾偈曰。本來緣有地。因地種花生。本來無有種。花亦不曾生。又曰。汝受吾教。宜處深山。未可行化。當有國難。曰。師既預知。願垂示。諷曰。斯乃達磨傳授。若多羅懸記云。心中雖吉。外頭凶。是也。吾較年數。正在於茲。當諦思前言。勿罹世難。然吾亦有宿累。今須酬之。善去善行。俟時傳付。○僧那姓馬氏。少而神俊。通究墳典。年二十一。講禮易於東海。聽者如市。暨南徂。相部學衆。隨至。會慧可說法。與同志十人。投可出家。自爾。手不執筆。永捐世典。惟一衣一鉢。一坐一食。奉頭陀行。既久。侍於可後。謂門人慧滿曰。祖師心印。非專苦行。苦行但助道耳。若契本心。發隨意真光之用。則苦行如握土成金。若惟務苦行。而不明本心。爲憎愛所縛。則苦行如黑月夜履於險道。汝欲明本心者。當審諦推察。遇色遇聲。未起覺觀。

時心何所之。是無耶。是有耶。既不墮。有無處所。則心

珠獨朗。常照世間。而無一塵許間隔。未嘗有一剎那

頃斷續之相。故我初祖。兼付楞伽經四卷。謂我師二

祖曰。吾觀震旦。惟有此經。可以印心。仁者依行。自得

度世。又二祖凡說。竟乃曰。此經四世之後。變成名相。

深可悲哉。我今付汝。宜善護持。非人慎勿傳之。付囑

已。乃遊方。莫知其終。○向居士幽棲林野。木食澗飲。

北齊天保初。聞慧可盛化。乃致書通好。曰。影綵形起。

響逐聲來。弄影勞形。不識形爲影本。揚聲止響。不知

聲是響根。除煩惱而趣涅槃。喻去形而覓影離。衆生

而求佛果。喻默聲而尋響。故知迷悟一途。愚智非別。

無名作名。因其名則是非生矣。無理作理。因其理則

爭論起矣。幻化非真。誰是誰非。虛妄無實。何空更有

將知得無所得。失無所失。未及造謫。聊申此意。伏望

答之。可命筆迴示。曰。備觀來意。皆如實真。幽之理。竟

不殊本迷。摩尼謂瓦礫。豁然自覺。是真珠。無明智慧

等無異。當知萬法。卽皆如。愍此二見之徒。輩申時措

筆作斯書。觀身與佛不差。別何須更覓彼無餘。居士

捧披祖偈。乃伸禮密承印記。

戊子慧思大師住南嶽

慧思住大蘇。示衆道源不遠。性海非遙。但向已求。莫

從他覓。覓卽不得。得亦不真。偈曰。頓悟心源。開寶藏。

隱顯靈通。現真相。獨行獨坐。常巍巍。巍巍百億化身。無數

量。縱令遍塞滿虛空。看時不見微塵相。可笑物兮無

比。況口吐明珠光。晃晃尋常見。說不思議一語。標名

言下。當思嘗登座。講大般若經。爲諸論師。競中毒藥。

思一心念般若。若毒卽爲消命門。人智顓代。講頭至一

心具萬行。忽有所疑。請師決之。思曰。如汝疑者。乃大

品次第意耳。未是法華圓頓旨也。吾昔於夏中。一念

頓發。諸法現前。吾旣身證。不勞致疑。頭問所置。是十

地耶。曰。吾一生望入銅輪。圖十以領徒太。聖已登

他。但居鐵輪耳。圖十思覺手執如意。於衆中。指觀曰。

可謂法付法臣。法王無事者也。時大蘇被警。徒衆不

安。思乃謂觀曰。吾久羨南嶽。恨法無所寄。汝可傳燈。

莫作最後斷佛種人。汝於陳國。有緣宜往。利益觀奉

命。乃至陳住瓦官寺。開法華經題。思於光大二年六

月日將四十餘僧徑趨南嶽登祝融峯遇獻神會。洪神曰：師何來？此曰：求置越一坐具。地曰：諾。即飛錫以定其處。今福嚴寺獻神乞戒思爲說法。因曰：吾寄此山止期十載，已後必事遠遊。吾前身曾履此處，巡至衡陽，值一處林泉勝異，曰：此古寺也。吾昔曾居，命掘之，基址猶存。又指巖下曰：吾此坐禪，賊斬吾首，尋得枯骸一具，自此道化。彌盛陳主目爲大禪。

已矣。慧傳大士示寂。彌勒化身

傳大士住雙林，大作佛事。嘗有偈曰：空手把鋤頭，步行騎水牛。人從橋上過，橋流水不流。陳太建元年，有慧和法師不疾而終，高頭陀亦於河山入滅。士懸知，謂普建營，或曰：嵩公兜率待我，決不可久留也。時四則花木方當秀實，欬然枯瘁。四月二十四日，示衆。此身甚可厭惡，衆苦所集，須慎三業，精勤六度。若墜地，歟卒難得脫，常須懺悔。又曰：吾滅已，不得移寢床。七日，當有法猛上人持像及鐘來鎮於此。弟子問：歸寂後形體如何？曰：山嶺焚之間，若不遂，何如？曰：勿用棺，歟。但壘甕爲壇，移尸於上，屏風周繞，繚覆之上，建浮

圖鎮以彌勒像。又問諸佛滅度者，說功德師之發跡，可得聞乎？曰：我從第四天來，爲度汝等，次補釋迦及傳普救文殊，慧集觀音，何昌阿難，同來贊助。放大品經云：有菩薩從兜率天來，諸根猛利，疾與殺若相應。即吾身是也。言訖，跌坐而逝。壽七十三至七日。法猛上人果持鐵成彌勒像及九乳鐘來鎮龜所，須臾不見。晉天福九年，錢王發塔，取靈骨一十六片，皆紫金色。及道具十餘事，至府城龍山建龍華寺，塑像安置。

### ○三祖僧璨隱皖公山

僧璨不知何許人，初以處士謁慧可得度。傳法陳太建元年，自北齊來，司空山遂隱於皖公山。當周武帝設法，深自窘晦，居無常處，積十餘載，人無能知者。

### ○靜謐法師隱太乙山

初靜謐聞周武廢教，慨然嘆曰：食周之粟而忘其事，可謂忠乎？即詣闕求見，願陳設教禍福報應之事，指證明白。帝爲收容，願既行之，詔不可返。因謝遣之，謫

退而泣曰。大教阨塞。吾何忍見。遂遁歸終南山。帝欲  
官之。遣衛士求謫。聞徙入太乙山。號泣七日。夜聲  
不絕。撰三寶錄二十卷。宣政元年七月。告弟子曰。吾  
生無補於世。將事捨身。衆號泣。因令侍者出山。謫瀝  
血書偈一篇。遂坐磐石。留一內衣。自條其肉布於石  
上。引腸胃掛松枝上。五臟皆外見。餘筋肉手足頭面  
俱拆殆盡。以刀割心。捧之端坐而逝。餘骸竝無遺。血  
但見白乳。傍流凝於石次。聞者莫不流涕。

乙 智觀大師隱天台山

智觀居金陵瓦官八年。陳太建七年九月。謝遣徒衆。  
隱天台山。時佛隴峰有定光大師。謂弟子曰。不久當  
有勝善知識。領徒至此。俄而觀至。光曰。還憶曠昔舉  
手招引時否。乃共至菴。所其夜聞空中鐘聲。聲曰。是  
何祥也。曰。此是健隄集。僧得住之。相此峰金地。我已  
居之北峰。銀地汝當居焉。觀嘗獨往華嶺峰坐禪。忽  
於後夜大風拔木。迅雷震山。魘魅千群。一形百狀。倏  
忽轉變。不可稱計。又作父母師僧之形。乍枕乍抱。悲  
酸流涕。觀安心空寂。深念實相。強梗二緣所不能動。

◆ 智觀同

明星出時。神僧讚曰。制敵勝怨。乃可爲勇。能過斯難。  
無如汝者。旣安慰已。復爲說法。觀曰。大聖是何法門。  
當云何學。云何弘宣。答曰。此名一實諦學。之以般若。  
宣之以大悲。從今已後。自行兼人。吾皆影響。

丁 慧思大師入寂

慧思住南嶽。有一老宿。令人傳語曰。何不下山教化。  
衆生目視雲漢。作麼思。答曰。三世諸佛。被我一口吞。  
盡更有甚麼衆生。可教化。大建九年六月。日思謂門  
人曰。若有十人不惜身命。常修法華般若。念佛三昧。  
方等懺悔。期於見證者。隨有所須。吾自供給。如無此  
人。吾即遠去矣。時衆以苦行事難。竟無答者。思乃屏  
衆入寂。小師靈辨號慟。思開目曰。何得驚動吾耶。凝  
人出去。卽唱佛合掌而逝。顏色如生。異香滿室。

辛 開皇元年復興佛教

周武廢教。辛丑。隋文帝卽位。改元開皇。詔五嶽各置  
僧寺。又於相州戰地。建伽藍一所。帝志思弘法。是多  
有沙門。智周等。費經二百六十部。應期自西域而還。  
勅付有司。召人番譯。○帝姓楊名堅。華陰人生時。赤



光顯室繁氣滿庭宅旁有尼寺尼名智仙世號神尼會美譽母弱之奉甚幾絕尼自外至謂其父曰此兒佛天所祐身如舍利不可壞也遂名帝曰那羅延又曰兒來處異倫俗家穢汚可就寺養之父乃以尼委兒一日尼外出母來抱兒忽見兒化為龍鱗角已具驚惶墮地尼歸見曰何因妄觸我兒致令曉得天下及年七歲尼告帝曰汝後大貴當自東方來佛法時滅賴汝而興帝年十三方始還家及周武廢教尼隱其家未幾而逝至是帝果自山東入爲天子大興佛法皆如尼言及登位後每顧群臣追念阿闍黎以爲口實又云朕興緣佛法而好食麻豆前身似從道人中來繇少時在寺至今樂聞鐘鼓之聲

癸丑灌頂參智觀大師

灌頂章安吳氏子字法雲始生三月能隨母稱三寶名有僧過門謂其母曰此子非凡因以灌頂爲名出家受具天縱慧解陳至德癸卯謁智觀稟受觀法願蒙印可觀命爲侍者隨所住處悉能受持

壬子道信參三祖僧璨

道信姓司馬氏世居河內後徙新州廣濟縣生而超異幻慕空宗諸解說門宛如宿習開皇十二年信年十四往禮僧璨曰願和尚慈悲乞與解說法門璨曰誰縛汝曰無人縛曰何更求解脫乎又問如何是古佛心曰如今是甚麼心曰我今無心曰汝既無心諸佛豈有邪信於言下大悟

癸丑二祖慧可示寂

慧可既付法僧璨已旋往鄴都隨宜說法一音演暢四衆歸依如是積三十四載遂韜光混跡變易儀相或入酒肆或過屠門或習街談或隨斯役人驚問曰師是道人何故如是曰吾自調心何關汝事又於堯城縣匡救寺三門下談無上道聽者林會時有辯和法師於寺中講涅槃經學徒聞可闢法稍稍引去辯和不勝其憤致謗於邑宰翟仲侃加以非法可怡然委順識者謂之償債時癸丑三月十六日也年一百七歲塋磁州滏陽縣東北七十里

○智觀大師說法玉泉

智觀至荊州玉泉入定一大木中一日有巨蟒長十



餘丈張口內向陰魔列陣砲矢如雨經一七日親無懼色憫之曰汝所爲者生死衆業貪著餘福不自悲悔言訖衆妖俱滅其夕雲開月明見二人威儀如王前致敬曰予卽關羽漢末紛亂九州瓜裂曹操不仁孫權自保予義臣蜀漢期復帝室時事相違有志不遂死有餘烈得王此山大德聖師何枉神足曰欲於此地建立道場以報生身之德耳曰願哀憫我愚特垂攝受此去一舍山如覆船其土深厚弟子當與子平建寺化供願師安禪七日以須其成旣出定見秋潭千尺化爲平地棟宇煥麗巧奪人目遂領衆入居演法一日神白觀曰弟子今日獲聞出世間法願洗心易念求受戒戒永爲菩提之本觀授五戒

○晉顯大師示寂

丁巳十一月晉王遣使奉迎晉顯將行謂門人曰吾將往而不返汝等當成就佛隴南寺又曰乃是王家所辦汝等見之吾不見也到銅東石城寺百尺石像前而止顧侍者曰吾知命在此不復前進變斤絕粒於今日矣唱觀無量壽佛經題竟復曰四十八願

莊嚴淨土華池寶樹易往無人火車相現一念改悔者尙得往生況戒定熏修聖行道力功不唐捐矣時石佛放大光明覆滿山谷門人請曰未審大師何位何生曰吾不顧衆必淨六根損己利他但登五品汝問何生者吾諸師友待從觀音皆來迎我言訖而逝

庚申三祖僧璨傳法道信

道信依三祖悟道服勞九載後於吉州受具戒侍奉尤謹僧璨屢試以玄微知其緣熟乃付衣法偈曰華種雖因地從地種華生若無人下種華地盡無生○隋后獨孤氏雖處王宮深厭女質一心念佛仁壽辛酉命終時永安宮北種種音樂自然震響異香滿室從空而至天竺斯那到京帝問是何祥瑞對曰淨土有佛號阿彌陀皇后棄高超登彼國故現斯瑞耳

佛祖綱目卷第二十八

佛祖綱目卷第二十九

甲子南文帝乙丑煬帝丁丑恭帝戊寅高祖

祖武德丁亥太宗貞觀元年庚戌高宗永徽元年丙辰改元辛酉

改龍癸亥唐高宗龍朔三年止

唐李姓起高祖武德元年戊寅止昭宗天祐二

年乙丑二十一主共二百九十年

甲子三祖僧璨隱居羅浮山

三祖僧璨既付法道信已乃告之曰昔可大師付吾法後往鄴都行化三十年方終今吾得汝何滯此乎仁壽四年適羅浮山嘗著信心銘曰至道無難惟嫌揀擇但莫憎愛洞然明白毫釐有差天地懸隔欲得現前莫存顛逆違順相爭是爲心病不識立旨徒勞念靜圓同太虛無欠無餘良緣取舍所以不如莫逐有緣勿住空忍一種平懷泯然自盡止動歸止止更彌動惟滯兩邊寧知一種不通兩處失功還有沒有從空背空多言多慮轉不相應絕言絕慮無處不通歸根得旨隨照失宗須臾返照勝却前空

轉變者緣安見不用求真惟須息見二見不住惺莫追尋緣有是非紛然夫心二緣一有一亦莫守一心不生萬法無咎無咎無注不生不心能緣境滅境逐能沉境緣能境能緣境能欲知兩段原是一空一空同兩齊含萬象不見清靈寧有偏黨大道體寬無易無難小見狐疑轉急轉遲執之失度必入邪路放之自然體無去住任性合道逍遙絕惱繫念乖真昏沉不好不好勞神何用疎親欲取一乘勿惡六塵六塵不惡還同正覺智者無爲愚人自縛法無異法妄自愛著將心用心豈非大錯迷生寂亂悟無好惡一切二邊良緣斟酌夢幻空花何勞把捉得失是非一時放却眼若不寐諸夢自除心若不異萬法一如一如體立兀爾忘緣萬法齊觀歸復自然泯其所以不可方比止動無動動止無止兩既不成一何有爾究竟窮極不存軌則契心平等所作俱息狐疑盡淨正信調直一切不留無可記憶虛明自照不勞心力非思量處識情難測真如法界無他無自要急相應惟言不二不二皆同無不包容十方智者皆入此宗宗非

延促一念萬年無在不在十方目前極小同大忘絕境界極大同小不見邊表有即是無無即是有若不如是必不須守一即一切一切即一但能如是何慮不畢信心不二不二信心言語道斷非去來今○智舜入廬山踵慧遠淨業大業初講觀經畢即示疾見鸚鵡孔雀念佛法僧出微妙音告弟子曰我今日往生矣言訖安然而逝

丙 三祖僧璨示寂

僧璨說法三十餘年絕口不談其姓族鄉邑嘗語道信曰有人借問勿道於我處得法仁壽四年適羅浮山優游二載大業二年旋歸舒州山谷寺逾月士民奔趨大設壇供璨爲四衆廣宣心要訖於法會大樹下合掌立化是歲十月十五日也至唐天寶間河南尹李常啓璨墓關維得五色舍利三百粒以百粒出已傳建塔百粒贈荷澤百粒隨身

甲 四祖道信開法破頭山

丁丑道信願徒抵吉州值群盜圍城七旬不解萬衆惶怖信愍之教合城念摩訶般若時賊衆望雉據間

若有神兵乃相謂曰城內必有異人遂引去武德二年說法於螺川七年返蘄州住破頭山學侶雲臻

戊 道綽法師往生淨土

道綽并州人出家習經論晚事瓊禪師學禪又篤志淨土有僧定中見綽數珠如七寶大山平居爲衆講十六觀經將二百遍人各掐珠口稱佛號或時散席響彌林谷六時禮敬初不廢缺念佛日以七萬爲限貞觀二年四月八日歸寂聞而赴者滿於山寺見化佛住空天花下散焉○僧銜并州人初念慈氏期生內院年九十遇道綽始迴心念佛日禮千拜一心無怠後有疾告弟子曰阿彌陀佛授我香衣觀音勢至示我寶手吾其行矣言訖而逝七日異香不散時有啓芳圓果二法師目擊斯事乃於悟真寺共折楊枝於觀音手中誓曰若於淨土有緣當七日不萎至期益茂芳果慶杯晝夜觀念不捨忽覺臨七寶池入大寶帳見佛及二大士坐寶蓮臺光明輝映芳果作禮佛云念我名者皆生我國又聞釋迦世尊與文殊菩薩以梵音聲稱讚淨土復見三道寶階其一白衣其

二道俗相半。其三惟僧也。云皆至心念佛者得生。此土耳。後五日忽聞鐘聲曰。鐘聲我輩事也。俱時化去。○明。塢隱居太乙山智炬寺。晚歲志安養。貞觀二年十月。知命將盡。入京就興善寺設齋辭別。道俗時僕射房玄齡杜如晦皆與焉。即返智炬寺。整威儀。念佛。遽曰。阿彌陀佛來也。二大士亦至。竦身合掌而化。

庚四祖道信傳法法融

法融。延陵韋氏子。年十九。學通經史。尋閱大部般若。曉達真空。忽一日嘆曰。儒道世典。非究竟法。殺若正觀。出世舟航。遂隱茅山。投師落髮。後入牛頭山幽棲寺。北巖石室。有百鳥銜花之異。貞觀四年。道信遙觀氣象。知彼山有異人。乃躬自尋訪。問寺僧。此間有道人否。曰。出家兒那箇不是道人。曰。阿那箇是道人。僧無對。別僧曰。此去山中十里許。有一懶融。見人不起。亦不合掌。莫是道人。信遂入山。見融端坐。自若。曾無所顧。信曰。在此作麼。曰。觀心。曰。觀是何人心。是何物。融無對。便起作禮。曰。大德。高棲何所。曰。貧道不決所

止。或東或西。曰。還識道信大師否。曰。何以問他。曰。嚮德滋久。冀一瞻禮。曰。即貧道是也。曰。因何降此。曰。特來相訪。莫更有宴息之處否。融指後面曰。別有小菴。遂引信至菴。所繞菴。惟見虎狼之類。信乃舉兩手作怖勢。融曰。猶有這箇在。曰。這箇是什麼。融無對。少選信却於融。宴坐石上。書一佛字。融觀之。悚然。信曰。猶有這箇在。融未曉。乃稽首請說。心要。信曰。百千法門。同歸方寸。何沙妙德。總在心源。一切戒門。定門。慧門。神通變化。悉自具足。不離汝心。一切煩惱業障。本來空寂。一切因果。皆如夢幻。無三界可出。無菩提可求。人與非人。性相平等。大道虛曠。絕思絕慮。如是之法。汝今已得更無闕少。與佛何殊。更無別法。汝但任心自在。莫作觀行。亦莫澄心。莫起貪瞋。莫懷愁慮。蕩蕩無礙。任意縱橫。不作諸善。不作諸惡。行住坐臥。觸目遇緣。總是佛之妙用。快樂無憂。故名爲佛。曰。心既具足。何者是佛。何者是心。曰。非心。不問佛。問佛非。非心。曰。既不許作觀行。於境起時。如何對治。曰。境緣無好醜。好醜起於心。心若不強名。妄情從何起。妄情既不

起真心任偏知汝但隨心自在無復對治即名常住  
法身無有變異吾受璨大師頓教法門今付於汝汝  
今諦受吾言只住此山向後當有五人達者紹汝玄  
化信付法訖遂返雙峰

即破頭山

○道信住雙峰山中有

一老僧曰惟種松人呼爲栽松道者謂信曰法道可  
得聞乎曰汝已年邁脫有聞其能廣化耶儻能再來  
吾尚可遲汝道者遂諾乃出山行至黃梅縣獨港見  
一女子浣衣揖曰寄宿得否曰我有父母可往求之  
曰汝諾我乎曰諾道者還山危坐而化女周氏之季  
也歸輒有孕父母惡而逐之女無所歸傭紡里中已  
而生一子以爲不祥因拋水中明日見之踟躕波間  
泝流而上遂收養成童七歲隨母乞食往來黃梅道  
中一日信往黃梅路逢兒戲問曰汝何姓曰姓卽有  
不是常姓曰是何姓曰是佛性曰汝無姓耶曰性空  
故無信知其不昧卽俾侍者至母所乞令出家母以  
宿緣故遂捨爲弟子信與剃度名曰弘忍

壬辰灌頂法師往生淨土天台宗

灌頂住天台嘗著涅槃玄義二卷疏二十卷仙居樂

安嶺南曰安洲溪流湍急歲常溺人頂誓曰若此溪  
坦平當於此講經旬浹間白沙遍涌平如玉鏡乃講  
光明法華以答靈惠頂每宴坐有天花飄墜其側壬  
辰八月示疾室有異香臨終命弟子曰經云世尊入  
滅多薰名香其烟如雲汝今可多焚香吾將去矣因  
遺誠忽起合掌稱阿彌陀佛二大士名奄然而化○  
玄奘緱氏人姓陳少出家年十一誦維摩法華卓然  
自立不偶時流二十一講心論不窺文相涌注不窮  
時號神人貞觀三年冬表請往西域取經太宗不許  
遂潛出玉關至罽賓國從僧伽論師決俱舍因明大  
毗婆沙等論至大林國從婆羅門學中論及異道典  
籍時婆羅門七百餘歲至僕底國從伏光法師學對  
法宗顯理門等論至那伽羅國從月胄論師學衆事  
分毗婆沙至祿勒那國從闍那屈多三藏學經部毗  
婆沙及薩婆多部辨真等論至龜茲國從毗邪犀那  
三藏學二毗婆沙王有勝兵十萬雄冠西域奘與胡  
商八十許入渡疏伽河至中天竺遇大乘居士爲開  
瑜伽師地卽入王舍城彼預聞奘至具禮郊迎奘見



戒賢論師賢時已一百六歲。笑修敬。訖賢使坐。問從何來。曰。從支那國來。欲學瑜伽等論。於是賢流呼弟子。覺賢指以謂曰。我前所夢何如。弟子謂笑曰。和尚三年前得疾。危甚。如人以刀割其腹。欲不食而死。夜夢男子身金色。曰。汝勿自厭其身。汝昔作貴近多害物。命當自悔。責自盡。何益有。支那國僧來此學法。已在塗矣。三年當至。以法惠彼。彼復流通。汝罪自滅。我曼殊室利也。故來曉汝耳。和尚疾損已三年。而闍黎果至。於是歡喜交集。有同宿契。

戊戌六祖惠能示生

惠能姓盧氏。南海新州人。母李夢庭。前白花鏡。後白鶴。雙飛異香。滿室覺而有娠。懷妊六年。貞觀戊戌二月八日。示生。毫光騰空。香氣芬馥。黎明有二僧。詣能父曰。夜來生兒。可名惠。能惠者。以法惠濟衆生。能者。能作佛事。言畢。不知所之。三歲喪父。其母鞠養。

庚子法順大師示寂

法順姓杜。世傳文殊化身。降靈於雍州萬年。或人有病。須對之危坐。即愈。有患聾者。順呼之耳。即聰。有患

瘧者。順與之語。即能言。有患顛狂者。順向之禪坐。彼即拜謝而去。唐太宗詔謂曰。朕苦勞熱。師之神力。何以獨除。曰。但願大赦聖躬。自安。帝從之。疾遂廖。因錫號曰帝心。嘗引入宮。禁大弘華嚴圓頓之旨。作法界觀。天下宗之。嘗作法身頌曰。嘉州牛。契禾。益州馬。腹脹。天下竟醫人。父瘞左膊上。庚子五月示寂。○慧滿。榮陽張氏子。嗣法僧。那後奉頭陀行。惟蓄二鍼。冬則乞補。夏則捨之。心無怖畏。睡而不夢。常行乞食。所至伽藍。則破柴製履。住無再宿。貞觀壬寅。於洛陽善會寺。側宿古墓中。遇大雪。旦入寺。見曇曠。曠怪所從來。滿曰。法有來耶。曠遣尋來。處四邊雪積五尺。許尋聞有括鉢事。諸僧逃隱。滿持鉢周行。聚落無所滯礙。隨得隨散。索爾虛閑。有請宿齋者。滿曰。天下無僧。方受斯請。又嘗示人曰。諸佛說心。令知心相虛妄。今乃重加心。相深違佛意。又增論議。殊乖大理。常齋楞伽經四卷。以爲心要。後於陶治中。無疾坐化。

癸卯法融禪師傳法智嚴

智嚴。曲阿華氏子。弱冠。智勇過人。身長七尺六寸。隋

大業中爲郎將年四十出家入皖公山從寶月爲弟子後一日宴坐觀異僧身長丈餘神姿爽拔詞氣清朗謂叢曰卿八十生出家宜加精進言訖不見嘗在谷中入定山水瀑漲叢怡然不動其水自退有獵者遇之因改過修善復有昔同從軍者二人聞叢隱遁乃共入山尋之既見謂叢曰郎將狂耶何爲住此曰我狂欲醒君狂正發夫嗜色淫聲貪榮冒寵流轉生死何繇自出二人感悟歎息而去貞觀十七年歸建業入牛頭山謁法融發明大事融曰吾受信大師真訣所得都亡設有一法勝過涅槃吾說亦如夢幻夫一塵飛而翳天一芥墮而覆地汝今已過此見吾復何云山門化導當付之於汝叢遂稟命爲第二世

甲 四祖道信傳法弘忍

太宗嘗詔道信赴闕使者三反信堅臥不起第四度命使者曰如果不起卽取首來使至山諭旨信乃引頸就刃神色怡然使異之回奏帝彌加嘆慕至是信謂弘忍曰昔如來傳正法眼展轉乃至於我我今付汝并於衣鉢聽吾偈曰華種有生性因地華生生大

緣與性合當生生不生遂以學徒委之一日信示衆曰吾武德中遊廬山登絕頂望破頭山見紫雲如蓋下有白氣橫分六道汝等會否衆皆默然忍曰莫是和尙他後橫出一枝佛法否信曰善

乙 玄奘法師譯經

甲辰冬玄奘自西域還乙巳二月見帝於義鸞殿帝慰勞再三因問雪嶺以西物產風俗八王故迹七佛遺蹤笑隨問而對皆有條理帝大悅曰師所經一百餘國可盡擧其山川風俗撰大唐西域記以遺後來不亦美乎奘奉詔將罷帝謂侍臣曰昔符堅稱道安爲神器舉國尊敬朕觀法師詞吐溫雅風節貞峻非徒不愧古人實過之遠甚時車駕將問罪高麗聞奘還期暫引見及對談論不覺日暮奘因奏西域所獲梵本經論凡六百五十七部乞就嵩山少林寺爲國宣譯帝曰朕頃爲穆太后創弘福寺極爲虛靜可就彼翻譯所須並與立齡平章奘因進曰百姓見奘遠歸妄有窺看不徒妨廢法務兼慮不測之患願得監門官以防讒隙帝許之○帝以奘德業冲博儀表絕

倫欽令罷道共康庶政。笑反覆極陳天下治安。皆繇聖德無假於人。縱復須才。今亦伊呂多矣。玄奘庸陋。而足以預之。至於守戒。緇門闡揚遺法。此其誠願。伏乞天慈。終而不奪。帝曰。師欲敷揚妙道。亦不固違高志。因問。此譯何經。曰。瑜伽師地論。曰。明何等義。曰。此彌勒大士所造。明十七地義。因遣使取論入宮。凡一百卷。帝詳覽之。謂侍臣曰。朕觀法師新譯經論。猶瞻天瞰海。莫極高深。頃既軍國務煩。未暇委尋。今而後知宗源。杳曠顧儒道九流。猶汀滢之方。冥渤耳。因勅有司。揀秘書手。寫新譯經論各九部。宣賜九道總管。展轉流布。冀率土之內。同稟未聞之法。○帝自伐遼還時。有憂生之慮。既遇玄奘。留神大教。稍遂平復。因問。欲植法門之益。何所宜先。對曰。衆生寢惑非慧。莫啓慧芽。抽植法爲之資。弘法須人。卽度僧爲最。帝悅。乃詔天下諸州寺各度僧五人。

配善導大師演說淨土法門

善導不知何處人。唐貞觀中。見西河道綽九品道場。講誦觀經大喜。曰。此真入佛之津要。修餘行業迂僻。

難。或惟此法門。速超生死。於是晝夜禮誦。激發四衆。每入至胡跪念。佛非力竭不休。雖時寒水。亦須流汗。出則爲人演說淨土法門三十餘年。不暫睡眠。般舟行道。方等禮佛。護持戒品。纖毫不犯。好食送厨。麤惡自奉。乳酪醍醐。皆不經口。凡有觀施用。寫彌陀經十萬卷。畫淨土變相三百壁。壞寺廢塔。所至修營。然燈續明。常年不絕三衣瓶鉢。不使人持。行不共衆。恐談世事。長安道族傳授淨土法門者。不可勝數。或問。念佛生淨土。耶。曰。如汝所念。遂汝所願。乃自念一聲。有一光明。從其口出。十至於百光。亦如之。其勸世偈曰。漸漸雞皮鶴髮。看看行步龍鍾。假饒金玉滿堂。豈免衰殘病苦。任是千般快樂。無常終是到來。惟有徑路修行。但念阿彌陀佛。

庚戌道宣律師還終南山

道宣京兆錢氏子。父官吏部尚書。母夢月輪貫懷而孕。又夢梵僧謂曰。汝所孕者。梁僧祐律師也。旣生。稍長。博覽群書。年十六。誦法華兩旬。而徹剎染。受具三衣。惟布嘗坐。一食。武德七年。徙居終南山紆麻營。行

四祖道信示寂

道信自紹祖位。攝心無寐。脅不至席者六十年。永徽二年。閏九月四日。忽垂誡。門人曰。一切諸法。悉皆解脫。汝等各自護念。流化未來。言訖安坐而逝。壽七十二。塔於本山。明年四月八日。塔戶無故自開。儀相如生。自後門人不敢復閉。

法融禪師講大般若經

法融住牛頭山。法席大盛。永徽中。徒衆乏糧。融往丹陽緣化去。山八十里。躬負米一石。入斗朝往暮還。供僧三百。二時不闕。三年邑宰蕭元善請於建初寺講。大般若經。聽者雲集。至滅靜品地爲之震動。講罷還山。博陵王問曰。境緣色發時。不言緣色起。云何得知緣乃欲息其起。答曰。境色初發時。色境二性空。本無知緣者。心量與知同。照本發非發。爾時起自息。抱暗生覺緣。心時緣不逐。至如未生前。色心非養育。從空本無念。想受言念生起。發未曾起。豈用佛教令問閉。

目不見色。境慮乃便多。色既不關。心境從何處發。答閉目不見色。內心動慮多。幻識假成。用起名終。不過知色不關心。心亦不關人。隨行有相轉。鳥去空中真。問境發無處。所緣覺了知。生境謝覺還。轉覺乃變爲。境若以心曳。心還爲覺所覺。從之隨隨去。不離生滅。際答色心前後中實無緣起。境一念自疑。忘誰能計動靜。此知自無知。知知緣不會。當自檢本形。何須求域外。前境不變。謝後念不來。今求月執玄影。討跡逐飛禽。欲知心本性。還如視夢裏。譬之六月水。處處皆相似。避空終不脫。求空復不成。借問鏡中像。心從何處生。問恰恰用心時。若爲安隱好。答恰恰用心時。恰恰無心用。曲談名相。勞直說無繁重。無心恰恰用。常用恰恰無。今說無心處。不與有心殊。問智者引妙言。與心相會。當言與心路別。合則萬倍乖。答方便說妙言。破病大乘道。非關本性談。還從空化造。無念爲真常。終當絕心路。離念性不動。生滅無乖誤。谷響既有聲。鏡像能回顧。問行者體境有因。覺知境忘。前覺及後覺。并境有三心。答境用非體覺。覺罷不應思。因覺

知境亡覺時境不起前覺及後覺并境有三遲問住  
定俱不轉將爲正三昧諸業不能牽不知細無明徐  
徐攝其後答復聞別有人虛執起心量三中事不成  
不轉還虛妄心爲正受縛爲之淨業障心塵萬分一  
不了說無明細細習因起徐徐名相生風來波浪轉  
欲靜水還平更欲前塗說恐畏後心驚無念大獸吼  
性空下霜電星散穢草摧縱橫飛鳥落五道定紛綸  
四魔不前却既如猛火燎還如利劍所問賴覺知萬  
法萬法本來然若假照用心只得照用心不應心裏  
事答賴覺知萬法萬法終無賴若假照用心應不在  
心外問隨隨無揀擇明心不現前復慮心闇昧在心  
用功行智障復難除答有此不可有尋此不可尋無  
揀卽眞擇得闡出明心慮者心冥昧存心託功行何  
論智障難至佛方爲病問折中消息問實亦難安帖  
自非用行人此難終難見答折中欲消息消息非難  
易先觀心處心次推智中智第三照推者第四通無  
記第五解脫名第六等眞僞第七知法本第八慈無  
爲第九偏空陰第十雲雨被最盡彼無覺無明生本

智鏡像現三業幻人化四衢不住空邊盡當照有中  
無不出空有內未將空有俱號之名折中折中非言  
說安帖無處安用行何能決問別有一種人善解空  
無相口言定亂一復道有中無同證用常寂知覺寂  
常用用心會眞理復言用無用智慧方便多言亂與  
理合如如理自如不絲識心會既知心會非心心復  
相泯如是難知法永劫不能知同此用心人法所不  
能化答別有證空者還如前偈論行空守寂滅識見  
暫時翻會眞是心量終知未了原又說息心用多智  
疑相似長絲性不明求空且勞已永劫住幽識抱相  
都不知放光便動地於彼欲何爲問前件看心者復  
有羅穀難答看心有羅穀幻心何待看況無幻心者  
從容下口難問久有大基業心路差互間得覺微細  
障卽達於眞際自非善巧師無能決此理仰惟我大  
師當爲開要門引導用心者不令失正道答法性本  
基業夢境成差互實相微細身色心常不悟忽逢混  
沌士哀怨愁群生託疑廣設問抱理內常明生死幽  
徑徹毀譽心不驚野老顯分答法相婉來儀蒙發群



生棄還如色性爲

癸丑 慧寬大師示寂

慧寬益州楊氏子。父瑋爲道士。號三洞先生。姊信相  
生而知道。終日禪寂。寬五六歲。日與信相談論。俱非  
世事。聽者一不能曉。家世奉道。寬獨不喜。父詬罵。使  
拜天。尊寬不得已。拜之。鐵像厥然。朋環舉族驚異。因  
錄所論言。句先是龍懷寺禪師曇相臨終。語弟子會  
曰。吾報緣當生廣漢綿竹峯。瑋楊氏家。後七年。汝來  
見我。言訖而逝。其後會夢相責以負約。會驚寤。遂造  
峯。嶺扣其扉。寬曰。扣扉者誰。會曰。弟子會也。寬笑曰。  
何以知吾。而稱弟子。會曰。得師聲。猶昔日聲也。遂相  
見。其父出所錄與信相談論者示之。蓋大莊嚴等論。  
會即奉寬再歸龍懷寺。落髮時年十三。會畏之如神。  
龍懷衆三千。指皆躬力作。寬獨閑適。人以爲言。會曰。  
此吾先師也。因其道。其所以自是神異。日額俗呼聖  
和尚。其姊信相亦隨出家。淨慧寺有一異僧。入定滿  
寺紅焰。亘燃人未之識。信相曰。此火聚尊者。入火光  
三昧耳。以水滅之。可入。遂作水觀。一室湛然。惟水不

見其形異。僧欽嘆以爲得果。時亦號聖尼。永徽四年  
六月二十五日。寬示寂。時謂觀音大士應身云。

甲寅 窺基法師參譯經論

窺基姓尉遲。代郡人。鄂國公敬德之姪。金吾衛將軍  
敬宗之子。母夢掌月輪吞之。而孕。誕夕神光盈室。六  
歲能著書。初立契於西域。得一童子。敏悟絕倫。因携  
之詣宗。宗呼基出拜。契因使誦所著兵書。且數千言。  
契數目童子及基誦畢。給之曰。此古書耳。令西域童  
子覆誦。不差一字。宗大怒。以基竊古書誑已。將殺之。  
契就丐出家。基曰。聽我御輩晚膳。則可。不然。寧伏劍  
死。契許之。遂從入道。善大小乘。永徽五年。高宗特旨。  
度基爲大僧。入大慈恩寺。參譯經正義。基乃從契受  
瑜伽唯識宗旨。著論凡百部。時號百本論師。然性豪  
侈。每出必治三車。亦號三車法師。

丁巳 牛頭山法融禪師入寂

四祖信旁  
出法嗣

法融住牛頭山。大行法道。邑宰蕭元善請融住建初  
寺。辭不克。乃命弟子智嚴付囑法印。令以次傳受。將  
下山。謂衆曰。吾不復踐此山矣。時鳥獸哀號。踰月不

止菴前有四大桐樹。仲夏之月。忽然凋落。顯慶三年。

閏正月二十三日。不疾而逝。

○千歲寶掌和尚入寂。初祖達磨旁出法嗣

寶掌晚居浦江寶巖。與玄朗友善。每通問掌。遣白犬馳書。朗以青猿回使。顯慶二年。正旦。掌自塑一像。至九日。成謂門人慧雲曰。此肖誰。曰。與和尚無異。即澡浴易衣。趺坐謂雲曰。吾住世已一千七十二年。今將謝世。聽吾偈曰。本來無生死。今亦示生死。吾得去住心。他生復來此。又囑曰。吾滅後六十年。有僧來取吾骨。勿拒言訖而逝。入滅五十四年。有刺浮長老自雲門至塔所。禮曰。冀塔洞開。少選塔戶。果啓其骨。連環若黃金。浮即持往秦望山。建窆塔。波奉藏。周丁卯至。唐丁巳。實一千七十二年。其在此土四百餘歲。

辛酉 五祖弘忍傳法惠能

惠能家貧。採樵供母。一日負薪過市中。聞客讀金剛經。悚然問其客曰。此何法也。曰。此名金剛經。得於黃梅。忍大師能遽告其母。以爲法尋師之意。直抵韶州。遇高行士劉志略。結爲交友。尼無盡藏者。即志略之

姑嘗讀涅槃經。能爲解說其義。尼遂執卷問字。能曰。字卽不識義。卽請問。尼曰。字尙不識。曷能會義。能曰。諸佛妙理。非關文字。尼驚異之。遍告四衆。請居寶林寺。一日忽自念曰。我求大法止此。何爲遂棄之。龍朔元年。抵黃梅。參弘忍。忍問汝自何來。曰。嶺南。曰。欲求何爲。曰。惟求作佛。曰。嶺南人無佛性。若爲得佛。曰。人有南北。佛性無南北。忍知其異。乃訶曰。著槽廠去。能禮足而退。便入碓坊。服勞。許白經八月。忍知付法時。至告衆曰。正法難解。不可徒記吾言。汝等各自隨意。述一偈。若語意冥符。則衣法皆付。時會下七百餘衆。神秀居第一。座學通內外。衆所宗仰。秀亦自負。無出其右者。不復思惟。乃於廊壁書一偈曰。身是菩提樹。心如明鏡臺。時時勤拂拭。勿使惹塵埃。忍因經行見。偈心知秀所述。讀曰。後代依此修行。亦得勝果。衆聆此語。人各諷誦。能在碓坊聞偈。乃問同學。此誰爲之。曰。和尚將欲付法。各令述偈。此乃秀上座所爲。能曰。美則美矣。了則未了。同學不答。相視而笑。能至夜密告一童子。引至廊下。能自秉燭。令童子於秀偈之側。

寫一偈曰。菩提本無樹。明鏡亦非臺。本來無一物。何處惹塵埃。忍見曰。此是誰作。亦未見性。衆聞忍語。遂不之顧。逮忍詣碓坊。問曰。米白也。未白也。白也未有篩。忍以杖三擊其碓。能便三鼓入室。忍用袈裟遮圍。不令人見。告曰。諸佛出世。爲一大事。隨機大小。而引導之。遂有三乘頓漸等法。以爲教門。然以無上微妙秘密圓明真實正法眼藏。付於迦葉。展轉傳授。以至於吾。吾今授汝。并所傳袈裟。汝善護持。無令斷絕。聽吾偈曰。有情來下種。因地果還生。無情既無種。無性亦無生。能受畢。乃曰。法則既授。衣付何人。曰。昔達磨初至人未知信。故傳衣以明得法。今信心已熟。衣乃爭端。止於汝身。不復傳也。且當達隱。俟時行化。所謂受衣之人。命如懸絲。曰。當隱何所。曰。逢懷則止。遇會且藏。能禮足已。捧衣而出。是夜南邁。衆皆莫知。忍自是不上堂。凡三日。衆怪問。忍曰。吾道行矣。復問。衣法誰得。曰。能者得。於是衆議。盧行者名。能。卽復奔逐。○能南行至大庾嶺。有僧道明。嘗爲四品將軍。同數百人來欲奪衣鉢。明先趨及能。擲衣鉢於石曰。此衣表信。

可力爭耶。明舉衣鉢不能動。乃曰。我爲法來。不爲衣來。能曰。汝旣爲法來。可屏息諸緣。勿生一念。吾爲汝說明。良久。能曰。不思善。不思惡。正與麼時。那箇是明上座。本來面目。明言下。大悟。復問。上來密語密意。外還更有密意否。能曰。與汝說者。卽非密也。汝若返照。密在汝邊。曰。某雖在黃梅。實未省自己面目。今蒙指示。如人飲水。冷暖自知。今行者卽某師也。能曰。汝若如是。吾與汝同師。黃梅善自護持。明又問。某今向甚處去。能曰。逢袁則止。遇蒙則居。明禮辭還。至嶺下。謂衆曰。向陟崔嵬。杳無蹤跡。當別道尋之。越衆遂散。後明居袁州蒙山。明姓陳。

王善導大師示生淨土

善導端以淨土化人。龍朔二年。忽謂人曰。此身可厭。吾將西歸。乃登柳樹。向西祝曰。願佛接我。菩薩助我。令我不失正念。得生安養。言已。投身而逝。唐高宗知其念佛口出光明。舍身精至。賜其寺額。號曰光明。○僧懷感居長安千福寺。入善導念佛道場。三七日不覩靈瑞。自恨障深。欲絕食畢命。善導不許。只勸令精。

虔三載感如所教後見佛金色玉毫得念佛三昧製  
決疑論七卷臨終合掌云佛來迎我遂逝

佛祖綱目卷第二十九

佛祖綱目卷第三十呂字號

甲子唐高宗麟德元年起丙寅改乾封戊辰改德章庚午改威李甲

戊改上丙子改鳳己卯改鳳庚辰改永辛巳改開

壬午改永癸未改道甲申改中宗嗣聖元年乙酉改武

垂拱元年己丑武后改庚寅授國號周壬辰又改長壽

甲午周改乙未周改聖曆元年丙申又改萬歲登封

丁酉周改戊戌周改聖曆元年庚子久視元年辛丑又改長安

己中宗復位丁未改景庚戌睿宗景云元年壬子玄宗先天

癸丑改開元癸亥唐玄宗開元十一年止

甲子 慧安禪師隱終南山

慧安荊州衛氏子出家受具行頭陀行唐貞觀中至  
黃梅謁弘忍得心要麟德元年隱居終南山石壁○法

持江寧張氏子參弘忍聞法心開他日忍謂弟子曰

後傳吾法者可有十人金陵法持是其一也復遇牛

頭慧方印可乃繼迹山門○玄奘覆疾命弟子大乘

光錄所譯經論凡七十五部一千三百三十五卷造

彌勒像十俱胝及疾革令左右同聲三唱南無慈氏

如來應正等覺願與含識速奉慈顏南無慈氏如來

所居內院願捨壽必生其中遂右脇安臥而逝時麟

德甲子二月五日也是夕白虹四道自北亘南貫□

宿慈恩寺塔俄異僧奉旃檀末香至請依天竺法用

塗師體大乘光等以掩龕日久不欲開其僧曰別奉

進旨倘見拒即具奏遂啓龕顏色如生香氣馥郁其

僧塗畢恍然不見

丁道宣律師入寂

道宣持律感天送饌侍衛嘗行道中夜臨砌而蹶有

少年介冑擁衛得不仆宣問爲誰曰弟子博叉天王

子張瓊也以師戒德故來給衛耳問世尊在世及滅

度時事瓊一一爲言自後降靈不一乾封二年春天

告宣曰報緣將盡當生彌勒內宮十月三十日衆見

空中旛華交列。異香天樂同聲。請宣歸覲。勸

已。僧伽大士示現泗州。

初僧伽自碎葉國遊西涼。總章二年。顯化洛陽。手執楊枝。混於緇流。或問師何姓。曰我姓何。問師是何國人。曰我何國人。尋於泗上。欲構伽藍。因宿州民賀拔氏。捨所居伽曰。此本佛宇。令掘地。果得古碑云。香積寺。又獲金像。伽曰。普光王佛也。因以爲寺。額

癸。萬回示現王宮。

萬回闕鄉張氏子。弱齡笑傲。佯狂。鄉黨莫測。有兄萬年。久征遼左。母思其音。信回曰。此甚易。爾乃告母往。至暮而還。及持到書。隣里驚異。因號萬回。回與龍興沙門大明少相狎。嘗往來其室。屬給諫明崇儼。夜過寺。見回左右神兵侍衛。儼大駭。一日回令家人灑掃。云有勝客來。是日立焚。自西國還。訪問印度風境。了如所見。焚作禮。圍繞稱是菩薩。咸亨四年。高宗詔入宮度爲沙門。時有扶風僧蒙頊者。先在宮內。每曰迴來迴來。及回至。頊曰。替到當去。旬日而頊逝。

甲。台宗智威住軒轅。

智威。縉雲蔣氏子。年十八爲郡學堂長。因歸納婦路。遇梵僧曰。少年何意欲違昔日重誓耶。因示其前身爲徐陵於智者前。親立五願。咸聞不復還家。卽往天台投章安爲師。證法華三昧。上元元年。飛錫凌空。至軒轅鍊丹山。遂住焉。學徒奔奏。

乙。五祖弘忍示寂。

上元二年。弘忍忽告衆曰。吾今事畢。時可行矣。卽入室安坐而逝。壽七十四。建塔於黃梅東山。

丙。六祖惠能示出世。

惠能南歸。隱於四會獵人隊中。經十五載。時與獵人隨宜說法。獵人令守網。輒放生。命一日忽念說法時。至遂至黃州法性寺。義鳳元年正月八日。值印宗講涅槃經。暮夜風吹幡動。二僧對論。一云風動。一云幡動。往復不已。能曰。不是風動。不是幡動。仁者心動。一衆駭然。宗延至上席。徵詰奧義。見能言簡理當。不繇文字。乃曰。久聞黃梅衣法。南來莫是行者否。曰然。宗乃執弟子禮。請衣鉢。出示大衆。復問黃梅付囑如何。指授曰。指授卽無。惟論見性。不論禪定解脫。曰何不



論禪定解脫曰。爲是二法。不是佛法。佛法是不二之法。曰。如何是佛法不二之法。曰。法師講涅槃經。明佛性是佛法不二之法。如高貴德王白。佛言。犯四重禁。作五逆罪。及一闍提等。當斷善根。佛性否。佛言。善根有二。一者常。二者無常。佛性非常非無常。是故不斷。名爲不二。一者善。二者不善。佛性非善非不善。是名不二。蘊之與界。凡夫見二。智者了達其性無二。無二之性。即是佛性。宗聞歡喜。合掌歎曰。某甲講經。猶如瓦礫。仁者論義。猶如真金。乃會名德。與之剖染。受具。次日。廣州刺史韋據。請能陸座說法。示衆曰。總淨心。念摩訶般若波羅蜜。摩訶者大也。心量廣大。猶如虛空。無有邊畔。亦無方圓大小。亦非青黃赤白。亦無上下長短。亦無瞋無喜。無是非。無善無惡。無有頭尾。世人妙性本空。無有一法可得。自性真空。亦復如是。自性能含萬法。是大萬法。在諸人性中。若見一切人。惡與善盡。皆不取不捨。亦不染著。心如虛空。名之爲大。故曰摩訶般若智慧也。一切處所。一切時中。念念不愚。常行智慧。即是般若。行一念愚。即般若絕。一

念智。即般若生。般若無形相。智慧心。即是若作如是解。即名般若。波羅蜜者。到彼岸也。解義。離生滅著境。生滅起如水有波浪。即名爲此岸。離境無生滅。如水常通流。即名爲彼岸。故號波羅蜜。凡夫即佛。煩惱即菩提。前念迷。即凡夫。後念悟。即佛。前念著境。即煩惱。後念離境。即菩提。摩訶般若波羅蜜。最尊最上。第一無住。無往亦無來。三世諸佛。從中出。又曰。若欲修行。在家亦得不誑。在寺但依無相而修。常與吾同處。無別不依無相而修。削髮出家。於道何益。○神秀開封李氏子。身長八尺。秀眉大耳。少親儒業。博綜多聞。俄出家。至黃梅。見弘忍。乃嘆服。曰。此真吾師也。服勤六年。忍深器之。謂曰。吾度人多矣。至於悟解。無及汝者。命之分座。寺東七里地。坦山雄秀。曰。此正楞伽孤峰。度門蘭若。蔭松藉草。吾將老焉。遂居之。

丁丑六祖惠能開法曹溪

義鳳二年春。惠能至曹溪寶林寺。見堂宇狹隘不足容衆。欲廣之。遂謁里人陳亞仙。乞檀越。一坐具。地亞仙唯唯。能以坐具一展。盡罩曹溪四境。亞仙願盡捨。

爲寶坊遂成蘭若一十三所

成智嚴禪師入寂法融法嗣牛頭山第二世

智嚴以正法付慧方住白馬棲玄兩寺又遷住石頭城義鳳三年正月日入滅顏色不變屈伸如生室有異香經旬不歇遺言水堊壽七十八臘三十九

庚辰法華智威入寂灌頂法嗣台宗六祖

智威住台州鍊丹山剪棘刈茅班荆爲座聚石爲徒晝講夜禪手寫藏典名其地曰法華威每登座則有紫雲覆頂狀如寶蓋鳥雀旁止有司家畜衆苦乏水浚一石井深纔三尺日給千衆冬夏無竭永隆元年十一月二十八日跌坐而化異香七日不歇

壬午慧安禪師傳法元珪

元珪生伊闕李氏幼歲出家永淳間受具戒隸閑居寺習毗尼謁慧安頓悟玄旨遂廬於嵩嶽之龍塢○永淳元年窺基入滅基貌豐碩長八尺氣蓋萬夫頤上有玉枕十指紋皆盤折如印見者警服然心慈善誨人晚節祈生內院循戒彌篤初道宣弘律感天厨供饌每薄基三車之爲人不爲禮基嘗訪宣其日過

午而天譴不至及基辭去天神乃降宣問何後時曰適見大乘菩薩在此翊衛嚴甚無自而入宣聞大驚初天竺無著天親頻昇兜率咨參慈氏唯識宗旨遂相與製論彼國代有聖賢出弘其教至戒賢論師授玄奘奘授基基乃廣製疏論謂之慈恩教

○智隍參六祖惠能

智隍初參五祖自謂已得正受結菴長坐積二十年惠能弟子玄策遊方至河朔聞隍名造菴激以勤求法要隍遂捨菴徑來謁能垂開抉卽於言下豁然契悟前二十年所得心都無影響其夜河北士庶聞空中聲云隍禪師今日得道也後回河北開化四衆○僧志徹初名行昌姓張少任俠自南北分化二宗主雖忘彼我而徒侶競起愛憎北宗忌惠能傳衣屬行昌刺能預知其事置金十兩於座間昌懷刃入室能舒頸就之昌揮刃者二都無所損能曰只負汝金不負汝命昌驚仆久而方蘇求哀悔過願出家能以金授曰汝且去他日易形而來吾當攝受昌遂宵遁出家稍進一日過曹溪謁能曰蒙和尚赦罪今雖

出家苦行難報深恩。其惟傳法度生乎。弟子嘗覽涅槃經。未曉常無常義。乞和尚慈悲。能便與之宣說。昌如醉醒。說偈曰。因守無常心。佛演有常性。不知方便者。猶春池拾礫。我今不施功。佛性而見前。非師相授與。我亦無所得。能曰。汝今徹也。宜名志徹。徹禮謝而去。○僧智通看楞伽經。約千餘遍。不會三身四智禮能求解其義。能曰。三身者。清淨法身。汝之性也。圓滿報身。汝之智也。千百億化身。汝之行也。若離本性。別說三身。即名有身無智。若悟三身無有自性。即名四智。菩提通曰。四智之義。可得聞乎。能曰。既會三身。便明四智。若離三身。別譚四智。此名有智無身也。即此有智。還成無智。偈曰。大圓鏡智。性清淨平等。性智心無病。妙觀察智。見非功成所作智。同圓鏡五八六七。果因轉。但用名言。無實性。若於轉處。不留情繫。與永處那伽定。○僧志常來參。能問。汝從何來。曰。學人近禮秀和尚。秀問曰。汝見虛空有相貌否。對曰。虛空無形。有何相貌。彼曰。汝性猶如虛空。返觀自性。了無一物。可見是名正見。無一物可知。是名真知。無有青黃。

長短。但見本源清淨。覺體圓明。即名見性成佛。亦名如來。知見學人聞此。猶未決了。乞和尚示誨。令無凝滯。能曰。彼師所說。猶存見知。故令汝未了。吾今示汝一偈曰。不見一法存無見。大似浮雲遮日面。不知一法守空知。還如太虛生閃電。此之知見。瞥然與錯認。何曾解方。便汝當一念自知。非自己靈光常顯現。常聞偈已。心意豁然。乃述偈曰。無端起知解。著相求菩提。情存一念悟。寧越昔時迷。自性覺源體。隨照枉遷流。不入祖師室。茫然趣兩頭。

丙 慧方禪師歸茅山 智嚴法師半頭第三世

慧方潤州濮氏子。出家進具。洞明經論。後入牛頭山。謁智嚴。嚴示以心印。方豁然領悟。於是不出林藪。踰十年。四方學者雲集。一日謂衆曰。吾欲他行。隨機利物。汝宜自安也。乃以正法付法持。遂歸茅山。

丁 懷讓禪師示出家

懷讓金州杜氏子。咸亨癸酉四月八日生。感白氣六道貫天。太史奏聞。高宗問是何祥瑞。對曰。國之法寶。不染世榮。金州太守韓偓亦具表奏。帝敕偓親詣存。

慰其家三子讓居幼性惟恩讓故名懷讓垂拱三年年十五嘗默觀止水因而顧影形儀顚若宛在鏡中三反厥像如初覺心有獨得方返步忽聞空中聲曰佛法律梁侯子而大既應付囑爾盍勉之乃辭親往荊州玉泉寺出家

壬仁儉禪師說法王宮慧安法嗣五祖旁出

仁儉即騰騰和尚壬辰四月武后詔迎入宮儉視太后良久曰會麼曰不會曰老僧持不語戒言訖而去進短歌十九首有曰修道道無可修問法法無可問迷人不了色空悟者本無逆順八萬四千法門至理不離方寸識取自家城郭莫謾尋他州郡不用廣學多聞不要辨才聰俊不知月之大小不管歲之餘閏煩惱即是菩提淨花生於泥糞人來問我若爲不能共伊談論寅朝用粥充饑齋時更餐一頓今日任運騰騰明日騰騰任運心中了了總知且作佯癡縛鈍

乙實義難提譯大華嚴經

初武后聞于闐有梵本華嚴大經遣使求之并請善梵學者一人隨經以來於是于闐國王以實義難提

此云遣來應命乙未三月詔入大遍空寺翻譯○法藏姓康康居國人初杜順傳晉譯華嚴法界觀於智嚴藏久侍儼盡得其教儼滅藏以巾幘說法武后度爲僧乙未詔藏開示華嚴宗旨方序經題白光昱然自口而出須臾成蓋停空后大悅賜號賢首○慧安棲石壁高宗詔迎不赴安乃徧歷名勝至高嶽曰是我終焉之地也坦然懷讓二僧來參問如何是祖師西來意曰何不問自己意曰如何是自己意曰當觀密作用曰如何是密作用安以目開合示之乙未詔迎安秀至都尊爲國師后嘗問安甲子多少曰不記生死之身有若循環環無起盡況識心流注無有間斷見徧起滅者乃妄想耳從初識至動相滅時亦只如此何年月而可記乎神秀住當陽武后詔迎至都同安於內道場供養秀嘗有偈曰一切佛法自心本有將心外求捨父逃走○慧方住茅山數載將欲滅度見有五百許人髻髮後垂狀如菩薩各持旛華云請法師講經又感山神現身庭前如將泣別方謂侍者曰吾去矣汝爲吾報諸門人及門人奔至方已入

滅時乙未八月一日也是日山林變白谿澗絕流凡日七道俗悲慕聲動山谷

### ○六祖惠能傳法懷讓

懷讓自出家受具後習毗尼藏一日嘆曰夫出家者爲無爲法天上人間無有勝者時同學坦然知讓志氣高邁勸謁慧安安啓發之乃直詣曹溪參六祖祖問甚處來曰嵩山來曰什麼物怎麼來曰說似一物即不中曰還假修證否曰修證則不無污染即不得曰祇此不污染諸佛之所護念汝既如是吾亦如是以後佛法從汝邊去西天般若多羅識汝足下一馬駒踏殺天下人應在汝心不須速說讓豁然大悟

### 辛丑賢首法藏講新華嚴經

武后詔法藏於佛授記寺講新華嚴經大地震動逾時乃息即日召對長生殿問帝網十重玄門藏敷宣有緒玄旨通貫后聞驚異藏指殿隅金獅子爲曉譬之至一毛頭獅子百億毛頭獅子后乃豁然○行思吉州劉氏子幼歲出家每群居論道思惟默然後參六祖問當何所務不落階級曰汝曾作什麼來曰聖

諦亦不爲曰落何階級曰聖諦尙不爲何階級之有祖深器之令首衆○玄覺姓戴氏永嘉人少挺生知學不加思蚤歲出家博貫三藏精天台止觀法門因閱維摩經發明心地後遇左谿激勵與玄策同參六祖初到振錫繞祖三匝卓然而立祖曰夫沙門者具三千威儀八萬細行大德自何方來生大我慢曰生死事大無常迅速曰何不體取無生了無速乎曰體即無生了本無速曰如是如是於時大衆無不愕然覺方具威儀禮拜須臾告辭祖曰返太速乎曰本自無動豈有速耶曰誰知非動曰仁者自生分別曰汝甚得無生之意曰無生豈有意耶曰無意誰當分別曰分別亦非意曰善哉少留一宿時謂一宿覺

### 壬寅牛頭山法持禪師入寂

慧方法嗣牛頭第四世

法持以山門付智威壬寅九月日入滅遺令露骸松下飼諸鳥獸迎出日空中有神幡從西而來繞山數匝所居故院竹林變白七日而止

### 乙巳六祖惠能說法

神秀嘗奏武后請惠能赴闕能固辭秀復自作書重



邀之能謂使者曰吾形貌燈陋此土見之恐不敬吾法又先師以吾南中有緣亦不可違神龍元年中宗復遣使薛簡迎能辭疾願終林麓簡曰京城禪德皆云欲得會道必須坐禪習定能曰道緣心悟豈在坐也經云若言如來若坐若臥是行邪道何故無所從來亦無所去無生無滅是如來清淨禪諸法空寂是如來清淨坐究竟無證何況坐耶曰願師慈悲指示心要傳奏兩宮譬如一燈燃百千燈冥者皆明明無盡曰道無明暗明暗是代謝之義明明無盡亦是有盡曰明喻智慧暗喻煩惱若不以智慧照破煩惱生死憑何出離曰煩惱即是菩提若以智慧照破煩惱者此是二乘見解上智大根悉不如是汝若欲知心要但一切善惡都莫思量自然得入清淨心體湛然常寂妙用恒沙簡蒙指教豁然開悟

丙申神秀禪師入寂五祖忍旁出法嗣

神秀居東都天下稱兩京法主三帝門師神龍二年二月日入滅諡大通秀生於隋末百有餘歲未嘗自言故人莫知其數○普寂河東馬氏子師事神秀凡

六年秀奇之盡授以道秀入滅學者爭師事寂○智威江寧陳氏子四歲便思出家忽一日家中失之莫知所往及父母尋訪知已剗染矣後聞法持出世遂往禮謁傳授正法有僧慧忠到山威一見即曰山主來也忠嘗出參訪院中凌霄藤盛夏盡萎左右欲伐之威曰不可忠還則復茂矣及忠還果然一日威示偈曰莫繫念念成生死河輪迴六趣海無見出長波忠曰念想緣來幻性自無終始若得此中意長波當自止威又示偈曰余本性虛無緣妄生人我如何息妄情還歸空處坐忠曰虛無是實體人我何須存妄情不須息即泯般若船威知其了悟乃付以山門○神會襄陽高氏子年十四爲沙彌參六祖祖曰知識遠來艱辛還將得本來否若有本則合識主試說看曰以無住爲本見即是主曰這沙彌爭合取次語曰和尚坐禪還見不見祖以拄杖打三下云吾打汝痛不痛曰亦痛亦不痛曰吾亦見亦不見會問如何是亦見亦不見曰吾之所見常見自家過忽不見他人是非好惡是以亦見亦不見汝言亦痛亦不痛汝若

不痛。其木石若痛。則凡夫即起悲恨。汝向前見不見。是二邊。痛不痛。是生滅。汝自性且不見。致爾弄人會。禮拜一日。祖告衆曰。我有一物。無頭無尾。無名無字。無背無面。諸人還識否。會出曰。是諸佛之本源。神會之佛。性曰。向汝道無名無字。汝便喚作本源佛。性汝向去。有把茆蓋頭也。只戒箇知解宗徒。

丁未元珪禪師爲嵩神說法慧安法嗣五祖旁出

元珪住嵩嶽景龍年間。有神人率群從謁珪。珪觀其狀貌非常。乃曰。善來仁者。何爲而至。曰。師寧識我耶。曰。吾觀佛與衆生等。吾一目之。豈分別耶。曰。我此識神也能生。死於人師。安得一目。吾哉。曰。吾本不生。汝焉能死。吾視身與空等。視吾與汝等。汝能懷空與汝乎。使果能之。吾則不生不滅也。況汝不能。又焉能生死。吾耶。神稽首曰。我亦聰明正直。於餘神詎知師有廣大智辯乎。願授正戒。令我度世。曰。汝施乞戒。即既戒矣。所以者何。戒外無戒。又何戒哉。曰。此理也。我聞茫昧。止求師戒。我身爲門弟子。珪即張座秉爐。正凡曰。付汝五戒。若能奉持。即應曰。能不能。即曰。否。曰。謹

受教。曰。汝能不殺乎。曰。亦娶也。曰。非謂此也。謂無羅欲也。曰。能。曰。汝能不盜乎。曰。何之我。也。焉有盜取哉。曰。非謂此也。謂愛而福淫。不供而福善也。曰。能。曰。汝能不殺乎。曰。實司其柄。焉得不殺。曰。非謂此也。謂有蓋誤疑混也。曰。能。曰。汝能不妄乎。曰。我正直焉有妄。曰。非謂此也。謂先後不合天心也。曰。能。曰。汝不遭酒敗乎。曰。能。曰。知上是爲佛戒也。又言以有心奉持。而無心拘執。以有心爲物。而無心想身。能如是。則先天地生。不爲精。後天地死。不爲老。終日變化。而不爲動。畢盡寂默。而不爲休。悟此。則雖娶非妻也。雖愛非取也。雖兩非權也。雖作非故也。雖醉非悞也。若能無心於萬物。則雖欲不爲淫。福淫不爲盜。蓋誤疑混不爲殺。先後違天不爲妄。悞荒顛倒不爲醉。是謂無心也。無心。別無戒。無戒。則無心。無佛。無衆生。無汝。及無我。孰爲戒哉。曰。我神通亞佛。曰。汝神通十句。五能。五不能。佛則十句。七能。三不能。神竦然避席跪啓曰。可得聞乎。曰。汝能戾上帝東天行。而西七曜乎。曰。不能。曰。汝能奪地祇融五嶽。而結四海乎。曰。不能。曰。是

謂五不能也。佛能空一切相，成萬法，智而不能，即滅定業。佛能知群有性，窮億劫事而不能，化導無緣。佛能度無量有情而不能，盡衆生界是謂三不能也。定業亦不牢久，無緣亦是一期衆生界本無增減，且無一人能主其法。有法無主，是謂無法。無法無主，是謂無心。如我解佛，亦無神通也。但能以無心通達一切法。爾曰：吾誠淺昧，未聞空義。師所授戒，我當奉行。今願報慈德，效我所能。曰：我觀身無物，觀法無常，塊然更有何欲？曰：師必命我爲世間事，展我小神功，使已發心初發心，未發心必信心，五等人目我神踪，知有佛有神，有能有不能，有自然有非自然。曰：無爲是。曰：佛亦使神護法師，願隨意垂誨。珪不得已而言曰：東巖寺之障，莽然無樹，北岫有之，而背非屏擁，汝能移北樹於東嶺乎？曰：已聞命矣。然晝夜必有喧動，願師無駭，即作禮而去。珪門送之，見儀衛逶迤如王者狀。其夕果有暴風吼，雷棟宇搖蕩，詰旦和霽，則北巖松栝盡移東嶺，森然行植。珪誠其徒曰：母令外人將妖我。○慧安自禁中辭歸嵩嶽，忽一日，誠門

人曰：吾死將尸向林中待野火焚之。至七月八日，合戶偃身而寂。壽一百二十八。門人昇尸林中，果野火自然闌維，得舍利八十粒，五粒最巨，而紫紅色，光燄奪目。○破竈墮者，不稱名氏，得法慧安隱居嵩嶽山塢，有廟甚靈。殿中惟安一竈，遠近祭祀，不輟烹宰。物命極多。墮一日領徒入廟，以杖敲竈三下，曰：咄此竈，只是泥瓦合成，聖從何來？靈從何起？恁麼烹宰物命，又打三下竈，乃傾破墮落。須臾有一人青衣義冠，設拜墮前，曰：我本此廟竈神，久受業報。今日蒙師說無生法，得脫此處，生在天中，特來致謝。墮曰：是汝本有之性，非吾強言。神再拜而沒。少選侍僧問曰：某等久侍和尚，不蒙示誨。竈神得何徑旨，便得生天？曰：我只向伊道是泥瓦合成，別無道理。爲伊侍僧無言。墮曰：會麼？曰：不會。曰：本有之性，爲甚麼不會？侍僧乃禮拜。墮曰：破也破也。墮也墮也。也有僧舉似安。安嘆曰：此子會盡物我，一如何謂如朗月處空，無不見者？只是雞搆伊語。脉曰：未審甚麼人搆得他。語脉曰：不知者僧問物物無形時如何？墮曰：禮即惟汝，非我不禮，即惟

我非汝其僧乃禮謝。墮曰：本有之物，物非物也。所以道心能轉物，即同如來。墮後莫知所終。○行思首衆曹溪，一日六祖謂曰：從上衣法，變行師資，通授衣以表信。法乃印心，吾今得人，何患不信。衣即留鎮山門。汝當分化一方，無令斷絕。思遂回青原山住。靜居寺神會不參，思問：甚處來？曰：曹溪。曰：曹溪意旨如何？會振身而立，思曰：猶帶瓦礫。在曰：和尚此間莫有真金？與人麼？曰：設有，汝向甚麼處著？○中宗詔迎泗州僧伽入宮，館於薦福寺，度慧嚴、慧岸、本叉三人，示寂，敕就薦福，漆身起塔。忽臭氣滿城，帝祝送歸臨淮，言訖，異香騰輿。○一行，鉅鹿人，張公瑾之孫，少聰敏，博觀子史，嘗借道士并崇太玄經讀之數日，而還曰：已究其義，因出所撰太衍玄圖并義決，崇覽之大驚。曰：此後生，顏子也。尋出至天台國清寺，見別院古松數十門，有流水行立門屏間，聞一僧於庭中布算，且曰：今日當有弟子自遠來求吾算法。即除一算，曰：門前水當西流。弟子亦至矣。行返顧溪，水果已西流，遂趨入，盡傳其術，回入嵩山，依普寂參決禪門宗旨。景龍年

間中宗詔迎赴闕，行辭疾，遁入當陽山。○萬回所至，顯化，賜號法雲，嘗有偈曰：明暗兩忘，開佛眼不繫一法，出蓮叢，真空不壞，靈知性妙，用皆存無作，功聖智本來成佛，道寂光非照，自圓通。

壬懷讓禪師開法南嶽

懷讓執侍六祖十五年，壬子往居衡嶽，開甘露門。

癸丑六祖惠能示寂

壬子七月，六祖命門人往新州國恩寺建塔，仍令促工。癸丑夏末，落成。七月一日，集衆曰：吾至八月欲離世間，汝等有疑，早須相問，爲汝破迷，法海等皆涕泣，惟有神會神色不動。祖曰：神會小師，却得善不善等，毀譽不動，哀樂不生，餘者不得，海乃再拜問曰：和尚入滅，衣法當付何人？曰：吾受忍大師衣法，今爲汝等說法，不付其衣。蓋汝等信根純熟，決定不疑，堪任大事。汝等諸人自心是佛，更莫狐疑。外無一物，而能建立，皆是本心生萬種法。如地有種，含藏長養，成就其實。我今說法，猶如時雨，普潤大地。汝等佛性，譬之種子，遇茲霑洽，悉得發生。承吾旨者，決護菩提，依吾行。

者定證妙果。聽吾偈曰：心地含諸種，普雨悉皆萌。頓悟花情已，菩提果自成。七月八日，謂門人曰：吾欲歸新州，汝等速理舟楫。大衆哀留，祖曰：諸佛出現，猶示涅槃，有來必去，理亦常然。吾此形骸，歸必有所。衆曰：師從此去，早晚可回。曰：葉落歸根，來時無口。問曰：正法眼藏，傳付何人？曰：有道者得，無心者通。又曰：吾去七十年，有二菩薩從東方一出家，一在家，同時興化，建立吾宗。又問佛祖傳授次第，曰：古佛應世，無量。今以七佛爲始，迦葉而下，展轉相授，以至惠能，是爲三十三祖。八月三日，齋罷，示衆曰：吾滅度後，莫作世情，悲泣雨淚，受人弔問，身著孝服，非吾弟子。亦非正法，但識自本心，見自本性，無動無靜，無生無滅，無去無來，無是無非，無住無往，恐汝等心迷，不會吾意。今再囑汝，令汝見性。若違吾教，縱吾在世，亦無有益。復說偈曰：兀兀不修善，騰騰不造惡，寂寂斷見聞，蕩蕩心無著。說偈已，端坐至三更，忽謂門人曰：吾行矣，奄然遷化。時異香滿室，白虹屬地，林木變白，鳥獸哀鳴。廣韶新三郡官僚縉素，爭迎眞身，莫決所之，乃焚香禱。

曰：香烟指處，師所歸焉。時香烟直貫曹溪，遂遷神龕，併衣鉢歸曹溪。次年七月，入塔塔內，忽起白光，亘天三日，始散。春秋七十有六。

甲 懷讓禪師傳法馬節道一

道一，漢州什邡人，姓馬氏，容貌奇異，牛行虎視，引舌過鼻，足下有二輪文。出家，受具，坐禪於衡嶽，懷讓知是法器，往問曰：大德坐禪，圖什麼？曰：圖作佛。讓乃取一甌於彼菴前石上磨，一日磨作甚麼？曰：磨作鏡。曰：磨磚豈得成鏡耶？曰：磨磚既不得成鏡，坐禪豈得作佛？曰：如何？即是曰：如牛駕車，車若不行，打車即是打牛。卽是一無對讓。曰：汝學坐禪，爲學坐佛？若學坐禪，禪非坐臥，若學坐佛，佛非定相，於無住法，不應取捨。汝若坐佛，卽是殺佛；若執坐相，非達其理。一聞示誨，如飲醍醐。禮拜問曰：如何用心？卽合無相三昧？曰：汝學心地法門，如下種子。我說法要，譬彼天澤，汝緣合故，當見其道。曰：道非色相，云何能見？曰：心地法眼，能見乎？道無相三昧，亦復然矣。曰：有成壞否？曰：若以成壞聚散而見道者，非見道也。聽吾偈曰：心地含諸種。



遇澤悉皆萌三昧華無相何復何成一蒙開示心意超然侍奉九秋日益玄奧○立覺住溫江學者福陵號真覺開元二年十月日辭衆端坐入滅覺嘗著證道歌感定中觀見字字皆成金色時有梵僧傳歸西竺翻成梵英稱爲東土大乘經歌曰君不見絕學無爲閒道人不除妄想不求眞無明實性卽佛性幻化空身卽法身法身覺了無一物本源自性天真佛五陰浮雲空去來三毒水泡虛出沒證實相無人法剎那滅却阿鼻業若將妄語誑衆生自招拔舌墮沙劫頓覺了如來禪六度萬行體中圓夢裏明明有六趣覺後空空無大千無罪福無損益寂滅性中莫問竟比來塵鏡未曾磨今日分明須剖析誰無念誰無生若實無生無不生喚取機關木人問求佛施功早晚成放四大莫把捉寂寞性中隨歌咏諸行無常一切空卽是如來大圓覺決定說表眞乘有人不肯任情徵直捷根源佛所印摘葉尋枝我不能摩尼珠人不識如來藏裏覩收得六般神用空不空一顆圓光色非色淨五眼得五力惟證乃知難可測鏡裏看形

見不難水中捉月爭拈得常獨行常獨步達者同遊涅槃路謂古神清風自高貌頓骨剛人不顧窮釋子口稱登實是身登道不登登則身常被縲褐道則心藏無價珍無價珍用無盡利物應機終不悞三身四智體中圓八解六通心地印上士一決一切了中下多聞多不信但自懷中解垢衣誰能向外誇精進從他謗任他非把火燒天徒自疲我聞恰似飲甘露融頓入不思議觀惡言是功德此則成吾善知識不因訕謗起冤親何表無生慈忍力宗亦通說亦通定慧圓明不滯空非但我今獨達了恒沙諸佛體皆同師子吼無畏說百獸聞之皆腦裂香象奔波失却威天龍寂聽生欣悅遊江海涉山川尋師訪道爲參禪自從認得曹溪路了知生死不相干行亦禪坐亦禪語默動靜體安然縱遇鋒刀常坦坦假饒毒藥也閒閒我師得見然燈佛多劫曾爲忍辱仙幾回生幾回死生死悠悠無定止自從頓悟了無生於諸榮辱何憂喜入深山住蘭若岑峯幽邃長松下優游靜坐野僧家閒寂安居實肅灑覺卽了不施功一切有爲法

不同住相布施。天福猶如仰箭射虛空。勢力盡箭還墜。招得來生不如意。爭似無爲實相門。一超直入如來地。但得本莫愁末。如淨琉璃含寶月。既能解此如意珠。自利利他終不竭。江月照松風吹。永夜清宵何所爲。佛性戒珠心地印。霧露雲霞體上衣。降龍鉢解虎錫。兩股金環鳴歷歷。不是標形虛事持。如來寶號親蹤跡。不求真不斷妄了。知二法空無相。無相無空無不空。卽是如來真實相。心鏡明鑒無礙。廓然瑩徹周沙界。萬象森羅影現中。一顆圓明非內外。豁達空機因果。莽莽蕩蕩招殃禍。棄有著空病亦然。還如避溺而投火。捨妄心取真理。取捨之心成巧僞。學人不了用修行。真成認賊將爲子。損法財滅功德。莫不繇斯心意識。是以禪門了却心。頓入無生知見力。大丈夫秉慧劍。般若鋒兮金剛燄。非但能摧外道心。早曾落却天魔膽。震法雷擊法鼓。布慈雲兮灑甘露。龍象蹴蹋潤無邊。三乘五性皆醒悟。雪山肥膩更無雜。純出醍醐我常納。一性圓通一切性。一法徧含一切法。一月普現一切水。一切水月一月攝。諸佛法身入

我性我性還共如來合一地。具足一切地。非色非心。非行業。彈指圓成八萬門。剎那超却三祇劫。一切數句非數句。與吾靈覺何交涉。不可毀不可讚。體若虛空沒涯岸。不離當處常湛然。覓卽知君不可見。取不得捨不得。不可得中祇麼得。默時說說時默。大施門開無壅塞。有人問我解何宗。報道摩訶般若力。或是或非人不識。逆行順行天莫測。吾早曾經多劫修。不是等閒相誑惑。建法幢立宗旨。明明佛敕曹溪是。第一迦葉首傳燈。二十八代西天記。法東流入此土。菩提達磨爲初祖。六代傳衣天下聞。後人得道何窮數。眞不立妄本空。有無俱遣不空空。二十空門元不著。一性如來體自同。心是根法是塵。兩種猶如鏡上痕。痕垢盡除光始現。心法雙忘性卽眞。嗟末法惡時世。衆生福薄難調治。去聖遠兮邪教深。魔強法弱多怨害。聞說如來頓教門。恨不滅除令瓦碎。作在心殃在身。不須怨訴更尤人。欲得不招無間業。莫謗如來正法輪。旃檀林無別樹。鬱密森沉師子住。境靜林閒獨自遊。走獸飛禽皆遠去。師子兒衆隨後。三歲卽能大

摩訶若是野干。逐法王百年。妖怪盡開口。圓頓教勿  
 人情有疑。不決直須爭。不是山僧逼人。我修行忍落  
 斯常坑。非不非。是不是。差之毫釐。失千里。是即龍女  
 頓悟。非即菩薩。生陷墜。吾早年來。積學問。亦曾討  
 疏尋經。論分別名相。不知休入海。算沙徒自困。却被  
 如來苦詞責。數他珍寶。有何益。從來踏踏覺。虛行多  
 年。枉作風塵客。種性邪錯。知解不達。如來圓頓。制二  
 乘。精進勿道心。外道聰明無智。慧亦愚。疑亦小。駭空  
 拳。指上生實解。執指爲月。枉施功。根境法中。虛捏怪  
 不見一法。卽如來方得名爲觀自在。了卽業障本來  
 空。求了先須償宿債。凱逢王膳。不能餐。病遇醫王爭  
 得癒。在欲行禪。知見力。火中生蓮。終不壞。勇施犯重  
 悟無生。早時成佛。於今在師子吼。無畏說。深陸懷懂  
 頭皮。祇知犯重障。菩提不見如來開秘訣。有二比  
 丘。犯姪殺波羅。螢光增罪。結維摩大士。頓除疑。猶如  
 赫日銷霜雪。不思議解脫力。妙用河沙也無極。四事  
 供養。敢辭勞。萬兩黃金亦銷得。粉骨碎身未足酬。一  
 句了然超百億。法中王最高勝。河沙如來同共證。我

今解此如意珠。信受之者。皆相應了。了見無一物。亦  
 無人。亦無佛。大千沙界海中。攝一切聖賢如電拂。假  
 使鐵輪頂上。旋定慧圓明。終不失日。可冷月可熱。衆  
 魔不能壞。眞說象。駕輝燦。漫進途。誰見蟾蜍能拒輟。  
 大象不遊於兔。徑大悟不拘於小。節莫將暫見。務蒼  
 蒼未了。吾今爲君決。○淨居寺尼玄機。嘗習定於平  
 陽。大日山石窟中。與兄玄覺同參六祖。因著圓明歌。  
 與證道歌相表裏。後倒立而化。法屬以顛倒呵之。應  
 聲而仆。將葬之夕。爲風雷所移。越二日。有自大日山  
 來者云。是夕空中有簫聲。聲機之柩已厝峯上。其徒  
 迎舍利。歸寺建塔。號圓明。○希遷端州陳氏子。生而  
 狗彘。既冠。然諾自許。後造曹溪。得度。問祖和尚百年  
 後。某當依附何人。曰。尋思去。祖又遷。每於靜處端坐。  
 思惟。首座曰。汝師已逝。空坐奚爲。曰。我稟遺誡。故尋  
 思耳。座曰。汝有師兄思和尚。今住吉州。汝因緣在彼。  
 師言甚直。汝自迷耳。遷聞語。便辭龕直往青原。參行  
 思。思曰。子何方來。曰。曹溪。曰。將得甚麼來。曰。未到曹  
 溪。亦不失。曰。若恁麼用去。曹溪作甚麼。曰。若不到曹

溪爭知不失。又曰。曹溪大師還識和尚否。曰。汝今識吾否。曰。識。又爭能識得。曰。衆角雖多。一麟足矣。還又問和尚。自離曹溪。甚麼時至此。問曰。我却知汝早晚離曹溪。曰。希遷不從曹溪來。曰。我亦知汝去處也。曰。和尚。幸是大人。莫造次。他日復問。遷汝甚麼處來。曰。曹溪。思乃舉拂子。曰。曹溪還有這箇麼。曰。非但曹溪。西天亦無。曰。子莫曾到西天否。曰。若到。即有也。曰。未。在更道。曰。和尚也須道取一半。莫全靠學人。曰。不辭向汝道。忍已後無人承當。

丙 嵩嶽元珪禪師入寂 慧安法師  
五祖旁出

元珪住嵩嶽。開元四年。禪門人曰。吾始居寺東嶺。吾滅汝必置吾骸於彼。言訖。若委蛇焉。

丁 慧忠禪師住南陽白崖山

慧忠諸暨冉氏子。得法六祖。住南陽白崖山。黨子谷示衆。禪宗學者。應遵佛語。一乘了義。契自心源。不了義者。互不相許。如獅子身蟲。夫爲人師。若涉名利。別開異端。則自他何益。如世大匠。斤斧不傷其手。香象所負。非驢所堪。忠一日喚侍者。侍者應諾。如是三喚。

侍者三應。忠曰。將謂我孤負汝。却是汝孤負我。

壬 法欽參立素禪師

法欽。崑山朱氏子。世服儒業。母孕時夢蓮生戶。驅取一花。繫於衣帶。寤乃惡。輩餌。旣誕。形貌奇偉。神色朗徹。好以佛事爲兒戲。年二十二。赴京。應選道錄。丹徒憩鶴林寺。立素見而異之。問曰。子何之。曰。將求仕於上京。曰。雖有五等之爵。不如三界之尊。曰。可學乎。曰。觀子神氣。幾於生知。若肯出家。必悟如來。知見。欽遂裂縫掖。刻苦親依。素深器之。謂門人法鏡曰。此子當大弘吾法。蔚爲人師。欽日夜奮勵。三學該鍊。一日請素示其法要。素曰。無人得我法。曰。以何傳。曰。我法實無可傳者。欽頓釋疑滯。久之辭去。曰。汝乘流而行。遇徑。卽止。遂南行。受具於餘杭龍泉寺。素延陵人名法照。牛頭智威。法嗣居京口鶴林寺。

○ 馬祖道一闡化江西 南嶽讓  
法師

開元十年。道一闡化於江西。懷讓問衆曰。道一爲衆說法否。曰。已爲衆說法。曰。總未見人持箇消息來。因遣一僧往。囑曰。待伊上堂時。汝但出問。作麼生待伊。

道法言語記將來僧去一如讓旨。題謂讓曰。馬師云。自從胡亂後三十年。不曾少靈替。讓深然之。

佛祖綱目卷第三十

佛祖綱目卷第三十一 綱目

甲子唐玄宗開元十二年壬午改天寶丙申肅宗至德元年戊戌改乾元

庚子改上元壬寅改寶應癸卯代宗廣德元年乙巳改永泰丙午改大曆

庚申德宗建中元年癸亥肅宗建中四年止

乙丑 普寂禪師住唐興寺

普寂受記於神秀。開元十三年。玄宗詔居都城唐興寺。王公士庶爭來禮謁。

己巳 牛頭山智威禪師入寂

開元己巳。牛頭山智威將入滅。謂門弟子曰。將屍林中。施諸鳥獸。○宣州安國寺玄奘。初參智威。侍立大。有講僧問。威曰。真性緣起。其義云何。威良久。挺蓮召。曰。大德正與一念問時。是真性中緣起。其僧言下大。

悟○玄素住鵝林。一日有屠者。禮謁願就所居辦供。

素欣然而往。衆皆訝之。素曰。佛性平等。賢愚一致。但。

可度者。吾即度之。復何差別之有。○李通立日食一。

栢葉棗十顆。因呼棗栢大士。開元七年。大原高仙奴。

館之齋中。造論逾三年。遷馬氏古佛堂。側閱十年。負。

經書而去。山行三十里。偶一虎當途。玄撫之曰。吾著。

華嚴論。汝能爲擇棲止處否。即以經囊負其背。隨至。

神福山。原下土龕前。踰駐。玄取囊置龕。虎搖尾而去。

龕廣六七肘。玄著論。每夕口出白光。以代燭。日有二。

女子布衣白巾。汲水炷香。食時。輒具饌。齊畢。撒器而。

去。如是五載。著論畢。遂滅跡不見。

庚辰 普寂禪師入寂北宗神秀法嗣

普寂住都城遠近參學者。輻輳。開元庚辰入滅。○道。

樹亦秀嗣。得法後。結茅壽州三峯山。嘗有野人服色。

素朴。言談詭異。時忽化作佛及菩薩。羅漢天仙等形。

或放神光。或呈聲響。學徒皆不能測。十數年後。寂無。

影響。樹告衆曰。野人作多色伎倆。眩惑於人。只消老。

僧不見不聞。彼之伎倆。有窮。吾之不見不聞。無盡。



○行思禪師傳法希遷

行思一日令希遷持書與懷讓曰汝達書了速回吾有箇錮斧子與汝住山遷至彼未呈書便問不慕諸聖不重已靈時如何日子問太高生何不向下問曰寧可承劫受沉淪不從諸聖求解脫讓便休遷回思問子返何速書信達否曰書亦不通信亦不達去日蒙和尚許箇錮斧子只今便請思垂一足遷便禮拜

○李通玄美髭髯眉目丹唇紫腮冠襟皮衣麻衣

長裙博袖散腰徒跣而行放曠人天靡所拘束開元庚辰三月間一日出山遇里人高會燕樂玄就語曰汝等好住吾將歸矣衆驚其去有送入山者至龕而謝遣之卽於是夕烟雲凝布巖谷震蕩有二白鶴翔空哀唳其餘飛走悲鳴滿山翼日里人爭往候之則已躡坐示寂於龕中矣奉九十五著華嚴論四十卷又著決疑論會釋十門玄義排科釋略及緣生解迷十明等論十玄六相百門義海等書並傳於世

○青原行思禪師入寂

六祖法嗣

行思住青原庚辰十二月日示衆畢踞趺而逝

壬午懷玉法師往生淨土

懷玉台州人布衣一食常坐不臥誦彌陀經三十萬遍日課佛號五萬聲天寶元年見佛菩薩滿虛空中一人持銀臺來迎玉曰吾一生念佛誓取金臺何爲不然聖衆遂隱玉彌加精進三七日後向筆臺者來云師以精進得升上品宜趺坐以俟三日後異光滿室謂弟子曰吾生淨土矣含笑而逝○自覺住真州常發願願因觀音得見阿彌陀佛於是鑄觀音像高四十九尺既成祝願夜三更忽有金光二道阿彌陀佛自光中而下二大士左右隨之佛垂手摩覺頂曰守願勿易利物爲先寶池生處孰不如願後十一年七月望夕見一人形似天王雲間現身謂覺曰安養之期至矣卽於觀音像前趺坐而化

○希遷禪師開法石頭

希遷得法後旋住南嶽鬼神多顯跡聽法天寶初至衡山結菴於石頭之上時號石頭和尚作草菴歌曰吾結草菴無寶貝晚來從容圖睡快成時初見茅草新破後遷將茅草蓋住菴人鎮常在不屬中間與內

外世人住處我不住。世人愛處我不愛。菴雖小。含法界。方丈老人相體解。上乘菩薩信無疑。中下聞之必生。在問此菴。屢不壞。屢與不壞。主元在不居南北。與東西。基址堅牢。以爲最。青林下。明窓內。玉殿瓊樓。未爲對。稍被蒙頭。萬事休。此時山僧都不會。住此菴。休作解。誰誇鋪席圖人買。回光返照便歸來。廓達靈根非向背。遇祖師親訓誨。結草爲菴。莫生退。百年拋却任縱橫。擺手便行。且無罪。千種言。萬般解。只要教君長不昧。欲識菴中不死人。豈離而今這皮袋。

癸未 楊庭光參本淨禪師

本淨。潯州張氏子。幼歲披緇。曹溪受記。住司空山。癸未。玄宗遣中使楊庭光入山。採常春藤。光因參淨。問曰。弟子慕道斯久。願和尚慈悲。略垂開示。淨曰。天下禪宗。碩學咸會京城。天使足可咨決。貧道猥山傍水。無所用心。光再拜。淨曰。天使休禮。貧道天使爲求佛耶。問道耶。曰。弟子昏昧。未審佛與道。其義云何。曰。若欲求佛。卽心是佛。若欲會道。無心是道。曰。云何。卽心是佛。曰。佛因心悟。心以佛彰。若悟無心。佛亦不有。曰。

云何無心。是道。曰。道本無心。無心名道。若了無心。無心卽道。光拜受。回闕具奏。敕詔起淨。是冬到京。

甲申 本淨禪師說法內道場

天寶三載正月。上元日。玄宗詔兩街名僧碩學。赴內道場。共本淨闡揚佛理。有遠禪師問曰。如禪師所見。以何爲道。曰。無心是道。曰。道因心。有何得言無心。是道。曰。道本無名。因心名道。心名若有。道不虛然。窮心既無。道憑何立。二俱虛妄。總是假名。曰。禪師見有身心。是道。曰。否。曰。山僧身心本來是道。曰。適言無心。是道。今又言身心本來是道。豈不相違。曰。無心是道。心泯。道無。心道一如。故言無心。是道。身心本來是道。道亦本是身心。身心本既是空。道亦窮源無有。曰。觀禪師形體甚小。却會此理。曰。大德只見山僧相。不見山僧。無相見相者。是大德所見。經云。凡所有相。皆是虛妄。若見諸相。非相。只見其道。若以相爲實。窮劫不能見。道曰。今請禪師於相上說。於無相。曰。淨名經云。四大無主。身亦無我。無我所見。與道相應。大德若以四大有主。是我。若有我。見窮劫不可會。道也。遠聞語失。

色淨示偈曰四大無主復如水遇曲逢直無彼此淨穢兩處不生心墜決何曾有二意觸境但似水無心在世縱橫有何事帝及四衆莫不稱善

○南嶽懷讓禪師示寂六祖能法嗣

懷讓入室弟子總有六人各印可曰汝等六人同證吾身各契一路一人得吾眉善威儀常一人得吾眼善願勝一人得吾耳善聽理坦一人得吾鼻善知氣神一人得吾舌善譚說然一人得吾心善古今道

又曰一切法皆從心生心無所生法無能住若達心地所作無礙非遇上根其慎辭哉天寶三載八月十一日入滅塔於衡嶽敕諡大慧最勝輪之塔

乙 神會禪師著顯宗記

六祖滅後二十年間曹溪頓宗沉廢荆吳嵩嶽漸門盛行秦洛神會乃著顯宗記以定兩宗南能頓宗北秀漸宗河南尹李常素仰祖風深得玄旨遇會問曰三祖大師葬在何處或聞入羅浮不回戒說終於山谷未知孰是曰璨大師自羅浮歸山谷得月餘方示滅今舒州見有三祖墓常未之信後謫舒州別駕果

得三祖墓遂與僚佐同往瞻禮又啓真儀閣維得五色舍利三百粒以百粒出已俸建塔百粒寄會百粒隨身後於洛中私第設齋慶之時有西域三藏健那等與會常問天竺禪門祖師多少曰自迦葉至般若多羅有二十七祖若叙師子尊者傍出達磨達四世三十二人總有四十九祖若從七佛至此璨大師不括橫枝凡三十七世常曰嘗見祖圖或引五十餘祖至於支派差殊宗族不定或但有空名者以何爲驗時有六祖門人智本答曰斯乃後魏初佛法淪替有沙門曇曜紛紜中以素絹單錄得諸祖名字或忘失次第藏衣領中隱於巖穴經三十五載至文成帝即位法門中興曜爲僧統乃集諸沙門重議結集目爲付法藏傳其間小有差互卽曜抄錄時怖懼所致○法欽自受玄素記後抵臨安行次東北山下問樵者曰此何山曰此徑山也乃駐錫焉有僧問如何是道欽曰山上有鯉魚水底有蓬塵馬祖令人送書到書中作一圓相欽開緘於圓相中作一畫却封回又令智藏來問十二時中以何爲境曰待汝回去時有信

曰如今便回曰傳語却須問取曹溪○澄觀山陰夏侯氏子字大休身長九尺四寸垂手過膝口四十齒目光夜發晝乃不眈十一歲出家十四歲得度嘗以十事自勵曰體不捐沙門之表心不違如來之制坐不肯法界之經性不染情礙之境足不履尼寺之塵脇不觸居士之榻目不視非儀之採舌不味過午之餅手不什圓明之珠宿不離衣鉢之側又嘗從牛頭忠徑山欽問西來宗旨皆默受印記

壬鶴林玄素禪師入寂智威法嗣天  
辰宗第六世

玄素住鶴林有僧問如何是西來意曰會即不會疑即不疑又曰不會不疑底不疑不會底有僧扣門素問什麼人曰是僧曰非但是僧佛來亦不著曰佛來爲什麼不著曰無汝棲泊處天寶壬辰十一月入寂壽八十五夏六十一

甲左溪玄朗法師入寂東歸威法嗣天  
午宗第七世

玄朗師事惠威盡傳其道獨處巖穴凡三十年宴坐左溪因以爲號建立精舍約而不陋跪儀其間心不離定口不嘗藥或衣弊食絕布紙而旋拋棄而齋或

問萬行俱空云何苦行曰本無苦樂妄習爲因衆生妄除我苦隨盡天寶甲午忽一日告門人曰吾五印道成萬行無得戒爲心本爾等師之言訖而逝○李泌字長源京兆人七歲知爲文玄宗召見呼爲奇童使與太子爲布衣交乾元中辭入衡嶽時明璣隱居上封人號懶殘泌往謁之聞其經聲先悲愴而後悅豫泌隱知音因謂曰將非避隱者有雲霄意乎璣睡之曰莫相賊莫相賊泌色不爲動候之良久匍匐問道璣曰碎却筆硯方可談此遂灑火出芋食之泌至中夜復請曰終無一言見教乎璣撫其背曰好做十年宰相後德宗朝進禮部尚書同平章事封鄭侯王維字摩詰官尚書右丞與弟縉者爲志奉佛不茹葷血不衣文綵得輞口藍田別墅彈琴嘯詠留連終日母喪上表於朝請以輞川地爲佛寺在京師日數十數名僧以玄譚爲樂齋中無所有惟茶鐺藥臼經案繩床而已退朝焚香獨坐一心禪誦妻亡不再娶三十年孤處一室屏絕塵累臨終索筆作別弟縉書又與親故數幅多勸勉奉佛修心之旨捨筆而絕嘗

作龍禪師碑云。無有可捨。是達有源。無空可住。是知空本舉足下。足常在道場。是心是情。同歸性海。

### ○崇慧住天柱山

崇慧彭州陳氏子。得法智威。乾元元年住舒州天柱山。僧問。達磨未來時。還有佛法也。無曰。未來且置。即今事作麼生。曰。某甲不會。乞師指示。曰。萬古長空。一朝風月。良久。曰。闍黎會麼。曰。不會。曰。自己分上。作麼生。于他達磨來與未來作麼。他家來大似賣卜。漢見汝不會。爲汝錐破卦文。纔生吉凶。盡在汝分上。一切自看。曰。如何是解卜底。人曰。汝纔出門時。便不中也。

庚子荷澤神會禪師入寂

六祖旁出法嗣

神會住荷澤。一日。鄉信至。報二親亡。會入堂白。謁曰。父母俱喪。請大衆念摩訶般若衆經。集會便打。謁曰。勢須大衆下座。弟子光寶問。眼耳緣聲色時。爲復抗行。爲有同互。互曰。抗互且置。汝指何法爲聲色。之體曰。如卿所說。即無有聲色。可得曰。汝若了聲色體空。亦信眼耳諸機。及與凡與聖平等。如幻抗行。同互其理。顯然寶頓。領悟上元元年五月日。中夜奄然而化。

辛丑 慧忠禪師說法千福寺

慧忠住南陽白崖山。黨子谷四十餘年。不下山上。元二年。肅宗以師禮迎。居千福寺。一日。帝問。如何是十身調御。忠曰。檀越踏毗盧頂上行。帝曰。寡人不會。忠曰。莫認自己。清淨法身。帝益不曉。

甲辰 希遷禪師著參同契

希遷因看肇論。至會萬物爲己者。其惟聖人乎。乃滑几曰。聖人無己。靡所不已。法身無象。誰云自他。圓鑑靈照。於其間萬象體立。而自現境智。非一執云去來。至哉斯語也。遂掩卷不覺寢。夢與六祖同乘一龜。游泳深池之內。覺而念曰。靈龜者。智也。深池者。性海也。吾與祖師同乘靈智。遊性海矣。遂著參同契。曰。竺土大仙心。東西密相付。人根有利鈍。道無南北祖。靈源明皎潔。枝派暗流注。執事原是迷。契理亦非悟。門門一切境。回互不同互。回互而更相涉。不爾依位住。色本殊質象。聲元異樂苦。暗合上中言。明明清濁句。四大性自復。如子得其母。火熱風動搖。水濕地堅固。眼色耳音聲。鼻香舌鹹醋。然依一一法。依根聚分布。本末



須歸宗專準用其語。當明中有暗。勿以暗相遇。當暗中有明。勿以明相親。明暗各相對。比如前後步。萬物各有功。當言及用處。事存函蓋合。理應箭鋒拄。承言須會宗。勿自立規矩。觸目不會道。運足焉知路。進步非遠近。迷隔山河。固謹白參玄人。光陰莫虛度。廣德二年。偶一日見負米登山者。遂問之。知為送供。因慰其勞苦。即移菴下梁端。

### ○慧忠國師為代宗說法

慧忠住京城。代宗嘗問師得何法。曰。陛下還見空中一片雲麼。曰。見。曰。釘釘著懸掛著。又每問忠。忠都不視。曰。朕是大唐天子。師何以殊不顧視。曰。還見虚空麼。曰。見。曰。他還眨眼視陛下否。帝益疑駭。於是齋沐別致十問。一見性已後。用布施作福否。曰。無相而施。合見性。二曰。夕作何行業。合得此道。曰。無功而修。合此道。三或有病難將何道理修行。抵擬曰。無功而修了業本。空得不動轉。四臨終時作麼生得清涼自在。無疑忠以努力自信道。為對五煩惱起時將何止息。忠對本心湛然煩惱回歸妙用。六見性後用持戒。

念佛求生淨土否。忠對性即是佛性。即是淨土。七捨此陰了當生何處。忠以無捨無生自在。生為對。八臨終時有花臺寶座來迎。可赴否。忠以不取相為對。九作麼生得神通似佛。忠以見性如寶得寶。如民得王對。十只依此本性修定得作佛否。忠對定得作佛。佛亦無相。無得乃為真得。

### 丙 無住禪師為杜鴻漸說法

無住法嗣無法。居白崖山。專務宴寂。經累歲。學者漸至。勤請不已。自此垂誨。宰相杜鴻漸出撫巴蜀。至益州。遣使延請。至問曰。弟子聞和尚說無憶無念。莫妄三句法門。未審此三句是一是二。曰。無憶名戒。無念名定。莫妄名慧。一心不生。具戒定慧。非一非三也。時庭樹鴉鳴。漸問師聞否。曰。聞。鴉去已。又問。師聞否。曰。聞。曰。鴉去無聲。云何言聞。曰。聞與不聞。非關聞性。有聲之時。聲塵自生。無聲之時。聲塵自滅。而此聞性不隨聲生。不隨聲滅。悟此聞性。則免聲塵流轉。當知聞無生滅。聞無去來。又問。弟子曾撰起信論疏。兩卷可稱佛法否。曰。夫造章疏。皆用識心思量。分別據論文。

云當知一切法從本以來雖言說相離名字相離心緣相畢竟平等無有變異。惟有一心故名真。如今相公既著種種相云何是佛法。漸起作禮曰。弟子嘗聞諸大德皆贊爲不可思議。當知彼等但徇人情。師獨從理解說是真。不可思議。然云何不生云何不滅云何得解脫。曰。見境心不起。名不生。不生即不滅。既無生滅。即不被前塵所縛。當處解脫。舉要而言。識心即離念。見性即解脫。離識心見性外更有法門。證無上菩提者。無有是處。何以故。真心者。念生亦不順。生念滅亦不依。寂不來不去。不定不亂。不取不捨。不沉不浮。無爲無相。活潑潑。平常自在。此心體畢竟不可得。觸目皆如。無非見性也。漸喜躍稱敬。自是棲心禪悅。臨終沐浴。儼朝服。加僧伽黎。剃鬚髮而逝。

○馬祖道一開法鍾陵

馬祖諱名鍾陵。開元寺連帥路嗣恭。聆風景慕親受宗旨。四方學者雲集座下。示衆汝等諸人。各信自心。是佛。此心即是佛。心達磨大師從南天竺國來。至中華傳上乘一心之法。令汝等開悟。又引楞伽經文以

印衆生心地。恐汝顛倒不自信。此心之法。各各有之。故楞伽經以佛語心爲宗。無門爲法門。夫求法者。應無所求。心外無別佛。佛外無別心。不取善不捨惡。淨穢兩邊俱不依怙。達罪性空。念念不可得。無自性。故三界惟心。森羅萬象一法之所印。凡所見色皆是見。心心不自心。因色故有汝。但隨時言說。即事即理。都無所礙。菩提道果亦復如是。於心所生。即名爲色。知色空。故生即不生。若了此心。乃可隨時著衣喫飯。長養聖胎。任運過時。更有何事。汝受吾教。聽吾偈曰。心地隨時說。菩提亦祇寧。事理俱無礙。當生即不生。僧問如何修道。曰。道不屬修。若言修得。修成還壞。即同聲聞。若言不修。即同凡夫。但盡三界心量。一念妄想。即是三界生死根本。但無一念。即除生死根本。即得法王無上珍寶。○鄧隱峰辭祖曰。甚處去。曰。石頭去。曰。石頭路滑。曰。竿木隨身。逢場作戲。便去。纔到石頭。即繞禪床一匝。振錫一聲。問是何宗旨。頭曰。蒼天蒼天。峯無語。同學似祖。祖曰。汝更去問待他。有答汝。便噓兩聲。峯又去。依前問頭。頭乃噓兩聲。峯又無語。回

舉似祖。祖曰：向汝道石頭路滑。峯屢參二大士法席。後於祖言下相契。一日峰推車次。祖展脚在路上坐。峰曰：請師收足。祖曰：已展不縮。峯曰：已進不退。乃推車碾損祖脚。祖歸法堂執斧子曰：適來碾損老僧脚底出來。峰便出於祖前引頸。祖乃置斧。○慧藏本以弋獵爲務。惡見沙門。因逐鹿從祖菴前過。祖迎之。藏遂問和尚還見鹿過否。曰：汝是何人。曰：獵者。曰：汝解射否。曰：解射。曰：汝一箭射幾箇。曰：一箭射一箇。曰：汝不解射。曰：和尚解射否。曰：解射。曰：和尚一箭射幾箇。曰：一箭射一群。曰：彼此是生命。何用射他。一群曰：汝既知如是。何不自射。曰：若教某甲自射。直是無下手處。曰：這漢曠劫無明煩惱。今日頓息。藏擲下弓箭投祖出家。一日在厨作務次。祖問汝作甚麼。曰：牧牛。曰：作麼生。牧曰：一迴入草去。驀鼻拽將回。曰：子真牧牛。藏嘗問智藏。汝還解捉得虛空否。智藏曰：捉得。曰：作麼生。捉智藏以手撮虛空。藏曰：汝不解捉。智藏却問師兄。作麼生。捉藏把智藏鼻孔拽。智藏作忍痛聲曰：太煞拽人鼻孔。直欲脫去。藏曰：直須怎麼捉。虛空始

得。後住撫州石鞏山。常以弓箭接機。○亮座主本蜀人。頗講經論。因參祖。祖問見說座主大講得經論是。否。曰：不敢。曰：將甚麼講。曰：將心講。曰：心如工伎兒。意如和伎者。爭解講得。亮抗聲曰：心既講不得。虛空莫講得。麼曰：却是虛空講得。亮不肯便出。將下堵。祖召曰：座主。亮回首。祖曰：是甚麼。亮豁然大悟。便禮拜。祖曰：這鈍根阿師。禮拜作麼。曰：某甲所講經論。將謂無人及得。今日被大師一問。平生功業一時水釋。禮謝而退。乃散徒衆。隱於西山。○石白初參祖。祖問甚處來。曰：烏白來。曰：烏白近日有何言。句曰：幾人於此茫然。曰：茫然且置。悄然一句作麼生。白乃近前三步。祖曰：我有七棒寄打烏白。你還甘否。曰：和尚先喫。某甲後甘。一日僧問白：如何是地藏手中珠。曰：你手中還有麼。曰：不會。曰：莫謾大衆。復頌曰：不識自家寶。隨他認外塵。日中逃影質。鏡裏失頭人。○水潦初參祖。問如何是西來的意。曰：禮拜著。潦纔禮拜。祖便與一蹋。蹋倒潦。大悟起來。搦掌呵呵大笑曰：也大奇也。大奇百千三昧。無量妙義。只向一毛頭上一時識得。根

源去乃作禮而退。後告衆曰：自從一喫馬師踏直至如今，笑不休。○自在吳興李氏子，參祖發明心地。祖令送書與慧忠，忠曰：馬大師以何法示徒？曰：卽心卽佛。忠曰：是甚麼語話？良久又問：此外更有甚麼言教？曰：非心非佛，或云不是心，不是佛，不是物。忠曰：猶較些子。曰：馬大師卽甚麼？未審和尚此間如何？忠曰：三點如流水，曲似刈禾鎌。在後隱伏牛山，示衆曰：卽心卽佛，是無病求藥，句非心非佛，是藥病對治。句僧問：如何是脫灑底句？在曰：伏牛山下，古今傳後。入滅壽八十一。○大珠建州朱氏子，名慧海，初至江西參祖。祖問：從何處來？曰：越州大雲寺。來曰：來此擬須何事？曰：來求佛法。曰：我這裏一物也無，求什麼？佛法自家寶藏，不顧拋家散走。作麼？曰：那箇是慧海寶藏？曰：卽今問我者，是汝寶藏。一切具足，更無欠少。使用自在，何假外求？海於言下，自識本心，不緣知覺，踊躍禮謝。師事六載，後以受業師老，遂歸奉養。晦迹藏用，人莫能識。潛著頓悟入道要門論一卷，法侄玄晏竊呈祖。祖覽訖，示衆曰：越州有大珠圓明光透，自在無遮障。

處也。衆知海姓朱，迭相尋訪。時號大珠和尚。○普願鄭州王氏子，幼慕空宗，出家受具，初習相部及咒毗尼。次游講肆，歷聽楞伽華嚴，入中百門，觀精練玄義。後參祖，頓然忘筌，得游戲三昧。一日爲衆，偈行粥次，祖問：桶裏是什麼？曰：這老漢合取口，作怎麼語話？祖便休。自是同參，無敢詰問。

己徑山法欽禪師至京

代宗留神空門，道衆憤嫉。大曆三年九月，道士史華奏與釋氏，擯法遂於東明觀架刀爲梯，華登蹕而上，如履磴道。緇侶相顧無敢躡者。時章敬寺沙門崇慧奉敕於本寺庭樹間，梯架鋒刃，銛白如霜，增東明觀之梯百尺。慧跳足而登，至絕梯而止，復蹕而下，如行平地。以至蹈烈火，探沸油，餐鐵葉，嚼釘線，道衆見之，駭汗掩袂而走。四衆讚仰，聲若雷。帝遣中貴傳宣慰勞，嘉嘆再三。賜紫衣號曰護國三藏，尋被召對。問師承何人？曰：徑山高道僧法欽。臣之師也。臣未具戒，不敢受紫衣之賜。帝特命開壇，方羯磨慧隱身壇上，莫知所往。帝益駭異，遂禮欽爲師。遣內侍特詔敦請。

既至帝躬迎問法同弟子之禮欽一日在內庭見帝起立帝曰師何以起欽曰檀越何得向四威儀中見貧道帝悅賜號國一頃之欲辭歸帝曰此衆生有當度者彼衆生豈有殊乎欽曰實無有法以度衆生○初法照止衡州雲峯寺嘗於僧堂食鉢內觀五色雲中一梵剎當東北有山澗石門復見一寺金書其額曰大聖竹林寺他日復見雲中數寺池臺樓觀萬菩薩衆雜處其中大曆三年起五會念佛道場感祥雲彌覆雲中復現樓閣觀阿彌陀佛及二菩薩身滿虛空復見老人謂曰汝先發願於金色界禮觀大僧今何輒止遂與同志啓行四年四月到五臺佛光寺一如鉢中所見夜四更見一道光從北山下來射照照急入堂內問衆曰此何祥光有僧曰此大聖不思議光照即尋光至寺東北五里果有大山山有澗澗北有石門二青衣立於門首一稱善財一稱難陀引照入門北行見金門樓觀金榜題曰大聖竹林寺寺方二十里一百院皆有金地寶塔華臺玉樹入講堂見文殊在西普賢在東踞師子座爲衆說法照前作禮

問曰末代凡夫未審修何法門文殊告曰諸修行門無如念佛阿彌陀佛願力難思汝當發念決取往生時二大士同舒金臂摩照頂授記曰汝今以念佛力故畢竟證無上覺復命往詣諸菩薩院巡禮竟乃回作禮辭退向二青衣送至門外照復作禮舉頭俱失○慧忠住牛頭平生一衲不易器用惟一鐺縣令張遜謁忠問弟子幾人曰有三五人曰可得見乎忠敲禪床三下有虎哮吼而出遜驚怖而退後衆請入城居莊嚴寺於殿東別創法堂先有古木群鵲巢其上工人將伐之忠曰此地建堂汝等何不速去言訖群鵲遷巢他樹自是學徒雲集得法者三十四人有安心偈曰人法雙淨善惡兩忘直心真實菩提道場大曆三年石室前掛鐘樹掛衣藤方盛夏忽枯死四年六月日集僧布薩訖命侍者淨髮浴身至夜有瑞雲覆其精舍空中復聞天樂聲詰旦怡然坐化俄風雨暴作震折林木復有白虹貫殿壑茶毗舍利不可勝計壽八十七○道林富陽潘氏子母夢吞日光而有娠及誕異香滿室遂名香光九歲出家二十一受戒



後詣長安復禮法師學華嚴經起信論禮示以真妄  
頌俾修禪那林問曰初云何觀云何用心禮久而無  
言林乃三禮而退屬法欽至闕林造謁遂得正法

庚戌法欽禪師還徑山

法欽在京居內僅一年代宗每賜綰綵設御饌皆不  
受惟布衣蔬食器用陶匏如平時相國楊綰見而嘆  
曰此方外之高士也難得而名焉崔趙公群嘗問欽  
弟子出家得否欽曰出家是大丈夫事豈將相之所  
能爲群嘆賞其言已而力辭南還舊山○西域大耳三  
藏到京云得他心通代宗令與慧忠試驗藏纔見忠  
便禮拜立於右邊忠問汝得他心通耶曰不敢曰汝  
道老僧卽今在甚處曰和尚是一國之師何得却去  
西川看競渡良久再問汝道老僧卽今在甚處曰和  
尚是一國之師何得却在天津橋上看弄胡猱良久  
復問汝道老僧只今在甚處藏罔測忠叱曰這野狐  
精他心通在甚麼處一日紫璘供奉來參忠問甚處  
來曰城南來曰城南草作何色曰作黃色忠乃問童  
子城南草作何色曰作黃色曰只這童子亦可簾前

賜紫對御談玄又供奉註思益經忠曰凡註經須會  
佛意始得曰不會佛意爭解註經忠令侍者盛一碗  
水中著七粒米碗面安一隻箸問供奉是甚麼義供  
奉無語忠曰老僧意尙不會何況佛意

○馬祖道一傳法道悟

道悟渚宮崔氏子年十五出家二十三受戒三十三  
參希遷頻沐指示曾未投機次謁慧忠年三十四與  
忠侍者應真南還謁道一一曰識取自心本來是佛  
不屬漸次不假修持體自如如萬德圓滿悟於言下  
大徹一羈曰汝若住持莫離舊處悟蒙授記便返荆  
州去郭不遠結草爲廬

辛亥天然參馬祖道一

天然本習儒業將入長安應舉宿於逆旅忽夢白光  
滿室占者曰解空之祥偶禪者曰仁者何往曰選官  
去禪者曰選官何如選佛曰選佛當往何所禪者曰  
今江西馬大師出世是選佛之場仁者可往遂抵江  
西纔見馬祖便以手托幞頭額祖顧視良久曰南嶽  
石頭是汝師也復抵石頭仍以手托額頭曰著槽廠

去然禮謝入行者房。隨次執爨役。凡三年。忽一日。頭告衆曰。來日割佛殿前草。至來日。大衆各備鐵鐮。割草。獨然以盆盛水。胡跪頭前。頭笑之。便與剃髮。又爲說戒。然掩耳而出。再往江西。路逢一老人與一童子。然問公住何處。曰。上是天下。是地。曰。忽遇天崩地陷。又作麼生。曰。蒼天童子。噓一聲。然曰。非父不生。其子老人。便與童子入山。去。然到祖處。未參禮。便入僧堂。內騎聖僧頸而坐。時大衆驚愕。遽報祖。祖躬入堂視之。曰。我子天然。然卽下地禮拜。曰。謝師賜法號。因名天然。祖問甚處來。曰。石頭曰。石頭路滑。還躓倒。汝麼。曰。若躓倒。卽不來也。乃杖錫覲方。後居丹霞山。○智藏虔化。廖氏子。出家受具。戒有相者。觀其殊表。謂之曰。師骨氣非凡。當爲法王輔佐。遂往佛迹嚴參禮焉。祖爲入室弟子。一日。祖謂藏曰。子何不看經。曰。經豈異耶。曰。然雖如此。汝向後爲人也。須得曰。智藏病思自養。敢言爲人。曰。子末年必與於世。藏便禮拜。屬路嗣恭。延祖開法。時藏請回。郡祖付以袈裟。後住虔州西堂。○智堅初與普願。智常行脚。時路逢一虎。

各從虎邊過了。願問常適來見虎。似箇甚麼。常曰。似箇猫兒。常却問堅。堅曰。似箇狗子。又問願。願曰。我見是箇大蟲。一日。堅喫飯。次願收生飯。乃曰。生。堅曰。無生。願曰。無生。猶是末。願行數步。堅召曰。長老。願回頭曰。作麼。堅曰。莫道是末。堅後住杉山。

壬子法照大師往生淨土

大曆五年。法照復與五十僧往詣金剛窟。忽觀衆寶宮殿。文殊普賢及萬菩薩。照方作禮。舉頭皆失。後復於華嚴院念二大士。記我往生。乃一心念佛。忽見佛陀波利。謂曰。汝華臺已生。後三年華開矣。汝見竹林諸寺。何不使群生共知之。照因命匠刻石爲圖。於見處建竹林寺。旣畢。謂衆曰。吾事畢矣。數日別衆坐逝。○寶通潮州楊氏子。號大顛。初參希遷。遷問那箇是汝心。曰。見言語者是。遷便喝。出經旬。曰。通却問前者。旣不是。除此外何者是。心曰。除却揚眉。瞬目。將心來。曰。無心。可將來。曰。元來有心。何言無心。無心盡同。誘通於言下。大悟。異日侍立。次遷問。汝是參禪僧。是州縣白羯僧。曰。是參禪僧。曰。何者是禪。曰。揚眉瞬目。曰。

除却揚眉瞬目外。將你本來面目呈看。曰。請和尚除揚眉瞬目外。鑒某甲曰。我除竟曰。將呈和尚了也。曰。汝既將呈我心。如何。曰。不異和尚。曰。不關汝事。曰。本無物。曰。汝亦無物。曰。既無物。即真物。曰。真物不可得。汝心見量如此。大須護持。一日通問道。有道無俱是。謗請師除。曰。一物亦無。除箇甚麼。還却問。併却咽喉唇吻道。將來曰。無這箇。曰。若恁麼。汝只得入門。

癸惟嚴參希遷禪師

惟嚴。潯州韓氏子。自幼不與群兒伍。往往獨坐。如念如思。出家受具。博通經論。嚴持戒律。一日嘆曰。大丈夫當離法自淨。誰能屑屑事細行。於巾布耶。首參石頭。問三乘十二分教。某甲轟知。管聞南方直指人心。見性成佛。實未明了。伏望和尚慈悲指示。頭曰。恁麼也不得。不恁麼也不得。恁麼總不得。子作麼生。嚴罔措。頭曰。子因緣不在此。且往馬大師處去。嚴便往參祖。仍伸前問。祖曰。我有時教伊揚眉瞬目。有時不教伊揚眉瞬目。有時揚眉瞬目者。是有時揚眉瞬目者。不是子作麼生。嚴於言下契悟。便禮拜。祖曰。

你見甚道理。便禮拜。曰。某甲在石頭處。如蚊子上鐵牛。祖曰。汝既如是。善自護持。○天然辭馬祖。遊方居天台華頂峯三年。往徑山禮法欽。又至京謁慧忠。一見便展坐具。忠曰。不用不用。然退後。忠曰。如是如是。然却進前。忠曰。不是不是。然乃還忠一匝。便出。忠曰。去聖時遙。人多懈怠。三十年後。覓此漢也。難得。○普願寶雲。智常。智堅。四人。離馬祖處。各謀住菴。於中路相別。次願。插下拄杖。曰。道得也。被這箇礙道。不得也。被這箇礙。常拽拄杖打願一下。曰。也只是這箇王老師說。甚礙不礙。雲曰。只此一句語。大播天下。常曰。還有不播者麼。雲曰。有。常曰。作麼生。是不播者。雲作掌勢。又四人同契。茶雲提起茶盞。曰。世界未成時。便有這箇願。曰。今人祇識這箇。未識世界。常曰。是願曰。師兄莫同此見麼。常却拈起盞。曰。向世界未成時。道得麼。願作掌勢。常以面作承掌勢。雲後住魯祖山。

乙惟嚴還石頭

惟嚴侍奉馬祖。凡三年。一日祖問曰。子近日見處。作麼生。曰。皮膚脫略盡。惟有一真實。曰。子之所得。可謂

協於心。體布於四肢。既然如是。將三條篾束取肚皮。隨處住山。去曰。惟儼。又是何人。敢言住山。曰。不然。未有常行而不住。未有常住而不行。欲益無所益。欲爲無所爲。宜作舟航。無久住。此儼乃辭返石頭。一日在石上座。頭問汝在這裏作麼。曰。一物不爲。曰。恁麼卽閑坐也。曰。若閑坐卽爲也。曰。汝道不爲不爲箇甚麼。曰。千聖亦不識。頭以偈讚曰。從來共住不知名。任運相將祇麼行。自古上賢猶不識。造次凡流豈可明。他日頭謂曰。言語動用沒交涉。曰。非言語動用亦沒交涉。曰。我這裏鍼劑不入。曰。我這裏如石上栽花。○慧忠將入滅。弟子應真問百年後有人問。應則事作麼。生曰。幸自可憐生。須要箇護身符子作麼。乃入辭代。宗帝曰。師滅度後。弟子將何所記。曰。告檀越。造取一所無縫塔。曰。就師請取塔樣。忠良久曰。會麼。曰。不會。曰。貧道去後。弟子應真却知此事。乞詔問之。遂右脇而寂。忠既歿。帝召應真入內。問無縫塔話。真良久曰。聖上會麼。曰。不會。真述偈曰。湘之南潭之北。中有黃金充一國。無影樹下合同船。瑠璃殿上無知識。

戊午馬祖道一傳法懷海

懷海長樂王氏子。童稚隨母入寺。拜佛指佛像問母曰。此爲誰。曰。佛也。曰。形容與人無異。我後亦當作佛。卽歲離塵三學。該鍊值馬祖闡化江西。乃往參叩。祖命爲侍者。檀越每送齋飯來。海纔揭開盤盞。祖便拈起一片胡餅示衆云。是甚麼。經三年一日侍祖行次。見一群野鴨飛過。祖曰。是甚麼。曰。野鴨子。曰。甚麼去也。曰。飛過去也。祖遂把海鼻扭一扭。海不覺負痛失聲。祖曰。又道飛過去也。海於言下大悟。却歸侍者寮。哀哀大哭。同事問曰。汝憶父母耶。曰。無。曰。被人罵耶。曰。無。曰。哭作甚麼。曰。我鼻孔被大師扭得痛不徹。曰。有甚因緣不契。曰。汝問取和尚去。同事問祖曰。海侍者有何因緣不契在寮中。哭告和尚爲某甲說。曰。是伊會也。汝自問取他同事歸寮。曰。和尚道汝會也。教我自問汝海。乃呵呵大笑。同事曰。適來哭如今爲甚。却笑。曰。適來哭如今笑。同事惘然。次日祖陞座。衆纔集。海出捲却席。祖便下座。海隨至方丈。祖曰。我適來未曾說話。汝爲甚便捲却席。曰。昨日被和尚扭得鼻

頭痛曰汝昨日向甚處留心曰鼻頭今日又不痛也。曰汝深明昨日事海作禮而退他日再參侍立次祖取繩床角拂子豎起海曰卽此用雖此用祖掛拂子於舊處海良久祖曰你已後開兩片皮將何爲人海遂取拂子豎起祖曰卽此用雖此用海掛拂子於舊處祖振戒一喝海直得三日耳聾○齊安海門李氏子唐皇宗校生時異光照室後有異僧謂曰建無勝幢使佛曰同照者豈非汝乎落髮受具後聞馬祖道化乃振錫而造祖一見深器之乃命入室密示正法後住鹽官○寶積初參祖作街坊一日於市肆行見一客人買猪肉語屠家曰精底割一斤來屠家放下刀叉手曰長史那箇不是精底積於此有省又一日出門見人昇喪歌郎振鈴云紅輪決定沉西去未審魂靈往那方幕下孝子哭曰哀哀積身心踊躍歸舉似祖祖印可之後住盤山○崇慧居天柱演法凡二十載大曆十四年入滅塔於本寺肉身不壞○道悟東陽張氏子幼而生知年十四懇父母出家不許遂減飲食父母不得已許之二十五受戒精修梵

行風雨香夜宴坐丘塚雖諸怖畏初參法欽服勤五載隱於大梅山建中元年謁馬祖二年謁石頭問曰離却定慧以何法示人曰我這裏無奴婢雖箇甚麼曰如何明得曰汝還最得虛空麼曰恁麼則不從今日去也曰未審汝早晚從那邊來曰道悟不是那邊人曰我早知汝來處也曰師何以臧誣於人曰汝身現在曰雖然如是畢竟如何示於後人曰汝道誰是後人一日悟問曹溪意旨誰人得曰會佛法人得曰師還得否曰不得曰爲甚麼不得曰我不會佛法又一日問如何是佛法大意曰不得不知曰向上更有轉處也無曰長空不礙白雲飛悟從此頓徹聲禪前二哲匠言下有所得心遂隱當陽

壬馬祖道一傳法無業

無業上洛杜氏子初母聞空中言願寄居便覺有娠誕生之夕神光滿室卽歲行必直視坐卽踟躕九歲出家受大乘經五行俱下一覽無遺落髮受具每爲衆僧講經冬夏無廢後聞馬祖禪門鼎盛特往參叩祖觀其狀貌奇偉語音如鐘乃曰巍巍堂堂其中無



佛業禮跪問曰三乘文學。窮其言。常聞禪門。即心

是佛。實未能了。曰。祇未了底心。即是。更無別物。不了

時。即是迷。若了。即是悟。迷即衆生。悟即是佛。道不離

衆生。豈更有別佛。亦猶手作拳。拳全手也。又問。如何

是祖師。西來密傳心印。曰。大德正開在。且去。別時來

業。纔出。祖召曰。大德。業回。首。祖曰。是甚麼。業豁然領

悟。涕淚悲泣。曰。本謂佛道長。遠。勤苦曠劫。方始得成。

今日始知。法身實相。本自具足。一切萬法。從心所生。

但有名字。無有實者。祖曰。如是如是。一切法性。不生

不滅。一切諸法。本自空寂。若如是知。舉足下足。不離

道場。言下便了。更無漸次。所謂不動足而登涅槃山

者也。業乃禮拜。祖曰。這鈍漢。禮拜作麼。○澄觀入內

譯經。既而辭入五臺。大華嚴寺。聖思華嚴。以五地聖

人。棲身佛境。心體真如。猶於後得。智起世。俗心學世

間解。繇是博覽六藝圖史。九流異學。華夏訓詁。竺經

梵字。及四圍五明。聖教世典等書。靡不該洽。至是下

筆著疏。先求端應。屢徵異夢。乃以信解行證。分華嚴

爲四科。觀每慨舊疏未盡經旨。惟賢首頗涉淵源。遂

宗承之。歷四年而文成

佛祖綱目卷第三十一

佛祖綱目卷第三十一 易字號

甲子唐德宗興元元年乙丑貞元元年乙酉貞元元年丙戌憲宗元和元年

元辛丑穆宗長慶元年乙巳敬宗寶曆元年丁未文宗太和元年丙辰武宗會昌元年

開辛酉武宗會昌三年癸亥唐武宗會昌三年

甲子 懷海禪師開法百丈

懷海既傳心印。無何住洪州大雄山。山號百丈道一

令人持書并誓三瓿至海集衆上堂。開書了拈拄杖

指瓿曰。道得即不打。破道不得即打破。衆無語。海便

打破上堂。靈光獨耀。迥脫根塵。體露真常。不拘文字

心性。無染本自圓成。但離妄緣。即如如佛。又曰。汝等

先歇諸緣。休息萬事。善與不善。世出世間。一切諸法

莫記憶。莫緣念。放捨身心。令其自在。心如木石。無所

辨別心。無所行心。地若空慧。日自現。如雲開日出。相

以但歌一切攀緣貪嗔受取垢淨情盡對五欲八風不動不被見聞覺知所縛不被諸境所惑自然具足神通妙用又曰聖地習凡因佛入衆生中同類誘引化導同渠。餓鬼肢節火然與渠說般若波羅蜜令渠發心若一向住在聖地。憑何得至彼共渠語佛入苦處亦同衆生受苦只是去住自繇不同衆生。

○明瓚禪師說法衡嶽

明瓚卽懶殘執役衡嶽收所餘而食性懶而食殘故號懶殘宰相李泌爲德宗言其高行有詔徵之使者至石窟宣麻命曰尊者起謝恩瓚寒涕垂膺使者見而笑令拭涕瓚曰我豈有工夫爲俗人拭涕耶竟不能致刺史將祭岳祠方修磴道中夜風雷一峰隕巨石當道橫臥修磴者以十牛輓之而又以數百人助輓屹不動瓚笑曰無煩多力遂履石石盤旋而動聲若震雷疾下路遂開人始神之寺門外虎豹忽成群瓚語衆僧曰爲爾盡驅彼授我筆衆以筆授瓚纔出寺一虎遽銜瓚去而虎豹亦隨絕踪瓚嘗有歌曰兀然無事無改換無事何須論一段直心無散亂他事

不須斷過去已過去未來猶莫算兀然無事坐何曾有人喚向外覓工夫總是癡頑漢。糧不畜一粒逢飢但知鳴世間多事人相趁。渾不及我不樂生天亦不愛福田饑來喫針困來卽眠。愚人笑我智乃知焉不是癡鈍本體如然要去卽去要住卽住身披一破裙脚著娘生袴多言復多語繇來反相誤若欲度衆生無過且自度莫謗天真佛眞佛不可見妙性及靈臺何須受熏煉心是無事心面是娘生面劫石可移動箇中無改變無事本無事何須讀文字削除人我本冥合箇中意種種勞筋骨不如林下睡兀兀舉頭見日高喫飯從頭捋將功用功展轉冥蒙取卽不得不自通吾有一言絕慮忘緣巧說不得只用心傳更有一語無過直與細如毫末大無方所本自圓成不勞機杼世事悠悠不如山丘青松蔽日碧澗長流山雲當幕夜月爲鉤臥藤蘿下塊石枕頭不朝天子豈羨王侯生死無慮更復何憂水月無形我常只寧萬法皆爾本自無生兀然無事坐春來草自青

○湛然法師入寂天台宗

興元元年湛然將入滅告其徒曰大道無方無體生歟死歟其旨一貫吾歸骨此山報盡今夕聊與汝等談道而訣夫一念無相謂之空無法不備謂之假不一不異謂之中在凡爲三因在聖爲三德慈炷則初後同相涉海則淺深異流自利利人在斯而已言訖而化翰林梁肅題其碑陰稱爲命世亞聖云

乙居士龍龜參希遷禪師

龍龜字道玄襄陽人父任衡陽太守寓居城南蘊少悟聖勞志求真諦建菴修行於宅西貞元初首謁希遷問不與萬法爲侶者是甚麼人遷以手掩其口豁然有省一日遷問曰子見老僧以來日用事作麼生對曰若問蘊日用事直下無開口處遷曰知子怎麼方始問子蘊遂呈偈曰日用事無別惟吾自偶諸頭顱非取捨處處沒張乖朱紫誰爲號丘山絕點埃神通并妙用運水及搬柴遷然之曰子以繼耶素耶曰願從所慕遂不剃染

○法常禪師住大梅

法常襄陽鄭氏子幼歲出家初參道一問如何是佛

○法常禪師

一曰即心是佛常即大悟貞元初遂往鄆縣南七十里梅子真舊隱縛茅燕處示衆汝等諸人各自迴心達本莫逐其末但得其本其末自至若欲識本惟了自心此心元是一切世間出世間法根本故心生種種法生心滅種種法滅心但不附一切善惡而生萬法本自如如一常令僧問和尚見馬大師得箇甚麼便住此山曰大師向我道即心是佛我便向這裏住僧曰大師近日佛法又別曰作麼生僧曰又道非心非佛曰這老漢惑亂人未有了日任他非心非佛我只管即心即佛僧回舉似一一曰梅子熟也

○惟儼禪師住藥山

惟儼自傳心印貞元初因憩藥山喟然嘆曰吾生寄世若萍蓬耳又何效其飄轉耶遂披素結菴纒跣跡坐鄉人賣携飲食奔走而往儼曰吾無德於人何以勞人乎哉竝謝不受鄉人跪曰願聞日費之具曰米一升足矣自是嘗以山蔬佐食一食訖就座轉法華華嚴涅槃晝夜若一後數歲而僧徒葺居僧室梁棟鱗差參學之衆不可勝數示衆曰祖師只教保護若

貪嗔起來。切須防禦。莫教振觸。是你欲知枯木石頭。却須擔荷。實無枝葉。可得雖然如此。更宜自看。不得却言語。我今爲你說這箇語。顯無語底。他那箇本來無耳目等貌。又曰。如今出頭來。盡是多事人。覓箇凝鈍人。不可得。莫只記策子中言語。以爲自己見知。見他不解者。便生輕慢。此輩盡是闡提外道。

○靈默禪師住五洩馬祖一法嗣

靈默初謁道一一接之。因披荆受具。次謁希遷。便問一言相契。卽住不契。即去。遷據坐默。便行。遷隨後召曰。闍黎默回首。遷曰。從生至死。只是這箇。回頭轉腦作什麼。默於言下大悟。遂幻折拄杖而棲止焉。貞元初入天台。住白沙復居五洩。僧問何物大於天地。曰。無人識得。伊曰。還可彫琢也。無曰。汝試下手看。

丙馬祖道一傳法龍蘊

龍蘊至江西參道一。問不與萬法爲侶者。是甚麼人。一曰。待汝一口吸盡西江水。卽向汝道。又問。如水無筋骨。能勝萬斛舟時如何。一曰。我這裏無水。亦無舟。說甚麼筋骨。蘊於言下大悟。作偈曰。十方同聚會。箇

箇學無爲。此是選佛場。心空及第歸。悟後以舟盡載珍彙。數萬沉之洞庭湘。右捨宅爲寺。自是生涯惟一業。蘊妻龐婆及一男一女。女名靈照。鸞竹器以供朝夕。偈曰。有男不婚。有女不嫁。大家團圓。頭共說無生話。一日蘊坐次。問照曰。古人道。明明百草頭。明明祖師意。作麼生。照曰。老老大大作這箇語話。曰。你作麼生。照曰。明明百草頭。明明祖師意。蘊乃笑。又一日蘊宴坐。薰地曰。難難。十石油麻樹上。攤龐婆接聲曰。易易。飢來喫飯。困來睡。照曰。也不難。也不易。百草頭上。祖師意。又一日賣策。簷下橋乞。撲照見。亦去身邊臥。蘊曰。你作甚麼。照曰。見爹倒地。特來扶起。蘊曰。賴是無人見。一日龐婆入鹿門寺作齋。維那請疏意。回向婆拈梳子。插向髻後。曰。回向了也。便出去。

○曇藏禪師隱居衡嶽

曇藏受心印於馬祖。後謁石頭。瑩然明徹。貞元二年。遁衡嶽。絕嶺人罕參訪。尋以脚疾移止西園禪侶。日盛。一日自燒浴次。僧問。何不使沙彌藏。乃撫掌三下。管養一靈犬。夜經行次。其犬銜藏衣。藏卽歸於丈又

於門側伏守。忽一夜頻吠。奮身作猛噬勢。詰旦東厨有一大蟻。長數丈。張口呀氣。毒燄熾然。侍者請避之。藏曰。死可逃乎。彼以毒來我。以慈受毒。無實性。激發則強。慈苟無緣。冤親一揆。言訖。其蟻按首徐行。倏然不見。一夕有群盜至。犬亦銜藏衣。藏語盜曰。茅舍有可意物。一任取去。終無所吝。盜感其言。稽首而散。

### ○隱士李源訪比丘圓澤

初安祿山陷東都。李愷爲留守。死之。愷子源悲憤自誓。不仕不娶。不食肉。捨第爲慧林寺。寺僧圓澤與源厚善。相率游錢。眉源欲自荊州泝峽。澤欲取長安斜谷路。源曰。吾已絕世事。豈可復道京師哉。澤默然久之。曰。行止固不繇人。遂自荊州路舟次南浦。見婦人錦襪汲水。澤指而泣曰。所不欲繇此者。爲是也。源驚問之。澤曰。婦人姓王氏。吾當爲之子。孕三歲矣。吾不來故不得乳。今既見。無可逃者。公當以符呪助我速生。三日浴兒時。願公臨我。以笑爲信。後十三年中秋月下。杭州天竺寺外。當與公相見。吾以三生爲比丘。習禪於湘西獻麓寺。有巨石。源聞悲悔。至暮澤亡。婦

乳三日。源往視之。兒果笑。後如期至吳。赴其約。聞葛洪川畔有牧童扣牛角而歌曰。三生石上舊精魂。賞月吟風不要論。慚愧情人遠相訪。此身雖異性長存。源乃呼澤公健。否。答曰。李公眞信士。然俗緣未盡。慎勿相近。惟勤修不墮。乃復相見。又歌曰。身前身後事茫茫。欲話因緣恐斷腸。吳越山川尋已遍。却回烟棹上瞿塘。遂隱不見。源居寺五十餘年。卒年八十餘。

### ○梁肅居士修天台止觀論成

梁肅自諫議入翰林。深於台宗之學。修天台止觀論。建中五年甲子。首事筆削。三年貞元二年丙寅功畢。著止觀統例略曰。夫止觀何爲也。導萬化之理。而復於實際者也。實際者何也。性之本也。物之所以不能復者。昏與動使之然也。照昏者謂之明。駐動者謂之靜。明與靜止觀之體也。在因謂之止觀。在果謂之智定。因謂之行果。謂之成行者。行此者也。或者證此者也。原夫聖人有以見惑足以喪志。動足以失方。於是乎止而觀之。靜而明之。使其動而能靜。靜而能明。因相待以成法。卽絕待以照本。御大車以禦正。乘大事



而總權消息乎不二之場。鼓舞於說三之域。至微以盡性。至蹟而體神。語其近則一毫之善可通也。語其遠則重玄之門可闕也。用至圓以圓之物無偏也。用至實以實之物無妄也。聖人舉其言所以示也。實其目所以告也。優而柔之。使自求之。擬而議之。使自至之。此止觀所繇作也。夫三諦者何也。一之謂也。空假中者何也。一之目也。空假也者相對之義。中道也者得一之名。此思議之說。非至一之旨也。至一卽三。至三卽一。非相含而然也。非相生而然也。非數義也。非強名也。自然之理也。言而傳之者迹也。理謂之本迹謂之末本也。者聖人所至之地也。末也者聖人所示之教也。繇本以垂迹。則爲小。爲大爲通爲別爲順爲漸爲顯爲秘爲權爲實爲定爲不定。循迹以返本。則爲一爲大爲圓爲實爲無住爲中爲妙爲第一義。是一三之蘊也。所謂空也者。通萬法而爲言者也。假也者。立萬法而爲言者也。中也者。妙萬法而爲言者也。破一切惑。莫盛乎空。建一切法。莫盛乎假。究竟一切性。莫大乎中。舉中則無法。非中舉假則無法。非假舉

空則無法。不空成之謂之三德。修之謂之三觀。舉其要則聖人極深研幾窮理盡性之說乎。昧者使明。塞者使通。通則悟。悟則至。至則常常則盡矣。明則照。照則化。化則成。成則一矣。聖人有以彌綸萬法而不差。旁礴萬劫而不違。壽載恒沙而不有。復歸無物而不無。寓名之曰佛。強號之曰覺。究其旨。解脫自在。莫大極妙之德乎。夫三諦成功者如此。又曰。噫止觀其教。世明道之書乎。非夫聖智超絕卓爾。獨立其孰能爲乎。非夫聰明深達得意忘象。其孰能知乎。今之人乃專用章句文字。從而釋之。又何疎漏耶。智者去世垂二百載。以斯文相傳。凡五家師曰。灌頂曰。縉雲威曰。東陽小威曰。左溪朗公曰。荊溪然公。左溪始弘解說。荊溪廣以傳記數十萬言。網羅遺法。勤矣備矣。

戊辰馬祖道一禪師示寂南嶽讓法嗣

道一入室弟子凡一百三十九人。各爲一方宗主。轉化無窮。貞元四年正月。登建昌石門山。於林中經行。見洞壑平坦。謂侍者曰。吾之朽質當於來月歸茲地矣。及歸。遂示微疾。院主問和尚近日尊候如何。一曰。

日面佛。月面佛。二月一日沐浴。跏趺入滅。壽八十臘六十元。和八年。追諡大寂塔曰大莊嚴。

○懷海禪師傳法希運

希運。閩縣人。幼於本州黃檗山出家。身長七尺。額有圓珠。後遊天台。路逢一僧。與之談笑。如舊相識。熟視之。目光射人。頗有異相。乃偕行。屬溪水瀑漲。捐笠植杖而止。其僧率運同渡。運曰。兄要渡。目渡。彼即褰衣。躡波若履平地。回顧曰。渡來。渡來。運曰。咄。這目了漢。吾蚤知。捏怪。當祈汝脛。其僧嘆曰。真大乘法器。我所不及。言訖不見。至洛京。行乞吟添鉢聲。有一樞出罪問曰。太無厭生。運曰。汝猶未施。責我無厭。何耶。樞笑而掩扉。運異之。進與語。多所發。藥須臾辭去。樞告曰。可往南昌。見馬大師。至南昌。道一已示滅。遂往石門。謁塔時。懷海廬於塔旁。乃往參海。海問。巍巍堂堂。從何方來。曰。巍巍堂堂。從嶺南來。海曰。巍巍堂堂。當爲何事。曰。巍巍堂堂。不爲別事。海深器之。次日辭海。海曰。甚處去。曰。禮拜馬大師去。海曰。馬大師已遷化了也。曰。某甲特來禮拜。福緣淺薄。不及一見。未審平日。

有何言句。願聞開示。海遂舉再參馬祖。因緣運聞之。不覺吐舌。海曰。子已後莫承嗣馬大師。慶曰。不然。今日因師舉。得見馬祖。大機大用。然且不識馬祖。若嗣馬祖。他日已後。喪我兒孫。海曰。如是如是。見與師齊。滅師半德。見過於師。方堪傳授。子今甚有超師之見。運便禮拜。一日。運問從上宗乘。如何指示。海良久。運曰。不可。教後人斷絕去也。海曰。將謂汝是箇人。乃起入方丈。運隨後入。曰。某甲特來。海曰。若爾。則他後不得孤負吾。○不語通。以從幼寡言。故名。因禮佛有禪者。問曰。禮底是甚麼。通曰。是佛。禪者乃指像曰。這箇是何物。通無對。至晚具威儀。禮問。禪者未知意旨。如何。禪者曰。座主。幾夏耶。通曰。十夏。禪者曰。還曾出家也。未通轉。茫然。禪者曰。若也不會。百夏奚爲。乃命同參馬祖。及至江西。祖已圓寂。遂謁懷海。頓釋疑情。曰。崇信參天王道悟禪師。

道悟自馬祖印記後。結茅荊門城外。一日。節使來訪。悟不爲加禮。因而發怒。擒悟。擲江中。及歸。見偏衙火發。且聞空中天王神嘖責聲。遂哀設拜。烟焰頓息。

宛然如初。乃躬往江表迎悟。見悟在水都不濕衣。益自敬重。於府西造天王寺供養。有崇信者。本渚宮人氏。少而英異。其家賣餅。卽住於寺巷。嘗日以十餅饋悟。悟受之。每食畢。輒留一餅曰。吾惠汝。以蔭子孫。信一日自念曰。餅是我持去。何以返還我耶。其別有旨乎。遂造而問焉。悟曰。是汝持來。復汝何答。信聞之。頗曉立旨。因投悟出家。悟曰。汝昔崇福善。今信吾言。可名崇信。自是服勤左右。一日問悟曰。崇信自到來。不蒙和尚指示。心要。悟曰。自汝到來。吾未嘗不指汝心要。信曰。何處指示。悟曰。汝擎茶來。吾爲汝接。汝行食來。吾爲汝受。汝和南時。吾便低頭。何處不指示。心要。信低頭良久。悟曰。見則直下。便見。擬思卽差。信當下開解。乃復問如何。保任。悟曰。任性逍遙。隨緣放曠。但盡凡心。別無聖解。信後住龍潭。接德山。

庚午  
智常禪師開法歸宗馬祖一法嗣

智常住廬山歸宗寺。因目有重瞳。用藥手按摩。以致目皆俱赤。世號赤眼歸宗。上堂從上古德。不是無知。解他高尙之士。不同常流。今時不能自成。自立虛度。

時光諸子莫錯用心。無人替汝。亦無汝用心處。莫就他覓。從前祇是依他解發。言皆滯光不透。脫祇爲日前有物。常有頌曰。歸宗事理絕。日輪正當午。自在如師子。不與物依怙。獨步四山頂。優游三大路。欠吐飛禽。墜頓呻衆邪。怖機豎箭易。及影沒手難覆。弛張若弓。伎裁剪如尺度。巧鑲萬般名。歸宗還似土。語默音聲絕。旨妙情難措。棄箇眼還聾。取箇耳還瞽。一鏃破三關。分明箭後路。可憐大丈夫。先天爲佛祖。○江州刺史李渤問常曰。教中謂須彌納芥子。渤卽不疑。芥子納須彌。莫是妄談否。常曰。人傳使君讀萬卷書。是否。曰。是。常曰。摩頂至踵。如椰子。大萬卷書。向何處著。渤俛首而已。異日渤又問。一大藏教。明得箇甚麼。邊事常舉拳示之。曰。還會麼。曰。不會。曰。這箇措大拳頭。也不識。曰。請師指示。常曰。遇人卽途中。授與不遇。卽世諦流布。常一日刻草次。有座主來參。忽見一蛇。常以鉏斷之。座主曰。久嚮歸宗。到來祇見箇虺行沙門。常曰。你虺我虺。主曰。如何是虺。常豎起鉏頭。主曰。如何是細常作斬蛇勢。主曰。與麼則依而行之。常

曰依而行之則且置你甚麼處見我斬蛇主無對

○石頭希遷禪師示寂青原思法嗣

希遷住石頭示衆吾之法門先佛傳授不論禪定精進惟達佛之知見卽心卽佛心佛衆生菩提煩惱名異體一汝等當知自己心靈體離斷常性非垢淨湛然圓滿凡聖齊同應用無方離心意識三界六道惟自心現水月鏡像豈有生滅汝能知之無所不備貞元六年十二月二十五日示滅壽九十一臘六十三

○潭州長髯禪初至曹溪禮塔回參希遷遷問甚處來曰嶺南來遷曰大庾嶺頭一鋪功德成就也未曰成就久矣祇欠點眼在遷曰莫要點眼麼曰便請遷乃垂下一足曠禮拜遷曰汝見恁麼道理便禮拜曰

據某甲所見如紅爐上一點雪後住長髯僧問不負從上諸聖如何是長髯第一句曰有口不能言曰爲甚麼口不能言曠乃頌曰石師子木女兒第一句諸佛機言不得也大奇直下是莫狐疑良久曰是第一句是第二句曰不一不二曠曰見利忘錐猶自多在僧禮拜曠拈起盞子曰直下不負從上諸聖僧曰直

指人心見性成佛又作麼生曠放下盞子便歸方丈

辛未智藏禪師住西堂

貞元七年智藏住虔州西堂尙書李翱嘗問僧馬大師有甚言教僧曰大師或說卽心卽佛或說非心非佛翱曰總過這邊翱却問藏馬大師有甚言教藏呼李翱翱應諾藏曰鼓角動也有一俗士問藏有天堂地獄否曰有曰有佛法僧寶否曰有更有多問盡答言有曰和尚恁麼道莫錯否藏曰汝曾見尊宿來耶曰某甲嘗參徑山和尚來曰徑山向汝作麼生道曰他道一切總無曰汝有妻否曰有曰徑山和尚有妻否曰無藏曰徑山和尚道無卽得士禮謝而去

壬申徑山法欽禪師示寂鶴林玄素法嗣

法欽自長安歸徑山久之刺史請居杭州龍興寺欽遂往來其間不擇所止貞元八年十二月二十八日示寂於龍興先期三日告衆曰當塋吾於南庭隙地勿封勿樹恐妨僧徒之業地壽九十二臘七十欽悲願弘深見面聞名如子得母故東至海岱西及隴蜀南窮交廣北盡朔方學者莫不歸慕參承人皆目之

爲功德山。至於天龍。敬向異類。歸依地產靈芝。空雨甘露。聖燈夜現。綵雲朝暉。猛獸棲其旁。衆禽集其室。白鷗鳥鴉。就掌而食。有二白兔。拜跪於杖屨間。一雞常隨。聽法不食。生類欽之。長安長鳴三日而絕。一畜常依禪室。不他遊。欽滅亦三日而死。

百丈懷海傳法靈祐

靈祐長谿趙氏子。年十五。剃染。受具。究大小乘教。嘗遊方至國清寺。與寒山拾得往松門夾道。寒作虎吼。三聲。祐無對。寒曰。自從靈山一別。迄至於今。還相記麼。祐又無對。拾杖曰。老兄喚這箇作什麼。祐又無對。寒曰。休休。不用問他。自從別後。已三生作國王來。總忘却也。貞元九年。祐年二十三。遊江西。參懷海。海一見許之。入室。遂居。參學之首。一日。侍立。次海問。誰對曰。靈祐。海曰。汝撥爐中有火否。祐撥之曰。無火。海躬起。深撥。得少火。舉示曰。汝道無。這箇靈祐。自是發悟。禮謝。陳其所解。海曰。此乃暫時岐路耳。經云。欲識佛性義。當觀時節。因緣。時節既至。如迷忽悟。如忘忽憶。方省已物。不從他得。故祖師云。悟了同未悟。無心。

亦無法。只是無虛妄。凡聖等心。本來心。法原自備足。汝今既爾。善自護持。次日。同海入山。作務。海曰。將得火來。麼。祐曰。將得來。海曰。在甚麼處。祐乃拈一枝柴。吹兩吹。度與海。海曰。如蟲禦木。

乙無業禪師閱大藏

無業自傳馬祖心印。後遂往曹溪禮祖塔。及廬嶽天台。徧尋聖跡。絲洛抵雍。憩西明寺。僧衆舉請。充兩街大德。業曰。非吾本志也。至上黨。節度使李抱真。旦夕贈奉業。曰。本避上國。浩讓。今復煩接君侯。豈吾心哉。乃往清涼金閣寺。重閱大藏。周八稔而畢。

○普願禪師開法南泉

貞元十一年。普願憩息池陽。遂開法於南泉。諸方目爲郢匠。上堂。十地菩薩。住首楞嚴。三昧得諸佛秘密法藏。自然得一切禪定。解脫神通妙用。至一切色界。普現色身。或示現成等正覺。轉大法輪。入涅槃。使無量入毛孔。演一句經。無量劫其義不盡。教化無量億千衆生。得無生法。忍尚喚作所知。愚極微細所知。愚與道全乖。大難大難。又曰。近日禪師太多。覓箇癡鈍。



人不可得不道。全無於中。還少。若有出來。共你商量。如空劫時。有修行人。否有無作麼。不道尋常。巧唇薄舌。及手問著。總皆不道。何不出來。莫論佛出世時事。願初住菴時。有一僧到菴。願謂曰。我上山去作務。待齋時。做飯自喫了。送一分上來。少時。其僧做飯自喫了。却一時打破家事。就床臥。願待不見。來便歸。菴見僧臥。願亦就伊邊臥。僧便起去。願住後曰。我往前住菴時。有箇靈利道者。直至今。不見。

### ○普願禪師傳法從諗

從諗。曹州郝鄉郝氏子。童稚披剃。未納戒。便隨本師行脚。抵池陽。參普願本師。先人事了。諗方入。事願在方丈內臥。見諗來。參便問。近離甚處。諗曰。近離瑞像。願曰。還見立瑞像麼。諗曰。不見立瑞像。只見臥如來。願乃起坐曰。汝是有主沙彌。無主沙彌。諗曰。有主沙彌。願曰。那箇是你主。諗近前躬身曰。孟春猶寒。伏惟和尚尊體萬福。願乃喚維那曰。此沙彌別處安排。本師先歸。諗遂留參。一日問願。如何是道。願曰。平常心是道。諗曰。還可趣向也。無願曰。擬向即乖。諗曰。不擬

爭知是道。願曰。道不屬知。不屬不知。知是妄覺。不知是無記。若真達不疑之道。譬如太虛。廓然蕩豁。豈可強是非耶。諗於言下大悟。乃往嵩嶽。納戒。却返南泉。一日。願因東西兩堂爭貓兒。提起貓兒。白衆曰。道得。即救取貓兒。道不得。即斬却。衆無對。願便斬之。諗自外歸。願舉前話。且曰。子作麼生。諗脫草履。安頭上。而出。願曰。子若在。却救得貓兒。願嘗曰。我十八上。便解作活計。諗曰。我十八上。便解破家散宅。一日。願示衆云。江西馬祖說。即心即佛。王老師不恁麼道。不是心。不是佛。不是物。恁麼道。有過麼。諗禮拜而出。時有僧隨問上座。禮拜。便出。意作麼生。諗曰。汝却問取和尚。僧乃問。適來諗上座。意作麼生。願曰。他却領得老僧意旨。諗歸曹州。省親。受業師親屬。聞知。咸欲來會。諗聞曰。俗塵愛網。無有了期。已辭出家。不願再見。遂携蚌錫。徧歷諸方。○景岑久依普願。有投機偈曰。今日還鄉入大門。南泉親道徧乾坤。法法分明皆祖父。回頭慙愧好兒孫。願曰。今日投機事。莫論南泉不道徧乾坤。還鄉盡是兒孫事。祖父從來不出門。僧問岑。同

參會和尚曰和尚見南泉後如何會默然僧曰未見南泉已前作麼生會曰不可更別有也僧回舉似岑岑示偈曰百尺竿頭不動人雖然得入未爲真百尺竿頭須進步十方世界是全身僧問百尺竿頭如何進步岑曰朗州山澧州水曰不會岑曰四海五湖皇化裏僧問如何轉得山河國土歸自己去岑曰如何轉得自己成山河國土去曰不會岑示偈曰誰問山河轉山河轉向誰圓通無兩畔法性本無歸僧問和尚繼嗣何人岑曰我無人繼嗣曰還參學也無岑曰我自參學曰師意何如岑示偈曰虛空問萬象萬象答虛空誰人親得聞木叉牛角童岑後住長沙○陸亘字景山吳郡人爲宣州節度使時參普願一日問曰弟子從六合來波中還更有身否願曰分明記取舉似作家亘又謂願曰和尚大不可思議到處世界皆成就願曰適來總是大夫分上事又一日問曰弟子家內餅中養一鷺鷥漸長大出餅不得如今不得毀餅不得損鷺鷥和尚作何方便出得願召曰大夫亘應諾願曰出也亘從此開解一日謂願曰弟子亦

薄會佛法願便問大夫十二時中作麼生亘曰寸絲不掛願曰猶是階下漢不見道有道君王不納有智之臣一日謂願曰肇法師也甚奇怪道萬物與我同根天地與我一體願指庭前牡丹花曰大夫時人見此一株花如夢相似亘罔測亘辭歸宣城治所願問大夫去彼將何治民亘曰以智慧治民願曰恁麼即彼處生靈盡遭塗炭去也○終南山師祖參普願問摩尼珠人不識如來藏裏親收得如何是藏曰與汝往來者是祖曰不往來者如何曰亦是祖曰如何是珠願召師祖祖應諾願曰去汝不會我語祖從此信入

#### ○寶積禪師說法盤山

寶積住盤山僧問如何是道積曰咄僧曰學人未領師旨積曰去上堂心若無事萬法不生意絕玄機纖塵何立道本無體因體而立名道本無名因名而得號若言卽心卽佛今時未入玄微若言非心非佛猶是指蹤極則向上一路千聖不傳學者勞形如猿捉影又曰夫心月孤懸光吞萬象光非照境境亦非存

光境俱亡。復是何物。禪德譬如擲劍揮空。莫論及之。不及斯。乃空輪無跡。劍刃無虧。若能如是。心心無知。全心。卽佛。全佛。卽人人。佛無異。始爲道矣。又曰。禪德。可中學道。似地擎山。不知山之孤峻。如石含玉。不知玉之無瑕。若如此者。是名出家。故導師云。法本不相礙。三際亦復然。無爲無事人。猶是金鎖難。所以靈源獨耀。道絕無生。大智非明。真空無迹。眞如凡聖。皆是夢言。佛及涅槃。竝爲增語。禪德直須自看。無人替代。又曰。三界無法。何處求心。四大本空。佛依何住。璿璣不動。寂爾無言。覲面相呈。更無餘事。珍重。

### ○慧寂參應真禪師

慧寂韶州葉氏子。九歲投不語通出家。十四父母取歸。欲與婚。媾寂遂斷手。二指跪致父母。前誓求正法。以答劬勞。父母乃許。再詣通。得披剃。一日。通令寂將床子來。寂將到。通曰。却送本處著。寂從之。通曰。牀子那邊是甚麼物。曰。無物。通曰。這邊是甚麼物。曰。無物。通召慧寂。寂曰。諾。通曰。去遊方。謁應真。眞嘗謂寂曰。國師當時傳得六代祖師圓相。共九十七箇。授與老

僧。乃曰。吾滅後三十年。南方有一沙彌到來。大興此教。次第傳授。無令斷絕。我今付汝。汝當奉持。遂將其本授寂。寂接得一覽。便燒却。眞一日問前來諸相。甚宜秘惜。寂曰。當時看過。便燒却了。也眞曰。吾此法門。無人能會。惟先師及諸祖師諸大聖人。方可委悉。子何得焚之。寂曰。慧寂一覽。已知其意。但用得不可執本也。眞曰。然雖如此。於子卽得。後人信之不及。寂曰。和尚若要重錄。不難。卽重集一本。呈上。更無遺失。

### ○慧寂謁洪恩禪師

洪恩馬祖法嗣住中邑山。慧寂自江陵受戒。回往中邑。謝戒恩。拍口作和。和聲寂從西過。東從東過。西又當中而立。然後謝戒。却退。後立恩曰。甚處得此三昧。曰。於曹溪印子上脫來。恩曰。汝道曹溪用此三昧。接甚麼人。曰。接一宿覺。寂却問。和尚甚處得此三昧。曰。我於馬大師處得此三昧。寂曰。如何得見佛性。義曰。我與汝說箇譬喻。如有一室。有六窓。內有一獼猴。外有獼猴。從東邊喚。猩猩。猩猩卽應。如是六窓俱喚。俱應。寂禮謝。起曰。適蒙和尚譬喻。無不了知。更有一事。祇如內

彌猴睡著外彌猴欲與相見又且如何恩下繩牀執  
寂手作舞曰猩猩與汝相見了譬如蠅螟蟲在蚊子  
眼睛上作窠向十字街頭叫喚云土曠人稀相逢者  
少○古寺和尚亦馬祖法嗣一日天然來經宿明日煮粥  
熟行者只盛一鉢與寺又盛一碗自喫殊不顧然然  
即自盛粥喫行者曰五更侵蚤起更有夜行人然問  
寺何不教訓行者得恁麼無禮寺曰淨地上不要點  
汚人家男女然曰幾不問過這老漢

癸未無業禪師住汾州西河馬祖法嗣

無業住清涼八年復南下至西河刺史董叔繼請住  
開元精舍業曰吾緣在此矣緣是兩大法雨垂二十  
載并汾緇白無不嚮化凡學者致問多答之曰莫妄  
想嘗有僧問十二分教流於此土得道果者非止一  
二云何祖師西來別唱玄宗直指人心見性成佛只  
如上代高僧並淹貫九流洞明三藏如僧肇融叡等  
豈得不知佛法耶業曰諸佛不曾出世亦無一法與  
人但隨病施方遂有十二分教如將蜜果換苦葫蘆  
淘汝諸人業根都無實事神通變化及百千三昧門

化彼天魔外道福智二嚴爲破執有滯空之見若不  
會道及祖師意論什麼生肇融叡又曰只如野逸高  
人猶解枕流漱石棄其榮祿亦有安國理民之謀徵  
而不起況我禪宗途路且別看他古德道人得意之  
後茅茨石室向折脚鐺子裏煮飯喫過三二十年名  
利不干懷財寶不係念大忘人世隱跡巖叢君王命  
而不來諸侯請而不赴豈同時輩貪名愛利汨沒世  
途如短販人有少希求而忘大果嗟乎得人身者如  
爪甲上土失人身者如大地土良可傷惜設悟理之  
者有一知半解不知是悟中之則入理之門便謂永  
脫世累輕忽上流致使心漏不盡理地不明空到老  
死無成虛延歲月且聰明不敵生死乾慧未免輪回  
共兄弟論實不論虛只這口食身心盡是欺賢罔聖  
求得將來他心慧眼觀之如飲膿血相似總須償他  
始得阿那箇是有道果自然感得他信施來學般若  
菩薩不得自護如水凌上行劍刃上走臨命終時一  
毫凡聖情量不盡纖塵思念不忘隨念受生輕重五  
陰向驢胎馬腹裏託質泥犁饒湯裏煮煉一遍了從

前記持憶想見解智慧都虛一時失却依前再爲螻蟻從頭又作蚊蠅雖是善因而招惡果且圖箇什麼兄弟只爲貪欲成性二十五有向脚跟下繫著無成辦之期祖師觀此土衆生有大乘根性惟傳心印指示迷情得之者卽不揀凡之與聖愚之與智且多虛不如少實大丈夫兒如今直下休去歇去頓息萬緣遊生死流迴出常格靈光獨照物累不拘巍巍堂堂三界獨步何必身長丈六紫磨金輝頂佩圓光廣長舌相以色見我是行邪道設有眷屬莊嚴不求自得山河大地不礙眼光得大總持一聞千悟都不希求一食之直汝等諸人儻不如是祖師來至此土非常有益有益者千萬人中撈攬一箇半箇堪爲法器有損者如前已明從他依三乘教法修行不妨却得四果三賢有進修之分所以先德云了卽業障本來空未了應須償宿債

○盤山寶積禪師入寂馬祖一法嗣

寶積住幽州盤山將入滅告衆曰有人邈得吾真否衆皆將所寫眞呈寶皆不契寶意弟子普化出曰某

甲邈得寶曰何不呈似老僧化乃打筋斗而出寶曰這漢向後掣風狂接人去在寶乃奄化

○澄觀國師說心要

德宗誕節敕迎澄觀入內講華嚴宗旨講畢帝謂群臣曰國師能以聖法清涼朕心仍以清涼賜爲國師之號時順宗爲皇太子嘗問心要於觀觀答書曰至道本乎一心心法本乎無住無住心體靈知不昧性相寂然包含德用該攝內外能深能廣非有非空不生不滅無終無始求之而不得棄之而不離迷現量則惑苦紛然悟眞性則空明廓徹雖卽心卽佛惟證者方知然有證有知則慧日沉沒於有地若無照無悟則昏雲掩蔽於空門若一念不生則前後際斷照體獨立物我皆如直造心源無智無得不取不捨無對無修然迷悟更依眞妄相待若求眞棄妄猶棄影勞形若體妄卽眞猶處陰影滅若無心忘照則萬慮都捐若任運寂知則衆行爰起放曠任其去住靜鑒覺其源流語默不失玄微動靜未離心界言止則雙忘知寂論觀則雙照寂知語證則不可示人說理則



非證不了。是以悟寂無寂。真知無知。以知寂不二之  
一心契空。有雙融之中道。無住無著。莫攝莫收。是非  
兩忘。能所雙絕。斯絕亦寂。則般若現前。般若非心外  
新生。智性乃本來具足。然本寂不能自現。實緣般若  
之功般若之與智性。翻覆相成本智之與始修。實無  
兩體。雙亡證入。則妙覺圓明。始末交融。則因果交徹。  
心心作佛。無一心而非佛心。處處成道。無一塵而非  
佛國。故真妄物我畢一。全收心佛衆生。渾然齊致。是  
知迷則人隨於法。法法萬差。而人不同。悟則法隨於  
人人。人人一智。而融萬境。言窮路絕。何果何因。體本寂  
寧。執同執異。惟忘懷虛。朗消息。沖融其猶。透水月華。  
虛而可見。無心鑒像。照而常空矣。

○豐干寒山拾得示現天台

豐干不知何許人。唐貞元初居天台國清寺。剪髮齊  
眉。衣布裘。人或問佛理。止答隨時二字。嘗唱道。乘虎  
出入衆僧驚。畏無誰語。有寒山子拾得者。亦不知其  
氏族。時謂風狂子。獨與干相親。寒居止唐興縣西七  
十里寒巖。以是得名。拾因干至赤城道。則聞兒啼聲。

問之云。孤棄於此。乃名拾得。携至寺付庫院。後庫僧  
靈燭令知食堂香。燈忽登座。與佛像對盤而食。復於  
聖僧前呼曰。小果聲聞。燭告尊宿等。易令厨內滌器。  
常日齋畢。澄瀝殘食菜滓。以筒盛之。寒來即負之。而  
去。寒容貌枯瘁。布襦零落。以犢皮爲冠。曳大木屐。時  
至寺或廊下徐行。或厨內執爨。或混處童牧。或時叫  
噪。望空慢罵。或云。咄哉咄哉。三界輪迴。僧以杖逼逐。  
即撫掌大笑。一日問干。古鏡不磨。如何照燭。曰。冰壺  
無影像。猿猴探水月。曰。此是不照燭也。更請師道。曰。  
萬德不將來。教我道什麼。寒拾俱作禮。干謂寒曰。汝  
與我遊五臺。即我同流。若不與我去。即非我同流。曰。  
我不去。干曰。汝不是我同流。寒問干。汝去五臺作什  
麼。曰。我去禮文殊。曰。汝不是我同流。干尋獨入五臺。  
逢一老翁。問莫是文殊否。曰。豈有二文殊。及作禮。忽  
不見。後同天台而化。寒因衆僧炙茄。茄以茄串打僧背。  
一下僧回首。寒持茄串云。是什麼僧。云。這風顛漢。寒  
示傍僧曰。你道這箇師僧。費却多少鹽醬。趙州到天  
台。行見牛跡。寒曰。上座還識牛麼。此是五百羅漢遊。

山州曰。既是羅漢。爲什麼作牛去。寒曰。蒼天蒼天。州呵呵。大笑。寒曰。笑作什麼。州曰。蒼天蒼天。寒曰。這小厮兒。却有大人之作。拾掃地寺主問姓。箇什麼。住在何處。拾置箒叉手而立。主問。測寒。掣胸曰。蒼天蒼天。拾問。汝作什麼。寒曰。豈不見道。東家人死。西家助哀。因作舞笑哭而出。又於莊舍牧牛。歌咏。叫天曰。我有一珠。埋在陰中。無人別者。衆僧說戒。拾驅牛至倚門。撫掌微笑曰。悠悠哉。聚頭作相。這箇如何。僧怒呵云。下人風狂。破我說戒。拾笑曰。無瞋。卽是戒。心淨卽出家。我性與汝合。一切法無差。驅牛出。乃呼前世僧名。牛卽應聲而過。復曰。前生不持戒。人面而畜心。汝今遭此。咎怨恨於何人。佛力雖然大。汝辜於佛恩。護伽藍神。僧厨下食。每每爲鳥所耗。拾扶之曰。汝食不能護。安能護伽藍手。神附夢於合寺僧曰。拾得打我。詰旦說夢。一一無差。視神像果有所損。驚異。牒申郡縣。郡謂賢士。遜迹菩薩。應身號拾得。賢士初聞丘胤。將牧丹丘頭疾。醫莫能愈。遇一禪師。名豐干。言自天台來。謁使君。告之病。干曰。身居四大。病從幻生。若欲

除之。應須淨水。索器。呪水。喫之。立愈。胤異之。乞言示。此去安危之兆。干曰。記謁文殊普賢。此二菩薩見之不識識之。不見若欲見之。不得取相。國清寺執爨。滌器。寒山拾得是也。胤到任三日。至國清問此寺有豐干禪師否。寒山拾得復是何人。僧道翹對曰。豐干舊址在經藏後。今閒無人矣。寒山拾得尙處僧厨。胤入千房止。見虎跡。復問在此作何行業。翹曰。惟事負春供。僧閑則諷詠。入厨尋訪寒。拾見於竈前。向火撫掌大笑。胤致拜。二人連聲呵叱。把手復大笑曰。豐干饒舌。豐干饒舌。彌陀不識禮。我何爲僧徒。奔集。邇相驚訝。何故尊官禮二貧士。時二人乃把手走出寺。胤令逐之急。走而去。卽歸寒巖。胤乃重問僧曰。此二人肯止此寺否。乃令覓訪。喚歸寺安置。胤遂歸。郡製淨衣二對。及香藥等。持送供養。時二人更不返寺。使乃就巖送上。見寒山子高聲喝曰。賊賊。遂入巖石縫中。且曰。報汝諸人。各各努力。石縫自合。莫可追之。其拾得迹沉無所。後有僧采薪南峰。距寺東南二里。遇一梵僧持錫入巖。挑鎖子骨。曰。取拾得舍利。乃知入滅於

此因號巖爲拾得胤令道翹尋訪遺跡於林間葉上得寒山所書辭頌及村墅人家三百餘首拾亦有詩數十首題土地堂石壁間纂集成卷

○曇晟參惟儼禪師

曇晟建昌王氏子生有自然胎衣右袒猶縊服少出家參懷海二十年因緣不契後參惟儼儼問甚處來曰百丈來儼曰百丈有何言句示徒曰尋常道我有一句百味具足儼曰鹹則鹹味淡則淡味不鹹不淡是常味作麼生是百味具足底句晟無對儼曰爭奈目前生死何曰目前無生死儼曰在百丈多少時曰二十年儼曰二十年在百丈俗氣也不除他日侍立次儼又問百丈更說甚麼法曰有時道三句外省去六句內會取儼曰三千里外且喜沒交涉又問更說甚麼法曰有時上堂大衆立定以拄杖一時趨散復召大衆衆回首丈曰是甚麼儼曰何不蚤甚麼道今日因子得見海兄晟於言下頓省便禮拜

○宗智參惟儼禪師

宗智海昏張氏子自幼出家登戒預藥山法會密契

心印一日惟儼問曰子去何處去來曰遊山來儼曰不離此室速道將來曰山上烏兒白似雪澗底游魚忙不徹一日儼上堂曰我有一句子未曾說向人智出曰相隨來也僧問儼一句子如何說儼曰非言說智曰蚤言說了也智雖藥山見普願願問闍黎名甚麼曰宗智願曰智不到處作麼生宗曰切忌道著願曰灼然道著即頭角生三日後智與曇晟在後架把鍼願見乃問智頭陀前日道智不到處切忌道著即頭角生合作麼生行履智便抽身入僧堂願歸方丈智又來把鍼晟曰適來爲甚不祇對和尚智曰你不妨伶俐晟不荐却問願適來智頭陀爲甚不祇對和尚曇晟不會乞師指示願曰他却是異類中行曰如何是異類中行願曰不見道智不到處切忌道著道著即頭角生直須向異類中行晟亦不會智知晟不薦乃曰此人因緣不在此却同回藥山儼問汝回何速晟曰只爲因緣不契儼曰有何因緣晟舉前話儼曰子作麼生會晟無對儼大笑晟便問如何是異類中行儼曰吾今日困倦且待別時來曰曇晟特

爲此事歸來。儼曰：且去。晨便出。智在方丈外。聞晨不薦。不覺咬得指頭血出。却下來。問晨曰：師兄去。問和尚。那因緣作麼。生曰：和尚不與我說。智便低頭。

### ○高沙彌參惟儼禪師

高沙彌參惟儼。問甚處來。曰：南嶽來。儼曰：何處去。曰：江陵受戒去。儼曰：受戒圖甚麼。曰：圖免生死。儼曰：有一人不受戒。亦無生死。可免汝。還知否。高曰：恁麼。則佛戒何用。儼曰：這沙彌猶挂唇齒在高禮拜。而退。宗智來侍立。儼曰：適來有箇跛脚沙彌。却有些子氣息。智曰：更須勘過。始得。至晚。儼上堂。召蚤來。沙彌在甚麼處。高出衆立。儼問：我聞長安甚鬧。你還知否。曰：我國晏然。儼曰：汝從看經得。請益得。曰：不從看經得。亦不從請益得。儼曰：大有人不看經。不請益。爲甚。不得。曰：不道他不得。只是不肯承當。儼顧智曰：不信道。一日辭儼。儼問甚處去。曰：某甲在衆有妨。且往路邊卓箇草菴。接待往來茶湯去。儼曰：生死事大。何不受戒去。曰：知是般事。便休。更喚甚麼作戒。儼曰：汝既如是。不得離吾左右。時復要與子相見。一日自外歸。值

雨。儼曰：你來也。曰：是。儼曰：可煞濕。曰：不打這箇鼓笛。曇晨曰：皮也。無打甚麼鼓。宗智曰：鼓也。無打甚麼皮。儼曰：今日大好一場曲調。

### 乙佛光如滿禪師說法王宮

如滿住京洛。唐順宗問曰：佛從何方來。滅向何方去。旣言常住。世佛今在何處。滿答曰：佛從無爲來。滅向無爲去。法身等虛空。常住無心處。有念歸無念。有住歸無住。來爲衆生來。去爲衆生去。清淨真如海。湛然體常住。智者善思惟。更勿生疑慮。帝又問曰：佛向王宮生。滅向雙林滅。住世四十九。又言無法說。山河與大海。天地及日月。時至皆歸盡。誰言不生滅。疑情猶若斯。智者善分別。答曰：佛體本無爲。迷情妄分別。法身等虛空。未曾有生滅。有緣佛出世。無緣佛入滅。處處化衆生。猶如水中月。非常亦非斷。非生亦非滅。生亦未曾生。滅亦未曾滅。了見無心處。自然無法說。帝聞大悅。益重禪宗。○河東裴氏畜鸚鵡。常念佛過午不食。時或教之念。則默然。或謂之不念。卽唱阿彌陀。每虛室戒曙。發和雅音。穆如笙簧。臨終告曰：將西歸。

手爲彌擊磬爾其存念一擊一稱阿彌陀佛十擊而十念成氣絕火焚得舍利十餘粒炯然耀目

丙惟則禪師說法佛窟牛頭忠法嗣

惟則京兆人姓長孫氏初謁慧忠大悟玄旨後隱於天台瀑布之西霞元和中法席漸盛始名其巖爲佛窟一日示衆曰天地無物也我無物也然未嘗無物斯則聖人如影百年如夢孰爲生死哉至人以是獨照能爲萬物之主吾知之矣汝等知之乎忽一日告門人曰汝當自勉吾何言哉後二日夜安坐示滅壽八十臘五十八弟子雲居智嗣其法嘗有華嚴院僧繼宗問智見性成佛其義云何智曰清淨之性本來湛然無有動搖不屬有無淨穢長短取捨體自曠然如是明見乃明見性性即佛佛即性故曰見性成佛宗曰性既清淨不屬有無因何有見曰見無所見宗曰既無所見何更有見曰見處亦無宗曰如是見時是誰之見曰無有能見者宗曰究竟其理如何智曰妄計爲有即有能所乃得名迷隨見生解便墮生死明見之人即不然終日見未嘗見求名處恒相不可

得能所俱絕名爲見性宗曰此性徧一切處否曰無一處不徧宗曰凡夫具否曰上言無處不徧豈凡夫而不具乎宗曰因何諸佛菩薩不被生死所拘而凡夫獨繫此苦智曰凡夫於清淨性中計有能所即墮生死諸佛大士善知識清淨性中不屬有無即能所不立宗曰若如是即有能了不能了人曰了尙不可得豈有能了人乎宗曰至理如何曰我今以要言之汝即應念清淨性中無有凡聖亦無了不了人凡之與聖二俱是名若隨名生解即墮生死若知假名不實即無有當名者智又曰此是極究竟處若云我能了彼不能了即是大病見有淨穢凡聖亦是大病作無凡聖解又屬撥無因果見有清淨性可棲止亦是大病作不棲止解亦是病然清淨性中雖無動搖具不壞方便應用及興慈運悲如是興運之處即全清淨之性可謂見性成佛矣繼宗踊躍禮謝而退

### ○天然禪師行化洛京

元和元年天然至洛京與伏牛爲友一日於慧林寺遇天大寒然取木佛燒火向之院主訶曰何得燒我



木佛然以被撥灰曰吾燒取舍利主曰木佛何得有舍利然曰既無舍利更取兩尊燒主自後眉鬚墮落

丁亥大義禪師說法麟德殿

大義住信州鷲湖山嘗垂戒曰莫只忘形與死心此箇難醫病最深又曰直須提起吹毛利要剖西來第一義又曰蹙却眼兮剔起眉反覆看渠渠是誰又曰若人靜坐不用功何年及第悟心空元和二年憲宗詔迎入麟德殿論義有法師問如何是四諦曰聖上一帝三帝何在又問欲界無禪禪居色界此土憑何而立禪曰法師只知欲界無禪不知禪界無欲曰如何是禪義以手點空法師無對帝曰法師講無窮經論只這一點尙不奈何義却問曰行住坐臥畢竟以何爲道有對知者是道義曰不可以智知不可以識識安得知者是道有對無分別是道義曰善能分別諸法相於第一義而不動安得無分別是道有對四禪入定是道義曰佛身無爲不墮諸數安在四禪入定耶衆皆杜口義却舉順宗問尸利禪師曰大地衆生如何得見性成佛去尸利曰佛性猶如水中月可

見不可取義因謂帝曰佛性非見必見水中月如何攫取帝乃問何者是佛性義曰不離陛下所問

○天皇寺道悟禪師入寂石頭遷法嗣

道悟隱居當陽紫陵山後於荊南城東有天皇寺火廢僧靈鑒者將謀修復乃曰苟得悟禪師爲化主必能福我時江陵尹右僕射裴公稽首問法致禮迎至悟素不迎送客無貴賤皆坐而揖之裴愈加敬元和二年四月悟患背痛大衆問疾悟薰召典座近前問曰會麼曰不會悟拈枕子拋於地上即便告寂法嗣三世曰慧真曰幽閑曰文賁協律郎符載撰碑

戊戌懷暉禪師住章敬寺馬祖一法嗣

懷暉同安謝氏子初住定州稻巖次止中條山元和三年詔居京兆章敬寺學者奔湊示衆曰至理忘言時人不悉強習他事以爲功能不知自性元非塵境是箇微妙大解脫門所有鑒覺不染不礙如是光明未曾休廢曩劫至今固無變易猶如日輪遠近斯照雖及衆色不與一切和合靈燭妙明非假鍛鍊爲不了故取於物象但如捏目妄起空華徒自疲勞枉經

劫數若能返照無第二人舉措施爲不虧實相

○靈祐禪師開法瀉山

初司馬頭陀造百丈謂懷海曰頃在湖南尋得一山名大瀉此山奇絕宜集法侶爲大道場時靈祐爲典座陀一見卽曰此正瀉山主也是夜海召祐囑曰吾化緣在此瀉山勝境汝當居之嗣續吾宗廣度後學首座善覺曰某甲忝居上首典座何得住持海曰若能對衆下一語出格當與汝住持卽指淨瓶問曰不得喚作淨瓶汝喚作甚麼覺曰不可喚作木瓶也海不肯乃問祐祐賜倒淨瓶便出海笑曰第一座輪却山子也遂遣祐往瀉山是山峭絕無人烟經五七載忽自念言道在接物利生獨居非是乃行至山口見虎豹豺狼交橫於道祐曰汝等不用攔吾行路我若於此山有緣汝等各自散去若其無緣我充爾腹言訖蟲虎四散祐回菴未及一載懶安同數僧從百丈所來曰安與和尚作典座俟衆至五百乃解務於是禪子環集上堂夫道人之心質直無偽無背無面無詐妄心一切時中視聽尋常更無委曲亦不閉

眼塞耳但情不附物卽得從上諸聖祇說濁邊過患若無如許多惡覺情見想習之事譬如秋水澄淳清淨無爲澹泞無礙喚他作道人亦名無事人僧問頓悟之人更有修否祐曰若真悟得本他自知時修與不修是兩頭語如今初心雖從緣得一念頓悟自理猶有無始曠劫習氣未能頓淨須教渠淨除現業流識卽是修也不道別有法教渠修行趣向從聞入理聞理深妙心自圓明不居惑地縱有百千妙義抑揚當時此乃得坐披衣自解作活計始得以要言之實際理地不受一塵萬行門中不捨一法若也單刀直入則凡聖情盡體露眞常理事不二卽如如佛

○靈祐禪師傳法慧寂

慧寂到瀉山參靈祐祐曰汝是有主沙彌無主沙彌寂曰有主祐曰主在甚麼處寂從西過東立祐異之寂問如何是真佛住處祐曰以思無思之妙反思靈醯之無窮思盡還源性相常住事理不二眞佛如如寂於言下頓悟自此執侍前後盤桓十五載一日祐謂寂曰汝須獨自迴光返照別人不知汝解處汝試

將實解默老僧看寂曰若教慧寂自看到這裏無圓位亦無一物一解得默和尚祐曰無圓位處原是汝作解處未離心境在寂曰既無圓位何處有法把何物作境祐曰適來是汝作與麼解是否寂曰是祐曰若麼麼是具足心境法未脫我所心在原來有解默我許汝信位顯人位隱在一日祐索門人呈語乃云聲色外與吾相見時有幽州鑒弘上呈語曰不辭出來那箇人無眼祐不肯寂凡三度呈語第一云見取不見取底祐曰細如毫末冷似冰霜第二度云聲色外誰求相見祐曰祇滯聲聞方外揚第三度云如兩鏡相照於中無像祐曰此語正也我是個不是蚤立像了也寂曰慧寂精神昏昧拙於祇對未審和尚於百丈師翁處作麼生呈語祐曰我於百丈和尚處呈語云如百千明鏡鑒像光影相照塵塵刹刹各不相借寂於是禮拜寂一日臥次夢入彌勒內院衆堂中諸位皆足惟第二位空寂遂就坐有一尊者白髭曰今當第二座說法寂起白髭曰摩訶衍法離四句絕百非諦聽諦聽衆皆散去及覺舉似祐祐日子已入

聖位寂便禮拜一日祐坐次寂從丈前過祐曰若是百丈先師見子須契痛棒始得寂曰卽今事作麼生祐曰合取兩片皮寂曰此恩難報祐曰非子不才乃老僧年萬寂曰今日親見百丈師翁來祐日子向甚麼處見寂曰不道見祇是無別祐曰始終作家一日祐問寂曰大地衆生業識茫茫無本可據子作麼生知他有之與無寂曰慧寂有驗處時有一僧後面前過召曰闍黎僧回首寂曰和尚這箇業識茫茫無本可據祐曰此是師子一滴乳迸散六斛驢乳

### ○靈祐禪師傳法智閑

智閑青州人偏參諸方在百丈時性識聰敏參禪不得泊百丈遷化遂參靈祐祐問我聞汝在百丈先師處問一答十問十答百此是汝聰明靈利意解識想生死根本父母未生時試道一句看閑被問直得茫然歸寮將平日看過底文字從頭要尋一句酬對竟不能得乃自嘆曰畫餅不可充飢屢乞祐說破祐曰我若說似汝汝已後罵我去我說底是我底終不干汝事閑遂將平昔所看文字燒却曰此生不學佛法

也。且作箇長行粥飯僧。免役心神。乃泣辭祐。直過南陽觀。慧忠國師遺跡。遂憩止焉。一日。芟除草木。偶拋瓦礫。擊竹作聲。忽然省悟。歸沐浴焚香。遙禮馮山。讀曰和尚大慈。恩踰父母。當時若爲我說。破何有今日之事。乃有頌曰。一擊忘所知。更不假修持。動客揚古路。不墮悄然機。處處無蹤跡。聲色外威儀。諸方達道者。咸言上上機。祐聞得。謂慧寂曰。此子徹也。寂曰。此是心機。意識著述。得成待某甲親自勘過。寂後見閑。謂曰。和尚讚嘆師弟發明大事。你試說看。閑舉前頌。寂曰。此是夙習記持而成。若有正悟。別更說看。閑曰。去年貧。未是貧。今年貧。始是貧。去年貧。猶有卓錫之地。今年貧。雖也無寂。曰。如來禪。許師弟會。祖師禪。未夢見在。閑又曰。我有一機。瞬目視伊。若人不會。別喚沙彌。寂乃報祐曰。且喜閑師弟會祖師禪也。一日。同寂侍立。次祐曰。過去未來。現在。在佛。佛道。同人人得。箇解脫路。寂曰。如何。是人人解脫路。祐顧閑曰。寂子。借問。何不答伊。閑曰。若道過去未來。現在。在智。閑却有箇祇對處。祐曰。子作麼。祇對閑珍重。便出。祐問寂曰。

智閑怎麼祇對還契寂子也。無寂曰。不契。祐曰。子又作麼。生寂亦珍重。出去。祐呵呵大笑曰。如水乳合一。日祐睡次。寂來問訊。祐便回面向壁。寂曰。和尚何得如此。祐乃起曰。我適來得一夢。你試爲我原看。寂取一盆水與祐洗面。少頃。閑亦來問訊。祐曰。我適來得一夢。寂子爲我原了。汝更與我原看。閑乃點一碗茶來。祐曰。二子見解。過於鶩子。閑後住鄂州香嚴。

已。惟寬禪師住興善寺。

惟寬。衢州祝氏子。十三出家。初習毗尼。修止觀。後參馬祖。得心要。行化於吳越。至鄞陽山。神受戒。元和四年。憲宗詔至闕下。侍郎白居易問曰。旣曰禪師。何以說法。寬曰。無上菩提者。被於身。爲律。說於口。爲法。行於心。爲禪。應用有三。其致一也。譬如江淮河漢。在處立名。雖不一。水性無二。律卽是法。法不離禪。云何於中妄起分別。曰。旣無分別。何以修心。曰。心本無損傷。云何要修理。無論垢與淨。一切勿念起。曰。垢卽不可念。淨無念可乎。寬曰。如人眼睛上一物。不可住。金屑雖珍寶。在眼亦爲病。曰。無修無念。又何異凡夫。曰。

凡夫無明二乘執著離此二病是曰眞修眞修者不得勤不得忘勤卽近執著忘卽落無明此爲心要云爾僧問道在何處寬曰祇在目前曰我何不見寬曰汝有我故所以不見曰我有我故卽不見和尚還見否寬曰有汝有我展轉不見曰無我無汝還見否曰無汝無我阿誰求見○白居易字樂天官中大夫太子少傅捨宅爲香山寺因號香山居士久參佛光如滿得心法兼稟大乘金剛戒復受凝禪師八漸之目曰觀曰覺曰定曰慧曰明曰通曰濟曰捨居易曰至哉八言實無生忍觀之漸門也故自觀至捨次而贊之謂之八漸偈一以心中眼觀心外相從何而有從何而喪觀之又觀則辨眞妄二惟眞常在爲妄所蒙眞妄苟辨覺生其中不離妄有而得眞空三眞若不滅妄卽不起六根之源湛如止水是爲禪定乃脫生死四專之以定定猶有繫濟之以慧慧則無滯如珠在盤盤定珠慧五定慧相合合而後明照彼萬物物無遁形如大圓鏡有應無情六慧至乃明明則不昧明至乃通通則無礙無礙者何變化自在七通力不

常應念而變變相非有隨求而見是大慈悲以一濟萬八衆苦既濟大悲亦捨苦既非眞悲亦是假是故衆生實無度者偶不學空門法老病何緣了未得無生心白頭亦爲天我聞浮圖教中有解脫門置心如止水視身如浮雲抖擻垢穢衣度脫生死輪胡爲戀此苦不去猶逡巡廻念發弘願願此見在身但受過去報不結將來因誓以智慧水永洗煩惱塵不將恩愛子更種悲憂根亦曾登玉陛舉錯多紕謬至今金闕籍名姓獨遺漏亦曾燒大藥消息乖火候至今殘丹砂乾枯不成就行藏事兩失憂惱心交鬪化作顛顛翁拋身在荒陬坐看老病逼須得醫王教惟有不二門其間無夭壽儒教重禮法道家養神氣重禮足滋彰養神多避忌不如學禪定中有甚深味曠廓了如空澄凝勝於睡屏除默默念銷盡悠悠思春無傷春心秋無感秋淚坐成眞諦樂如受空王賜既得脫塵勞兼應離慚愧但要前程滅何妨外相同雖過酒肆上不離道場中絃管聲非實花鈿色自空何人知此義惟有淨名翁



庚寅于頓居士參道通禪師

道通嗣法馬祖住唐州紫玉山于頓問如何是黑風吹其船。師漂墮羅刹鬼國。通曰。于頓這客作。漢問恁麼事。作麼。頓當時失色。通乃指曰。這箇便是。漂墮羅刹鬼國。頓聞信。受又問佛法至理。乞師一言。通曰。佛法至理。須去其情理。頓曰。便請和尚去其情理。通曰。便請問來。頓曰。如何是佛。通喚相公。頓應諾。通曰。更莫別求頓字。允元代人。

○于頓居士參惟儼禪師

惟儼聞道。通答于頓問佛話。乃曰。噫。可惜于家漢。生埋向紫玉山中。頓聞即謁儼。儼問曰。聞相公在紫玉山中。大作佛事。是否。頓曰。不敢承聞。有語相救。今日特來。曰。有疑。但問。頓曰。如何是佛。儼召于頓。頓應諾。儼曰。是甚麼。頓於此有省。○盧士衍字源一。登仕籍。左官建州。遇異人。密授心契。冥失所在。其子積歲窮索。無所得。元和中。元微之拜張中丞於湘潭。適士衍在座。即日詣所舍。東寺一見。相笑盡得本末。元贈以詩云。盧師深話出家緣。繇剌盡心花。始剃頭。馬哭青山。

別車匿。鵲飛螺髻。見羅睺。還來舊日。經行處。似隔前身。夢寐遊。爲向八龍兄弟。說他生緣。會此生休。

○惟儼禪師傳法德誠

德誠參惟儼。儼問曰。汝名什麼。曰。名德誠。儼曰。德誠。又成得什麼。誠曰。家園喪盡。渾無路。儼曰。德誠。聲誠。擬對儼。以手掩誠口。誠因有省。遽云。噯。儼曰。子作什麼。誠曰。陋質不堪。紅粉施儼。曰。子以後上無片瓦。下無錐地。大闡吾宗。自此韜光衆底。

○李翱居士參惟儼禪師

李翱字習之。趙郡人。刺朗州。慕惟儼道。風入山躬謁儼。執經卷不顧。翱拂袖曰。見面不如聞名。儼呼曰。太守何得貴耳賤目。翱回拱謝。問曰。如何是道。儼以手指上下曰。會麼。曰。不會。儼曰。雲在青天水在瓶。翱欣然答以偈曰。鍊得身形似鶴形。千株松下兩函經。我來問道無餘說。雲在青天水在瓶。又問如何是戒定慧。儼曰。貧道這裏無此閑家具。翱罔測。儼曰。太守欲保任此事。直須向高山頂上。深深海底行。闍闍中物。捨不得。便爲滲漏。

即平龍蘊居士寓襄陽鹿門

龍蘊自傳心印機如掣電諸方憚之嘗謁惟嚴嚴問一乘法中還著得這箇事麼蘊曰只了日求升合不知還著得這箇事麼嚴曰道居士不見石頭得麼蘊曰拈一放一不是好手嚴曰老僧主持事繁蘊珍重便出嚴曰拈一放一是老僧蘊曰好箇一乘問宗今日失却也嚴曰是是蘊盤桓既久遂辭嚴嚴命十禪客相送時值雪下蘊乃指空中雪曰好雪片片不落別處有全禪客曰落在甚處蘊遂與一掌全曰也不得草草蘊曰怎麼稱禪客閻羅老子未放你去在全曰居士作麼生蘊又打一掌曰眼見如盲口說如啞元和初蘊方寓襄陽樓止嚴寶時州牧于頔得蘊篇深如慕異乃伺便就謁如宿善友往來無間蘊嘗有偈曰但自無心於萬物何妨萬物常圍遶鐵牛不怕師子吼恰似木人見花鳥木人本體自無情花鳥逢人亦不驚心境如如祇箇是何慮菩提道不成又曰莫求佛兮莫求人但自心裏莫貪真貪真寢病前頭盡便是如來的親內無垢兮外無塵中間豁達無

關津神無障礙居三界恰似瑠璃處日輪又曰心王若解依真智一切有無俱遣棄身隨世流心不流夜來眼睡心不睡天堂地獄總無情任運幽玄到此地又迷時愛欲心如火心開悟理火成灰灰火本來同一體當知妄盡即如來又十方同一等此是真如等裏有無量壽本來無名字凡夫不入理心緣世上事乞錢買瓦木蓋他虛空地却被六賊驅背却真如智終日受艱辛妄想圖名利如此學道人累劫終不至又讀經須解義解義始修行若能依義學即入涅槃城讀經不解義多見不如盲緣文廣占地心牛不肯耕田田總是草稻從何處生又心王不了事遮莫向名山縱令見佛像實以不相關猿猴見水月捉月始知難又說事滿天下入理實無多常被有爲縛何日見彌陀又無求勝禮佛知足勝持齋本自無薪火何勞更拾柴又心如境亦如無實亦無虛有亦不管無亦不拘不是聖賢了事凡夫

甲慧寂參如會禪師  
如會始興曲江人馬祖注湖南東寺常患門徒誦祖

卽心卽佛之談不已。謂佛於何住而曰卽心心如畫師而曰卽佛遂示衆曰心不是佛智不是道。剎去遠矣。爾方刻舟。一日慧寂來參。會問汝是甚處人。曰廣南人。會曰我聞廣南有鎮海明珠。是否。曰是。會曰此珠如何。曰黑月卽隱。白日卽現。會曰還將得來也。無曰將得來。會曰何不呈似老僧。寂叉手近前曰。昨到瀉山亦被索此珠。直得無言可對。無理可伸。會曰眞師子兒。善能哮吼。寂禮拜了。却入客位。具威儀。再上人事。會纔見乃曰。已相見了也。寂曰恁麼相見。莫不當否。會歸方丈。閉却門。寂歸舉似靈祐。祐曰寂子是甚麼心。行寂曰若不恁麼爭識得他。

○隱峰禪師到瀉山

隱峰到瀉山。於上板頭解放衣鉢。靈祐聞師叔到。元具威儀下堂內相看。峰見來。便作臥勢。祐便歸方丈。峰乃發去。少間祐問侍者。師叔在否。曰已去。祐曰去時有甚麼語。曰無語。祐曰莫道無語。其聲如雷。

○百丈懷海禪師示寂馬祖一法嗣

懷海住百丈。以禪宗肇自少室。乃至曹溪。多寄居律

寺說法。住持未有規度。遂嘆曰。若欲祖道傳布不泯者。豈當與諸小乘教爲隨行耶。於是創立禪居。凡具道眼有可尊之德者。號曰長老。旣爲化主。卽處方丈。不立佛殿。惟樹法堂。學衆無多。寡盡入僧中。依夏次安排。設長連床。臥必斜枕。床脅右脇吉祥而睡。徐入室。請益任學者。勤怠或上或下。不拘常准。其闔院大衆。朝參夕聚。長老上堂陞座。主事徒衆。鴈立側聆。賓主問酬。激揚宗要。齋粥二時。隨衆均徧。行普請法。置十務寮舍。每用首領一人。管多人。令各司其局。或有假號竊形。混於清衆。并別致喧撓之事。卽維那簡舉。抽下本位。掛搭擯令出院。或彼有所犯。卽以拄杖杖之。集衆燒衣鉢。道具遣逐。從偏門而出。以示耻辱。海雖臘高。凡作務執勞。必先於衆主者。不忍密收作具。海曰。吾無德。爭合勞於人。偏求不獲。則亦不食。故有一日不作。一日不食之語。元和九年正月十七日示寂。壽九十五。勅諡大智塔曰大寶勝輪。

丙 道林禪師傳法會通

道林自傳法欽心印。還至孤山永福寺。有辟支佛塔。

時道俗共爲法會。林振錫而入。韜光法師問曰。此之法會。何以作聲林。曰。無聲。誰知是會。後見秦望山長松盤屈如蓋。遂棲止其上。故謂之鳥窠。禪師復有鵲巢其側。自然馴狎。亦目爲鵲巢。和尚有六宮使。吳元卿者。杭州人。敏悟絕人。憲宗殊喜之一日。在昭陽宮。見花卉敷榮。賞玩徘徊。倏聞空中有聲。曰。虎幻之相。開謝不停。能壞善根。仁者安可嗜之。卿猛省志脫塵俗。哀懇於帝。遂得還家。因韜光謁林曰。弟子七歲蔬食。十一受五戒。今年二十二。特爲出家。故而休官。願和尚授與僧相。林曰。今時爲僧。鮮有精苦者。行多浮蓋。卿曰。本淨非琢磨。元明不隨照。林曰。汝若了淨智妙圓體。自空寂。卽眞出家。何假外相。汝當爲在家菩薩。戒施俱修。如孫許之流也。卿曰。理雖如是。然非本志。尙蒙攝受。則誓遵師教。如是三請。皆不諾。光勸曰。宮使未嘗娶。亦不畜侍女。禪師若不攝受。其誰度之。林乃與披剃具。戒法號會通。晝夜精進。誦大乘經。習安般三昧。忽一日。欲辭遊方。林問汝將何往。曰。會通爲法出家。和尚不垂慈誨。今往諸方學佛法去。林曰。

若是佛法。吾此間亦有少許。曰。如何是和尙佛法。林於身上拈起布毛吹之。通遂悟立。言時號布毛侍者。云。通後住招賢武宗廢教。入山深遯。莫知所終。

○隱峰禪師入寂馬祖一法嗣

隱峰邵武軍鄧氏子。幼若不慧。父母聽其出家。屢參馬祖。石頭法席。嘗問。希遷如何得合道去。遷曰。我亦不合道。峰曰。汝被這箇得多少。時耶遷割草。次峰在左側叉手而立。遷飛剗子向峰前。剗一株草。峰曰。和尚祇剗得這箇。不剗得那箇。遷提起剗子。峰接得。便作剗草勢。遷曰。汝祇剗得那箇。不解剗得這箇。峰無對。後於馬祖言下相契。元和中。薦登五臺路。出淮西。屬吳元濟阻兵。兩軍交鋒。未決勝負。峰曰。吾當少解其患。乃擲錫空中。飛身而過。兩軍將士仰觀。事符預夢。闕心頓息。峰旣顯異。慮成惑衆。遂入五臺。於金剛窟前。將示滅。問衆曰。諸方遷化。坐去。臥去。吾嘗見之。還有立化也。無曰。有曰。還有倒立者。否。曰。未嘗見有。峰乃倒立而化。亭亭然。其衣順體。時衆議昇就茶毗。屹然不動。遠近瞻觀。驚嘆無已。峰有妹爲尼。時亦在。

彼乃拊而咄曰。老兄曠昔不循法律。死更熒惑於人。於是以手推之。償然而踣。遂就閻維。收舍利建塔。

丁觀世音菩薩示現陝西

是時佛法大行。獨陝右習騎射。喜戡闢。度聞三寶之名。元和丁酉。金沙灘上有美艷女子。挈籃鬻魚。人競欲室之。女曰。我無父母。又鮮兄弟。亦欲有所歸。然不好世財。但得聰明賢善男子。能誦我所持經。則願以身事。遂授普門品。約一夕便誦徹。明日誦徹者二十餘輩。女曰。一身豈堪配若等耶。可更別誦。遂易以金剛經。明日誦徹者猶十數。更授法華經七卷。約三日誦徹。至期。惟馬氏子能。女曰。君既能過衆人。可白汝父母。具媒妁。禮然後成姻。蓋生人大節。豈同猥巷苟合者乎。馬氏如約。具禮迎至其家。甫入門。女曰。適體中不佳。俟少安。與君相見。未晚也。馬氏子如其言。安置別室。客未散。而女命終已。而壞爛。馬氏無如之何。遂卜地塋之。未數日。有老僧紫伽黎。容貌古野。仗錫來謁。自謂向女子之親。馬氏引至塋所。隨觀者甚衆。老僧以錫杖撥開。見其尸。以化。惟金鎖子骨存焉。

就河浴之。挑骨於錫上。高聲呼曰。大衆此聖者。憫汝等障重纏。愛故垂方便。教化汝耳。宜思善。因免墮苦海。言訖。飛空而去。大衆見之。無不悲泣瞻拜。自是陝右奉佛者衆。時謂觀音大士化身。

○惟寬禪師入寂馬祖一法嗣

惟寬住京兆興善寺。元和十二年二月晦日。陞堂說法。訖。遂歸寂。勅諡大徹。

戊戌鵝湖山大義禪師入寂馬祖一法嗣

大義住鵝湖。元和十三年正月七日。示寂。壽七十四。諡慧覺塔曰。見性義。衢州須江人。姓徐氏。

○五洩山靈默禪師入寂馬祖一法嗣

靈默住五洩。元和戊戌三月二十三日。沐浴焚香。端坐告衆曰。法身圓寂。示有去來。千聖同源。萬靈歸一。吾今漚散。胡假興哀。無自勞神。須存正念。若遵此命。眞報吾恩。倘固違言。非吾之子。時有僧問。和尚向甚處去。默曰。無處去。曰。某甲何不見默。曰。非眼所覩。言畢。奄然而化。壽七十二。臘四十一。默毗陵宣氏子。

○天王寺道悟禪師入寂馬祖一法嗣



道悟住荊南城中府西天王寺。號天王師。居常自稱云。快活快活。元和戊戌四月初。示疾。十三日。口稱苦。苦。又云。闍羅王來取我也。院主問曰。和尚當時被節。使拋入水中。神色不動。如今何得恁麼地。悟舉枕头。云。汝道當時是如今是。院主無對。便擲下枕头而逝。年八十二。夏六十三。嗣法一人。龍潭崇信。信傳德山。戶部侍郎丘玄素撰碑。

已韓愈參寶通禪師

初唐憲宗聞鳳翔府法雲寺護國真身塔有佛指骨。相傳三十年。一開。開則歲豐。人安。來年應開。遂於元和十四年正月。遣中使帥僧衆往迎。至京。留禁中供養三日。五色光現。百僚稱賀。二月。乃歷送諸寺王公士民。瞻奉。捨施。惟恐弗及。刑部侍郎韓愈上表切諫。帝大怒。將抵極刑。宰相裴度崔群皆爲哀請。遂貶潮州刺史。到郡之初。上表勸帝東封泰山。久而無報。鬱鬱不樂。聞郡有禪師寶通。道德名重。以書招之。三請而至。見通言論超勝。愈已心折。留數十日。或入定數日。方起。愈益敬焉。通辭去。愈因祀神海上。乃登靈山。

造通之廬。問曰。弟子軍州事煩。佛法省要處。乞師一語。通良久。愈問措時。義忠爲侍者。乃敲禪床三下。通曰。作麼。忠曰。先以定動。後以智拔。愈乃曰。和尚門風高峻。弟子乃於侍者處得箇入路。又一日。相訪問通。春秋多少。通提起數珠曰。會麼。曰。不會。通曰。晝夜一百八。愈不曉。遂回。次日再來。至門前。見首座舉前話。問意旨如何。首座扣齒三下。及見通。理前問。通亦叩齒三下。愈曰。元來佛法無兩般。通曰。見何道理。愈曰。適來問首座。亦如是。通乃召首座。是汝如此對否。曰。是。通便打趣出院。秋八月。帝與宰臣語。次因及愈。有可憐者。遂授袁州刺史。復造通廬。留衣二襲而別。○漳州三平義忠。初參石鞏慧藏。藏嘗張弓架箭。接機忠詣法席。藏曰。看箭。忠乃撥開胸曰。此是殺人箭。活人箭。又作麼。生藏彈弓。弦三下。忠乃禮拜。藏曰。三十年張弓架箭。祇得半箇聖人。遂拗折弓箭。後參寶通。舉前話。通曰。既是活人箭。爲甚麼向弓弦上辨忠。無對。通曰。三十年後。要人舉此話也。難得忠曰。不用指東劃西。便請直指。通曰。幽州江口石人。蹲忠曰。猶

是指東劃西通曰若是鳳凰兒不向那邊討忠作禮  
通曰若不得後句前話也難圓○孟簡字幾道平昌  
人舉進士官尚書素好佛嘗答韓愈書曰來示積善  
積惡殃慶自以類至此釋氏辨之精詳昔者迦文爲  
大士言六度爲中根言十二因緣爲小根言四聖諦  
又言依法不依人不過大明積惡之根源覈天下神  
道報應之微細皎然言善惡之異路使人人自畏惡  
修善奈何以愚人下里翁媼之情見待之耶

庚子陽岐山甄叔禪師入寂

馬祖一法嗣

甄叔住陽岐四十餘年示衆群靈一源假名爲佛體  
揭形銷而不滅金流朴散而常存性海無風金波自  
湧心靈絕兆萬象齊昭體斯理者不言而徧歷沙界  
不用而功益玄化如何背覺反合塵勞於陰界中妄  
自囚執元和庚子正月歸寂茶毗獲舍利七百粒

○天然禪師住丹霞山

元和庚子春天然告門人曰吾思林泉終老之所時  
門人令齊靜方卜南陽丹霞山結菴奉事三年間學  
者至盈三百上堂今時學者紛紛擾擾皆是參禪問

道吾此間無道可修無法可證一飲一啄各自有分  
不用疑慮若識得釋迦只這凡夫是須自看取莫一  
盲引衆盲相將入火坑又曰佛之一字永不喜聞

辛丑希運禪師開法黃檗山

長慶元年希運住黃檗開堂說法一日大衆雲集乃  
曰汝等諸人欲何所求以拄杖趁之大衆不散運却  
復坐曰汝等諸人盡是噇酒糟漢恁麼行脚取笑於  
人但見八百一千人處便去不可圖他熱鬧也老漢  
行脚時或遇草根下有一箇漢便從頂門上一錐看  
他若知痛痒可以布袋盛米供養他總是如此容易  
何處更有今日事也汝等旣稱行脚亦須著些精神  
好還知道大唐國裏無禪師麼時有僧問諸方尊宿  
盡聚衆開化爲甚麼却道無禪師運曰不道無禪祇  
是無師又曰闍黎不見馬大師下有八十四人坐道  
場得馬師正法眼者止兩三人廬山歸宗和尚是其  
一夫出家人須知有從上來事分始得且如四祖下  
牛頭橫說豎說猶未知向上關楸子有此眼目方辨  
得邪正宗黨且當人事宜不能體會得但知學言語

念向皮袋裏安著到處稱我會禪還替得汝生死麼輕忽老宿入地獄如箭我纔見汝入門來更識得也還知麼急須努力切莫容易

壬汾州無業禪師入寂馬祖一法嗣

無業住汾州唐憲宗屢遣使徵召皆辭疾不起暨穆宗卽位思一瞻禮長慶二年命兩街僧錄靈臈齋詔迎業赴闕阜至宣詔畢作禮而言曰皇上此度恩旨不同願師起赴無以他詞固却也業微笑曰貧道何德累煩人主且請前行吾從別道去矣乃澡身削髮至中夜告弟子惠愔等曰汝等見聞覺知之性與太虛同壽不生不滅一切境界本自空寂無一法可得迷者爲不了故卽被境界一爲迷惑流轉不窮汝等當知心性本自有之非因造作猶如金剛不可破壞一切諸法如影如響無有實者經云惟此一事實餘二則非眞常了一切空無一法當情是諸佛用心處汝等勤而行之言訖端坐而逝茶毗日祥雲五色異香四徹所獲舍利璨若殊玉阜回奏其事帝欽嘆久之勅諡大達國師塔曰澄源

○宣鑒參崇信禪師

宣鑒荆南周氏子蚤歲出家受具博究律藏於性相諸經貫通言趣嘗講金剛經時謂之周金剛後聞南方禪帝煩盛鑒氣不平乃曰出家兒千劫學佛威儀萬劫學佛細行不得成佛南方魔子敢言直指人心見性成佛我當撲其窟穴滅其種類以報佛恩遂擔青龍疏鈔出蜀主漫陽路上見一婆子賣餅因息肩賣餅點心婆指擔曰這箇是什麼文字鑒曰青龍疏鈔婆曰講何經鑒曰金剛經婆曰我有一問你若答得施與點心若答不得且別處去金剛經道過去心不可得現在心不可得未來心不可得未審上座點那箇心鑒無語婆遂指令云參崇信鑒往龍潭至法堂曰久嚮龍潭及乎到來潭又不見龍又不現信於昇風後引身曰子親到龍潭鑒無語遂棲止焉

○白居易居士參道林禪師

白居易出守杭州長慶二年因入山謁道林見林棲止巢上問曰禪師住處甚危險林曰太守危險尤甚居易曰弟子位鎮江山何險之有林曰薪火相交識

性不停得非險乎。居易又問如何是佛法大意。林曰：諸惡莫作，衆善奉行。居易曰：三歲孩兒也，解恁麼道。林曰：三歲孩兒雖道得，八十老人行不得。居易又以偈問曰：特入空門問苦空，敢將禪事叩禪翁。爲當夢是浮生事，爲復浮生是夢中。林答曰：來時無跡去無踪，去與來時事一同。何須更問浮生事，只此浮生是夢中。居易作禮而退。

○希運禪師傳法道明

道明，江南陳氏之後生。時紅光滿室，祥雲蓋空。旬日方散，目有重瞳，面列七星，形相奇特，秀出人表。因入寺禮佛，見僧如故，知歸白父母，願求出家。父母許爲僧，後持戒精嚴，學通三藏，遊方契旨於希運。諸方歸慕，咸以尊宿稱。後居開元，恒織蒲鞋賣以養母。故復有陳蒲鞋之稱。巢寇入境，明標大草屨於城門，巢欲棄之，竭力不能舉，歎曰：睦州有大聖人，捨城而去。

癸 崇信禪師傳法宣鑒

宣鑒參崇信一夕，侍立。次信曰：更深何不下去鑒。便揭簾而出，見外面黑，却回曰：門外黑，信點紙燭度與。

鑒鑒擬接信，便吹滅鑒，豁然大悟。禮拜信曰：子見箇甚麼。鑒曰：某甲從今後去，更不疑天下老和尚舌頭也。至來日，信陞座曰：可中有箇漢，牙如劍，樹口似血盆，一棒打不同頭。他時向孤峰頂上立，吾道去在。鑒遂取疏鈔於法堂前，舉火炬曰：窮諸玄辨，若一毫置於太虛，竭世樞機，似一滴投於巨壑，遂焚之。

○東寺如會禪師入寂馬祖一法嗣

如會住湖南東寺，學徒甚衆。僧堂床榻爲之陷折，時稱折床會。相國崔群出爲湖南觀察，使見會，問曰：師以何得曰見性得時。會方病，眼群曰：旣云見性，其柰眼何。曰：見性非眼，眼病何害。群稽首謝之。長慶三年八月十九日歸寂，壽八十。諡傳明塔曰永際。

○宣鑒謁靈祐禪師

宣鑒禮辭崇信，直抵潯山，挾複子上法堂。從西顧東，從東顧西，顧視方丈曰：有麼。有麼。靈祐坐次，殊不顧盼。鑒曰：無無，便出。至門首，乃曰：雖然如此，也不得草草。遂具威儀，再入相見。纔跨門，提起坐具曰：和尚祐擬取拂子鑒，便喝拂袖而出。祐至晚問首座今日新。

到僧何在座曰當時背却法堂著草鞋出去也祐曰此子已後向孤峰頂上盤結草菴呵佛罵祖去在

甲鳥窠道林禪師入寂徑山欽法嗣

道林棲止鳥窠名聞諸方長慶四年二月十日告侍者曰吾今報盡言訖坐亡壽八十四臘六十三

○丹霞天然禪師入寂石頭遷法嗣

天然住丹霞有曾到參於山下見然便問丹霞山向甚麼處去然指山曰青黯黯處曰莫只這箇便是麼然曰眞師子兒一撥便轉長慶四年六月二十三日告門人曰備湯沐浴吾欲行矣乃頂笠策杖受履垂一足未及地而化壽八十六勅諡智通塔號妙覺

○神贊禪師住古靈

神贊福州人於本州大中寺受業後行脚遇百丈開悟却回受業本師問曰汝離吾在外得何事業贊曰並無事業遂遣執役一日因澡身命贊去垢贊乃拈背曰好所佛堂而佛不聖本師回首視之贊曰佛雖不聖且能放光本師又一日在窓下看經蜂子投窓紙求出贊視之曰世界如許廣闊不肯出鑽他故紙

驢年去遂有偈曰空門不肯出投意也太癡百年鑽故紙何日出頭時本師置經問曰汝行脚遇何人吾前後見汝發言異常贊曰某甲蒙百丈和尚指箇歇處今欲報慈德耳本師於是告衆致齋請贊說法贊乃登座舉唱百丈門風曰靈光獨耀迴脫根塵體露眞常不拘文字心性無染本自圓成但離妄緣卽如如佛本師於言下感悟曰何期垂老得聞極則事贊後住本州古靈聚徒數載臨遷化剃浴聲鐘告衆曰汝等諸人還識無聲三昧否衆曰不識贊曰汝等靜聽莫別思惟衆皆側聆贊儼然順寂

丙希運禪師傳法義玄

義玄曹州南華刑氏子幼負出塵之志及落髮進具便慕禪宗初在黃檗希運會下行業純一時道明爲第一座問玄曰上座在此多少時曰三年明曰曾參問否曰不曾參問不知問箇甚麼明曰何不問堂頭和尚如何是佛法的大意玄便去問聲未絕運便打玄下來明曰問話作麼生曰義玄問聲未絕和尚便打玄不曉明曰但更去問玄又問運又打如是三



度問三度被打。乃謂明曰。蚤承激勸。問法累蒙和尚。賜棒。自恨障緣。不領深旨。今且辭去。明日汝若去。須辭和尚。立禮拜。退明先到。運處曰。問話上座。雖是後生。却甚奇特。若來辭。願方便接伊。已後爲一株大樹。覆蔭天下人。去在立來曰。辭運。運曰。不須他去。祇往高安灘頭參大愚。必爲汝說。立到大愚。愚曰。甚處來。曰。黃檗來。愚曰。黃檗有何言。句曰。某甲三度問佛法。的的大意。三度被打。不知某甲有過。無過。愚曰。黃檗與麼老婆心切。爲汝得微困。更來這裏問。有過。無過。立於言下大悟。乃曰。元來黃檗佛法無多子。愚擲住曰。這尿床鬼子。適來道有過。無過。如今却道黃檗佛法無多子。你見箇甚麼道理。速道。速道。立於愚肋下。築三拳。愚拓開曰。汝師黃檗非干我事。立乃辭回。黃檗運見。便問。這漢來來去去。有甚了期。立曰。祇爲老婆心切。便人事了。侍立。運問。甚處去來。立曰。昨蒙和尚慈旨。令參大愚去來。運曰。大愚有何言。句。立學前話。運曰。大愚老漢。饒舌。待來痛與一頓。立曰。說甚待來。即今便打。隨與運一掌。運曰。這風顛漢來。這裏將

虎鬚立便喝。運喚侍者曰。引這風顛漢參堂去。

○圭峰宗密禪師至京

宗密果州何氏子。髫髻通明。儒典弱冠。將赴舉。見道圓遽落髮。受具。一日讀圓覺經。感悟流涕。圓曰。此佛授汝耳。汝當大弘圓頓之教。因令徧參。謁荆南惟忠。忠曰。傳教人也。復謁洛陽神照。照曰。菩薩中人也。抵襄陽。得清涼澄觀。華嚴疏於病僧處。夙未經目。卽爲衆講。說聽者雲集。遂詣觀。執弟子禮。觀曰。毗盧華藏。能隨我遊者。其汝乎。密預觀室。日臻立奧。住鄆縣草堂。未幾住終南圭峰。太和年間。徵至都。天子而下。悉歸慕。參扣相國裴休。獨稱入室。

丁未善信禪師入寂馬祖一法嗣

善信隆興張氏子。參馬祖。密契心要。寶曆二年。居隨州大湖山。側時當亢旱。鄉人張武陵具羊豕以祈。湖龍信見而悲之。曰。害命濟命。重增乃罪。可且勿殺。少須三日。吾爲爾祈。信卽入山。北之巖穴。宴坐冥禱。雷雨大作。數月武陵迹而求之。信方在好。遂施其山。興建精舍。丁未五月二十九日。語龍神曰。吾前以身代

性輟汝血食。今捨身償汝。可享我肉。卽引刀截右膝。復截左膝。門人奔持其刀。白液涌流。儼然入寂。

戊申 良价參普願禪師

良价會稽俞氏子。幼歲從師。念心經。至無眼耳鼻舌身意處。忽以手捫面門。問師曰。某甲有眼耳鼻舌等。何經言無其師。駭然曰。吾非汝師。卽指往五洩禮靈默披剃。年二十一。受具戒。遊友路逢二婆。擔水。价索水飲。婆曰。水不妨。飲。婆有一問。須先問過。且道。水具幾塵。价曰。不具諸塵。婆曰。去母汚我水。擔遂首謁普願。值馬祖諱辰。修齋。願問衆曰。來日設馬祖齋。未審馬祖還來否。衆皆無對。价出曰。待有伴卽來。願曰。此子雖後生。甚堪雕琢。价曰。和尚莫壓良爲賤。

○良价參龍山

良价與僧密行。脚見溪流。菜葉价曰。深山無人。因何有菜。隨流。莫有道人。居否。乃相與撥草。溪行五七里。間忽見一老僧。羸形異貌。价與密放下行李。問訊。老僧曰。此山無路。闍黎從何處來。价曰。無路。且置。和尚從何而入。曰。我不從雲水來。价曰。和尚住此山多少。

時耶曰。春秋不涉。价曰。和尚先住此山。先住曰。不知价曰。爲甚麼不知。曰。我不從人天來。价曰。和尚得何道理。便住此山。曰。我見兩箇泥牛。鬪入海。直至於今。絕消息。价始具威儀。禮拜。便問。如何是主。中賓曰。青山覆白雲。价曰。如何是賓。主曰。長年不出戶。价曰。賓主相去幾何。曰。長江水上波。价曰。賓主相見有何說。曰。清風拂白月。价辭退。老僧乃述偈曰。三間茅屋。從來住。一道神光萬境閑。莫把是非來辨我。浮生穿鑿不相關。又曰。一池荷葉衣無數。滿地松花食有餘。剛被世人知住處。又移茅屋入深居。因燒菴。不知所如。老僧卽龍山受心印。於馬祖又稱隱山。

○藥山惟嚴禪師入寂

石頭遷法嗣

惟嚴嘗一夜登山。經行忽雲開。見月大笑。一聲應。澄陽九十里。許居民盡謂東家明晨送相。推問直至藥山。徒衆曰。昨夜和尚山嶺大笑。李翱贈詩曰。選得幽居愜野情。終年無送亦無迎。有時直上孤峰頂。月下披雲笑一聲。戊申十二月六日。臨示寂。叫曰。法堂倒。衆皆持柱撐之。嚴舉手曰。子不會我意。乃曰。

乘郵而行及暮而息未有久行而不息者遂告寂壽八十四臘六十敕諡弘道大師塔曰化城

○希運禪師記荊義玄

義玄在黃檗一日栽松次希運曰深山裏栽許多松作甚麼玄曰一與山門作境致二與後人作標榜道了將鐵頭壓地三下運曰雖然如是子已喫吾三十棒了也玄又壓地三下噓一噓運曰吾宗到汝大興於世一日爲運馳書到潯山時慧寂作知客接待書便問這箇是黃檗底那箇是事使底玄便掌寂約住曰老兄知是般事便休同去見靈祐未幾辭祐歸寂送出云汝向後北去有箇住處玄曰豈有與麼事寂曰但去已後有一人佐輔老兄在此人只是有頭無尾有始無終懸記普化玄後到鎮州化一日玄坐半已在彼玄出世化實贊之夏忽上黃檗山見運看經玄曰將謂是箇人元來是俺黑豆老和尚住數日乃辭運曰汝破夏來何不終夏去玄曰某甲暫來禮拜和尚運便打趂令去玄行數里疑此事却回終夏後又辭運運曰甚處去玄曰不是河南便歸河北運便打玄約住與一掌運大笑

乃喚侍者將百丈先師禪板几案來玄曰侍者將火來運曰不然子但將去已後坐斷天下人舌頭去在已善會參德誠禪師

德誠蜀東武信人得法後謂宗智曇晟曰公等各據一方建立藥山宗旨予率性疎野惟好山水樂情自遣無所能也他日知我所止之處有靈利座主指一箇來或堪琢磨將授平生所得以報先師之恩遂分携至嘉禾上一小舟常泛吳江朱涇日以綸釣舞棹隨緣而度以接往來時人號爲船子和尙一而泊舟岸邊閑坐有官人問曰如何是日用事誠豎起橈子曰會麼官人曰不會誠曰撥棹清波金鱗罕遇又杏山洪嘗問誠曰如何是道誠曰一亘晴空絕點雲十分清澹廓如秋洪曰恁麼則溢目自全彰清波無透露誠曰霜天月白江澄練堪笑遊魚常自迷洪不契誠舞棹撥船而去有善會者廣州廖氏子初參石樓住京口鶴林一日宗智到鶴林遇其上堂僧問如何是法身會曰法身無相問如何是法眼會曰法眼無瑕智不覺失笑會遙見便下座問智曰適來答這僧

話必有不是。致令上座失笑。不惜慈悲。望爲說破。智曰。和尚一等出世。未有師在。某終不爲說。可往華亭。朱涇船子和尚處去。會曰。此人如何。智曰。此人上無片瓦。蓋頭下無錐地。容足若去。當須易服。會乃依教。直造朱涇。誠便問大德。住某寺。會曰。寺則不住。住則不似。誠曰。不似又不似箇甚麼。曰。不是目前法。非耳目之所到。誠曰。甚麼處學得來。曰。目前無法。意在目前。誠曰。一句合頭語。萬劫繫驢。誠又問。垂絲千尺。意在深潭。離釣三寸。子何不道。會擬對。誠以撓劈口打。會落水。纔出水。誠又曰。道道會擬開口。誠又打。會豁然大悟。乃點頭三下。誠曰。竿頭絲線。從君弄。不犯清波意。自殊會。曰。拋輪擲釣。師意如何。誠曰。絲懸綠水之中。浮定有無之意。會曰。語帶玄而無路。舌欲談而不談。誠曰。釣盡江波。金鱗始遇。會乃掩耳。誠曰。如是如是。遂囑曰。汝向去。直須藏身處。沒踪跡。沒踪跡處。莫藏身。吾二十年在藥山。只明此事。汝今已得他。後不得住。城隍聚落。但向深山裏。鑊頭邊。覓取一箇半箇。無令斷絕。會乃辭行。頻頻回顧。誠遂喚會。闍黎。

會回首。誠豎起橈子曰。汝將謂別有。乃覆舟入水。而近咸通十年。僧藏暉。依藏依覆舟。側建寺。

#### ○慶諸禪師住石霜

慶諸。廬陵陳氏子。生而神俊。標致閑暇。年十三。游南昌西山。師事紹鑾。十年如一日。乃剃髮。受具。時洛下毗尼之學盛。諸晚視講習。良久而去。有勸之者。諸不答。聞湘中有南宗法道。往造潯山。時靈祐席下。萬指諸願。籍名役作勤勞。杵臼間。一日篩米。次祐曰。施主米莫拋撒。諸曰。不拋撒。祐於地上拾得一粒。曰。汝道不拋撒。這箇是甚麼。諸無對。祐又曰。莫輕這一粒。百千粒盡從這一粒生。諸曰。百千粒從這一粒生。未審這一粒從甚麼處生。祐呵呵大笑。歸方丈。至晚上堂。曰。大衆米裏有蟲。諸人好看。後參。宗智問。如何。是觸。曰。菩提智。喚沙彌。沙彌應諾。智曰。添淨瓶水。著良久。却問諸。汝適來問甚麼。諸擬舉。智便起去。諸於是悟。其旨住三夏。出世潭州石霜山。

#### ○曇晟禪師傳法良价

良价。參靈祐。問曰。頃聞南陽忠國師。有無情說法話。

某甲未究其微。祐曰：「關黎莫記得麼？」曰：「記得。」祐曰：「汝試舉一徧看。」价遂舉。祐曰：「我這裏亦有只是罕遇其人。」曰：「某甲未明。」乞師指示。祐豎起拂子曰：「會麼？」曰：「不會。」請和尚說。祐曰：「父母所生口終不爲子說。」曰：「還有與師同時慕道者否？」祐曰：「此去漫陵攸縣石室相連有雲巖道人若能撥草瞻風必爲子之所重。」曰：「未審此人如何？」祐曰：「他曾問老僧學人欲奉師去時如何？」老僧對他道：「直須絕滲漏始得。」他道：「還得不違師旨也？」無老僧道：「第一不得道。」老僧在這裏。价遂辭祐徑造雲巖參曇晟。舉前因緣了。便問：「無情說法甚麼人得聞？」晟曰：「無情得聞。」曰：「和尚還聞否？」晟曰：「我若聞汝卽不聞。」吾說法也。曰：「某甲爲甚麼不聞？」晟豎起拂子曰：「還聞麼？」曰：「不聞。」晟曰：「我說汝尚不聞。」豈況無情說法乎？」曰：「無情說法該何教典？」晟曰：「豈不見彌陀經云：『水鳥樹林悉皆念佛念法。』」价於此有省。乃述偈曰：「也大奇也大奇。無情說法不思議。若將耳聽終難會。眼處聞聲方得知。」价問晟：「某甲有餘習未盡。」晟曰：「汝曾作甚麼來？」曰：「聖諦亦不爲。」晟曰：「還歡喜也？」未曰歡喜。則不無如糞掃堆頭拾得一顆明珠。价遂辭晟。晟曰：「甚麼處去？」曰：「雖離和尚未下所止。」晟曰：「莫湖南去。」曰：「無。」曰：「莫歸鄉去。」曰：「無。」晟曰：「蚤晚却回。」曰：「待和尚有住處卽來。」晟曰：「自此一別難得相見。」曰：「難得不相見。」臨行又問曰：「和尚百年後忽有人問還邈得師真否？」如何？」祇對晟良久。曰：「祇這是。」价乃沉吟。晟曰：「价關黎承當這箇事大須審細。」价猶涉疑。後因過水睹影大悟。前旨有偈曰：「切忌從他覓。迢迢與我疎。我今獨自往處處得逢渠。渠今正是我。我今不是渠。應須麼會方得契。」如如。

辛惟政禪師住聖壽寺

惟政平原周氏子。參嵩山普寂得受心印。遽入太乙山中。學者盈室。太和五年。文宗嗜蛤蜊。沿海官吏先時進疲於供給。一日御饌中有劈不張者。帝以其異卽焚香禱之。乃開見菩薩形。梵相具足。卽貯以金粟檀香合覆。以美錦賜興善寺。令衆僧瞻禮。因問群臣：「此何祥也？」或對太乙山有惟政禪師。深明佛法。遂詔至京問焉。政曰：「物無虛應。此乃啓陛下信心耳。」經



云應以菩薩身得度者。即現菩薩身而爲說法。帝曰。菩薩身已現。未聞說法。故曰陛下親此爲常耶。非常耶。信耶。非信耶。帝曰。非常之事。朕安不信。故曰陛下已聞說法。竟帝大悅。詔天下寺院各立觀音像。以答殊休。因留政於內道場。累辭歸山。詔住聖壽寺。

癸 普岸禪師結菴平田

普岸漢東蔡氏子。得法於百丈。太和年中。調衆曰。吾山水之游。未厭諸人。勿相留滯。天台赤城。道猷曾止華頂石梁。智者降魔將遊之也。自襄陽遷徙。從沃州天姥入天台。西門得平川谷中。一大舍。峯名平田。結茅居之。未幾見虎。乳子。瞪目視岸。岸以杖按其頭曰。登道闢此山。神仙窟宅。羅漢隱居。今欲寄此安禪。檀越勿相驚。繞經宿。虎領子而去。癸丑。衆力營構丈室。成平田院。示衆大道虛曠。惟一真心。善惡勿思。神清物表。隨緣飲啄。更復何爲。

甲 南泉普願禪師示寂 馬祖一法嗣

普願將順世首座。問和尚百年後向甚麼處去。曰。山下作一頭水牯牛去。座曰。某甲隨和尚去。還得也。無

曰。汝若隨我。即須領取一笠草來。願乃示寂。太和八年十二月二十五夜。晨告門人曰。星翳燈幻。其來久矣。勿謂吾有去來也。言訖而逝。壽八十七。臘五十八。

乙 長沙景岑答話

普願化後。僧問景岑。南泉遷化向甚麼處去。曰。東家作驢。西家作馬。僧曰。學人不會。此意如何。曰。要騎即騎。要下即下。又慧然令秀上座問岑。曰。南泉遷化向甚麼處去。曰。石頭作沙彌時。參見六祖。秀曰。不問石頭。見六祖。南泉遷化向甚麼處去。曰。教伊尋思去。秀曰。和尚雖有千尺寒松。且無抽條石筍。岑默然。秀曰。謝和尚答話。岑亦默然。秀回舉似然。曰。若恁麼猶勝臨濟七步。然雖如此。待我更驗看。至明日。然上問承聞和尚昨日答南泉遷化一則語。可謂光前絕後。今古罕聞。岑亦默然。

○道吾宗智禪師入寂 藥山一法嗣

慶諸住石霜。宗智將化。以諸爲正傳。棄其衆從諸。諸迎居正。履行必掖。坐必侍。太和九年九月。智示疾。有苦垂語曰。我心中有一物。久而爲患。誰能爲我除之。

諸曰心物俱非除之益患智曰賈哉賈哉僧衆慰問智曰有受非償子知之乎衆皆愀然越十日將行謂衆曰吾當西邁理無東移言訖告寂閣維得靈骨數片建塔道吾後雷遷於石霜山之陽

丙辰仲興參慶諸禪師

仲興初在道吾爲侍者因過茶與宗智智提起盞曰是邪是正興叉手近前目視智智曰邪則總邪正則總正曰某甲不恁麼道智曰汝作麼生興拿盞子提起曰是邪是正智曰汝不慮爲吾侍者興便禮拜一日侍智往檀越家弔慰興擗胸曰生耶死耶智曰生也不道死也不道曰爲甚麼不道智曰不道不道歸至中路興曰和尚今日須與某甲道若不道打和尚去也曰打卽任打道卽不道興便打智曰汝宜難此去忍知事得知不便興禮辭隱於村院經三年後忽聞童子念觀音經至應以此丘身得度者卽現比丘身忽然大省遂焚香遙禮曰信知先師遺言終不虛發自是我不會却怨先師先師既沒惟石霜是嫡嗣必爲證明乃造謁慶諸諸見便問離道吾後到甚處

來興曰祇在村院寄足諸曰前來打先師因緣會也未興起身進前曰却請和尚道一轉語諸曰不見道生也不道死也不道興乃述在村院得底因緣遂禮拜諸設齋懺悔他日持鉢復到石霜於法堂上從東過西從西過東諸曰作麼興曰覓先師靈骨諸曰洪波浩渺白浪滔天覓甚先師靈骨興曰正好著力諸曰這裏鍼割不入著甚麼力興持鉢肩上便出

○大達法師端甫入寂

端甫姓趙氏秦人初母夢梵僧謂曰當生貴子卽出囊中舍利使吞之及誕所夢僧白晝入室摩頂曰必當大弘教法言訖而滅十歲出家十七受具傳涅槃唯識大義於素法師復夢梵僧告曰三藏大教盡貯汝腹矣自是經律論囊括川注無何謁文殊於清涼衆聖皆現德宗聞其名徵之一見大悅復詔侍皇太子順宗親之若昆弟憲宗數幸其寺常承顧問於是天子益知佛爲大聖人其教有大不可思議事講唯識等經論凡一百六十座日持諸部十餘萬偈指淨土爲息肩之地殿金經爲報法之恩前後供施數十

百萬悉以崇飾殿宇。開成元年六月一日向西右脇而滅。尊容若生異香。彌鬱遺命茶毗得舍利三百餘粒。賜諡大達塔曰玄秘。

丁利蹤禪師住子湖

利蹤澶州周氏子。出家後入南泉之室。抵衢州馬蹄山結茅宴處。開成二年邑人施山下子湖創院以居。蹤於門下立牌曰子湖有一隻狗上取人頭中取人心下取人足。擬議即喪身失命。又示衆天上人間輪迴六道乃至蠢動含靈未嘗於此一分真如中有些子相違處。還信麼。還領受得麼。他古人只見道箇卽心是佛。卽心是法。便承信去。隨處茅茨石室長養聖胎。只待道果成熟。汝今何不效他行取仁者。可煞分明。並無參雜治生產業與諸實相不相違背。又曰汝等苦死向人前討些子聲色唇吻作麼。譬如圓鏡男來男現。女來女現。乃至僧俗青黃山河萬物隨其色相一鏡傳輝。不可是鏡有多般。但能映物而露仁者。還識得鏡未若不識鏡。盡被男女青黃山河萬類等礙汝光明。若識鏡去。乃至青黃男女大地山河有想

無想。四足多足。胎卵情生。天堂地獄。咸於一鏡中悉得其分劑。長短劫數。若色若空。並罷了之。更非他物。大衆光陰箭速。莫漫悠悠大事。因緣決須了取。

戊清涼澄觀國師示寂奉嚴宗

開成三年三月六日澄觀將示寂。謂門人曰。吾聞偶運無功。先聖悼嘆。復實無行。古人耻之。大明不能破長夜之昏。慈母不能保身後之子。當取信於佛。無取信於人。真難玄微。非言說所顯。要以深心體解。朗然現前。對境無心。逢緣不動。則不孤我矣。言訖而逝。年一百二十。臘八十三。奉全身塔於終南山。名曰妙覺。後有覺僧至。闕稱於慈嶺。見金甲神凌空而過。呪止問之。答曰。我文殊堂神也。取華嚴菩薩大牙歸供養耳。有旨啓塔容貌。如生而失二牙。闍維舌根不壞如紅蓮色。舍利光明瑩潤。觀生歷九朝爲七帝門師。

辛宗密禪師入寂

宗密住終南會昌元年正月六日安坐而逝。道俗等奉全身於圭峯。二月十三日茶毗得舍利明白潤大。後門人泣求之。皆得於煨燼乃藏之石室。

○惟政禪師隱居終南山

惟政住聖壽後忽入終南山人問故政曰吾避仇矣

○楚南禪師隱居林谷

楚南福州張氏子。著年出家。既冠落髮。受具。往上都。聽淨名經。雖精研法義。而未了玄機。遂謁道楷。楷曰。吾非汝師。汝師江外黃檗是也。南乃禮辭往參。希運。運問子未現三界影像時如何。南曰。卽今豈是有耶。運曰。有無且置。卽今如何。南曰。非今古。運曰。吾之法眼已在汝。南乃入室。執巾侍盥。晨晡請益。尋值武宗廢教。南遂深竄林谷。

○雲巖曇晟禪師入寂

藥山巖法嗣

院主遊石室。回曇晟問。汝去入到石室裏。許爲甚麼。便回主無對。良价代曰。彼中已有人占了也。晟曰。汝更去作甚麼。价曰。不可。人情斷絕去也。會昌元年十月二十六日。展示疾命。澡身竟。喚主事。令備齋。來日有上座發去。至二十七夜入寂。茶毗得舍利一千餘粒。瘞於石室。勸盜無住塔。曰淨勝。

○大梅法常禪師入寂

馬祖一法嗣

法常住大梅。龍龜欲驗常。特相訪。纔見。便問。久嚮大梅。未審梅子熟也未。常曰。熟也。你向甚麼處下口。龜曰。百雜碎。常伸手曰。還我核子來。龜便休去。善會行脚時。一日與定山神英同行。言語次。英曰。生死中無佛。卽無生死。會曰。生死中有佛。卽不迷生死。兩人互相不肯。同上大梅。見常。會便舉問。常曰。未審二人見處。那箇較親。常曰。一親一疎。會復問。那箇親。常曰。且去。明日來。會明日再上。問常曰。親者不問。問者不親。時大梅山旁有石庫。相傳爲神仙置藥之所。一夕常夢有神人告曰。君非凡夫。石庫中有聖書。受之者爲地下主。不然亦可省帝王師。常於夢中答曰。昔僧稠不顧仙經。其卷自亡。吾以涅槃爲樂。歌壽何啻與天偕老。耶神曰。此地靈府。俗人居此。立致變恠。常曰。吾寓跡梅尉之鄉耳。非久據也。忽一日。謂其徒曰。來莫可抑往莫可追。從容間。聞鼙鼓聲。乃曰。卽此物非他物。汝等諸人。善自護持。吾今逝矣。言訖示滅。

癸亥 智廣禪師隱居巖谷

鹽官安法嗣

智廣仙遊。人初參鹽官齊安及鄂州無等禪師。有省

遂南歸止泉州常持鐵鉢以一白犬自隨會昌三年武宗將廢教實乃遁入巖谷

○平田普岸禪師入寂百丈壽法嗣

普岸住平田一日義玄來訪先逢一嫂在田使牛玄問農平田路向甚處去嫂打牛一棒曰這畜生到處走到此路也不識玄曰我問你平田路向甚處去嫂曰這畜生五歲尚使不得玄心語曰欲觀前人先觀所使便有抽釘拔楔之意及見岸岸曰曾見我嫂也未玄曰已收下了也岸遂問近離甚處曰江西黃檗岸曰情知你見作家來曰特來禮拜和尚岸曰已相見了也玄曰賓主之禮合施三拜岸曰既是賓主之禮拜拜著會昌三年七月告衆入寂壽七十四

○惟政禪師入寂北宗普寂法嗣

惟政隱居終南後遷寂年八十七茶毗收舍利四十九粒以會昌三年九月四日入塔

佛祖綱目卷第三十二

佛祖綱目卷第三十三雲字號

甲子唐武宗會昌四年起丁卯宣宗大中元年庚辰懿宗咸通元年甲午僖宗乾符元年

乙巳改光武元年戊申改文德元年庚戌改乾元元年壬子改景福元年甲寅改乾寧元年戊午改光化元年

辛酉改天復元年癸亥唐昭宗天祐三年止

甲善道禪師隱居石室長髯廣法嗣

善道初依長髯廣廣遣令受戒謂曰汝回日須到石頭和尚處禮拜道受戒後乃參希遷一日隨遷避山次遷曰汝與吾所却面前樹子免礙我道曰不將刀來遷乃抽刀倒與道曰何不過那頭來曰你用那頭作甚麼道即大悟便歸長髯廣問汝到石頭否曰到即到只是不通號曰從甚受戒曰不依他曰在彼即恁麼來我這裏作麼生曰不違背曰太切切生曰舌頭未曾點著在廣喝曰沙彌出去道便出廣曰爭得不遇於人尋值會昌沙汰道乃作行者居於石室慧寂問佛之與道相去幾何曰道如展手佛似握拳曰還假看教否曰三乘十二分教是分外事若與他作



對卽是心境兩法能所雙行便有種種見解亦是狂慧未足爲道若不與他作對一事也無所以祖師道本來無一物汝不見小兒出胎時可道我解看教不解看教當恁麼時亦不知有佛性義無佛性義及至長大便學種種知解出來便道我能我解不知總是客塵煩惱十六行中嬰兒行爲最哆哆和和時喻學道之人離分別取捨心故讚歎嬰兒可況喻取之若謂嬰兒是道今時人錯會

乙 慧恭參宣鑒禪師

慧恭福州羅氏子年十七舉進士因親祖師遺像便出家二十二受戒謁宣鑒鑒曰會麼曰作麼曰請相見曰識麼鑒大笑遂入室後住天台瑞龍院○高亭簡參鑒隔江纔見便云不審鑒乃搖扇招之簡忽開悟乃橫趨而去更不回顧

丁 慧忠禪師隱居龜洋

武宗廢教龜洋慧忠述偈嘆曰勅命如雷下翠微風前垂淚脫禪衣雲中有寺不容住塵裏無家何處歸明月分形處處新白衣寧墜解空人誰言在俗妨修

道金粟曾爲居士身忍仙林下坐禪時曾被哥王割截肢況我聖朝無此事祇令休道亦何悲丁卯宣宗卽位詔復天下寺宇佛教大興忠笑曰仙去者未必受緣成佛者未必須僧復作偈曰雪後始知松柏操雲收方見濟淮分不因世主令還俗那辨雞群與鶴群多年塵土自騰騰雖著伽黎未是僧今日歸來酬本志不妨留髮候然燈形容雖變道常存混沌心源亦不昏試讀善財巡禮偈當時豈例是沙門遂過中不食不宇而禪迹不出山者二十年

○宣鑒禪師開法德山

大中元年武陵太守薛廷望再崇德山精舍號古德禪院請宣鑒住持鑒居之大闡玄風上堂若也於己無事則勿妄求妄求而得亦非得也汝但無事於心無心於事則虛而靈寂而妙若毫端許言本末者皆爲自欺何故毫釐繫念三塗業因暫爾情生萬劫羈鎖聖名凡號盡是虛聲殊相劣形皆爲幻色汝欲求之得無累乎及其厭之又成大患終爲無益又云別無禪道可學若有學得者卽是外道見解亦無神通

變現可得。汝道神通是聖。諸天龍神五通神仙外道。修羅亦有神通。應可是佛也。孤峯獨宿。一食卯齋。長坐不臥。六時禮念。疑他生死。老胡有言。諸行無常。是生滅法。若言入定。疑神靜慮。得者。尼乾子等諸外道。師亦入得人。萬劫大定。莫是佛否。一念妄心不盡。即是生死相續。仁者時不待人。莫因循過日。○全齋泉州柯氏子。少落髮。稟戒習經律。諸部優游。禪苑值會昌沙汰於鄂州湖邊。作渡子。兩岸各挂一板。有人過渡。打板一下。齋曰。阿誰。或曰。要過那邊去。齋乃舞棹迎之。一日。因一婆抱一孩兒來。乃曰。呈撓舞棹。即不問。且道婆手中兒。甚處得來。齋便打婆曰。婆生七子。六箇不遇知音。祇這一箇也不消得。便拋向水中。撓參宣鑒執坐具上法堂。瞻視鑒曰。作麼。齋便喝鑒曰。老僧過在甚麼處。曰。兩重公案。乃下。參堂鑒曰。這箇阿師。相似箇行脚人。至來日上。問訊鑒曰。闍黎是昨日新到否。曰。是。曰。甚麼處學得這虛頭來。曰。全齋終不自謾。曰。他後不得孤負老僧。

希運禪師說法宛陵

希運初於黃檗捨衆入大安寺混跡勞侶掃洒殿堂。裴休刺洪州一日入寺見壁畫問寺主是何圖。相曰：高僧真義曰：真義可觀。高僧何在？僧皆無對。休曰：此間有禪人否？曰：近有一僧投寺執役。頗似禪者。休遂請相見。曰：休適有一問。諸德各辭。今請上人代酬。一語曰：請相公垂問。休即舉前問。運朗聲曰：相公休應諾。運曰：在甚麼處。休當下知旨。如獲髻珠。曰：吾師真善知識也。何示人赴的。若是遂延入府署執弟子禮。屢辭不已。復堅請住黃檗山。大中二年。休鎮宛陵。建大禪院。請運開法。以運酷愛舊山。還以黃檗名之。又迎運至郡。以所解一編示運。運接置於座。略不披閱。良久曰：會麼？曰：不會。曰：若便恁麼會得。猶較些。子若也形於紙墨。何有吾宗。休乃以頌讚曰：自從大士傳心印。額有圓珠七尺身。挂錫十年棲蜀水。浮杯今日渡漳濱。一千龍象隨高步。萬里香花結勝因。擬欲事師爲弟子。不知將法付何人。運但曰：心如大海無邊際。口吐紅蓮養病身。自有一雙無事手。不曾低揖等閑人。○裴休字公美。聞喜人。父肅字中明。任越州觀

察使應三百年識記重建龍興寺大佛殿自撰碑銘  
休遂篇志內典深入法會有發願文傳於世作相六  
年次歷諸鎮節度既通徹祖意復博綜教相著釋氏  
書數萬言又親書大藏經五百函號○楚南自武宗  
廢教深窺林谷大中初隨希運出山自是抵姑蘇報  
恩寺精修禪定二十餘載足不踰關

已文喜參文殊大士

文喜嘉興朱氏子七歲出家習律聽教會昌沙汰反  
服紹晦宣宗初再度後謁寰中中日子何不偏參乎  
於是喜直往五臺至金剛窟禮謁文殊遇一老翁牽  
牛而行邀喜入寺翁呼均提有童子應聲出迎翁縱  
牛引喜陞堂翁踞床指繡墩命坐曰近自何來曰南  
方曰南方佛法如何住持曰末法比丘少奉戒律曰  
多少衆曰或二百或五百喜却問此間佛法如何住  
持曰龍蛇混雜凡聖同居曰多少衆曰前三三後三  
三翁呼童子致茶拈起玻璃盞問曰南方還有這箇  
否曰無曰尋常將甚麼喫茶喜無對及辭退翁令童  
子相送喜問童子前三三後三三是多少童子召大

德喜應諾童子曰是多少喜復問此爲何處曰此金  
剛窟般若寺也喜懷然悟彼翁卽是文殊稽首童子  
願乞一言爲別童子說偈曰面上無嗔供養具口裏  
無嗔吐妙香心裏無嗔是珍寶無垢無染是真常言  
訖均提與寺俱隱喜因駐錫五臺

庚午弘辯禪師說法王宮

弘辯住薦福宣宗詔入內問禪宗何有南北之名曰  
禪門本無南北昔如來以正法眼付大迦葉展轉相  
傳至二十八祖菩提達磨來遊此方爲初祖暨第五  
祖弘忍在廬州東山開法時有二弟子一名惠能受  
衣法居嶺南爲六祖一名神秀在北揚化其後神秀  
門人普寂立秀爲第六祖而自稱七祖其所得法雖  
一而開導發悟是頓漸之異故曰南頓北漸非禪宗  
本有南北之號也曰何名戒定慧曰防非止惡名戒  
六根涉境心不隨緣名定心境俱空照鑒無惑曰慧  
曰何爲方便曰方便者隱實覆相權巧之門也被接  
中下曲施誘迪謂之方便設爲上根言捨方便但說  
無上道者斯亦方便之譚乃至祖師立言忘功絕謂

亦無出方便之迹。曰何爲佛心。曰佛者覺也。謂人有智慧覺照爲佛心。心者佛之別名。有百千異號。體惟其一本。無形狀。非青黃赤白男女等相。在天非天。在人非人。而現天現人。能男能女。非始非終。無生無滅。故號靈覺之性。如陛下曰應萬機。卽是陛下佛心。假使千佛共傳。應無別有所得。曰今有人念佛如何。曰如來出世爲天人師。善知識。隨根器而說法。爲上根者。開最上乘。頓悟至理。中下者。未能頓曉。是以佛爲韋提希。權開十六觀門。令念佛生於極樂。故經云。心是佛。是心作佛。心外無佛。佛外無心。曰有人持經持呪如何。曰如來種種開讚。皆爲最上一乘。如百川衆流。莫不朝宗於海。如是差別諸數。皆歸薩婆。若海曰祖師。既契會心印。金剛經云。無所得法。如何。曰佛之一化。實無一法與人。但示衆人各各自性。同一法寶藏。當時燃燈如來。但印釋迦本法。而無所得。方契然燈本意。故云。無我無人無衆生無壽者。是法平等。修一切善法。不住於相。曰禪師既會祖意。還禮佛轉經否。曰沙門釋子禮佛轉經。蓋是住持常法。有四報。

焉。然依佛戒修身。參尋知識。漸修梵行。履踐如來所行之迹。曰何爲頓見。何爲漸修。曰頓明自性。與佛同儔。然有無始染習。故假漸修。對治令順。性起用。如人喫飯。不一口便飽。是日對談七刻。帝大悅。賜號圓智。勅修天下祖塔。各令守護。○五臺秘魔巖。乃永泰淵。嗣常持一木叉。每見僧來禮拜。卽叉却頸。曰那箇魔魅。教汝出家。那箇魔魅。教汝行脚。道得也。又下死道不得也。又下死。速道。學徒鮮有對者。霍山通來訪。不禮拜。便撒入懷裏。毆拊通背。三下。通起拍手。曰師兄。三千里外。賺我來。便回。○湖南祇林亦淵。嗣每叱文殊普賢。皆爲精魅。手持木劍。自謂降魔。纔見僧來。便曰魔來也。魔來也。以劍亂揮。歸方丈。如是十二年。置劍無言。僧問。十二年前。爲什麼降魔。曰賊不打貧兒。家曰。十二年後。爲什麼不降魔。曰賊不打貧兒家。

○黃檗希運禪師示寂百丈海法嗣

希運住黃檗。提唱宗乘。皆被上機。中下之流。莫窺涯涘。大中四年八月示寂。諡斷際禪師。

壬寅中禪師復僧相

資中蒲坂盧氏子頂骨圓瑩其聲如鐘少丁母憂廬墓服闋思報罔極乃出家登戒參百丈受心印住杭州大慈山素缺水中擬他適夜夢神人止之詰朝見二虎以爪跑地泉自涌出有僧自岳至曰童子泉涸矣移來在此蜀武宗廢教短褐隱居壬申復剃染

受鴻山靈祐禪師示寂百丈海法嗣  
通仰第一世

靈祐住鴻山敷揚宗教凡四十餘年建者不可勝數入室弟子四十一人大中七年正月日鹽湫敷坐怡然而寂壽八十三臘六十四諡大圓禪師塔曰清淨○襄州常侍王敬初初見睦州一日州問今日何故入院遲曰看打毬來曰人打毬馬打毬曰人打毬曰人困麼曰困曰馬困麼曰困曰露柱困麼初惘然無對歸至私第中夜忽然有省明日見州曰某甲會得昨日事也曰露柱困麼曰困州遂許之後參靈祐遂受心印一日視事次米和尚至初舉筆示之米曰還判得虛空否初擲筆入宅更不復出米致疑明日憑鼓山供養主入探其意米亦隨至潛匿屏蔽間偵伺主歸坐問曰昨日米和尚有甚麼言句便不相見曰

參下恐有  
錯誤

獅子咬人韓獪逐塊米聞此語即省前謬遽出朗笑曰我會也我會也曰會即不無你試道看曰請常侍舉初乃豎起一隻筍曰這野狐精曰這漢徹也無等禪師密受馬祖心印嘗謁初既退將出門初後呼之曰和尚等迴顧初敲柱三下等以手作圓相復三撥之便行嘗與義玄到僧堂初問這一堂僧還看經麼曰不看經曰還習禪麼曰不習禪曰既不看經又不習禪畢竟作箇甚麼曰總教伊成佛作祖去曰金屑雖貴落眼成翳曰我將謂是箇俗漢○鄭十三娘年十二時隨師姑到鴻山纔禮拜起祐便問這師姑甚處住曰南臺江邊住祐便喝出又問背後老婆甚處住十三娘放身近前叉手立祐再問鄭曰早過呈似和尚了也祐曰去十三娘纔下到法堂姑曰十三娘尋常道我會禪口似利劍今日被大師問著總無語鄭曰苦哉苦哉作這箇眼目也道我行脚脫取衲衣來與十三娘著鄭後舉似羅山祇如某參見鴻山恁麼祇對還得平穩也無曰不得無過曰過在甚處羅之鄭曰錦上添花一日保福與甘贊相看纔坐定便



開承聞十三娘參見瀉山是否。曰是。福曰。瀉山靈化。向甚麼處去。鄭起身偏牀而立。贊曰。開時說禪口似。懸河。何不道取。鄭曰。鼓這兩片皮。堪作甚麼。贊曰。不。鼓這兩片皮。又堪作甚麼。鄭曰。合取狗口。○大安別。號。安福州陳氏子。嘗自念我雖勤苦。未聞玄極之。理。乃孤錫遊方。將往龍井路逢一雙。謂曰。師往南昌。當有所得。遂造百丈。問懷海曰。學人欲求議佛何者。卽是海曰。大似騎牛覓牛。曰。議得後如何。曰。如人騎牛至家。曰。未審始終如何。保任曰。如牧牛人執杖視之。不令犯人苗稼。安自茲領旨。更不馳求靈祐。創居瀉山。安躬耕助道。祐歿衆請安補住。○無學初問天。然如何是諸佛師。然咄曰。幸自可憐生。須要執巾帶。作麼學。退身三步。然曰。錯學。進前。然曰。錯錯學。翹一足。旋身一轉而出。然曰。得。卽得。孤他諸佛師。學自是。願旨。住京兆翠微。大同間。二祖初見達磨。有何所得。曰。汝今見吾。復何所得。同頓悟玄旨。一日。學在法堂。內行同進前接禮。問西方密旨。和尚如何示人學。駐步少時。同曰。乞師垂示。曰。更要第二杓惡水。那同便。

禮謝學曰。莫梁根。同曰。時至根苗自生。

甲義玄禪師開法臨濟。

義玄自傳黃檗心印。後還鄉。黨住鎮州臨濟。學侶雲集。一日。謂普化克符曰。我欲於此建立黃檗宗旨。汝且成號。我二人珍重。下去三日。後化却上來。問和尚。三日前說甚麼。玄便打。三日後符上來。問和尚。前日打普化作甚麼。玄亦打。至晚。小參曰。有時奪人不奪境。有時奪人不奪人。境兩俱奪。有時人境俱不奪。符問如何是奪人不奪境。曰。煦日發生。鋪地鋪嬰兒。垂髮白如絲。曰。如何是奪人不奪人。曰。王令已行。天下徧將軍塞。外絕烟塵。曰。如何是人境俱奪。曰。并汾絕信。獨處一方。曰。如何是人境俱不奪。曰。王登寶殿。野老謳歌。符於言下領旨。諸方目爲四料揀示。衆如諸方學人。來山僧此間。作三種根器。斷如中下根器。來我。便奪其境。而不除其法。或中上根器。來我。便境法俱奪。如上上根器。來我。便境法人俱奪。如有出格見解人。來山僧此間。便全體作用。不歷根器。自達磨大師從西土來。祇是覓箇不受人惑底人。後遇。

二祖一言便了。始知從前虛用工夫。山僧今日見處。與祖佛不別。若第一句中薦得。堪與佛祖爲師。若第二句中薦得。堪與人天爲師。若第三句中薦得。自救不了。僧便問。如何是第一句。曰。三要印開。朱點窄。未容擬議。主賓分。曰。如何是第二句。曰。妙解豈容無著。問。遍和爭負。載流機。曰。如何是第三句。曰。但看棚頭弄傀儡。牽牽全藉裏頭人。乃曰。大凡演唱宗乘一句。中須具三玄門。一玄門。須具三要。有權有實。有照有用。汝等諸人。作麼生會。又示衆。有時一喝。如金剛王寶劍。有時一喝。如踞地師子。有時一喝。如探竿影草。有時一喝。不作一喝用。汝作麼生會。又云。山僧無一法與人。祇是治病解縛。你取山僧口裏語。不如休歇無事去。又云。一念緣起。無生超出三乘權學。又云。你若能歇得。念念馳求心。便與祖佛不別。大德。三界無安。猶如火宅。此不是你久停住處。無常殺鬼。一刹那間。不擇貴賤老少。你要與祖佛不別。但莫外求。你一念清淨心。光是你屋裏法身佛。一念無分別心。光是你屋裏報身佛。一念無差別心。光是你屋裏化身佛。

此三種身。是你即今目前聽法底人。只爲不向外馳求。有此功用。又云。今時且要識取四種無相境界。免被境緣擺撲。如何是四種無相境界。一念心愛被水溺。一念心嗔被火燒。一念心疑被地礙。一念心喜被風飄。若能如是。辨得不被境轉。處處用境。東涌西沒。南涌北沒。中涌邊沒。邊涌中沒。覆水如地。履地如水。緣何如此。爲達四大如夢如幻。故有一般學人。向五臺山求文殊。現早錯了也。五臺山無文殊。欲識文殊麼。只你目前用處。始終不異。處處不礙。此箇是活文殊。一念心無差別。光處處總是普賢。一念心能自在。隨處解脫。此是觀音。三昧法。互爲主伴。顯卽一時。顯隱卽一時。隱卽三三。卽一。如是解得。方始好看教。一日上堂。曰。汝等諸人。赤肉團上。有一無位真人。常向汝諸人面門出入。未證據者。看看時。有僧問。如何是無位真人。玄下禪床。把住云。道道僧擬議。玄托開云。無位真人。是什麼乾屎橛。便歸方丈。○普化不知何許人。師事盤山。密受記莚。而狎狂。出言無度。山歿。乃於北行化。或城市塚間。振一鐸。曰。明頭來。明頭打。暗頭

來暗頭打四方人面來旋風打虛空來連架打一日  
義玄令僧捉住曰總不恁麼來時如何化拓開曰來  
日大悲院裏有齋僧回舉似玄玄曰我從來疑著這  
漢化凡見人無高下皆振鐸一聲或將鐸就人耳邊  
振之或拊其背有回顧者即展手曰乞我一錢一日  
見馬步使出喝道化亦喝道作相撲勢馬步使令人  
打五棒化曰似卽似是卽不是嘗於閑闌間搖鐸喝  
曰竟箇去處不可得時宗智遇之把住曰汝擬去甚  
麼處曰汝從甚麼處來智無語化掣手便去嘗喜入  
臨濟院喫生菜玄曰這漢大似一頭驢化便作驢鳴  
玄謂直歲曰細抹草料著化曰少室人不識金陵又  
再來臨濟一隻眼到處爲人開一日玄與河陽木塔  
同在僧堂地爐內坐因說化每日在街市掣風掣顛  
知他是凡是聖言猶未了化入來玄便問汝是凡是  
聖化曰汝且道我是凡是聖玄便喝化以手指曰河  
陽新婦子木塔老婆禪臨濟小斯兒却具一隻眼玄  
曰這賊化曰賊賊便出去○尅符作四料簡偈曰奪  
人不奪境緣自帶諸訛擬欲求玄旨思量反責麼驪

珠光燦爛瞻桂影婆娑觀體無差互還應帶網羅奪  
境不奪人尋言何處真問禪禪是妄究理理非親曰  
照寒光淡山遙翠色新直饒玄會得也是眼中塵人  
境兩俱奪從來正令行不論佛與祖那說聖凡情擬  
犯吹毛劍還如值木盲進前求妙會特地斬情靈人  
境俱不奪思量意不偏主賓言不異問答理俱全踏  
破澄潭月穿開碧落天不能明妙用淪溺在無緣又  
僧問如何是賓中賓曰倚門傍戶猶如醉出言吐氣  
不慚惶曰如何是賓中主曰口念彌陀雙拄杖目瞽  
瞳人不出頭曰如何是主中賓曰高提祖印當機用  
利物應知語帶悲曰如何是主中主曰橫按漢鄧全  
正令太平寰宇斬癡頭曰既是太平寰宇爲甚麼却  
斬癡頭曰不許夜行剛把火直須當道與人看○義  
玄示衆我有時先照後用有時先用後照有時照用  
同時有時照用不同時先照後用有人在先用後照  
有法在照用同時驅耕夫之牛奪飢人之食敲骨取  
髓痛下鍼雖照用不同時有問有答立賓立主合水  
和泥應機接物若是過量人向未舉已前揀起便行

猶較些。又示衆參學之人。大須子細。如賓主相見。便有言。往來。或應物現形。或全體作用。或把機權。喜怒。或現半身。或乘師子。或乘象王。如有真正學人。便喝。先拈出一箇膠盆子。善知識不辨是境。便上他。發二作摸作樣。便教學人又喝。前人不肯放下。此是膏肓之病。不堪醫治。喚作賓看主。或是善知識不拈出物。祇隨學人問處。即奪學人。被奪抵死不肯放。此是主看賓。或有學人。應一箇清淨境。出善知識前。知識辨得是境。把得拋向坑裏。學人言。大好善知識。知識即云。咄哉。不識好惡。學人便禮拜。此喚作主看主。或有學人。披枷帶鎖。出善知識前。知識更與安一重枷鎖。學人歡喜。彼此不辨。喚作賓看賓。大德山僧所學。皆是辨魔揀異。知其邪正。上堂次。兩堂首座相見。同時下喝。僧問。立還有賓主也。無曰。賓主歷然。乃召衆曰。要會臨濟賓主。句問取堂中二首座。立應機多用喝。會下多徒亦學。師喝。師曰。汝等總學我喝。我今問汝。有一人從東堂出。一人從西堂出。兩人齊喝。一聲這裏分得賓主麼。汝且作麼。生分若分不得。已後

不得學老僧喝。示衆道。流切要求取真正見解。且莫求佛。佛是名句。你還識。馳求底麼。三世十方佛祖出來。也只爲求法。如今參學道流也。也只爲求法。得法始了。未得。依前輪迴。五道云。何是法。法者是心。法心法。無形通貫十方。目前現用人信不及。便乃認名認句。向文字中求其意度。與佛法天地懸隔。山僧說法。說心地法。便能入淨入穢。入凡入聖。入真入俗。要且不是你眞俗。凡聖。能與一切眞俗。凡聖。安名眞俗。凡聖。安這箇名字。不得道流。把得便用。更莫安排。方契立旨。今時學禪者。總不識法。猶如觸鼻羊逢著。物安在口裏。奴郎不辨賓主。不分如是之流。邪心入道。即不得名爲眞出家人。正是眞俗家人。夫出家者。須辨得平常真正見解。辨佛辨魔。辨眞辨僞。辨凡辨聖。若如是。辨得名眞出家人。若魔佛不辨。正是出一家人。一家乃喚作造業衆生。未得名爲眞出家人。只如今有箇佛魔同體。若明眼道流。魔佛俱打你。若愛聖憎凡。生死海裏沉浮。未有了日。如何是佛魔。你一念心疑處。是佛魔。你若達得高法。無生心如幻化。更無一塵



一法處處清淨。卽無佛。魔佛與衆生。是染淨二境。約山僧見處。無佛。無衆生。無古無今。得者便得不勤時。節亦無修證。無得無失。一切時中。更無別法。設有一法。過此我說如夢如幻。○若是真正學道人。不見世間過切。急要求真正見解。但一切凡入聖。入染入淨。入諸佛國土。入彌勒樓閣。入毗盧遮那世界。處處皆現國土。成住壞空。佛出於世。轉大法輪。入無餘涅槃。不見有去來相貌。求其生死。了不可得。便入無生法界。處處游履。國土入華藏世界。盡見諸法空相。皆無實法。惟有聽法無依道人。是諸佛之母。所以佛從無依生。若悟無依佛。亦無得。若如是見得。是真正見解。○諸方說有道可修。有法可證。你且說證何法。修何道。你今用處。欠少甚麼物。修補何處。所以言。若人修道。道不行。萬般邪境競頭生。智劍出來。無一物明頭。未顯暗頭。明○若言三十二相八十種好。是佛。轉輪聖王。應是如來。明知是幻化。古人云。如來舉身相。爲順世間情。恐人生斷見。權且立虛名。假言三十二八十也。空聲有身。非覺體。無相乃眞形。○一念心歇。

得處喚作菩提樹。一念心不能歇得處喚作無明樹。無明無住處。無明無始終。若念念心心歇不得。便上他身界。一念不生。便是上菩提樹。三界神通變化。意生化身。有一老宿。參便問。禮拜卽是不禮拜。卽是立便喝。宿便拜。立曰。好箇草賊。宿曰。賊賊便出去。立曰。莫道無事好。時首座侍立。立曰。還有過也。無座曰。有。立曰。賓家有過。主家有過。曰。二俱有過。曰。過在甚麼處。座便出去。立曰。莫道無事好。大覺到。參立。舉起拂子。覺敷坐具。立擲下拂子。覺收坐具。參堂去。僧衆曰。此僧莫是和尙親不禮拜。又不喫棒。立問。令喚覺覺至。立曰。大衆道汝不禮拜。又不喫棒。莫是長老親故。覺乃珍重下去。覺後臨絕時。謂衆曰。我有一隻箭。要付與人。時有一僧出曰。請和尙箭。覺曰。汝喚甚麼作箭。僧喝覺打數下。便歸。方丈却喚其僧入來。問曰。汝適來會麼。曰。不會。覺又打數下。擲拄杖曰。已後遇明眼人。分明舉似人。便告寂僧。問立如何。是佛法大意。立豎起拂子。僧便喝。立便打。乃曰。大衆。夫爲法者。不避



喪身失命。我於黃檗先師處。三度問佛法的大意。三度被打。如蒿枝拂相似。如今更思一頓。誰爲下手。時有僧出曰。某甲下手立度。與拄杖僧擬接立便打。

戊寅從諗禪師住趙州

大中戊寅從諗住趙州觀音院上堂。兄弟莫久立。有事商量。無事向衣鉢下坐。窮理好。老僧行脚時。除二時齋粥。是雜用心。餘外更無別用心處。若不如。此出家大遠。在又云。老僧此間。卽以本分事接人。若教老僧隨伊根機。接人自有三乘十二分。教接他了也。若是不會。是誰過歟。已後遇著作家漢也。道老僧不辜。他又云。夢幻空華。徒勞把捉。心若不異。萬法亦然。既不從外得。更拘執作麼。又云。千人萬人盡是覓佛漢。子覓一箇道人。也無若與空王爲弟子。莫教心病。最難醫。僧問。十二時中。如何用心。諗曰。汝被十二時辰。使老僧使得。十二時上堂示衆。如明珠在掌。胡來胡現。漢來漢現。老僧把一枝草爲丈六金身用。把丈六金身爲一枝草用。佛是煩惱。煩惱是佛。時有僧問。未審佛是誰家煩惱。曰。與一切人煩惱。曰。如何免得。曰。

用免作麼。諗掃地有人問云。和尚是善知識。爲什麼有塵。曰。外來。又僧問。清淨伽藍。爲什麼有塵。曰。又有點也。大衆晚參。諗曰。今夜答話去也。有解問者出來。時有一僧便出禮拜。諗曰。比來拋磚引玉。却引得箇鑿子。有僧遊五臺。問一婆子。曰。臺山路向什麼處去。曰。驀直去。僧便去。婆子曰。又恁麼去也。其僧舉似諗。諗曰。待我去勸破這婆子。諗至明日。便去問臺山路向什麼處去。曰。驀直去。諗便去。婆子曰。又恁麼去也。諗歸院謂僧曰。我爲汝勸破這婆子了也。有僧問。學人乍入叢林。乞師指示。曰。喫粥也未。曰。喫粥了也。曰。洗鉢盂去。僧問。如何是祖師西來意。曰。庭前柏樹子。曰。和尚莫將境界示人。曰。我不將境界示人。曰。如何是祖師西來意。曰。庭前柏樹子。問新到。曾到此間麼。曰。曾到。曰。喫茶去。又問僧。僧曰。不曾到。曰。喫茶去。院主問曰。爲甚曾到也。云。喫茶去。不曾到也。云。喫茶去。諗召院主。主應諾。諗曰。喫茶去。僧問。狗子還有佛性也。無。曰。無。曰。上至諸佛。下至螻蟻。皆有佛性。狗子爲甚却無。曰。爲伊有業識。在。又僧問。狗子還有佛性也。無。曰。

有曰既有爲甚入這皮袋裏曰知而故犯有官人問和尙還入地獄否曰老僧末上入曰大善知識爲甚麼入地獄曰我若不入阿誰教化汝一日與文遠侍者行乃指一片地曰這裏好造箇巡鋪遠便去路旁立曰把將公驗來驗與一摺遠曰公驗分明過一日與遠論義曰鬪劣不鬪勝勝者輸果子曰請和尙立義曰我是一頭驢曰我是驢胃曰我是驢糞曰我是糞中蟲曰在彼中作麼曰在彼中過夏諗曰把將果子來一日在東司上見遠過驀召文遠遠應諾諗曰東司上不可與汝說佛法上堂金佛不度爐木佛不度火泥佛不度水眞佛內裏坐菩提涅槃眞如佛性盡是貼體衣服亦名煩惱實際地甚麼處著一心不生萬法無咎汝但究理坐看三二十年若不會截取老僧頭去又云你若一生不離叢林不語五年十載無人瞞你作麼漢曰後佛也不奈你何僧問萬法歸一一歸何處曰我在青州作得一領布衫重七斤問承聞和尙親見南泉是否曰鎮州出大蘿蔔頭馬大夫問和尙還修行也無曰老僧若修行即禍事曰

和尙若不修行教甚麼人修行曰大夫是修行底人曰某甲何名修行曰若不修行爭得撲在人王位中饒得來赤凍紅地無有解出期大夫乃下淚拜謝

已良价禪師開法洞山

良价初住新豐山次盛化於洞山作五位君臣頌曰正中偏三更初夜月明前莫恠相逢不相識隱隱猶懷舊曰嫌偏中正失曉老婆逢古鏡分明覲面別無真休更迷頭還認影正中來無中有路隔塵埃但能不觸當今諱也勝前朝斷舌才兼中至兩刃交鋒不須避好手猶如火裏蓮宛然自有衝天志兼中到不落有無誰敢和人人盡欲出常流折合還歸炭裏坐一日价問僧名甚麼曰某甲曰阿那箇是闍黎主人公曰見祇對次曰苦哉苦哉今時人例皆如此祇認得驢前馬後底將爲自己佛法平沉此之是也賓中主尙未分如何辨得主中主僧便問如何是主中主曰闍黎自道取曰某甲道得即是賓中主如何是主中主曰恁麼道即易相續也大難遂示頌曰嗟見今時學道流千千萬萬認門頭恰似入京朝聖主祇到

潼關即便休。又曰。向時作麼生。奉時作麼生。功時作麼生。共功時作麼生。功時作麼生。問。如何是向。曰。契飯時作麼生。曰。如何是奉。曰。背時作麼生。曰。如何是功。曰。放下纜頭時作麼生。曰。如何是共功。曰。不得色。曰。如何是功。功曰。不共項。曰。向聖主繇來。法帝堯。御人以禮。曲龍腰。有時開市頭邊。過到處文明。賀聖朝。筆淨洗濃粧。爲阿誰子。規聲裏勸人。歸百花落盡。啼無盡。更向亂峯深處。啼。功。枯木花開。劫外春倒騎。玉象趁麒麟。而今高隱千峯外。月皎風清好日辰。共功衆生諸佛不相侵。山自高。水自深。萬別千差明底事。鷓鴣啼處百花新。功頭角纔生已不堪。擬心求佛好羞慙。迢迢空劫無人識。肯向南詢五十三。有僧不安。要見价。价遂往。僧曰。和尚何不救取人家男女。女曰。你是甚麼人家男女。女曰。是大闡提人家男女。价良久。僧曰。四山相逼時如何。曰。老僧日前也向人家屋簷下過來。曰。回互不回互。曰。不回互。曰。教某甲向甚處去。曰。栗畚裏去。僧噓一聲。曰。珍重。便坐。脫价以拄杖敲頭三下。曰。汝祇解與麼去。不解與麼來。○道膺幽

州王氏子。兒稚中骨氣深隱。言少理。多十歲出家。二十五成大僧。其師令習毗尼。非其好棄之。遊方至翠微。參無學會。有僧自豫章來。盛稱洞山法席。於是造新豐謁良价。价問甚處來。曰。翠微來。曰。翠微有何言。曰。翠微供養羅漢某甲。問供養羅漢。漢還來否。微曰。你每日噉箇甚麼。价曰。實有此語。否。曰。有。曰。不虛。參見作家來。遂問汝名甚麼。曰。道膺。曰。何不向上更道。曰。向上卽不名。道膺曰。與老僧祇對道。吾底語一般。膺問。如何是祖師意。曰。闍黎他後有把茅蓋頭。忽有人問。如何祇對。曰。道膺罪過。一日。价曰。吾聞思大和尚生倭國。作王。是否。曰。若是思大佛。亦不作价。然之一日。問膺甚處去來。曰。蹋山來。曰。那箇山堪住。曰。那箇山不堪住。曰。恁麼則國內總被闍黎占却。曰。不然。曰。恁麼則子得箇入路。曰。無路。曰。若無路。爭得與老僧相見。曰。若有路。卽與和尚隔山去也。价乃曰。此子已後千人萬人把不住去在。

庚申普化禪師示寂盤山贊法嗣

咸通元年。普化將示滅。乃入市。謂人曰。乞我一箇直。

人。或與披襖。或與布裘。皆不受。振鐸而去。義立令  
人送與一棺。化笑曰。臨濟斯兒。饒舌便受之。乃辭衆  
曰。普化明日去東門死也。至明日。郡人相率送化出  
城。化厲聲曰。今日葬不合青烏。乃曰。明日南門遷化。  
至明日。出南門。人又隨之。化又曰。明日出西門。方吉。  
至日。人出漸稀。出已還。返人意稍怠。第四日。自擊棺。  
出北門。外振鐸入棺。而逝。郡人奔走出城。揭棺視之。  
已不見。惟聞空中鐸聲漸遠。莫測其繇。○本寂又名  
就章。莆田黃氏子。幼而奇逸。習儒業。不甘處俗。年十  
九出家。二十五登戒。咸通初。至洞山。參良价。价問。閣  
黎名甚麼。曰。本寂。曰。那箇。價曰。不名本寂。价深契之。  
以爲堪任大法。自此入室。

辛  
已。慧寂禪師開法仰山。

慧寂初領衆住王莽山。一日。禪床陷入地中。地神告  
曰。此山不任和尚居。止東南有大仰山。乃人間福地。  
遂遷仰山。上堂。汝等諸人。各自回光返照。莫記吾言。  
汝無始劫來。背明投暗。妄想根深。卒難頓拔。所以假  
設方便。奪汝龜識。如將黃葉止啼。有甚麼是處。亦如

人將百種貨物與金寶作一鋪貨賣。祇擬輕重來機。  
所以道。石頭是真金鋪。我這裏是雜貨鋪。有人來覓。  
鼠糞。我亦拈與他來覓。真金。我亦拈與他。時有僧問。  
鼠糞。即不要。請和尚真金。曰。鼠糞擬開口。驢年亦不  
會。僧無對。寂曰。索喚則有。交易不索喚。則無。我若說。  
禪宗身邊要一人相伴。亦無。豈況有五百七百衆耶。  
我若東說西說。則爭頭向前。采拾如將空拳誑小兒。  
都無實處。我今分明向汝說聖邊事。且莫將心湊泊。  
但向自己性海如實而修。不要三明六通。何以故此。  
是聖末邊事。如今且要識心達本。但得其本。不愁其  
末。他時後日。自具去在。若未得本。縱饒將情學他。亦  
不得。汝豈不見。瀉山和尚云。凡聖情盡。體露真常。事  
理不二。即如如佛。一日。因歸瀉山。省觀靈祐。祐問子。  
既稱善知識。爭辨得諸方來者。知有不知有。有師承。  
無師承。是義學。是立學。子試說。看曰。慧寂有驗處。但  
見僧來。便豎起拂子。問伊。諸方還說這箇不。說又曰。  
這箇且置。諸方老宿。意作麼生。祐歎曰。此是從上宗  
門中牙爪。劉侍御問了心之言。可得聞乎。曰。若要了。

心無心可了無了之心是名真了。陸希聲相公欲來見先作此。○相封呈寂。開封於圓相下面書云不思而知。落第二頭思而知之作。第三首遂封回。聲見即入山寂。乃門迎。聲纔入門。便問三門俱開。從何入門。曰從信門入。至法堂。又問不出魔界。便入佛界時。如何寂以拂子倒點三下。聲便設禮。又問和尚還持戒否。曰不持戒。曰還坐禪否。曰不坐禪。聲良久寂曰。會麼。曰不會。曰聽老僧一頌。滔滔不持戒。兀兀不坐禪。齏茶兩三碗。意在鑽頭邊。寂却問承聞相公看經得悟。是否。曰弟子因看涅槃經。有云不斷煩惱而入涅槃。得箇安樂處。寂豎起拂子曰。祇如這箇作麼生入。曰入之一字也不消得。曰入之一字不爲相公聲便起去。有僧參次。問和尚還識字否。曰隨分。僧以手畫此。○相拓呈寂。以衣袖拂之。僧又作此。○相拓呈寂。以兩手作背拋勢。僧以目視之。寂低頭。僧還寂一匝。寂便打僧遂出去。又寂坐次。見一僧從外來。便問訊了。向東邊叉手立。目視寂。寂乃垂下左足。僧却過西邊。叉手立。寂垂下右足。僧向中間叉手立。寂收雙足。

僧禮拜寂曰。老僧自住此。未曾打著一人。拈拄杖便打。僧便騰空而去。又寂坐次。有僧來作禮。寂不顧。僧乃問寂識字否。曰隨分。僧乃右旋一匝。曰是甚麼字。寂於地上書十字。酬之。僧又左旋一匝。曰是甚麼字。寂收十字作卍字。僧畫此。○相以兩手拓如修羅掌。日月勢。曰是甚麼字。寂乃畫此。○相對之僧乃作婁至德勢。寂曰如是如是。此是諸佛之所護念。汝亦如是。吾亦如是。善自護持。僧禮謝騰空而去。時有一道者。見經五日。後遂問寂。寂曰汝還見否。曰某甲見出門騰空而去。曰此是西天羅漢。故來探吾道。曰某雖觀種種三昧。不辨其理。曰吾以義爲汝解釋。此是八種三昧。是覺海變爲義海。體則同。然此義合有因。有果。即時異時。總別不離。隱身三昧也。又有梵僧從空而至。寂曰近離甚處。曰西天。曰幾時離彼。曰今早。曰何太遲生。曰遊山翫水。曰神通遊戲。則不無。闍黎佛法。須還老僧始得。曰特來東土。禮文殊。却遇小釋迦。遂出梵書貝多葉。與寂作禮。乘空而去。自此號小釋迦。有僧問禪宗頓悟畢。竟入門的意如何。曰此意極。



難若上根上智。一聞千悟。得大總持。此二人極難得。其有根微智劣。所以道若不安禪靜處。到這裏總須茫然。曰。除此格外。還別有方便。令學人得入也。無曰。別有別無。令汝心不安。汝是甚處人。曰。幽州人。曰。汝還思彼處否。曰。常思。曰。彼處樓臺林苑。人馬駢闐。汝還思思底。還有許多般也。無曰。某甲到這裏。一切不見。有曰。汝解。猶在境信位。即是人位。即未是據汝所解。祇得一玄。得坐披衣。向後自看。僧禮謝而去。

壬午大慈山寰中禪師入寂百丈海法嗣

寰中住大慈。一日有僧辭中問甚處去。曰。江西去。曰。我勞汝一段事。得否。曰。和尚有什麼事。曰。將取老僧去。曰。更有過於和尚者。亦不能將得去。中便休。僧後舉似良价。价曰。闍黎爭合恁麼道。曰。和尚作麼。生曰。得价。又問大慈。別有甚言句。曰。有時示衆。曰。說得一丈。不如行取一尺。說得一尺。不如行取一寸。曰。我不恁麼道。曰。和尚作麼。生曰。說取行不得底。行取說不得底。咸通三年二月十五日。不疾而逝。壽八十三。○文喜至洪州觀音院參慧寂。頓了心契。寂令充典座。

文殊現於粥盞上。喜以攪竹筴。便打。曰。文殊。自文殊。文喜。自文喜。殊乃說偈曰。苦瓠連根苦。甜瓜徹蒂甜。修行三大劫。却被老僧嫌。一日有異僧來求齋食。喜減已分。饋之。寂預知。問曰。適來果位人。至汝給食否。曰。輟已回施。曰。汝大利益。○義存泉州曾氏子。家世奉佛。襁褓中聞鐘鼓聲。或見幡花像。設必爲動。容出家。受戒。久歷禪會。到洞山作飯頭。淘米次。良价問。淘沙去米。淘米去沙。曰。沙米一時去。曰。大衆喫箇甚麼。存遂覆却米盆。价曰。據子因緣。合在德山。一日辭价。价曰。子甚處去。曰。歸嶺中去。曰。當時從甚麼路出。曰。從飛猿嶺出。曰。今回向甚麼路去。曰。從飛猿嶺去。曰。有一人不從飛猿嶺去。子還識麼。曰。不識。曰。爲甚麼不識。曰。他無面目。曰。子既不識。爭知無面目。存無對。於是謁德山。宣鑒問。從上宗乘。學人還有分也。無鑒打一棒。曰。道甚麼。曰。不會。至明日。請益鑒。曰。我宗無語句。實無一法。與人存有省。○鑒宗長興錢氏子。父晟有疾。割股食之。給曰。他畜之肉。父病因愈。乃求出家。後謁齊安順契。心要咸通三年。至徑山。見言字荒。

涼僧徒分散宗意欲追還舊觀遂駐錫焉

癸未道膺禪師住雲居

道膺自受良价心印結菴於三峯經旬不赴堂价問子近日何不赴齋曰每日自有天神送食曰我將謂汝是箇人猶作這箇見解在汝晚間來膺晚至价召膺菴主膺應諾价曰不思善不思惡是甚麼膺回菴寂然宴坐天神自此竟尋不見如是三日乃絕然猶月一來謁价价呵其未忘情於道爲難遂焚菴去海昏登歐阜乃廬山西北崎冠世絕境就樹縛屋而居號雲居菴子亦追求而集散處山間樹下久成苦架說法其下示衆佛法有什麼多事行得卽是但知心是佛莫愁佛不解語欲得如是事還須如是人若是如是人愁箇甚麼若云如是事卽難自古先德醇素任真元來無巧他根本脚下實有力卽是不思議人握土成金若無如是事饒汝說得簇花簇錦相似人總不信受又曰暫時不在如同死人豈況如今論年論月不在如人常在愁什麼家事不辦欲知久遠事祇在如今如今若得久遠亦得如人千鄉萬里歸家

行到卽是是卽一切總是不是卽一切總不是又曰升天底事須對衆掉却十成底事須對衆去却擲地作金聲不須回頭顧著自餘有什麼用處不見二祖當時詩書博覽三藏聖教如觀掌中因什麼更求達磨安心將知此門中事不是等閑所以道智人不向言中取得人豈向說中求又曰一切是須向這裏及盡始得無過若一毫去不盡卽被塵累豈況更多差之毫釐過犯山嶽古人道學處不立盡是流俗閨閣中物捨不得俱爲滲漏一日令侍者送袴與一住菴道者道者曰自有娘生袴竟不受膺再令侍者問娘未生時著箇甚麼道者無語後遷化有舍利持似膺膺曰直饒得八斛四斗不如下得一轉語好○大同懷寧劉氏子參無學得悟一日問學如何是佛理曰佛卽不理曰莫落空否曰真空不空復示識偈曰佛理何曾理真空又不空大同居寂住敷演我師宗同住投子山院名寂住義存到同指菴前一片石曰三世諸佛總在裏許曰須知有不在裏許者同乃歸菴中坐遊龍眠有兩路存問那箇是龍眠路同以杖指

之存曰東去西去曰不快漆桶存問一槌便就時如何曰不是性燥漢曰不假一槌時如何曰不快漆桶存問此間還有人參也無同將鐵頭拋向存面前存曰恁麼則當處掘去也曰不快漆桶○存在德山作飯頭一日飯遲山擎鉢下法堂存囑飯巾次見山乃曰鐘未鳴鼓未響拓鉢向甚處去山歸方丈存舉似全齋齋曰大小德山未會末後句在山間令侍者喚問曰汝不肯老僧那齋密啓其意明日陞堂果與尋常不同齋拈掌大笑曰且喜堂頭老漢會末後句他後天下人不奈伊何雖然也祇得三年活

甲全齋禪師住鄂州巖頭

全齋住巖頭示衆但明取綱宗本無實法不見道無實無虛若向事上覲即疾若向意根下尋卒摸索不著又曰此是向上人活計只露目前些子如同電拂如擊石火截斷兩頭靈然自在若道向上有法有事真碗鳴聲茶糊汝繫罩汝古人喚作繫驢橛若將實法與人士亦消不得又曰欲得易會但知於聲色前不被萬境惑亂自然露保保地自然無事迺向聲色

前蕩蕩地恰似一團火燄相似觸著便燒更有甚麼事不見道非是塵不侵自是我無心又曰若是有筋骨底不用多諸處行脚也須帶眼始得莫被人謾不見道依法生解禪落魔界夫唱教須一一從自己胸襟中吐得出來與人爲榜樣又曰是句亦剗非句亦剗自然轉轉地露保保地飽齣齣地不解却不解敵不見道却物爲上逐物爲下又曰纔有所重便成窠臼古人喚作貼體衣病最難治又曰無依無欲便是能仁古人道置毒藥安乳中乃至醍醐亦能殺人這箇不是汝習學得底莫錯認門頭戶口賺汝臘月三十日赤閨閨地無益

乙智廣禪師居九座山

智廣隱居巖谷宣宗時復出南山咸通六年至九座山忽逢巨蟒欲來吞廣廣錫先飛撐拄蟒口跌坐入定其中神來謝罪廣不顧逮出定蟒化爲石矣既而雷雨湧沙夷成院基山神移山八維蔭映○慧忠楊州柳氏子住龜洋二十年不出山咸通六年一日謂弟子曰衆生不能解脫者情累爾悟道易明道難問

如何得明道去。忠曰。但脫情見。其道自明矣。夫明之爲言。信也。如繫蛇人。信其呪力。藥力以蛇縮。弄揣懷袖中。無難。未知呪藥等力者。怖駭棄去。但諦見自心。情見便破。今千疑萬慮不得用者。是未見自心者也。忽索香焚。罷安坐而化。諡歸寂。

○德山宣鑒禪師示寂龍潭信法嗣

咸通六年十二月。日宣鑒因示疾。有僧問。還有不病者。無曰。有曰。如何是不病者。曰。阿爺阿爺。復告衆曰。捫空追響。勞汝心神。夢覺覺。非竟有何事。言訖安坐而化。壽八十六。臘六十五。諡見性禪師。

丙鑒宗禪師入寂鹽官安法嗣  
徑山第二代

鑒宗住徑山法席之盛。冠於江湖。咸通七年三月五日。集衆說法。端坐而化。諡無上。○洪諲烏程吳氏子。少依鑒宗。削髮受具。戒初習律。乘棄之。游心經論。機辯風生。香宿下之。歸覲宗。宗問。汝於時中將何以報。答曰。恩譴茫然。無對。廢食三日。宗曰。佛祖正法。直截亡詮。汝算海沙於理何益。但能莫存知見。泯絕外緣。離一切心。卽汝眞性。諲於言下有省。卽呈偈云。這箇

非他物。元來不昧機。達而全體現。應處不思議。宗曰。汝問取。察師兄。察曰。師弟高見。非吾境界。諲乃辭。偏參諸方。初謁雲巖。不契。後參靈祐。頓釋蒙滯。會昌沙汰衆。皆悲惋。諲曰。大丈夫遭此厄會。豈非命也。何乃效兒女子態乎。大中初。復沙門相。咸通七年。上徑山。宗委以住持事。諲辭甚力。宗曰。吳中佛法藉於子耳。何辭之有。宗入滅。四衆請諲補第三世法嗣。潯山。佛日本空來。訪諲問。承聞長老獨化一方。何以薦遊峯嶺。曰。朗月當空。挂冰霜不自寒。曰。莫便是長老家風。麼。曰。峭峙萬重。關於中含寶月。曰。此猶是文言。作麼生。是長老家風。曰。今日賴遇佛。日空却問隱密。全眞時人知有道。不得太省。無辜時人知有道。得於此。二途猶是時人昇降。處未審長老親道。自道如何。道曰。我家道處無可道。曰。如來路上無私曲。便請玄音和一場。曰。任汝二輪更互照。碧潭雲外不相關。曰。爲報白頭無限客。此回年少莫歸鄉。曰。老少同輪無向背。我家玄路勿參差。曰。一言定天下。四句爲誰宣。諲因示偈曰。東西不相顧。南北爲誰留。汝言有三四。我道

一也。無許州金明上座。聞禪說法。類石霜。乃曰。我往問之。彼若果合當爲渠作園頭。如其不然。我則掀倒禪床。遂問。誰曰一毫穿衆穴時。如何。曰。直須老去。曰。老去後如何。曰。光靴任汝光靴。結裏任汝結裏。明乃作禮爲之。治圃三年。○漳州羅漢參關南常問。如何是大道之源。常打漢一拳。漢遂有省。乃爲歌曰。咸通七載。初參道。到處逢言不識言。心裏疑團若撈柂。三春不樂止林泉。忽遇法王龔上座。便領疑團向師前。師從龔上那伽起。袒膊當胸打一拳。駭散疑團猶但落學頭。看見日初圓。從茲蹬蹬以碣碣。直至如今常快活。只聞肚裏飽膨膨。更不東西去持鉢。○石梯嗣業。黃一日。因侍者請浴。梯曰。既不洗塵。亦不洗體。汝作麼。生曰。和尚先去。某甲將皂角來。梯呵呵大笑。一日。見侍者托鉢赴堂。乃喚侍者。侍者應諾。梯曰。甚處去。曰。上堂齋去。曰。我豈不知汝上堂齋去。曰。除此外別道箇甚麼。曰。我祇問汝本分事。曰。和尚若問本分事。某甲實是上堂齋去。曰。汝不繆爲我侍者。○金華俱胝住菴時。有一尼名實際。戴笠子到菴。直入更不

下笠。持錫遶禪床三匝。曰。道得卽下笠。如是三問。胝皆無對。尼便去。胝曰。日勢稍晚。何不且住。曰。道得卽住。胝又無對。尼便行。胝歎曰。我雖處丈夫之形。而無丈夫之氣。不如棄菴往諸方參尋知識去。遂打疊行脚。其夜山神告曰。不須難。此來日有肉身菩薩來爲和尚說法。次日。天龍到菴。胝迎禮具陳前事。龍只豎一指示之。胝忽然大悟。後學者參問。胝惟舉一指。菴中有一童子。人問和尚尋常以何法示人。童子亦豎起。指人謂胝曰。和尚童子亦會佛法。凡有問。皆如和尚豎指。一日。胝袖刀問童子曰。聞你會佛法。是否。曰。是。曰。如何是佛。童子豎指。胝以刀斷其指。童子叫喚走出。胝召童子。童子回首。胝曰。如何是佛。童子舉手不見。指頭豁然大悟。胝將順世謂衆曰。吾得天龍一指。禪一生用不盡。要會麼。豎起指頭便脫去。

丁 楚南禪師住千頃

楚南住千頃慈雲院。示衆諸子。設使解得三世佛教。如餅注水。及得百千三昧。不如一念修無漏道。免被人天因果繫絆。時有僧問。無漏道如何。修曰。未有闍



黎時體取曰未有某甲時誰人體曰體者亦無又曰微有念生便具五陰三界輪迴生死皆從汝一念生所以佛教諸菩薩云佛所護念

○臨濟義玄禪師示寂

黃檗運法嗣  
臨濟第一世

義玄住臨濟高提三玄三要大振黃檗宗風咸通八年四月十日將示寂上堂吾滅後不得滅却吾正法眼藏時慧然出曰爭敢滅却和尚正法眼藏玄曰已後有人問你向他道什麼然便喝玄曰誰知吾正法眼藏向這瞎驢邊滅却遂說傳法偈曰沿流不止問如何真照無邊說似他離相離名人不稟吹毛用了急須磨頰畢端坐而逝○義存與全義至鰲山鎮阻雪藏每日打睡存一向坐禪一日喚曰師兄師兄且起來曰作甚麼曰今生不著便共文窓箇漢行脚到處被他帶累今日到此又祇管打睡藏喝曰瞌睡去每日床上坐恰似七村裏土地他時後日魔魅人家男女去在存點胸曰我這裏未穩在不敢自謾曰將謂你他日向孤峯頂上盤結草菴播揚大教猶作這箇語話曰我實未穩在曰若實如此據你見處一一

通來是處與你證明不是與你割却曰我初到鹽官見上堂舉色空義得箇入處曰此去三十年切忌舉著又見洞山過水偈曰切忌從他覓迢迢與我踈渠今正是我我今不是渠曰若與麼自救也未徹在曰後問德山從上宗乘中事學人還有分也無德山打一棒曰道甚麼我當時如桶底脫相似麼乃喝曰不聞道從門入者不是家珍他後若欲播揚大教一一從自己胸襟中流出將來與我蓋天蓋地去存於言下大悟便作禮起連聲叫曰師兄今日始是鰲山成道今日始是鰲山成道

子良价禪師傳法本寂

本寂自入室洞山盤桓數載乃辭去良价囑曰吾在雲巖先師處親印寶鏡三昧事窮的要今付於汝詞曰如是之法佛祖密付汝今得之宜善保護銀盃盛雪明月藏鷺類之弗齊混則知處意不在言來機亦赴動成窠臼差落顧佇背觸俱非如大火聚但形文彩即屬染汚夜半正明天曉不露爲物作則用拔諸苦雖非有爲不是無語如臨寶鏡形影相觀汝不是

●佛書作  
●正等十五  
字義支注

渠渠正是汝如世嬰兒五相完具不去不來不起不住婆婆和和有句無句終不得佛語未正故重離六爻偏正回互疊而爲三變盡成五正中來偏中至正中偏偏中正象中到如莖草味如金剛杵正中妙夾敲唱雙舉通宗通塗挾帶挾路錯然則吉不可犯忤天真而妙不屬迷悟因緣時節寂然昭著細入無間大絕方所毫忽之差不應律呂今有順漸緣立宗趣宗趣分矣即是規矩宗通趣極眞常流注外寂中搖係駒伏鼠先聖悲之爲法檀度隨其顛倒以緇爲素顛倒想滅肯心自許要合古轍請觀前古佛道垂成十劫觀樹如虎之缺如馬之鼻以有下劣實几珍御以有驚異狸奴白牯犁以巧力射中百步箭鋒相直巧力何預木人方歌石女起舞非情識到寧容思慮臣奉於君子順於父不順非孝不奉非輔潛行密用如愚若魯但能相續名主中主价又曰末法時代人多乾慧要辨眞僞有三種滲漏一曰見滲漏機不離位墮在毒海二曰情滲漏滯在向背見處偏枯三曰語滲漏究妙失宗機昧終始獨智流轉於此三種子

宜知之既授宗旨復問寂曰子向甚麼處去曰不變異處去曰不變異處豈有去耶曰云亦不變異○居遁南城郭氏子初參無學問如何是祖師西來意學曰與我將禪板來遁遂過禪板學接得便打遁曰打即任打要且無祖師西來意又參義玄問如何是祖師西來意玄曰與我將蒲團來遁遂過蒲團玄接得便打遁曰打即任打要且無祖師西來意又參宣鑒問學人仗鎗鋌擬師頭時如何鑒引頸曰因遁曰師頭落也鑒微笑後參良价問近離甚處曰德山曰德山有何言句遁舉前話价曰他道什麼曰他無語曰莫道無語且試將德山落底頭呈似老僧看遁於此有省遂焚香遙望德山禮拜懺悔鑒聞之曰洞山老漢不識好惡這漢死來多少時救得有什麼用處從他擔老僧頭遠天下走遁乃止洞山又問學人自到法席不蒙示誨一法意在於何曰爭怪得老僧一日問如何是祖師西來意曰待洞水逆流即向汝道遁始悟歎曰學道如鑽火逢烟未可休直待金星現歸家始到頭又曰學道先須有悟緣還如慣

開快龍舟。雖然舊閣閑田地。一度贏來方始休。

已慶諸禪師復住石霜

慶諸初住石霜。後隱長沙。劉陽人莫識者。因僧舉洞山解制上堂。秋初夏末。兄弟東去西去。直須向萬里無寸草處去。諸曰。何不道出門便是草。良价聞之驚曰。劉陽乃有古佛耶。自是僧衆迎諸再住石霜。

○洞山良价禪師示寂

雲巖展法嗣曹洞第一世

咸通十年三月。良价示疾。令沙彌傳語道。齊驢曰。他或問和尚安樂否。但道雲巖路相次絕也。汝下此語。須遠立。恐他打汝。沙彌領旨去傳語。聲未絕。早被膺打一棒。僧問和尚。達和還有不病者。無曰。有曰。不病者還看和尚否。曰。老僧看他。有分曰。未審和尚如何看他。曰。老僧看時。不見有病。价乃問僧。離此殼漏子。向甚麼處與吾相見。僧無對。因示頌曰。學者恒沙無一悟。過在尋他舌頭路。欲得忘形泯蹤跡。努力慙慙空裏步。遂命剃髮澡身。披衣聲鐘。辭衆儼然坐化。時大衆號慟。移晷不止。价忽開目曰。出家人心不附物。是真修行。勞生息死。於悲何有。復令主事僧辦愚癡。

◆二三

齊衆僧戀慕不已。延七日。食具方備。价亦隨衆齋畢。乃曰。僧家無事。大率臨行之際。勿須喧動。遂歸丈室。端坐長往。諡悟本禪師。塔曰慧覺。○道全初參良价。問如何是出離之要。曰。閻黎足下。烟生全當下契悟。价歿。衆請全住持海衆。悅服。

○本寂禪師開法曹山

本寂辭良价。遂造曹溪禮塔。還止臨川。有佳山水。因定居焉。以志慕六祖。乃名山爲曹。示衆僧家在此等衣線下。理須會通。向上事。莫作等閑。若也承當處。分明即轉。他諸聖向自己背後。方得自繇。若也轉不得。直饒學得十成。却須向他背後。又手說什麼大話。若轉得自己。則一切靈重境來。皆作得主。宰假如泥裏倒地。亦作得主。宰如有僧問。藥山曰。二乘教中。還有祖意也。無曰。有。既有達磨。又來作麼。曰。只爲有。所以來豈非作得主。宰轉得歸自己手。如經曰。大通智勝佛。十劫坐道場。佛法不現前。不得成佛道。言劫者。滯也。謂之十成。亦曰。斷滲漏也。只是十道頭絕矣。不忘大果。故云。守住就著名爲取次。承當不分貴賤。不見。

南泉曰。饒汝十成。猶較王老師一線道也。大難事到此。直須子細始得。明白自在。不論天堂地獄。說鬼畜生。但是一切處不移。元是舊時人。只是不行舊時路。若有欣心。還成滯著。如今人說箇淨潔處。愛說向去事。此病最難治。若是世間難重事。却是輕淨潔病。爲重。只如佛味祖味。盡爲滯著。先師曰。擬心是犯戒。若也得味。是破齋。且喚作什麼作味。只是佛味祖味。纔有欣心。便是犯戒。祖師出世。亦只爲這箇。亦不獨爲汝。今時莫作等閑。驚奴白牯。修行却快。不是有禪有道。如汝種種馳求。覓佛覓祖。乃至菩提涅槃。幾時休歇。成辦乎。皆是生滅心。所以不如驚奴白牯。兀兀無知。不知佛。不知祖。乃至菩提涅槃。及以善惡因果。但飢來喫草。渴來飲水。若能恁麼。不愁不成。辦僧問五位。君臣旨訣。寂曰。正位即空界。本來無物。偏位即色界。有萬形象。正中偏者。背理就事。偏中正者。捨事入理。兼帶者。冥應衆緣。不墮諸有。非染非淨。非正非偏。故曰。虛玄大道。無著真宗。從上先德。推此一位。最妙最玄。當詳審辨明。君爲正位。臣爲偏位。臣向君是。

偏中正。君視臣。是正中偏。君臣道合。是兼帶。語問。如何是君。曰。妙德尊寰宇。高明朗太虛。曰。如何是臣。曰。靈機宏聖道。眞知利群生。曰。如何是臣向君。曰。不墮諸異趣。凝情望聖容。曰。如何是君視臣。曰。妙容雖不動。光燭本無偏。曰。如何是君臣道合。曰。混然無內外。和融上下平。又曰。以君臣偏正言者。不欲犯中。故臣稱君不敢斥言是也。此吾法之宗要。乃作偈曰。學者先須識自宗。莫將眞際雜頑空。妙明體盡知傷觸。力在逢緣不借中。出語直教燒不著。潛行須與古人同。無身有事超岐路。無事無身落始終。僧問。十二時中。如何保任。曰。如過蠱毒之鄉。水也不得沾他一滴。○義存與文邃。全蒙自湘入江南。至新吳山。窺濯足澗。則見菜葉喜曰。此山必有道人。可沿流尋之。存怒曰。汝智眼太濁。他日如何辨人。彼不惜福。如此住山。何爲成通。年中存回闍。登象骨山。雪峰創院。玄侶聯集。僧問和尚。見德山得箇甚麼。便休去。曰。我空手去。空手歸上堂。諸上座。望州亭與汝相見了也。烏石嶺與汝相見了也。僧堂前與汝相見了也。又云。盡大地撮。



來如粟米粒大。拋向面前。漆桶不會打鼓。普請看。

庚寅 善會禪師開法夾山

善會廣州廖氏子。自得法船子。逐世幽棲。學者麟萃。咸通十一年。開席夾山上堂。有祖以來時人。錯會相承。至今以佛祖言句。爲人師範。若或如此。却成狂人。無智人去。他祇指示。汝無法本。是道道無。一法無佛。可成無道。可得無法。可取無法。可捨。所以老僧道目前無法。意在目前。他不是目前法。若向佛祖邊學。此人未具眼。在何故。皆屬所依不得。自在本祇爲生死。茫茫識性。無自繇分。千里萬里。求善知識。須具正眼。求脫虛繆之見。定取目前生死。爲復實有。爲復實無。若有人定得許。汝出頭上根之人。言下明道。中下根器。波浪走何。不向生死中定當取何處。更疑佛祖替汝生死。有智人笑汝。汝若不會。更聽一頌。勞持生死法。惟向佛邊求。目前迷正理。撥火覓浮漚。僧問從上立祖意。教意和尚爲甚麼。言無曰。三年不喫飯。目前無飢人。曰。既是無飢人。某甲爲甚麼不悟。曰。祇爲悟迷。却闍黎復示偈曰。明明無悟法。悟法却迷人。長

舒兩脚睡。無爲亦無真。僧問。撥塵見佛時如何。曰。直須揮劍。若不揮劍。漁父棲巢。

壬辰 慧然禪師開法三聖

慧然得臨濟正傳。後辭徧遊到處叢林。皆以高賓待之。先造雪峰。後至仰山。山問汝名甚麼。曰。慧寂。曰。慧寂是我名。曰。我名慧然。山呵呵大笑。一日有官人參山。山問官居何位。曰。推官。山豎起拂子。曰。還推得這箇麼。官人無對。山令衆下語。皆不契。時然病在延壽堂。山令侍者去請下語。曰。和尚今日有事。問未審有甚麼事。曰。再犯不容山。深肯之一日。辭去山。以拄杖拂子付然。然曰。某甲已有師。到德山纔展坐具。山曰。莫展炊巾。這裏無殘羹餽飯。曰。縱有也。無著處。山便打。然接住。棒推向禪床上。山大笑。然哭。蒼天便下參堂。堂中首座號踢天。泰問行脚高士。須得本道公驗。作麼生。是本道公驗。曰。道甚麼。泰再問。然打一坐具。曰。這漆桶前後觸忤多少賢良。泰擬人事。然便過第二座。人事後住三聖上堂。我逢人即出。出則不爲人。便下座。存獎問之。曰。我逢人則不出。出則便爲人。



## ○義存禪師傳法文偈

文偈嘉興張氏子。生知天縱落髮。受具侍本師數年。探窮律部。以已事未明。往參道明。明纔見來。便閉却門。偈乃扣門。明曰。誰曰某甲。曰。作甚麼。曰。已事未明。乞師指示。明開門。一見便閉。偈如是連三日扣門。至第三日開門。偈乃拶入。明便擒住。曰。道道。偈驚不暇。答明便推出。曰。秦時轆轤鑽。遂掩門。損偈右足。偈從此悟入。明乃指見雪峰。到莊見一僧。問上座。今日上山去。那曰。是曰。寄一則因緣。問堂頭和尚。祇是不得。道是別人語。上座到山見和尚。上堂衆纔集。便出握腕立地。曰。這老漢。頂上鐵枷。何不脫却。僧一依教。峰見這僧與麼道。便下座。攔胸把住。曰。速道。速道。僧無對。峰拓開曰。不是。汝語曰。是某甲。語曰。侍者將繩棒來。曰。是莊上一浙中上座。教某甲來。道曰。大衆去。莊上迎取五百人。善知識來。偈次曰。上山峰。纔見便曰。因甚得到與麼田地。偈乃禮拜。溫研積稔。遂傳密印。

甲存獎禪師開法興化

存獎初在臨濟爲侍者。元安來參義玄。玄問甚處來。

曰。鑾城來。曰。有事相借問得麼。曰。新戒不會。曰。打破大唐國。竟箇不會底人也。無參堂去。獎隨後請問曰。適來新到。是戒。戒他不成。戒他曰。我誰管你。戒。戒不成。戒曰。和尚祇解將死雀就地彈。不解將一轉語蓋覆却。曰。你又作麼生。曰。請和尚作新到。玄遂曰。新戒不會。曰。却是老僧罪過。曰。你語藏鋒。獎擬議。玄便打。至晚。玄又曰。我今日問新到。是將死雀就地彈。就窠子裏打。及至你出得語。又喝起了。向青雲裏打。曰。草賊大敗。玄便打。後在三聖會裏爲首座。常曰。我向南方行脚。一遭拄杖頭。不曾撥著一箇會佛法底人。慧然曰。你具甚麼眼。便恁麼道。獎便喝。然曰。須是你始得。後大覺聞舉。遂曰。作麼生。得風吹到大覺門裏來。獎後到大覺爲院主。一日。覺喚院主。我聞你道向南方行脚。一遭拄杖頭。不曾撥著一箇會佛法底人。你恁甚麼道理。便與麼道。獎便喝。覺便打。獎又喝。覺又打。獎再喝。覺亦打。獎曰。某甲於三聖師兄處學得箇賓主句。總被師兄折倒了也。願與某甲箇安樂法門。曰。這瞎漢。來這裏納敗缺。脫下衲衣。痛打一頓。獎於

言下薦得先師於黃檗處喫棒底道理。住與化拈香。此一炷香。本爲三聖師兄。三聖於我太孤。本爲大覺師兄。大覺於我太賒。不如供養臨濟先師。示衆我聞前廊下也。喝後架裏也。喝諸子。汝莫盲喝。亂喝。直饒喝得與化向虛空裏撲下來一點氣也。無待我蘇息起來。向汝道。未在何故。我未曾向紫羅帳裏撒真珠。與汝諸人去。在胡喝亂喝。作麼。一日謂克賓維那曰。汝不久爲唱導之師。曰。不入這保社。曰。會了不入。不會了不入。曰。總不與麼。獎便打。曰。克賓維那法戰不勝。罰錢五貫。設饋飯一堂。次日獎。自白椎曰。克賓維那法戰不勝。不得喫飯。即便出院。僧問。四面八方來時。如何。曰。打中間底僧。禮拜獎曰。昨日赴箇村齋中。途遇一陣本風暴雨。却向古廟裏躲避得過。

乙未 本空參道膺禪師

本空初遊天台。嘗曰。如有人奪得我機者。卽我師矣。尋抵江西。謁道膺。作禮而問曰。二龍爭珠。誰是得者。膺曰。卸却業身來。與子相見。曰。業身已卸。曰。珠在甚麼處。空無對。遂投誠入室。時空年始十三。○本寂住

曹山一日有紙衣道者來參。寂問。莫是紙衣道者否。曰。不敢。曰。如何是紙衣下事。曰。一裘纔挂體。萬法悉皆如曰。如何是紙衣下用紙衣。近前拱立曰。諾。便脫去。寂笑曰。汝祇解與麼去。何不解恁麼來。紙衣忽開眼。問曰。一靈真性。不假胞胎。時如何。曰。未是妙。曰。如何是妙。曰。不借借紙衣。退坐堂中。而化寂示偈曰。覺性圓明。無相身莫。將知見妄疎。親念異。便於立體。昧心。差不與道爲隣。情分萬法。沉前境。識鑒多端。喪本真。如是句中全曉。會了。然無事。昔時人。

丙申 師備禪師開法玄沙

師備闍黎謝氏子。父以漁爲業。因夜泛船。墮水。備鼓棹而救。見水中月。乃云。先達有言。一切諸法。皆如水月。若父存。與其同殺。只益三途之苦。今旣不可救。莫若捨緣出家。報父恩也。於是斷髮受具。芒屨布衲。食糲接氣。宴坐終日。與義存親近。存以其苦行。呼爲頭陀。嘗携囊出嶺。擬欲遍參。忽到險峻之處。築著脚。指血流痛楚。嘆曰。是身非有痛。從何來。是身是苦。畢竟無生。休休。遂不出嶺。依存。咨決心要。一日存召曰。備。

頭陀何不偏參去。曰達磨不來東土。二祖不住西天。存然之稱曰。備頭陀再來人也。後忽夢父來謝曰。荷子出家。我得生天。故來報汝。存登象骨山。備入室。又聞楞嚴發明心地。自是應機敏捷。與修多羅冥契。諸方玄學有所未決。必從之請益。一日辭存曰。答和尚。人人自緣自在。師備如今下山去。曰是誰與麼道。曰是和尙與麼道。曰汝作麼生。曰不自緣自在。曰知自是結屋立沙。衆相尋而至。遂成叢林。上堂。佛道閑曠。無有程塗。無門爲解脫之門。無意作道人之意。不在三際。故不可升沉。建立乖真。非屬造化。動則起生死之本。靜則醉昏沉之鄉。動靜雙泯。即落空亡。動靜雙收。顯預佛性。必須對塵對境。如枯木寒灰。臨時應用。不失其宜。鏡照諸像。不亂光輝。鳥飛空中。不雜空色。所以十方無影像。三界絕行蹤。不墮往來機。不住中間意。鐘中無鼓響。鼓中無鐘聲。鐘鼓不相交。句句無前後。如壯士展臂。不借他力。師子遊行。豈求伴侶。九霄絕翳。何用穿通。一段光明。未曾昏昧。夫佛出世者。元無出入。蓋名相無體。道本如如。法爾天真。不同修

證。祇要虛閑不昧作用。不涉塵泥箇中。若纖毫不盡。即爲魔王眷屬。句前句後。是學人難處。所以道一句當機。入萬法門。永絕生死。直饒得似秋潭月影。靜夜鐘聲。隨扣擊以無虧。獨波瀾而不散。猶是生死岸頭事。道人行處。如火銷冰。終不却成冰。箭既離弦。無返回勢。所以牢籠不肯住。呼唤不回頭。古聖不安排。至今無處所。若到這裏。步步登玄。不屬邪正。識不能識。智不能知。動便失宗。覺即迷旨。二乘膽戰。十地魂驚。語路處絕。心行處滅。直得釋迦掩室於摩竭。淨名杜口於毗耶。須菩提唱無說而顯道。釋梵絕聽而雨花。若與麼現前。更疑何事。沒棲泊處。離去來今。限約不得。心思路絕。不因莊嚴本來清淨。動用語笑。隨處明了。更無欠少。古德云。情存聖量。猶落法塵。已見未忘。還成滲漏。不可道持齋持戒。長坐不臥。住意觀空。凝神入定。便當去也。有甚麼交涉。西天外道。入得八萬劫定。劫數滿後。不免輪迴。蓋爲道眼不明。生死根源不破。夫出家兒。即不然。不可同他外道也。如今甚麼處。不是汝甚麼處。不分明甚麼處。不露現。何不與麼

會去如實未有發明。切須在急時中忘餐失寢。似救頭然如喪身命。冥心自救。放捨閑緣。歇却心識。方有少許相親。若不如是。明朝後日。盡被識情帶去。有甚麼自繇分。又諸行無常。是生滅法。世間難信之法。具大根器。方能明達。今生若徹萬劫亦然。古德云。直向今生須了却。誰能累劫受餘殃。又曰。玄沙遊徑別時人。切須知三冬陽氣盛。六月降霜時。有語非關舌。

無言切要詞。會我最後句。出世少人知。○志勤福州人參懶安。因見桃花悟道。安囑曰。從緣悟達。永無退失。善自護持。久之歸福州。因到玄沙看師。備備曰。那裏何似這裏。曰也。只是桑梓別無他故。曰在也。無曰。常然曰。何不道曰有甚難。曰便請曰。三十年來尋劍客。幾回葉落幾抽枝。自從一見桃花後。直至如今更不疑。曰甚生桑梓之能。曰向道固非外物。曰如是曰。不敢曰。諦當甚諦當。敢保老兄未徹在。曰和尚還徹也未。曰與麼始得。曰亘古亘今曰甚好。備遂作偈曰。三十年來只如常。幾回落葉放毫光。自此一出雲霄外。體性圓音應法王。住靈雲上堂。諸仁者。所有長短。

盡至不常。且觀四時草木。葉落花開。何況塵劫來。天人七趣。地水火風。成壞輪轉。因果將盡。三惡道苦。毛髮不曾添減。惟恨帶神識。常存上根者。遇善友。伸明當處解脫。便是道場。中下愚癡。不能覺照。沉迷三界。流轉生死。釋尊爲伊。天上人間。設教證明。顯發智道。汝等還會麼。僧問。如何得出離生死。勤曰。青山元不動。浮雲任去來。

丁睦州道明禪師入寂黃檗運法嗣

道明住睦州。示衆汝等諸人。還得箇入頭處也未。若未得箇入頭處。須覓箇入頭處。若得箇入頭處。已後不得孤負老僧。時有僧出禮拜曰。某甲終不敢孤負和尚。曰。早是孤負我了也。尋常見衲僧來。即閉門或見講僧。乃召曰。座主。主應諾。明曰。擔板漢上堂。裂開也在我。捏聚也在我。時有僧問。如何是裂開。曰。三九二十七。菩提涅槃。眞如解脫。卽心卽佛。我且與麼道。你又作麼生。曰。某甲不與麼道。曰。蓋子撲落地。碟子成七片。曰。如何是捏聚。明乃斂手而坐。一日陞坐曰。首座。昨曰在寺主。昨曰在維那。昨曰在曰。三段不同。



今當第一。向下文長付在來。曰下座。又示衆大事未明如喪者。妣大事既明如喪者。妣是年臨終。召門人曰。此處緣息。吾當逝矣。乃跏趺而寂。火焚舍利如雨。收靈骨建塔。壽九十八。臘七十六。○陳操尙書參道明得悟。一日操問明曰。和尚看甚麼。經曰。金剛經曰。六朝翻譯。此當第幾明。經曰。一切有爲法。如夢幻泡影。一日齋僧次。拈起餅問曰。江西湖南還有這箇麼。曰。尙書適來喫什麼。曰。敲鐘。謝響。又一日齋僧次。躬行餅僧展手接。操乃縮手。僧無語。操曰。果然果然。一日與僚屬登樓。望見數僧來。一官人曰。來者總是行脚禪僧。曰。不是。曰。焉知不是。曰。待近來與你勘過。僧至樓前。操薦召曰。上座。僧皆迴首。操謂諸官曰。不信道。惟有雲門一人他勘不得。參見睦州來。

成。本空謁善會禪師

本空得法道膺後四年。到來山纔入門。見維那維那曰。此間不著後生。曰。某甲不求挂搭。暫來禮謁。和尚維那曰。善會會許相見。空未升階。會便問甚麼處來。曰。雲居來。曰。卽今在甚麼處。曰。在夾山頂額上。曰。老僧行

年在次五鬼。隨身空擬上塔。會曰。三道寶塔從何而上。曰。三道寶塔曲爲今時。向上一路。請師直指。會便揖空。乃上塔禮拜。會問闍黎與甚麼人同行。曰。木上座。曰。何不來看老僧。曰。和尚看他有分。曰。在甚麼處。曰。在堂中。會便同空下到堂中。空遂取拄杖。擲在會面前。會曰。莫從天台得否。曰。非五嶽之所生。曰。莫從須彌得否。曰。月宮亦不逢。曰。怎麼則從人得也。曰。自己尙是冤家。從人得堪作甚麼。曰。冷灰裏有一粒豆子。爆乃喚維那。令明窓下安排。著空曰。未審明窓還解語也。無曰。待明窓解語。卽向汝道。會到來。曰。上堂問。昨日新到在甚麼處。空乃出應。諾。會曰。子未到雲居。已前在甚麼處。曰。天台。國清曰。吾聞天台有瀑澗之瀑。淅淅之波。謝子遠來。此意如何。曰。久居巖谷。不挂松蘿。曰。此猶是春意秋意。又作麼。生空乃良久。會曰。看君祇是撐船漢。終歸不是弄潮人。來日普請。次維那令空送茶。空曰。某甲爲佛法來。不爲送茶來。維那曰。奉和尚處分。曰。和尚尊命。卽得。乃將茶去。作務處搖茶甌。作聲。會回顧空曰。齎茶三五碗。意在饒



頭邊曰瓶有傾茶勢。盞中幾箇。顛曰瓶有傾茶勢。盞中無一甌。便傾茶行之時。大眾皆舉目。空曰。大眾。鵲望請師一言。會曰。路逢死蛇。莫打殺。無底盞。子盛將歸。曰。手執夜明符。幾箇。知天曉。曰。大眾有人也。歸去來。歸去來。遂往普請歸院。衆皆仰嘆。空後住杭州。佛日。○稽山章亦道膺嗣。嘗在投子作柴頭。一日與大同喫茶。次同曰。森羅萬象。總在裏許。章乃潑却茶曰。森羅萬象。在甚麼處。同曰。可惜一碗茶。章後謁義存。存問莫是章柴頭麼。章乃作輪椎勢。存深肯之。○慧後鹽官孫氏。子年十二出家。受具。歷參禪院。初問志勤。如何是佛法大意。曰。驢事未去。馬事到來。後不契參。義存舉前語。存曰。汝豈不是杭州人。曰。某甲豈不知是杭州人。存舉似師。備備曰。恐他因緣不在。和尚處教向下來。某向他說。後到備處。舉前話。備曰。你是後道者。作麼生。不會曰。不知靈雲與麼道。意作麼生。曰。只是後道者。不可外覓。曰。和尚作麼生。與麼說。某名不可不識。乞和尚說道。理曰。你是兩浙人。我是福州人。作麼生。不會曰。實不會。乞和尚說破。曰。我豈不

是向你說也。曰。某甲特地來。乞和尚說。莫與麼相弄。曰。你聞鼓聲也。無曰。某不可不識鼓聲也。曰。若聞鼓聲。即是你。曰。不會。曰。且喫粥去了。便來。後喫粥了。便上。曰。乞和尚說破。曰。不是喫粥了也。曰。乞和尚說破。莫相弄。某甲且辭歸去。曰。你來時。從那裏路來。曰。大目路來。曰。你去也。從大目路去。作麼生說相弄。

庚子湖利蹤禪師入寂南泉願法嗣

利蹤住子湖。嚴示衆諸法。蕩蕩何絆。何拘。汝等於中。自生難。易心源一統。綿亘十方。上上根人。自然明白。歷歷分明。無有不是。只少箇丈夫之志。致見如斯疲勞。欲得易會麼。自古及今。未有一箇凡夫聖人出現。汝前亦無有一善語惡語。到汝分上。爲甚麼故爲善。善無形。爲惡惡無相。既已無我。把甚麼爲善。惡立那箇是。凡聖汝信否。還保任否。有甚麼迴避處。恰似日中逃影。還逃得麼。廣明元年。無疾而逝。初子湖山下有陶家。無子夫婦。日夕焚禱。蹤一日過。而問曰。爾何所祈。陶告之。故蹤曰。汝施我竹。我施汝子。陶遂施竹。其夕感異夢。隨舉一男。衆因號神力禪師。

## 辛 文喜禪師住仁王

文喜自得法慧寂依止七年回浙西止千頃山築室而居會集冠之亂避地湖州住仁王院○善會住來山中和元年十一月七日將示寂召主事僧曰吾與衆僧話道累歲佛法深旨各應自知吾今幻質時盡即去汝等善保護如吾在日勿得雷同世人輒生惆悵言訖奄然而逝壽七十七諡曰傳明塔曰永濟

韶山普賢善會法嗣住後有導布衲來訪寢在山下相見導問韶山路向甚麼處去寢乃以手指曰鳴那青青黯黯處去導便近前把住曰久嚮韶山莫便是否曰是即是聞黎有甚麼事曰擬伸一問師還答否曰看君不是金牙作爭解彎弓射尉遲曰鳳凰直入烟霄去誰怕林間野雀兒曰當軒畫鼓從君擊試展家風似老僧曰一句迥超千聖外松蘿不與月輪齊曰饒君直出威音外猶較韶山半月程曰過在甚麼處曰偶儻之辭時人知有曰恁麼則真玉泥中異不撥萬機塵曰魯班門下徒施巧妙曰學人即恁麼未審師意如何曰玉女夜拋梭織錦於西舍曰莫便是

和尚家風也無曰耕夫製玉漏不是行家作曰此猶是文言如何是和尙家風曰橫身當宇宙誰是出頭人導無語於是同導歸山纔人事了實召導曰近前來乃曰聞黎有衝天之氣老僧有入地之謀聞黎橫吞巨海老僧背負須彌聞黎按劍上來老僧握鎗相待向上一路速道速道曰明鏡當臺請師一鑒曰不鑒曰爲甚麼不鑒曰水淺無魚徒勞下釣導無對寢便打○元安鳳翔溪氏子受具戒通經論初參翠微北至臨濟爲侍者濟稱之曰此臨濟門下一隻箭誰敢當鋒安自謂已足一日齊問從上來一人行捧一人行喝阿那箇親曰總不親曰親處作麼生安便喝濟便打又侍立次有座主參濟濟問有一人於三乘十二分教明得有一人不於三乘十二分教明得且道此二人是同是別曰明得即同明不得即別曰這裏是甚麼所在說同說別乃顧安曰汝又作麼生安便喝濟送座主回問安汝豈不是適來喝老僧者曰是濟便打後辭濟問甚麼處去曰南方去濟以拄杖畫一畫曰過得這箇便去安乃喝濟便打安作禮而去

濟明日升堂曰臨濟門下有箇赤梢鯉魚搖頭擺尾向南方去不知向誰家盡獲裏淹殺安遊歷罷直往夾山頂上卓庵經年不訪善會會乃修書令僧馳往安接得便坐却再展手索僧無對安便打曰歸去舉似和尚僧回舉似會會曰通僧若開書三日內必來若不開書新人教不得也會却令人伺安出菴便與燒却過三日安果出菴來人報菴中火起安亦不顧直到夾山不禮拜乃當面叉手而立會曰雞棲鳳巢非其同類出去曰自遠趨風請師一接曰目前無闊黎此間無老僧安便喝會曰住住且莫草草忽忽雲月是同溪山各異截斷天下人舌頭即不無闊黎爭教無舌人解語安佇思會便打安遂緣此服膺一日問會佛魔不到處如何體會曰燭明千里像闇室老僧迷問朝陽已昇夜月不現時如何曰龍銜海珠遊魚不顧安於言下大悟會將示滅垂語曰石頭一枝看看即滅矣曰不然曰何也曰他家有青山在曰苟如是吾宗不墜矣會歿衆請安補住夾山

王慶請禪師傳法傳法普聞

晉興唐僖宗第三子壽石霜法道夢寐想見中和元年僖宗幸蜀親王宗室皆逃亡聞斷髮遊游人無知者造石霜謁屢諸語與語嘆異曰汝乘願力而來乃生帝王家脫身從我火中蓮也一夕入室懇曰祖師別傳事肯以相付乎曰莫謗祖師曰天下宗旨盛傳豈妄爲之耶曰是實事曰師意如何曰待案山點頭即向汝道聞俯而惟曰大奇汗下再拜遂依止石霜○通玄郢州程氏子出家受具即遊洛習毗尼棄去參宣鑒鑒時已臘高門風益峻會下未有違之者獨奇玄然玄不大徹辭謁良价价與語喜撫之曰掌有神珠白晝示人人且按劍況玄夜乎子可貴也曰但不識珠耳儒識亦無晝夜价稱爲俊士份入滅玄廬塔旁三年學者依從曰盛玄曰太平時世飢餐困臥復有何事吾本無事汝與麼來相尋是無事生事無事生事道人所忌何不各自歇去中和初辭塔北游久之南還寓止豫章南平鍾王執弟子禮玄厭城居王爲買末山建精舍號隆濟以延之學者雲集示衆佛意祖意如手展握先師安立五位發明雲巖宗旨

譬如神醫治病其藥只是尋常用者語忌十成不欲斷絕機忌觸犯不欲染汙但學者機思不妙惟尋九轉靈丹云能起死是大不然法華經有化城一品佛祖密說熟讀分明大通智勝佛壽五百四十萬億那繇他劫其坐道場破魔軍已垂得阿耨多羅三藐三菩提而諸佛法不現在前如是一小劫乃至十小劫結跏趺坐身心不動而諸佛法猶不在前言垂成者言一小劫十小劫者是染汙是斷絕又曰爾時忉利諸天先爲彼佛於菩提樹下敷師子座高一繇旬佛於此座當得阿耨多羅三藐三菩提適坐此座時諸梵天王雨衆天花面百繇旬香風時來吹去萎花更雨新者如是不絕滿十小劫供養於佛菩薩天鼓其餘諸天作天伎樂常雨此華四王諸天爲供養佛菩薩天鼓其餘諸天作天伎樂滿十小劫至於滅度亦復如是諸比丘大通智勝佛過十小劫諸佛之法乃現在前成阿耨多羅三藐三菩提言過十小劫者偏正回互之旨也祖師曰藉教悟宗者夫豈不然哉

癸卯大安禪師入寂百丈海法嗣

大安住潞山大化國城三十餘載示衆汝諸諸總來就安求覓甚麼若欲作佛汝自是佛擔佛傍家走如渴鹿趨陽燄相似何時得相應去汝欲作佛但無許多顛倒攀緣妄想惡覺垢欲不淨衆生之心便是初心正覺佛更向何處別討所以安在潞山三十來年喫潞山飯屙潞山屎不學潞山禪祇看一頭水牯牛若落路入草便把鼻孔拽轉來纔犯人苗稼即便鞭撻調伏既久可憐生受人言語如今變作箇露地白牛常在面前終日露迥迥地越亦不去汝諸人各自有無價大寶從眼門放光照見山河大地耳門放光領采一切善惡音響如是六門晝夜常放光明亦名放光三昧汝自不識取影在四大身中內外扶持不教傾側如人負重擔從獨木橋上過亦不教失脚且道是甚麼物任持便得如是且無絲髮可見豈不見誌公和尚云內外追尋覓總無境上施爲渾大有珍重中和三年十月日示寂諡圓智塔曰證真○大隨法眞徧參知識次至懶安會下數載清苦鍊行安深器之一日問曰闍黎在老僧此間不曾問一轉語曰

教某甲向某處下口曰何不道如何是佛真便作手勢掩安口安嘆曰子真得其隨後住大隨諸方畏憚忽一日上堂衆集定乃作患風勢告衆曰還有人醫得老僧口麼衆競送藥真並不受經七日真自擱口令正復云如許多時鼓這兩片皮至今無人醫得於是齋前陞座辭衆儼然端坐而寂住菴時有僧問劫火洞然大千俱壞未審這箇壞不壞曰壞曰怎麼則隨他去也曰隨他去僧不肯後參投子大同舉前話同遂裝香迤禮曰西川古佛出世謂其僧曰汝速回去懺悔僧回大隨真已歿再至投子同亦遷化

丙元安禪師住洛浦

元安移居洛浦上堂末後一句始到牢關把斷要津不通凡聖尋常向諸人道任從天下樂欣欣我獨不肯欲知上流之士不將佛祖言教貼在額頭上如龜負圖自取喪身之兆鳳縈金網趨霄漢以何期直須旨外明宗莫向言中取則是以石人機似汝也解唱巴歌汝若似石人雪曲也應和指南一路智者知疏

丁嚴頭全嚴禪師入寂

德山鑒

全嚴住嚴頭管謂衆曰老漢去時大吼一聲了去光啓年間中原盜起衆皆避地嚴獨端居宴如也丁未四月八日賊大至責以無供饋遂判刀焉嚴神色自若大叫一聲而終聲聞數十里茶毗獲舍利四十九粒謚清嚴塔曰出塵○瑞嚴山彦嗣嚴頭閩縣許氏子初參嚴問曰如何是本常理曰動也曰動時如何曰不是本常理彦佇思嚴曰肯即未脫根塵不肯即永沉生死彦遂領悟後居丹丘瑞嚴坐盤石上終日如愚每自喚主人公復應諾乃曰惺惺著他後莫受人瞞一日忽有三僧胡形清峭目若流電差肩並足來禮彦問子從何來曰天竺來曰何時發曰朝行適至曰得無勞乎曰爲法忘勞諦視之三僧足皆不蹈地彦乃令入堂上位安置至明日忽焉不見又一日有村媼來禮拜彦曰汝莫拜可急歸救取數百物命媼因歸見其婦方拾田螺還媼遂亟投水中又一日數家召齋一一同時見彦來赴至示寂閣維有一巨蛇從樹杪投身火聚及薪盡火滅舍利散飛風動草木紛紛而墜○維山道閑初參慶諸問曰起滅不



停時如何曰直須寒灰枯木去一念萬年去函蓋相應去全清絕點去閑不契謁靈便如前問靈囑曰是誰起滅閑於此有省一日閑游潭州見三平碑云和尚遷化時衆請韓某作喪主韓將一條手巾蓋一面紗羅以一口露刀劍橫放紗羅上直到龜前放下云還有人道得麼若道得某即作喪主若道不得即不作喪主這道衆無對韓便遷却紗羅哭云蒼天蒼天先師歟矣閑曰噫大奇大奇三平門下六百來人總被這俗漢吞却也陳老師當時若在未放他過僧問祇如他與麼來作麼生祇對曰我當時若在只將三尺布蓋却頭橫亞一把露刀劍以手揭起孝幕當門而坐看韓家箇漢要作喪主也未得要不作喪主也未得進之須有禮退之須有禮閑後住羅山臨遷化上堂集衆良久展左手主事問測乃令東邊師僧退後又展右手又令西邊師僧退後乃曰欲報佛恩無過流通大教歸去也歸去也珍重言訖莞爾而寂○慶祥住石霜會下一千五百人時齊曰賢休泰布禱等以神驗爲事惟泰悟心秀才張拙嘗與三僧道

話一日謂三僧曰三師中何不選一人爲長老意少諸不善詩筆泰曰先輩失言也堂頭和尚肉身菩薩會下一千五百人如我輩者七百餘人勝我輩者七百餘人拙愧服乃同上拜請諸問先輩何姓曰姓張名拙曰竟巧了不可得拙自何來拙遂有省獻詩曰光明寂照遍河沙凡聖含靈共我家一念不生全體現六根纔動被雲遮斷除煩惱重增病趣向真如亦是邪隨順衆緣無罣礙涅槃生死是空華諸肯之

戊申石霜慶諸禪師入寂道吾智法嗣

慶諸不出霜華二十年學衆多有常坐不臥屹若株杌天下謂之枯木衆文德元年二月日安坐而化壽八十二臘五十九雲蓋志元遊方時問道膺曰志元不奈何時如何曰祇爲闍黎功力不到元不禮拜造石霜亦如前問諸曰非但闍黎老僧亦不奈何曰和尚爲甚不奈何曰老僧若奈何拈過汝不奈何元便禮拜一日僧問諸萬戶俱閉即不問萬戶俱開時如何曰堂中事作麼生僧對經半年始下一轉語曰無人接得慶曰意即然然道却祇道得八成曰和

尙又如何。曰：無人識得渠元知。乃禮拜乞爲舉。諸不肯元乃抱諸上方丈曰：和尙若不道打和尙去。諸曰：得在元頻禮拜。諸曰：無人識得渠元於言下頓省。○湧泉景欣亦石霜嗣。有疆德二禪客於路次見欣騎牛不識。欣忽曰：蹄角甚分明。爭奈騎者不鑒。欣驟牛而去。二人憩於樹下煎茶。欣回却下牛問曰：二禪客近離甚處。曰：那邊。曰：那邊事作麼。生疆提起茶盞欣曰：此猶是這邊事。那邊事作麼。生疆無對。欣曰：莫道騎者不鑒。示衆我四十九年在這裏尙自有時走作。汝等諸人莫開大口見解人多。行解人萬中無一箇見解。言語總要知通。若識不盡。敢道輪迴去在爲何。如此盡爲識。爾未盡。汝但盡却。今時始得成立。亦喚作立中功。轉功就他去。亦喚作就中功。親他去。我所以道親人不得度渠。不度親人。○道度侯官劉氏子參慶諸諸一見謂人曰：此道人從上宗門承牙也。遂命侍香及諸殯衆請首座補住。度白衆曰：須明得先師意乃可耳。座曰：先師有何意。曰：先師道休去歇去。冷湊湊地。去一念萬年去。寒灰枯木去。古廟香爐去。

一條白練去。其餘即不問。如何是一條白練。去曰：只是明一色邊事。曰：果然不會。先師意曰：你不肯我那。但裝香來。我若會香烟滅。則脫去。若去不得。即不會。先師意遂焚香烟未斷而脫去。度拈其背曰：坐脫立亡。則不無先師意。未夢見在。○楚南住千頃。雖懸機無倦而常儼然處定。或踰月或浹旬。吳越王請下山供養。文德元年五月辭衆奄然而化。後寇兵發塔觀爪髮俱長。謝罪而去。○普聞依石霜數年。乃請遍遊名山。霜曰：逢乾即止。遇陳便住。於是遠遊過邵武抵大乾。遙望山巔鬱然深秀。問父老彼有居者否。曰：有一陳嗣者。久隱其中。卽撥草至山嗣。一見分座同住。因乞菜種入山。壘種後谷口之人相謂。前僧入山經今不出。必爲虎。往視之。見茅蘆一所。行者數人。重岡複嶺。菜已青矣。嗣嘆曰：吾居此每苦惡獸毒蟲之多。公來皆屏跡。道德吾所不及。五種之緣其屬公平。言訖飄然而逝。聞住數年。緇徒雲集。遂成巨剎。一日忽有老人拜謁。聞曰：住在何處。至此欲何求。曰：我乃龍也。家於此山。以行雨不職。上天有罰。當死。願師救。

護曰汝得罪上帝我何能致力雖然汝可易形而來  
我化小蛇在壘場旁聞以錫杖引入淨菴暮夜風雷  
夾坐壘山岳搖震聞燕坐達旦既澄霽蛇自菴出有  
須復爲老人形謝曰非師法力則血肉腥穢此地矣  
無以報德山中無水當以水延師道場即新地涌泉  
號爲龍湖恒寒不冰大旱不竭灌漑田數百頃邦人  
建祠祀焉每遇開壽辰龍必朝謝有祥雲瑞氣之應  
自是歸依益衆院之右十五里有隋義寧歐陽太守  
之廟邦人烹宰享祭無虛日聞杖策至與神約曰能  
食素持不殺戒乃可爲隣不然道不同不相爲謀何  
山不可居乎是夕父老夢神云我受禪師戒不復血  
食奈我當如此丘飯足矣自是顛異護持此山

庚申山慧寂禪師示寂揭山語錄  
卷第二世

慧寂開法自仰山遷觀音接機利物爲禪宗標準將  
遷化前數年有偈曰年滿七十七老去是今日日輪  
正當午兩手攀藤屈至大順庚戌時在韶州東平山  
將入滅有數僧侍立寂示偈曰一二三三平目復  
仰視兩口無一舌此是吾宗言言訖以兩手抱膝而

逝年七十七諡智通塔號妙光○從諗住趙州甘心  
枯槁曾堂無前後架旋營齋食繩未偶折一脚但以  
饒斷柴薪用糊繫之住持垂四十年未嘗費一封書  
告檀越然天下叢林莫不尊爲古佛庚戌河北燕王  
領兵收鎮州到界有觀氣象者奏曰趙州所居有聖  
人戰必不勝二王遂議和因展筵會乃問趙之金地  
上土何人或曰有講華嚴大師節行孤遊歲大旱命  
往臺山祈雨師未迴甘澤如瀉王曰恐未盡善或曰  
此去一百二十里趙州觀音院有禪師年臘高邈道  
眼明白曰此足以應兆矣於是二王命駕往謁既至  
諗端坐不起燕王問曰人王尊耶法王尊耶曰若  
在人王人中尊若在法王法王中尊二王遂禮拜諗  
爲說法來日將迴燕王下先鋒默使問之諗安坐不  
起凌晨入院責以傲貌君侯諗聞遽出迎接先鋒問  
曰昨日見二王來不起今日見某甲來因何起接曰  
待都衛得似大王老僧亦不起接先鋒乃再拜而去  
辛亥光湧遷慧寂塔

光湧豐城章氏子母乳之夕神光照庭旣馬皆驚因

以光勝名之父事仰山得度年十九受具戒北游謁  
義立立曰汝師明眼乃不事之遠遊何爲湧因南歸  
慧寂問曰來作麼曰禮覲和尚曰還見和尚麼曰見  
曰和尚何似驢曰光湧見和尚亦不似佛曰若不似  
佛似箇什麼曰若更有所似與驢何別寂大驚曰凡  
聖兩忘情盡體露吾以此語驗人已二十年無決了  
者。聰子眞利根當自保任每指謂人曰此子肉身佛  
也寂及湧然第三指以報法又然第二指以報親辛  
亥湧遷寂靈骨歸仰山塔集雲峰下○常通初參景  
岑岑問何處人曰邢州人岑曰我道汝不從彼來曰  
和尚還曾住此否岑然之乃容入室咸通末開山瑞  
聖院光啓中寇起通領徒至四明大順二年主雪竇  
僧問如何是三世諸佛出身處曰伊不肯知汝有三  
世僧良久通曰汝薦否不然者且向著佛不得處體  
取時中常在議盡功亡警然而起卽是傷他而況言  
句乎○道虔侍石霜霜歿虔勸首座於是廬於塔旁  
經行末山之下住崇福示衆諸兄弟還議得命麼欲  
知命流泉是命湛寂是身千波競起是文殊境界一

亘晴空是普賢床榻其次借一句子是指月於中事  
是話月從上宗門中事如節度使信旗相似且如諸  
方先德未建許多名目指陳已前諸兄弟約甚麼體  
格商量到這裏不假三寸試話會看不假耳試采聽  
看不假眼試辨白看所以道聲前拋不出句後不藏  
形盡乾坤大地都來是汝富人箇體向甚處安眼耳  
鼻舌若向意根下圖度作解盡未來際亦未有休歇  
分所以洞山道擬將心意學玄宗大似西行脚向東  
僧問人人盡言請益未審師將何法拯濟曰汝道巨  
嶽還曾乏寸土麼曰怎麼則四海參尋當爲何事曰  
演若迷頭心自狂曰還有不狂者麼曰有曰如何是  
不狂者曰突曉途中眼不開僧問如何是頭曰開眼  
不覺曉曰如何是尾曰不坐萬年床曰有頭無尾時  
如何曰終是不貴曰有尾無頭時如何曰雖飽無力  
曰直得頭尾相稱時如何曰兒孫得力室內不知乃  
曰古人說箇頭只令汝知有說箇尾只教汝盡却今  
時有如許多不相應底事所以教汝向這裏屏當却  
消磨却令汝今日相應去成辦去若是富人體爾眞



實恒如不可更怎麼說話也。雖然如是。須是箇人始得。且莫異口同音。快須努力。僧問。承古有言。向外紹則臣位。向內紹則王種。是否。曰。是。曰。如何是外紹。曰。若不知事。極頭祇得了事。喚作外紹。是爲臣種。曰。如何是內紹。曰。知向裏許承當擔荷。是爲內紹。曰。如何是王種。曰。須見無承當底人。無擔荷底人。始得同一色同一色了。所以借爲誕生。是爲王種。曰。怎麼則內紹亦須得轉。曰。灼然有承當擔荷。爭得不轉。汝道內紹便是人王種。你且道。如今還有紹底道理麼。所以古人道。紹是功。紹了非是功。轉功位了。始喚作人王種。曰。未審外紹還轉也。無。曰。外紹全未知有。且教渠知有。曰。如何是知有。曰。天明不覺曉。又僧問。如何是外紹。曰。不惜別人家裏事。曰。如何是內紹。曰。推爺向裏頭。曰。二語之中。那語最親。曰。臣在門裏。王不出門。曰。怎麼則不出門者。不落二邊。曰。渠也不獨坐世界裏。紹王種名。外紹王種姓。所以道。紹是功名。臣是偏中正。紹了轉功名。君是正中。偏問誕生還更知聞也。無。曰。更知聞阿。誰曰。怎麼則莫。便是否。曰。若是爲甚。

麼。古人道。誕生王有父。曰。既有父。爲甚麼不知聞。曰。同時不識。祖問。古人道。直得不恁麼家者。猶是兒孫。意旨如何。曰。古人不識。語曰。如何是來底兒孫。曰。我守珍御在。曰。如何是父。曰。無家可坐。無世可襲。

癸丑 吳越王賜洪運號法濟

初。吳越王錢鏐徵時。洪運住徑山。一日。謂其徒曰。異日有異人至。當厚禮以待之。詰朝。鏐至。蓮門迎。延之丈室。特異於他。堂衆俱訝。蓮乃密謂鏐曰。他日獨霸吳越。當須護持佛法。無忘此言。鏐恭謝而去。及立軍功。收杭州。執弟子禮。以事。蓮勤厚無比。景福二年。鏐封吳越王。表賜蓮號法濟大師。

乙 灌溪志。閑禪師入寂。臨濟玄法嗣。臨濟第二世。

志。閑。諱陶。史氏子。參義玄。玄慕胸脇住。閑曰。領領玄。拓開。曰。且放汝一頓。後至末山。尼了。然。遣侍者問上座。遊山來。爲佛法來。曰。爲佛法來。然。乃陞座。問。閑上座。今日離何處。曰。路口。曰。何不蓋却。閑無對。始禮拜。問。如何是末山。曰。不露頂。曰。如何是末山主。曰。非男女。相閑。乃喝。曰。何不變去。曰。不是神。不是鬼。變箇甚。



麼閑乃伏膺作園頭三年後住灌溪上堂我在臨濟處得半杓末山處得半杓共成一杓喫了直至如今飽不飢乾寧二年五月間侍者曰坐死者誰曰僧伽問立死者誰曰僧會閑乃行七步垂手而逝○洪誼住徑山乙卯九月日院前裡樹忽萎厨內飯如金色誼令鳴鐘集衆陞座曰半尼掩足迎葉藏峯彼彼不落見聞一句莫教人說汝須急切各自知時法界難憂世人景促佛法非遠大道不遠孝順住持如吾在日久立珍重遂入滅

丙九峯通玄禪師入寂

洞山价諡號  
寶訓第二

乾寧二年二月十七日通玄誠衆曰無虛度光陰無

虛消息施既已出家惟道是履名大丈夫言訖遂寂

然在定至三月二十日乃化○從諗坐禪次趙王來謁主事報曰大王來禮拜諗安坐不起左右問故曰你不會老僧這裏下等人來出三門接中等人來下禪床接上等人來禪床上接不可喚大王中下等人也王大喜堅請入內供養諗許之王歸後遣使迎請正位而坐諗良久以手所額曰地下立者是何官長

◆弟子諡號

左右曰是諸院尊宿并大師大德諗曰他各是一方化主若在塔下老僧亦起王乃命上殿齋筵將罷僧官排定從上至下一人一間佛法諗望見乃問作什麼曰問佛法曰這裏已坐却老僧那裏問什麼法二尊不並化王乃令止時王與后俱侍立后曰請禪師師爲大王摩頂授記諗以手摩王頂曰願大王與老僧齊年王欲卜時擇地建造禪宮諗聞之令人謂王曰若動善一莖草老僧却歸趙州有寶行軍者願捨菓園一所諗乃受之號爲真際禪院亦名寶家園入院後海衆雲臻○慧後往來雪峯立沙二十年坐臥七箇蒲團不明此事一日捲簾忽大悟有頌曰也大差也大差捲起簾來見天下有人問我是何宗拈起拂子劈口打峰畢謂沙曰此子徹去也曰未可此是意識著述更須勘過始得至晚衆僧上來問訊峰謂彼曰備頭陀未肯汝在汝實有正悟對衆舉來彼乃頌曰萬衆之中獨露身惟人自肯乃方親昔時諗向途中覓今日看來火裏冰峰乃曰不可更是意識著述彼問峰曰從上諸聖傳授一路請師垂示峰良久

後設禮而退。峰微笑。陵入方丈。峰曰。是甚麼。曰。今日天晴好。曬麥。自此開。問未嘗爽於玄旨。

戊午趙州從諗禪師示寂  
南泉願法嗣

從諗住趙州寶家園二年。戊午十一月將入滅。時謂弟子曰。吾去世後。焚燒了。不用淨淘舍。利宗師弟子不同浮俗。且身是幻。舍利何生。斯不可也。令小師送拂子一枝與趙王。傳語云。此是老僧一生用不盡底。遂於十一月十日端坐而寂。壽一百二十歲。曰。真際神師光祖之塔。○元安住洛浦。戊午八月。誡門人曰。出家之法。受物不留。播種之時。切宜減省。締繡之務。悉從廢。停流光迅速。大道玄深。苟或因循。曷緣體悟。切須在念時。不待人。雖激勵懇切。衆以為常。路不相微。至冬示微疾。亦不遷。參請十二月一日告衆曰。吾且夕行矣。今有一事問汝諸人。若對得分。付鉢袋。子乃曰。若道這箇是。即頭上安頭。若道不是。即斬頭求活。第一座曰。青山不舉足。日下不挑燈。曰。是甚麼時節。作這箇語。話汝扶吾。宗不起。彥從曰。離此二途。請和尚不問。曰。未。在。更道。曰。彥從道不盡。曰。我不管汝。

道不盡。曰。彥從無侍者。祇對和尚安便。休至夜。令侍者喚從。至曰。闍黎。今日祇對甚有道理。據汝合體得先師意旨。先師道目前無法。意在目前。不是目前法。非耳目之所到。且道。那句是賓。那句是主。若擇得出。分付鉢袋。子曰。彥從不會。曰。汝合會。曰。彥從實不會。安喝出。乃曰。苦苦。至二日午時。別僧舉前話。問安安曰。慈舟不棹清波上。剎畎徒勞放木鷲。便遷寂。

已無著文喜禪師入寂  
仰山寂法嗣  
未滿卅第三世

光化二年。文喜示微疾。十月二十七日。夜子時告衆曰。三界心盡。即是涅槃。言訖。踰跌而逝。白光照室。竹樹同色。塔於靈隱西塢。壽八十歲。六十天祐二年。被兵。發塔。肉身不壞。髮爪俱長。吳越王重加封廕。

辛酉曹山本寂禪師示寂  
洞山价法嗣  
曹洞第二世

南平鍾王雅重本寂。致禮敦請。寂但書隱山山居頌一首付使者曰。摧殘枯木倚寒林。幾度逢春不變心。樵客遇之猶不顧。郢人那得苦追尋。天復辛酉六月。日間知事。今日是幾何。日月曰。六月十五日。曹山平生行脚到處。只管九十日。為一夏。明日辰時。吾行脚。

去及時焚香宴坐而化○了悟得法本寂住荷玉寂  
寂乃補住曹山僧侍立悟曰道者可煞熱曰是日只  
如熱向甚處迴避曰向鑊湯爐炭裏迴避曰鑊湯爐  
炭裏作麼生迴避得曰衆苦不能到悟默識之○從  
志號立明嗣本寂住金峰上堂事存函蓋合理應箭  
鋒拄還有人道得麼如有人道得金峰分半院與他  
住時有僧出禮志曰相見易得好共住難爲人

王雲居道膺禪師入寂

洞山价法嗣  
曹洞第二世

道膺住雲居三十年道徧天下衆至千五百人南昌  
鍾王師尊之願爲世世師天復元年秋示微疾十二  
月日爲大衆開最後方便叙出世始卒之意衆皆愴  
然壬戌正月日問侍者今日是幾曰初二日三十年  
後但云祇這是乃端然告寂諡弘覺○道簡范陽人  
童子剃落受滿分戒徧游叢席後謁道膺膺與語連  
三日大奇之誠令刻苦事衆於是簡躬操井臼司樵  
爨徧掌寺務不妨商略古今衆莫有知者以臘高爲  
堂中第一座先是高安洞山有神靈甚膺住三峯時  
神受服役既來雲居神亦隨至舍於枯樹之下而樹

茂號安樂樹神膺將順寂主事僧白曰和尚卽不諱  
誰可繼者曰堂中簡主事意不在簡謂當揀擇堪說  
法者會曰第二座可然姑請簡意簡必辭簡既夙受  
記前卽攝衆演法主事大沮簡察知之一夕遯去其  
夕安樂樹神號泣詰旦衆追至麥莊悔過迎歸聞空  
中連聲唱曰和尚來也僧問如何是和尙家風曰隨  
處得自在問維摩豈不是金粟如來曰是曰爲甚麼  
却在釋迦會下聽法曰他不爭人我問路逢猛虎時  
如何曰千人萬人不逢爲甚麼闍黎徧逢問孤峰獨  
宿時如何曰閑却七間僧堂不宿阿誰教汝孤峰獨  
宿問古人云若欲保任此事直須向高高山嶺立深  
深海底行意旨如何曰高峯深海迥絕孤危似汝闍  
閣中軟煖麼簡契悟精深履踐明驗而對機應物度  
越格量天下宗師之壽八十餘無疾而化

癸亥義存師備說法王宮

天復癸亥閏王王審知請義存師備入內問佛祖究  
竟修何因果乃得成佛曰須是見性方得成佛曰爭  
得見性曰悟卽刹那間不悟塵沙劫此事未可造次

山僧各有千百人衆。竝二三十年密用此事。未有一  
二人承當得。況大王爲俗天子。日爲萬民判斷山河。  
爭攆得此真實法門。願大王且爲佛法主宰。救護生  
靈。王大悅。○瑞恭住天台瑞龍。癸亥十二月。日命聲  
鐘。顧左右曰。去。遂跣趺而化。壽八十四。臘六十二。

佛祖綱目卷第三十三

佛祖綱目卷第三十四 騰字號

甲子唐昭宗天祐元年乙丑帝祝元年丁卯五代○梁太祖開平元年辛未

梁改乙亥梁改貞明元年辛巳梁改龍德元年癸未後唐莊宗同光元年丙戌唐明宗天成元年

庚寅唐改長興元年甲午唐廢帝清泰元年丙申後晉高祖天福元年

丁未後漢高祖仍稱天福元年戊申漢隱帝乾祐元年辛亥周太祖廣順元年甲寅周世宗顯德元年

庚申宋太祖建隆元年癸亥宋太祖乾德元年止

五代 梁末後唐李後晉石後漢劉周郭

宋趙 北宋起太祖建隆庚申止欽宗靖康丙午九主共一百六十七年

南宋起高宗建炎丁未止末帝祥興己卯十主共一百五十二年

南北宋共三百十九年 附吳越王錢

甲子布袋和尚示現明州

布袋和尚未詳氏族自稱名契此此云常以杖荷一布袋并破席凡供身之具盡貯囊中入市見物則乞或醢醢魚殖纔接入口分少許投囊中時號長汀子布袋和尚一僧在前行師拊其背一下僧回頭師曰乞我一文錢曰道得即與你一文師放下布袋叉手而

立白鹿和尚問如何是布袋師便放下布袋問如何是布袋下事師便負之而去常在街立有僧問和尚在這裏作麼曰等箇人曰來也曰汝不是這箇人曰如何是這箇人曰乞我一文錢師嘗有歌曰只箇心心心是佛十方世界最靈物縱橫妙用可憐生一切不如心真實騰騰自在無所爲閑閑究竟出家兒若親目前真大道不見纖毫也大奇萬法何殊心何異何勞更用尋經義心王本自絕多知智者祇明無學地非聖非凡復若乎不强分別聖情孤無價心珠本圓淨凡是異相安空呼人能弘道道分明無量清高稱道情携錫若登故國路莫愁諸處不聞聲又偈是非憎愛世偏多仔細思量柰我何寬却肚腸須忍辱豁開心地任從他若逢知己須依分縱遇冤家也共

和若能了此心頭事自然證得六波羅又曰我有一布袋虛空無罣礙展開遍十方入時觀自在我有三寶堂裏空無色相不高亦不低無遮亦無障學者體不如來者難得樣智慧解安排千中無一匠四門四果生十方盡供養吾有一軀佛世人皆不識不塑亦



不裝不雕亦不刻無一滴灰泥無一點彩色人畫畫不成賊偷偷不得體相本自然清淨非拂拭雖然是  
一軀分身千百億又曰一鉢千家飯孤身萬里遊青  
目觀人少問路白雲頭

○光湧禪師住石亭

光湧自承慧寂記前秘重大法天祐元年南昌帥南  
平王鍾傳遣使迎湧至府使至不起州牧縣尹至不  
起道俗頓集亦不起乃共訴曰師不起貽郡縣之咎  
湧不得已從之遂嗣石亭法席學者歸之如雲僧問  
文殊是七佛之師文殊還有師否曰遇緣卽有曰如  
何是文殊師湧豎起拂子僧曰莫祇這便是麼湧放  
下拂子叉手問如何是妙用一句曰水到渠成問真  
佛在何處曰言下無相也不在別處

乙丑常通禪師入寂長沙岑法嗣

常通住雪竇鬱然盛化天祐乙丑七月集衆焚香付  
囑訖合掌而逝

丙寅幼璋禪師住瑞龍

幼璋姓夏侯受白水心印嘗見騰騰和尚語曰汝往

天台尋靜而棲遇安而止又見憨憨和尚語曰汝後  
四十年有巾子山下菩薩王於江南於是吾法乃昌  
璋至天台果住靜安鄉福唐院浙東飢疫璋於溫台  
明三郡收瘞遺骸數千時謂悲增大士乾寧中雪峯  
授以授欄拂子天祐三年錢王建瑞龍寺請璋住持  
○閩王王審知問義存師備曰朕今造寺修福布施  
度僧遏惡行善此去還得成佛否曰未得成佛但是  
有作之心皆是輪迴又問將何爲道作何修行曰一  
切業障海皆從妄想生若欲懺悔者端坐念實相願  
大王識取實相自然成佛一日又求示心法答曰幻  
化空身是大王法身已知見了總是本源自性天真  
佛心心如木石觀心無心從妄想起我心自空卽悟  
實相百千三昧俱在大王心既知本性一時放下不  
得別生絲髮許也又曰念念常空寂日用但布施廣  
作利益並爲助道之門不拘有無之見一切自在問  
真心本無生滅今此一身從何而有曰此本源真性  
自徧周法界爲妄想故有一點識性從父母妄緣而  
生便卽傳命受千般若身有輪迴佛者覺也既知覺

了不落惡趣。但頻省妄念。歸真合道。○天祐三年。泉州刺史王延彬。請慧峻住招慶開堂。日彬朝服趨侍。日請師說法。日還問麼。彬設拜。峻曰。雖然如此。恐有人不肯。日接謂彬曰。雪峰堅拂子。示僧其僧便出去。若據此僧。合喚轉痛。與一頓。彬曰。是甚麼心。行接曰。泊合放過。日彬入招慶。佛殿指鉢盂問殿主曰。這箇是甚麼。鉢曰。藥師。鉢曰。只聞有隆龍鉢。日待有龍。即降。彬曰。忽遇擎雲。獲浪來時。作麼生。日他亦不顧。彬曰。話墮也。日入招慶。煎茶。朝上座。與德謙把鉢。忽翻茶鉢。彬問茶爐下。是甚麼。朝曰。捧爐神。日既是捧爐神。爲什麼翻却茶鉢。朝曰。仕官。日失在一朝。彬拂袖便出。謙曰。朝上座。裏招慶飯。却向外邊打野。朝曰。上座。作麼生。謙曰。非人得其便。日謙在招慶。因普請。至彬宅。取木佛。彬問大衆曰。忽遇丹霞。又作麼生。衆無語。謙提起向頂上。日也要分付著人。日彬入院。見方丈門。閉問演侍者曰。有人敢道大師在否。演曰。有人敢道。大師在否。僧問如何。是正法眼。接曰。有願不撒沙。○文鑒住欽山。巨夏來參。

問一鏃破三關時。如何。日放出關中主看。日恁麼則知過必改。日更待何時。日好隻箭放不著。所在便出。鑒曰。且來關。黎夏回首。鑒下禪床。擒住。日一鏃破三關。即且置。試爲欽山發箭。看夏擬議。鑒打七棒。日且聽箇亂統。漢廷三十年。

丁卯德謙禪師住明招

德謙受羅山印記。不滯一隅。激揚玄旨。諸老宿皆畏其敏捷。後學鮮敢當其鋒者。嘗到招慶。指壁畫問僧。那箇是甚麼神。日護法善神。日會昌沙汰時。向甚麼處去。來僧無對。乃令僧問演侍者。演曰。汝甚麼劫中遭此難。來僧回舉似謙。謙曰。直繞演上座。他後聚一千衆。有甚麼用處。僧禮拜請別語。謙曰。甚麼處去也。次到坦長老處。坦曰。夫參學一人所在。亦須到半人所在。亦須到謙。便問一人所在。即不問作麼生。是半人所在。坦無對。後令小師問謙。謙曰。汝欲識半人所在。麼也。祇是弄泥團。漢又到雙巖巖。問經云。一切諸佛及諸佛阿耨多羅三藐三菩提法。皆從此經出。且道此經是何人說。謙曰。說與不說。拈向一邊。祇如和。

尙決定喚甚麼作此經。嚴無對。謙又曰：「一切賢聖皆以無爲法。而有差別。則以無爲法爲極。則憑何而有差別。祇如差別是過。不是過。若是過。一切賢聖悉皆是過。若不是過。決定喚甚麼作差別。嚴亦無語。謙曰：「雪峯道底。自是道聲。遐播衆請。居婺州明招山。開法上堂。全鋒敵勝。罕遇知音。同死同生。萬中無一。尋言逐句。其數河沙。舉古舉今。滅胡種族。向上一路。碎啄猶乖。儒士相逢。握鞭回首。沙門所見。誠實苦哉。拋却眞金。隨隊撮土。報諸稚子。莫謾波波。解得也。立猶兼瓦礫。不如一擲。騰空太虛。祇這靈鋒。阿誰敢近。任君來箭。方稱丈夫。擬欲吞聲。不消一覆。僧問：「師子未出窟時如何。」曰：「俊鷄趁不及。」曰：「出窟後如何。」曰：「萬里正紛紛。」曰：「欲出未出時如何。」曰：「嶮。」曰：「向去事如何。」曰：「割問如何。」是透法身外一句子。曰：「北斗後翻身。」問：「十二時中如何。」趣向曰：「拋向金剛地上。」著問文殊與維摩對談何事。曰：「葛巾紗帽已拈向這邊。」著也有僧住菴一年。後却來禮拜。曰：「古人道三日不相見。莫作舊時看。謙撥開胸曰：「汝道我有幾莖菹臠。毛僧無語。謙乃

喝出。○道忞永嘉陳氏子。六歲不茹葷血。出家游方。謁義存。存問甚麼處人。曰：「温州。」曰：「恁麼則與一宿覺是鄉人也。」曰：「祇如一宿覺是甚麼處人。」曰：「好喫一頓棒。且放過。」曰：「恁麼問祇如古德。豈不是以心傳心。」曰：「兼不立文字。」曰：「祇如不立文字。師如何傳存。」良久。恁禮謝。存曰：「更問我一轉。豈不好。」曰：「就和尙請一轉。」問頭曰：「祇恁麼爲別有商量。」曰：「和尙恁麼即得。」曰：「於汝作麼。」生曰：「孤負殺人。」一日。普請存舉。爲山道見色便見心。汝道還有過也。無曰：「古人爲甚麼事。」曰：「雖然如此。要共汝商量。」曰：「恁麼則不知道。恁却地去。」恁再參存。問甚麼處來。曰：「嶺外來。」曰：「甚麼處逢達磨。」曰：「更在甚麼處。」曰：「未信汝在。」曰：「和尙莫粘貼。好存便休。」住鏡清學者。奔湊。○行修泉南陳氏子。號性眞。唐景福元年正月六日。母夢吞日。驚寤而生。長耳垂肩。異香滿室。七歲不言。或問曰：「汝非瘡乎。」忽應聲曰：「不遇作家徒。撞破烟樓耳。」人益奇之。比長。讀書過目成誦。旁及內典。徧閱三藏。忽幡然欲游方外。躡屐名山。至金陵瓦棺寺。祝髮受具。參義存。得受心印。再遊天台。國清日憩嚴

畔猛獸巨蛇往來左右馴擾不去後梁開平間至四  
明獨棲松下天花紛雨又跌坐龍尾巖結茅爲蓋百  
鳥銜花飛繞經歲以爲常所坐盤石當膝處成坎

戊雪峯義存禪師示寂德山鑒  
法嗣

義存住雪峯四十餘年學者常盈千五百衆將示寂  
自製塔銘并叙曰夫從緣有者始終而成壞非從緣  
得者歷劫而常堅堅之則在壞之則捐雖然離散未  
至何妨預置者哉所以疊石結室剪木成函搬土積  
塊爲龕諸事已備頭南脚北橫山而臥惟願至時同  
道者莫違我意知心者不易我志深願再囑幸勉勵  
焉縱然他日邪造顯揚豈如當今正眼密弘善思之  
審思之銘曰兄弟橫十字同心著一儀土主曰松山  
卵塔號難提更有胡家曲汝等切須知我唱泥牛吼  
汝和木馬嘶但看五六月冰片滿長街薪盡火滅後  
密室爛如泥梁開平戊辰三月示疾闍王命醫診視  
存曰吾非疾也竟不服藥遺偈付法五月二日朝遊  
藍田暮歸澡身中夜入滅壽八十七臘五十九師備  
爲喪主三朝集衆煎茶次備於靈前拈起一隻盞云

問大衆先師在日從你道如今作麼生道若道得先  
師無過道不得過在先師還有人道得麼如是三問  
衆皆無對備遂撲破盞子歸院後問中塔作麼生會  
塔云先師有甚麼過備便面壁塔便出去備復召塔  
塔回首備問你作麼生會塔便面壁備休去○太原  
孚上座初在揚州光孝寺講涅槃經有禪者阻雪因  
往聽講至三因佛性三德法身廣談法身妙理禪者  
失笑孚講罷謂禪者喫茶白曰某甲素志狹劣依文  
解義適蒙見笑且望見教禪者曰實笑座主不識法  
身曰如此解說何處不是曰請座主更說一遍曰法  
身之理猶若太虛豎窮三際橫亘十方彌綸八極包  
括二義隨緣赴感靡不周徧曰不道座主說不是祇  
是說得法身量邊事實未識法身在曰既然如是禪  
德當爲代說曰座主還信否曰焉敢不信曰若如是  
座主輟講旬日於室內端然靜慮收心攝念善惡諸  
緣一時放却孚一依所教從初夜至五更聞鼓角聲  
忽然契悟便去扣門禪者曰阿誰曰某甲禪者咄曰  
教汝傳持大教代佛說法夜來爲甚麼醉酒臥街曰

禪德自來講經。將生身父母鼻孔扭捏。從今已去。更不敢如是禪者。曰。且去來。曰。相見乎。遂罷講。偏歷諸方。嘗游浙中。登徑山法會。一日。於大佛殿前。有僧問上座。曾到五臺否。曰。曾到。曰。還見文殊麼。曰。見。曰。甚麼處。見。曰。徑山佛殿前。見。僧後舉似義存。存曰。何不教伊入嶺來。孚聞。乃趣裝入嶺。初至雪峰。解院憩息。因分柑子與僧。慧稜問。甚麼處將來。曰。嶺外將來。曰。遠涉不易。擔負將來。曰。柑子。柑子。次日上山。存聞。乃集衆。孚到法堂上。顧視存。便下。看知事。明日。却上禮拜。曰。某甲。昨日觸忤和尚。曰。知是般事。便休。存一日見孚。乃指曰。示之乎。搖手而出。存曰。汝不肯。我那日和尙搖頭。某甲攪尾。甚麼處是不肯。曰。到處也須諱。却一日衆僧晚參。存在中庭。臥孚曰。五州管内祇有這老和尚較些子。存便起去。存問孚。見說臨濟有三句。是否。曰。是。曰。作麼生。是第一句。孚舉目視之。曰。此猶是第二句。如何是第一句。孚叉手而退。一日師備上問訊。存曰。此間有箇老鼠子。今在浴室裏。曰。待與和尚勘過。言訖。到浴室。遇孚打水。孚曰。已相見了。曰。甚

麼劫中曾相見。曰。瞋睡作麼。肅入方丈。白存曰。已勘破了。曰。作麼生。勸備舉前話。存曰。汝著賊也。後歸維揚。陳尚書留供養。一日。謂尚書曰。來日講一遍。大涅槃經。報答尚書。尚書來日致齋茶畢。孚陞座良久。揮尺一下。曰。如是我聞。乃召尚書。尚書應諾。孚曰。一時佛在。便乃脫去。○安國弘瑫初參存。存問甚麼處來。曰。江西來。曰。甚麼處見達磨。曰。分明向和尚道。曰。道甚麼。曰。甚麼處去來。一日。存見瑫。忽擒住。曰。盡乾坤是箇解脫門。把手拽伊不肯入。曰。和尚恠弘瑫不得。存拓開。曰。雖然如此。爭奈背後許多師僧何。○師備初住海溪。後居立沙。一時海衆皆望風欽服。學徒千人。應機接物。垂三十年。梁開平二年十一月二十七日。示疾而化。壽七十五。臘四十四。賜號宗一。已居遁禪師住龍牙。

居遁契旨洞山。服勤八載。開平三年。出世龍牙法濟禪寺。示衆夫參玄人。須透過佛祖始得。新豐和尚道。佛祖言教。如生冤家。始有參學分。若透不得。即被佛祖謾去。僧問。佛祖還有謾人之心也。無。曰。汝道江湖。



還有礙人之心也。無江湖雖無礙人之心。爲時人過不得。江湖却成礙人去不得。道江湖不礙人。佛祖雖無礙人之心。爲時人透不得。佛祖却成礙人去不得。道佛祖不礙人。若透得佛祖。過此人過却佛祖。若也如是。始體得佛祖意。方與上人同。如未透得。但學佛學祖。則萬劫無有出期。曰如何得不被祖佛謾去。曰道者直須自悟始得。

○慧稜禪師住長慶

慧稜住招慶。開平三年。閩王王審知移住福州。長慶審知夫人崔氏。自稱練師。遣使送衣物至。曰練師令就大師請回信。曰傳語練師。領取回信。須臾使却來。稜前唱喏。便回。稜明日入府。練師曰。昨日謝大師回信。曰却請。昨日回信看。練師展兩手。王問練師適來呈信。還愜大師意否。曰猶較些。子曰未審大師意旨如何。稜良久。王曰大師佛法不可思議。上堂撞著道伴。交肩過一生。參學事畢。上堂我若純舉唱宗。乘須閉却法堂門。所以道盡法。無民僧問。不怕無民請師。盡法。稜曰還委落處麼。○慧球。莆田人。玄沙室中參

訊居首。因問如何。是第一月沙。曰用汝箇月作麼。球從此悟入。沙將示滅。闍帥王公遣子至問疾。仍請密示。繼踵說法者。誰沙曰。球子得王默記遺旨。乃問鼓山臥龍法席。孰當其任。山舉城下宿德具道眼者。十有二人。皆堪出世。王亦默之。至開堂日。官僚與僧侶俱會法筵。王忽問衆曰。誰是球上座。於是衆人指出。王便請球住安國禪院。亦曰中塔上堂我此間粥飯因緣。爲兄弟舉唱。終是不常。欲得省要。却是山河大地與汝發明。其道既常。亦能究竟。若從文殊門入者。一切無爲。土木瓦石。助汝發機。若從觀音門入者。一切音響。蝦蟇蚯蚓。助汝發機。若從普賢門入者。不動步而到。以此三門方便示汝。如將一隻折箸攪大海水。令彼魚龍知水爲命。會麼。若無智眼而審諦之。任彼百般巧妙。不爲究竟。○師虔參良价。价問近離甚處。曰武林。曰武林法道何似。此間曰胡地冬。抽筭曰別甌炊香飯。供養於此人。虔拂袖便出。价曰此子向後走殺天下人。在一日虔栽松。次有劉辰翁者。從虔乞偈。虔作偈曰。長長三尺餘。鬱鬱覆青草。不知何代人得。

見此松老劉翁得偈呈价价曰賀翁之喜此第三代洞山主人也住青林復遷洞山凡新到先令搬柴三轉然後參堂○匡仁新淦人出家後往東都聽習未幾忽曰尋行數墨語不如默論已求人假不如真乃往參靈祐祐示衆行脚高士直須向聲色裏睡眠聲色裏坐臥始得仁出問如何是不落聲色句祐豎起拂子仁曰此是落聲色句祐放拂子歸方丈仁不契便辭智閑曰某甲與和尚無緣遂舉前話閑曰何不道言發非聲色前不物仁喜曰元來此中有人某甲向後有住處却來相見乃去祐問閑曰問聲色話底矮閑黎在麼曰去也曰曾舉向子麼閑舉前話祐曰他道甚麼曰深肯某甲祐失笑曰將謂這矮子有長處元來祇在這裏此子向去若有箇住處近山無柴燒近水無水喫仁造洞山值良价蚤參出問未有之言請師示誨曰不諾無人肯曰還可功也無曰你即今還功得麼曰功不得即無諱處价他日上堂欲知此事直須如枯木生花方與他合仁問一切處不乖時如何曰闍黎此是功勳邊事幸有無功之功子何

不問曰無功之功豈不是那邊人曰大有人笑子恁麼問曰恁麼則迢然去也曰迢然非迢然非不迢然曰如何是迢然曰喚作那邊人即不得曰如何是非迢然曰無辨處价即問空劫無人家是甚麼人住處曰不識曰人還有意旨也無曰和尚何不問他曰現問次曰是何意旨价不對价歿仁聞大安示衆有句無句如藤倚樹特入嶺到彼值安泥壁便問承聞和尚道有句無句如藤倚樹是否曰是曰忽遇樹倒藤枯句歸何處安放下泥盤呵呵大笑歸方丈仁曰某甲三千里賣布單特爲此事而來和尚何得相弄安喚侍者取錢二百與這上座去遂囑曰向後有獨眼龍爲子點破在後聞德謙渺一日出世徑往禮拜謙問甚麼處來曰閩中來謙曰曾到大溪否曰到謙曰有何言句仁舉前話謙曰溪山可謂頭正尾正祇是不遇知音仁復問忽遇樹倒藤枯句歸何處謙曰却使溪山笑轉新仁於言下大悟乃曰溪山元來笑裏有刀遙望禮拜悔過到香巖巖記汝向去倒屣三十年在住疎山果病吐二十七年而愈母於食後挾口曰

三十年倒肩尙欠三年在

辛未智暉禪師住重雲

智暉咸秦高氏子。剃髮受具。得法本仁師。事十年。還洛結茅中灘號溫室院。日以施水給藥爲事。人莫能淺深之。有癩比丘求暉洗摩。暉爲之無難色。俄有神光異香。忽失所在。開平五年。還圭峰。深入叢石。願見磨納數珠銅瓶。授笠藏石壁間。燭之卽壞。歛目良久。曰。此吾前身道具也。因就建寺。方薙草有祥雲出衆峰間。遂名重雲。虎豹引去。又塞龍潭。龍亦移他處。壬申如訥禪師住道場。

如訥湖州人。得法無學。乾化二年二月薙草卓菴道場。山乘虎游行。學徒四至。遂成禪苑。

甲戌投子山大同禪師入寂葬微學法嗣

大同住投子學者。雲集乾化四年四月六日。示微疾。大衆請醫。同曰。四大動作。聚散常程。汝等勿慮。吾自保矣。言訖。跏趺而寂。壽九十六。諡慈濟。

乙亥神晏禪師住鼓山

神晏大梁李氏子。幼惡葷。遭樂聞鐘梵。年十二時有

白氣數道騰於所居屋壁。晏題壁曰。白道從茲速改。張休來顯。現作妖祥。定祛邪行。歸眞見。必得超凡入聖。鄉題罷氣。卽滅年十六夢梵。僧告曰。出家時至矣。遂披削受具。謂同學曰。古德云。白四羯磨後全體戒定慧。豈準繩而可拘也。於是杖錫。徧扣禪關。參義存。存知其緣熟。忽起擲住曰。是甚麼。晏釋然了悟。亦忘其了心。惟舉手搖曳而已。存曰。子作道理耶。曰。何道理之有。存深肯之。後赴閩。王請存門。送回至法堂。乃曰。一隻聖箭。直射九重城裏去也。孚上座曰。是伊未。在曰。渠是徹底人。曰。若不信。待某甲去勸過。遂趨至中路。問師兄向甚處去。曰。九重城裏去。曰。忽遇三軍圍繞時。如何。曰。他家自有通霄路。曰。恁麼則離宮失殿去也。曰。何處不稱尊。孚拂袖便回。存問如何。曰。好。隻聖箭中路折却了也。遂舉前話。存曰。奴渠語在。曰。這老凍膿。猶有鄉情在。乙亥住鼓山有偈曰。直下猶難會。尋言轉更賒。若論佛與祖。特地隔天涯。因舉問僧。汝作麼生會。僧無語。退謂侍者曰。某甲不會。請代一轉語。曰。和尚與麼道。猶隔天涯在。僧舉似晏。晏喚

侍者問汝爲這僧代語。是否曰。是。晏便打趂出院。○  
 獻齋參。師度問如何。用得齊於諸聖。度仰面良久。  
 曰。會麼。曰。不會。曰。去無子。用心處。蘊乃契悟。更不他。  
 遊。遂作園頭。出世黃嶽。蘭若遷夾山。僧問。月生雲際。  
 時如何。曰。三箇孩兒抱華鼓。好大哥。莫來攔我。毬門。  
 路。凡應機多云。好大哥。時稱大哥和尚。

### ○慧顒禪師開法南院

慧顒住南院。亦曰寶應。上堂。赤肉團上。壁立千仞。僧。  
 問。赤肉團上。壁立千仞。豈不是和尚道。曰。是。僧便掀。  
 倒禪床。顒曰。這瞎漢。亂做僧。擬議。顒便打趂。出問僧。  
 近離甚處。曰。襄州。曰。來作甚麼。曰。特來禮拜和尚。曰。  
 恰值寶應老不在。僧便喝。顒曰。向汝道不在。又喝。作。  
 甚麼。僧又喝。顒便打僧。禮拜。顒曰。這棒本是汝打我。  
 我且打汝。要此話大行瞎漢。參堂去。又問僧。近離甚。  
 處。曰。襄州。曰。是甚麼物。恁麼來。曰。和尚試道。看。曰。適。  
 來禮拜底。曰。錯。曰。禮拜底。錯箇甚麼。曰。再犯不容。曰。  
 三十年弄馬騎。今日被驢撲。僧問。從上諸聖向甚處。  
 去。曰。不入天堂。則入地獄。曰。和尚又作麼生。曰。還知。

寶應老漢落處。麼僧擬議。顒打一拂子。曰。你還知與。  
 拂子底麼。曰。不會。曰。正令却是你行。又打一拂子。問。  
 古殿重興。時如何。曰。明堂瓦插簷。曰。與麼則莊嚴畢。  
 備也。曰。斬草蛇頭。落問如何。是佛法大意。曰。無量大。  
 病源。曰。請師醫。曰。世醫拱手。問。匹馬單鎗。來時如何。  
 曰。且待我所捧。問如何。是無相涅槃。曰。前三點後三。  
 點。曰。無相涅槃。請師證照。曰。三點前三點後。問。凡聖。  
 同居。時如何。曰。兩箇猫兒。一箇獐。問如何。是無縫塔。  
 曰。人花九裂。曰。如何。是塔中人。曰。頭不梳。面不洗。問。  
 祖意教意。是同是別。曰。王和尚書。李僕射。曰。意旨如何。  
 曰。牛頭南。馬頭北。問如何。是祖師西來意。曰。五男二。  
 女。問。擬伸一問。師意如何。曰。是何公案。曰。睹。曰。放汝。  
 三十棒。顒問僧。近離甚處。曰。龍興。曰。發足莫過葉縣。  
 也。無僧便喝。顒曰。好好問。你又惡。發作麼。曰。喚作惡。  
 發。即不得。顒却喝。曰。你既惡。發我也惡。發。近前來。我。  
 也沒量罪。過你也沒量罪。過瞎漢。參堂去。思明和尚。  
 未住西院。時到參禮拜了。曰。無可人事。從許州來。收。  
 得江西剗刀一柄。獻和尚。顒曰。汝從許州來。爲甚。却。

收得江西剃刀明把顚手搯一搯顚曰侍者收取明以衣袖拂一拂便行顚曰阿刺刺阿刺刺問僧近離甚處曰長水曰東流西流曰總不恁麼曰作麼生僧珍重顚便打僧參顚舉拂子僧曰今日敗缺顚放下拂子僧曰猶有這箇在顚便打問龍躍江湖時如何曰警噉警噉曰傾湫倒嶽時如何曰老鴉沒嘴

丙子布袋和尚示寂彌勒化身

貞明二年三月布袋和尚將示寂端坐磐石而說偈曰彌勒真彌勒分身千百億時時示時人時人自不識偈畢乃安然而化其後復現他州亦負布袋

戊寅龍湖普聞禪師示寂石霜諸法嗣

普聞住龍湖梁貞明四年一日集衆僧曰吾將他適院事付聰教二禪人乃說偈曰我逃世難來出家宗師指示箇歇處住山聚衆三十年對人不欲輕分付今日分明說似君我斂目時齊聽取寺衆堅請住世聞曰汝等豈不知達磨隻履西歸普化全身脫去之旨耶何以去來生滅視吾也旣而跨虎凌晨抵信州應供供罷至開元寺龍湖僧追至聞祝曰吾不復歸

山中已有聰禪師矣勅謚圓覺○從展福州陳氏子年十五禮義存爲受業師十八受具遊方後歸雪峰執侍一日存忽召曰還會麼展欲近前存以杖拄之展當下知歸嘗以古今方便詢長慶一日慶謂展曰寧說阿羅漢有三毒不可說如來有二種語不道如來無語祇是無二種語曰作麼生是如來語曰聖人爭得聞曰情知和尚向第二頭道曰汝又作麼生曰契茶去因舉盤山道光境俱亡復是何物洞山道光境未亡復是何物展曰據此二尊宿商量猶未得勦絕乃問慶如今作麼生道得勦絕慶良久展曰情知和尚向鬼窟裏作活計慶却問作麼生曰兩手扶藜水過膝雪峯上堂云諸上座望州亭與汝相見了也烏石嶺與汝相見了也僧堂前與汝相見了也展舉問龍湖僧堂前相見即且置祇如望州亭烏石嶺甚麼處相見湖驟步歸方丈展低頭入僧堂貞明四年漳州刺史王公創保福禮苑請展居之上堂塵劫來事祇在如今還會麼然佛法付囑國王大臣郡守昔同佛會今方如是若是福祿榮貴則且不論祇如當



時受佛付囑底事。還記得麼。若識得。便與千聖齊肩。黨未識得。直須諦信此事。不從人得。自己亦非言多。去道轉遠。直道言語道斷。心行處滅。猶未是在。久立珍重。一日。問僧。殿裏是甚佛。曰。和尚定當看。曰。釋迦僧。曰。莫瞞人好。曰。却是你瞞我。又問僧。名什麼。曰。咸澤。曰。或遇枯涸時。如何。曰。誰是枯涸者。曰。我。曰。和尚莫瞞人好。曰。却是你瞞我。又問僧。作甚業。喫得恁麼大。曰。和尚也不少。屢作蹲身勢。僧曰。和尚莫瞞人好。曰。却是你瞞我。又問浴主。浴鍋澗多少。曰。和尚量看。展作量勢。主曰。和尚莫瞞人好。曰。却是你瞞我。諸方謂之保福四瞞人。

庚辰桂琛禪師住地藏

桂琛常州李氏子。爲兒童時。日一素食。出言有異。既冠。披削登戒學毗尼。一日。爲衆宣戒本。布薩已。乃曰。持戒但律身而已。非真解脫也。依文作解。豈發聖智乎。於是辭師訪南宗。初謁雲居雪峯。不大發明。後參師。備言下大悟。時與慧球齊名。號二大士。琛能秘重大法。痛自韜晦。叢林共指爲雪峰法道所寄。漳州牧

王公請住城西石山地藏後遷止羅漢破垣敗簣人不堪其憂。非忘身爲法者。不至因循田次見僧乃問。從甚處來。曰。南州。曰。彼中佛法如何。曰。商量浩浩。地曰。爭如我這裏。種田博飯喫。曰。爭奈三界何。曰。喚甚麼作三界。上堂。宗門玄妙。爲當祇恁麼也。更別有奇特。若別有奇特。汝且舉將來看。若無不可。將兩箇字。便當却宗乘也。兩箇字。謂宗乘教乘也。汝纔道著宗乘。便是宗乘。道著教乘。便是教乘。禪德佛法宗乘元來。絲汝口裏安立名字。作取說取。便是也。斯須向這裏說。平說實說。圓說常說。禪德汝喚甚麼作平實。把甚麼作圓常。傍家行脚。理須甄別。莫相埋沒。得些子聲色名字。貯在心頭。道我會解。善能揀辨。且會箇甚麼。揀箇甚麼。記持得底是名字。揀辨得底是聲色。若不是聲色名字。汝又作麼生記持。揀辨風吹松樹。也是聲。蝦蟇老鴉。也是聲。何不那裏聽取。揀擇去。若那裏有箇意度模樣。祇如老師口裏。又有多少意度。與上座莫錯。卽今聲色縱橫。地爲當相及不相及。若相及。卽汝靈性金剛秘密。應有壞滅去也。何以如此。此爲

聲貫破汝耳。色穿破汝眼。因緣卽塞。却汝幻妄走殺。汝聲色體爾不可容也。若不相及。又甚麼處得聲色。來會麼。相及不相及。試裁辨看。保福僧到。琛問。彼中佛法如何。曰。有時示衆道。塞却你眼。教你覷不見。塞却你耳。教你聽不聞。坐却你意。教你分別不得。琛曰。吾問你不塞你眼。見箇甚麼。不塞你耳。聞箇甚麼。不坐你意。作麼生分別。一日。琛見僧舉起拂子。曰。還會麼。曰。謝和尚慈悲。示學人。琛曰。見我豎拂子。便道示學人。汝每日見山見水。可不示汝。又見僧來舉拂子。其僧讚嘆禮拜。琛曰。見我豎拂子。便禮拜讚嘆。那裏掃地。豎起掃帚。爲甚麼不讚嘆。琛嘗作明道偈。曰。至道淵曠。勿以言宣。言宣非指執。云有是觸處皆渠。豈喻真虛。真虛設辯。如鏡中現有無。雖彰在處。無傷無傷。無在何拘。何礙不假。功成將何法。爾法爾不爾。俱爲唇齒。若以斯陳埋沒宗旨。宗非意陳。無以見聞。見聞不脫。如水中月。於此不明。翻成剎法。一法有形。翳汝眼睛。眼睛不明。世界崢嶸。我宗奇特。當陽顯赫。佛及衆生。皆承恩力。不在低頭。思量難得。拶破面門。蓋

覆乾坤。快須薦取。脫却根塵。其如不曉。謾說而今。

辛九峯道虔禪師入寂石霜諸法嗣

初懷海。葬馬祖。舍利於海昏石門廬塔十餘年。及住百丈。不復還石門。道虔自九峯往游。遂成法席。爲勸潭第一。世龍德元年。安坐而化。號圓寂。諡大覺。

壬道忞禪師住龍冊

道忞住鏡清。吳越王錢鏐命居天龍。王一見便嘆曰。眞道人也。又創龍冊寺。請忞居之。○無般。福州吳氏子。剃落。受具。游方。參道虔。虔問汝遠來何所見。當繇何路出生死。曰。重昏廓闢。盲者自盲。虔笑以手揮之。曰。佛法不如是。般不懌。請曰。豈無方便。曰。汝問我般。理前語。問之虔。曰。奴見婢般。勤般。遂契悟。依止十餘年。虔移石門。般亦從之。虔歿。游廬陵。止禾山。學者雲集。嘗垂語云。習學謂之聞。絕學謂之隣。過此二者。是爲眞過。有僧出問。如何是眞過。曰。禾山解打鼓。曰。如何是眞諦。曰。禾山解打鼓。曰。卽心卽佛。則不問如何。是非心非。佛曰。禾山解打鼓。曰。如何是向上事。曰。禾山解打鼓。諸方謂之禾山四打鼓。○慧清得法於光

湧住芭蕉山。示衆我年二十八到仰山。參見南塔見上堂曰。汝等諸人。若是箇漢。從娘肚裏出來。便作師子吼。好麼。我於言下。歇得身心。便住五載。又拈拄杖示衆。你有拄杖子。我與你拄杖子。你無拄杖子。我奪却你拄杖子。靠拄杖子下座。○延沼餘杭劉氏子。少魁碧有英氣。於書無所不觀。然無經世意。父兄強之仕。一應舉至京師。便東歸。剃髮受具。游講肆玩法華玄義。修止觀定慧。宿師爭下之。棄去遊名山。謁義存。遂依止焉。

癸龍牙居遁禪師入寂

洞山价法嗣  
曹洞第二世

居遁住龍牙。後唐同光元年八月。示微疾。九月十三日夜半。有大星殞於方丈前。詰旦。趺坐而化。壽八十九。夏六十九。有偈頌行於世。門人藏輿贊遁真曰。日出連山月圓當戶。不是無身不欲全露。

甲行修禪師住南山

同光二年。行修至西湖南山。喜其後塢。依石爲室。禪定其中。嘗募人作福。或問募人作福未審有何形段。曰。能遮百醜。或問如何。有是長耳。修拽耳示之。○覲

子不知何許人。事跡頗異。居無定所。自印心於洞山。混俗聞川。不蓄道具。不循律儀。冬夏惟披一衲。逐日沿江岸探掇蝦蜆。以充其腹。暮即宿東山白馬廟。紙錢中居民目爲覲子。和尚休靜聞之。欲決其真假。乃往先潛入紙錢廟中。覲子深夜而歸。靜嘉把住曰。如何。是祖師西來意。覲子遽答曰。神前酒臺盤。靜放手曰。不虎與我同根。生靜後赴莊。宗詔入長安。覲子亦先至。每日歌唱。自拍。或乃佯狂泥雲去來。俱無踪跡。厥後不知所終。○誨機清河張氏子。初參巖頭。問如何。是祖師西來意。曰。你還解救機麼。曰。解曰。且救機去。後參師彥。問如何。是祖師西來意。彥拈起一莖皂角。曰。會麼。曰。不會。彥放下皂角。作洗衣勢。機便禮拜。曰。信知佛法無別。曰。你見甚麼道理。曰。某甲曾問巖頭。頭曰。你還解救機麼。救機也祇是解粘和尙提起。皂角亦是解粘。所以道無別彥呵呵大笑。機遂有省。後住黃龍。一日。呂巖真人道經黃龍山。觀紫雲成蓋。疑有異人。乃入謁。值擊鼓陞堂。機見意必呂公。欲誘而進。厲聲曰。座旁有竊法者。巖毅然出曰。雲水道人。

日忽遇雲盡水乾時如何。嚴無對求代語。嚴如前問。嚴曰。黃龍出現。嚴問一粒粟中藏世界。半升鐺內煮山川。且道此意如何。機指曰。這守屍鬼。曰。爭奈囊有長生不死藥。曰。饒經八萬劫。終是落空亡。嚴飛劍脇之。劍不能入。遂再拜求指歸。機曰。半升鐺內煮山川。卽不問如何。是一粒粟中藏世界。嚴言下頓契。作偈曰。棄却瓢囊減碎琴。如今不戀汞中金。自從一見黃龍後。始覺從前錯用心。機囑加護。嚴字洞賓。京川人。

乙休靜禪師說法王宮

洞山。俗法嗣曹洞第二世。

初休靜參良玠。問學人未見理路。未免情識。運爲曰。汝還見有理路也。無曰。見無理路。曰。甚處得情識來。曰。學人實問曰。恁麼直須向萬里無寸草處去。曰。萬里無寸草處。還許休靜去也。無曰。直須恁麼去。靜初住福州華嚴。同光三年。唐莊宗徵至。輦下大闡玄風。一日。帝入寺燒香。問靜曰。這是甚麼神。曰。護法善神。曰。沙汰時什麼處去來。曰。天垂雨露。不爲榮枯。一日。帝請入內齋。見大師大德。總看經。惟靜與徒衆不看。經問曰。爲甚不看經。曰。道泰不傳天子令。時清休唱。

太平歌曰。徒衆爲甚也不看經。曰。師子窟中無異獸。象王行處絕狐蹤。曰。大師大德爲甚總看經。曰。水母元無眼。求食須賴鰕。又問。既是後生爲甚却稱長老。曰。三歲國家龍鳳子。百年殿下老朝臣。

○興化存獎禪師入寂

臨濟玄法嗣臨濟第二世。

存獎住興化。示衆若是作家戰將。便請單刀直入。更莫如何。若有旻德禪師出禮拜起。便喝。獎亦喝。德又喝。獎亦喝。德禮拜歸衆。獎曰。適來若是別人。三十棒一棒也較不得。何故爲他旻德會。一喝不作。一喝用。一日見同參來。纔上法堂。獎便喝。僧亦喝。獎又喝。僧亦喝。獎近前拈棒。僧又喝。獎曰。你看這瞎漢。猶作主在。僧擬議。獎直打下法堂。侍者請問。適來那僧有甚觸忤和尚。獎曰。他適來也有權。也有實。也有照。也有用。及乎我將手向伊面前橫兩橫。到這裏却去不得。似這般瞎漢。不打更待何時。僧禮拜。甲申。後唐莊宗駕自河北回。至行宮。詔請獎至。執弟子禮。曰。朕收中原。獲得一寶。未曾有人酬價。獎曰。略借陛下寶看。上以兩手舒幘。頭脚獎曰。君王之寶。誰敢酬價。上大



說賜紫衣師號獎皆不受乃賜御馬一疋馬忽驚獎墜傷足乙酉獎一日喚院主與我做箇木拐子主做了將來要接得遠院行問僧曰汝等還識老僧麼曰爭得不識和尚曰跟腳法師說得行不得又至法堂令維那聲鐘集衆曰還識老僧麼衆無對獎擲下拐子遽然而逝諡廣濟禪師

### ○慧顒禪師傳法延沼

延沼依義存五年因請益臨濟兩堂首座齊喝濟云寶主歷然語存曰吾昔與巖頭欽山去見臨濟屬濟曰示寂若要會他寶主話須參他派下尊宿沼遂辭行見師彥彥嘗自喚主人公沼曰自拈自弄有甚麼難到越州謁道忞忞問近離甚麼處曰浙東曰還過小江也無曰大舸獨飄空小江無可濟曰鏡水秦山鳥飛不渡子莫道聽塗言曰滄溟尚怯嫌輪勢列漢飛帆渡五湖忞豎拂子曰爭奈這箇何曰這箇是甚麼曰果然不識日出沒卷舒與師同用曰杓卜聽虛聲熟睡饒調語曰澤廣藏山理能伏豹曰捨罪放愆速須出去曰出去卽失便出到法堂乃曰夫行脚人因

緣未盡其善不可便休去却回曰某甲適來觀陳小騷冒讀尊顏伏蒙慈悲未賜罪責曰適來言從東來豈不是翠巖來曰雪竇親樓竇蓋東曰不逐亡羊狂解息却來這裏念篇章曰路逢剌客須呈劍不是詩人莫獻詩曰詩速秘却略借劍看曰景首領人携劍去曰不獨獨風化亦自顒顒預曰若不獨風化焉知古佛心曰如何是古佛心曰再許允容師今何有曰東來鶻子故夢不分祇聞不已而已何得抑已而已曰巨浪湧千尋澄波不離水曰一句截流萬機寢削沼便禮拜忞曰鶻子俊哉到華嚴爲維那屬守廓侍者從南院來沼心奇之因結爲友遂默悟三玄旨要歎曰臨濟用處如是耶廓使更見慧顒沼乃往參入門不禮拜顒曰入門須辨主曰端的請師分願於左膝拍一拍沼便喝又於右膝拍一拍沼又喝顒曰左邊一拍且置右邊一拍作麼生曰瞎顒便拈棒曰莫盲瞶瞎棒奪打和尚莫言不道顒擲下棒曰今日被黃面浙子鈍置一上曰和尚大似持鉢不得詐道不飢曰闍黎莫曾到此間麼曰是何言與曰老僧好



好相借問曰。也不得放過。曰。且坐喫茶。次日。願問。今夏在什麼處。曰。在襄州華嚴與廓侍者同。夏曰。元來親見作家來。又曰。他向你道什麼。曰。始終只教某甲一向作主。願便打推出。方丈云。這般納敗。關底漢有什麼用處。沼自此服膺。在會下作園頭。一日。願到園。問曰。南方一棒作麼生。商量曰。作奇特。商量沼却問。和尚此間作麼生。商量願乃拈起拄杖曰。棒下無生。忍臨機不讓師。沼於是豁然大悟。一日。謂沼曰。汝乘願力來。荷大法。非偶然也。汝聞臨濟將終時語否。曰。聞之。曰。臨濟云。誰知吾正法眼藏。向這瞎驢邊滅却。渠平生如師子。見即殺人。及其將死。何故屈膝安尾。如此曰。密付將終。全主即滅。又問三聖如何。亦無語。曰。親承入室之真子。不同門外之游人。願領之。又問。汝道四種料簡。語料簡何法。曰。凡語不滯。凡情即墮。聖解學者大病。先聖哀之。爲施方便。如楔出楔。曰。如何是奪人不奪境。曰。新出紅爐金彈子。筵破關黎鐵面皮。如何是奪境不奪人。曰。舊草乍分頭。腦裂亂雲初綻影。猶存如何是人境。兩俱奪。曰。躡足進前須急。

急促鞭當執草遲遲。如何是人境俱不奪。曰。常憶江南二月裏。鷓鴣啼處百花香。又問臨濟有三句。當日有問如何。是第一句。濟曰。三要印開朱點窄。未容擬議主賓分。沼隨聲便喝。如何是第二句。濟曰。妙解豈容無著問。漚和爭負截流機。沼曰。未問已前錯。如何是第三句。濟曰。但看棚頭弄傀儡。抽牽全藉裏頭人。沼曰。明破即不堪。於是願以爲可支。臨濟法道有防禦。使問願大善知識。還具見聞覺知否。願便掌使不肯復。以前語問沼。沼曰。荊棘荒榛。棄來久矣。曰。妙用又如何。沼曰。王子帶刀。全意氣貧人。擒倒語聲。斷使深肯之。遂舉願隨問。便掌語。沼曰。是深相爲使。方委悉。○守廓侍者得法。存獎到德山。問宣鑒曰。從上諸聖向甚麼處去。曰。作麼作麼。曰。勅點飛龍馬。跛驢出頭來。鑒便休去。來曰。浴出廓。過茶與鑒鑒於背上。拈一下。曰。昨日公案作麼生。曰。這老漢今日方始瞥地。鑒又休去。廓行脚到襄州華嚴會。下一日。華嚴上堂。大衆今日。若是臨濟德山高亭大愚鳥窠船子兒孫。不用如何。若何。便請單刀直入華嚴與汝證據。廓出。

禮拜起便喝。嚴亦喝。郭又喝。嚴亦喝。郭乃曰。大眾看這老漢一場敗關。又喝。一喝。拍手歸來。嚴下座。郭方丈時延沼作維那。上去問訊。嚴曰。維那。汝來也。叵耐守郭適來把老僧扭捏。一上待集衆打一頓。越出曰。越他遲了也。自是和尙言過。他是臨濟下兒孫。本分怎麼嚴方息怒。沼舉似郭。郭曰。你著甚來。緣勸這漢。我未問前。蚤要棒。喫得我。話行如今不打搭。却我這話也。沼曰。雖然如是。已遍天下也。郭到鹿門。一日見鹿門問楚和尙。你終日披披搭搭作甚麼。楚曰。和尙見某甲披披搭搭。那鹿門便喝。楚亦喝。兩家總休去。郭曰。你看這兩箇瞎漢。隨後便喝。鹿門歸方丈。却令侍者請郭上來。曰。老僧適來與楚。關緊賓主相見。什麼敗關。曰。轉見病深。曰。老僧自見與化來。便會也。曰。和尙到與化時。守郭爲侍者。記得與麼時。語曰。請舉看。郭遂舉與化問。和尙甚處來。和尙曰。五臺來。與化曰。還見又殊麼。和尙便喝。與化曰。我問你還見又殊麼。又惡發作麼。和尙又喝。與化無語。和尙作禮。與化至明日。教守郭喚和尙。和尙蚤去也。與化上堂云。你

看這箇僧。擔條斷貫索。向南方去也。已後也道見與化來。今日公案恰似與麼時。底曰。與化當時爲甚無語。曰。見和尙不會賓主句。所以無語。及欲喚和尙持論。和尙已去也。鹿門明日。特爲煎茶。晚參告衆曰。夫參學龍象。直須仔細入室。決擇不得容易。綽得箇語。便以爲極。則道我靈利。只如山僧當初見與化時。語得箇動轉。底見人道。一喝兩喝。便休語。爲佛法也。今日教明眼人。覷破。却成一場笑具。圖箇甚麼。只爲我慢無明。不能回轉。親近上流。賴得明眼道人。不惜身命。對衆證據。此恩難報。何故。與化云。饒你喝得與化上三十三天。却撲下來一點氣也。無款款地。蘇息起來。向你道。未在何故。如此。與化未曾向紫羅帳裏。撒真珠。與你在胡喝亂喝。作麼。眞爲藥石之言。道流難信。如今直須明辨。取豈不慶快平生參學事畢。

### ○桂琛禪師傳法文益

文益。餘杭魯氏子。生而秀發。七歲剃染。弱齡稟具。究毗尼探儒典。振錫南遊。抵福州。參慧寂。不大發明。後同紹修法。進三人。自漳州抵湖外。值天雨雪。谿流瀑

張遂解包休於城隅古寺入堂有老僧擁爐三人附火次老僧問益曰此行何之益曰行脚去曰如何是行脚事益曰不知曰不知最親切又同三人舉筆論至天地與我同根處老僧曰山河大地與諸上座是同是別益曰別老僧豎兩指益曰同老僧又豎兩指便起去益大驚及周行廊廡讀字額曰石山地藏乃知桂琛禪師也雪霽辭去琛門送之間曰上座尋常說三界惟心萬法惟識乃指庭上片石曰且道此石在心內在心外益曰在心內琛笑曰行脚人著甚來蘇安片石在心頭益窘無以對遂辭修進二人即放包依席下求決擇近一月餘日呈見解說道理琛語之曰佛法不恁麼益曰某甲辭窮理絕也琛曰若論佛法一切現成益於言下大悟○紹修初與文益同參桂琛所得謂已臻極暨同辭至建陽途中益忽問萬象之中獨露身是撥萬象不撥萬象曰不撥益曰說甚麼撥不撥修懵然却同地藏琛問子去未久何以却來曰有事未決豈憚跋涉山川曰汝跋涉許多山川也還不惡修未諭旨乃問萬象之中獨露身意

旨如何曰汝道古人撥萬象不撥萬象曰不撥曰兩箇也修駭然沈思却問琛未審古人撥萬象不撥萬象曰汝喚甚麼作萬象修方省悟○洪進在地藏時居第一座一日琛上堂二僧出禮拜琛曰俱錯二僧無語下堂請益修修曰汝自巍巍堂堂却禮拜擬問他人豈不是錯進不肯修乃問上座又作麼生進曰汝自迷暗焉可爲人修憤然上方丈請益琛指廊下曰典座入庫頭去也修乃省過一日進問修明知生是不生之理爲甚麼爲生死之所流修曰箇畢竟成竹去如今作箴使還得麼進曰汝向後自悟去在修曰某甲所見只如此上座意旨如何進乃指曰這箇是監院房那箇是典座房修便禮謝

丁瑞龍幻璋禪師入寂

幻璋住瑞龍天成二年四月從錢王尙父乞墳尙父笑曰師便爾乎遣人擇地於西關建塔塔畢往辭錢王囑以護法恤民還而坐化壽八十七坐七十夏  
戊子常覺禪師住普淨  
常覺初訪歸宗章聞法省悟因遊上都於麗景門外

獨居二載間。有此隣張生。請覺供養。張有悟入。乃設榻留宿。至夜與妻竊窺。見覺體遍一榻。倍加欽慕。曰：弟子夫婦垂老。今願割前堂以裨丈室。覺欣然受之。至天成三年。遂成大院。賜額普淨。覺以時機淺昧。難任極旨。乃曰：我事不務開法。緣是每月三八施浴。僧道萬計。常謂諸徒曰：但得慧門無壅。則福何滯哉。○從展住保福。學衆不下七百人。天成三年三月。日示微疾。僧入丈室問訊。展曰：吾與汝相識年深。有何方術相救。曰：方術甚有。聞和尚不解忌口。又謂衆曰：吾旬日來氣力困劣。別無他祇。是時至也。僧問：時既至矣。師去。卽是住。卽是曰：道道曰：恁麼則某甲不敢造次。曰：失錢遺罪。言訖。跣趺而逝。○行崇嗣法。從展住谷山報恩。謂門弟子曰：吾雖不在。未嘗不爲諸兄弟若委悉報恩。常爲人處。許汝出意思。知解五陰身田。若委不得。保汝未出得意。想知解。所以古人喚作鬼家活計。蝦蟇衣下客。欲得速疾相應。卽如今立地便證驗取。識取有什麼罪過。不然根思遲廻。且以日及夜尋究。將去忽一日。覩見更莫以少爲足。更能研窮究。

竟乃至淫坊酒肆。若觸若淨。若好若惡。以汝所見事。觀教盡。是此境界。入如入律。若見一法如毫髮許。不見此箇事。我說爲無明翳障。直須不見有法是則底。法方得圓滿。到這裏更能翻擲。自緣開合不成。衰難如水入水。如火入火。如風入風。如空入空。若能如是。直下提一口劍。刺斷天下人疑網。一如不作相似。所以古人道：繁興大用。舉必全真。若有箇漢到與麼境界。誰敢向前說是說。非何以故。此人是箇漢。超諸限量。透出因果。一切處管束此人。不得若能如是。卽可若未得如此。且直須好看。莫取次發言吐氣。沉墜却汝無量劫。莫到與麼時。便道報恩不道。○桂琛住羅漢或住地藏石山。後唐天成三年。有僧來報保福和尚已遷化了。琛曰：保福遷化。地藏入塔。其年秋復至闍城。舊止偏遊近城諸刹。乃還俄示微疾。僧問和尚尊候。較否。琛以杖拄地曰：汝道這箇還痛否。曰：和尚問阿誰。曰：問汝。曰：還痛否。曰：元來共我作道理。乃沐浴安坐而化。闍維收舍利。建塔諡曰真應。○扣冰澡先住靈曜。天成三年。閩王延入內堂。問法茶次。先提



起。肇子曰：「大王會麼？」曰：「不會。」曰：「人王法王各自照了，留十日以疾辭。」至十二月二日，沐浴臨堂告衆而逝。茶毗祥曜滿山，獲五色舍利，益慈濟。

廣文偃禪師住靈樹

文偃自傳宗印，偏謁諸方，激揚大事。到九江陳操，尙書請齋纔見，便問：「儒書中即不問三乘十二分教，自有座主作麼？」生是訥僧行脚事，曰：「尙書曾問幾人來？」曰：「即今問上座。」曰：「即今且置作麼？」生是教意，曰：「黃卷赤軸，曰：『這箇是語言文字。』作麼？」生是教意，曰：「口欲談而詞喪，心欲緣而慮亡。」曰：「口欲談而詞喪，爲對有言，心欲緣而慮亡，爲對妄想。」作麼？」生是教意，操無語。偃曰：「見說尙書看法華經，是否？」曰：「是。」曰：「經中道：『一切治生產業，皆與實相不相違背。』且道：『非非想天有幾人退位？操又無語。』偃曰：「尙書且莫草草。」三經五論，師偈拋却，特入叢林。十年二十年，尙不柰何。尙書又爭得會操禮拜？曰：「某甲罪過長興元年，到曹溪禮祖塔靈樹，敬請爲第一座。」先是，敏不請首座，有勸請者，但曰：「我首座已出家久之。」又請曰：「我首座已行脚悟道久。」

之又請曰：「我首座已度嶺矣。」忽一日，令擊鐘接首座衆皆出。迂偃果至，敏迎笑曰：「奉遲甚久，何來？」暮即命之偃亦不辭而就職。俄廣主劉王將興兵，就敏決可否。敏前知手封盒子，語侍者曰：「王來出以似之。」乃就坐而逝。王至，聞敏已化，大驚問和尙何時得疾，曰：「師不曾有疾，適封一盒子令候。」王至，王開盒得一帖子，云：「人天眼目，堂中首座。」王於是請偃繼其法席。

辛卯延沼禪師住風穴

延沼依止南院六年，辭去。長興二年，至汝州見草屋數椽，依山如逃亡人家，問田父此何所，曰：「古風穴寺。」歲飢衆棄之而去，餘佛像鐘鼓耳。沼曰：「我居之可乎？」曰：「可。」沼乃留止，日乞村落，夜燃松脂，單丁者七年。

壬辰長慶慧稜禪師入寂

雪峰存法嗣

慧稜兩處開法，徒衆一千五百。化行閩越二十七載。長興三年五月，日示寂，壽七十九。○泉州招慶道匡在長慶會下，作桶頭常與衆僧語，話一日，慶見乃曰：「爾每日口嘮嘮地作麼？」曰：「一日不作，一日不食。」曰：「與麼則磨弓錯箭去也。」曰：「專待尉遲來。」曰：「尉遲來後如。」



何曰教他筋骨偏地。眼睛突出。屢便休。住院後。普請  
擔泥。次匡中路按拄。杖問僧曰。上窟泥。下窟泥。曰。上  
窟泥。匡打一棒。又問一僧。僧曰。下窟泥。匡亦打一棒。  
又問德謙。謙放下泥擔。叉手曰。請師鑑。匡便休。

癸巳。福州大章山契如菴主入寂。玄沙備法嗣

契如參師。備悟旨。隱小界山。削大朽杉。若小菴。第能  
容身。一日清豁冲照。需如名同訪之。值如採栗。豁問。  
如菴主在何所。曰。從甚麼處來。曰。山下。來曰。因甚得  
到這裏。曰。這裏是甚麼處。所如乃揖曰。那下。聖茶去。  
二人方省。是如遂詣菴。所頌味高。論不覺及夜。覲豺  
虎奔至菴前。自然馴遠。豁有詩曰。行不等閑行。誰知  
去住情。一餐齋未飽。萬戶勿聊生。非道難應伏。空拳  
莫與爭。龍吟雲起處。閑囑兩三聲。二人尋於大章創  
菴。請如居之。兩處孤坐。垂五十二載而終。

甲午。文偃禪師開法雲門。

文偃住靈樹。未幾遷雲門。光泰寺示衆。莫道今日。謾  
諸人。好抑不得。曰。向諸人前。作一場狼籍。且問。你諸  
人。從上來。有甚事。欠少甚麼。向你諸人。道。直下無事。

蚤是相埋沒了也。更欲踏步向前。尋言逐句。求覓解  
會。千差萬別。廣設問難。贏得一場口滑。去道轉遠。有  
什麼休歇時。此事若在言語上。三乘十二分教。豈是  
無言語。因甚更道。教外別傳。若從學解。機智得。祇如  
十地聖人說法。如雲如雨。猶被詞實見性。如隔羅縠。  
以此故。知一切有心。天地懸殊。雖然如此。若是得底。  
人道。又何嘗燒著口。終日說事。未嘗挂著唇齒。未嘗  
道著一字。終日著衣喫飯。未嘗觸著一粒米挂一縷  
絲。雖然如此。猶是門庭之說也。須是實得。恁麼始得。  
若約納僧門。下句裏。呈機。徒勞佇思。直覲一句下承。  
當得。猶是瞋睡。漢上堂。平地上死人。無數。過得荆棘  
林者。是好手。又云。直得乾坤大地。無纖毫過患。猶是  
轉句。不見一色。始是半提。直得如此。更須知有全提。  
時節。示衆。光不透脫。有兩般病。一切處。不明。面前有  
物。是一。又透得一切法。空隱隱地。似有箇物。相似。亦  
是光不透脫。又法身。亦有兩般病。得到法身。爲法執。  
不忘。已見。猶存。坐在法身邊。是一直饒透得。法身放  
過。卽不可仔細。點檢。將來有甚麼氣息。亦是病。僧問。

十二時中如何得不空過。曰向甚處著。此一問曰不會請師舉。偈作頌曰。舉不顧。即差互。擬思量。何劫悟。偈以足跛。嘗把拄杖。行見衆方。普請舉拄杖曰。看看北鬱單越人。見汝搬柴。不易在中庭裏。相撲供養汝。更爲汝念般若經曰。一切智智清淨。無二無二分。無別無斷。故衆環擁之久不散。乃曰。汝諸人無端走來這裏。覓什麼。老僧只管喫飯。阿。矢別解作什麼。汝諸方行脚。參禪問道。我且問你諸方。參得底事作麼生。試舉看。於是不得已。自誦三平偈曰。即此見聞。非見聞。回視僧曰。喚什麼作見聞。又曰。無餘聲色。可呈君。謂僧曰。有甚麼口頭聲色。又曰。箇中若了全無事。謂僧曰。有什麼事。又曰。體用何妨。分不分。乃曰。語是體。體是語。舉拄杖曰。拄杖是體。燈籠是用。是分不分。不見道。一切智智清淨。至僧堂中。僧爭起迎。偈立而語曰。石頭道。圓互不同。互偈便問。作麼生。是不同。互偈以手指曰。這箇是板頭。又問。作麼生。是不同。互偈什麼作板頭。有請僧參經時。乃曰。未到雲門時。恰似初生月。及乎到後。曲彎彎地。偈得知。乃問。是你道否。

曰。是日甚好。吾問汝作麼生。是初生月。僧乃斫頭。作望月勢。偈曰。你如此。已後失却。目在僧。經旬日復來。偈又問。你還會也。未曰。未會。曰。你問我。偈便問。如何是初生月。曰。曲彎彎地。僧問。措後果然。失目。僧問。靈樹如何。是祖師西來意。樹默然。遷化後。門人立行狀。碑欲入此語。問偈曰。先師默然處。如何上碑。偈曰。師問殺父殺母。向佛前懺悔。殺佛殺祖。向甚麼處懺悔。曰。露問。承古有言。了即業障本來空。未了應須償宿債。未審二祖是了。不了。曰。確問。一生積惡。不知善。一生積善。不知惡。此意如何。曰。燭偈問。直歲甚處去來。曰。刈茅來。曰。刈得幾箇。祖師曰。三百箇。曰。朝打三千。暮打八百。東家杓柄長。西家杓柄短。又作麼生。歲無語。偈便打問。佛法如水中月。是否。曰。清波無透。路曰。和尚從何得。曰。再問。復何來。曰。正與麼時。如何。曰。重疊關山路。問上無攀。仰下絕。已躬時。如何。曰。藏身一句。作麼生。道。偈便禮拜。偈曰。放過一著。置將一問來。偈無語。偈曰。這死蝦蟇。因供養羅漢。問。偈今夜供養羅漢。你道羅漢還來也。無僧無對。偈曰。你問我。偈便

問曰：換水添香，曰：與麼即來也。曰：有什麼饅頭餽子速下來問。如何是清淨法身？曰：花藥欄。曰：便恁麼去時如何？曰：金毛獅子問如何？是一代時教。曰：對一說問不是。目前機亦非。目前事時如何？曰：倒一說問。如何是塵塵三昧？曰：鉢裏飯桶裏水問如何？是法身。曰：六不收問如何？是超佛越祖之談。曰：胡餅問如何？是佛。曰：乾矢橛問如何？是諸佛出身處。曰：東山水上行問不起一念還有過也。無曰：須彌山曰：如何是透法身句？曰：北斗裏藏身上堂。眼睫橫亘十方眉毛上透乾坤下透黃泉須彌塞却汝咽喉還有人會得麼？若有人會搜取占波共新羅額上堂。乾坤之內宇宙之間中有一寶秘在形山拈燈籠向佛殿裏將三門來燈籠上作麼生？自代云：逐物意移。又曰：雲起雪興上堂。聞聲悟道見色明心。遂舉手云：觀世音菩薩將錢買胡餅放下手。曰：元來祇是饅頭上堂。函蓋乾坤目機銖兩不涉世緣。作麼生承當？衆無對。自代曰：一鐵破三關。示衆曰：裏來往日裏辨人。忽然中夜教取箇物來未曾到處作麼生？取代云：瞞却多少人。示

衆布幔天網打龍布絲網剪蝦蟇現你道螺蚌落在甚麼處？代云：具眼示衆。拄杖子化爲龍吞却乾坤了也。山河大地甚麼處得來？示衆十方國土中惟有一乘法。且道自己在一乘法裏一乘法外代云：入示衆。從上祖師三世諸佛說法山河大地草木爲甚麼不省去代云：新到行人事示衆。既知來處且道甚麼劫中無祖師代云：某甲今日不著便示衆。古德道藥病相治盡大地是藥那箇是你自己？乃曰：遇賤即貴。僧曰：乞師指示。偃拍手一下拈拄杖曰：接取拄杖僧接得。拗作兩橛。偃曰：直饒恁麼也好與三十棒。示衆十五日已前不問汝十五日已後道將一句來自代云：日是好日。示衆古佛與露柱相交是第幾機？僧問：意旨如何？曰：一條絲三十文買復代前語云：南山起雲北山下雨。僧又問：一條絲三十文買如何？曰：打與問僧甚麼處來？曰：禮塔來。曰：誰我？曰：某甲。實禮塔來曰：五戒也不持問僧看甚麼經？曰：瑜珈論。曰：義墮也。曰：甚麼處義墮？曰：自願出去。僧問：樹凋葉落時如何？曰：體露金風。垂語云：人人盡有光明在看時不見暗昏。

昏作麼生。是諸人光明自代云。厨庫山門又云。好事不如無。偃初在雪峯。僧問峯如何。是觸目不會。道運足焉知路。峰曰。蒼天蒼天。僧不會。遂問偃。蒼天意旨如何。曰。三斤麻一疋布。曰。不會。曰。更奉三尺竹。峰聞喜曰。我常疑箇布衲。偃出嶺。徧謁諸方。倒洞巖巖。問作甚麼來。曰。親近來。曰。亂走作麼。曰。暫時不在。曰。知過。即得。曰。亂走作麼。到疎山。仁仁問。得力處。道將一句來。曰。請高聲問。仁即高聲問。偃笑曰。今朝喫粥麼。曰。喫粥。曰。亂叫喚作麼。到鷺湖。問上堂。曰。莫道未了底人。長時浮逼逼地。設使了得底。明明得知有去處。尙乃浮逼逼地。偃下問。首座適來和尙意作麼生。曰。浮逼逼地。曰。首座久在此。住頭白。箇黃作這箇語話。曰。上座又作麼生。曰。要道。即得見。即便見。若不見。莫亂道。曰。祇知道浮逼逼地。又作麼生。曰。頭上著枷。脚下著杻。曰。與麼則無佛法也。曰。此是文殊普賢大人境界。到乾峰。曰。請和尙答話。峰曰。到老僧也未。曰。恁麼那。恁麼那。峰曰。將謂猴白。更有猴黑。峯上堂。舉一不得舉二。放過一著。落在第二。偃出來。曰。昨日有人

從天台來。却往徑山去。峯曰。典座來。曰。不得。請便下座。峰又上堂。法身有三種。病二種。光須是一。一透得。始解歸家。隱坐須知更有向上一竅。在偃出問。菴內人爲甚麼不知。菴外事。峰呵呵大笑。偃曰。猶是學人疑處。峰曰。子是甚麼心。行曰。也要和尙相委。峰曰。直須與麼始解。穩坐。僧問。峯十方薄伽梵。一路涅槃門。未審路頭在甚麼處。峰以拄杖畫云。在這裏。僧後請益。偃偃拈起扇子云。扇子踴躍上三十三天。築著帝釋鼻孔。東海鯉魚打一棒。雨似盆傾。會麼。○師靜初參師。備遇備示。衆汝諸人。但能一生如喪考妣。吾保汝究竟徹去。靜躡前語。問曰。如教中道。不得以所知心。測度如來。無上知見。又作麼生。備曰。汝道究竟徹底。所知心。還測度得及否。靜從此信入。後居天台三十餘載。不下山。博綜三學。操行孤立。禪寂之餘。常閱龍藏。遐邇欽重。時謂大靜上座。嘗有人問弟子。每當夜坐。心念紛飛。未明攝伏之方。願垂示誨。答曰。如或夜間安坐。心念紛飛。却將紛飛之心。以究紛飛之處。究之無處。則紛飛之念。何存。反究究心。則能究之心。



安在又能照之。智本空所緣之境亦寂寂而非寂者。蓋無能寂之人也。照而非照者。蓋無所照之境也。境智俱寂。心慮安然。外不尋枝。內不住定。二途俱泯。一性怡然。此乃還源之要道也。一日因觀教中幻義。乃遽一偈問諸學流曰。若道法皆如幻。有造諸過惡。應無書云何所作。業不忘而藉佛慈與接。誘時有小靜上座答曰。幻人與幻幻輪圓。幻業能招幻。所治不了幻生。諸幻若覺。知如幻。幻無爲。

乙文益禪師住崇壽

文益自受心印。至撫州牧請住崇壽院。時有子方自長慶來。問益曰。公久親長慶。乃嗣地藏何也。曰。以不解長慶萬象之中。獨露身故。方舉拂子示之。益曰。撥萬象不撥萬象。曰。不撥。曰。獨露身。益曰。撥。曰。萬象之中。益方於是悟。旨嘆曰。我幾枉度此生。又有子昭平昔與益商確古今。聞嗣地藏憤憤不平。卽領衆來實問。益知之。乃舉衆出迎。特加禮待賓主位。各挂拂子。茶次。昭忽變色抗聲曰。長老開堂的嗣何人。曰。地藏。曰。太事負長慶先師。曰。某甲不會。長慶一轉語曰。

何不問曰。萬象之中。獨露身。意作麼生。昭整起拂子。益曰。此是長慶處學得底。首座上作麼生。昭無語。益曰。只如萬象之中。獨露身。撥萬象不撥萬象。曰。不撥。曰。兩箇參隨。皆曰。撥。益曰。萬象之中。獨露身。撥。與衆皆懷懼而退。益曰。住住。首座殺父殺母。猶通微。悔謗大殺若誠。難懺。悔。昭自此反參。益發明已見。丁延沼禪師開法風穴。

延沼住風穴。單丁者。七年。檀信新之。遂成叢林。天福二年。州牧聞其風。請開法。嗣南院陞座。先師云。欲得親切。莫將問來問。會麼。問在。答處。答在。問處。雖然。如有時間。不在。答處。答不在。問處。汝若擬議。老僧在汝脚跟底。大凡參學。眼目直須臨機大用。現前勿自拘於小節。設使言前薦得。猶爲滯殼。迷封句下。精通未免觸途狂見。應是向來依他作解。明昧兩岐。與汝一切掃却。直教箇箇如師了兒叱呀。地對衆證據。哮吼一聲。壁立千仞。誰敢正眼覷著。覷著卽瞎却渠眼目。上堂。若立一塵。家國興盛。野老顰蹙。不立一塵。家國喪亡。野老安帖。於此明得。闍黎無分。全是老僧於。



此不明老僧却是闍黎。闍黎與老僧亦能悟却天下人亦能瞎却天下人。欲識闍黎麼？右邊一拍曰：這裏是欲識老僧麼？左邊一拍曰：這裏是上堂。祖師心印狀似鐵牛之機，去即印住，住即印破，祇如不去不住，印即是不印，即是還有人道得麼？時有盧陂長老出問。學人有鐵牛之機，請師不搭印。沼曰：慣釣鯨鯢，澄巨浸却憐蛙步。陂泥沙陂佇思。沼喝曰：長老何不進語。陂擬議。沼便打一拂子曰：還記得話頭麼？陂擬開口。沼又打一拂子。時有牧主曰：信知佛法與王法一般。沼曰：見甚麼道理？主曰：當斷不斷，反招其亂。沼便下座。上堂。舉寒山詩曰：梵志死去來，魂識見閻老。讀盡百王書，未免受捶拷。一稱南無佛，皆以成佛道。僧問：如何是一稱南無佛？曰：燈連風燭，當堂照月映娥眉。賴面看僧問摘葉尋枝，即不問直截根源事。若何曰：赴供凌晨去，開塘帶雨歸。問：隨緣不變者，忽遇知音時如何？曰：披蓑側立千峰外，引水澆蔬五老前。問：九夏賞勞，請師言薦。曰：出袖拂開龍洞雨，泛杯波湧鉢囊花。問：最初自恣，合對何人？曰：一把香鍋拈未暇。

六環金錫響遙空。問：如何是清淨法身？曰：金沙灘頭馬郎嬈。問：如何是佛？曰：杖林山下竹筋鞭。沼問懷本上座曰：有事借問得麼？本曰：不可惜口去也。曰：不惜口，即道本擬議。沼便打。又問：第二人莫道得麼？曰：道甚麼？沼又打。又問：第三人曰：三人同行，必有我師。作麼生？是我師？曰：見參禮次。沼亦打云：過這邊立。復云：將頭不猛，誤累三軍。詰漢參堂去。本至明日上堂。頭親近云：某甲夜來有什麼過，便蒙賜棒？曰：你要會麼？以手左邊一拍曰：這裏是祖師意，以手右邊一拍曰：這裏是教意。還會麼？本不肯便去。後到頭橋安處舉前話。安曰：風穴棒折，那本曰：上座臂腕終不向外曲。安曰：你會風穴道，這裏是祖意教意麼？非惟你不會，直饒白兆老口，赫赤地教他學也。學不得，防禦使問南院大善知識，還具見聞覺知否？院便掌使不肯。遂以前語復問。沼曰：荊棘荒榛，棄來久矣。曰：妙用又如何？沼曰：王子帶刀，全意氣殺人。擒倒語聲，斷使深肯之。遂舉到南院院隨問，便掌語。沼曰：是深相爲使方委悉。○道悠住龍冊學侶雲臻。天福二年八月日。

入寂○德韶龍泉陳氏子母夢白光觸體覺而振年十五有梵僧指其背曰汝當出家屢中無置汝所也遂剃染十八受具同光中謁大同不契參居遁問雄雄之尊因甚親近不得曰如火與火曰忽遇水來時如何曰汝不會我語又問天不蓋地不載此理如何曰合如是韶惘然固請爲說曰道者汝向後自會去韶後於通玄峰澡浴次忽省前話遂具威儀望龍牙禮拜曰當時若向我說今日決定罵也謁匡仁問百匝千重是何人境界曰左撻芒繩縛鬼子曰不落古今請師說曰不說曰爲甚不說曰箇中不辦有無曰師今善說仁駭之辭去所至少留見知識五十四人後至臨川謁文益登一見深器之韶以偏涉叢林但隨衆而已無所咨參一日登上堂有僧問十二時中如何得頓息萬緣去益曰空與汝爲緣耶色與汝爲緣耶言空爲緣則空本無緣言色爲緣則色心不二日用果何物爲汝緣乎韶聞悚然異之又有問者曰如何是曹源一滴水益曰是曹源一滴水韶於座側豁然大悟平生凝滯渙若冰釋感涕沾衣益曰汝向

後當爲國王師致祖道大光行矣無滯於是韶乃辭法游天台觀智者遺蹤如故居瞭然有終焉之心○令參號永明湖州人蒙雪峯記別初住明州翠巖大張法席上堂自一夏以來爲兄弟東語西話看翠巖眉毛在麼保福曰作賊人心虛長慶曰生也雲門曰關天福二年龍冊寺道慈歸寂吳越王錢元璿請參繼其法席○長生山皎然久依義存一日與僧斫樹次存曰斫到心且住然曰砍却著存曰古人以心傳心汝爲甚麼道砍却然乃擲下斧曰傳存打一拄杖而去一日普請次存負一束藤路逢一僧便拋下僧擬取存便踏倒歸謂然曰我今日踏這僧快日和尙却替這僧入涅槃堂始得好便休云一日存問光境俱亡復是何物曰放皎然過有箇道處曰放汝過作麼生道曰皎然亦放和尙過曰放汝二十棒然禮拜

戊石亭光湧禪師入寂仰山說法嗣  
滿仰第三世

光湧自石亭還仰山戊戌夏無疾而化壽八十九夏七十○休復悟空北海王氏子幼出家十九納戒嘗自謂曰苟尙能證則爲滯後將趣凝寂復患墮空既

進退莫決。捨二何之。乃參尋宗匠。依地藏桂琛。經年不契。直得成病人。涅槃堂一夜。藏去看。乃問。復上座。安樂麼。復曰。某甲爲和尚。因緣背藏。指燈籠曰。見麼。曰。見。藏曰。祇這箇也不肯。復於言下有省。後修山主問訊。地藏乃曰。某甲百劫千生。曾與和尚違背。來此者。又值和尚不安。藏遂豎起拄杖曰。祇這箇也不肯。復忽然契悟。後繼法眼住。崇壽江南國主。創清涼道場。延請居之。將入寂。十月朔日。遣僧命法眼至付囑。訖。又致書辭國主。取三日夜子時。入滅。國主令本院至時。擊鐘及期。大眾普集。復端坐。警衆曰。無業光影。語絕告寂。時國主聞鐘。登高臺遙禮。深加哀慕。仍致祭茶毗。收舍利建塔。○志通鳳翔人。因見智者淨土儀式。不勝欣忭。自是不向西睡。不肯西坐。專心念佛。後見白鶴孔雀成行西下。又見蓮花開合。喜曰。白鶴孔雀淨土境也。蓮花光相受生處也。淨土現矣。乃禮佛而終。茶毗有五色祥雲環覆。火上升。舍利顯現於身。○文益禪師開法清涼。

文益初住崇壽。未幾金陵國主迎居報恩。次遷清涼。

院大闡法化。示衆趙州曰。莫費力也。大好言語。何不仍舊去。世間法。尚有門。佛法豈無門。自是不仍舊。故諸佛諸祖。祇於仍舊中。得如初夜鐘。不見有絲毫異。得與麼恰好。聞時無一聲子。闊何以故。爲及時節無。心曰。死且不是。死止於一切。祇爲不仍舊。忽然非次。聞時諸人盡驚愕。道。鍾子恠鳴也。寶公曰。暫時自肯。不追尋歷劫。何曾異。今日還會麼。今日只是塵劫。但著衣喫飯。行住坐臥。晨參暮請。一切仍舊。便爲無事人也。又曰。見道爲本。明道爲功。便能得大智慧力。若未得如此。三界可愛底事。直教去盡。纔有纖毫還應。未可抵如汝輩。睡時不噴。便喜。此是三界昏亂習熟境界。不惺惺。便昏亂。盡緣汝輩雜亂所致。古人謂之夾幻金。卽是眞。其如鑛何。又曰。出家兒。但隨時及節。便得寒。卽寒。熱。卽熱。欲識佛性。義當觀時節。因緣古今。方便不少。石頭初看肇論。至會萬物爲已者。其推聖人乎。則曰。聖人無已。靡所不已。乃作參同契首言。竺土大仙心。無過此語也。中間亦只是尋常說話。夫欲會萬物爲自己。去盡盡大地。無一法可見。已而又

禪曰光陰莫虛度所以告汝輩但隨時及節便得若也移時失候即虛度光陰於非色中作色解於非色作色解即是移時失候且道色作非色解還當得否若與麼會便是沒交涉正是癡狂兩頭走有甚麼用處但守分過時好益嘗作三界惟心頌曰三界唯心萬法唯識唯識唯心眼聲耳色色不到耳聲何觸眼眼色耳聲萬法成辦萬法匪緣豈觀如幻大地山河誰堅誰變又華嚴六相義頌曰華嚴六相義同中還有異異若異於同全非諸佛意諸佛意總別何曾有同異男子身中入定時女子身中不留意不留意絕名字萬象明明無理事

已緣德禪師住圓通

清路進法嗣

緣德臨安黃氏子年十七剃髮受具游方參洪進久之江南李氏有國曰德混跡南昌上蓋宋齊丘至游經堂僧衆趨迎德閱經自若丘旁立曉之德不甚顧答因問上座看甚經德舉示之丘異焉請住舍利雙巖諸利德無所事去留所至頽然默坐而學徒自成規矩平生著一納裙以繩貫其褶處夜伸裙以當被

後主延德至金陵問佛法大意建寺廬山石耳峰下延德住持開基日地中得金像大士賜名圓通

子秦欽參文登禪師

秦欽得法文益然性忽繩墨不事事嘗自清涼遣化誰揚過時未歸一衆傳以爲笑益遣偈呼歸使爲衆燒浴一日益問大衆虎頂下金鈴何人解得對者皆不契欽適自外至益問之欽曰大衆何不道繫者解得於是人人改觀益謂衆曰汝輩這回笑渠不得也○行因受旨鹿門真抵廬山佛手巖下有石窟可三丈餘因宴處其中嘗有異鹿錦囊鳥馴擾其側江南李主三召不起堅請就樓賢開堂不逾月潛歸巖室一日示微疾謂旁僧曰日午吾去矣及期下床行數步屹然立化巖上有松一株同日枯槁○德詔住天台嘗有偈曰通玄峰頂不是人間心外無法滿目青山法眼聞之曰卽此一頌可起吾宗上堂眼中無色識色中無眼識眼識二俱空何能令見色是眼則不能自見其已體若不能自見云何見餘物古聖方便皆爲說破若於此明得寂靜法不寂靜法也收盡明



得遠離法不遠離法亦收盡未來現在亦無遺餘。名  
法界何有遮障各自信取。詔以涅槃四種開示學者。  
諸方目爲詔國師四料揀云。聞聞放聞不聞。收不聞  
聞明不聞不聞。唐僧問如何是古佛心。詔曰。此間不  
弱。問那叱太子析肉還母析骨還父。然後化生蓮花  
之上。爲父母說法未審如何是太子身。詔曰。大家見  
上座問。○竟歎益州鄭氏子參文偈得悟。卽就雙峰  
下創興福寺。以居開堂日。偃躬臨證。明僧問。賓頭盧  
應供四天下。還徧也無。曰。如月入水。問如何是用而  
不雜。曰。明月堂前垂玉露。水晶殿裏撒明珠。偃深喜  
其類已。○奉先深得法雲門。同明和尚在衆時。聞僧  
問文益如何是色。益豎起拂子。或曰。雞冠花。或曰。貼  
肉汗衫。二人往問。曰。承聞和尚有三種色語。是否。曰。  
是。深曰。鷄子過新羅。便歸衆時。李主在座下。白益曰。  
寡人來日致茶筵。請二人重新問話。明日備綵一箱。  
劍一口。謂曰。上座若問話得奉賞。雜綵一箱。若問不  
是。只賜一劍。益陞座。深復出問。今日奉勅問話。和尚  
還許也無。曰。許。曰。鷄子過新羅。捧綵便行。大衆散去。

時泰欽作維那。乃鳴鐘集衆。僧堂前勸驗二師。衆復  
集。泰問曰。承聞二上座久在雲門。有甚奇特。因緣舉  
一兩則來商量看。深曰。古人道。白鷺下田。千點雪。黃  
鸝上樹。一枝花。維那作麼生商量。泰擬議。深打一坐  
具。便歸衆。○延壽字冲玄。餘杭王氏子。總角卽歸心。  
佛乘。不茹葷日。惟一食誦法華經五行。俱下六旬。而  
異感群羊跪聽。年十六爲儒生。時吳越王鎮杭州。壽  
獻齊天賦。年二十八爲華亭鎮將。屢以庫錢買魚。放  
生。事發。坐死。領赴市。曹王夢老人引魚蝦數萬至云。  
此皆稅務官所放者。願王免其罪。王遂赦之。因放令  
出家。屬令參永明遷龍冊壽禮爲師。執勞供衆衣。不  
繪繡。食不兼味。尋往天台。天柱峰九旬習定。有鳥類  
尺鷃。巢衣褶中。育雛出定。參德詔發明心要。詔嘗語  
之曰。汝與元帥有緣。他日當大興佛事。○澄遠。綿竹  
上官氏子。與鷺湖鏡清同時。先參湖南報慈。後方至  
文偈會下。作侍者。偃常只喚遠侍者。遠應諾。偃便曰。  
是甚麼如此者。十八年遠凡下語。呈見解。終不相契。  
一日遠忽云。我會也。曰。我乃今更不呼汝矣。遂辭去。



偃日光含萬象一句作麼生道遠擬議偃令更住三年一日普請鉅地次有僧曰看俗家失火遠曰那裏火曰不見那曰不見曰瞎漢是時一衆皆言遠上座敗闕獨師寬聞畢曰須是我遠兄始得後歸蜀衆請住導江僧問美味醒醐爲甚麼變成毒藥遠曰導江紙賣問一子出家九族解脫目連爲甚麼母入地獄曰確後住青城香林示衆大凡行脚參尋知識要帶眼行須分縑素看淺深始得此事必先須立志釋迦老子在因地時發一言一念皆是立志僧問如何是祖師西來意曰坐久成勞曰便回轉時如何曰墮落深坑問如何是室內一盞燈曰三人證龜成鳖問如何是衲衣下事曰臘月火燒山

癸卯志逢參德韶禪師

志逢餘杭人生慈童血膚體香潔出家受具通貫三學嘗夢陞須彌山觀三佛列坐初釋迦次彌勒皆禮其足惟不識第三尊但仰視而已釋尊曰此是補彌勒處師子月佛逢方作禮覺後因閱大藏經乃符所夢晉天福中參德韶契悟一日入普賢殿中宴坐緣

有神人跪膝於前逢問爲誰曰護戒神也曰吾患有宿愆未殄汝知之乎曰師有何罪准一小過耳凡折鉢水亦施主物師每傾棄非所宜也言訖而隱逢自此洗鉢水盡飲之積久因致脾疾十載方愈○文益住清涼唐主請入內觀牡丹乞賦詩益應聲曰擁羣對芳叢絲來趣不同髮從今日白花是去年紅豔冶隨朝露馨香逐晚風何須待零落然從始知空

乙鼓山神宴禪師入寂雪峯存法嗣

神晏住鼓山三十餘年學徒雲集天福乙巳入滅

丁明招德謙禪師入寂羅山開法嗣

德謙住明招有頌示衆曰明招一曲和人稀此是真宗上妙幾石火瞥然何處去朝生之子合應知臨遷化上堂一百年中祇看今日今日事作麼生吾住此山四十年惟用一劍活人眼目乃拈巾曰如今有純陀麼提向諸方展看作擲勢僧問純陀獻供末後殷懃時如何謙曰莫相孤負好問和尚遷化向什麼處去謙舉起一足曰足下看取問百年後以何爲極則謙提巾便擲中夜問侍者昔日靈山會上釋迦如來

展開雙足放百寶光。遂展足曰。吾今放多少侍者。曰。昔日世尊。今宵和尚。謙以手撥眉曰。莫孤負麼。乃說偈曰。薰刀叢裏逞全威。汝等諸人善護持。火裏鐵牛生犢子。臨岐誰解奏吾機。偈畢端坐而逝。

戊申文偃禪師王宮說法

文偃住雲門。法道大行。廣主屢請入內。問法待以師禮。王問云。何是禪。曰。大王有問。山僧對。一日。王齋衆僧。次問偃曰。靈樹果子熟也。未曰。甚麼年得信道。生曰。熟也。曰。切莫忘却。王大悅。賜號匡眞禪師。乾祐元年七月十五日。王迎偃至內。問道。九月還山。謂衆曰。我離山得六十七日。且問汝六十七日。事作麼生。衆莫能對。偃代曰。何不道和尚京中喫麵多。○守初鳳翔傅氏子。兒時聞鐘鼓聲。輒不食。危坐終日。母屢試之。不輟。亦不索。年十六。剃染。受具。遊方。參文偃。偃問。近離甚處。曰。查渡。問。夏在甚處。曰。湖南。報慈曰。幾時離。彼曰。八月二十五日。放汝三頓棒。初罔然。至明日。却上問訊。昨日蒙和尚放三頓棒。不知過在甚處。曰。針袋子。江西湖南。便恁麼去。初於言下大悟。遂曰。他後

向無人烟處。不蓄一粒米。不種一莖菜。接待十方。往來盡與伊抽釘拔楔。拈却炙脂帽子。脫却鶻鼻布衫。教伊洒洒地作箇無事衲僧。豈不快哉。曰。你身如椰子。大開得如許大口。初便禮拜。卽曰。辭去。北抵襄漢。乾祐元年。住洞山。示衆語中有語。名爲死句。語中無語。名爲活句。作麼生是活句。到這裏實難得人。只緣未達其源。落在第八魔界中。識得箇不名不物。無是非。非頭頭物。物無不具。足道我得安樂田地。更不求餘。凡有扣擊。卽便敲床。豎拂。更不惜使施便。設便。行便。用向惡水坑裏弄箇無尾湖孫。臘月三十日。鼓也打破。湖孫又走却了。手忙脚亂。一無所成。悔將何及。若是箇衲僧。乍可凍殺餓殺。終不著他鶻鼻布衫。又曰。言無展事。語不投機。乘言者。喪滯句者。迷於此四句語中。見得分明也。作箇脫灑衲僧。根椽片瓦。粥飯因緣。堪與人天爲善知識。於此不明。終成莽鹵。又曰。舉唱宗乘。闡揚大教。須得法眼精明。方能鑒辨。縑素切緣。眞妄一源。水乳同器。到此難分。洞山尋常。以心中眼觀。身外相觀之。又觀乃辨眞僞。若不如是何名。

善知識。夫善知識者。驅耕夫之牛。奪飢人之食。方名善知識。卽今天下。那箇是真善知識。諸德參得幾箇。善知識來。也不是等閑直。參教徹。觀教透。千聖莫能證明。方顯大丈夫兒。不見釋迦老子。明星出時。豁然大悟。與大地衆生同時成佛。無前後際。豈不暢哉。雖然如是。若遇明眼衲僧。也好劈脊便棒。僧問維摩。掌擎四世界。未審維摩身存甚處。曰。在闍黎後底。曰。爲甚麼在學人後底。曰。還我話頭來。問如何是佛。曰。麻三斤。○玄則初參青峰。問如何是學人自己。峰曰。丙丁童子來求火。後在法眼會中。但隨衆而已。不曾參請入室。一日文益問曰。則監院何不來入室。曰。和尚豈不知某甲於青峰和尚。有箇入頭。曰。汝試爲我。學看。曰。某甲問青峰。如何是佛。峰曰。丙丁童子來求火。益曰。好語。恐汝錯會。可更說看。曰。丙丁屬火。以火求火。如某甲是佛。更去覓佛。益曰。監院果然錯會了也。則不憤。便起單。渡江去。益曰。此人若回。可救若不回。救不得也。則到中路。自忖云。他是五百人善知識。豈可賺我耶。遂回再參。益曰。你但問我。我爲你答則。

便問如何是佛。益曰。丙丁童子來求火。則於言下大悟。住金陵報恩院。開堂。曰。李王與益俱在會。僧問。龍吟霧起。虎嘯風生。學人知是出世邊事。到此爲甚麼不會。則曰。會取好。僧舉頭看。則又看益。乃抽身入衆。益與李王當時失色。益歸方丈。令侍者喚問話僧。至益曰。上座適來問底話。許你具眼。人天衆前何不禮拜。蓋覆却益。一坐具。其僧三日後吐光而終。○顯鑒衆中謂之鑒多口。常縫坐具。行脚初到雲門。門曰。雲峯和尚道開却門。達磨來也。我問你作麼生。曰。築著和尚鼻孔。曰。地神惡發。把須彌山一擗。踉跳上梵天。拶破帝釋鼻孔。你爲甚麼向鼻孔裏藏身。曰。和尚莫瞞人好。曰。築著老僧鼻孔。又作麼生。鑒無對。門曰。將知你祇是學語之流。因代曰。邏邏哩。後於言下大悟。出世住巴陵新開院。更不作法。嗣書只將三轉語上門。僧問如何是道。答曰。明眼人落井。問如何是吹毛劍。答曰。珊珊枝枝撐著月。問如何是提婆宗。答曰。銀盤裏盛雪。門曰。他後老僧忌辰。只消舉此三轉語報恩足矣。自後忌辰只舉此三轉語。

己雲門文偃禪師示寂雲峯存法嗣雲門第一世

文偃住雲門三十年說法如雲如雨人莫能測嘗作  
綱宗偈曰康氏圓形滯不明魔深虛喪擊寒水鳳羽  
展時超碧漢晉鋒八博擬何遇一是機是對對機迷  
開機臺遠遠臺樓夕日日中誰有掛因底底事隔塵  
迷二喪時光藤林荒徒人意滯肌起三咄咄咄力口  
希禪子訝中眉垂四上不見天下不見地塞却咽喉  
何處出氣笑我者多哂我者少五偃每顧見僧即曰  
鑒僧欲酬之即曰喫門弟子錄曰顧鑒喫德山緣密  
刪去顧字但以鑒喫二字爲頌謂之抽顧頌漢乾祐  
二年四月十日端坐示寂諡大慈雲匡真弘明大師  
○明上座自幼肄業講肆聞僧問雲門如何是透法  
身句曰北斗裏藏身明莫測微旨遂造門門纔見便  
把住曰道道明擬議門托開乃示頌曰雲門筆峻白  
雲低水急遊魚不敢棲入戶已知來見解何勞再舉  
轅中泥朗遂大悟○師寬參雲門一日聞白槌曰請  
師寬充典座寬翻筋斗出衆曰雲門禪屬我矣又一  
日問寬今日喫得幾箇胡餅曰五箇曰露柱喫得幾

箇曰請和尚茶堂裏喫茶寬一日訪白兆曰老僧  
有箇木魚頌曰請舉看曰伏惟爛木一撇佛與衆生  
不別若以杖子擊著直得聖凡路絕寬曰此頌有成  
號無成號曰無成號寬曰佛與衆生不別豈待僧救  
曰有成號寬曰直得聖凡路絕豈當時白兆一衆失  
色○緣密受雲門心印後住鼎州德山第九世號圓  
明大師上堂德山有三句語示汝諸人一句函蓋乾  
坤一句截斷衆流一句隨波逐浪作麼生辨若辨得  
出有參學分若辨不出長安路上覩覩地又云但參  
活句莫參死句活句下薦得永劫無滯一塵一佛國  
一葉一釋迦是死句揚眉瞬目舉指豎拂是死句山  
河大地更無諸訛是死句時有僧問如何是活句曰  
波斯仰面看○白雲子祥得法雲門住後嘗問僧曰  
不壞假名而談實相汝作麼生會僧指椅子曰這箇  
是椅子祥以手撥椅曰與我將鞋袋來僧無對祥呵  
曰這虛頭漢門聞之乃曰須是我祥兄始得  
庚戌長耳行修禪師示寂雪峯存法嗣定光佛化身  
乾祐三年十一月二日吳越王錢弘俶以誕辰飯僧

有永明禪師者亦異人也。王問明今有真僧降否。曰長耳和尚乃定光佛應身也。王趣駕參禮。稱修爲定光出世修默然。但曰永明饒舌。少選跏趺而化。其狀如生久之。益膚草津澤。爪髮復長。月必三淨。時有舍利後值金兵侵境。刃傷之流血白色。兵懼而退。自是肌理失潤。乃以髹塗骸體。法號宗慧大師。○慧明參法眼得心印。初菴於大梅。有禪者來參。明問近離甚處。曰成都。曰上座離成都到此山。則成都少上座。此間剩上座。剩則心外有法。少則心法不周。說得道理卽住。不會卽去。僧無對。遷天台。有明彥上座者。俊辨自負。來謁明。明問曰。從上諸聖及諸先德。還有不悟者。無曰。諸聖先德豈有不悟者哉。曰。一人發真歸源。十方處空。悉皆消殞。舉手指曰。只今天台山巖然如何。得消殞去。彥張目直視遁去。又遷杭州報恩。乾祐三年。吳越王請入府。問法密契其道。

亥道潛禪師王宮說法

道潛河中武氏子。初謁文益。益曰。子於參請外。看甚麼經。曰華嚴經。曰。總別同異。成壞六相。是何門攝。屬

曰。文在十地品中。據理則世出世間一切法皆具六相也。曰。空還具六相也。無潛無對。益曰。汝問我。潛乃問空。還具六相也。無曰。空潛於是開悟。禮謝。益曰。子作麼生會。曰。空益然之。異曰。因士女入院。益問。潛曰。律中道隔壁聞釵釧聲。卽名破戒。見觀金銀合雜。朱紫駢闐。是破戒。不是破戒。曰。好箇入路。曰。汝向後有五百義徒。爲王侯所重。在潛遂禮辭至衢州古寺。閱大藏嘗宴坐。見文殊現形及詣杭禮阿育塔。跪而頂戴。淚下如雨。俄見舍利在懸鐘之外。悲喜交集。又嘗行三七日。普賢俄忽見。徧吉卸象在塔寺三門下。其象鼻直枕行轍。所辛亥吳越王請入府授菩薩戒。○延沼避寇郢州。寇平。汝州有宋太師者。施第爲寶坊。迎沼居焉。廣順元年。賜寺名廣慧。法席冠天下。

壬南院慧顒禪師示寂與化獎法嗣  
臨濟第三世

慧顒住南院。壬子入滅。初顒上堂。諸方祇具啐啄同時。眼不具啐啄。啄同時。用僧問如何。是啐啄同時。用曰。作家不啐啄。啐啄同時。失曰。此猶未是。某甲問處。曰。汝問處作麼生。曰。失顒便打。僧不肯。後於雲門會下。



聞二僧舉此話一僧曰當時南院拈折那其僧忽契  
招遂奔回省親願已寂乃謁延沼問莫是當時問  
先師時同同時話底麼曰是曰汝當時作麼生會曰  
某甲當時如在燈影裏相似沼曰汝會也○延壽自  
受德韶託前因思宿有二願進退未決遂登智者巖  
作二紙闌一曰一心禪定一曰萬善同歸淨土信手  
拈至七度皆得萬善同歸自是一意淨業周廣願二  
年出覺住雪竇學者輻輳

甲道潛禪師住永明

顯德元年吳越王錢弘俶勅建大伽藍於南內曰慧

日永明即今請道潛主之爲第一世

丙重雲智禪師入寂白水仁法師  
洞第四世

智禪住重雲餘四十年節度使王彥超徵時嘗從禪  
游歎爲沙門暉熟視曰汝世緣深當爲我家垣牆超  
後果鎮永興申弟子之禮顯德三年夏暉詣永興與  
超別囑以護法超泣曰師遂忍棄弟子乎暉笑曰偕  
千年亦一別耳七月二十四日書偈一首曰我有一  
間舍父母爲修葺往來八十年近來覺損壞早擬移

別處事涉有憎愛待他摧毀時彼此無妨礙乃跏趺  
而化壽八十四夏六十四

戊清涼文益禪師示寂地藏琛法師  
法眼第一世

文益住清涼致異域有慕其法者涉遠而至顯德五  
年七月示寂疾閏月五日沐浴辭衆跏趺而化停龕  
三七日貌如生壽七十四夏五十四塔全身於丹陽  
勅諡大法眼○泰欽初住洪州雙林文益歿李主請  
欽補其處上堂山僧本擬居山藏拙養病過時柰緣  
先師有未了底公案所以出來爲他了却若有人問  
便說似伊時有僧出問如何是先師未了底公案欽  
便打曰祖禪不了殃及兒孫曰過在甚麼處曰過在  
我殃及你李主從容問曰先師有甚麼不了底公案  
曰現分拈底主駭之○靈隱清暉參文益益指雨謂  
曰滴滴落在上座眼裏暉初不喻旨後因閱華嚴感  
悟承益印可上堂十方諸佛常在汝前還見麼若言  
見將心見將眼見所以道一切法不生一切法不滅  
若能如是解諸佛常現前○百丈道恒參文益因請  
益外道問佛不問有言不問無言叙語未終益曰住

住汝擬向世尊良久處會耶。恒從此悟入。住百丈上堂。古人道十方同聚會。箇箇學無爲。此是選佛場。心空及第歸。作麼生是心空。不是那裏閉目冷坐。是心空。此正是意識想解。要會心空。但自識心。便見心空。所以道過去已過去。未來更莫算。兀然無事坐。何曾有人喚。設有人喚上座。應他好不應他好。若應他阿誰喚上座。若不應他。又不思量也。三世體空。且不是木頭。所以道心空得見法王。還見法王麼。也祇是老病僧。又上堂。衆纔集。便曰。喫茶去。或時衆集。便曰。珍重。或時衆集。便曰。歇後有頌曰。百丈有三訣。喫茶珍重。歇直下。便承當。敢保君未徹。○雲居清錫嗣法眼。有廖天使入院。見供養法眼真。乃問曰。眞前是什麼果子。曰。假果子。曰。既是假果子。何以將供養眞曰也。祇要天使識假。

庚申吉州禾山無殷禪師入寂九峰度法嗣

無殷住禾山。建隆庚申。示微疾。令侍者開方丈。集大衆曰。後來學者。未識禾山。即今識取。於是泊然而化。謚法性塔曰妙相。○延壽住雪竇。緇白歸依甚衆。建

隆元年。吳越王見靈隱。傾廢。請壽中興之。

辛酉永明道潛禪師入寂法眼益法嗣  
法眼第二世

道潛住永明。建隆二年九月。日入滅。入龕時。白光晝發。舉衆皆見。闍維舍利不可勝紀。有屠者自惟惡業。展轉就火。聚泣求須臾獲七願。

○延壽禪師住永明

永明。虎席吳越王。請延壽住持。衆至二千時。號慈氏下生。上堂。僧問。如何是永明妙旨。曰。更添香著。曰。謝師指示。曰。且喜沒交涉。僧禮拜。壽曰。聽取一偈。欲識永明旨。門前一湖水。日照光明生。風來波浪起。示衆。今之學者。多好求解會。此豈究竟。解但爲遣情耳。說但爲破執耳。情消執盡。則說解何存。眞性了然。寂無存泯。所以若言即與不即。皆落是非。譬掛有無。即非正念。故三祖大師云。纔有是非。紛然失心。時有僧問。既涉有無。俱成邪念。若關能所。悉墮有無。如何是正念。而回答曰。瑞草生。嘉蓮蓮花結。早春二僧來參。壽問參頭。曾到此間否。曰。曾到。又問。第二上座曾到否。曰。不曾到。壽曰。一得一失。少選侍僧。問適來二僧未

審那箇得那箇失曰汝曾識這一僧也無曰不曾識  
 曰同抗無異土嘗謂僧曰此心不縱不橫非他非自  
 何以知之若言含一切法即是橫若言生一切法即  
 是縱若言自生則心豈復生心乎若言他生即不得  
 自矧曰有他乎若言共生則自他尚無有以何爲共  
 哉若言無因而生者當思有因尚不許言生況曰無  
 因哉又曰諸佛隨緣差別府應群機生善破惡令人  
 第一義諦是四種悉檀方便之語如以空拳示小兒  
 耳豈有實法哉僧曰然則一切法是心否曰若是即  
 成二曰然則一切不立俱非耶曰非亦成二豈不聞  
 首楞嚴曰我真文殊無是文殊若有是者則二文殊  
 然我今日非無文殊於中實無是非二相曰既無二  
 相宗一可乎曰是非既乖大旨一二還背圓宗曰如  
 何用心方契此旨曰境智俱忘如何說契曰如是則  
 言思道斷心智路絕曰此亦強言隨他意轉難欲隱  
 形而未忘跡曰如何得形跡俱忘曰本無朕迹云何  
 說忘曰我知之矣要當如人飲水冷暖自知當大悟  
 時節神而明之曰我此門中亦無迷悟明與不明之

理撒手似君無一物徒勞辛苦說千般此事非上根  
 大器莫能擔荷先德曰盡十方世界覓一人爲伴無  
 有也又曰止是一人承紹祖位終無第二人若未親  
 到漫疲神思借曰玄之又玄妙之又妙但是方便門  
 中旁贊助入之語於自己分上親照之時反視之皆  
 爲魔說虛妄浮心多諸巧見不能成就圓覺但以形  
 言迹文彩生時皆是執方便門迷真實道要須如百  
 尺竿頭放身乃可耳曰願乞最後一言曰化人間幻  
 土谷響答泉聲欲達吾宗旨泥牛水上行

佛祖綱目卷第三十四

佛祖綱目卷第三十五教字號

甲子宋太祖乾德二年起戊辰改開寶丙子太宗太平興國元年甲申改雍熙  
 乙未改至道戊戌真宗咸平元年甲辰改元景德戊申改大中祥符丁巳改天禧壬戌改乾興癸亥宋仁宗元祐

壬午太平興國七年宋太宗詔立譯法院於東京如唐故事以宰輔爲譯經潤文使

甲  
光祚禪師住智門

光祚浙江人入蜀參香林澄遠受心印同住隨州智門上堂山僧記得在母胎中有一則語今日舉似大眾諸人不得作道理商量還有人商量得麼若商量不得三十年後不得錯舉○義寂字常照永嘉胡氏子母初懷妊不喜葷血及產有物蒙其首若紫帽然出家受具學止觀於清竦嘗慨天台教文屢經兵火傳者無憑乃懇德韶曰智者之教年祀寢遠率多散落惟新羅國其本甚備非和尚慈力孰能致之韶聞於吳越王一日王因覽永嘉集有同除四住此處爲齊若伏無明三藏卽劣之語以問韶韶曰此是教義可問義寂王召寂問之寂曰此出智者妙立中文因言唐末教籍流散海外今不復存宋乾德二年王乃遣使及費韶書往高麗國繕寫備足而還王爲寂建寺螺溪賜號淨光有興教明師年方弱冠聽經會下常自疑云歛光持釋迦丈六之衣披彌勒百尺之身

正應其量爲衣解長耶身解短耶遂往雪居問韶韶曰座主却是汝會明拂袖而退韶曰小兒子吾若答汝不是當有因果汝若不是吾當見之明回螺溪口卽吐血寂驚曰此新戒觸忤菩薩人來明舉前話寂曰汝不會國師意速去懺悔明具威儀詣前悲泣曰願和尚慈悲許其懺悔韶曰如人到地因地而起不會教汝起倒明曰若許懺悔當終身給侍韶乃爲頌云佛佛道齊宛爾高低釋迦彌勒如印印泥明自此疾瘳歸謝寂曰非師指教幾喪此生○廬山蓮花峰祥菴主得旨於奉先深住菴時示衆云若是此事最是急切須是明取始得若是明得時中免被拘繫便得隨處安閑亦不要將心捺伏須是自然合他古轍去始得纔到學處分劑便須露布箇道理以爲佛法幾時得以地休歇去上座却請與麼相委好又每拈拄杖曰古人到這裏爲甚麼不肯住前後二十年終無一人答得臨示寂乃自代曰爲他途路不得力復曰畢竟如何又以杖橫肩自代曰柳擺橫擔不顧人直入千峰萬峰去言畢而逝

丙 惟善禪師住福昌

惟善參師。寬得悟。住荊南福昌寺。爲人敬嚴秘重。法道初住時。屋廬十餘間。殘僧數輩。善晨香夕。燈陞座說法。如臨千衆。十餘年而衲子方集。諸方畏服。

戊 志逢禪師住普門

志逢依德韶。悟旨。吳越王錢弘俶命住功臣山。署號普覺。開寶初。王復建普門精舍。請揚宗要。○義通字惟遠。姓尹氏。高麗國族。梵相異。常頂有肉髻。眉長五六寸。年二十餘。至中國。參德韶契。悟及謁義寂。頓明一心三觀之旨。久之忽別同學。束裝東歸。假道四明。將登海舶。郡守錢惟治固留而止。開寶元年。漕使顧承徽舍宅爲傳教院。請通居之。復賜寺額爲寶雲。

庚 延沼禪師傳法省念

省念萊州狄氏子。爲人簡重。有精識。專修頭陀行。纔具戒。徧遊叢席。常密誦法華經。衆因目爲念法華。至延沼會中。隨衆作止。無所參扣。然終疑教外有別傳之法。沼每念大仰有識。臨濟一宗至風而止。懼當之熟視座下。堪任法道。無如念者。一日念侍立次。沼乃

垂涕告曰。不幸臨濟之道。至吾將墜於地矣。念曰。觀此一衆。豈無人耶。沼曰。聰明者多。見性者少。念曰。如某者如何。沼曰。吾雖望子之久。猶恐就著此經。不能放下。念曰。此亦可事。願聞其要。沼遂上堂。舉世尊以青蓮目。顧視大衆。正當是時。且道說箇甚麼。若道不說而說。又是埋沒。先聖語未卒。念便下去。沼歸方丈。侍者曰。念法華因甚。不祇對和尚。曰。渠會也。次日念與真園頭同上。問訊次。沼問真曰。如何。是世尊不說。真曰。鶻鳩樹頭鳴。沼曰。汝作許多癡福。作麼何不體究。言句又問。念曰。汝作麼生。念曰。動容揚古。路不墮峭然。機沼謂真曰。汝何不看念法華下語。又一日。沼陞座。顧視大衆。念便下去。沼歸方丈。念蒙印可之。後泯迹。韜光人莫知其所以。一日白兆。楚至汝州宣化。沼令念往傳語。纔相見。提起坐具。便問。展即是不展。即是楚曰。自家看取。念便喝。楚曰。我曾親近知識。來未嘗。輒敢恁麼造次。念曰。草賊大敗。楚曰。來日若見風穴。和尚待一一舉。似念曰。一任一任。不得忘却。念乃先回。舉似沼。沼曰。今日又被你收下一員草賊。



念曰好手不張名次。日楚纓到相見。便舉前話。沼曰。非但昨日。今日知賊捉敗。自是念名振諸方。

臨濟辭  
溪山時

仰山待其旁。過問仰曰。此人他日法道如何。仰曰。此人他日法道大行。吳越遇風。即止。滿又問。嗣之者何人。仰曰。有即有。只是年代深遠。不欲學。似和尚。滿固問之曰。吾亦欲知。仰曰。經不云乎。將此深心。奉壘利。是則名為報佛恩。是知省念。

乃仰山後身也。

辛未 德韶國師示寂。法眼益法嗣  
法眼第二世

德韶住天台。法道大振。開寶四年。華頂西峰。忽摧聲震一境。六月有星殞於峰頂。林木皆白。二十八日。韶忽集衆告別。而化。壽八十二。夏六十五。○洪壽初參德韶。一日同韶普請。次聞墮薪。有省。作偈曰。撲落非他物。縱橫不是塵。山河及大地。全露法王身。韶印可之。後住杭州興教寺。丞相王隨爲御史中丞。出鎮錢塘。一日往候壽。至湖上去。騎從獨步登寢室。壽方負喧擁毳。自若。忽見之。問曰。官人何姓。曰。隨。姓王。卽下拜。壽推蒲團席地與坐。語笑終日。而去。門人讓曰。彼王臣來。奈何不爲禮。此一衆所係。非細事也。他日隨復來。寺衆橫撞大鐘。萬指出迎。而壽前趨立於松下。隨望見。遽出與握其手。曰。何不如前日相見。而遽爲

此禮。歎耶。壽顧左右。且行且言曰。中丞卽得柰知事。嗔何隨益重之。隨字子正。河南人。居嘗慕裴休之爲人。參省念得言外之旨。自見洪壽履踐益深。竟明大法。臨終書偈曰。畫堂燈已滅。彈指向誰說。去住本尋常。春風掃殘雪。○遇安師事德韶。閱首楞嚴經。到知見立知卽無。明本知見無見斯卽涅槃。安乃破句讀曰。知見立。知卽無明本。知見無。見斯卽涅槃。於此有省。有人語安曰。破句了也。安曰。此是我悟處。畢生不易。時謂之安楞嚴。後住温州瑞鹿寺。上方

壬申 道詮禪師住九峰

道詮安福劉氏子。剃染受具。聞長沙慧輪道價思一見之時。馬氏竊據荊楚。詮年二十餘。結友冒險造焉。會馬氏滅。王逵代領其事。逵見詮輩。疑爲謀者。捕縛欲投江中。詮怡然無怖。逵異之以問輪。曰。此道人視死如見鼻端。何種人乃能爾耶。曰。彼蓋爲法忘軀之人。聞老僧虛名。故來決擇耳。逵釋之。詮傲然而去。依輪於延壽十年。輪歿。詮還廬山。開寶五年。住九峰。僧問承聞和尚親見延壽來。是否。曰。山前麥熟也未。問

九峰山中還有佛法也。無曰有曰如何。是九峰山中佛法曰石頭大底大小底小。

癸 風穴延沼禪師示寂 南院顯法嗣 臨濟第四世

延沼住風穴。大唱臨濟之道。於時莫有善其機者。開寶六年八月旦日。登座說偈曰。道在乘時須濟物。遠方來慕自騰騰。他年有叟情相似。日日香烟夜夜燈。至十五日。踟躕而化。前一日手書別檀越。壽七十八。夏五十九。○真圓頭初參延沼。沼嘗問曰。會昌沙汰時。護法善神向什麼處去。真曰。常在閑閑中。要且無人見。沼曰。你徹也。後住廣慧。

甲 永安禪師入寂 天台韶法嗣 法眼第三世

永安得法德韶。住杭州報恩。開寶七年。告衆言。別時有僧問。昔日如來正法眼。迦葉親傳未審和尙玄風。百年後如何體會。曰。汝甚處見迦葉來。曰。恁麼則信受奉行。不忘斯旨去也。曰。佛法不是這箇道理。言訖。踟躕而寂。闔維舌根不壞。柔軟如紅蓮花。

### ○省念禪師開法首山

省念自受風穴大法。學者望風而靡。開法汝州首山。

爲第一世。入院上堂云。佛法付與國王大臣。有力檀越。令其不斷。絕燈燈相續。至於今日。大衆且道。續箇甚麼。良久云。須是迦葉師兄。始得。僧問。如何是佛。曰。新婦騎驢阿家牽。曰。未審此語甚麼。句中收。曰。三玄收不得。四句豈能該。曰。此意如何。曰。天長地久日月齊明。又僧問。新婦騎驢阿家牽。意旨如何。曰。百歲翁翁失却父。曰。百歲翁翁豈有父。耶。曰。汝會也。又曰。此是獨坐無尊卑。從上無一法與人。夜有僧入室。念曰。誰僧不對念。曰。識得汝也。僧笑。念曰。更莫是別人麼。因作偈曰。輕輕踏地恐人知。語笑分明更莫疑。智者只今猛提起。莫待天明失却雞。

乙 永明延壽禪師示生淨土 天台韶法嗣 法眼第三世

延壽住永明十五年。弟子一千七百人。嘗與衆授菩薩戒。施鬼神食。放諸生類。六時散花。日課一百八事。學者咨問。壁立萬仞。指心爲宗。以悟爲則。至暮則往別峰行道。念佛寒暑不輟。自爲難繼。不欲強他。然密從之者。嘗百數人。宵清月朗。空中時聞螺貝天樂之聲。王每嘆曰。自古來西方者。未有若是之切至也。特

爲建香嚴殿以成其志。開寶八年二月二十六日晨興焚香告衆，趺坐而化。壽七十二。臘四十二。茶毗舍利周身如鱗。壽以賢首慈恩天台三宗互相承炭，不達大全。館其徒之精法義者於兩閣，博閱群籍，更相質難。壽以心宗之衡進平之。又集大乘經論六十部。西天此土聖賢之言三百家，證成惟心之旨，爲書一百卷。目曰宗鏡錄。又著萬善同歸集等，並行於世。

丁丑竟欽禪師入寂。雲門偃法嗣雲門第二世

竟欽住雙峰。太平興國二年三月，謂門弟子曰：汝可砌箇卵塔。五月二十三日工畢，欽曰：後日子時行矣。及期待者報三更，欽即索香焚之，合掌而化。○緣德住廬山圓通，宋遣使問罪。江南九江守胡則據城不降。大將軍曹翰部曲渡江入寺，禪者驚走。德宴坐如平日。翰至，不起，怒呵曰：長老不聞殺人不眨眼將軍乎？德熟視曰：汝安知有不懼生死和尚耶？翰因驚悚。嘉嘆問曰：禪者何爲而散德？曰：擊鼓自集，翰遣禪將擊之。禪無至者。翰曰：不至何也？德曰：公有殺心，故爾因自起擊鼓。禪者乃集，翰再拜，問決勝之策。德曰：非

禪者所知也。丁丑十月，日德陞座曰：脫離世緣，乃在今日。以衲衣并所著木屐留付山中，使門人累青石爲塔。曰：他日塔作紅色，吾再來也。泊然而化。壽八十八。夏六十三。諡曰道濟。

戊寅道齊禪師住雲居

道齊南昌金氏子，經行燕坐，以未明已事爲憂。持一鉢徧歷叢林。時泰欽住上藍，齊往依之。欽使主經藏。一日謂齊曰：有人問我西來意，答他曰：不東不西。藏主作麼生？會曰：不東不西。曰：與麼會又爭得？曰：道齊祇恁麼未審和尚尊意如何？曰：他家有兒孫在。齊於是頓明。歎曰：頌曰：接物利生絕妙，外生終是不肖。他家自有兒孫將來用得恰好。出世大愚後遷雲居。謂門弟子曰：達磨言此方經惟楞伽可以印心，吾讀此經，偈曰：諸法無法體，而說惟是心。不見於自心，而起於分別，可謂大慈悲父。如實極談，我輩自不領受。背負恩德，如恒河沙。或問曰：然則見自心遂斷分別乎？曰：非然也。譬如調馬，馬自見其影而不驚，何以故？以自知其影從自身出，故吾以是知必斷分別，亦捨

心相也。祇今目前如實而觀，不見纖毫。祖師曰：若見現在過去未來，亦應見。若不見過去未來現在，亦不應見。此語分明，人自迷昧。○知禮字約言四明金氏子初父母未有嗣，禱於佛，夢神僧携童子遺之，曰：此佛子羅睺羅也。遂有娠，出家具戒學於寶雲悟台教。

辛未 自嚴尊者住黃石巖

自嚴同安鄭氏子，遊方謁雲豁，依止五年，密受心法。辭豁渡懷仁江，江有蛟爲行人害，嚴說偈誡之，蛟輒去。過黃楊峽，渴飲會溪，涸嚴以杖摘之，而水得武平黃石巖多蛇虎，嚴至，蛇虎可使令隣寺僧死，嚴不知法，當告官，便自焚之。吏追捕坐庭中，問狀不答，索紙作偈曰：雲外野僧死，雲外野僧燒。二法無差互，菩提路不遙。字畫險勁如壁窠，大篆吏大怒，以爲狂去。僧伽黎曝日中，旣釋，因布帽其首，衣以白服。

癸未 省念禪師傳法善昭

善昭太原俞氏子，器識沉邃，於一切文字不繇師訓，自然通曉。年十四，剃髮受具，杖策遊方，所至少留不喜觀覽，或譏其不韻，昭嘆曰：是何言之陋哉！從上先

德行，脚止以聖心未通，驅馳決擇耳。不緣山水也。歷參老宿七十一人，皆妙得其家風。然終疑臨濟兒孫別有奇處。最後參省念，一日念陞座，昭出問曰：百丈捲席意旨如何？曰：龍袖拂開全體現。曰：師意如何？曰：象王行處絕狐蹤。於言下大悟，拜而起曰：萬古碧潭空界月，再三撈摸始應知。有問者曰：見何道理，便爾自肯？曰：正是我放身命處。○從顯受心印於法眼住觀音院癸未九月，日謂檀那袁長史曰：老僧三兩日間歸鄉去。曰：和尚年尊，何更思鄉？曰：歸鄉圖得好鹽契，袁不測其言。翼日無疾坐逝。

乙酉 志逢禪師入寂

天台紹法嗣  
法眼第三世

志逢住五雲山華嚴院，每出携大扇，乞錢買肉飼虎。虎每迎之，載以還山。雍熙二年遷寂。

○省念禪師傳法元璉

元璉泉州陳氏子，初依眞覺，日事炊爨，有問誦經，覺問念甚麼。經曰：維摩經。覺曰：經在這裏，維摩在甚麼處？璉茫然無對。因泣曰：大丈夫被人一問，無詞可措，豈不愧哉！於是歷謁尊宿五十餘員，不契，遂趨首山參

省念念問近離甚處曰漢上念豎起拳曰漢上還有這箇麼曰這箇是甚麼盤鳴聲念曰瞎睡曰恰是拍一拍便出他日又問學人親到寶山空手回時如何曰家家門前火把子躡當下大悟曰某甲不疑天下老和尚舌頭也曰汝會處作麼生與我說來看睡曰祇是地上水礪砂也曰汝會也睡便禮拜○道詮住九峰太平興國九年移住歸宗雍熙二年十一月日中夜跏趺辭衆而化

丙省念禪師傳法歸省

歸省冀州賈氏子出家受具遊方參省念念一日舉竹筴問曰喚作竹筴即觸不喚作竹筴即背喚作甚麼省掣得擲地上曰是甚麼念曰瞎省於言下大悟○晤恩字修已常熟路氏子自幼出家終日一食不離衣鉢不蓄財寶臥必右脇坐必跏趺每布薩涕泗不止徧誨人以西方淨業及一乘圓旨有疑不逗機者答曰與作毒鼓之緣耳乙酉八月朔夜觀白光自井出謂門人曰吾將逝矣遂絕粒禁言一心念佛夢一沙門執金爐焚香三遶其室自言灌頂相迎夢覺

而門人至齋聞異香二十五日說止觀指歸及觀心義畢端坐而化人間管絃鈴鐸之音嘹亮空中漸久漸遠自西而去茶毗舍利無算○初荊溪五傳至清竦竦傳義寂志因自後分爲兩宗寂傳義通通傳知禮遵式志因傳晤恩恩傳洪敏源清清傳智圓慶昭昭傳繼齊咸潤各師其說知禮關爲山外宗云

丁香林院澄遠禪師入寂

雲門優法嗣雲門第二世

澄遠住青城香林四十年雍熙四年二月將入滅時遠年八十往辭知府宋瑤曰老僧行脚去通判曰這僧風狂八十歲行脚到那裏去瑤曰大善知識去住自繇遠歸示衆老僧四十年方打成一片言訖而逝雲門接人無數當代道行者惟香林一派最盛○自嚴居南安嚴恨所說法聽者疑信半因不語者六年嚴寺當輸布民歲代輸之嚴不忍折簡置布束中祈免吏張曄歐陽程者相顧怒甚追至問狀不答以爲妖火所著帽明鮮嚴索紙作偈曰一切慈忍力皆吾心所生王官苦拘束佛法不流行自是時亦語○義寂演法螺溪台宗大振雍熙四年十一月日寢疾遺



誠不許哭泣祭奠言已即瞑目○行靖行紹錢塘人同依延壽出家居石壁時德韶法道大振靖紹往從之韶觀其法器即使往學三觀於螺溪未幾學成乃復回石壁前後五十年未嘗出遊閭里○願齊錢塘人初傳義寂之道精研止觀後參德韶發明玄奧

子戊寶雲義通法師示生淨土義寂法嗣天台宗

義通住寶雲敷揚教觀幾二十年嘗呼人爲鄉人曰吾以淨土爲故鄉諸人皆當往生皆吾鄉中人也升堂受業者不可勝紀端拱元年十八日右脇而化闍維舍利盈骨塔於阿育寺之西北隅後塔壞徙骨其骨晶瑩有光舍利五色滋生骨上有得之盈匊者○蓮式字知白寧海葉氏子母夢吞明珠而生出家受具往學於義通途中夢一老僧曰我文殊和尚也及見通宛如其夢未幾悟台教通入寂式反天台以苦學感疾用消伏呪法自誓曰若四教興行在我則其疾有廖不爾畢命於此滿七七日空中聲曰十方諸佛增汝福壽是夕見一巨人持金剛杵以擬其口觀音垂手於其口引出數蟲復注甘露宿疾頓愈

丑省念禪師傳法智嵩

智嵩范陽人遊方參省念問如何是佛法的大意曰楚王城畔汝水東流嵩有省乃作三玄偈曰要用直須用心意莫定動三歲師子吼十方沒狐種我有眞如性如同幕裏隱打破六門關顯出毗盧印眞骨金剛體可誇六塵一拂永無遮廓落世界空爲體體上無爲眞到家念聞乃請喫茶問這三頌是汝作耶曰是曰或有人教汝現三十二相時如何曰某甲不是野狐精曰惜取眉毛曰和尚落了多少念以竹篋頭上打曰這漢向後亂作去在嵩辭念念以拄杖送嵩嵩接得有偈曰和尚拄杖照破龍象臨濟家風落在我掌曰莫相帶累嵩打念一坐具念曰果然帶累曰今日捉敗這老漢曰又似得便宜又似落便宜

庚寅烏巨儀宴禪師入寂鏡清愍法嗣

儀宴吳興許氏子誕生之夕異香滿室紅光如晝唐光啓中隨父鎮信安強爲娶妻不願遂遊歷諸方機契鏡清歸省父母乃於郭南剏別舍以遂其志舍旁陳司徒廟有眞禪師像宴往瞻禮失宴所之後郡守

展祀祠下見宴入定叢竹間蟻窠其衣敗絮沒膝或云許鎮將之子自此三昧或出或入于湖訥欲勸其淺深問日子所住定蓋小乘定耳時方啜茶宴呈起羹曰是大是小訥駭然尋謁唐山德嚴嚴問汝何姓曰姓許曰誰許汝曰不別嚴默識之遂與羅染管令摘桃決旬不歸往尋見宴攀桃倚石泊然在定嚴鳴指出之後遊江即嚴觀石齋謂弟子慧興曰予入定此中汝當壘石塞門勿以我爲念興如所戒明年意宴長往啓龕視之素髮被肩胸臆尙煖徐自定起了無異容復回爲巨侍郎慎公鎮信安齋宴之道命義學守榮詰其定相宴不與之辯榮意輕之時信安人競圖像尊事皆獲舍利榮因愧服禮像謝愆亦獲舍利嘆曰此後不敢以淺解測度矣錢忠懿王感夢遣使圖像至適王患目疾展像作禮如夢所見隨雨舍利目疾頓瘳因錫號開明太宗加禮相延不赴特以肩輿迎至便殿咨對尋即乞歸淳化元年示寂壽一百十五臘五十七闍維白光燭天舍利五色○洪鍾襄水惠氏子游方參省念言下大悟隱於衡嶽三生

藏管與數耆宿至襄河一僧舉論宗乘頗博敏會野飯山店供辦而僧論說不已譔曰三界惟心萬法唯識唯識唯心眼聲耳色是甚麼人語曰法眼語曰其義如何曰唯心故根境不相到唯識故聲色縱然曰舌味是根境否曰是譔以筴挾菜置口中含糊而語曰何謂相入耶坐者駭然僧不能答譔曰路途之樂終未到家見解入微不名見道參須實參悟須實悟閻羅大王不怕多語僧拱揖而退

○洞山守初禪師入寂

雲門偃法嗣雲門第二世

守初住洞山四十年道徧天下嘗作隨牛狗兒頌曰家有一狗兒駭小人難見終日隨牛去未省使人喚見客不作聲見人偏能善擬議上門來早是輸他便好好報禪師須著精神看任汝靈利人不覺爲死漢淳化元年秋七月無疾而化壽八十一夏六十五

辛卯自嚴尊者遊盤古山

初西竺波利尊者至南康盤古山記曰後當有白衣菩薩來與此山淳化二年自嚴果以白衣來遊此山三年竟成叢林

壬辰省念禪師傳法蘊聰

蘊聰廣州張氏子。初參道恒。因結夏。恒上堂。舉中觀論。正覺無名相隨。緣卽道場。聰問。如何是正覺無名相。恒曰。汝還見露柱麼。曰。如何是隨緣卽道場。恒曰。今日結夏。次參省念。問學人。親到寶山。空手回時。如何念。曰。家家門前火。把子聰於言下大悟。呈偈曰。我今二十七。訪道曾尋覓。今朝喜得逢。要且不相識。○智嵩或稱唐明傳。首山心印。至是住并州承天院。鄭工部入院。見法座。便問。是什麼人。位次曰。老僧鄭曰。自家爭敢。曰。工部莫壓良爲賤。鄭曰。眞箇曰不敢。遂把手入方丈。鄭曰。此室常現人。未曾有難得之法。長老還有也。無嵩以袖拂鄭面。鄭曰。與麼則今日得清涼也。嵩曰。且與後人作榜樣。

癸巳清皎禪師入寂。白兆圓嗣圓嗣。圓嗣。潭資資。嗣德山臺。

清皎住四祖山。年七十時。遺偈曰。吾年八十八。滿頭垂白髮。願願鎮雙峰。明明千江月。黃梅揚祖教。白兆承宗訣。日日告兒孫。勿令有斷絕。淳化四年八月。日入滅。年八十八。○癸巳。自嚴還南安。有沙彌無多聞。

性嚴憐之作偈。使誦曰。大智發於心。於心何處尋。成就一切義。無古亦無今。於是世間章句。吾伊上口。

○首山省念禪師示寂。風穴沼法嗣。臨濟第五世。

省念住首山。道被天下。移寶應衆。不過四十輩。作綱宗。偈曰。咄哉拙郎君。巧妙無人識。打破鳳林關。著靴水上立。咄哉巧女兒。攬梭不解織。看他鬪雞人。水牛也不識。背陰山子向陽多。南來北往意如何。若人問我西來意。東海東面有新羅。淳化三年十二月四日。說偈曰。今年六十七。老病隨緣。且遣曰。今年記却來年事。來年記著今朝日。至四年十二月。日示衆曰。老僧擬欲歸鄉。什麼人隨得去。僧問。未審和尚什麼時去。曰。待有伴。卽向汝道。曰。無伴底事。作麼生。曰。盡日不逢人。明明不知處。曰。忽遇一人。又作麼生。曰。迷子不歸家。失却來時路。曰。請師指箇歸鄉路。曰。枯木藏龍。不存依倚。曰。和尚什麼時節却回。曰。一去不知音。六國無消息。曰。正當歸鄉底事。又作麼生。曰。獨唱胡家曲。無人和得齊。曰。忽遇知音。在時如何。曰。山上石人齊。拍掌溪邊野老笑。呵呵。曰。歸鄉回來底事。又作。

摩生曰八國奉朝衣四相無遷改曰未審居何位次  
曰文殊不坐金臺殿自有逍遙竹拂枝說偈曰諸子  
覆波波過却幾恒河觀音指彌勒文殊不奈何良久  
曰白銀世界金色身情與無情共一真明暗盡時都  
不照日輪午後示全身曰午後泊然而化闍維得五  
色舍利塔於首山

甲善昭禪師開法汾州

善昭傳首山大法辭游湘衡長沙太守以四名利請  
昭擇居昭笑一夕遯去北抵襄河時洞山谷隱者虛  
席昌言敦請昭辭曰我長行粥飯僧傳佛心宗非細  
鷄也前後八請堅臥不答省念示寂西湖道俗千餘  
人協心削牘遣沙門契聰迎請住持汾州太平寺太  
子院昭閉關高枕聰排闥而入讓之曰佛法大事靜  
退小節風穴懼應識憂宗旨墜滅幸而有先師先師  
棄世汝有力荷擔如來大法者今何時而欲安眠哉  
昭覆起握聰手曰非公不聞此語促辦嚴吾行矣既  
至宴坐一榻足不越閭者三十年天下道俗仰慕不  
敢名同曰汾州示衆曰先聖云一句語須具三玄一

玄中須具三要阿那箇是三玄三要底句快會取好  
各自思量還得穩當也未古德已前行脚聞一箇因  
緣未明中間直下飲食無味睡臥不安火急決擇豈  
將爲小事所以大覺老人爲一大事因緣出現於世  
想計他從上來行脚不爲游山玩水看州府奢華片  
衣口食皆爲聖心未通所以驅馳行脚決擇深奧傳  
唱敷揚博問先知親近高德蓋爲續佛心燈紹隆佛  
祖興崇聖種接引後幾自利利他不忘先迹如今還  
有商量者麼有卽出來大家商量僧問如何是接初  
機底句答曰汝是行脚僧又問如何是辨衲僧底句  
答曰西方日出卯又問如何是正令行底句答曰千  
里持來呈舊面又問如何是立乾坤底句答曰北俱  
盧州長梗米食者無嗔亦無喜昭曰只將此四轉語  
驗天下衲僧纔見汝出來驗得了也僧問如何是學  
人著力處答曰嘉州打大像問如何是學人轉身處  
答曰陝府灌鐵牛問如何是學人親切處答曰西河  
弄師子昭曰若人會此三句已辨三玄更有三要語  
在切在薦取不是等閑與大衆頌出曰三玄三要事

難分得意忘言道。易親一句明明。該萬象重陽九日。菊花新還會麼。恁麼會得。不是性燥。納僧作麼。生會好。又舉三立語曰。汝還會三立底時節麼。直須會取。古人意旨。然後自心明去。更得通變自在。受用無窮。喚作自受用。身佛不從他教。便識得自家活計。所以南泉曰。王老師十八上解作活計。僧便問。古人十八上解作活計。未審作箇什麼活計。答曰。兩隻水牯牛。雙角無欄。棧復云。若要於此明得去。直須得三立旨。趣始得受用。無礙自家慶快。以暢平生大丈夫漢。莫教自辜。觸事不通。彼無利濟。與汝一切。頌出曰。第一立法界。廣無邊。森羅及萬象。總在鏡中圓。第二立釋尊問阿難。多聞隨事答。應器量方圓。第三立直出古皇前。四句百非外。閻氏問豐干。昭乃曰。這是三立底。頌作麼。生是三立底旨。趣直教決擇分。明莫只與麼望空裏。妄解道。我曾親近和尚來。與我說了脫空漫語。誑嚇他人。喫鐵棒有日。莫言不道。又因採菊。謂衆曰。金花布地。玉蕊承天。杲日當空。乾坤朗耀。雲騰致雨。露結爲霜。不傷物義。道將一句來。還有道得底麼。

若道不得。眼中有屑。直須出却。始得所以。風穴云。若立一塵家。國與盛野。老饕蹙不立一塵家。國喪亡。野老安貼於此。明去。闍黎無分。全是老僧。於此不明。老僧即是闍黎。闍黎與老僧亦能悟。却天下人亦能睹。却天下人。要知老僧與闍黎。麼拊其膝曰。這裏是闍黎。這裏是老僧。且問諸上座。老僧與闍黎是同是別。若道是同。去上座。自上座。老僧自老僧。若道是別。去又道。老僧即是闍黎。若能於此明得去。一句中有三立。三要賓主歷然。平生事辦。參學事畢。所以永嘉曰。粉骨碎身未足酬。一句了然超百億。又曰。臨濟兩堂首座。一日相見。齊下喝。僧問。臨濟還有賓主也。無答曰。賓主歷然。昭作偈曰。兩堂首座總作家。其中道理有分拏。賓主歷然。明似鏡。宗師爲點眼中花。

乙未上方遇安禪師入寂

天台韶法嗣  
法眼第三世

遇安住温州瑞鹿。至道元年春。將遷寂。弟子蘊仁侍立。安說偈示曰。不是嶺頭携得事。豈從雞足付將來。自古聖賢皆若此。非吾今日爲君裁。囑已。遂澡身。易衣安坐。令舁棺至室。良久自入棺。經三日。門人啓棺。



觀安右脇而臥。四衆哀慟。安再起。陞堂說法。呵責垂誠。此度再啓吾棺者。非吾之子言。訖復入棺。長往。○本先永嘉鄭氏子。兒稚不甘處俗。年二十五出家。受具。參德韶導以風幡。話言下便悟。服勤十年。乙未住温州瑞鹿。足不歷城邑。手不度財帛。不設臥具。不衣繭絲。卯齋終日。宴坐申旦。誨誘門弟子。踰三十年。其志彌厲。謂衆曰。吾初見天台言下。便薦然。千日之內。四威儀之中。似物礙膺。如仇同處。一日忽然猛省。譬如洗面。摸著鼻孔。作偈曰。非風旛動。仁心動。自古相傳。直至今。今後水雲人。欲曉祖師。真是好知音。又曰。若是見色。便見心。人來問著。方難答。若求道理。說多般孤負平生三事。訖。又曰。曠大劫來。祇如是。如是。同天亦同地。同地同天。作麼。形作麼。形。無不是。

丙申鄭工部謁善昭禪師

善昭住汾陽。鄭工部到茶話。次鄭示偈曰。黃紙休遮眼。青雲自有陰。莫將閑學解埋沒。祖師心復云。只將此偈驗天下。長老曰。與麼則汾陽也在裏頭。曰。擔枷過狀。曰。更不再勘。曰。兩重公案。曰。知即得。鄭良久。昭

噓一聲。鄭曰。文寶文寶。曰。在甚所在。曰。不容某甲出氣爭得。噀他道。淹滯長老。在此。曰。是何言。歎曰。實曰。也不得放過。曰。請師一偈。曰。不閑紙墨。隨示偈曰。荒草尋幽徑。嚴松遍布陰。幾多立學客。失却本來心。○智嵩住并汾。鄭工部到。鄭曰。汾陽昭禪師。愛看讀某甲。留一偈曰。黃紙休遮眼。青雲自有陰。莫將閑學解埋沒。祖師心曰。工部慣得其便。曰。這賊曰。更不再勘。鄭問。百尺竿頭。獨打毬。萬丈懸崖。絲繫腰。時如何。曰。幽州著脚。廣南斯撲。鄭無語。嵩曰。勘破這胡漢。曰。二十年江南界裏。這回却見禪師。曰。瞎老婆吹火。

丁酉雲居道齊禪師入寂

法燈錄法嗣  
法眼第三世

道齊住雲居。二十年至道三年九月。示疾八日。申時。令擊鼓集衆。衆集。齊乃笑。叙出家本末。揖謝輔佐叢席者。且曰。老僧以風火相逼。特與諸人相見。且向甚麼處見。向四大五陰處見耶。六入十二處見耶。是種種處不可見。則只今相問者。是誰。若真見得。可謂後學有賴。良久。曰。吾化後。當以院事累契。環乃化。○澄湜建寧人。嗣百丈道恒。住棲賢。僧問。毗目仙人執善。

財手見微塵諸佛祇如未執手時見箇甚麼。提曰：如今又見箇甚麼？提性高簡，律身精嚴，動不違法。度暮年三終藏經，以坐閱爲未，敬則立誦行披之。

子警玄禪師住大陽

警玄江夏張氏一幼出家，聽圓覺經，問講者何名圓覺？曰：圓以圓融，有漏爲義。覺以覺盡，無餘爲義。玄笑曰：空諸有，無何名圓？覺講者嘆曰：是兒齒少，識卓如此。我所有何足以益之？政如以穢食置寶器，其可哉？遊方謁梁山緣觀，問如何？是有無相道場，觀指壁間觀音像曰：此是吳處士畫玄擬進語，觀急索曰：這箇是有相底，那箇是無相底？玄遂有省，便禮拜觀曰：何不道取一句子？曰：道卽不辭，恐上紙墨。觀笑曰：此語上講去，在玄獻偈曰：我昔初機學道迷，萬水千山覓見知。明今辯古終難會，直說無心轉更疑。蒙師點出秦時鏡，照見父母未生時。如今覺了何所得？夜放烏雞帶雪飛。個以爲可，與洞上之宗觀歿，辭塔出山，至大陽。警禪師欣然讓法席，示衆古德道：牽牛向溪東放，不免納官家徭稅；牽牛向溪西放，不免納官家徭稅。

不如隨分納些些，渠總不妨免致勞擾。作麼生是隨分納些些？底道理，但截斷兩頭，有無諸法，凡聖情盡，體露真常，事理不二，卽如如佛。若能如此者，法法無依平等，大道萬有不繫，隨處轉轉，地更有何事？咸平三年，蘊聰謁警玄，玄問近離甚處？曰：襄州。曰：作麼生？是不隔底？曰：和尚住持不易，曰：且坐。喫茶侍者問：適來新到，祇對和尚爲什麼？便教坐。喫茶曰：我獻他新羅附子，他酬我舶上茴香，你去問他，有語在。侍者請聰喫茶，問：適來祇對和尚住持不易，意旨如何？曰：真鍮不博金。

辛 蘊聰禪師住谷隱

蘊聰住谷隱，上堂十五日已前諸佛生，十五日已後諸佛滅。十五日已前諸佛生，你不得離我這裏；若離我這裏，我有鈎鈎你。十五日已後諸佛滅，你不得住我這裏；若住我這裏，我有錐錐你。且道：正當十五日，用鈎卽是用錐，卽是有偈曰：正當十五日，鈎錐一時息。更擬問如何？回頭曰：又出聰住石門時，太守以私意答辱之，既歸，衆僧迎於道，左首座曰：太守無事，屈

辱和尚聰以手指地曰平地起骨堆隨指湧一土堆守間令人削去復湧如初守後全家歿於襄州

壬寅式法師歸天台

遵式住四明十二年壬寅歸天台卽西隅建精舍率衆修念佛三昧○朱炎爲節度判官久讀海眼未知趣入一日問講僧義江曰此身死後此心何在江曰此身未死此心何在炎契旨述偈曰四大不須先後覺六根還向用時空難將語默呈師也只在尋常語默中江曰更須吐却

甲辰元璉禪師住廣慧

元璉得法首山出世住汝州廣慧示衆我在先師會中見舉竹篋子問省驢漢省從此悟入我道悟卽悟要且未盡先師意旨這箇說話須是到此田地方相委悉情見未忘者豈免疑謗又見智門綱宗歌曰胡蜂不戀舊時窠猛將那肯家中死曰祚兄消許多氣力作麼我尋常說禪如手中扇子舉起便有風不舉一點也無旣稱宗師却以實法與人好將一把火照看與麼開口面皮厚多少巖頭云若以實法與人士

也消不得又云佛法本來無事從上諸聖盡是捏怪強生節目壓良爲賤埋沒兒孫更有雲門趙州德山臨濟死不惺惺一生受屈老僧這裏不然便是釋迦老子出來也貶向他方世界教伊絕跡去何故如此免慮要我兒孫老僧與麼道你諸人若於這裏會得豈不慶快教你脫却毛衫做箇灑灑地衲僧去更若不會來年更有新條在惱亂春風卒未休○楊億字大年建寧人幼舉神童及壯貢才名而未知有佛一日遇同僚見讀金剛經笑且罪之彼讀自若億疑之曰是豈出孔孟之右乎何佞甚因閱數葉茫然始少敬信後會翰林李維勉令參問及繇秘書監出守汝州首謁元璉問布鼓當軒擊誰是知音者曰來風深辨曰怎麼則禪客相逢祇彈指也曰君子可入億惡睹睹璉曰草賊大敗夜話次璉曰秘監曾與甚人道話來曰某曾問雲門諒監寺兩箇大蟲相咬時如何諒曰一合相某曰我祇管看未審怎麼道還得麼曰我這裏則不然曰請和尚別一轉語璉以手作拽鼻孔勢曰這畜生更踴跳在億於言下脫然無疑又半

載大悟作偈曰八角磨盤空裏走金毛獅子變作狗  
擬欲將身北斗藏。應須合掌南辰後。背問蓮曰。承和  
尙有言。一切罪業皆因財寶所生。勸人踈於財利。況  
南園浮提衆生。以財爲命。邦國以財聚。人教中有財  
法二施。何得勸人踈財乎。曰。幡竿尖上鐵籠頭。曰。海  
壇馬子似驢大。曰。楚雞不是丹山鳳。曰。佛滅二千歲。  
比丘少慚愧。後寄書李維叙其師承本末。詞曰。病夫  
夙以頑憲。獲受獎顧。預聞南宗之旨。久陪上國之游。  
動靜咨詢。周旋策發。俾其剗心之有。詣壻面之無慙。  
者。誠出席間床下矣。矧又故安公大師。每垂誘導。又  
得雲門諒公大士。見顧蓬蒿。諒之旨趣。正與安公同。  
轍竝自廬山歸宗雲居而來。皆是法眼流裔。去年假  
守茲郡。適會廣慧禪伯實嗣首山。念念嗣風穴。風穴  
嗣南院。南院嗣興化。興化嗣臨濟。臨濟嗣黃檗。黃檗  
嗣百丈。海海嗣馬祖。馬祖嗣讓和尚。卽曹溪之長嫡。  
也。齋中務簡。退食多暇。或坐邀而至。或命駕從之。請  
叩無方。蒙滯俱釋。半歲之後。曠然弗疑。如忘忽記。如  
睡忽覺。平昔礙膺之物。驟然自落。積劫未明之事。廓

爾現前。固亦決擇之洞分。應接之無蹇矣。重念先德  
率多參尋。如雪峰九度上洞山。三度上投子。遂嗣德  
山。臨濟得法。大愚終承黃檗。雲巖蒙道吾訓誘。乃爲  
藥山之子。丹霞蒙馬祖印可。而作石頭之裔。在古多  
有於理無嫌。病夫今繼紹之緣。實屬於廣慧。而提激  
之自良。出於鼇峰也。欣幸欣幸。○吳僧道源。集西天  
佛祖以至東土宗師機緣爲景德傳燈錄三十卷。進  
呈眞宗覽之嘉賞。勅翰林學士楊億等刊正撰序。頒  
入大藏。天下流行。

丙午清剖參警玄禪師

清剖得法警玄。在大陽作園頭。一日種瓜。次玄問甜  
瓜何時得熟。曰。卽今熟爛了也。曰。揀甜底摘來。曰。與  
甚麼人喫。曰。不入園者。曰。未審不入園者。還喫也。無  
曰。汝還識伊麼。曰。雖然不識。不得不與玄笑而去。有  
僧問。剖婆竭出海。乾坤震觀。面相呈事。若何。曰。金翅  
鳥王當宇宙。箇中誰是出頭人。曰。忽遇出頭時。又作  
麼生。曰。似鶻捉鳩。君不信。觸體前驗。始知眞曰。恁麼  
則又手當胸。退身三步也。曰。須彌座下烏龜子。莫待

重遺點額回○羅浮山觀如初參立立問汝是甚處人曰益州曰此去幾里曰五千里曰你與麼來還曾睹著麼曰不曾睹著曰汝解騰空那曰不解騰空曰爭得到這裏曰步步不迷方通身無辨處曰汝得超方三昧耶曰聖心不可得三昧豈彰名曰如是如是汝應信此即本體全彰理事不二善自護持

戊本先禪師入寂

天台韶法嗣  
法眼第三世

本先住瑞鹿禪子輻輳大中祥符元年二月謂門弟子如晝曰可爲我造箇石龕中秋望日吾將順化晝稟命至八月望日畢工遠近道俗奔趨瞻仰是日參問如常至午時安坐方丈手結寶印謂晝曰古人云騎虎頭擦虎尾中央事作麼生晝答曰也祇是如晝先曰汝問我晝乃問騎虎頭擦虎尾中央事作麼生先曰我也弄不出言訖奄然開一目微視而寂

己曉聰禪師住洞山

曉聰曲江杜氏子少出家頭骨嶢然一被閱寒暑周游荆楚厭厭保社與衆作息無有識之者在雲居時作燈頭見僧說泗州僧伽近日在楊州出現有禪者

設問曰既是泗州僧伽爲甚麼却向揚州出現聰婆從旁來衆數使對聰曰君子愛財取之有道衆目笑之後僧舉似蓮花峰祥菴主祥大驚曰雲門兒孫猶在中夜敷坐具望雲居拜之聰遂知名叢林至洞山依道詮己酉詮移棲寶以聰繼其席果詞文殊應天眞示衆一大藏教是箇之字祖師西來是右字作麼生是正義良久曰天晴蓋却屋趁閑打却禾輪納王祖了鼓腹自高歌聰凡見僧來有所問輒瞋目視之曰我擊虎術汝不會去○洪遷隱居衡嶽三生凡二十年有湘陰豪貴來游福嚴見遷氣貌閑靖一鉢挂壁餘無長物傾愛之遂拜跪請曰師寧甘長客於人亦欲住山乎神鼎乃我家祖福之地久乏宗匠願師俱住遷笑曰諾乃以己馬馱遷遷至神鼎設魚鼓粥飯如諸方一年成叢席十年有衆三十輩○歸省住葉縣上堂夫行脚禪流參學須具參學眼見地須得見地句方有相親分始得不被諸境惑亦不落於惡道畢竟如何委悉有時句到意不到妄緣前塵分別影事有時意到句不到如盲摸象各說異端有



時意句俱到打破虛空。界光明照十方。有時意句俱不到。無目之人縱橫走忽。然不覺落深坑。有僧請益栢樹子。話曰。我不辭與汝說。還信麼。曰。和尚重言。爭敢不信。曰。汝還聞簷頭水滴聲麼。僧豁然不覺失聲。云。哪省。曰。你見箇甚麼道理。僧便以頌對曰。簷頭水滴分明歷歷打。破乾坤當下心。息省乃欣然。省住持嚴冷枯淡。法遠義懷。往參時。方寒雪。省呵罵驅逐。至以水潑他。僧皆怒而去。惟遠懷整濕衣安坐。省曰。你更不去我打你。遠曰。某二人數千里來參和尚。豈以一杓水潑便去。卽打殺也不去。省乃令掛搭續命遠。充典座。衆苦枯淡。遠乘省出竊。取油麵爲衆。僧造五味粥。省知算所值。罰遠估衣鉢。還訖打趣出。因寄居廊房。省出見復索租錢。遠持鉢於市化錢還之。省乃曰。遠真有意參禪。乃呼之歸。○遇賢蘇州林氏子。母夢吞大珠而孕。生多異祥。容貌偉怪。口容雙拳。七歲常沈大淵而衣不潤。年三十剃染圓具。往參彥球。發明心印。同居明覺院。惟事飲酒。醉則成歌。誓世導俗。因號酒仙。歌曰。鉢水紅桃花。前街後巷走百餘遭。喚

三也。識我李四也。識我不識我。兩箇拳頭那箇大。兩箇之中一箇大。曾把虛空一戳破。摩娑令教却恁麼。拈取須彌枕頭臥。楊子江頭浪最深。行人到此盡沈吟。他時若到無波處。還似有波時。用心金罍又聞泛玉山。還報顏莫教更漏促。趁取月明回。一六二六其事已足。一九二九我要喫酒。長伸兩脚眠一寤起來。天地還依舊。門前綠樹無啼鳥。庭下蒼苔有落花。聊與東風論箇事。十分春色屬誰家。貴賈朱砂畫月算來枉用工。夫醉臥綠楊陰下。起來強說真如泥人。再三叮囑。莫教失却衣珠。秋至山寒。水冷春來。柳綠桃紅一點動。隨萬變江村烟雨濛濛。有。不。有。空。不。空。策籬撈取西北風。生在閻浮世界。人情幾多愛惡。祇要喫些酒子。所以倒街臥路。死後却產娑婆。不願超生淨土。何以故。西方淨土。且無酒。貼祥符二年上元日。凌晨索浴罷。就室握拳。以右拳左張其口而化。戊許式居士參曉聰禪師。比部郎中許式出守南昌。過蓮華峰。聞祥公曰。聰道者在江西。試尋訪之。此僧人天眼目也。遂往參。聰言

下了。悟時聰覺自植松而誦金剛經不輟。式贈詩曰：「靜言潭不滯，高躋祖師蹤。夜坐連雲石，春栽帶雨松。」鑑分金殿燭，山答月樓鐘。有問西來意，虛堂對遠峰。」一日，式與勸潭澄上藍，薄坐次。澄曰：「聞郎中道夜坐連雲石，春栽帶雨松，當時答洞山甚麼話？」曰：「今日放衙，早曰聞答泗州大聖在揚州出現底，是否？」曰：「別點茶來。」曰：「名不虛傳。」曰：「和尚早晚回山？」曰：「今日被上藍覷破，薄便喝。」澄曰：「須是你始得。」式曰：「不柰，船何打破？」屏斗一日，入上藍僧堂，問首座年多少？曰：「六十八。」曰：「僧臘多少？」曰：「四十七。」夏曰：「聖僧得幾？」夏曰：「與虛空齊。」受戒式拍板頭曰：「下官喫飯，不似首座喫鹽多。」○楚圓全州李氏子，少爲書生，年二十二得度。其母有賢行，使之遊方。圓連眉秀目，頎然豐碩，然忽繩墨所至，爲老宿所呵，以爲少叢林。圓柴崖而笑曰：「龍象蹴踏，非驢所堪。」覺蒙骨箱以竹杖荷之，游湘沔，間與守芝谷泉俱結伴入洛。聞善昭道望爲天下第一，決志親依。時朝廷方問罪，河東路澤皆屯重兵，多勸其無行。圓不顧易衣類斯，竄名火隊中，露眠草宿，竟造汾陽昭壯之。」○守芝太原王氏子，少棄家試法華，得度講金剛經，名滿三河。時善昭出世汾水，芝往參投，誠入室，特受印可。○谷泉，泉南人，少聰敏，性耐垢汙，大言不遜，爲沙門撥置戒律，任心而行，眼蓋諸子。所至叢林，輒刪去泉，不以介意。參昭，昭奇之，密受記前。

辛亥雲頴參蘊聰禪師

雲頴錢塘丘氏子，年十三爲大僧，於書無所不觀。十八游京師，初謁警玄，問洞上特設偏正君臣意，明何事？曰：「父母未生時事。」問如何？體會曰：「夜半正明，天曉不露。」頴惘然棄去。謁蘊聰，理大陽之語，曰：「師意如何？」曰：「大陽不道不是，但口門窄，滿口說未盡。」老僧即不與，歷曰：「如何是父母未生事？」曰：「糞墜子。」問如何？是夜半正明，天曉不露，曰：「牡丹叢下睡貓兒。」頴愈疑駭，日扣之，竟無得益。自奮曰：「吾要以死究之，不解終不出。」山聰一日見普，請問曰：「今日運薪乎？」曰：「然。」曰：「雲門嘗問人搬柴搬人如何？會頴不能對。」聰因植杖石坐，笑曰：「此事如人學書點畫，可倣者工，否者拙。何故如此？未忘法耳。如有法，執故自爲，斷續當筆忘手。」

忘心乃可也。願於是默契其旨。良久曰。石頭云。執事元是迷契理。亦非悟。既曰契理。何謂非悟。曰。汝以此句爲藥語。爲病語。曰。是藥語。聰呵曰。汝乃以病爲藥。又可哉。曰。事如函得。蓋理如箭直。鋒妙事有加者。而猶以爲病。茲寔未諭。曰。借其妙至是。亦止明理事而已。祖師意旨。智識所不能到。別事理能盡乎。故世尊曰。理障礙。正知見事障。能續生死。煩惱如夢覺。曰。如何受用。曰。語不離窠臼。安能出蓋。遷頴嘆曰。纔涉唇吻。便落意思。皆是死門。終非活路。卽日辭去。○曉舜宜春胡氏子。少年羸猛。忽悟浮幻。投師出家。在洞山。曉聰會下時。聰使至武昌行乞。首謁劉居士。家士高行。爲時所敬。意所與奪。莫不從之。舜年少不知其飽參。頗易之士。曰。老漢有一問。上人語相契。卽開疏。如不契。卽請還新豐。問古鏡未磨時如何。曰。黑如漆。曰。磨後如何。曰。照天照地。士笑曰。道人不自洞山來耶。拂袖入宅。舜默慙。馳歸。舉似聰。聰爲代語。問古鏡未磨時如何。曰。此去漢陽不遠。問磨後如何。曰。黃鸝樓前鷓鴣洲。舜於言下大悟。○都尉李遵勗。謁蘊聰。問

出家事。聰舉崔趙公問徑山欽弟子出家得否。欽曰。出家是大丈夫事。非將相之所能爲。以此公案答之。勗於言下大悟。作偈曰。學道須是鐵漢。著手心頭便判。尋自和曰。學道須是鐵漢。著手心頭便判。直趣無上菩提。一切是非莫管。一日與堅上座送別。勗問。近離上黨。得屈中都。方接塵談。遽同虎錫。指雲屏之翠嶠。訪雪嶺之清流。未審此處彼處的事。作麼生堅。曰。利劍拂開天地。靜霜刀纔舉斗牛。寒暑曰。恰值今日耳。贖堅曰。一箭落雙雕。勗曰。上座爲甚麼著草鞋。睡堅以衣袖一拂。勗低頭曰。今日可謂降伏也。堅曰。普化出僧堂。○許式。漕西蜀道經汝陽。謁元璉。璉適接見於佛前。式曰。先拜佛。先拜長老。曰。蝦蟇吞大蟲。曰。慙麼。則總不拜去也。曰。運使話墮。曰。許長老具一隻眼。璉以衣袖便拂。式曰。今日看破。便禮拜。○楚圓參善昭。經二年未許入室。圓詣昭。昭揣其志。必罵詈。使令者。或毀謗諸方。及有所訓。皆流俗鄙事。一夕訴曰。自至法席。已再夏。不蒙指示。但增世俗塵勞。念歲月飄忽。已事不明。失出家之利。語未卒。昭熟視罵曰。

是惡知識敢裨販我。怒舉杖逐之。圓擬伸救。詔攝其口。圓大悟曰。乃知臨濟道出常情。

癸丑五祖師戒禪師勸驗齊岳

師戒往五祖山。喜勘驗衲子。時齊岳重顯號爲飽參。且有機辨。兩人結伴游淮。至東山下。顯未欲前。令岳先往。岳包腰徑入方丈時。戒歸自外。見之呼曰。上人。名甚麼。曰齊岳。戒曰。何似泰山岳。無語。戒即打起。出翼曰。復謁戒曰。汝作什麼。岳回首以手畫圓相示之。戒曰。是什麼。岳曰。老老大大胡餅。也不識。戒曰。越爐竈熱。更搭一箇岳。擬議戒曳拄杖趨出門。及數日後。岳又詣乃提起坐具曰。展則大千沙界。不展則毫髮不存。爲復展。即是不展。即是戒下禪床把住曰。覿是熱人。何須如此。岳又無語。戒又打出。

○重顯參光祚禪師

重顯遂寧府李氏子。落髮受具。後出蜀。浮沉荆渚間。橫經講席。究理窮玄。詰問鋒馳。機辯無敵。歷年嘗典客大陽。與客論趙州宗旨。客曰。法眼禪師。昔邂逅覺鐵觜於金陵。問趙州栢樹子。因緣記得否。覺曰。先師

無此語。莫謗先師。好法眼拈手曰。眞自師子窟中來。覺言無此語。而法眼肯之。其旨安在。顯曰。宗門抑揚。那有規轍乎。時有苦行名韓大伯者。貌寒癯。侍其旁。輒匿笑而去。客退。顯數曰。我偶客語。汝笑何事。曰。笑知客智眼未正。擇法不明。顯曰。豈有說乎。對以偈曰。一兔橫身當古路。蒼鷹才見便生擒。後來獵犬無靈性。空向枯椿舊處尋。顯陰異之。結以爲友。北游至復州北塔。參光祚。即伸問曰。不起一念云何。有過祚召顯近前。顯纔近前。祚以拂子蘸口打顯。擬開口。祚又打顯。豁然開悟。留止五年。盡得其道。

甲寅李端愿居士參曇穎禪師

李端愿兒時在館。嘗閱禪書。長雖婚宦。然篤志祖道。遂於後園築室。類蘭若。邀曇穎居其中。朝夕咨參。至忘寢食。穎一日視愿曰。非示現力。豈致爾耶。奈無箇所入。何。愿乃問天堂地獄畢竟是有。是無。穎曰。諸佛向無中說。有眼見空華。太尉就有裏覓。無手攬水。月堪笑。眼前見牢獄。不避心。外見天堂。欲生殊不知。欣怖在心。善惡成境。太尉但了自心。自然無惑。愿曰。

心如何了。頴曰：善惡都莫思量。愿曰：不思量後心歸何所。頴曰：且請太尉歸宅。愿又問人死心歸何所。頴曰：未知生焉知死。愿曰：生則端愿已知。頴曰：生從何來。愿擬議頴。搃其胸曰：祇在這裏思量箇什麼。愿曰：會也。頴曰：作麼生會。愿曰：只知貪程不覺蹉路。頴拓開曰：百年一夢。今朝方省。愿說偈曰：三十八歲懵然無知。及其有知。何異無知。滔滔汴水。隱隱隋堤。師其歸矣。箭浪東馳。頴寓愿園。時夏竦王曙歐陽修與愿兄端慤咸扣玄關。時錄其語曰：之曰登門集。

己南安自嚴禪師入寂

西峯豁法嗣雲門第四世

自嚴平生示人多以偈率題贈以之中四字於其後。乙卯正月六日集衆曰：汝等當知妙性廓然。本無生滅。示有去來。更疑何事。吾此日生。今正是時。遂右脇臥而化。壽八十二。夏六十五。○有基錢塘王氏子。母夢覺僧授以舍利吞之。遂有娠。出家。受具。學於寶雲。住太平興國寺。每白黑月。集衆誦戒。勸道。俗念佛祥。符八年六月。示疾。弟子請曰：和尚西歸。寧無留訓。基乃囑衆曰：衆忽見西方現。光空中奏樂。基曰：阿彌陀佛與二大士俱至。卽右脇西向而化。人夢阿彌陀佛授記爲超世如來。

丙守芝禪師住大愚

守芝自受汾陽心印。辭游南方。住高安大愚。僧問：昔日靈山分半座。二師相見事如何。芝曰：記得麼。僧良久。芝打禪床一下曰：多年忘却也。乃曰：且住。且住。若向言中取則。句裏明機也。似迷頭認影。若也舉唱宗乘。大是一場寐語。雖然。官不容鍼。私通車馬。放一線道。有箇葛藤處。遂敲禪床一下曰：三世諸佛。盡皆頭痛。且道大衆還有免得底麼。若一人免得。無有是處。若免不得。海印發光。芝乃豎起拂子曰：這箇是印。那箇是光。這箇是光。那箇是印。掣電之機。徒勞佇思。會麼。老僧說夢。且道夢見箇甚麼。南柯十更。若不會聽。取一頌北斗。掛須彌。杖頭挑日月。林泉有商量。夏末秋風切。珍重示衆。三世諸佛。不知有狸奴白牯。却知有乃拈起拂子曰：狸奴白牯。總在這裏放光動地。何爲如此。兩段不同。示衆擎起香合。云：明頭合暗頭合。若道得。天下橫行道不得。且合却上。豈大洋海底排。



班立從頭第二鬢毛班爲甚麼不道第一鬢毛班要會麼金蓮銀絲成玉露高僧不坐鳳凰臺僧問如何是佛芝曰鋸解秤錘

### 丁德聰禪師入寂

德聰姓仰氏參請諸方密契心印太平興國二年結廬於松江余山二虎爲衛名大青小青有禪者造謁見掛一書於梁問之曰此佛經也問嘗讀否曰如人看家書既知之矣何再讀爲嘗曰古人責行吾何言哉自是問都不答超果慶依尊者自抗奉觀音像來聰預知謂寺僧曰三日內當有主公至及期果然天禧元年七月跌坐而化閱月貌如生建塔於東峰之麓山民有卜葬於側者其家夜聞虎嘯亟徙去○天禧元年知禮結同志修法華懺三載期滿將焚身供經秘書監楊億致書勸請住世禮復書略曰經論既以淨土之教爲勝方便驗知是如來善巧權用也但權名不局實理亦通體外之權須破體內方便須修盡心性徧周法界無外豈應極樂不預惟心彌陀以無緣之慈取極樂之土釋迦以樂說之辨示往生

之門觀經云凡夫心想羸劣未得天眼不能遠觀諸佛如來有異方便令其得見此之權巧方便既約圓論卽與法華微妙方便無二無別其雖鈍根蓋沾圓教不離當念顧達彼方庶卽下凡便階不退又欣厭取捨善能起過亦能立功衆生曠劫住此娑婆貪於羶弊色聲著於下劣依正既無厭離之念但增繫縛之緣縱有薰修鮮克攸遂以此土法門多障故是故諸佛愍此衆生以願行功取清淨土令其欣慕作受生因以苦切言說垢穢相令其厭惡成出離心若非此心不成始行故非厭離捨此無絲不起欣求生彼無分蓋受生之法以愛爲緣始自初心終至等覺變易未盡欣厭叵忘況始行耶今之衆園尙須求預彼之賢利寧不願生但知淨土惟心穢邦卽性卽厭無厭卽欣無欣是則正助合修解行兼運順佛至教非已繇情故以畢命自要庶憑最後之強緣以作往生之定業億又貽書郡守及遵式力爲勸止於是焚身之志遂沮○曾會字宗元官翰林學士幼與重顯同舍及冠異途天禧間會守池州一日與顯會於景德

寺會將中庸大學參以楞嚴符宗門語句。寶顯曰：這箇尚不與教乘合。況中庸大學耶？學士要直捷理會此事，乃彈指一下曰：但怎麼薦取會於言下？領旨。○楚圓既傳汾陽心印，服役七年，乃與守芝慧覺等數人辭昭相讓，不肯爲參頭。昭曰：此行不可以戒臘推聽。吾一頌天無頭，吉州城畔展戈矛。將軍正馬林下過圓州，城裏開嗽嗽。圓遂出班曰：楚圓何人敢當此記？荆遂領衆拜辭。昭曰：別無送路。與子一枝拄杖，一條手巾，曰：手巾和尚受用，拄杖卽不消得。曰：汝但將去，有用處在。圓便收。昭曰：又道不用圓便。喝。昭曰：已後不讓臨濟。圓曰：正令已行，昭來日送出三門。乃問汝出山逢尉遲時如何？圓曰：一刀兩段。昭曰：彼現那叱又作麼生？圓便拽拄杖。喝曰：這回全體分付。○圓至并州謁智嵩。嵩謂圓曰：楊大年內翰知見高入道穩實，子不可不見。圓乃往見。億億問曰：對面不相識，千里却同風。圓曰：近奉山門請。億曰：真箇脫空。圓曰：前月離唐明。億曰：適來悔相問。圓曰：作家億便喝。圓曰：恰是億復喝。圓以手劃一劃，億吐舌曰：真是。

龍象圓曰：是何言歟？億顧客司令別點茶來。曰：元來是家裏人。圓曰：也不消得茶罷。又問：如何是圓上座爲人？圓曰：切。億曰：與麼則長裙新婦拖泥走。圓曰：誰得似內翰？億曰：作家作家。圓曰：放內翰二十拄杖。億拈膝曰：這裏是什麼處所？圓拍掌曰：也不得放過。億大笑。又問：記得唐明當時悟底因緣麼？圓曰：唐明問首山，如何是佛法的大意？山曰：楚王城畔汝水東流。億曰：祇如此語，意旨如何？圓曰：水上掛燈，毵億曰：與麼則孤負古人去也。圓曰：內翰疑則別參。億曰：三脚蝦蟆跳上天。圓曰：一任踣跳。億乃大笑。館於齋中。日夕質疑。智證因聞前言，往往行恨見之。晚朝中見駙馬都尉李遵勗，曰：近得一道人，真西河師子。勗曰：我以拘文不能就謁，奈何？億歸語圓曰：李公佛法中人，問道風遠，至有願見之心，政以法不得與侍從過從。圓於是黎明謁勗，勗閱謁使童子問曰：道得卽與上座相見。圓曰：今日特來相看。又令童子曰：碑文刊白字當道。種青松。圓曰：不因今日節餘，日定難逢。童子又出曰：都尉言與麼，則與上座相見也。圓曰：脚頭。

脚底。勗乃出坐。定問曰。我聞西河有金毛師子。是否。圓曰。什麼處得此消息。勗便喝。圓曰。野犴鳴。勗又喝。圓曰。恰是。勗大笑。既辭去。勗問如何。是上座臨行一句。圓曰。好消息。勗曰。何異。諸方。圓曰。都尉又作麼生。曰。放上座二十棒。圓曰。專爲流通。勗又喝。圓曰。睡。勗曰。好去。圓曰。諾。諾。自是往來。楊李之門。以法爲友。

戊午洪譚禪師說法智度

洪譚住神鼎。甘枯淡無比。有一朽木床。夜則譚坐其上。三十輩環聽其誨。譚舉洞山頌曰。貪嗔癡太無知。賴我今朝識得伊。行便打坐。便提分付心。王仔細。推無量劫來不解脫。問汝三人知不知。古人與麼道。神鼎則不然。貪嗔癡實無知。十二時中任從伊。行即往坐。即隨分付心。王無可爲。無量劫來元解脫。何須更問知。不知僧問鳥窠侍者。欲往諸方學習佛法。去鳥窠但吹布毛。便悟去如何。譚曰。此事即知此人久積淨業。曠劫修行。方能了解。乃拈布毛。舉似。復吹之曰。會麼。不得孤負老僧。良久曰。我在首山與汾陽師兄。曾如此說。汾陽作偈曰。侍者初心慕勝緣。辭師擬去。

學參禪。鳥窠知是根機熟。吹毛當下得心安。看他吐露。終是作家智度寺沙門。本延謁譚。夜語還。謂郡將曰。譚公所謂本色老宿。惜陸沉山中。郡以禮請開法。譚辭不得。乃升座說法。道俗歡呼。得未曾有。於是譚名聲普聞。○契嵩少時遊神鼎。譚坐堂上。受其展指。庭下兩小童曰。汝來乃其時。寺今年始有醬食矣。明日將粥。一力挾筐取物投僧鉢中。嵩晚上下有卽咀嚼者。有置之自若者。嵩袖出以觀。皆碎餅餌。問諸耆老曰。此寺自來不煮粥。脫有檀越。請應供堂。頭次第發僧赴之。爇令携乾殘者歸納庫下。碎焙之。均而分。俵以當齋。堂頭言。汝來適丁其時。良然。嵩大驚。○楚圓與楊億李遵勗爲法喜遊久之。辭還河東。億曰。有一語寄唐明。圓曰。明月照見夜行人。億曰。却下相驚。圓曰。更深猶自可。午後更愁人。億曰。開寶寺前金剛。近日因什麼汗出。圓曰。知億曰。上座臨行。豈無爲人。句。圓曰。重疊關山路。億曰。與麼則隨上座去也。圓驢一聲。億曰。眞師子兒。大師子吼。圓曰。放去又收來。億曰。適來失腳踏倒。又得家童扶起。圓曰。有甚了期。億

大笑圓還唐明。遵勗遣兩僧訊圓。圓於書尾畫雙足。寫來僧名以寄之。勗作偈曰。黑毫千里餘。金櫛示雙趺。人天渾莫測。珍重赤鬚胡。圓以母老南歸。至筠州謁曉聰。聰令首衆。先是善昭謂圓曰。我徧參雲門兒孫。特以未見聰爲恨。故圓依止三年。○遵式居天竺丞相王欽若撫杭。因以式道行聞於朝。賜號慈雲。

紀重顯禪師出世翠峰

重顯自得法智門。乃復徧參洞山曉聰。每新到參。便問。爲山水枯。牛意作麼生。對者多不契。聰旨顯到。亦如前問。顯曰。作後人標榜。聰擬道。顯以坐具拂一下。便行。聰曰。且來上座。顯曰。未參堂。到大龍爲知客。一日問曰。語者默者。不是非語。非默。更非總是。總不是。拈却大用。現前時人。知有未審。大龍如何。龍曰。子有如是見解。顯曰。這老漢。瓦解冰消。龍曰。放你三十棒。顯禮拜歸衆。龍却喚適來問話底僧來。顯便出。龍曰。老僧因甚麼瓦解冰消。顯曰。轉見敗闕。龍作色曰。耐耐耐。顯休去。後舉似南嶽雅稚曰。大龍何不與本分草料。顯曰。和尚更須行脚。問羅漢林曰。法爾不爾。

如何指南林曰。只爲法爾不爾。顯曰。大眾記取某甲話。頭拂衣歸衆。林下堂却令侍者請顯至方丈。問上座適來不肯老僧。那顯曰。和尚當代宗匠。焉敢不肯。林曰。你爲甚麼拂衣歸衆。顯曰。還許某甲說道理也無。林曰。你說看。顯拍一拍下去。初學士曾會與顯厚善。相值淮上。問顯何之。顯曰。將遊錢塘。絕西興。登天台。薦蕩會曰。靈隱天下勝處。珊禪師吾故人以書薦顯。顯至靈隱。三年。陸沆衆中。俄會奉使浙西。訪顯於靈隱。無識之者。時堂中僧千餘。使吏檢床曆物色。乃至會問向所附書。顯袖納之曰。公意勤然。行脚人於世無求。敢希薦達。哉。會大笑。珊奇之。吳江翠峰虛席舉顯出。世燒香法嗣。北塔即智門開法曰。顧視大眾曰。若論本分相見。不必高陞此座。乃以手指曰。諸人隨山僧手看。無量佛土。一時現前。各各仔細觀瞻。其或涯際未知。不免拖泥帶水。於是登座。又環顧大眾曰。人天普集。合發明何事。豈可互分賓主。馳聘問答。便當宗乘去。廣大門風。威德自在。輝騰今古。把定乾坤。千聖只言。自知五乘。莫能建立。所以聲前悟旨。猶迷顧

鑒之端言下知歸尚昧識情之表諸人要識真實相爲麼但以上無攀仰下絕已躬自然常光現前箇箇壁立千仞還辨明得也無未辨辨取未明明取既辨明得便能截生死流踞佛祖位妙圓超悟正在茲時堪報不報之恩以助無爲之化顯嘗參大龍有大龍小師曰何不與先師燒香顯曰昔僧問先師如何是堅固法身先師曰山花開似錦澗水湛如藍我頌此因緣報他恩了也又嘗參大愚守芝與文悅遊最久悅知顯不嗣芝特過勸顯一日與遊山次熹曰入荒田不揀信手拈來草獨目未嘗無臨機何不道顯拈起一莖禾示之悅不肯曰夢也未夢見顯曰你不肯卽休○義懷永嘉樂清陳氏子世以漁爲業母夢星隕於屋乃孕及產尤多吉祥兒時坐船尾父得魚付懷貫之懷不忍乃私投江中父怒笞懷懷恬然如故長游京師難染異僧言法華於市井中拈懷背曰雲門臨濟去懷遂謁金鑾善葉縣省皆不契東遊至翠峰謁重顯顯曰汝名甚麼曰義懷顯曰何不名懷義曰當時致得顯曰誰爲汝立名曰受戒來十年矣顯

曰汝行脚費却多少草鞋曰和尚莫瞞人好顯曰我也沒量罪過汝也沒量罪過你作麼生懷無語顯打曰脫空謾語漢出去入室次顯曰怎麼也不得不怎麼也不得怎麼不怎麼總不得懷擬議顯又打出如是者數四尋爲水頭因汲水折擔忽然大悟作投機偈曰一二三四五六七萬仞峰頭獨足立驪龍領下奪明珠一言勘破維摩詰顯聞拈几稱善○興陽清剖臥疾次大陽警玄問是身如泡泡幻中成辦若無箇泡泡幻大事無繇辦若要大事辦識取箇泡泡幻作麼生剖曰猶是這邊事玄曰那邊事作麼生剖曰匝地紅輪秀海底不栽花玄笑曰乃爾惺惺耶剖喝曰將謂我忘却竟爾纏寂

辛酉省常法師往生淨土

省常字造微錢塘顯氏子出家受具淳化中往南昭慶嘉廬山之風乃刺血書華嚴經淨行品易蓮社以淨行士大夫預會者皆稱淨行社弟子丞相王旦爲之首一時公卿牧伯百二十人比丘千人天禧四年正月日端坐念佛有頃厲聲唱曰佛來也泊然而化



衆見地皆金色。移時方沒。○楚圓辭曉聰游仰山。楊億以書抵宜春。太守黃宗旦旦遂請圓出世。南原

壬警玄禪師傳法法遠

法遠鄭圃田王氏子。年十九游并州。見智嵩求出世。法嵩曰。汝當剃落。墮三寶數。乃可遠。曰。法有僧俗乎。嵩曰。與其爲俗。曷若爲僧。僧則能續佛壽命。故也。於是斷髮受具。一日見僧入室。請問趙州栢子。因緣。嵩詰其僧。遠旁有省發。後謁善昭。歸省皆受記。前天禧中。謁大陽警玄。機語相契。玄嘆曰。吾老矣。祠上一宗。遂竟無人耶。以平生所著直履皮履示之。遠曰。當爲持此衣履求人付之。如何。玄曰。他日果得人出。吾偈爲證。偈曰。楊廣山前草。憑君待價。煥異苗。翻茂處。深密固靈根。其尾云。得法者。潛衆十年。方可闡揚。

癸亥重顯禪師開法雪竇

重顯住翠峰。天聖初。曾會守四明。迎顯補雪竇。顯既至。曾曰。會近與清長老商量。趙州勘婆子話。未審端的。有勘破處也。無顯曰。清長老道箇甚麼。曾曰。又與麼去也。顯曰。清長老且放過一著。學士還知天下。衲

僧出這婆子圈。纔不得麼。曾曰。這裏別有箇道處。趙州若不勘破婆子。一生取屈。顯曰。勘破了。也會大笑。顯住雪竇。宗風大振。天下龍蟠鳳逸。衲子爭集。座下號雲門中興。僧問。遠離翠峰。祖席已臨。雲竇道場未審。是一是二。顯曰。馬無千里。謾追風。曰。恁麼則雲散家家。月顯曰。龍頭蛇尾。漢上堂田地。穩密底佛祖不敢近。爲甚麼擡脚不起。神通游戲底鬼神不能測。爲甚麼下脚不得。直饒十字縱橫。朝打三千。暮打八百。又云。鎚擊妙喜。世界百雜碎。底人爲甚麼處處解持鉢。又云。知時頻到香積國。底人爲甚麼拄杖頭上失却眼。又云。一花開天下。春古佛爲甚麼不著。便你若透得。救取天下老宿。忽若有箇衲僧出來云。和尚且自救也。許伊是金毛師子。又云。一塵一佛國。一葉一釋迦。德山何以卓牌於闍市。又云。入林不動。草入水不動。波投子因甚麼脚下五色索。透關底試辨。看上堂僧問。如何是時節。因緣。顯曰。瞌睡漢僧便喝。顯曰。詐惺惺。復云。譬若世界壞時。大水競作。其間無量衆生。或沒。未沒。互相悲號。仰望蒼蒼。皆云。相救時。四禪

天人一見高聲便喝。咄哉衆生。我預曾報汝。令頻頻上來。汝却不聽。如今有什麼救處。乃拍手云。歸堂。又云。一問一答。總未有事。在直饒乾坤大地草木叢林。盡爲衲僧異口同聲。各置百千問難。也不消長老彈指一下。乃竝高低普應。前後無差。又云。十方無壁落。四面亦無門。古人向甚麼處見客。若道得。接手句許。汝天上天下。問新到甚麼處人。僧提起坐具。顯曰。蝦跳不出斗僧。曰。踴跳顯便打。僧曰。更踴跳。顯又打。僧便走。顯喚同僧作禮。曰。觸忤和尚。顯曰。我要這話行。你又走作甚麼。僧曰。已徧天下了。也。顯復打五棒。僧曰。有諸方在。顯曰。你只管喫棒。顯又喚第二底近前來。問甚麼處人。僧曰。鼎州人。顯曰。敗也。僧曰。青天白日。顯曰。兩重公案。僧曰。恰是。顯以拄杖指曰。你擬踴跳。僧擬議。顯亦打五棒。參頭曰。這僧喫棒與某甲不同。顯一時喚近前。僧珍重便走。顯隨後與一拄杖。寶華侍者來看。顯問寶華多少衆者。云。不勞和尚。如此。顯云。我好好問爾。踴跳作甚麼者。云。也不得放過。顯云。眞師子兒。喫茶了。顯把住云。適來得恁麼無禮者。擬

議被顯一掌云。歸去分明學似寶華。問聰道者。久參事作麼生道。聰曰。青天白日。顯曰。亂走作麼。聰便喝。顯曰。喫棒聰擬舉手。顯打一坐具。曰。你看這瞎漢。亂與首座寫眞。顯曰。既是首座爲甚麼却有兩箇。曰。爭之不足。顯曰。你問我。我與你道。座擬問。顯曰。雪竇門下一日。與數僧遊山。次見牯牛舉頭。顯問牯牛。舉頭作甚麼。僧曰。怕和尚穿却。顯不肯自云。看入草底。宗首座到。方擬入。事顯約住。曰。既知信之。輒略便須拱手。歸降。宗曰。今日敗闕。顯曰。劍刃未施。賊身已露。宗曰。氣急殺人。顯曰。敗將不斬。宗曰。是。顯曰。禮拜著。宗曰。三十年後有人。舉在顯曰。已放你過。顯一日經行。檀板衆。衲環之。忽問曰。有問雲門。樹凋葉落時如何。曰。體露金風。雲門答這僧耶。爲解說耶。有宗上座曰。待老漢有悟處。即說。顯熟視。驚曰。非韓大伯乎。宗曰。老漢警地也。於是令過鼓衆。集顯曰。大眾今日。雪竇宗上座。乃是昔年大陽韓大伯。具大知見。晦迹韜光。欲得發揚宗風。幸願特升此座。宗遂升座。僧問寶劍未出匣時如何。曰。神光射斗牛。又問出匣後如何。曰。

千兵易得一將難求。僧退宗曰：寶劍未出匣，神光射斗牛。千兵雖易得一將，寶難求。便下座。一衆大驚。

佛祖綱目卷第三十五

佛祖綱目卷第三十六 兩字贊

甲子宋仁宗天聖二年壬申改明道甲戌改景祐戊寅改寶元庚辰改康定辛巳改慶曆己丑改皇祐甲午改至和丙申改嘉祐

甲辰英宗治平元年戊申神宗熙寧元年戊午改元豐癸亥元豐六年止

甲子 楚圓謁洪謹禪師

楚圓住南原三年棄去謁洪謹。謹首山高弟。弟子非人類。精奇無敢登其門者。住山三十年。門弟子氣吞諸方。圓髮長不剪。弊衣楚音。通謁稱法侄。一衆大笑。謹遣童子問長老誰之嗣。圓仰視屋曰：親見汾陽來。謹杖而出。願見。頎然問曰：汾州有西河獅子。是否。圓指其後絕叫曰：屋倒矣。童子返走。謹回顧相。矍鑠圓地坐。脫隻履而視之。謹老忘所問。又失圓所在。圓徐

起整衣且行。且語曰：見面不如聞名。遂去。謹遣人追之。不可。嘆曰：汾州乃有此兒耶。○宗道者。得法重顯。超放自如。往來舒蘄間。性嗜酒。無日不醉。村民愛敬之。每餉以醇醪。一日方入浴。有送檀者。至乃裸而出。接酒竟去。嘗散衣下山。有逆而問者曰：如何。是道者家風。宗曰：袈裟裹草鞋。曰：意旨如何。宗曰：赤脚下欄城。○陳瓘字望中。號了翁。南劍人。性閑雅。與物無競。初尚維華。頗有所詣。及會明智。叩天台。宗旨忽有契。悟其謫居海上。未嘗有不滿意。惟尅念西歸。後謁惟清。執見聞以求解。會清曰：執解爲宗。何日偶諸瓘。乃開悟。寄清偈曰：書堂兀兀萬幾休。日暖風柔草木幽。誰識二千年底事。如今只在眼睛頭。

○汾州善昭禪師示寂首山念法嗣臨濟第六世

善昭住汾陽。儼臨人。天足不越閭者三十年。天聖二年。龍德府尹李侯因與昭有舊。專使請主承天使者。三至不赴。受罰。復至曰：必欲得師俱往。不然有死而已。昭笑曰：老病業已不出山。借往當先後之。何必俱耶。使者曰：師諾則先後惟所擇。昭乃令設饌。叙裝告

衆曰老僧去也。誰人隨得。一僧出曰某甲隨得。曰汝日行幾里。曰五十里。曰汝隨我不得。又一僧曰某甲日行七十里。曰汝亦隨我不得。侍者曰某甲隨得。但和尚到處即到。曰汝乃隨得老僧。復顧使者曰吾先行矣。停箸而化。侍者即立化於側。壽七十八。

乙 楚圓禪師開法道吾

定林沙門本延有道行。雅爲士大夫所信敬。洪遷見延。稱楚圓知見可與臨濟會道。吾虛席延白。郡守請圓主之。示衆先責。應曰。第一句薦得堪與祖佛爲師。第二句薦得堪與人天爲師。第三句薦得自救不了。道吾則不然。第一句薦得和泥合水。第二句薦得無繩自縛。第三句薦得四稜著地。所以道起也。海晏河清。行人避路住也。乾坤失色。日月無光。汝輩向什麼處出氣。良久曰。道吾爲汝出氣。乃噓一聲。卓拄杖而起。又曰。道吾打鼓四大部洲。同參拄杖橫也。挑掛乾坤大地。鉢盂覆也。蓋却恒沙世界。且問汝輩向何處安身立命。若也知之。北俱盧州喫粥喫飯。若也不知。長連床上喫粥喫飯。大道谷泉南。歸放浪湘中。聞圓

住道吾往省覲。圓曰。白雲橫谷口。道人何處來。泉左右顧曰。夜來何處火。燒出古人墳。圓呵曰。未在。更道。泉乃作虎聲。圓以坐具。臧之。泉接住。推圓置禪床上。圓亦作虎聲。泉大笑曰。我見七十餘員善知識。今日始遇作家。山有秋毒龍。所蟄墮葉。觸波必雷雨。連日過者不敢喘。一日泉與圓暮歸。時秋暑。捉圓衣曰。可同浴。圓掣肘徑去。於是泉解衣躍入。霹靂隨至。腥風吹雨。林木振搖。圓蹲草中。意泉死矣。須臾晴霽。忽引頸出波間曰。因。

丙 慧覺禪師住瑯琊

慧覺西洛人。弱冠扶父衡陽太守。機歸洛。過澧陽藥山。古刹宛若舊居。遂出家。薙染游方。參問得法。汾陽應緣。滁水住瑯琊。山上堂見聞覺知。俱爲生死之因。見聞覺知。正是解脫之本。譬如獅子返躑。南北東西。且無定止。汝等諸人。若也不會。且莫辜負釋迦老子。咩咩上堂。汝等諸人。在我這裏。過夏與你點出五般病。一不得向萬里無寸草處去。二不得孤峰獨宿。三不得張弓架箭。四不得物外安身。五不得滯於生殺。

何故一處有滯自救難爲五處若通方名導師汝等  
諸人若到諸方遇明眼作者與我通箇消息貴得祖  
風不墜若是常徒即便寢息何故裸形國裏誇服飾  
想君太煞不知時上堂山僧因看華嚴金師子章第  
九緣心迴轉善成門又釋曰如一尺之鏡納重重之  
影象若然者道有也得道無也得道非亦得道是亦  
得雖然如是更須知有拄杖頭上一竅若也不會拄  
杖子穿燈籠入佛殿撞著釋迦磕倒彌勒露柱拈掌  
呵呵大笑你且道笑箇甚麼卓拄杖下座上堂拈拄  
杖曰盤山道向上一路滑南院道壁立千仞峻臨濟  
道石火電光鈍瑯琊有定乾坤底句各各高著眼高  
著眼卓拄杖下座覺與雪竇同時唱道時謂二甘露  
門

丁義懷禪師開法鐵佛

義懷辭重顯久無耗有僧自淮上來謂顯曰懷出世  
鐵佛矣顯使誦提唱之語曰譬如鴈過長空影沉寒  
水鴈無遺蹤之意水無留影之心若能如是方解向  
異類中行不用續鳬截鵲夷獄盈壑放行也百醜千

拙收來也樂樂拳拳用之則敢與八大龍王鬪富不  
用都來不直半文錢顯大稱賞以爲類已先使慰撫  
之懷乃敢通門人之禮上堂調體常于世界鼻孔摩  
獨家風芭蕉聞雷開葵花隨日轉諸仁者芭蕉聞雷  
開還有耳麼葵花隨日轉還有眼麼若也會得西天  
卽是此土若也不會七九六十三收示衆古人云五  
蘊山頭一段空同門出入不相逢無量劫來質屋住  
到頭不識主人翁有老宿拈云既不識他當初問甚  
麼人質恁麼拈也太遠在何故須知死人路上有活  
人出身處活人路上死人無數那箇是活人路上死  
人無數那箇是死人路上活人出身處若檢點得分  
明拈却炙脂帽子脫却鶻突布衫舉金剛經云若見  
諸相非相卽見如來法眼云若見諸相非相卽不見  
如來懷曰若見諸相非相眼在甚麼處此語有兩負  
門室中間僧無手人能行拳無舌人解言語忽然無  
手人打無舌人無舌人道箇甚麼

○大陽警玄禪師入寂

梁山觀法嗣  
曹洞第六世

警玄住大陽足不越限脇不至席者五十年天聖丙



寅七月日。陞座辭衆。又三日。以偈寄侍郎王曙曰。吾年八十五。修因至於此。問我歸何處。頂相終難覩。停筆而化。○平侍者。預大陽之室。有年。雖盡得其旨。惟以生滅爲已。任齊陷。同列忌出其右者。慧覺法遠。居衆時。汾陽令探大陽宗旨。延嘆曰。與洞上一宗。非遠即覺也。二師曰。有平侍者在。延以手指胸云。平比處不佳。又捏拇指。又中示之云。平向去當死於此。暨延遷寂。遺囑。瘞全身。十年無難。當爲大陽山打供。平後住山。忽云。先師靈塔風水不利。取而焚之。遂發塔。顏貌如生。薪盡。儼然衆皆驚異。平乃鑿破其腦。益以油。薪俄成灰。燼事聞於官。坐平不孝。還俗。自稱黃秀才。謁慧覺。覺曰。昔日平侍者。今朝黃秀才。我在大陽時。見你做處。遂不納。又謁法遠。遠亦不顧。後於三义路口。遭大蟲食之。果中了义之記。○晃迥字明遠。歷事三朝。諡文元。弱冠時。遇高士劉惟一。訪以生滅之事。一曰。人常不死。迥駭之。一曰。形死性不滅。迥始悟。自是留意禪觀。嘗曰。予觀寶積中。末後云。若彼比丘。於一切法。但取一行。極隨順者。所謂無生。是爲禪行。予

詳此語。若有豁然明禪理而學佛者。止用此一科足矣。丁卯元日。撰法藏碎金錄十卷。成。謝政後。獨處道院。不治他務。戒家人無輒有請。子擢進士。易章服詣謝。迥亦不顧。嘗有詩云。鍊鍊成金得寶珍。鍊情成性得天眞。相逢此理交談者。千百人中無一人。

### ○守芝禪師開法翠巖

守芝住大愚郡。守請居西山翠巖。芝譏呵學。者寡聞得少。爲足曰。汾陽有十智同真。法門鍛佛。祖紺。今時禪者。姿質不妙。莫有成器者。僧問。如何是十智同真。芝曰。先師言。夫說法者。須具十智。同真。若不具十智。同真。邪正不辨。縑素不分。不能與人爲眼目。決斷是非。如鳥飛空而折翼。如箭射的而斷弦。弦斷故射的不中。翼折故空不可飛。弦壯翼牢。空的俱徹。作麼生。是十智同真。如今一切。點出一同。一實。二同。大事三總。同參。四同真志。五同徧普。六同具足。七同得失。八同生殺。九同音吼。十同得入。先師又曰。與什麼人同得入。與誰同音吼。作麼生。是同生殺。什麼物同得失。阿那箇同具足。是什麼同徧普。何人同真志。孰能

總同參那箇同大事何物同一質有點得出底麼點  
得出者不恁慈悲點不出者未有參學眼在切須辨  
取要識是非面目見在芝曰先師曰要識是非面目  
見在也大省力後生晚學刺頭向言句裏貪著義味  
如驢舐尿處棒打不迴蓋爲不廣求知識偏歷門風  
多是得一言半句便點頭睡道已了辨上座大有  
未穩當處在先師有十五家宗風歌號曰廣智其詞  
曰大道不說有高低真空那肯涉離微大海吞流同  
增減妙峰高聳總擎持萬派千溪皆渤澥七金五藏  
盡須彌玉毫金色傳燈後二三四七普聞知信衣息  
廣開機諸方老宿任施爲識心是本從頭說迷心逐  
物却生疑芝曰此叙宗旨也或直指或巧施解道前  
綱出後機旨趣分明明似鏡盲無慧目不能窺明眼  
士見精微不言勝負墜愚癡物物會同流智水門風  
逐便示宗枝卽心佛非心佛歷世明明無別物卽此  
真心是我心我心猶是機權出芝曰此叙馬祖宗派  
也或五位或三路設施隨根巧回互不屬當今是本  
宗展手通玄無佛祖芝曰此叙洞上宗派也或君臣

或父子量器方圓無彼此士庶公侯一道平愚智賢  
豪明漸次芝曰此叙石霜宗派也有時敲有時唱隨  
根問答談諦當應接何曾失禮儀淺解之流却生謗  
或雙明或單說只要當鋒利禪悅開權不爲關聰明  
舒光只要辨賢哲有圓相有默論千里持來目視瞬  
萬般巧妙一圓空爍迦羅眼通的信芝曰此叙瀉仰  
宗派也或全提或全用萬象森羅實不共青山不礙  
白雲飛隱隱當臺透金鳳芝曰此叙石頭藥山宗派  
也象骨鏡地藏月玄沙崇壽照無闕因公致問指歸  
源旨趣來人明皎潔芝曰此叙雪峰地藏宗派也或  
稱提或拈撥本色衲僧長擊發句裏明人事最精好  
手還同楔出楔或擡薦或垂手切要心空易開口不  
識先人出大悲管燭之徒照街走芝曰此叙雲門宗  
派也德山棒臨濟喝獨出乾坤解橫抹從頭誰管亂  
區分多口阿師不能說臨機縱臨機奪迅速機鋒如  
電掣乾坤只在掌中持竹木精靈腦劈裂或賓主或  
料揀大展禪宗辨正眼三玄三要當機四句百非  
一齊鏟勸同袍莫強會少俊依前成窒礙不知宗脉

莫漫汗永劫長沈生死海難逢難遇又難聞猛烈身心快通泰芝曰此叙德山臨濟宗派也

○守芝禪師傳法文悅

文悅南昌徐氏子短小粹美有精識初出家被策游江淮常默坐下板念耆宿語疑之曰吾聞臨濟在黃檗三年黃檗不識也陳尊宿者教之令問大意三問而三被打未聞諄諄授之也至大愚而悟則爲江西宗耆宿教我意非徒然我所欲聞者異耳遂至大愚參守芝見屋老僧殘荒涼如傳舍芝自提笠曰走市井暮歸閉關高枕悅無留意欲裝包發去芝忽陞座曰大家相聚喫莖齋若喚作一莖齋入地獄如箭射下座無他語悅大駭夜造丈室芝曰來何所求曰求佛心法芝曰法輪未轉食輪先轉後生趣有色力何不爲衆乞飯去我忍飢不暇暇爲汝說法乎悅不敢違卽請行及還自馮川芝移住翠巖悅又往從之夜詣丈室芝曰又欲求佛心法乎汝不念住屋壁疎漏又寒雪我日夜望汝來爲衆營炭我忍寒不能能爲汝說法乎悅又不敢違入城營炭還時維那缺悅

夜造丈室芝曰佛法不怕爛却堂司一職今以煩汝說不得語而出明日鳴鐘推堅請悅有難色拜起欲棄去業已勤勞久因中止然恨芝不去心地坐後架架下束破桶盆自架而墮忽開悟頃見芝從前用處走搭伽黎上寢堂芝迎笑曰維那且喜大事了畢悟再拜汗下不及吐一詞而出服勤八年而芝歿

辰戌法智知禮法師入寂天台宗

天聖六年正月日知禮召大眾說法驟稱阿彌陀佛號數百聲奄然坐逝露龕二七日顏貌如生爪髮俱長茶毗舌根不壞若蓮華然舍利五色莫知其數

己自寶謁曉聰禪師

自寶壽州人生娼室無姓氏出家修頭陀行糲食垢衣行脚時嘗旅宿爲娼女所窘遂讓榻與之睡寶坐達旦明發娼女索宿錢寶與之出門自燒被褥而去娼女以實告其母謂寶真佛子請歸致齋以懺後參師戒發明心地至洞山謁曉聰時方植松聰問上嶺一句作麼生道寶曰氣急殺人聰拄鐺呵曰從何得此隨語生解阿師見問上嶺便言氣急殺人佛法却

成流布寶請代語聰曰何不道氣喘殺人寶復問嶺在此金剛在什麼處聰指曰此一株松是老僧親栽

庚子璿參慧覺禪師

子璿秀州人從敏法師學楞嚴經至動靜二相了然不生謂敏曰敲空擊木尙落筌蹄畢目揚眉已成擬議去此二途方契斯旨敏駭之參慧覺值陞座遂問清淨本然云何忽生山河大地覺厲聲曰清淨本然云何忽生山河大地璿豁然契悟擬留嗣之覺曰汝宗不振久矣宜勵志扶持以報佛恩後住長水○曉聰住洞山六月日示微疾持不食七日集道俗曰法席當令自寶住持因與門人叙透法身話說偈曰參禪學道莫忙忙問透法身北斗藏予今老倒厓廡甚見人無力得商量惟有鉏頭知我道種松時復上金剛言畢而化茶毗得五色舍利塔於西阿○自寶常在五祖主事一日師戒病令行者往庫司取生薑煎藥寶叱之行者白戒戒令將錢回買寶方取薑付之曉聰歿遺言令寶繼其席郡守亦以書囑戒俾舉所知戒曰賣生薑漢住得遂出世洞山寶嘗作達磨贊

叙曰師眞徒遞三界無著擬欲安排知君大錯虛勞指點何處捫摸要識師眞乾坤廓落贊曰師相兮世所希師眉兮陣雲垂師眼兮電光輝師鼻兮鋒須彌師口門無齒兮過在阿誰更住少林兮懨懨却西歸遇衲僧兮好與一頓椎雖然如是兮不會莫鍼錐慧覺見此贊乃述頌曰師眼兮深師鼻兮大師耳兮穿師舌兮快師身兮黑師心兮戴手携隻履返流沙熊耳石塔今猶在只將此頌驗盡天下衲僧○倚遇漳州林氏子初謁法遠遠謂人曰此後學行腳樣子也繼謁谷泉問菴主在麼曰誰曰行脚僧曰作甚麼曰禮拜菴主曰恰值菴主不在曰你暫日向道不在說甚你我拽棒趨出次日再來泉又趨出一日又來問菴主在麼曰誰曰行脚僧揭簾便入泉攔胸扭住曰我這裏狼虎縱橫尿床鬼子三回兩度來討甚麼曰人言菴主親見汾陽泉解衣抖擻曰你道我見汾陽有多少奇特遇卽禮拜曰如何是菴中主曰入門須辭取曰莫祇這便是麼曰賺却多少人曰前言何在曰聽事不眞喚鐘作響曰萬法泯時全體現君臣合

處正中邪去也。曰：驢漢不會便去，亂統作麼？曰：審如菴主語客來將何祇待？曰：雲門餅，趙州茶。曰：謝師供養。曰：我這裏火種也，未有早言，謝謝什麼？遇乃去。謁北禪智賢，賢問近離甚處。曰：禪巖。曰：思大鼻孔長多少？曰：與和尚當時見底一般。曰：且道老僧見時長多少？曰：和尚大似不會到。福巖賢笑曰：學語之流，又問來時馬大師健否？曰：健。曰：向汝道什麼？曰：教和尚莫亂統。曰：念汝新到，不欲打汝。曰：倚遇亦放，和尚過茶罷，賢問鄉里甚處。曰：漳州。曰：三平在彼作甚麼？曰：說禪。說道曰：年多少？曰：與露柱齊年。曰：有露柱，且從無露柱，年多少？曰：無露柱，一年也不少。曰：夜半放烏雞，遇因倒心師事之。

壬 楚圓禪師住石霜

明道元年，楚圓自道吾遷住石霜。○贊元字萬宗，義烏人，傳大士遠孫，出家受具，游方至石霜，謁楚圓。圓一見曰：好好著槽，徹元遂作驢鳴。圓曰：眞法器耳。傳爲侍者，助春破薪，泯泯衆十年。○遵式住慈雲，有一貴官註楞嚴經，求印可式，乃烹烈焰，謂曰：今先申

三問若答之契理，當爲流通，如其不合，請付此火。眞精妙元性淨明心，不知如何註釋？三四三宛轉，十二流變三疊，一十百千爲是何義？二十五聖所證圓通，既云實無優劣文殊，何得獨取觀音？其人罔措，遂焚之。壬申十月，日炷香禮佛，願諸佛證明往生安養。又祝觀世音曰：我親觀世音，前際不來，後際不去，十方諸佛同住實際，願住此實際，受我一炷之香，遂坐脫。人見大星隕於靈鷲峰，越七日入龕，形貌如生。

癸 楚圓禪師傳法方會

方會宜春冷氏子，少警敏，不事筆硯，及出家，閱經典，輒自神會，折節扣參老宿。時楚圓自南原遷道吾石霜，會皆佐之總院事，依之雖久，然未有省發。每以此事咨參圓，曰：庫司事繁，且去他日會又請問。圓曰：監寺異日兒孫徧天下，在何用忙？爲一日圓適出，雨忽作，會偵之，小徑一見，獨住曰：這老漢今日須與我說，不說打你去。曰：監寺知是般事，便休語，未竟會大悟，卽拜於泥塗，問曰：狹路相逢時如何？曰：你且躲避我，要去那裏去？會歸來，日具威儀，詣方丈禮謝。圓呵曰：



未。在。圖。飯。罷。恒。山。行。禪。者。問。道。多。失。所。在。會。闕。其。出。未。遠。卽。過。鼓。集。衆。圓。怒。數。日。少。叢。林。暮。而。陞。座。何。從。得。此。規。繩。乎。曰。汾。陽。乃。晚。參。也。一。日。圓。上。堂。會。出。問。鸛。鳥。語。喃喃。辭。雲。入。亂。峰。時。如。何。曰。我。行。荒。草。裏。汝。又。入。深。村。曰。官。不。容。鍼。更。借。一。問。圓。便。喝。會。曰。好。喝。圓。又。喝。會。亦。喝。圓。連。喝。兩。喝。會。禮。拜。圓。曰。此。事。是。箇。人。方。能。擔。荷。會。拂。袖。便。行。一。日。圓。問。馬。祖。見。讓。師。便。悟。去。且。道。迷。却。在。甚。麼。處。曰。要。悟。卽。易。要。迷。卽。難。○可。真。自。負。親。見。慈。明。天。下。無。可。意。者。至。金。鑾。同。善。侍。者。坐。夏。善。與。語。知。其。未。徹。一。日。同。山。行。舉。論。鋒。發。善。拈。一。片。瓦。置。石。上。曰。若。向。這。裏。下。得。一。轉。語。許。你。親。見。老。師。眞。左。右。視。擬。對。善。叱。曰。佇。思。停。機。情。識。未。透。何。曾。夢。見。眞。大。愧。還。石。霜。圓。見。來。叱。曰。本。色。行。脚。人。必。知。時。節。有。甚。急。事。夏。未。了。蚤。至。此。眞。泣。曰。被。善。兄。毒。心。終。礙。塞。人。故。來。見。和。尙。圓。遽。問。如。何。是。佛。法。大意。曰。無。雲。生。嶺。上。有。月。落。波。心。圓。詎。曰。頭。白。齒。豁。猶。作。這。箇。見。解。如。何。脫。離。生。死。眞。悚。然。求。指。示。圓。曰。汝。問。我。眞。理。前。語。問。圓。震。聲。喝。曰。無。雲。生。嶺。上。有。月。

落。波。心。眞。於。言。下。大。悟。○道。吾。悟。眞。亦。圓。嗣。一。日。提。螺。螭。一。籃。遶。院。行。云。賣。螺。螭。令。衆。下。語。皆。不。契。有。一。老。宿。揭。簾。見。以。目。顧。眞。放。身。便。臥。眞。放。籃。子。便。行。○善。暹。臨。江。人。出。家。游。方。依。緣。遠。一。日。遠。陞。堂。顧。視。大。衆。曰。師。子。頻。呻。象。王。回。顧。暹。忽。有。省。入。室。陳。解。遠。曰。子。作。麼。生。會。暹。顧。曰。後。園。驢。喫。草。遠。然。之。自。此。機。辯。迅。捷。禪。林。目。曰。海。上。橫。行。遍。道。者。又。參。重。顯。顯。愛。其。俊。逸。留。座。下。數。年。欲。舉。住。明。州。金。鷲。暹。聞。之。書。偈。於。壁。而。云。出。世。開。先。嗣。緣。遠。一。住。十。八。年。

甲 谷泉禪師住保眞

谷泉登衡嶽頂住懶瓚巖移芭蕉又移保眞乃衡湘至險絕處一夕地坐祝融峰有大蟒盤繞泉解衣帶縛其腰中夜不見明日徧山尋之衣帶纏枯松上嘗以杖荷大酒瓢往來山中人問瓢中何物曰大道漿也○守芝住大愚翠巖兩山衆未嘗登三十輩屋老以木拄將傾處過者疑將壓焉提笠日走城郭村落寺如傳舍粥飯亦有不繼嘗作洞山麻三斤偈曰橫眸讀梵字彈舌念眞言吹火長尖嘴柴生滿竈烟又

示衆沙裏無油事。可哀翠巖嚼飯餒嬰孩。他時好惡知端的。始覺從前滿面灰。景祐初入寂。

乙五祖師戒禪師入寂。雙泉寬法嗣雲門第三世

洞山自寶爲人精嚴護持戒法。然性好名。事邊幅。初得法於師。戒戒暮年棄衆造焉。寶以其行藏落人疑。似弗爲禮戒。遂至大愚。未幾倚拄杖於僧堂前談笑而化。五祖遣人來取骨石歸塔焉。

丙楚圓禪師住福嚴

南嶽福嚴。唐席郡守延楚圓住持。○慧南玉山章氏子。幼不苟輩。不遊戲。棄家受具。坐必跏趺。行必直視。依勸潭澄。令分座接物。名振諸方。文悅見之。歎曰。南有道之器也。惜未授本色。鉗錘耳。會同遊西山。夜話雲門法道。悅曰。澄公雖是雲門之後。法道異矣。南問所以異。曰。雲門如九轉丹砂點鐵成金。澄公如藥汞銀徒可玩。入鍛則流去。南怒以枕投之。明日悅謝過。又曰。雲門氣宇如王。甘死語下乎。澄公有法授人死語也。死語其能活人乎。卽背去。南挽之曰。若如是。則誰可汝意。曰。石霜圓手段出諸方。子宜見之。不可後。

也。南默計曰。悅師翠巖使我見石霜。見之有得於悅。何有哉。遂造石霜中途。聞圓不事事。慢侮少叢林。乃登衡嶽。謁福嚴賢。賢命掌記。俄賢卒。郡守以圓補之。南心喜。且欲觀其人。圓既至。貶剝諸万件件數爲邪。解勸潭密付旨訣。皆在所斥。中南爲氣。索念悅平日之語。翻然改曰。大丈夫心膂之間。其可自爲疑礙乎。遂造其室。圓曰。書記已領徒游方。借有疑可坐而商。略南固辭。哀懇愈切。圓曰。書記學雲門禪。必善其旨。如曰。放洞山三頓棒。是有契棒。分無契棒。分曰。有契棒。分圓色莊曰。聞三頓棒聲。便是契棒。則從朝至暮。鵲噪鴉鳴。皆應契棒。圓卽端坐受南炷香。作禮圓復問。脫如汝會雲門意旨。則趙州道臺山婆子。我爲汝勘破了也。且那裏是他勘破婆子處。南汗下不能答。趨出。次日又詣圓。詬罵不已。南曰。罵豈慈悲法。施耶。圓笑曰。你作罵會那南。於言下大悟。失聲曰。勸潭果是死語。獻偈曰。傑出叢林是趙州。老婆勘破沒來繇。而今四海明如鏡。行人莫與路爲讐。圓以手指沒字。南爲易有字。圓頷之。遂留月餘。辭去。謂圓曰。大事畢。

竟如何。圓呵曰。著衣喫飯。不是畢竟。屙屎送尿。不是畢竟。○元璉住廣慧景祐三年正月。日示四圓。相自書虎狗鼠牛字於中。揭方丈門。九月日遷寂。○承古西川人。少爲書生。博學有聲。出家從警玄遊。又謁南嶽雅雅。許入室遊。廬山居宏覺塔院。號古塔主。初說法芝山嗣雲門。范仲淹守饒景祐四年。迎古住薦福。○范仲淹字希文。吳郡人。仁宗朝累官樞密參知政事。爲宋朝人物第一。守吳日。慧覺來謁。留數日。淹於言下。知歸。贈覺偈曰。連朝共話釋疑團。豈謂浮生半日閑。直欲與師閑到老。盡收識性到玄關。

戊寅 楚圓禪師至京師

楚圓自福嚴移住興化。示衆以拄杖擊禪床一下云。大衆還會麼。不見道一擊忘所知。更不假修治。諸方達道者。咸言上上機。香嚴怎麼悟。去分明悟得。如來禪。祖師禪。猶未夢見。在且道。祖師禪有甚長處。若向言中取則。誤賺後人。直饒棒下承當。孤負先聖萬法本閑。惟人自闢。所以山僧居福嚴。只見福嚴境界。晏起早眠。有時雲生碧嶂。有時月落寒潭。音聲鳥飛鳴。

般若臺前。婆羅花香散。祝融峰畔。把瘦筇坐盤陀石。與五湖衲子。時談玄微。灰頭土面。住興化。只見興化家風。迎來送去。門連城市。車馬駢填。漁唱。瀟湘猿啼。嶽麓絲竹歌謠。時時入耳。復與四海高人。日談禪道。歲月都忘。且道居深山住城郭。還有優劣也。無試道看良久云。是處是慈氏。無門無善財。寶元戊寅。李遵勗遣使邀圓曰。海內法友。惟師與楊大年耳。大年棄我而先。僕年來。頓覺衰落。忍死以一見公。仍以書抵潭帥。敦遣之。圓惻然與侍者舟而東。下道過瑯琊。慧覺出迎大喜曰。天賜我也。圓爲逗留夜語。及并汾舊游。覺曰。近有一老衲。至問其離何所。曰。揚州。問船來陸來。曰。船來。問船在何處。曰。岸下。問不涉程途一句如何。道其僧恚曰。杜撰長老。如麻似粟。遣人追不及云。是興道者。頃在汾州時。學陸沉衆中。不及識之。圓笑曰。舉見處。纔能自了。而汝墮負。何以爲人。覺屏息汗下。圓爲作牧童歌曰。牧牛童實快活。洗足披蓑。雙角撮橫眠。牛上向天歌。人問如何牛未渴。回面看平田。闊四方。放去休攔遏。八面無拘。任意游。要收只在。

索頭。摸小牛兒。順摩捋角力。未充難提。且從放在小平坡。慮上高峯四蹄脫。日已高。休喫草。捏定鼻頭。無少老。一時牽向圈中眠。和泥看伊東西倒。笑呵呵。好不好。又將橫笛。順風吹。震動五湖三海島。倒騎牛脫布襖。知音休向途中討。若問牧童何處居。鞭指東西無一實。覺默得其游戲。三昧圓至京師。與易會月餘。而易果歿。臨終時。易臘胃燥。熱有尼道。堅謂曰。衆生見劫盡大火所燒時。都尉切宜照管。主人公易曰。大師與我煎一服藥來。堅無語。易曰。還卻姑藥。也不會煎得。乃畫一圓相。又作偈獻圓曰。世界無依山河。匪礙大海微塵。須彌納芥。拈起機頭。解下腰帶。若覓死生。問取皮袋。圓曰。如何是本來佛性。易曰。今日熱如昨日。隨聲便問。圓隨行一句作麼生。圓曰。本來無罣礙。隨處任方圓。易曰。晚來困倦。更不答話。圓曰。無佛處作佛。易於是泊然而逝。圓南歸中途。謂侍者曰。我忽得風痺疾。視之口吻已喎。斜侍者頓足曰。當奈何。平生呵佛罵祖。今乃爾。圓曰。無憂爲汝正之。以手撥置如故。曰。今而後不鈍置汝。

真慈明楚圓禪師示寂汾陽昭法嗣  
臨濟第七世  
楚圓歸真。化正月五日。沐浴辭衆。跣跣而逝。圓平生以事事無礙。行心凡聖。不能測。室中宴坐。橫刀水盂之上。旁置草鞋。使參扣者下語。無有契其機者。又作示徒偈曰。黑黑黑。道道道。明明明。得得得。又多。日勝僧堂作此字。三三三。三三三。理。其下註云。若人識得。不離四威儀。中有首座者。見之謂曰。和尚今日放參。圓聞而笑之。○方會從楚圓游最久。及辭還九峰。圓亦化去。忽宜春移檄。命居楊岐。受請曰。拈法衣示衆云。會麼。若也不會。今日無端走入水牯牛隊裏去也。還知麼。筠陽九岫。萍實楊岐。遂陞座。時有僧出會曰。漁翁未擲釣。驢驢衝浪來。僧便喝。會曰。不信道。僧擲掌歸衆。會曰。消得龍王多少風。問師唱離家曲。宗鳳嗣阿誰。會曰。有馬騎馬。無馬步行。曰。少年長老。足有機籌。會曰。念汝年老。放汝三十棒。問如何是佛。會曰。三脚驢子弄蹄行。曰。莫祇這便是麼。會曰。湖南長老。乃曰。更有問話者麼。試出來相見。楊岐今日性命在汝諸人手裏。一任橫拖倒拽。爲甚麼如此大丈夫兒。

須是當衆決擇。莫背地裏似水底按葫蘆相似。當衆引驗。莫便面亦有麼。有麼。出來決擇看。如無。楊岐今日失利。便下座。時九峰勤把住曰。今日喜得箇同參。會曰。作麼生。是同參底事。曰。九峰牽掣。楊岐拽把。會曰。正恁麼時。楊岐在前。九峰在前。勤擬議會拓開曰。將謂同參。元來不是。慈明忌辰。設齋來。纔集會於真。前以兩手捏拳。安頭上。以坐具畫一畫。打一圓。相便燒香。退身三步。作女人拜。首座曰。休捏怪。會曰。首座作麼生。曰。和尚休捏怪。會曰。兔子塗赤。爛第二座近前。打一圓。相便燒香。亦退身三步。作女人拜。會近前。作聽勢座。擬議會打一掌曰。這漆桶也亂做提刑。楊岐山下過。會出接。岐乃問和尚法嗣何人。曰。慈明大師曰。見箇甚麼道理。便法嗣他。曰。共鉢盂喫飯。曰。與麼則不見也。會捺膝曰。甚麼處是不見。岐大笑。會曰。須是提刑始得。又曰。請入院燒香。岐曰。却待回來。會乃獻茶。信。岐曰。這箇却不消得。有甚乾爆爆底禪。希見些子。子會指茶信曰。這箇尙自不要。豈況乾爆爆底禪。岐擬議會呈頌曰。示作王臣佛祖。罔措爲指迷。

源殺人無數。岐曰。和尚爲甚麼就身打劫。會曰。元來是我家裏人。收大笑。會曰。山僧罪過。張方平字安道。宋城人。慶曆中爲滁州守。游瑯琊。抵藏院。偶見楞伽經。取視之。忽感悟。前身事入手。恍然如獲舊物。讀至世間離生滅。猶如虛空華。遂明已見。偈曰。一念在生滅。千機縛有無。神鋒輕舉處。透出走盤珠。暮年以此經授蘇軾。輔錢三十萬。使印施流通。王安石嘗問平曰。去孔子百年而有孟軻。此後逮孔孟者爲誰。何吾道之寥寥乎。平曰。有人第恐過之耳。曰。誰曰南嶽讓嵩山。珪馬祖石頭。丹霞無業。若此類。儒門淡薄。收拾不住。盡歸釋氏矣。安石深肯之。

壬思廣禪師傳法承皓

承皓眉州王氏子。出家游方。參北塔思廣。發明心要。得遊戲自在。三昧管製。赤犢鼻。視書歷代祖師名字。曰。惟有文殊普賢。猶較些子。故叢林目爲皓布衲。

癸未慧南禪師開法同安

慧南受楚圓大法。癸未開法於同安上堂。智海無性。因覺妄以成凡。覺妄元虛。卽凡心而見佛。便爾休去。



將謂同安無折合。隨汝顛倒所欲。南斗七北斗八。○尹洙字師魯。官起居舍人。得法於法眼禪師。臨終日。先以手書別范仲淹。適朱從事炎至。洙謂炎曰。吾素學佛於禪師。法眼者。乃今資此也。及仲淹馳至。慟哭之。洙張目曰。已與公別。何用復來。且死生常理。希文豈不曉乎。言訖端坐而逝。

乙薦福承古禪師入寂

承古住薦福。乙酉冬十一月。辭衆偈曰。天地本同根。鳥飛空有跡。雪伴老僧行。須彌撼金錫。乙酉冬至日。靈光一點赤。珍重會中人。般若波羅蜜。偈畢而逝。

丙方會禪師開法雲蓋

方會住楊岐。慶曆六年。遷雲蓋室。中間僧栗棘蓬。你作麼生吞金剛。圈你作麼生透。一日訪北部孫居士。值視斷次。孫曰。某爲王事所牽。何緣免難。會指曰。委悉得麼。曰。望師點破。會曰。此是北部弘願。深廣利濟。群生曰。未審如何。會示偈曰。應現宰官身。廣弘悲願。深爲人重。指處棒下血淋漓。孫有省。遂嗣會。○守端衡陽葛氏子。幼工翰墨。不喜處俗。出家。荆染年二十。

餘游湘中。時方會遷居雲蓋。一見端。便心奇之。每與語。必終夕。一日會忽問曰。上人落髮師爲誰。曰。茶陵郁和尚。曰。吾聞其過溪。遭擲。有省。作偈甚奇。能記之否。端即誦曰。我有明珠一顆。久被塵勞關鎖。今朝塵盡光生。照破山河萬朵。會大笑起去。端愕視左右。通夕不寐。明日求入室。咨詢其事。時方歲旦。會曰。汝見昨日作野狐者乎。曰。見。曰。汝一籌不及渠。端又大駭。曰。意旨如何。曰。渠愛人笑。汝怕人笑。端因大悟於言下。巾侍久之。○衡州茶陵郁山主。本州人。自少落髮。惟以供應爲事。院僧禪刹往來之。每有化主至。都必供養之一日。因楊岐化主至。都問禪宗之旨。化主爲舉和尚每問。衲子僧問法。燈百尺竿頭如何進步。燈曰。惡。都從此參究。未嘗離念。偶一日赴外請齋。蹣過溪橋。蹣踏橋穿陷。足都墜。蹣不覺口中曰。惡。忽然契悟。有頌云。云走謁方會。會即印可。端後出世。九江承天贊郁像曰。水月以喻。兮。占來已多。我今不然。兮。所陳伊何百尺竿頭。曾進步。溪橋一踏。沒山河。顧不遊方兮。何游之有。玄沙保壽兮。師其與偶。應峰之。

東兮洙川之口三十三秋兮大師子吼舒兮卷兮已而矣依前空瀉洙川水九江相去幾千里父有重牙子無齒謾勞提耳一爐香微塵旋逐松風起

丁義懷禪師傳法法秀

法秀秦州辛氏子母夢老僧托宿而娠先是麥積山老僧曰誦法華與應乾寺魯和尚善嘗欲從魯游方魯老之乃謂魯曰他日當尋我竹鋪坡前鐵疆嶺下俄有兒生其所魯聞往視之兒爲一笑三藏願從魯歸遂承魯姓十九爲大僧講大經蓋著京洛倚圭峰鈔以詮量衆義然恨圭峰學禪乃罷講南游至無爲軍鐵佛謁義懷懷貌寒危坐涕垂沾衣秀初易之懷收涕問座主講何經曰華嚴曰華嚴以何爲宗曰法界爲宗曰法界以何爲宗曰以心爲宗曰心以何爲宗秀不能對懷曰毫釐有差天地懸隔汝當自看必有發明秀乃悚然敬服願留受法後聞僧舉白兆參報慈聞情未生時如何慈曰隔乃大悟○道隆少時師事石門徹親受洞山旨訣後謁元璉璉方剃髮使隆擎凳子來璉曰道者我有凳子詩聽取詩曰放下

便安穩隆於言下大悟乃嗣璉游京師客景德寺日縱觀都市歸嘗二鼓一夕還不得入臥寺門下仁宗夢至寺門見龍蟠於地驚覺中夜遣中使物色得隆夜臥狀大喜因召對問宗旨上大悅館於大相國寺以偈句相酬唱絡繹於道或留宿禁中禮遇特厚

己惟正禪師入寂淨土素法綱法眼第四世

惟正華亭黃氏子幼從錢塘本如緣業郡人欲啓帑以度牒施正嘆曰古之度人以清機密旨今反是去古遠矣吾道三寶數當有其時遂跪謝不受如問故正曰彼非和我者特以師之言施百千於一童子保其終身能施物不責報乎如來世尊大願度生則有慈蔭今妙法蓮華經是也當折節誦持恩併歸一於義爲安如益奇之年十八爲大僧獨擁義袍且弊復有願輸歲時用度俾繼院務正復謝曰聞托鉢乞食未聞安坐以享聞歷謁諸祖未聞廢學自任況我齒茂氣完正在筋力爲禮非從事屋廬之秋也遂游方受心法於惟素素董功臣山淨土院正輔相之久而繼席內翰葉清臣迎正論道一日語正曰明日有客

集賢師來。灑以甘露。正諾之。明日遣邀。正以一偈授曰。昨日曾將今日期。出門倚杖又思維。爲僧只合居巖谷。國士筵中甚不宜。竟不往。嘗跨一黃犢出入軍持。巾鉢悉掛角上。故俗呼爲正黃牛。侍郎蔣堂出守杭州。與正爲方外交。正每往謁。至郡庭下。擯談笑終日而去。正律身精嚴。冬不擁爐。以蘆花作毬。納足其中。客至共之。夏秋好玩月。吟笑達旦。率以爲常。或問師以禪師名。乃不談禪。何也。曰。徒費言語。吾懶寧假曲折。但日夜煩萬象爲敷演耳。言語有間。而此法無盡。所謂造物無盡藏也。皇祐元年孟夏日。語衆曰。夫動以對靜。未始有極。吾一動歷年六十。有四今靜矣。然動靜本何有哉。於是泊然而逝。汴京自周朝毀寺。宋太祖建隆間。復興兩街。止是義學而已。士大夫聰明超軼者。皆厭聞名相。而達磨一宗。尙未大行。翰林楊億。晁迥。首發明之。皇祐元年。內侍李元寧奏。施汴宅一區。創興禪。帝賜額曰。十方淨因禪院。○居訥字中敏。梓州蹇氏子。生而英特。讀書過目或誦。得度受具後。以講學冠兩川。會有禪者。自南方還。稱祖道

被天下。馬大師什邡人。應般若多羅。識蜀之衆。復以經論聞者。如亮公而亮棄徒。隱西山。如鑒公而鑒焚疏鈔。稱滴水莫敵。巨海訥。慨然良久曰。汝知其說乎。曰。我不能知也。子欲知之何惜。一往訥於是出蜀。放浪荆楚。屢閱寒暑。迄無所得。後參延慶。築始契悟。築嗣智門。祚爲雲門。宗訥既受法出世。廬山歸宗。還圓通仁宗。聞其名。皇祐初。詔住十方淨因禪院。訥稱目疾。不能奉詔。有旨令舉自代。訥舉懷連。住持。連字器之。潭州陳氏子。誕生之夕。夢僧伽降室。因小字泗州長爲沙門。篤志禪學。寢食無廢。一日洗面。潑水於地。微有省發。即慕參尋。往謁石門懷澄。投機印可。留十餘年。嘗燕坐室中。見金蛇從地而出。須臾隱去。游圓通訥命掌記。○夏竦字子喬。德安人。皇祐中。參知政事。自契機谷隱。日與老衲游。偶上蓋。薄至。竦問百骸潰散時。那箇是長老自家的。薄曰。前月二十。離新陽。竦休去。薄却問百骸潰散時。那箇是相公自家的。底。竦便喝。薄曰。喝則不無。畢竟那箇是相公自家的。竦對以偈曰。休認風前第一機。太虛何處著思維。山僧著

要通消息。萬里無雲。月上時薄。曰也是弄精魂。

○楊岐方會禪師入寂。石霜圖法嗣。臨濟第八世。

皇祐元年。方會示寂。塔於雲蓋。以臨濟正脉付守端。仁勇。四明竺氏子。幼爲大僧。通天台教。更衣謁重顯。顯意其可任。大法誦之曰。央庠座主。勇憤排下山。望雪寶拜曰。我此生行脚參禪。道不過雪寶。誓不歸鄉。卽往勒潭。踰紀疑情未泮。聞方會移雲蓋。能鈴鍵學者。直造其室。一語未及。頓明心印。曾示寂。從同參守端游研極玄奧。後出世。兩住保寧。

壬懷璉禪師開法淨因

懷璉至京。仁宗召對。化成就問佛法大意。奏對稱旨。賜號大覺。齋畢。傳宣效南方禪林儀範。開堂演法。○贊元侍楚圓於石霜。日久。圓歿。葬骨石元。種植八年。出世住蔣山。丞相王安石時。丁母憂。讀經山中。與元游如昆弟。問祖師意旨。元不答。石益扣之。元曰。公有般若之障。三有近道之資。一更一兩生來。或得純熟。石曰。願聞其說。元曰。公受氣剛大。世緣深。以剛大氣。遭深世緣。必以身任天下之重。懷經濟之志。用舍不

能。必則心未平。以未平之心。持經世之志。何時能一

念萬年哉。又多怒而學問。尙理於道。爲所知。愚此其三也。特視名利如脫髮。甘淡薄如頭陀。此爲近道。且當以教乘滋茂之可也。石再拜受教。○了元字覺老。饒州林氏子。生時祥光燭天。二歲能誦論語。諸家詩。五歲誦三千首。閩里稱曰神童。長讀楞嚴經。受之盡。捐舊學。白父母求出家。遂剃染。受具。游廬山。謁善暹。暹大稱賞。又謁居訥。訥驚其翰墨。曰。骨格已似雪寶。後來之俊也。遂命掌記。○常總剡州施氏子。母夢男子。頽然色。知金握白芙蓉三柄。授之。但一柄得。餘委地。覺而娠。後誕三子。伯仲皆不育。總其季也。出家受具。初依智材。既聞慧南之風。遂辭材至歸宗。委心事焉。○道隆學懷璉。自代願歸廬山。養病疏奏。不許有旨於護國寺。北建精舍。以居。號華嚴禪院。

辛。慧南禪師得游戲三昧

慧南住歸宗寺。火一夕而燼。大衆譁動。山谷南安坐如平時。僧洪準欲掖而走。南叱之。準曰。和尙縱厭世間。慈明法道何所賴耶。因徐整衣起。火已及坐榻矣。

入獄郡吏發其私忿者。掠百至絕口。不言。惟不食而已。兩月後得釋。鬚髮不剪。皮骨僅存。可異。迎於中途。見之。泣下。曰。師兄何至是也。南叱曰。這俗漢真不覺。下拜。他日謂門弟子曰。我在獄。證法華經。菩薩游戲三昧。經曰。菩薩游戲神通。淨佛國土。心不好樂。呵小乘也。以其不能成就衆生耳。弟子請問其說。南曰。凡獄吏之治。有罪者。察見其情。爲必痛加捶楚。欺詐之實盡則自釋。雖有酷刑。不能申也。罪至於死。亦所甘心者。智近情枯故也。今禪學者。馳求之狂。欺詐之病。不以知見之慧。鍛之何繇而釋。故其平生止以三種語。驗天下衲子。○洪準。桂林人。從慧南游。有年。天資純至。未嘗忤物。聞人之善。如出諸口。喜氣津津。生眉宇間。聞人之惡。必合掌扣空。若追悔者。暮年不領院事。寓迹寒溪。壽已逾八十。臨終時。門弟子皆赴供。惟一僕夫在。準携磐坐土地。前誦孔雀經一遍。安坐而逝。三日不傾。觀者如堵。準忽開目而笑。使坐於地。有頃。門弟子還。準呼立其右。良久寂然。視之。去矣。神色不變。道俗塑像龕之。○道臻。字伯祥。福州戴氏子。

父夢偉然黃冠裳者。導從至舍。母遂娠。又夢麗眉碧眼一僧至。卽誕。臻幼。不如輩。十四歲出家。十九爲大僧。閱大小經論。置不讀。曰。此方便說耳。卽持一鉢走江淮。遍參得旨。訣於法遠。游丹陽。寓止因聖。一日行江上。顧舟默計曰。當隨所往。信吾緣也。問舟師曰。載我船尾可乎。舟師笑曰。師欲何之。我入汴船也。臻曰。吾欲行游京師。因載之。而北。謁懷連。連使首衆僧於座下。○本如。號神照。四明人。初依知禮。請益經王義禮曰。爲我作知事三年。却向汝道。事竣復以爲請。禮震聲一喝。隨呼云。本如如豁。然有悟。呈頌曰。處處逢歸路。頭頭復故鄉。本來或現事。何必待思量。禮曰。向來若爲汝說。豈有今日。後住東山承天寺。嘗於寺西南隅。見一虎睡。如以被擊。曰。此非汝睡處。虎俛首而去。遂於虎臥處結菴。結社念佛。遂成巨刹。仁宗賜名白蓮。皇祐三年五月。日升座說法。與衆訣別。其夕法堂藏閣。方丈棟梁皆折。鐘鼓擊之無聲。江上漁人見雲端有僧向西而去。詰旦右脇安庠而逝。○倚遇。遊西山。瞻雙嶺。深遂。栖息三年。始應法昌之請。法昌在



分事北千峰萬壑古屋數間遇至止刀耕火種殊安樂之裨子不堪其枯淡多棄去坐此成單丁

○守端禪師開法江州承天寺

守端寓歸宗居訥學住江州承天寺名聲籍甚

○雪竇重顯禪師入寂

智門祚法嗣雲門第五世

重顯住明州雪竇宗風大振皇祐四年六月日遊山四顧周覽謂侍者曰何日復來於此侍者哀乞遺偈顯曰平生惟患語之多矣翼日出杖屨衣盂散及徒衆乃曰七月七日復相見耳至期盥沐攝衣北首而逝賜號明覺顯嘗悲學者尋流失源作爲道日損偈曰三分光陰二早過靈臺一點不措磨區區逐日貪生去喚不回頭爭柰何又名實無當偈曰玉轉珠迴佛祖言精通猶是汚心田老盧只解長春米何得風流萬古傳又迷悟相反頌曰霏霏梅雨灑高層五月山房冷似冰莫道乾坤乖大信未明心地是炎蒸又道貴如愚頌曰雨過寒雲曉半開數峰如畫碧崔巍空生不解巖中坐惹得天花動地來又大功不宰頌曰牛頭峰頂鎖重雲獨坐寥寥寄此身百鳥不來春

又過不知誰是到菴人又晦跡自怡頌曰圖畫當年愛洞庭波心七十二峰青如今高臥思前事添得虛公倚石屏又與時寡合頌曰居士門高謁未期閑隈巖石且相宜太湖三萬六千頃月在波心說向誰又革轍二門頌曰劫火曾洞然木人淚先落可憐傳大士處處失樓閣一德雲閑古樵幾下妙峰頂喚他癡人擔雪共填井二祖佛未生前已振塗毒鼓如今誰樂聞請試分回互三宛轉復宛轉眞金休百鍊喪却毗耶離無人解看箭四○雪峰元益首座得法於雪竇李林宗問益曰意欲出塵今未出請師今日決疑情益曰作麼生是出塵宗惘然益曰還會麼宗忽省悟有頌云心鏡從來瑩洪河本自深祇因師問後沙石化爲金益曰正趣地獄宗曰人我無相胡爲地獄益曰汝今何在宗曰現對答益曰祇此是黃金

癸巳守端禪師住圓通

居訥既舉守端住承天又讓居圓通自處東堂端時年二十八自以前輩讓叢林實已甚重故敬嚴臨衆以公滅私於是宗風大振○郭祥正字功甫別號

淨空母夢李白而生。皇祐四年。守端寓圓通書堂時。正任星子縣主簿。往叩心法。迨端住承天遷圓通。正復對於德化。往來尤密。○宗本無錫管氏。子年十九。師事蘇州承天道昇。弊衣垢面。親操井臼。夜則入室。參承昇曰。頭陀荷衆良苦。亦疲勞乎。曰。若捨一法。不名滿足。苦提寔欲此身。身證其敢言。勞昇奇之。十年剃髮受具。又三年辭昇。游方徧參。謁池州義懷。懷舉天親從彌勒內宮而下。無著問曰。人間四百年。彼天爲一晝夜。彌勒於一時中成就五百億天子。證無生法。忍未審說甚麼。法天親曰。祇說這箇法。因問本曰。如何是這箇法。又懷嘗修淨土室中垂示曰。若言捨穢取淨。厭此欣彼。則是取捨之情。衆生妄想。若言無淨土。又違佛語。修淨土者。當云何修。乃自答曰。生則決定生去。則實不去。本參久之。始得開悟。衆皆莫知。嘗爲侍者。喜寢鼻息。麝麝或以告懷。懷曰。此子吾家精進幢也。汝輩他日當依賴之。無多談。衆乃驚。

甲 慧南禪師住積翠

慧南住黃檗結菴谿上。名曰積翠。○法遠初住舒州。

太平興國次。住姑蘇天平。至和元年。住浮山。一日與待制王質論道。遠盡一圓相。問質曰。一不得匹馬單鎗。二不得衣錦還鄉。論不得喜顰不得殃。遠道質問措遠曰。勘破了也。○守端住圓通。提唱臨濟宗風。未幾居訥厭閑寂。郡守至。自陳客情。太守惻然。目端端笑。唯唯而已。明白陞座曰。法眼禪師。偈曰。難難難。是遣情難。情盡圓明。一顆寒方便。遣情猶不是。更除方便。太無端。大衆且道。情作麼生。遣喝一喝下。座負包去。一衆大驚。挽之不可。遂渡江夏。於五祖閑房。舒州小利號法華。舒守聞端高風。移文請居之。○行偉大名于氏。子十九。游京師。謁大乘師。方益執役掃除。破薪佐炊者。十三年。乃剃髮受具。辭益游方。入洛受賢首宗於大三藏。成名繼其席。常千人。未幾南游。見同學法亮。高其衣裙布。纏兩脛。呼俱行者。聚觀太息。亮笑叙寒溫而已。偉問曰。汝今稱禪者。禪宗奧義。語我來。亮曰。待我死後。爲汝敷說。偉曰。狂耶。亮曰。我狂已息。汝今方熾。卽趨去。偉請其屬曰。亮聞見淹博。知法解義。倍我。今甘爾禪家。必有長處。乃獨行謁慧南。

乙 守端禪師開法白雲

守端在法華。衲子至無所容。士大夫賢之。遷居白雲海會。示衆明明知道。只是這箇。爲甚麼透不過。只爲見人開口時。便喚作言。句見人閉口時。便喚作良久。默然又道。動展施爲。開言吐氣。盡十方世界內。無不是自己。所以墮在塗中。隱隱猶懷舊日嫌。豈不聞雲門道。聞聲悟道。見色明心。遂舉手云。觀世音菩薩。將錢來買胡餅。放下手云。元來却是饅頭。又不見山僧在法華時。嘗示衆云。無業禪師道一毫頭聖。凡情念未盡。未免入驢胎馬腹裏去。大衆直饒一毫頭聖。凡情念頓盡。亦未免入驢胎馬腹裏去。瞎漢但恁麼看取。參又示衆。若端的得一回汗出來。也向一莖草上。便現瓊樓玉殿。若未端的得一回汗出。縱有玉殿瓊樓。却被一莖草蓋却。且道作麼生得汗出去。良久云。自有一雙窮相手。不曾容易舞三臺。有僧問。智不到處。切忌道著。道著時如何。曰。風吹日炙。曰。恁麼則無處容身去也。曰。確擣磨磨。曰。官不容鍼。私通車馬。曰。可貴可賤。僧彈指一下。端曰。恰是僧吐舌。端曰。家貧

猶自可。路登愁殺人。僧呵呵大笑。端曰。放過一著。○懷璉住淨因。與仁宗偈頌往來更相唱和。至和二年三月。乞老山。居上不允。遣使宣諭曰。山卽如如體也。將安歸乎。帝初閱投子語錄。僧問如何是露地白牛。投子云。叱叱。自此有契。乃製釋典頌十四首。今以一賜璉曰。若問主人公。眞寂合太空。三頭并六臂。臘月正春風。璉和曰。若問主人公。澄澄類碧空。雷雲時鼓動。天地盡和風。帝喜。宣賜龍腦鉢。孟璉謝恩。罷乃曰。佛法以壞色衣。以瓦鉢食。此鉢非法。遂焚之。中使回奏。帝深嘆訝。○洪英邵武陳氏子。幼警敏。讀書五行俱下。父母鍾愛之。使爲書生。英不食。自誓懇求出家。及受具。卽行訪道。初依曹山。雅久之。辭去。登雲居。眷嚴壑。勝絕。遂掩室。不與人交。下視四海。莫有可其意者。將老於此山。偶夜讀華嚴十明論。至爲眞智慧無體性。不能自知。無性故。爲無性之性。不能自知。無性故名曰無明。華嚴第六地曰。不了第一義。故號曰無明。將知眞智慧本無性。故不能自了。若遇了緣。而了則無明滅矣。是謂成佛要門。願以此法。紹隆佛種。然

今諸方誰可語此久之夜經行聞二僧舉慧南佛手驢脚因緣異之就問南公今何寓曰在黃檗黎明徑造黃檗南與語達旦曰荷擔大法盡在爾躬厚自愛○潘輿嗣字延之南昌人初調德化縣尉同郡許璩始拜江州守嗣往見之璩不爲禮遂懷刺歸竟不之官問道於慧南獲其印可嘗曰我清世之逸民故自號清逸居士隱居豫章東湖上琴書自娛一日同參清源來訪見其拂琴次源曰老老大大猶弄箇線索在嗣曰也要彈教響源曰不少嗣曰知心能幾人○源豫章鄧氏子字潛菴亦南法嗣

丙申慧南禪師傳法行偉

行偉參慧南依止二年每造室南必歛目良久乃語偉曰和尚見行偉必合眼何耶曰麻谷見良遂來荷鋤鋤草良遂有悟處我見汝來但閉閉目汝雖無悟然且有疑尙亦可在偉滋不曉時勸潭月與南同坐夏積翠月以經論有聲偉常侍坐聽其談論因讀小釋迦傳曰韋尙書問仰山寂公禪師尋常如何接人寂曰僧來必問來爲何事曰來親覲又曰還見老僧

否曰見又問老僧何似驢僧未有酬者韋曰若言見爭奈驢若言不見今禮覲誰以此故難答寂曰無人如尙書辨析者耳月稱善偉亦以爲然南獨曰馮仰宗枝不到今者病在此耳偉日夜究思不悟其意將治行而西卜菴嵩少之下爲粥飯僧夜與一僧同侍座僧問法華經言得解一切衆生語言陀羅尼何等語是陀羅尼南顧香爐僧卽引手候火有無無火又就添以炷香仍依位而立南笑曰是此陀羅尼偉驚喜進曰如何解南令僧且去僧揭簾趨出南曰若不解爭能與麼偉方有省○慧南住黃檗學徒奔湊雖飽參宿扣者至則憮然自失就弟子之列潘輿嗣嘗問其故南曰父嚴則子孝今日之訓後日之範也譬諸地爾隆者下之窪者平之彼將登於千仞之玉亦與之俱困而極於九淵之下吾亦與之俱伎之窮則妄盡而自釋也又曰灼之極之春夏之所以生育也霜之雪之秋冬之所以成熟也吾欲無言得乎又南室中嘗問僧曰人人盡有生緣上座生緣在何處我手何似佛手我脚何似驢脚三十餘年示此三問



學者莫測脫有酬者。南無可否。歛目危坐。與嗣又問。故南曰。已過關者。掉臂徑去。安知有關吏。從關吏問。可否。此未透關者也。自頌曰。生緣有語人。皆識水母。何曾難得蝦。但見日頭東畔上。誰能更喫趙州茶。我手佛手。兼舉禪人直下。薦取不動干戈道。出當處超佛越祖。我脚驢脚。並行步步。踢著無生。直待雲開日現。方知此道縱橫總。頌生緣斷處伸驢脚。驢脚伸時。佛手開爲報五湖參學者。者三關一一透。將來○慧圓嗣雪竇後。依善暹會洞山。虛席遲舉。應筠人之請。時南住黃檗。因出邑相見。南默無所言。但焚香相向。危坐而已。自申時至三鼓。圓卽起曰。夜深妨和尙。偃息趨出。明日各還山。南問永首座。汝在廬山。識今洞山老否。曰不識。止聞其名。久之進曰。和尙此回見之。如何人。南曰。奇人。永退問侍者。汝隨和尙見洞山。夜語及何事。侍者以實告。永曰。疑殺天下人。○嘉祐中。男子冷清妖言。誅谷泉。坐清曾經絲菴中。決杖配郴州牢城。盛暑負土。經通衢。弛擔而坐。觀者如堵。說偈曰。今朝六月六。谷泉受罪。足不是上天堂。便是入地獄。

言訖微笑。泊然如蟬蛻。異香郁然。闔維舍利不可勝數。邨人塔之。至今祠焉。

丁酉洪英謁可真禪師

洪英謁可真方入室。真曰。女子出定。意旨如何。英引手招真膝而去。真笑曰。賣匙箸客。未在真知其脫略窠臼。大稱賞之。○法秀出世。淮四面山杖笠之外。包具而已。衲子追逐秀哀。祖道不振。以身任之。

己亥慶閑參慧南禪師

慶閑福州卓氏子。母夢胡僧。授以明珠。而孕。及生。白光照室。幼不近酒。載出家。遠游所至。自處罕與人接。有卽之者。一舉手而去。父事慧南。南甚重之。○江州承天虛席。居訥以了元當其選。郡將見而少之。訥曰。元齒少而德壯。雖萬耆訥不可折也。於是以元住承天。○言法華者。莫知其所從來。初見之景德寺。久留講肆。一日讀雲門錄。忽契悟。未幾。宿命遂通。相傳言誦法華經。故以爲名。時獨語笑多行市里。或舉手畫空。佇立良久。從屠沽游。飲啖無所擇。道俗共目爲狂僧。有問師凡耶聖耶。言舉手曰。我不在此住。丞相呂



夷簡一日預化疏請法華齋明日果到坐於堂上簡拜問佛法大意曰本來無一物一味總成眞又問未來感否言索筆大書亳州二字後簡罷相知亳州始悟前識集僊王質問如何是祖師西來意曰青山影裏澄藍起寶塔高吟撼曉風曰請法華燒香曰未從齋戒竟不向佛邊求助教徐岳問祖師西來意曰街頭東畔底曰不會曰三般人不會仁宗國嗣未立夜焚香默禱翼日具齋虔請法華大士清旦帝道衣擬立以待俄侍衛馳奏言法華直趨寢殿禁兵呵止不得帝笑曰朕請之來耳有頃至竟升御榻跏趺而坐受供訖將去帝以儲嗣爲問索筆大書三十三數行鄭筆去至英宗卽位乃濮安懿王第十三子也慶曆戊子十一月日將化謂人曰吾從無量劫來成就逝多國土分身揚化今南歸矣言畢右脇而逝

庚子達觀墨頴禪師入寂谷隱聽法嗣臨濟第七世

墨頴住金山嘉祐四年除夕遣侍者馳書別揚州刁景純曰明旦當行不暇相見厚自愛景純開書大驚曰當奈何復書訣別而已中夜報揚州馳書船將及

岸頴欣然遣搗鼓陞座叙出世本末謝裨贊叢林者勤修勿怠下座曰吾化後當以賢監寺次補讀景純書畢大衆擁步上方丈頴跏趺揮令各遠立良久乃化○洪英游西山與潘與嗣同宿雙嶺嗣曰龍潭見天皇時節冥合孔子英驚問故曰孔子曰三子以我爲隱乎吾無隱乎爾我無行而不與二三子者是丘也師以爲何如英笑曰楚人以山雞爲鳳世傳以爲笑不意居士此語相類汝擎茶來我爲汝接汝行益來我爲汝受汝問訊我起手若言是說說箇甚麼若言不說龍潭何以便悟此所謂無法可說是名說法以世尊之辯亦不能加此兩句耳學者但求解會譬如以五色圖畫虛空鳥窠無佛法可傳授不可默坐閑拈布毛吹之侍者便悟學者乃曰拈起布毛全體發露似此見解未出教乘其可稱祖師門下客哉九峰被人問深山裏還有佛法也無不得已曰有及被窮詰無可有乃曰石頭大者大小者小學者卜度曰利說衆生說三世熾然說審如是教來自足何必更問祖師西來意言耶要得脫體明去譬如眼病人

求醫治之。醫者但能去翳膜。不曾以光明與之。嗣推牀驚曰。吾憂續翠法道未有繼者。今知盡在子躬。厚自愛。雙嶺顧問菴中老師好問學。者併却咽喉唇吻道取一句首座。曾道得麼。英乾笑曰。而有偈曰。阿家管醋三尺。啄新頰洗面。摸著鼻道。吾答話得腰。視立沙開書。是白紙。願屈服以爲名下。無虛士。

辛丑 契嵩禪師進傳法正宗記

契嵩字仲靈。自號潛子。生藤州鍾津李氏。十三得度。十四受具。十九游方。時寧風鄉有異女子姚道姑。年百餘歲。面如處子。精嚴住山。嵩造焉。姑留之。信宿中。夜聞池中有如曳銅器聲。嵩問姑。姑曰。噫。此龍吟也。聞者瑞徵。子後當有大名於世行矣。無滯於是。遂下江湘。涉衡嶽。謁神鼎。譔不契。至袁筠。受記。蒞於曉聰。遊匡山。開先主者。命掌書記。嵩笑曰。我豈爲汝一盃薑杏湯耶。去之。居杭之西湖三十年。閉關不妄交。夜則頂戴觀音像。誦其號。必滿數萬聲。乃寢。自是世間經書章句。不學而能作。原教論十餘篇。以抗宗韓排佛之說。撰傳法正宗記。定祖圖。以摩訶迦葉獨得大

法眼藏爲初祖。推至達磨爲二十八祖。密相付囑。不立文字。謂之教外別傳。書成。齋往京師。并上仁宗萬言書。其略曰。需者以文排佛。而曰尊一王之道。慕三代之政。是安知佛之道與王道合也。夫王道者。皇極也。皇極者。中道之謂也。而佛之道。亦曰中道。中正不偏。大略與儒同。及其推物理而窮神極妙。則與世相萬矣。二帝三皇。庸知非佛者之變耶。佛者。非二帝三皇之本耶。陛下舉皇極以臨天下。任賢才。庸政事。號令賞罰。不失其信。制度文物。不失其宜。則佛氏之道。在陛下之治體矣。經曰。治世語言。資生業等。皆順正法。此之謂也。此推聖人之遠體。不止論其近跡耳。然遠體者。人多不見。近跡者。僧多束執。幸陛下發其遠體。使儒者知之。論其近跡。使僧者通之。夫跡屬教體。屬道非道。則教無本。非教則道不顯。論者不探其所。以爲教之深遠者。第見其徒不事事。不躬衣食。以爲詭異。徒惡黑鷄爲患。而不見豚患之深也。黑鷄不過變其皮膚。若豚患至深。則絕人性命也。聖人導之割情愛。委身世。欲其全性命之至本。以治生死之大病。

所謂治其出世者也。佛法大要在人正其心心果正。則其爲道也至爲德也盛。此乃陛下自知而自得。然必陳之云云者。蓋欲詔以示學者。使其知佛之法有益於帝王之道。德如此也。又佛者神靈睿智。古云大不測人也。所得之道妙乎天地鬼神。而天地鬼神嘉之。河海方波濤洶湧。其舟欲沒。及投以佛經。則波清水平民得無害。雨暘不時。以其法禱之。天地而雨暘時。若與陛下禋天地祀社稷禱百神。而與民爲福者。何以異乎。祭法曰。法施於民。則祀之。能禦大菑捍大患。則祀之。今佛法上則密資天子之道德。次則與天下助教化。其次則省刑罰。又其次則與天下致福却禍。以先王之法裁之。可斥乎可事乎。又儒經佛經。意似者數端。合而蘊之。若待佛教發明。而意密且遠。後儒注解。率於訓詁。不能遠見聖人奧旨。豈非傳所謂夫子之文章。可得而聞也。夫子之言性與天道。不可得而聞也。云云。凡數萬言。書上知開封府王素奏聞。帝覽其書。嘉嘆久之。敕送宰相韓琦等。躬自詳閱。○重元青州孫氏子。出家受具。遊方參義。懷悟旨懷嘗

曰。此吾家千里駒也。後住魏府天琳寺。示衆佛法。在日用處。在行住坐臥處。喫粥喫飯處。語言相問處。所作所爲。舉心動念。又却不是也。又曰。時當缺減人壽。少有登六七十者。汝輩入我法中。整頓手脚。未穩早。是三四十年。須臾衰病至。衰病至。則老至。老至。則死。至前去幾何。尙復恣意。何不初中後夜。純靜去。文彥博以使相鎮北京。一日元來謁別博。曰。師老矣。復何往。曰。入滅去。博笑謂其戲語。躬自送之。歸與子弟言。其道韻深穩。談笑有味。非常僧也。使人候之。果已坐脫。大驚嘆異。時方盛暑。香風襲人。久之闌維。烟色白。瑩舍利無數。博親往臨視。執上所賜白琉璃瓶。置坐前。祝曰。佛法果靈。願舍利填吾罅。言卒。烟自空而降。布入瓶中。烟滅舍利如所願。博自是竭誠內典。恨知之暮。○文彥博字寬夫。歷仕四朝。出入將相五十餘年。封潞國公。守洛陽。日嘗致齋往龍安寺。瞻禮聖像。忽見像墮地。略不加敬。但瞻視而出。旁有僧曰。何不作禮。博曰。像既壞。吾將何禮。僧曰。譬如官路土人。掘以爲像。智者知路。土凡人謂像生。後來官欲行還。

將像填路像本不生滅路亦無新故博聞之有省繇是慕道益力專念阿彌陀佛辰香夜坐未嘗少懈每發願曰願我常精進勤修一切善願我了心宗廣度諸含識乃與淨嚴集十萬人爲淨土會臨終安然念佛而化壽九十二○歐陽修字永叔官至參知政事居洛時遊嵩山却僕吏放意而往至一寺傍有老僧閱經自若修問誦何經曰法華曰古之高僧臨死生之際類皆談笑脫去今何寂寥無有老僧笑曰古人念念定臨終安得亂今人念念亂臨終安得定修大嘆服後以觀文殿學士太子少師致仕居潁州因潁守道修顯禪師德業備饌延顯遽問曰浮圖之教何爲者顯乃歎論指妙揮微修竦然曰吾初不知佛書其妙至此易簣時召子弟切誡之曰吾生平以文章名當世力詆浮圖今此衰殘忽聞奧義方將研究命也奈何汝等勉旃無蹈後悔修乃捐酒肉徹聲色灰心默坐令老兵近寺借華嚴讀至八卷安坐而薨

壬寅宋仁宗賜傳法正宗記等書入藏

契嵩所進傳法正宗記等書宰相韓琦而下相與觀

嘆探經考證既無訛謬嘉祐七年三月日賜書入藏復下詔褒寵賜紫方袍號明教禪師高再拜辭讓不許韓琦富弼等而下皆延見而尊禮之歐陽修不喜佛教及見其文謂琦曰不意僧中有此郎耶與語終日大見稱賞留居閔賢寺不受再請東還律學者憎疾造論非之嵩益著書援引左證禪門增氣○守芝化後文悅東游三吳所至叢林改觀雪竇尤敬畏之每集衆茶必橫設特榻以示禮異出世南昌翠巖未幾住法輪給春監刈皆自董之見挾懷負包而至者則喜見荷擔者蹙頞曰未也更三十年跨馬行脚也俄遷雲峰嘉祐七年七月八日陞座辭衆說偈曰住世六十六年爲僧五十九夏禪流若問旨歸鼻孔大頭向下遂泊然而化闍維得五色舍利塔焉○祖心南雄鄔氏子年十九日盲父母許以出家遂復明試經得度棄去入叢林參文悅三年難其孤硬告悅將去悅曰必往依黃檗南公心至黃檗四年不大發明又辭再上雲峰會悅謝世就止石霜無所參決因閱傳燈至僧問多福如何是多福一叢竹福曰一莖兩

整斜僧曰。不曾福曰。三整四整。曲心於此。頓悟徹見。二師用處。徑回黃藥。方展坐具。南笑曰。子已入吾室矣。心踴躍曰。大事本來如是。和尚何得教人看話下語。百計搜尋。南曰。若不令汝如此尋究。到無用心處。自見自肯。即吾埋沒汝也。心從容游泳。時時往決雲門語句。南曰。知是般事。便休汝用許多工夫作麼。曰。不然。但有纖疑。在不到無學。安能七縱八橫。天迴地轉哉。南肯之。○慧南過法昌。值倚遇栽松次。南曰。小院子栽許多松作麼。曰。臨濟道底。曰。栽得多少。曰。但見猿啼鶴宿。從漢侵雲。南指石曰。這裏何不栽。曰。功不浪施。曰。也知無下手處。遇指石上松。曰。此從何處得來。南大笑曰。蒼天蒼天。作偈曰。頭戴華巾。離少室。手携席帽。出長安。驚峰峰下重相見。鼻孔元來總一般。又畫此。○相示遇遇曰。葫蘆棚上掛冬瓜。麥浪堆中釣得蝦。誰在畫樓沽酒處。相要來喫趙州茶。又畫此。○粗答之。南又偈曰。鐵牛對對黃金角。木馬雙雙白玉蹄。爲愛雪山香草細。夜深乘月過前谿。又畫此。○相示遇遇和曰。玉麟帶月離霄漢。金鳳銜花下彩

樓野老不嫌公子醉。相將携手御街遊。復畫此。○相答之。○慧南過雙嶺。慶閑往謁南。問甚處來。曰。百丈。曰。幾時離彼。曰。正月十三日。脚跟好痛。與三十棒。曰。非但三十棒。南喝曰。許多時行脚。無點氣息。曰。百千諸佛。亦乃如是。曰。汝與麼來。何曾有纖毫到諸佛境界。曰。諸佛未必到慶閑境界。南隨問。如何是汝生緣。處曰。早晨喫白粥。如今又覺飢。曰。我手何似佛手。曰。月下弄琵琶。曰。我脚何似驢脚。曰。鷺鷥立雪。非同色。南咨嗟而視曰。汝剃除鬚髮。當爲何事。曰。只要無事。曰。既無事。何須剃髮。曰。若不剃髮。爭知無事。曰。與麼則。數聲清磬。是非外一箇閑人。天地間也。曰。是何言。歎曰。靈利衲子。曰。也不消得。南便喝。閑拍一拍。南又喝。閑便出。復侍次。南曰。此間有辯上座者。汝著精彩。曰。他有什麼長處。曰。他拈汝背一下。又如何。曰。作什麼。曰。他展兩手。曰。甚處學這虛頭來。南大笑。閑却展兩手。南喝。閑便出。齋後又侍立。南問。懽懽鬆鬆。兩人共一碗。作麼生會。曰。百雜碎。曰。盡大地是箇須彌山。提來掌中。汝又作麼生會。曰。兩重公案。曰。這裏從汝



胡言漢語若到同安如何過得。英邵武在同安作首座開欲往見之。

渠也須到這箇田地始得。曰忽被渠指火爐曰這箇是黑漆火爐那箇是黑漆香卓甚處是不到處。曰慶閑面前且從怎麼說話若自別人笑和尚去南拍一拍閑便喝明日同看僧堂南曰好僧堂閑曰極好工夫曰好在甚處曰一梁柱一柱曰此未是好處曰和尚又作麼生南以手指曰這柱得與麼圓那枋得與麼圓曰人天大善知識須是和尙始得便出南出堂外曰適來與麼是肯你不肯你曰若與麼何曾得安樂處閑上方丈問訊南曰據汝知見祇得上梢不得下梢曰某甲上梢亦得下梢亦得曰如何是上梢曰風過樹頭搖曰如何是下梢曰刀斫斧鑿曰老僧即不然曰如何是上梢曰頭鬚鬆耳卓朔曰如何是下梢曰繫峭草鞋曰謝師答話南便喝明日侍立南問得坐披衣向後如何施設曰遇方即方遇圓即圓曰汝與麼說話猶帶唇齒在曰慶閑即與麼和尚作麼生曰近前來爲汝說閑拈掌曰三十年用底今朝捉敗南大笑曰一等是精靈閑拂袖而去

癸元淨法師住天竺

元淨字無象於潛徐氏子出家就學於慈雲聞講止觀方便五緣忽然契悟弘天台教號稱第一嘉祐末年翰林沈遘撫杭謂上天竺本觀音道場以音聲爲佛事者非禪那居請淨以教易之○道圓南雄州人游方依慧南一日燕坐下坂聞兩僧舉百丈野狐因緣一僧曰只如不昧因果也未脫得野狐身一僧曰便是不落因果何曾墮野狐身圓悚然異其語急行上菴頭過澗忽大悟見南叙其事未終涕洟交頤南令就侍者榻熟寐忽起作偈曰因果不落不昧僧俗本無忌諱丈夫氣宇昂藏爭受囊藏被蓋一條柳標任縱橫野狐跳入金毛隊南大笑

甲辰法遠禪師退居會聖巖

法遠住浮山既老退休於會聖巖因閱班固九流遂擬之作九帶叙佛祖教義博採先德機語參同印證一曰佛法眼帶二曰佛法藏帶三曰理貫帶四曰事實帶五曰理事縱橫帶六曰屈曲帶七曰妙叶衆帶八曰金鍼雙鎖帶九曰平懷常實帶學者既已傳

誦遠曰。若據圓極法門。本具十數。今此九帶。已爲諸人說了。更有一帶。還見得麼。若也見得。親切分明。却請出來。說看。說得分明。許汝通九帶圓明。這眼若見不親切。說不相應。惟依吾語。而爲已解。則名謗法大衆到此。如何衆無語。遠叱之。去。初學士歐陽修。聞遠奇逸。造其室。與客棋。遠坐其旁。修遽收局。請遠因棋說法。乃鳴鼓升座。曰。若論此事。如兩家著棋。相似何謂也。敵手知音。當機不讓。若是綴五競三。又通一路。始得有一般底。只解閉門作活。不會奪角衝關硬節。與虎口齊。彰局破後。徒勞遑幹。所以道。肥邊易得瘦。肚難求。思行則往往失粘。心竊而時時頭撞。休誇國手。謾說神仙。贏局輸籌。卽不問。且道黑白未分時。一著落在什麼處。良久曰。從來十九路。迷悟幾多人。修嘉嘆久之。遠少時。嘗與達觀。領遊蜀。幾遭竄迹。遠以智脫之。衆號遠錄公。○義讓自鐵佛至天衣。五遷法席。皆荒涼處。懷至必幻出樓觀四事。成就甲辰。退居吳江。聖壽晚來。以疾居池州杉山菴。門弟子智才住杭州。佛日迎歸。侍奉才如蘇城未還。懷促其歸。及

踵門懷曰。時至吾行矣。才曰。師有何語示徒。乃說偈曰。紅日照扶桑。寒雲封華嶽。三更過鐵圍。拶折驪龍角。才問。邪塔已成。如何是畢。竟事。懷舉拳示之。遂就寢。推枕而寂。○初義懷退居聖壽。漕使李復圭過。懷夜語曰。瑞光法席。虎願得有道衲。子主之。懷指本曰。無踰此道人。旣至瑞光。開堂曰。集衆擊鼓。鼓旋於地。圓轉震響。衆驚。却有僧出曰。此和尚法雷震地之祥也。言畢。失僧所在。○可真住山。好問僧魯祖常見僧來參。何故便面壁去。未有契其機者。自作偈曰。坐斷千山與萬山。勸人除却是非纏。池陽近日無消息。果中當年不目覩。有黃國博問百丈華。既是百丈爲甚。却短小華曰。今日行天晴。黃不契。語真代語。且曰。但問將來黃再問。真曰。須彌南畔。把手同行。黃曰。恩。問意。言如何。曰。蚊子咬鐵牛。黃又佇。恩曰。不會。請和尚爲某甲說。曰。你離却妻子。來老僧爲你說。曰。祇和尚還行得麼。曰。上藍寺裏送客。一日行百千遭。真將化示疾。甚苦。語藁於地。經則不少。休詰侍者垂泣曰。平生訶佛罵祖。今何爲乃爾。真熟視呵曰。汝亦作此。

見解耶。卽起趺坐。呼侍者。燒香烟。起入寂。

### 乙守端禪師傳法法演

法演。綿州鄧氏子。年三十五。祝髮。受具。在受業寺。逐字禮蓮經。一夕。遇屎字欲唱。禮遽疑。乃白諸老宿曰。如何屎字。亦稱法寶。老宿曰。據汝所問。正是宗門中根器也。又一日。往成都。習百法。惟識論。因聞菩薩入見道時。智與理。冥境與神。會不分能證。所證。西天外道。嘗難比丘曰。既不分能證。所證。却以何爲證。無能對者。外道貶之。令不鳴鐘鼓。反披袈裟。立契至。彼救此義曰。如人飲水。冷暖自知。乃通其難。演曰。冷暖則可知矣。如何是自知底事。遂質本講本。講曰。汝欲明此。當往南方。扣傳佛心宗者。演遂南遊。抵興元。經時逗留。隨房僧赴請。本師聞之。寄信至演。演開緘。只見兩行字云。汝旣出得醋甕。又却淹在醬缸裏。演卽往浙西參宗。本舉古今因緣會盡。惟不會僧問。興化四方八面來時。如何化云。打中間底僧作禮化云。我昨日赴箇村齋。中途遇一陣卒風暴雨。却向古廟裏避得過。請益本本曰。此是臨濟下因緣。須是問他家兒孫始得。演遂謁法遠。請益前話。遠曰。我有箇譬喻。你一似三家村裏賣柴漢。子把箇匾擔向十字街頭立。地問人中書堂。今日商量甚事。演默計曰。若如此大故。未在這知演根器。異一日語曰。吾老矣。恐虛度子光陰。可往依白雲。此老雖後生。吾未識面。但見其頌臨濟三頓棒話。有過人處。必能了子大事。演潛然禮辭。至白雲守端曰。川嘉苴汝來耶。遂舉僧問南泉摩尼珠話。請問端叱之。又端示以世尊有密語迦葉不覆藏因緣。久之未契。一日自廊趨上法堂。疑情頓息。獻投機偈曰。山前一片閑田地。叉手叮嚀問祖翁。幾度賣來還自買。爲憐松竹引清風。端特印可曰。栗棘蓬。禪屬子矣。○祖心旣受心印。復往謁可。眞眞與語。大奇之。依止二年。而眞歿。乃還黃檗。南使分座接納。○黃檗積翠永菴主。嘗問僧審奇。汝久不見何所爲。奇曰。見偉藏主。有箇安樂處。永曰。試舉似我。奇因叙其所得。永曰。汝是偉未是奇。莫測。歸以語偉。偉大笑曰。汝非永。不非也。奇走精翠。質之於南。南亦大笑。永聞之作偈曰。明暗相參殺活機。大人境界普賢知。同

孫始得。演遂謁法遠。請益前話。遠曰。我有箇譬喻。你一似三家村裏賣柴漢。子把箇匾擔向十字街頭立。地問人中書堂。今日商量甚事。演默計曰。若如此大故。未在這知演根器。異一日語曰。吾老矣。恐虛度子光陰。可往依白雲。此老雖後生。吾未識面。但見其頌臨濟三頓棒話。有過人處。必能了子大事。演潛然禮辭。至白雲守端曰。川嘉苴汝來耶。遂舉僧問南泉摩尼珠話。請問端叱之。又端示以世尊有密語迦葉不覆藏因緣。久之未契。一日自廊趨上法堂。疑情頓息。獻投機偈曰。山前一片閑田地。叉手叮嚀問祖翁。幾度賣來還自買。爲憐松竹引清風。端特印可曰。栗棘蓬。禪屬子矣。○祖心旣受心印。復往謁可。眞眞與語。大奇之。依止二年。而眞歿。乃還黃檗。南使分座接納。○黃檗積翠永菴主。嘗問僧審奇。汝久不見何所爲。奇曰。見偉藏主。有箇安樂處。永曰。試舉似我。奇因叙其所得。永曰。汝是偉未是奇。莫測。歸以語偉。偉大笑曰。汝非永。不非也。奇走精翠。質之於南。南亦大笑。永聞之作偈曰。明暗相參殺活機。大人境界普賢知。同

條生不同條死。笑殺菴中老古誰。

乙 惟勝禪師住黃檗

惟勝潼川羅氏子。居講肆時。偶以扇勸窓。儒有聲忽憶教中道。十方俱擊鼓。十處一時聞。因有省。入進白本講。本講令參方勝。乃逕往黃檗。參慧南。證悟心地。至是。南有退居之意。瑞州太守委南選。黃檗主人南乃集衆垂語曰。鐘樓上念讚牀。脚下種菜。若人道得。便令住持。勝出衆答曰。猛虎當路坐。南大悅。遂自退居。積翠令勝住黃檗。○修顯趙城梁氏子。幼不拜神祠。不受書訓。嘗曰。當爲人天師。安慕此耶。遂游方。造瑞光參宗本。因舉無著問天親。彌勒說什麼云。只說這箇法。忽有省。晨夕參叩。一日登廁。捺倒打破水瓶。遂悟作頌曰。這一交。這一交。萬兩黃金也。合消頭上笠。腰下包。清風明月杖頭挑。本印可之。出世資壽。歷遷大利。又遷投子叢林。號曰顯華嚴。○克文閩鄉鄭氏子。生而傑異。既長。喜觀書。不緣師訓。自然通曉。事後母至孝。母罵數困辱之。父不忍。使游學至北塔。聞思廣說法。感泣裂縫掖而師之。廣笑曰。君妙年書。

生政當睡。手取高第榮親。乃欲委跡寂寞。豈計之未熟耶。曰。心空及第。豈止榮親。又將濟之。委跡寂寞。非所同也。廣奇之。服勤五年。剃染。受具。游京師講席。因經行龍門。殿廡間見塑比丘像。瞑目如在。定翻然自失。謂其伴曰。我所負如吳道子畫人物。雖曰妙盡。然終非活者。吾將南遊。到雲居謁曉舜。機不契。到德山。夜參有六祖不及雲門之語。失笑黎明發去。聞文悅之風。兼程而往。至湘鄉。悅已入寂。嘆曰。既無其人。吾何適而不可。山川雖佳。未暇遊也。坐夏。大瀉。夜聞僧誦雲門語。僧問佛法如水中月。是否。門云。清波無透路。豁然有省。遂造黃檗。適惟勝爲首座。慧南舉鐘樓上念讚牀。脚下種菜。話令衆下。語勝曰。猛虎當路坐。南喜之。遂退院。令勝住黃檗。文三到菴。語不契。乃曰。此老只是箇修行僧。不會我說話。遂往香城。見順順語話好。葛藤諸方。號爲順婆婆。問文近離甚處。曰。黃檗曰。菴頭老子安樂否。曰。安樂。曰。甚處人氏。曰。關西。曰。說話不似關西人。曰。幼曾遊學。曰。甚處爲僧。曰。從北塔廣和尚落髮。又問。新黃檗如何。曰。甚好。曰。渠只。







吾至江西。恨未識南公。傑曰。有心上座在漳州。公能自屈不待見南也。倚見心劇。談神思傾豁。至論鑒論。會萬物爲自己者。及情與無情共一體時。有狗臥香卓下。心以壓尺擊狗。又擊香卓。曰。狗有情。即去。香卓無情。自住。如何得成一體。倚不能對。心曰。纔涉思維。便成剎法。何曾會萬物爲自己哉。○法演既受守端心印。端令掌磨事。一日。端至。語演曰。有數禪客自廬山來。詰之皆有悟入處。教伊說。亦說得有來。繇畢。因緣問伊。亦明得教伊下。語亦下得。祇是未演。於是大疑。私自計曰。既悟了。說亦說得。明亦明得。如何却未在。遂參究累日。忽然大悟。從前寶惜一時放下。走見端。端爲手舞足蹈。演亦一笑而已。演後曰。吾因茲出一身白汗。端一日示衆曰。古人道。如鏡鑄像。像成後。鏡在甚麼處。衆下語不契。舉問。演演近前。問訊曰。也不較多。端笑曰。須是道者。始得。乃命分座。

戊申 德普參慧南禪師

德普。綿州蒲氏子。得度。受具。解惟識起信論。兩川無敢詰難。號爲義虎。時惟勝還自江西。呂大防出鎮成

都。執弟子禮。日夕造室。普竊聽其議。一不能曉。歸臥看屋梁。曰。勝昔嘗業講。有聲。呂公世稱賢者。相與敬信如此。吾乃不信。可乎。乃出蜀。至荊州。金鑾夜與一衲俱。普問經論。何負禪宗。而長老多譏訶之。耶。曰。以其是識情義理。思想邊量。非能發聖得道。脫有得道發聖者。皆藉之以爲緣耳。倘不因自悟。惟經論是仗。則能讀能知。能見解者。皆證聖成道去矣。惟以死語。是所知障。故祖師西來也。如經言。一切衆生。本來成佛。汝信之乎。曰。世尊之語。豈敢不信。曰。既信矣。遠來何爲。曰。聞禪宗有別傳法。故來耳。衲笑曰。是則未信。非能信也。今積翠南禪師出世。久子見之。不宜後普。卽日遂行。熙寧元年。至黃龍。問阿難。問迦葉。世尊付金襴外傳。何法迦葉呼阿難難。應諾。迦葉曰。倒却門前刹竿。著意旨。如何。南曰。上人出蜀。曾到玉泉否。曰。曾到。又問。曾掛搭否。曰。一夕便發。南曰。智者道場。關將軍打供。與結緣幾時。何妨。普默然良久。理前問。南俛首。普趨出。大驚曰。兩川義虎。不消此老一唾。

己酉 黃龍慧南禪師示寂

慈明圓法嗣  
臨濟第八世

慧南住黃龍熙寧二年三月四祖演通法嗣書南上堂山僧才輕德薄豈堪人師蓋不昧本心不欺諸聖未免生死今先生死未出輪迴今出輪迴未得解脫今得解脫未得自在今得自在所以大覺世尊於然燈佛所無一法可得六祖夜半於黃梅又傳箇甚麼乃說偈曰得不得傳不傳歸根得旨復何言憶得首山曾漏泄新婦騎驢阿家牽翼日午時跌坐示寂闍維得五色舍利塔於前山○慧南入滅衆請祖心補住黃龍心欲舉圓我代之我掉頭徑去心遂繼其席○慧元住吳江壽聖寺遣僧投黃龍嗣法書南視其款識曰吾偶忘此僧謂專使曰書未欲開可令親來見老僧專使反命元卽腰包而來次南昌聞南已化去因留嘆息適祖心出城相會與語奇之曰恨老師不及見耳○熙寧二年行偉居仰山未暮年法席冠江淮平昔同參知名者皆集偉蒞事有法度嘗遣化十二輩以其名付維那使明日俱來受曲折及會茶輒失一人偉問爲誰曰永泰偉方經營中首座曰泰游山去請以他僧備員偉然之俄有告者曰泰實在

首座匿之以欺衆耳偉色莊使搜得之泰自陳怯弱懼失所受事首座實不知也偉令擊鐘集衆曰首座已分座授道又老師所賞識昧心罔衆他人猶不可乃甘自破壞乎遂與泰俱出院諸方服其公○慶閑依慧南南化後廬陵守張鑒請居隆慶院未期年鍾陵守王韶請居龍泉不逾年以病求去廬陵道俗聞其棄龍泉舟載而歸居隆慶西堂事之益篤

庚承皓禪師分座谷隱

承皓至襄陽分座谷隱有蜀僧依皓皓憐其年少有志稍爲誘掖僧亦效皓製犢鼻浣而曝之皓見曰我視何故在此曰某甲視也曰具何道理敢爾僧禮拜曰每蒙許與切所欣慕曰此豈戲論半年當嘔血死其僧果嘔血死○洪英住石門作偈寄同參曰萬鍛爐中鐵蒺藜直須高價莫饒伊橫來豎去呵呵笑一任傍人鼓是非熙寧三年六月知事紛爭止之不可英謂衆曰領衆不肅正坐無德吾有媿於黃龍呼維那鳴鐘陞座衆集叙行腳始末曰吾滅後火化以骨石藏普通塔明生死不離清衆也言卒而逝

辛亥居訥禪師入寂延慶梁法嗣雲門第五世

居訥初住圓通二十年移住四祖開元兩刹所至叢林號稱第一既老休居於寶積嚴訥臨衆簡嚴不妄言笑嘗誓定初叉手自如中夜漸升至膺侍者每視以候鷄鳴其精進如此熙寧四年三月無疾而化○守端住白雲郭祥正自富途往謁端問曰牛醇乎曰醇矣端遽厲聲叱之正不覺拱而立端曰醇乎醇乎南泉大潏無異此也於是鳴鼓陞座曰牛來山中水足草足牛出山去東顧西顧夜來枕上作得箇山頌謝功甫大儒廬山二十年之舊今日遠訪白雲之勳當須舉與大衆請已後分明舉似諸方此頌豈惟謝功甫大儒直要與天下有鼻孔納僧脫却著肉汗衫莫言不道乃曰上大人丘乙巳化三千七十七士爾小生八九子佳作仁可知禮也正切疑後聞小兒誦之忽有省以書報端端答偈曰藏身不用縮頭歛跡何須收脚金烏半夜撩天玉兔趕他不著○趙抃字悅道自號知非子至和中爲侍御居嘗以一琴一鶴自隨晝之所爲夜必焚香告天與天鉢寺重元爲方外

交會法泉居衢之南禪抃曰參扣泉未嘗容措一詞後牧青州政事之餘多宴坐忽大雷震即契悟作偈曰默坐公堂虛隱几心源不動湛如水一聲霹靂頂門開喚起從前自家底畢頭蒼蒼喜復喜剎利塵塵無不是中下之人不得聞妙用神通而已矣泉聞笑曰趙悅道撞彩耳抃嘗答富弼書略曰抃伏思西方聖人教外別傳之法不爲中下根機之所設也上智則頓悟而入一得永得愚者則迷而不復千差萬別惟佛與祖以心傳心其利生接物而不得已者遂有棒喝拳指揚眉瞬目拈椎豎拂語言文字種種方便去聖逾遠諸方學徒忘本逐末棄源隨波滔滔皆是斯所謂可憐憫者矣抃不佞去年秋初在青州因有所感既已稍知本性無欠無餘古人謂安樂法門信不誣也此蒙太傅侍中俾求禪錄抃素出恩紀聞之喜快不覺手舞而足蹈之也伏惟執事富貴如是之極道德如是之盛福壽康寧如是之備退休閑逸如是之高其所未甚留意者如來一大事因緣而已今茲又復於真性有所悟入抃敢爲賀於門下也

王白雲守端禪師示寂揚枝會法嗣  
臨濟第九世

熙寧五年守端示寂壽四十八以大法授法演

○克文禪師開法聖壽

熙寧五年克文至高安太守錢弋來訪談久弋如廁  
文令侍者引從西邊去弋遽曰既是東司爲甚麼向  
西去文曰多少人向東邊討文報謁弋有笑逸出文  
少避乃進弋戲曰禪者教誨龍虎反畏狗手文應聲  
曰易伏隈巖虎難降護宅龍弋大喜遂遣使請文居  
聖壽寺文方飯於州民家使至遁去繫同席數十人  
有見於新豐山寺者因叩首泣下曰師不往吾黨受  
苦矣文曰以我故累君輩如此因受之遂闡法焉示  
衆此箇事論實不論虛參須實參悟須實悟若纖毫  
不盡總落魔界古人道平地上死人無數過得荆棘  
林是好手如今人多是得箇身心寂滅前後際斷一  
念萬年去休去歇去似古廟裏香爐去冷冰冰地去  
便爲究竟殊不知却被此勝妙境界障蔽自己正知  
見不能現前神通光明不得發露或有執箇一切平  
常心是道以爲極則天是天地是地山是山水是水

僧是僧俗是俗大盡三十日小盡二十九此依草附  
木不知不覺一向迷將去凡百施爲須要平常一路  
子以爲穩當究將去合將去更不敢別移一步怕墮  
坑落塹長時一似雙盲底人行路一條拄杖子寸步  
拋不得緊把著憑將去步步依倚一日若道眼豁開  
頓覺前非拋却杖子撒開兩手十方蕩蕩七縱八橫  
東西南北無不可豈可一向依他門戶傍他行脚  
有甚快活自己畢竟如何雲門大師道而今天下老  
和尚多是師承學解露布葛藤印板上打來模子裏  
脫出當人若是明去何不一切臨時又臨濟大師云  
我這裏是活祖師西來意把來使用立處皆眞他不  
說古又如何今又如何這語得那語不得那裏是虛  
這裏是實你與我拈出絲毫許實底道理來看此蓋  
當人眼不開自無見處一向承磨接響百般忌諱自  
纏自縛直饒與麼說當下忽然見得個儻分明去也  
是棺木裏瞪眼又示衆洞山門下無佛法與人祇有  
一口劍凡是來者一一斬斷使伊性命不依見聞俱  
泯却向父母未生前與伊相見見伊擬近前便與斬

新然則剛刀雖利不斬無罪之人莫有無罪底麼也  
好與三十拄杖又示衆天地與我同根萬物與我一  
體脚頭脚尾橫三豎四北俱盧洲火發燒著帝釋眉  
毛東海龍王忍痛不禁轟一箇霹靂直得傾湫倒嶽  
雲暗長空十字街頭廖胡子醉中驚覺起來拍手呵  
呵大笑云筠陽城中近來少賊乃拈拄杖云賊賊

○明教契嵩禪師入寂

洞山聰法嗣  
雲門第五世

契嵩自京師還益著書學士蔡襄延住佛日寺數年  
退老於靈隱之北永安蘭若清旦誦金剛般若經不  
輟齋罷讀書賓客至清談不及世事熙寧五年六月  
日晨輿駕偈曰後夜月初明吾今獨自行不學大海  
老貪聞聶蜜聲至中夜而化茶毗不壞者五頂耳舌  
童眞及常所持數珠頂骨出舍利紅白晶潔狀如大  
菰壽六十六夏五十三有文集百餘卷行於世

癸丑海月慧辯法師入寂

慧辯字訥翁華亭富氏子居杭州天竺講席蘇軾時  
爲通守嘗爲方外游講授二十五年往來嘗千人無  
何歸隱草堂熙寧六年冬旦起盥濯別衆而化○義

青青社李氏子出家得度其師使習百法論未幾嘆  
曰三祇途遠自困何益乃入洛聽華嚴經五年反觀  
文字一切如肉受串處處同其義味嘗講至諸林菩  
薩偈曰卽心自性忽猛省曰法離文字寧可講乎卽  
棄去遊方至浮山時法遠退居會聖巖夢得俊鷹畜  
之覺而青至速以爲吉徵禮延之令看外道問佛不  
問有言不問無言因緣經三載遠問曰汝記得話頭  
麼試舉看青擬對遠以手掩其口青了然開悟遂禮  
拜遠曰汝妙悟玄機耶曰設有也須吐却時孜侍者  
在旁曰青華嚴今日如病得汗青回顧曰合取徇口  
自此復經三年遠出洞下宗旨示之青悉妙契遂付  
大陽衣履曰代吾續洞上宗風善自護持○杜衍與  
張方平皆致政居睢陽衍每笑平佞佛對賓客必嘲  
之平但笑而已有求承事者以醫學游二老之間謂  
平曰杜公天下偉人惜未知此事公何不勸發之平  
曰君與此老緣熟勝我我止能助之耳一日衍召朱  
切脉甚熟朱謂使曰汝先往白相公但云看楞嚴未  
了使者馳白衍默然久之乃至衍曰老夫以君疏通



解事不意近亦例。鬻茸如所謂楞嚴何等語。乃爾就着聖人微言。無出孔孟。捨此取彼。是大惑也。朱曰。相公未讀此經。何以知不及孔孟。以某觀之。似過之也。袖中出其首卷曰。相公試閱之。衍取默看。不覺終軸。忽起大驚曰。世間何從有此書。耶。遣使盡持其餘來。徧讀之。捉朱手曰。君真我知識。安道知之。不以告我。何哉。卽命駕見平。平曰。譬如人失物。忽已尋得。但當喜其得。不必悔其晚也。僕非不相告。以公與朱君緣熟。遣之耳。雖佛祖化人。亦必藉同事也。衍大悅。衍字世昌。慶曆中。號清白宰。相封祁國公。

乙淨端禪師住湖州西余

淨端吳興丘氏子。出家受具。習天台教。聽楞嚴經。至七徵入。還以頌自跪曰。七處徵心。徵不遂。憶阿難不瞥地。直教徵得見無心。也是泥裏澆土塊。入還之教。傳來久。自古宗風各分剖。假饒還到不還時。也是蝦跳不出斗。遂作偈別本講曰。彎彎曲曲似門鉤。一番拈起一番愁。不如做箇禪和子。參到無心却便休。參齊岳於室中默契。卽出庭下。翻身自擲岳印可之。

後見弄師子。益有警悟。遂合綵爲師子皮披之。因號端師子。住西余。西余去湖州密邇。每雪朝。著綵衣入城。小兒爭譁逐之。從人乞錢。得卽以施。貧者嘗誦法華經。又好歌漁父詞。有狂僧號回頭。以左道惑衆。與潤守呂公方食肉。端徑趨主。指曰。正當與麼時。如何是佛。回頭窘無以對。端捶其頭。推倒而去。又有妖人號不托。掘秀州城外地。有佛像。建塔其上。傾城敬信。端見。擲住問曰。如何是佛。不托擬議。端趨之而去。○張伯端字平叔。天台人。嘗入成都。遇真人授金丹藥物火候之訣。乙卯述悟真篇。又徧參禪門。有省。讀祖英集。頌明心地。乃曰。丹是色身至寶。鍊成變化無窮。更能性上悟真宗。決了無生妙用。後跌坐而逝。火化得舍利千百粒。既而又有入見之者。

丁僧印禪師入寂

承天簡法嗣

僧印住瑞安。熙寧十年九月。沐浴更衣。留偈曰。倚空靈劍冷光浮。佛祖魔軍一刀收。帶月吼風歸寶匣。鐵牛驚散曲江頭。言訖。跌坐而逝。茶毗。獲舍利五色。戊午。吳恂居士參祖心禪師。

吳恂字德夫元豐元年任豫章法曹時郡帥王詔迎祖心入城恂亦往參心曰公平生學解記憶多聞即不問父母未生前道將一句來恂無對遂日夕提撕此語忽自知有機未發偶閱鄧隱峰傳見其倒卓化去衣亦順身不礙忽疑曰彼化之異故莫測而衣亦順之何也以問心心曰公今侍立是順耶是逆耶曰是順曰還疑否曰不疑曰自既不疑何疑於彼恂言下開解呈三偈曰中無門戶四無旁學者徒勞捉影忙珍重故園千古月夜來依舊不曾藏廬峰居士舊門人描得師真的親大地撮來成箇眼翻騰別是一般新咄這多知俗漢咬盡古今公案忽於狼籍堆頭拾得蠅螟糞彈明明不直分文萬兩黃金不換等閑拈出示人祇爲走盤難看喫心亦送二偈曰水中得火世還稀看着令人特地疑自古不存師弟子如今却許老胡知海門山險絕行蹤踏斷牢關信已通自有太平基業在不論南北與西東○悟新曲江黃氏子生有紫肉幕左肩右袒如僧伽黎狀魁岸黑面如梵僧及壯落髮以氣節蓋衆好面折人初謁法秀

秀問上座甚麼處人曰廣南韶州曰曾到雲門否曰曾到曰曾到靈樹否曰曾到曰如何是靈樹枝條曰長底自長短底自短曰廣南蠻莫亂統曰向北驢只恁麼拂袖而出乃之黃龍謁祖心心豎拳問曰喚作拳頭則觸不喚作拳頭則背汝喚作甚麼新問措經二千方領解然尙談辯無所抵牾悟心患之偶與語至其說心遽曰住住說食豈能飽人新窘無以對從容白曰悟新到此弓折箭盡望和尚慈悲指箇安樂處心曰一塵飛而翳天一芥墮而覆地安樂處政忌上座許多骨董直須死却無量劫來偷心乃可耳新趨出一日默坐小板聞知事捶行者而迅雷忽震却大悟趨見心忘納其屨曰自譽曰天下人總是參得底新是悟得底心笑曰選佛得甲科何可當也因說死心雙榜其居曰死心室○法秀初住淮西四面及遷棲賢蔣山長蘆元豐間樞密蔣頴叔與秀爲方外友叔撰華嚴經解三十篇頗負其知見漕淮上至長蘆訪秀因題方丈壁曰余凡三日遂成華嚴解我於佛法有大因緣異日當以此地比覺城東際惟具佛眼者

當知之。秀曰：公何言之易耶？夫華嚴者，圓頓上乘，乃現量所證。今言比覺城東際，則是比量，非圓頓宗。又云：異日且一真法界，無有古今。故云：十世古今始終不移於當念。若言異日，今日豈可非是乎？又云：具佛眼者，方知經云：平等真法界，無佛無衆生。凡聖情盡，彼我皆忘。豈有愚智之異？若待佛眼，則天眼人眼，豈可不知哉？叔梅謝○贊元住蔣山熙寧初，王安石拜相，實震天下。無月無耗，元未嘗發石弟安上問佛法大意。元曰：佛祖無所異於人，所以異者，能自護心念耳。岑樓之木，必有本本於毫末；滔天之水，必有源源於蓋。鵲清淨心中，無故動念危乎？豈哉？甚於岑樓，浩然橫肆，甚於滔天，其可動耶？佛祖更相付授，必叮嚀曰：善自護持。曰：佛法止此乎？曰：至美不華，至言不煩。夫華與煩，去道遠甚，而流俗以之。申公論治世之法，猶謂爲治者不在多言，顧力行何如耳。況出世間法乎？元豐元年，石罷政府，舟至石頭，士大夫車騎填山谷，入寺已二鼓，元出迎，一揖而退，石坐東偏，從官賓客滿座。石環視問元所在，侍者曰：已寢久矣。

已承皓禪師開法大陽

元豐二年四月，張商英奉使荆西南路，聞谷隱首座承皓之名，致而見之，問曰：師法嗣何人？曰：復州北塔。曰：北塔有何言句？曰：只爲伊不肯與人說，破英稱善。遂請皓住大陽山。○趙抃致仕歸衢州，築居名曰高齋，有偈曰：腰佩黃金已退藏，箇中消息也尋常。時人要識高齋老，只是柯村趙四郎。復曰：切忌錯認。又誌其壽塋曰：吾政已致壽七十二，百歲之後歸此山地。彼真法身，不卽不離，充滿大千。普現悲智，不可得藏。不可得置。壽塋之說如是如是。元豐七年秋八月，忽一日，偏辭親友其子璣，問以後事，抃厲聲叱之，少頃，語如平時，跌坐而化。壽七十七，諡清獻。○元淨住上天竺台教大興時，秀州有狂人號回頭左道惑衆，宣言當建率堵波爲吳人福田，施者雲委，然憚淨不敢入杭境，先以錢十萬詣上天竺，飯僧且遣使通問曰：今以修造錢若干，願供一堂淨答書曰：承以營建淨壇爲飯僧之用，竊聞教有明文，不許互用。聖者旣遺明誨，不知白佛當以何辭？佇辭報章，卽令撰疏文也。

回頭大驚。慚見其徒然淨之門人。勸且禮之。淨厲語曰。出家兒。須具眼。始得。彼誠聖者。吾敢不恭。如其誕妄。知而同之。是失正念。吾聞聖者。具他心通。今夕當與爾曹。虔請明日就此山。與十方諸佛同齋。卽如法跪讀疏文。焚之。明日率衆出迎。回頭竟不至。

庚申承皓禪師住玉泉

承皓住大陽數月。遷住玉泉景德禪院。皓機鋒孤峭。學者不能湊泊。時闕首座維那曰。某人某人。曾於某處立僧爲禪衆。所歸宜依諸方例。請充皓叱曰。杜杜。又曰。孟八郎。孟八郎。一日皓從廚前過。見造晚麵。問曰。有客過耶。曰。衆僧造藥石。皓呼知事。稱之曰。吾昔參禪。爲人汲水舂米。今現成米麪。蒸炊造作。與供諸佛菩薩羅漢。無異飽喫了。並不留心參學。百般想念。五味馨香。假作驢腸膳。生羊骨。鑿腫銀。飼八萬尸蟲。開眼隨境。攝合眼隨夢。轉不知主祿判官。掠剽大王。隨從汝抄割。消鑿祿料簿。教汝受苦。有日在。於是徒衆不堪寂寥。譖之縣令曰。長老不能安衆。惟上來下去點簡零碎。縣令召皓責曰。大善知識。不在方丈內。

端坐兩廊下山門來去得許多。皓曰。大通智勝佛十劫坐道場。佛法不現前。不得成佛。道長官以坐是佛。耶坐殺佛去也。長官茫然益敬禮之。○祖心住黃龍。十有二年。五求解去。元豐三年。謝事居西園。以晦名其堂。且曰。吾所辭者。世務耳。今欲專行佛法事也。乃榜其門曰。告諸禪學。要窮此道。切須自看。無人替代。時中或是看得因緣。自有歡喜入處。却來入室吐露。待爲品評。是非深淺。如未發明。但且歇去。道自現前。苦苦馳求。轉增迷悶。此是離言之道。要在自肯不繇。他悟如此。發明方明了。達無量劫來生死根本。若見得離言之道。卽見一切聲色言語。是非更無別法。若不見離言之道。便將類會目前差別。因緣以爲所得。只恐誤認門庭。目前光影。自不覺知。翻成剎法。到頭只是自誤。枉費心力。宜乎晝夜克己。精誠行住觀察。微細審思。別無用心。久遠自然有箇入路。非是朝夕學成事業。若也不能如是參詳。不如看經持課。度此殘生。亦自勝如亂生謗法。若送老之時。敢保成箇無事人。更無他累。其餘入室。今去期望兩度。却請訪及。

謝景溫守潭州。虛大瀉以致心三辭不往。景溫請其故。心曰。馬祖百丈已前。無住持事。道人相尋於空閑寂寞之濱而已。其後雖有住持。王臣尊禮爲天人師。今則不然。挂名官府。如有戶籍之民。直遣伍伯追呼之耳。此豈可復爲也。景溫乃不敢以院事屈願。一見心心。至長沙。景溫願受法訓。心爲舉其綱曰。三乘十二分教。還同說食。示人食味。既因他說其食。要在自己親嘗。既自親嘗。便能了知其味。是甘是辛。是鹹是淡。達磨西來。直指人心。見性成佛。亦復如是。眞性既因文字而顯。要在自己親見。若能親見。便能了知。目前是眞。是妄。是生。是死。既能了知眞妄。生死返觀。一切語言文字。皆是表顯之說。都無實義。如今不了病在甚處。病在見聞知覺。爲不如實知眞際。所詣認此見聞知覺。爲自所見。殊不知此見聞知覺。皆因前塵而有分別。若無前塵境界。卽此見聞知覺。還同龜毛兔角。並無所歸。景溫聞所未聞。○常總初謁慧南於歸宗。無所得而去。歸宗火南遷石門南塔。遷黃檗。積翠又遷黃龍。總皆在焉。二十年間。凡七往返。密受法

旨。決志大掖臨濟之宗。出世住勸潭元豐三年。詔革東林律居爲禪席。學士王韶出守南昌。欲延祖心主之心。舉總自代。總知宵遁。詔檄諸郡所在訪求得之。新涂窮谷中。遂應命。天下衲子望風而集。其徒相語曰。遠公有識。記吾滅七百年後。有肉身大士。革吾道場。今符其語矣。○行偉住仰山。夏夜坐深林。袒以飼蚊。蝨會傷毒。作十日不愈。以刀絕之。尺許血流不止。門人泣曰。師獨奈何不少忍。曰。爲其障我行道。蒲伏床上。無所利於物。得死不愈於生乎。元豐三年十一月。日說偈而化。闍維得五色舍利骨石。桎索勾連塔於寺東。○應乾萍鄉彭氏子。遍歷諸方。晚至勸潭。參常總。久之未蒙印可。總示以鳥窠吹布毛因緣。殊不解。一日豁然悟旨。乃成頌曰。潦倒忘機是鳥窠。西湖上控烟羅布毛。取出無多子。鐵眼銅睛不奈何。總印可之。自此推爲上首。元豐三年。總住東林。遂以乾繼法席。○開先廣鑑行瑛。桂州毛氏子。初謁慶閑。稍悟玄旨。次參常總。頓息所疑。出世開先。幾二十年初。苦痰癰屢求去而不可。臥病坊者三年。一旦起將梵



荆鼎新之迄九年而成○蘇轍字子由號穎濱與兄蘇軾齊名嘗以偈獻了元曰隻沙供佛佛欣受怪石供僧僧不嫌空手遠來還要否更無一物可增添元曰空手持來放下難三賢十聖聚頭看此般供養能款享木馬泥牛亦喜歡元豐三年轍謫高安會黃藥全全熟視曰君靜而慧苟留心宗門何患不成此道轍因參全無契適省聰來居壽聖轍以此事往問聰不答轍又叩之聰曰圓照未嘗以道語人吾今亦無以語子轍於是得言外之旨繼參洪州順順示以搐鼻因緣轍言下大悟呈偈曰中年聞道覺前非邂逅相逢老順師搐鼻徑參真面目掉頭不受別鉗錘枯藤破衲公何事白酒青鹽我是誰慚愧東軒殘月上  
一杯甘露滑如飴

辛酉 慶閑禪師入寂 黃龍南法嗣 臨濟第九世

慶閑居隆慶西堂元豐四年三月七日告衆將入滅說偈曰露寶浮世奄忽入滅五十三歲六七八月南嶽天台松風澗雪珍重知音紅爐優鉢說偈畢乃入浴浴出裸坐方以巾搭膝而化神色不變爲著衣手

足和柔髮剃復出畫工就寫其眞首忽自舉次日仍平視大守來觀願留全身僧利儼曰遺言令化闍維薪盡火滅踟躕不教以油沃薪益之乃化是日雲起風作飛瓦折木烟氣所至東西南北四十里凡草木沙礫之間皆得舍利如金色計其所獲幾數斛蘇轍欲爲作記而疑其事方臥店夢有訶者曰閑師事何疑我疑即病矣轍夢中作銘有云稽首三界尊閑師不止此憫世狹劣故聊示其小者○紹銑泉州人得法智賢住興化銑有度量牧千衆如數一二三四長沙初未知飯僧供佛之利銑作大會謂之結緣齋其後效而作者月有之荊湖之民莫不向慕波及蠻俗丞相章惇奉使荆湖開梅山與銑偕往蠻父老聞銑名人人合爪聽其約束梅山平銑有力焉湖南八州歲度僧數百當慧南盛化時荊湖禪子奔趨江南恒百里無托宿且多爲盜劫銑半五十爲館請僧主之以接納俾得宿食而去晚得痺疾左手不仁然猶領住持事日同僧衆會粥食銑以精進爲佛事公卿禮敬以爲古佛元豐四年九月日遷寂闍維收舍利

兩目睛不壞。腸二亦不壞。益以油火焚之。如鐵帶曲折。色鮮明。因併塔焉。○義青自白雲海會移住投子山。學徒益進。潛通暗證者甚衆。果符異苗翻茂之識。初開山大同師有記曰。吾塔若紅。是吾再來。邦人偶修其塔。作瑪瑙色。未幾而青頤院事。○慕詰臨川閩氏子。可真游方時。詰能識之。真好暴所長。以蓋人號真點胸。詰與之周旋二十年。無失禮。真謂人曰。三十年後。詰其大作佛事。真歿。塔於西山。心喪三年。乃去游湘中。一鉢雲行。鳥飛去。留爲叢林重經。謝景溫守潭州。迎住嶽麓。俄遷大瀉。衆二千指。無所約束。人人自律。惟粥罷受門弟子問道。謂之入室。諸方纔月一再而詰講之無虛日。放參罷。詰自役作。使令者在側。如路人。晨香夕燈。十有四年。夜禮拜持茅。視殿無燈。火倦則以帔蒙首。假寐三聖堂。○學士徐禧布衣時。倚遇特先識之。遇將化前一日。作偈別禧曰。今年七十七。出行須擇日。昨夜問龜哥。報道明朝吉。禧大驚呼。惟清俱往。遇方坐寢室。以院務付監寺曰。吾住此山三十年。以護惜常住故。每自蒞之。今行矣。汝輩著

精彩。言畢。舉杖子曰。且道這箇分付阿誰。禧與清皆屏息。遂擲於地。投床枕臂而化。

壬戌 宗本禪師住穹窿福臻

宗本主瑞光杭守。懇請住淨慈。一住九載。元豐五年待制。嘗孝序載歸。以慰蘇人之思。住穹窿山。其住淨慈時。民張氏有女子。死母夢罪報爲蛇。覺得蛇棺下。持詣本爲說法。令置故處。俄黑蟬羽棺上。而蛇亡。母祝曰。果我女入我籠。更持汝詣淨慈。果入本復爲說法。夢女曰。二報幸解脫矣。○普孜建陽謝氏子。幼習儒業。舉進士。有聲後。看佛經。至識自心源。夙根啓發。遂出家。得度。具戒。遊方。參浮山法遠。入室。扣請心融。神會。許人請居甘露太平二利道。譽大播。孜後退居淨因。元豐五年。都人請居東京華嚴寺。○懷志金華吳氏子。出家。預講肆十二年。嘗欲會通諸宗異義。爲書傳世。以正一代時教之本。意有禪者曰杜順。乃賢首宗祖師也。而談法身則曰懷州牛喫禾。益州馬腹脹。此偈合歸天台何義耶。志不能對。即行至洞山。參克文。問古人一喝不作一喝。用意旨如何。文叱之。志

繆出文笑呵曰。浙子齋後游山。好志願。悟久之辭去。文曰。子禪雖逸。格惜緣不勝耳。志識其意。拜賜而行。菴於衡嶽二十餘年。士大夫造其居。不甚顧。答人問。故曰。彼富貴人。辯博多聞。我粥飯僧。口吻遲鈍。無可說。自然愁癡去。偈曰。萬機俱罷。付疑愁。蹤跡時容野鹿。參不脫麻衣。拳作枕。幾生夢在綠蘿菴。問師住山有何旨趣。志曰。山中住。獨掩柴門。無別趣。三塊柴頭品字。煨不用。援毫文彩露。○道楷沂州崔氏子。自少辟穀學道。後遊京師。得度具戒。謁義青於海會。問佛祖言句。如家常茶飯。離此之外。別有爲人言句也。無。青曰。汝道寰中天子。教還假禹湯堯舜也。無楷擬酬語。青以拂子撼之曰。汝發意來。早有二十棒也。於是楷遂悟。旨再拜。卽出。青呼曰。且來。楷亦不顧。青曰。汝到不疑之地耶。楷以手掩耳。後掌衆食。青問。厨務勾當。良苦。曰。不敢。曰。汝炊飯耶。羹粥耶。曰。人工。粥米著火行者。羹粥炊飯。曰。汝作什麼。曰。和尚慈悲。放他閑去。又從青遊園。青與拄杖曰。理合與麼。曰。與和尚提鞋。挈杖不爲分。外曰。有同行在。曰。那一人不受教。青。

遂休去。至晚。青曰。早來說話未盡。曰。更請舉看。曰。卯生日。戌生月。楷卽點燈來。青曰。上來下去。總不空然。曰。在左右理合如此。曰。奴兒婢子。誰家屋裏。無曰。和尚尊年。缺他不可。曰。與麼殷勤。曰。報恩有分。元豐五年。出世沂州仙洞。遷招提龍門。郢州大陽。隨州大洪。笑。投子義青禪師入寂。大陽立法嗣曹洞第七世義青住投子。元豐六年四月。示微疾。乃以書辭郡守。諸官。及在家。諸檀越。五月日。陞堂別衆。罷寫偈曰。兩處住持。無可助道。珍重諸人。不須尋討。遂投筆而化。闍維。收舍利。靈骨。塔三峯菴。○初從悅首衆。道吾。領數納謁。守智。智與語未數句。盡知所蘊。乃笑曰。觀首座氣質不凡。奈何出言吐氣。如醉人耶。悅面熱汗下。曰。願和尚慈悲。智復與語。錐劑之。悅茫然。遂求入室。智曰。老僧無福。道不取信於人。脫受首座。禮拜異日。定取謗於某。乃問悅曰。曾見法昌遇和尚否。曰。曾看他語錄。自了可也。不願見之。曰。曾見洞山文和尚否。曰。關西子。沒頭腦。拖一條布。諾作尿臭氣。有甚長處。曰。你但向尿臭氣處。參取。悅乃謁克文。深領奧旨。

佛祖綱目卷第三十七之上露字號

甲子宋神宗元豐七年起丙寅哲宗元祐元年甲戌改紹聖戊寅改元符

辛巳徽宗建中靖國元年壬午改崇寧丁亥改大觀辛卯改政和癸

巳徽宗政和三年止

甲子宗本禪師住慧林

元豐七年宋神宗詔宗本住慧林禪院召對賜坐。噲以方輿禪宗宜善開導之旨。既退。上謂左右曰。真福慧僧也。○汴京法雲寺新成。詔法秀開山。賜號圓通。時李伯時麟工畫。馬秀呵曰。汝士大夫。以畫名。矧又畫馬。期人誇以爲妙。妙入馬腹中。亦足懼。麟自是絕筆。秀勸畫觀音像。以贖其過。黃庭堅作豔語。人爭傳之。秀亦呵曰。翰墨之妙。甘施於此。乎。堅笑曰。又當置我於馬腹中耶。秀曰。汝以豔語動天下人。姪心不止。馬腹恐生泥犁耳。堅遂拜頌。○元祐上饒王氏子。依慧南悟旨。南歿。游湘廬。馬祖故基。粥子追隨。潭守謝景溫欲禪。道林律居延祐爲第一。世道林像設之多。冠湘西。祐夷廓之爲虛堂禪室。以會四方學者。役夫

不敢壞像設。祐自勦棄諸江。曰。昔本不成。今安得壞。吾法尙無凡情存。聖解乎。○法安臨川許氏子。受義懷旨。訣歸臨川。住黃山如意院。敗屋破垣。無以蔽風雨。十年大厦如化。成棄去。住武寧延恩寺。草屋數楹。敗床不簀。安殊樂之。令尹糾豪右謀爲一新。安笑曰。擅法本以度人。今非其發心而強之。是名作業。不名佛事也。安與法秀昆弟。秀嘗以書招安安。讀之笑曰。吾始以秀有精彩。今而後知其癡也。夫出家兒。塚間樹下。辦那事。如教頭。然今無故於八達衢頭。架大屋。養數百閑漢。此真開眼尿牀。吾何復對語哉。然吾宗自此益微矣。元豐甲子七月。命弟子取方丈文書。聚焚之以院事。付一僧。八月示寂。○富弼字彥國。河南人。鎮臺州。時聞修顯法席之盛。往質所疑。值顯登座。以目左右顧視大衆。已微有得。因執弟子禮。請爲入室。顯見即曰。相公已入。來富弼猶在外。弼聞汗流浹背。不覺豁然。及晚年居洛。遂請顯住招提。既至。迎居後苑。晨夕參叩。弼每有談論。顯輒以爲非。一日謂弼曰。待得山僧豎點頭。卽是也。自是弼凡有所言。顯輒

搖首忽一日中夜。朝大省。徹遽往叩門。願已閉。關而寢。聞其聲。即呼曰。相公且喜大事了畢。夜深更不啓。關。晨朝相見。至曉。往見之。願遙見已點頭矣。願喜甚。時宗本方奉詔住慧林。願以詩寄謝曰。因見願師悟入深。黃緣傳得老師心。東南謾說江山遠。目對靈光與妙音。別後答願書曰。示諭此事。問佛必有夙因。非今生能辦。誠是如此。然願遭遇和尚。即無始以來忘失事。一旦認得。此後定須拔出生死海。不是尋常恩。知雖盡力道。斷道不出也。和尚得願百千其數。何益於事。不過人道華嚴會下。出得箇老病俗漢。濟得和尚甚事。所云淘汰甚多。此事誠然。每念古尊宿。始初在本師處。動是三二十年。少者亦是十數年。日夕侍奉。聞道聞法。方得透頂透底。却思願兩次蒙和尚垂顧。共得兩箇月。請益更作聰明。過人能下得多少工夫。若非和尚巧設方便。著力摘發。何緣見箇涯岸。雖竭踵頂難於報稱。○蘇軾游廬山宿東林與常總論無情話。有省。黎明獻偈曰。溪聲便是廣長舌。山色豈非清淨身。夜來八萬四千偈。他日如何舉似人。總肯

之○邵雍字堯夫。范陽人。居洛四十年。安貧樂道。冬不爐。夏不扇。夜不就席者數年。有學佛吟曰。飽食豐衣。不易過日。長時節。奈愁何。求名壯歲。投宣聖。怕死老年。親釋迦。妄欲斷緣。緣愈重。微求去病。病還多。長江一片平如練。幸自無風。又起波。○范鎮字景仁。華陽人。累官翰林學士。或問鎮何以不信佛。曰。爾必待我合掌膜拜。然後爲信。耶。黃庭堅一日過鎮。終日相對。正身端坐。未嘗回顧。亦無倦色。鎮曰。吾二十年來。胸中未嘗起一思慮。二三年來。不甚觀書。若無賓客。終日獨坐。夜分方睡。雖兒曹歡呼。咫尺皆不聞。堅曰。公却是學佛作家。○司馬光初不喜禪。自富韓問法於大本。後忽有所契。後因范鎮論空相。以詩戲曰。不須天女散。已解動禪心。又曰。幾子悟已久。景仁今復迷。又曰。到岸何須筏。揮鋤不用金。浮雲任來往。明月在天心。○荊王夫人王氏。專修淨業。一妾憊慢夫人。深責之。遂悔悟。精進。忽無疾而逝。致夢他妾云。蒙夫人誨。已生安養。俄而夫人亦夢與妾同遊寶池。見一花天衣。飄揚題曰。楊傑一華朝服而坐。題曰。馬子復



見金臺光明晃耀。妾指曰：此夫人生處也。既覺彌加。精進年八十一。誕晨秉燭。燃香望觀音閣而立。左右方具義獻壽。已立化矣。

### ○清遠參法演禪師

清遠臨卽李氏子。初讀法華。至是法非思量分別之所能解。質其講師。師不能答。遠嘆曰：義學名相。非所以了生死大事。遂南游徧參。至太平。見法演。旋丐於廬州。偶雨仆地。煩懣間聞二人交相惡罵。諫者曰：你猶自煩惱。在遠於言下。有省及歸。凡有所問。演卽曰：我不如你。你自會得好。或曰：我不會。我不如你。遠愈疑。遂問演曰：座下誰得和尚說話。曰：禮上座却會遠。乃咨決於元禮。禮以手引遠耳。繞圍爐數匝。且行且語曰：你自會得好。曰：有冀開發。乃爾相戲耶。曰：你他後悟。去方知。今日曲折時。遠年十七。○了元自歸宗。遷金山。示衆昔雲門說法如雲雨。絕不喜人記錄。其語見必罵逐。曰：汝口不用反記吾語。異時裨販我去。今室中對機錄。皆香林明教以紙爲衣。隨聞卽書。後世學者漁獵文字。語言正如吹網欲滿。非愚卽狂。時

江浙叢林以文字爲禪。謂之請益。故元以是諷之。○周敦頤字茂叔。春陵人。因游廬山。樂其幽勝。遂築室焉。初謁祖心印。以教外別傳之旨。心曰：只消向你自家屋裏打點。孔子謂朝聞道夕死可矣。畢竟以何爲道。夕死可耶。頤子不改其樂。所樂何事。但於此究竟。久久自然有箇契合處。又謁常總論性語及理法界事法界至理事交徹。豁然獨會。後著太極圖語語出自東林口訣。時了元寓鵲溪。頤復往謁。相與講道。問曰：天命之謂性。率性之謂道。禪門何謂無心。是道曰：疑則別。參曰參。則不無畢竟。何以爲道。曰：滿目青山。一任看顧。豁然有省。一日忽見窓前草生。乃曰：與自家意思一般。以偈呈曰：昔本不迷。今不悟。心融境會。豁幽潛。草深窓外松。當道盡日令人看不厭。遂請元作青松社主。以嬾白蓮故事。頤後倡明道學。學者稱爲濂溪先生。嘗自言曰：吾此妙心。實啓迪於黃龍。發明於佛印。然易理廓達。自非東林開遮拂拭。無繇表裏。洞然。○楊時字中立。號龜山先生。將樂人。從二程游。嘗曰：微生高乞醯。與人孔子以爲不直。維摩經云：

直心是道場。儒佛至此實無二理。與常總友善。謂總曰。禪學雖高。却於儒道未有所得。總曰。儒道要緊處。也記得些子。且道君子無入而不自得。得箇甚麼時。默然嘗有詩曰。盈科日進幾時休。到海方能止衆流。只恐達多狂未歇。坐馳還愛鏡中頭。

### 乙克文禪師住報寧

克文住洞山。謝事東游三吳。至金陵時。丞相王安石居定林。聞文至。倒屣出迎。恨相識之晚。問諸經旨。首標時處。圓覺獨不然。何也。曰。頓乘所演。直示衆生。日用現前。不屬今古。只今僧老與相公同入大光明藏。游戲三昧。互爲賓主。非關時處。又問。經曰。一切衆生。皆證圓覺。而圭峯以證爲具。如何。曰。圓覺如可改。維摩亦可改也。維摩豈不曰。亦不滅受而取證。夫不滅受。蘊而取證。與皆證圓覺之意同。蓋衆生現行無明。卽是如來根本大智。圭峰之言。非是。安石大悅。因捨宅爲寺。延文開山。是謂報寧。特請於朝。賜號眞淨住。未幾。士大夫經游無虛日。文不堪勞。遂還高安菴。於九峯之下。名曰投老。學者自遠而至。○文準與元梁

氏子八歲出家。陝西經略范公欲携與俱。西準曰。登山求玉入海求珠。人各其志。本行學道。世好非素心。范奇其語。因度爲僧。初謁梁山。乘乘曰。驅鳥未受戒。敢學佛。乘乎準曰。壇場是戒。耶三編磨梵行。阿闍黎是戒。耶乘大驚。準曰。雖然。敢不受教。遂受具。戒徧游講肆。倡諸部綱目。卽棄去。曰。吾不求甚解。法師墨演無之。曰。汝法船也。南方有亞聖大士。若瀉山眞如九峰眞淨者。宜往求之。準遂詣瀉山。不契。造九峰參克文。文問。近離甚處。曰。大仰。曰。夏在甚處。曰。大潯。曰。甚處人。曰。興元府。文展手曰。我手何似佛手。準罔措。文曰。適來祇對一一靈明。一一天眞。及乎道箇我手。何似佛手。便成窒礙。且道病在甚處。曰。不會。曰。一切現成。更教誰會。準服膺。就弟子之列。○太尉呂惠卿嘗法華嚴法界觀。暇日遊五臺。忽雲霧四合。暴風雷雨。聲震林壑。卿震駭。移時稍霽。見一衣蒲童子。被髮而來。手執梵筴。問曰。官人何求。至此。曰。願見大士。曰。欲見何爲。曰。嘗覽華嚴大教。旨深意廣。欲望大士發啓妙解。庶幾箋釋流行。使大心者。卽得開悟。曰。諸佛妙

意簡易明白。先德注意可解如十地一品釋文。不過數紙。今時枝蔓注近百卷。而聖意逾遠。眞所謂破碎大道也。曰童子貌若此而敢呵前輩乎。童子笑曰。官人謬矣。此間一草一木。無非文殊境界。在汝日用觸事不迷。此眞文殊耳。卿乃下拜。纔起。童子現大士形。跨獅子隱隱雲中而散。

丙寅宗本禪師還吳

元祐元年。宗本以老求歸。既出都城。王公貴人送者。車騎相屬。本誨曰。歲月不可把玩。老病不與人期。惟勤修勿怠。是眞相爲聞者。莫不感動。○黃庭堅參祖心。乞指徑捷處。心曰。只如仲尼道二三子以我爲隱乎。吾無隱乎爾。太史居常如何。理論堅開口便道。是不是。堅迷悶不已。一日侍心山行。時巖桂盛開。心曰。聞木樨花香麼。曰。聞。曰。吾無隱乎爾。堅欣然領解。卽拜曰。和尚得恁麼老婆心。切心笑曰。只要公到家耳。堅字魯直。號山谷。○贊元住蔣山。元祐元年。忽曰。吾欲還東吳。促辦嚴餞化。○純白梓州支氏子。父諱聞法於松山道者。以死生爲戲。白衣梵行。緇俗無出

其右。白少聞父誨。有如夙習。一日躍過溪。忽有省不覺失笑。遂落髮受具。遍歷成都講肆。通性相宗去之。南遊參黃檗。惟勝親近。歲餘未始一顧。白事益勤。勝一日忽擡眸視之。白喝曰。這老漢把不定作麼。勝大笑。乃爲印證心地。元豐末。勝歸蜀。白負巾鉢以從。會成都府帥奏改昭覺爲十方勝。遂舉白開山。白示衆曰。不超性海。是理事縛。不透聲輪。是語言縛。於是淨侶驪然向風。講席一空。○善周參謂芳得受旨訣出世。住臨江上堂。遼天鵲萬里雲。只一突。是什麼。喝一喝。元祐丙寅十二月。日沐浴淨髮。說偈曰。山僧住瑞筠。未嘗形言句。七十三年來。七十三去。言畢跌坐而逝。○聖泉紹燈古田陳氏子。生時異香滿室。紫帽覆首。幼不茹葷。得度受具。後遊方。參謂芳一見悟旨。遂還鄉里。忽一日索浴更衣。陞座說偈曰。吾年五十三。去住本無貪。臨行事。若何不用口喃喃。儼然入寂。兩日後聞鐘聲。忽然復醒。自後四大輕安。身常顯出舍利。大旱請燈祈雨。凡有所禱。輒應。遷住聖泉法道大振。○開元法明得法報本有蘭。後歸故里。事落魄。

多嗜酒。呼盧每大醉。唱柳詞數闋。日以為常。召齋則拒。召飲則從。如是者十餘年。咸呼曰醉和尚。一日謂寺衆曰。吾明旦當行。汝等無他往。衆竊笑之。翼晨禪衣就座。大呼曰。吾去矣。聽言一偈。衆聞奔視。明乃歌曰。平生醉裏顛。醉裏却有分別。今宵酒醒何處。楊柳岸。曉風殘月。言訖寂然長往。

丁從悅禪師住兜率院

從悅受克文旨訣。後寓鹿苑。有清素侍者。閩人久參。楚圓年八十。遯迹鹿苑。悅與隣。寓因食蜜漬荔枝。偶素過門。悅呼曰。此老人。鄉果也可同食之。曰。自先師亡後。不得此食久矣。曰。先師爲誰。曰。慈明某。忝執事十三年耳。悅乃疑駭。曰。十三年堪忍執事之役。非得其道而何。遂饋以餘果。稍稍親之。素曰。子見何人。曰。洞山文。曰。文見何人。曰。黃龍南。曰。南。置頭見先師。不久。法道大振。如此。悅益疑駭。遂袖香詣素。作禮。素避曰。吾以福薄。先師授記。不許爲人悅。益恭素。乃曰。憐子之誠。違先師之記。子平生所得。試語我。悅具通所見。素曰。只可入佛。不可入魔。曰。何謂也。素曰。豈不見

古人道末後一句。始到牢關。悅擬對。又遽問曰。無爲如何。說悅又擬對。素忽高笑。悅恍然有得。素乃印可。仍戒曰。文示子者。皆正知見。然子雖文太蚤。不能盡其妙。吾今爲子點破。使子受用得大自在。他日切勿圖吾丁卯悅住龍安兜率院。

戊辰法演禪師開法白雲

戊辰法演將遷白雲海會。清遠適自涪川持鉢回。慨然曰。吾事始濟。復參隨往一荒縣。安能究決已事耶。遂作偈告辭。演送以偈曰。院伯臺前送別時。桃花如錦柳如眉。明年此日凭闌看。依舊青青一兩枝。演還海會。示衆須將生死二字貼在額頭上。討取箇分曉。如只隨群作隊。打閱過日。他時閻老子打算飯錢。莫道我不曾說與你來。若是做工夫。須要時時簡點。刻刻提撕。那裏是得力處。那裏是不得力處。那裏是打失處。那裏是不打失處。有一等纔上蒲團。便打瞌睡。及至醒來。胡思亂想。纔下蒲團。便說雜話。如此辦道。直至彌勒下生。也未得入手。須是猛著精彩。提箇話頭。晝參夜參。與他斯捱。不可坐在無事甲裏。又不可

蒲團上死坐。若雜念轉鬪轉多。輕輕放下。下地走一遭。再上蒲團。開兩眼。捏兩拳。豎起脊梁。依前提起話頭。便覺清涼如一鍋沸湯。攪一杓冷水。相似如此。做工夫。定有到家時節。上堂。汝等諸人。見老和尚。鼓動唇吻。豎起拂子。便作勝解。及乎山禽聚集。牛動尾巴。却將作等閑。殊不知簷聲不斷。前旬雨。電影還連後夜。雷上堂。山僧昨日入城。見一棚傀儡。不免近前看。或見端嚴奇特。或見醜陋不堪。動轉行坐。青黃赤白。一一見了。仔細看時。元來青布幔裏。有人。山僧忍俊不禁。乃問長史高姓。他道老和尚。看便了。問甚麼姓。大衆山僧被他一問。直得無言可對。無理可伸。還有人爲山僧道得麼。昨日那裏落節。今日這裏拔本。謝監收上堂。人之性命事。第一須是。欲得成此。先須防於。若是真。人。謝街坊上堂。街坊昨日將一把沙。到方丈前。一見老僧。劈面便撒。賴遇老僧。先見衫袖一遮。竝不妨事。今朝舉似大衆。不敢隱藏。何故。贊伊大膽。下得這箇手脚。忽有人問。白雲爲什麼。只恁休去。不見道。老不以筋力爲能。然雖如是。賓

主歷然。端和尚忌辰。上堂。去年正當恁麼時。多前年三件事。今年正當恁麼時。多去年七件事。這十件事。數不過者。甚多。何也。去却七三存一事。是去年說是。今日急如箭。黑似漆。無言童子口吧吧。無足仙人劈胸。擡乃云。交下座上堂。說佛說法。拈匙豎拂。白雲萬里。德山入門。便棒。臨濟入門。便喝。白雲萬里。然後恁麼。也不得不恁麼。也不得恁麼。不恁麼。總不得也。則白雲萬里。或有箇漢出來。道長老。你恁麼道也。則白雲萬里。這箇說話。喚作矮子看戲。隨人上下。三十年後。一場好笑。且道。笑箇甚麼。笑白雲萬里。示衆。舉德山答僧。我宗無語。句雪峯。聞之有省。後峯云。我當時空手去。空手歸。因緣。演云。白雲今日。說向透。未過者。有箇人從東京來。問伊甚處來。他却道。蘇州來。問伊蘇州事如何。伊道。一切尋常。雖然如是。謾白雲不遇。何故。祇爲語音各別。畢竟如何。蘇州菱邵白藕。示衆。吾本來。妓土傳法。救迷情。一花開。五葉結果。自然成。達磨大師。信脚來。信口道。後代兒孫。多成計較。要會開花結果。處。麼。鄭州。黎青州。聚萬物。無過出處。好示



來真如凡聖皆是夢言。佛及衆生並爲增語。或有人出來道盤山老覺。但向伊道。不因紫陌花開。早爭得黃鶯下柳條。若更問五祖老覺。自云。諾惺惺著。又云。悟了同未悟。歸家尋舊路。一字是一字。一句是一句。自小不脫空。兩歲學移步。湛水生蓮花。一年生一度。又云。賤賣擔板漢。貼秤麻三斤。百千年滯貨。何處著禪身。垂語云。譬如水牯牛。過窓欄頭角。四蹄都過了。因甚尾巴過不得。演一日持錫遶廊。曰。莫有屬牛人。問命麼。衆皆無語。乃自曰。孫臏今日開舖。更無一人垂顧。可憐三尺龍鬚。喚作尋常露布。室中常問僧情。女擊瓊那箇是真底。又常展手問僧。曰。如何。喚作手。○圓瑗福州林氏子。師慧南。密受記荊。荷擔叢林。不知寒暑。墾田蒔松。守一職十年。不易。南稱爲本色出家兒。及遷黃龍。携瑗與俱。南歿。建塔畢。辭去龜峰。大瀉爭致不赴。祖心欲以繼黃龍法席。瑗掉頭徑去。人問故。曰。先師誠我未登五十。不可爲人客。歸宗時年四十八了元勸。應謝景溫之請。住洪州翠巖。

已宗顯參純白禪師

宗顯成都人。少爲進士。有聲。嘗掬溪水爲戲。至夜思之。遂見冷然盈室。欲汲之。不可。而塵境自空。曰。吾世網裂矣。往依純白。得度。受具。後隨衆咨參。白一日問顯。曰。高高峯頂立。深深海底行。汝作麼生。會顯於言下。頓悟。曰。釘殺脚跟也。白拈起拂子。曰。這箇又作麼生。顯一笑而出。○元祐住道林。六年棄遊廬山。徐王奏賜紫。方袍。祐作偈辭之。人問。故祐曰。人主之施。非敢辭。以近名。但以法未等耳。昔惠滿不受宿請。曰。天下無僧。乃受汝供。滿何人哉。王安上嘗問法於祐。延住雲居。祐曰。爲携此骨歸。墓峯頂耳。登輿而去。○系南汀州張氏子。參元祐於道林。獲印可。祐遷羅漢南掌堂司。祐移雲居。以南繼席。有居士張戒者。參南。一日南問。曰。如何。曰。不會。南復詰之。不已。戒忽領旨。獻投機頌。有身眠大海。須彌枕石筍。抽條也大奇之。向尋辭別。南示偈。曰。汝到廬山。山到汝。更誰別我廬山。去出門。問取嶺頭風。大道騰騰無本據。○善本。顯人漢董仲舒之後。博學清修。無仕宦意。至京師。爲大僧。隨喜華嚴。夜夢童子如世所畫。善財合掌導而南。

覺曰。諸佛菩薩。加被我矣。其欲我南詢諸友乎。遂游方至蘇州。謁宗。本本坐定。特顧之。善本默契宗旨。出世雙林。已已移住錢塘淨慈。時號大小本。○宗蹟。襄陽人。棄儒從釋。忘節高邁。學問淵博。參真所長。蘆夫。爰蹟補其處。元祐四年。結蓮華勝會。率大海衆各念阿彌陀佛。百聲千聲。乃至萬聲。回向同緣。願生彼國。一夕夢一男子。烏巾白衣。可三十許。風貌清美。舉措閑雅。揖謂蹟曰。欲入公彌陀會。告書一名蹟。乃取勝會錄。秉筆問曰。公何名。曰。普慧。蹟書曰。白衣者。又曰。家兄亦告上名蹟。問曰。令兄何名。曰。普賢。言訖不見。○慧元住承天。元祐四年。持鉢至湖湖人。曰。師到處爲家何苦。獨愛姑蘇乎。固留不使還。乃往報本。

庚午克文禪師住歸宗

克文居高安六年。移住歸宗。顯謨朱世英問佛法大意。文答曰。辱書以佛法爲問。佛法至妙無二。但未至於妙。則互有長短。苟至於妙。則悟心之人。如實知自心究竟本來成佛。如實自在。如實安樂。如實解脫。如實清淨。而日用惟用自心。自心變化。把得便用。莫問

是非。擬心思量。已不是。也不擬心。一天眞。一明妙。一一如蓮花。不著水。所以迷自心。故作衆生。悟自心。故成佛。而衆生卽佛。佛卽衆生。繇迷悟故。有彼此也。如今學者。多不信自心。不悟自心。不得自心。明妙受用。不得自心。安樂解脫。心外妄有禪道。妄立奇特。妄生取捨。縱修行落外道。二乘禪寂。斷見境界。○法秀主法雲。元祐五年八月。示疾。詔翰林醫官視之。醫請候脉。秀仰視曰。汝何爲者也。吾有疾當死耳。求治之。是以生爲可戀也。平生生死夢三者。無所揀擇。去之。呼侍者更衣安坐。說偈曰。來時無佛去時空。南北東西事一同。六處住持無所補。秀良久監寺進曰。和尚何不道末後句。秀曰。珍重珍重。言訖而逝。○治平二年。懷璉上疏乞歸。元祐五年。無疾而化。壽八十一。

辛未禾山德普禪師入寂

黃龍南法嗣  
臨濟第九世

德普住禾山十有二年。元祐五年十二月二十五日。謂衆曰。諸方尊宿死。叢林必祭。吾以爲徒虛設。吾若死。汝曹當先祭。乃令從今辦祭。衆以其老又好戲。語乃曰。和尚幾時還化。曰。汝輩祭絕卽行。於是幃寢堂。

坐普其中置祭讀文跪場上食普飯餐自如自門弟子下及莊力日次爲之至六年元日祭絕曰明日雪晴乃行至時晴忽雪雪止普安坐焚香而化○元祐六年張商英漕江西謁常總總印可之且曰吾有得法弟子住玉溪乃慈古鏡也可與語英按部分學諸禪迂之首致敬於慈最後問兜率從悅曰聞師聰敏善文章悅笑曰運使失却一隻眼也從悅臨濟九世孫若以聰敏對運使論文章政如運使對從悅論禪也英默識之問玉溪去此多少曰三十里問兜率曰五里乃過兜率先是悅夢手搏曰輪覺語首座曰曰輪運轉之象張運使且過此吾當深誦剖之座曰士大夫惡拂已者或起別覺悅曰正使煩惱只退得我院也遂與語次英亟稱總公悅未肯其說語至更深論及宗門事悅起焚香請十方諸佛作證曰東林既印可運使運使於佛祖言教有少疑否曰有曰疑何等語曰疑香嚴獨脚頌德山托鉢話曰既於此有疑其餘則是心思解何嘗至大安樂境界且如巖頭言末後句是有耶是無耶曰有悅大笑歸方丈閉

却門英一夜睡不穩至五更下床觸翻溺器忽大悟扣方丈門曰已捉得賊了也曰賊物在甚處英無語悅曰都運且去來日相見翼旦遂獻頌曰鼓寂鐘沉托鉢回巖頭一拶語如雷果然只得三年活莫是還他受記來悅乃謂曰參禪只爲命根不斷依語生解如是之說公已深悟然至極微細處使人不覺不知墮在區宇乃作頌證曰等閑行處步步皆如雖居聲色寧滯有無一心靡異萬法非殊休分體用莫擇精靈臨機不礙應物無拘是非情盡凡聖皆除誰得誰失何親何疎拈頭作尾指實爲虛翻身魔界轉脚邪塗了無逆順不犯工夫因邀悅至建昌有十頌叙其事○常總住東林衆盈七百每燕坐衆見方丈後有白光天香郁然元祐六年九月日浴罷安坐而寂○慧元住報本脇不至席三十年元祐六年十一月日陞座說偈曰五十五年夢幻身東西南北孰爲親白雲散盡千山外萬里秋空片月新言訖而逝○元淨住上天竺凡一十七年元豐間辭而復往又三年平生精修淨業嘗與僧熙仲同食仲視淨眉得有光如

螢攬之得舍利。又於臥起處得舍利。元祐六年九月。將示寂。入方圓菴。宴坐止言。語絕飲食。謂參寥道潛曰。吾淨業將成。若七日無障。吾願遂矣。七日出偈示衆。吉祥而逝。淨初生時。左肩肉起如袈裟。緣八十一日乃滅。及示寂。壽果八十一。○從悅住龍安兜率室。中嘗設三語以驗學者。撥草瞻風。只圖見性。即今上人性在甚麼處。識得自性。方脫生死。眼光落地時。作麼生脫脫得生死。便知去處。四大分離。向甚麼處去。張商英以頌答三問。一陰森夏木杜鵑鳴。日破浮雲宇宙清。莫對曾參問曾習。從來孝子諱爺名。二人間鬼使符來取。天上花冠色正萎。好箇轉身時。節子莫教閻老等閒知。三鼓合東村。李大妻。西風曠野淚沾衣。碧蘆紅蓼江南岸。却作張三坐釣磯。元祐六年冬。悅浴訖。集衆說偈曰。四十有人聖。凡盡殺不是英雄。龍安路滑奄然而化。○守智住雲蓋。十年日荷鋤理蔬圃。疾禪林便軟煖。道心淡薄來參者。掉頭不納元祐六年。退居西堂。湘中衲子聞其接納。堂室爲滿。○承皓應機答話。隱顯不測。一日蘇軾微服求見。皓問

尊官高姓。曰姓程。乃程天下長老。底程皓。喝一聲問曰。且道這一喝重多少。軾無對。一日學傅大士空手把鋤頭。頌又舉洞山五臺山頂雲蒸飯。頌云。此二頌只頌得法身邊事。不頌得法身上事。乃自頌曰。昨夜雨。霧烹打倒蒲萄棚。知事普請行者。人力拄底拄。撐底撐。撐拄拄到天明。依舊可憐生。玉泉寺宇廣大弊漏。前後主者以營葺爲艱。皓曰。吾與山有緣。與僧無緣。修今世寺。待後世僧耳。悉壞而鼎新之。皓住山無筆硯文字。箱篋無兼衣囊。錢元祐六年遣人至江西口白張商英曰。老病且死。待百丈肅爲代可矣。英以喻肅。肅不願往。十二月日將示寂時。門人圍繞請偈。皓笑曰。吾年八十一。老死昇屍出兒郎。齊著力。一年三百六十日。言畢而逝。

壬申善本禪師住法雲

善本住淨慈。是年哲宗詔住上都法雲。賜號大通。○戒禪師得旨。慧林冲初出世。杭州西湖遷揚州石塔。軾知揚州。與戒往來甚密。一日戒遣侍者至府求解院務。軾問長老欲何往。曰欲歸西湖耳。軾遂率僚佐

同至石塔令擊鼓集衆袖中出疏使晃無咎讀之曰  
大士何曾說法誰作金毛之聲衆生各自開堂何關  
石塔之事去無作相住亦隨緣惟戒公長老開不二  
門施無盡藏念西湖之久別亦是偶然爲東坡而少  
留無不可者一時稽首重聽白龍渡口船迴依舊雲  
山之色秋來雨過一新鐘鼓之音戒乃重住石塔

癸可久法師往生淨土

可久常誦法華修淨土元祐八年年八十一坐化越  
三日還謂人曰吾見淨土境與經符契蓮花臺上皆  
標合生者名言訖復化去○道臻居都城西隅衲子  
四十餘輩類然不出戶三十九年如一日元祐八年  
八月日將入滅謂弟子曰吾更三日行矣及期沐浴  
更衣設偈而化壽八十○克勤彭州駱氏子兒時日  
記千言偶游寺中見佛書三復悵然如獲舊物曰予  
殆過去沙門也卽去家祝髮授楞嚴俄得病瀕死歎  
曰諸佛涅槃正路不在文句中吾欲以聲求色見宜  
其無以死也遂棄去徒步出蜀謁玉泉皓金鑒信大  
滄詰黃龍心僉指爲法器最後見法演演嘗曰諸方

參得底禪如琉璃瓶子相似愛護不捨第一莫教老  
僧見將鐵鎚一擊定碎也勤便盡心參演演問有句  
無句如藤倚樹汝作麼生會勤便喝或下語盡其機  
用演皆不諾演曰須是情識淨盡計較都忘處會勤  
便於無計較處胡言漢語總不契演意勤謂強移換  
人出不遜語忿然而去演曰待你著一頓熱病打時  
方思量我在到金山染傷寒困極以平日見處試之  
無得力者追釋演言乃自誓曰我病稍間卽歸五祖  
時慧勤在定慧亦患傷寒危甚勤病盛欲拉勸同赴  
勸尙固執勤乃亟歸祖山演一見喜曰汝復來耶卽  
令參堂便入侍者寮

甲法演禪師傳法克勤

克勤一日問法演曰二祖云覓心了不可得畢竟如  
何曰汝須自參始得這些好處別人爲汝著力不得  
後半月會陳提刑詣演問道演曰提刑少年曾讀小  
豔詩否有兩句頗相近頻呼小玉元無事只要檀郎  
認得聲提刑應諾諾演曰且仔細勤適自外歸侍立  
次問曰聞和尚舉小豔詩提刑會否曰他只認得聲



曰祇要檀郎認得聲。他既認得聲爲甚。却不是曰。如何是祖師。西來意。庭前栢樹子。嚮勤忽契悟。遽出見雞飛上闌干。鼓翅而鳴。復自謂曰。此豈不是聲。遂袖香入室。通所得呈偈曰。金鴨香銷錦繡幃。笙歌叢裏醉扶歸。少年一段風流事。只許佳人獨自知。演曰。佛祖大事。非小根劣品所能造詣。吾助汝喜演。乃徧謂山中耆舊曰。我侍者參得禪也。自此所至。推爲上首。○慧懃舒州汪氏子。卅歲得度。每以惟此一事。實餘二則。非真味之有省。乃徧參名宿。往來法演之門。有年。悲演不爲印據。與克勤相繼而去。及勤還。侍演得徹證。而懃忽至。意欲他往。勤勉令挂搭。且曰。某與兄相別月餘。比舊相見時如何。曰。我所疑者此也。遂參堂。一日。聞演舉僧問趙州。如何是和尙家風。州曰。老僧耳聾。高聲問將來。僧再問。州曰。你問我家風。我却識汝家風了也。懃卽大豁所疑。曰。乞和尙指示。極則演曰。森羅及萬象。一法之所印。懃展拜。演令掌翰墨。○法泉隨州時氏子。幼歲出家。群書博覽。過目成誦。叢林號爲泉萬。卷得法於曉舜。出世屢遷。大利後住。

蔣山紹聖元年。蘇軾安置惠州。舟次金陵。阻風江滸。迎泉至。問曰。如何是智海之燈。泉以偈對曰。指出明。明是甚麼。舉頭鷄子穿雲過。從來這盃最希奇。解問燈人能幾箇。又曰。脚下曹溪去路通。登堂無復問旛風。好將鐘阜臨岐句。說似當年踏碓翁。○慕喆住大溈。紹聖元年。詔住東京智海。喆至解包。曰。傾都來觀。至謂一佛出世。院窄而僧曰。僧無以容。至相枕地臥。有請限之者。喆曰。僧佛祖所自出。厭僧是厭佛祖也。安得此不祥之言。哉。室中嘗問學者。趙州洗鉢孟話。上人如何會。僧擬對。喆卽以手托之曰。歇去。○黃庭堅謁雲巖悟新。隨衆入室。新見張目。問曰。新長老死學士死。燒作兩堆。灰向甚處相見。堅無語。新約出曰。晦堂處參得底。使未著在後。左官黔南於無思念中。頓明。新所問報以書曰。往日嘗蒙苦口提撕。長如醉夢依稀在光影中。蓋疑情不盡。命根不斷。故望崖而退耳。謫官在黔南中。晝臥覺來。忽然廓爾。尋思平生被天下老和尙覆了多少。惟有死心道人。不肯乃是第一相爲也。惟清寄以偈曰。昔日對面隔千里。如今。

萬里彌相親寂寥滋味同齋粥快活談諧契主賓室內許誰參化女眼中休去覓瞳人東西南北難藏處金色頭陀笑轉新堅和曰石工來斲鼻端塵無手人來斧始親白牯狸奴心即佛龍睛虎眼主中賓自携瓶去沽村酒却著衫來作主人萬里相看常對面死心寮裏有清新堅管以書勉胡少汲曰公道學煩得力耶治病之方當深求禪悅照破生死之根則憂畏淫怒無處安脚病既無根枝葉安能爲害投子聰老海會演老皆出世宗師道行不愧古人皆可親近殊勝從文章之士學妄言綺語增長無明種子也○普聰得法宗本住投子時年八十餘有監寺者一夕爲盜所殺副寺白聰聰曰我已知其人矣副寺聞官而吏至聰如前語吏詰之聰曰殺監寺者老僧也吏即以聰繫獄聰無異詞偶楊傑爲憲按部至州境夜夢神人云此州有肉身菩薩枉坐縲紲中傑訪問聰事遂釋之後十年有行者患迦摩羅疾而自首云昔日殺監寺者我也○元靜玉山趙氏子十歲病甚感異夢捨令出家通經得度南游參永安恩於臨濟三頓

棒話發明次依諸名宿無有當意者聞法演機峻欲抑之遂謁演演曰我此間不比諸方凡於室中不要汝進前退後豎指擎拳繞禪床作女人拜提起坐具千般伎倆祇要你言下諦當便是汝見處靜茫然退參歷三載一日入室罷演曰子所下語已得十分試更與我說看靜即剖陳演曰說亦說得十分更與我斷看靜又隨問而判演曰好即好祇是未得老僧說話在齋後可來祖爺塔所與汝一一按過始得及至彼演便以卽心卽佛非心非佛睦州擔板漢南泉斬猫趙州狗子等語編辟之所對了無凝滯至子湖狗話演遽轉面曰不是曰不是却如何曰此不是則和前面皆不是曰望和尚慈悲指示曰看他道子湖有一狗上取人頭中取人腰下取人脚入門者好看纔見僧入門便道看狗向子湖道看狗處下一轉語教子湖結舌老僧鈴口便是了當處次日入室靜密啓其說演笑曰不道你不是千了百當底人此語祇似先師下底語曰某何人得似端和尚曰不然老僧雖承嗣他謂他語拙蓋祇用遠錄公手段接人故也如

老僧共遠錄公便與百丈黃檗南泉趙州輩把手共行纔見語拙卽不堪靜以爲不然乃曳杖渡江適大水泛漲因留四祖齊輩挽歸又二年演方許可嘗商略古今執靜手曰得汝說須吾學得汝事須吾說今而後佛祖秘要諸方關鍵無逃子掌握矣遂創南堂居之○景福賴西蜀人得法慧南然緣薄所居皆遠方小利學者過其門莫能識賴亦超然自樂視世境如飛埃過日壽八十餘坐脫於香城山

乙宗顯參法演禪師

宗顯受法於純白晚見法演問未知關楨子難過趙州橋卽不問如何是關楨子演曰汝且在門外立顯進步一踏而退演曰許多時茶飯元來也有人知滋味明日入室演曰你便是昨日問話底僧否我固知你見處只是未過得白雲關在顯珍重使出時克勤爲侍者顯以白雲關意扣之勤曰你但直下會取顯笑曰我不是不會只是未諳待見這老漢共伊理會一上明日演往舒城顯與勤繼往適會於興化演問顯曰記得曾在那裏相見來顯曰全火祇候演顯勤

曰這漢饒舌自是機緣相契後辭西歸以頌送曰離鄉四十餘年一時忘却蜀語禪人回到成都切須記取魯語時白尙無恙顯再侍之名聲藹著○清遠到歸宗參克文不契乃坐夏蔣山邂逅惟清謂曰此見都下一尊宿語句似有緣清曰演公天下第一宗師何故捨而事遠游耶所謂有緣者蓋知解之師與公初心相應耳遠然之踰年還海會演令看殺父殺母佛前懺悔殺佛殺祖向甚處懺悔雲門云露這公案後命典謁適寒夜孤坐撥爐見火一豆許恍然自喜曰深深撥有些子平生事只如此遽起閱几上傳燈錄至破竈墮因緣忽大悟作偈曰刁刁林鳥啼披衣終夜坐撥火悟平生窮神歸破墮事故人自迷曲淡誰能和念之永不忘門開少人過克勤因詣其寮舉青林撥柴話驗之且謂古今無人出得你如何會曰也有甚難曰只如他道鐵輪天子寰中旨意作麼生曰我道帝釋宮中放赦書勤退語人曰且喜遠兄便有活人句也○元祐住雲居疾諸方死必塔者曰山川有限僧死無窮他日塔將無所容乃於宏覺塔東

作卵塔曰。凡住持者。非生身不壞。火浴雨舍利者。皆以骨肉填於此。西又作卵塔曰。凡僧化。皆以骨石填於此。謂之三塔。紹聖二年七月。日夜集衆曰。三處住持。不傳一法。火風聚散。物理常情。吾滅後。不得隨世俗厚葬。當稟我佛。西天竺法。火化歸塔。遂說偈曰。今年六十六。三處因緣足。夜半火燒山。跳入火中浴。言畢入寂。時方盛暑。顏貌如生。闍維得五色舍利。有光吞欽映奪。○永豐慧日菴主。得法於祐。或處叢谷。或居鄆市。令鄉民稱丘師。伯凡有所問。以莫曉答之。忽語邑人曰。吾明日行脚去。汝等可來相送。於是驢路畢集。日笑不已。衆問故。卽書偈曰。丘師伯莫曉寂寂。明皎皎。日午打三更。誰人打得了。投筆而逝。○慧勲同克勤語話次。舉東寺問仰山。汝是甚處人。曰。廣南人。寺曰。我聞廣南有鎮海明珠。曾收得否。曰。收得。寺曰。珠作何色。曰。白月。卽現黑月。卽隱。寺曰。何不呈似老僧。仰山叉手近前。云。慧寂。昨到瀉山。被索此珠。直得無言。可對無理。可伸勤。願勲曰。旣云收得。逮索此珠。又云無言。可對無理。可伸是。如何。勲無語。忽一日。

謂勲曰。仰山見東寺。因緣我有語也。東寺只索一顆珠。仰山傾出一摺。老勤深肯之。乃曰。老兄更宜親近老和尚去。勲一日造方丈。未及語。被演誦罵懣。懣而退。歸寮閉門打睡。恨演不已。勤密知。卽往叩門。勲曰。誰曰。我勲卽開門。勲曰。你見老和尚。何如。曰。我本不去。被你賺累。我遭這老漢詬罵。勤呵呵大笑曰。你記得前日下底語麼。曰。是甚麼語。曰。你又道東寺祇索一顆。仰山傾出一摺。老勤當下釋然。兩人遂同上方丈。演纔見。遽曰。勲兄且喜大事了畢。○嘉祐住智海禪院。紹聖二年十月。日無疾說偈曰。昨夜三更風雷忽作雲。散長空前溪月。落良久別衆。趨寂闍維。得舍利斗許。大如豆。目睛齒爪不壞。○省聰。綿州王氏子。幼出家。試經得度。南遊參宗本。久而不悟。本曰。吾昔夢汝甚異。汝不勉。則死聰茫然。不知所謂。常念南嶽思大口吞三世諸佛話。不去於心。一日爲僧伽作禮。忽灑然而悟。卽上方丈。見本具陳所得。本曰。汝得之矣。吾昔夢汝吞一世界一剗刀。今汝所悟云然。知汝自今始真出家也。卽爲證座。證據久之。出世真如開。

善聖壽三利後退聖壽安居十年弊衣糲食與住山時如一日。元豐中蘇轍謫官高安與聰游歡相得元祐末轍再謫高安聰往見曰老僧比夢與公遊於山中知公當復來此去來皆宿緣無足怪者。紹聖乙亥高安人競來謁聰請住逍遙寺。○蘇軾在惠州了元致書云子瞻中大科登金門上玉堂遠放寂寞之濱權臣忌子瞻爲宰相耳。人生一世間如白駒之過隙三二十年功名富貴轉盼成空何不一筆勾斷尋取自家本來面目子瞻胸中有萬卷書下筆無一點塵到這地位不知性命所在一生聰明要做甚麼三世佛則是一箇有血性的漢子子瞻若能脚下承當把三二十年富貴功名賤如泥土努力向前珍重

丙子克文禪師住石門

紹聖三年克文移居石門衲子扣問必瞑目危坐見來學則往治蔬圃時文準參隨已十餘年謂同行曰老漢無意法道乎一日準舉杖決渠水濺衣忽大悟走叙其事文詬曰此乃敢爾蠢苴耶○佛照杲初謁圓幾舉僧問投子大死底人却活時如何投子曰

不許夜行投明須到意作麼生杲曰恩大難酬幾大稱賞之後數日舉杲立僧秉拂機思遲鈍開堂大笑杲有慚色次日特爲大眾茶安茶具在案上偶打翻茶具瓢子落地跳數跳悟得答話機鋒迅捷復至克文處因看祖師偈云心同虛空界示等虛空法證得虛空時無是非法豁然大悟○法泉住蔣山晚年詔住智海上堂問衆赴智海留蔣山如何卽是衆莫知對便歸方丈索筆書偈曰非佛非心徒擬議得皮得髓莫商量臨行珍重諸禪侶門外青山正夕陽擲筆踟躕而逝使回奏勅謚佛慧○慧洪瑞州彭氏子字覺範少出家日記數千言十九試經得度遊方謁歸宗克文及隨文遷石門掌記室文患其深聞之弊每舉立沙未徹語發其疑凡有所對文曰你又說道理耶一日有客問文洪上人參禪如何曰也有到處也有不到處客退洪不自安卽詣文求決所疑文舉風穴頌曰五白貓兒爪距擥養來堂上絕蟲行分明上樹安身法切忌遺言許外甥且作麼生是安身法洪便喝文曰這一喝也有到處也有不到處洪忽有



省及游東吳寓杭州淨慈以頌發明風穴意寄呈文曰。五白貓兒無縫罅。閑拋出令人怕翻身。跳躑百千般冷地看他成話。爾如今也解弄些些。從渠歡喜從渠罵。却笑樹頭老舅翁。只能上樹不能下。又作玄沙未徹偈曰。雲雲一見不再見。紅白枝枝不著花。耐釣魚船上客。却來平地擺魚蝦。又見乃爲助喜。洪自後閱汾陽語錄至三玄頌。薦有所證。又嘗薙於高安九峰之下。因僧問臨濟賓主話。洪方欲酬。其問頓見三玄三要之旨。

### 丁 報恩禪師論三教大要

報恩黎陽劉氏子。未冠舉方略。擢上第。後厭塵境。請於朝。乞謝簪紱爲僧。上從其請。遂游心祖道。至投子參義青。未久即悟。心要青曰。汝再來人也。宜自護持。後住隨州大洪山。與張商英友善。英嘗以書問三教大要。恩答曰。西域外道宗多塗。要其會歸。不出有無四見而已。謂有見無見。亦有亦無。見非有非無。見也。蓋不即一心爲道。則道非我有。故名外道。不即諸法是心。則法隨見異。故名邪見。如謂之有有則有無如。

謂之無無則無有有無則有見競生。無有則無見斯起。若亦有亦無見非有非無見亦猶是也。夫不能離諸見則無以明自心。無以明自心則不能知正道矣。故經云。言詞所說法。小智妄分別。不能了自心云何知正道。又曰。有見即爲垢。此則未爲見遠離於諸見如是乃見佛。以此論之。邪正異塗。正繇見悟殊致。故也。故清涼以莊老計道法自然能生萬物。易謂太極生兩儀。一陰一陽之謂道。以自然太極爲因。一陰一陽爲道。能生萬物。則是邪。因計爲虛。無則是無。因嘗試論之。夫三界惟心。萬緣一致。心生故法生。心滅故法滅。推而廣之。彌綸萬有。而非有統而會之。究竟寂滅。而非無非無。亦非非有亦非非有四。執既亡。百非斯遣。則自然因緣皆爲戲論。虛無實俱是假名矣。至若謂太極陰陽能生萬物。常無常有。斯爲衆妙之門。陰陽不測。是謂無方之神。雖聖人設教。示悟多方。然既異一心。寧非四見。何以明之。蓋虛無爲道。道則是無。若自然若太極。若一陰一陽爲道。道則是有。常無常有。則是亦有亦無。陰陽不測。則是非有非

無先儒或謂妙萬物謂之神則非物非物則亦是無故西天諸大論師皆以心外有法爲外道萬法惟心爲正宗蓋以心爲宗則諸見自亡言雖或異未足以爲異也心外有法則諸見競生言雖或同未足以爲同也雖然儒道聖人固非不知之乃存而不論耳良以未卽明指一心爲萬法之宗雖或言之猶不論也如西天外道皆大權菩薩示化之所施爲橫生諸見曲盡異端以明佛法是爲正道此其所以爲聖人之道顛逆皆宗非思議之所能知矣故古人有言緣昔眞宗未至孔子且以繫心今知理有所歸不應猶執權教然知權之爲權未必知權也知權之爲實斯知權矣是亦周孔老莊設教立言之本意一大事因緣之所成始所成終也然則三教一心同途異轍究竟道宗本無言說非維摩大士孰能知此意也○簽判劉經臣字興朝初於佛法未之信會常總啓迪之因醉心祖道旣謁慧林冲於僧問雪竇如何是諸佛本源竇曰千峰寒色語下有省歲餘官雅幕謁韶山杲將去任辭杲曰公如此用心何愁不悟爾後或有

非常境界無量歡喜宜急收拾收拾得卽成法器收拾不得或致失心未幾復謁本逸請問因緣逸曰古人道平常心是道你十二時中放光動地不覺自知向外馳求轉踈轉遠臣益疑不解一夕入室逸舉波羅提尊者對香至王見性是佛之語問臣不能對疑甚歸寢至五鼓覺方追念間見種種異相表裏通徹六根震動天地回旋如雲開月現喜不自勝因憶韶山所囑遂抑之及明以所得告逸逸爲證據且曰更須用得始得曰莫要履踐否逸厲聲曰這箇是甚麼事却說履踐臣默契乃作發明心地頌六首及著明道論儒篇以警世曰明道在乎見性余之所悟者見性而已孟子曰口之於味也目之於色也耳之於聲也鼻之於臭也四肢之於安逸也性也楊子曰視聽言貌思性所有也有見於此則能明乎道矣當知道不遠人人之於道猶魚之於水未嘗須臾離也惟其迷已逐物故終身繇之而不知佛曰大覺儒曰先覺蓋覺此耳昔人有言曰今古應無墜分明在目前又曰大道只在目前要且目前難觀欲識大道真體不

離聲色言語。又曰。夜夜抱佛眠。朝朝還共起。起倒鎮相隨。語默同居止。欲識佛去處。只這語聲是。此佛者之語道爲最親者。立則見其參於前也。在與則見其倚於衡也。瞻之在前也。忽焉在後也。取之左右逢其原也。此儒者之語道最邇者。奈何此道惟可心傳。不立文字。故世尊拈花而妙心傳於迦葉。達磨面壁而宗旨付於神光。六葉旣敷。千花競秀。分宗列派。各有門庭。故或瞬目揚眉。擎拳舉指。或行棒行喝。豎拂拈鎚。或持叉張弓。輓毬舞筲。或拽石搬土。打鼓吹毛。或一默一言。一噓一笑。乃至種種方便。皆是親切爲人。然只爲太親。故人多罔措。警然見者。不隔絲毫。其或沉吟迢迢萬里。欲明道者。宜無忽焉。祖祖相傳。至今不絕。真得吾儒所謂憤而不發。開而弗達者矣。余之有得。實在此門。反思吾儒自有此道。良哉孔子之言。默而識之一以貫之。故目擊而道存。指掌而意喻。凡若此者。皆合宗門之妙旨。得教外之真機。然而孔子之道傳之子思。子思傳之孟子。孟子旣沒。不得其傳。而所以傳於世者。特文字耳。故余之學。必求自得而

後。已幸余一夕開悟。凡目之所見耳之所聞心之所思口之所談手足之所運動。無非妙香得之。旣久日。益見前每以與人人不能受。然後知妙道果不可以文字傳也。嗚呼。是道也有其人則傳。無其人則絕。余旣得之矣。誰其似之乎。終余之身而有其人耶。無其人耶。所不可得而知也。故爲記頌歌語。而又著此篇。以諭吾徒云。○悟新住翠巖法堂後有齊安王祠。鄉人祈禳無虛日。新令知事毀之。懼不敢乃躬自拆祠。建丈室。設榻燕寢。俄有巨蟒盤臥側。叱去。復來。夜以爲常。一夕夢神告曰。弟子爲師所叱。不遑安處。欲之廣南。假莊夫六十人。新夢中諾之。未幾莊夫疫死者如其數。嘗問學者曰。且道果有鬼神麼。道有。又不打殺死心。道無莊夫爲什麼。却死答者皆不契。適元首座至。答云。甜瓜徹蒂甜。苦瓠連根苦。新大喜之。

戊寅佛印了元禪師入寂。開先還法嗣雲門第五世

了元住雲居。李麟爲元寫照。元令作笑容。自贊曰。李公天上石麒麟。傳得雲居道者真。不爲拈花明大事。等閑開口笑何人。泥牛謾向風前戲。枯木無端雲裏

春對現堂堂俱不識。太平時代自繇身。戊寅正月四日與客語軒渠一笑。而化有吳人鄭夷甫。少年登進士術者推其壽止三十五。心甚憂之。既聞元談笑間化去。曰吾不得壽。得如元公復何憾哉。乃與禪者遊。讀楞嚴經。歲餘忽有所悟。曰生死之理。我知之矣。遂釋然。既而預知死日。至期沐浴更衣。親督人灑掃園亭。又焚香擇時。指畫間屹然立化。手猶作指畫狀。○文準與良雅爲法門昆仲。因雅述禪本草。乃製炮炙論。禪本草曰。禪味皆性涼。安心臟祛邪氣。關壅滯通血脉。清神益志。駐顏色。除熱惱。去穢惡。善解諸毒。能調衆病。藥生人間。但有大小皮肉骨髓精髓之異。獲其精者爲良。故凡聖尊卑悉能療之。餘者多於叢林中吟風詠月。世有徒輩多采聲穀爲藥食者。悞人性命。幽通密顯。非證者莫識。不假修鍊。炮製一服。脫其苦惱。如縛發解。其功若神。令人長壽。故佛祖以此藥療一切衆生病。號大醫王。若世明燈。破諸執闇。所慮迷亂幽蔽。不信病在膏肓。妄染神鬼。流浪生死者。不可救焉。傷哉。準炮炙論曰。人欲延年長生。絕諸病者。

先熟覽禪本草。若不觀禪本草。則不知藥之溫良。不辨藥之真假。而又不諳何州何縣所出者最良。既不能窮其本末。豈悟藥之體性耶。近世有一種不讀禪本草者。却將杜漏蘆作綿州附子。往往見面孔相似。便以爲是。苦哉。苦哉。不惟自悞。兼悞他人。故使後之學醫者。一人傳虛。萬人傳實。擾擾逐其末。而不知安樂返本之源。日月浸久。橫病生焉。漸攻四肢。而害圓明常樂之體。自旦及暮。不能安席。遂至膏肓。枉喪身命者多矣。良繇初學。麤心師授。莽鹵不觀禪本草之過也。若克依此書明藥之體性。又須解如法炮製。蓋炮製之法。先須選其精純者。以法流水淨洗去人我葉。除無明根。秉八還刀。向三平等砧。碎剉。用性空眞火微焙之。入四無量白。舉八金剛杵。杵八萬四千下。以大悲千手眼。篩篩之。然後成塵塵。三味鍊十波羅密。爲圓不拘時候。煎一念相應湯。下前三三圓。後三三圓。除八風二見。外別無所忌。此藥功驗不可盡言。服者方知此藥深遠之力。非世間方書所載。俟後之學醫上流。試取禪本草觀之。然後依此炮製合而服。

之其功力蓋不淺也。○開聖覺久參長蘆。應夫有所得。徧遊叢林。至法演會下。演問釋迦。彌勒。猶是他奴。他是阿誰。曰。胡張三。黑李四。演深喜之。以語克勤。勤曰。恐未實。更須搜看。演後復問。猶是他奴。他是阿誰。曰。胡張三。黑李四。曰。不是。曰。昨日是今日。因甚。不是。曰。昨日是今日。不是。覺始大悟。後出世。開聖開堂。嗣長蘆於燒香時。忽有物搗其胸。因成瘡而卒。

己慧勲禪師住舒州太平

元符二年。惟清赴黃龍太平。虎席清遂薦慧勲於舒守。乃命補處。法演付法。衣勲捧示衆。曰。昔釋迦文佛。以丈六金欄袈裟。披千尺彌勒佛身。佛身不長。袈裟不短。會麼。卽此樣。無他樣。自是一衆。悚服及禮辭。次演曰。大凡應世。略爲子陳其四端。雖世俗常談。在力行。何如耳。一勢。不可使盡。二福。不可受盡。三規矩。不可行盡。四好語。不可說盡。何故。好語說盡。人必易之。規矩行盡。人必煩之。福若受盡。緣必孤。勢若使盡。福必至。勲再拜服膺而退。辭惟清。清曰。住持當以拄杖。包笠。懸挂方丈。屋壁間。去住如納子之輕。則善矣。

○惟清禪師住黃龍

惟清字覺天。自號靈源叟。生洪州武寧陳氏。方垂髻。日誦書數千言。有異比丘見之。引手熟視。驚曰。菰蒲有此兒。耶。告其父母。令出家。年十七。爲大僧。初謁延恩法安。願留就學。安曰。子他日洗光佛日照耀末運。苦海法船也。我尋常溝瀆耳。黃龍心禪師是汝之師。行矣。無自滯清。至黃龍。泯泯與衆作息。問答茫然。不知端倪。夜誓諸佛前曰。儻有省發。願盡形壽。以法爲檀。世世力弘大法。初閱玄沙語。倦而倚壁起。經行步促。遺履俯取之。乃大悟。以所悟告祖心。心曰。從緣入者。永無退失。然新得法。空者多喜。悅致散亂。令就侍者房。熟寐。心鍾愛至。忘其爲師。議論商略。如交友。諸方號清侍者。如趙州文遠。南院守廓。出世住舒州太平。學者爭趨。規矩不嚴。而自肅。江淮叢林。號稱第一。元符二年。祖心春秋高。江西轉運使王恒迎清歸黃龍。欲以繼心法。席清亦不辭而往。○善本住東京法雲八年。後歸杭州象塢寺。專修淨業。

○圓照宗本禪師往生淨土

天依懷法嗣雲門第六世



宗本老居靈巖閉門頽然而學者貴相望於道雪竇宗風至本大盛平居密修淨業慧才師神遊淨土見一花殊麗問之曰上品之生以待本禪師又資福曦公至慧林禮足施金而去人問故曰吾定中見金蓮花人言以俟本公又蓮花無數云以待受度者或問本師傳直指何得蓮境標名曰雖在宗門亦以淨土兼修耳元符二年十二月將入滅沐浴而臥弟子環請曰和尚道徧天下今日不可無偈幸強起安坐本熟視曰癡子我尋常尚懶作偈今日特地圖箇甚麼尋常要臥便臥不可今日特地坐也索筆大書五字曰後事付守榮擲筆愁臥若熟睡撼之已去矣

庚辰表自參克勤禪師

表自初參法演欠未有省時克勤爲座元演令親炙勤見謂曰與公同參不須來探水也曰已事未明敢望慈悲曰但有疑處試語我自舉德山小參不答話問話者二十棒曰禮拜著我作你師舉話尙不會自作禮竟勤令再舉前話自曰德山小參不答話勤掩其口曰但恁麼看自出曰屈屈豈有公案只教人

看一句底道理有僧謂曰兄不可如此設首座須有方便因靜坐體究及旬頓釋所疑詣勤禮謝勤曰兄始知吾不汝欺又詣方丈演迎笑及遷勤監總院務舉自爲座元私告演曰渠只得一撇大法未明在須更鍛鍊必爲法器無何演宣言請自立僧實欲激其遠到自聞之深有所待一日上堂以目顧自曰莫妄想便下座自氣不平趨瑯琊久之勤往撫存遂大徹乃同歸五祖命立僧○守珣安吉州施氏子參慧慙隨衆咨請邈無所入乃封其衾曰此生若不徹誓不展此於是四十九晝夜只靠露柱立地如喪者妣一日勲上堂曰森羅及萬象一法之所印珣聞頓悟往見勲勲曰可惜一顆明珠被這風顛漢拾得乃曰靈雲道自從一見桃花後直至如今更不疑如何是他不疑處曰莫道靈雲不疑只今覓箇疑處了不可得曰玄沙道諦當甚諦當敢保老兄未徹在那裏是他未徹處曰深知和尚老婆心切勲肯之珣禮拜起呈偈曰終日看天不舉頭桃花爛慢始擡眸饒君更有遮天網透得牢關即便休勲囑令護持是夕謂衆曰

這回珣上座穩睡去也。克勤疑其未然。乃曰：我須勸過始得。遂令人召珣與游山。到一水潭。忽推珣入水。遽問曰：牛頭未見。四祖時如何？曰：潭深魚聚。曰：見後如何？曰：樹高招風。曰：見與未見時如何？曰：伸脚在縮脚裏。勤大稱賞之。

○晦堂祖心禪師入寂

黃龍南法嗣  
臨濟第九世

祖心謝事閑居。學者益親。嘗答侍郎韓宗古問曰：承諭昔時開悟。曠然無疑。但無始來習氣。未能頓盡。然心外無利法者。不知煩惱習氣是何物。而欲盡之。若起此心。翻成認賊爲子也。從上以來。但有言說。乃至隨病說藥。縱有煩惱習氣。但以如來知見治之。皆是善權方便。誘引之說。若是定有習氣。可治却是心外有法。而可盡之。譬如靈龜曳尾於塗。拂迹迹生。可謂將心用心。轉見病深。苟能明心。心外無法。法外無心。心法既無。更欲教誰頓盡耶？元符三年十一月入寂。黃庭堅主後事。茶毗隣峰。秉炬火不續。堅乃顧悟新曰：此老師有待於吾兄也。新以喪拒。堅固強之。新乃執炬曰：不是餘殃累及我。彌天罪過不容誅。而今兩

脚梢空去。不作牛兮。定作驢。以火炬打一圓相。曰：只向這裏雪。屈擲炬應手而滅。賜號寶覺。

辛巳有嚴法師往生淨土

有嚴住赤城學天台教。晚年結茆樞木之下。號曰樸菴。平生篤修淨業。建中靖國元年夏四月。將終。見寶池大蓮花。天樂四列。後七日。跏趺而化。塲上有光如月。三夕方隱。○蘇軾在儋州四年。庚辰復朝。奉郎辛巳北歸。至眞州。瘴毒作中止。常州遂請老。以本官致仕。初軾南遷。畫彌陀像一軸。行且佩帶。曰：此軾生西方公據也。至是疾革。徑山惟琳來候。軾耳聾。琳大聲呼曰：端明勿忘西方。曰：西方不無。但箇裏著力不得。語畢而逝。嘗題自己照容曰：心似已灰之木。身如不繫之舟。問汝平生功業。黃州惠州瓊州。○米芾字元章。晚年學禪。有得知淮陽軍。未卒前一月。作親朋別書。盡焚其所好書畫奇物。造香楠棺。即其中坐臥飲食。前七日。不如輩更衣沐浴。焚香清坐而已。及期。徧邀郡僚。舉拂示衆。曰：衆香國中來。衆香國中去。擲拂合掌而逝。○惟清住黃龍祖心。及清即移疾居昭默。

堂頽然宴坐一室人莫能親踈之然見者皆各得其歡心至授法鉗鎚鍛鍊則毫無縫罅不許學者傳錄其語或得其片言隻句如獲拱璧嘗語慧洪曰今之學者未脫生死病在什麼處在偷心未死耳然非其罪爲師者之罪也如漢高帝給韓信而殺之信雖死其心果死乎今之宗師爲人多類此古之學者言下脫生死效在什麼處在偷心已死然非學者自能爾實爲師者鉗鎚妙密也如梁武帝御大殿見侯景不動聲氣而侯景汗下不敢仰視退謂人曰蕭公天威逼人吾不可以再見也景未嘗死而其心已枯竭無餘矣古之宗師爲人多類此今諸方所說非不美麗要之如趙昌畫花逼眞世傳爲寶非眞花也

壬眞淨克文禪師入寂

黃龍南法嗣  
臨濟第九世

克文退居雲菴崇寧元年十月中夜沐浴更衣趺坐衆請說法文笑曰今年七十八四大將離別火風旣分散臨行休更說遺戒皆宗門大事言畢而寂茶毗五色成綵白光上騰烟所及俱成舍利道俗得之分建塔焉文眞誠慈愛出於天性見人無親踈溫顏

軟語禮敬如一主持叢林法度甚嚴犯令者罰無赦至入室投機則如銅崖鐵壁不可攀緣性尤喜施隨有隨與杖笠之外不置一錢行道說法五十餘年布衣壞衲恬然自守民信其化家家繪像飲食必祠文嘗作法界三觀六頌曰色空無礙如意自在萬像森羅影現中外出沒去來比土他界心印廓然融通廣大一理事無礙如意自在倒把須彌卓向纖芥清淨法身圓滿土塊一點鏡燈十方海會二事事無礙如意自在不動道場十方世界東涌西沒千差萬恠火裏唧唧吞却螭蟬三事事無礙如意自在手把猪頭口誦淨戒趨出淫坊未還酒債十字街頭解開布袋四事事無礙如意自在拈起一毛重重法界一念徧入無邊利海只在目前或顯或晦五事事不知色空誰會理事旣休鐵船下海石火電光咄哉不快橫按鎮鄕魔軍膽碎

癸未圓幾禪師住保寧

圓幾住圓通崇寧二年朱彥復守金陵會保寧虛席移幾自近睦陽許觀參幾幾曰莫將閑事掛心頭曰

如何是閑事。曰參禪學道是。觀自是閑。悟良久。曰大道甚坦夷。何用許多言句。葛藤乎。璣呼侍者。理前語問之。侍者瞠而却。璣謂觀曰。言句葛藤。又不可廢也。璣疾學者。味著文字。作偈曰。不學文章不讀書。頽然終日自如愚。雖然百事不通曉。是馬何曾喚作驢。○懷志居龍安最樂堂。崇寧元年六月晦。日間侍者曰。蚤暮。曰。已夕矣。笑曰。夢境相逢。我睡已覺。汝但莫負叢林。卽是報佛恩德。言畢而寂。○胡安國字康侯。崇寧人。幼時便有出塵之趣。久參上封秀得言外之旨。崇寧中。過藥山。有禪人舉南泉斬猫話。問安國。安國以偈答曰。手握乾坤殺活機。縱橫施設在臨時。玉堂兔馬非龍象。大用堂堂總不知。又寄上封有曰。祝融峰似杜鵑天。萬古江山在目前。須信死心元不死。夜來秋月又同圓。○淨端住吳山。自號安閑和尚。芒鞋節杖。遇溪山勝處。披蓑戴笠。行歌漁父。凡所至。輿盡欲返。雖積金留之。不駐名公巨卿。舟至吳興。必首問端起居狀。嘗自爲二陶器。曰。死則以此埋之。忽病牙久不愈。癸未十二月。日謂衆曰。明日遷化去。衆以爲

戲語。請說偈。端索筆大書曰。端師子太慵懶。未死牙齒先衰爛。二時伴衆赴堂粥。飯都起不辦。如今得死。是便宜。長眠百事皆不管。第一不著看官。第二不著喫粥飯。歌漁父數聲。一笑整衣。趺坐而化。壽七十四。卽以陶器瘞於歸雲菴下。嘗語弟子。六十年後。開視吾塚。至七世孫。因塔與請更宅。兆遂鳩工。剏土磚隙。不動陶器。儼然發視。其中了無一物。

甲五祖法演禪師示寂

白雲端法嗣  
臨濟第十世

法演出世四十餘年。晚住太平。移東山。崇寧三年六月二十五日。辭衆曰。趙州和尚有末後句。你作麼生會。試出來道。看若會得去。不妨自在快活。如或未然。這好事作麼說。良久曰。說卽說了也。只是諸人不知。要會麼。富嫌千口少。貧恨一身多。珍重。時山門有土木之役。躬往督之。誠曰。汝等好作。息吾不復來矣。歸方丈。淨髮澡浴。旦日吉祥而逝。年八十餘。先是五祖遺記曰。吾滅後。可留真身。吾手啓而舉。吾再出矣。演住山時。塑手泥淩中裂。相去容七衆咸異之。演嘗拜塔以手指云。當時與麼全身去。今日重來記得無。復

云以何爲驗。以此爲驗。遂作禮及將亡之夕。山摧石  
墮四十里內。巖谷震吼。閭閻舍利如雨。塔於東山之  
南。○法演將化。遺言郡守命表自繼席。時衲子四至。  
應對不暇。自出榜云。東山有三句。若人道得。卽挂搭。  
衲子皆披靡。一日有僧携坐具徑造方丈。謂自曰。某  
甲道不得。只是要挂搭。自大喜呼維那明窓下安排。  
○元禮閩人。初參法演於太平。凡入室演。必謂曰。衲  
僧家明取縑素好禮。疑之不已。一日演陞堂舉首山。  
新婦騎驢阿家牽。語乃曰。諸人要會麼。莫問新婦阿  
家免煩。路上波叱遇飯卽飯。遇茶卽茶。同門出入宿。  
世冤家禮於言下。豁如曰。今日縑素明矣。演遷五祖。  
命禮分座演。及卽他往。崇寧間再到五祖。僧問五祖。  
遷化向甚麼處去。曰。有眼無耳。來六月火邊坐。曰。意  
旨如何。曰。家貧猶自可。路貧愁殺人。○宗杲寧國奚  
氏子。母夢一僧黑頰隆鼻。神人衛之。造臥室。問所居。  
曰。嶽北覺而有娠。生時白光透屋。舉邑稱異。年十三。  
入鄉校。嘆曰。讀世間書。曷若究出世法。崇寧三年。  
十六歲。慧齊爲師。先是院塑釋迦佛像。有異人曰。今

日立像後。當出一導師。大興宗教。照明濁世。去此一  
紀方生。若像有難。是人始至。是年果有盜穴像腹。取  
其藏而果適至。因名宗杲。○崇寧三年。詔道楷住淨  
因。示衆出家者爲厭塵勞。求脫生死。休心息念。斷絕  
攀緣。遇緣遇色。如石上栽花。見利見名。如眼中著屑。  
無始以來。此等不是。不曾經歷。何須苦苦貪戀。如今  
不歇更待何時。能盡今時。更有何事。若得心中無事。  
佛祖猶是冤家。一切世事。自然冷淡。方始那邊相應。  
你不見隱山至死不肯見人。趙州至死不肯告人。匾  
擔拾橡。標爲食。大梅以荷葉爲衣。紙衣道者祇披紙。  
玄泰上座祇著布石。霜置枯木堂。與人坐臥祇要死。  
了你心。授子使人辦米同煮共餐。要得省取你事。且  
從上諸聖有如此榜樣。若無長處。如何甘得諸仁者。  
若也於斯體究的不虧人。若也不肯承當。向後深恐  
費力。楷嘗往謁楊傑。傑曰。與師相別幾年。曰。七年。曰。  
學道來參禪來。曰。不打這鼓笛。曰。恁麼則空游山水。  
百無所能也。曰。別來未久。善能高鑑。傑大笑。  
乙克勤禪師開法昭覺。



克勤還蜀開法於成都昭覺示衆云。只這箇便承當得去。如天普蓋。似地普擎。更不欠一毫頭。亦無第二見。設使盡無邊香水海塵。剎剎一時穿却鼻孔也。更不落別處。儻或思量擬議。即沒交涉。所以道一念不生。前後際斷。即名爲佛。若也涉思量。作計較。分能所作。知解。則千里萬里。祖師門下。直教見須實。見悟須實。悟證須實。證諸人各各有一靈妙性。確實而論。才被拶著。便脚忙手亂。作麼生見得親信得徹。桶底子脫去。只爲從無始劫來妄想濃厚。在諸塵境界中。元不曾踏著本地風光。明見本來面目。若是眞實人。直下承當了。知生本不生。知死本不死。向不生不死處。千聖著眼。覷不見。千手大悲提不起。而今兄弟若能返照。更無第二人。示衆通身是眼。見不到通身是耳。聞不及通身是口。說不著通身是心。鑑不出通身。卽且置。或若無眼作麼生見。無耳作麼生聞。無口作麼生說。無心作麼生鑑。若向這裏。撥得一線路。便與古佛同參。且道參甚麼人。又云。休歇到一念不生處。卽是透脫。不墮情塵。不居意想。迥然超絕。則徧界不

藏。物物頭頭。渾成大用。一一皆從自己胸襟流出。古人謂之運出自己家財。一得永得。受用豈有窮極。又云。此一件事。直饒三世諸佛出興。以無量知見方便接引。亦只有限歷代祖師。天下老和尚。設千百問答提持。亦只有限。不如向自己脚跟下。究取威音王已前空劫那畔。自己家珍。隨處受用也。須是大丈夫漢。意氣方有如是作略。示衆世尊三昧迦葉不知迦葉三昧。阿難不知阿難三昧。商那和修不知商那和修三昧。優波鞠多不知既是各各不知何故。却相傳授。到這裏不妨。請訛處。直是請訛綿密處。直是綿密。又云。但逢緣遇境。莫不管帶何止。此生而已。窮未來際。證無量聖身也。未是他泊頭處。但一味退步。莫作限量。僧問古人道。御標橫擔不顧人。直入千峰萬峰去。未審那裏是他住處。曰。騰蛇纏足。路布繞身。曰。朝看雲片片。暮聽水潺潺。曰。却須截斷。始得。曰。此回不是夢。眞箇到廬山。曰。高著眼。僧問。譬如擲劍揮空。有一人劍亦無。空亦不揮。時如何。曰。大衆見你敗闕。曰。學人只管推出。和尚何不放行。曰。莫謗崇寧。好曰。爲甚

麼不肯承當曰。藏身露影曰。今日捉敗曰。果然僧問。如何是初日分。以恒河沙等身布施曰。大海若不納百川。應倒流。如何是中日分。以恒河沙等身布施曰。現成公案。如何是後日分。亦以恒河沙等身布施曰。盡未來際。一時收勸。一日到首座寮。因說密印長老。四年前見他。怎麼地。乃至來金山陞座也。只怎麼地。打一箇回合了。又打一箇回合。只管無收殺。如何爲得人。恰如載一車寶劍。相似將一柄出了。又將一柄出。只要搬盡。若是本分手段。拈得一柄。便殺人去。那裏只管將出來弄時。有僧曰。某甲前日。因看他小參語錄。便知此人平日。做得細膩工夫。所以對衆只管要吐盡一段了。又一段不肯休。曰。事不如此。如龍得半盞水。便能興雲起霧。降注大雨。那裏只管大海裏。輒謂我有許多水也。又如會相殺人。持一條鎗。纔見賊馬。便知那箇定是我底。近前一鎗殺了賊。跳上馬背。便殺人去。須是怎麼始得。○安民生嘉定府朱氏。謁昭覺克勤。聞勤舉國師三喚侍者。因緣趙州拈云。如人暗中書字。字雖不成。文彩已彰。那裏是文彩已

彰。處民心疑。告香入室。勤問座主講何經。曰。楞嚴曰。楞嚴七處徵心。入還辨見。畢竟心在甚處。民多呈解。勤不肯。民復請益勤。令一切處作文彩。已彰。會偶僧請益。十玄談方舉。問君心印作何顏。勤厲聲曰。文彩已彰。民間有省。遂求印證。勤示以本色。鉗鎚。民罔措。

丙 清遠禪師住龍門

清遠自傳心印。隱居四面。後開法崇寧萬壽寺。崇寧五年。補舒州龍門道望。允振示衆千說。萬說。不若親面一見。縱不說。亦自分明。王子寶刀。喻衆盲摸象。喻禪學中隔江招手。事望州亭相見。事迴絕無人處。深山巖崖處。事此皆親面而見之。不在說也。示衆以迷心。故山林中來見善知識。將謂別有一道。可令人安樂。不知返究向來迷處工夫。最第一示衆。我且問你。適來因甚麼問訊聖僧。且問訊時。還印證你麼。還肯諾你麼。若道印證你。他是土聖僧。豈解印證你。若道肯諾你。豈解肯諾你。既不解印證。肯諾問訊作麼。不見長沙。一日回頭見聖僧。忽然知歸。便云。回頭忽見本來身。本身非見。亦非真。若將本體同真。體歷劫迢

這受苦辛。諸人還會此箇道理麼。珍重上堂大衆。或  
 有人喚上座。上座便應。設使不應。心中也須領。覽今  
 時學人。便道。應底是也。領覽底是也。若如此會。便是  
 入地獄漢子。是卽且置。且道。面前是阿誰。喚你。是有  
 人喚。耶。是無人喚。耶。還裁斷得麼。若是有人喚。山精  
 鬼魅。喚你時。天魔外道。喚你時。如何辨白。若道。無人  
 喚你。又不應。不駭。如何得。無人喚。這箇是十二時中。  
 生死路頭事。諸人明得麼。有人喚。生迷。亂。無人喚。遭  
 繫絆。若能行。生死。斷。萬兩金。終不換。下座。又嘗作示  
 道三偈。一曰。隨流。千聖。靈蹤。百草頭。卓然。放去。號隨  
 流。從教。萬古。無人識。笑殺。滄山水。枯。二曰。合轍。水  
 中。月。是天邊。月。南北。東西。更無別。新羅。打鐵。火星。飛。  
 燒。著。指頭。名。合轍。三曰。雙唱。坐斷。千差。古路。頭。解開  
 空岸。濟人。舟。明明。一句。該。群像。善。唱。無聲。作麼。求。又  
 三自省。一曰。是身。壽命。如駒。過隙。何暇。閑情。妄爲。雜  
 事。旣降。釋種。須紹。門風。諦審。先宗。是何。標格。二曰。道  
 業。未辦。去聖。時遙。善友。師教。誠不可。捨。自生。勉勵。念  
 報佛恩。惟已。自知。大心。莫退。三曰。報緣。虛幻。豈可。強

爲人世幾何。隨家豐儉。苦樂逆順。道在其中。動靜寒  
 溫。自愧自悔。○法忠鄭縣姚姓子。母夢異僧。求寓而  
 娠。既誕。紫帶繞身。幼喜習靜。十九試經。得度。究台教。  
 悟一心三觀之旨。一日爲禪者。折困。遂徧參名宿。聞  
 清遠在龍門。於是兼程至彼。雖造次不忘提撕。適縱  
 步水磨所見。牌額云法輪常轉。不覺豁然有省。遂撫  
 掌說偈曰。轉大法輪。目前包裹。更問如何。水推石磨。  
 因寫之作一圓相。於後詣方丈。呈遠遠曰。其中事作  
 磨生曰。潤下水常流。遠遠曰。畢竟如何。曰。水推石磨。遠  
 曰。歸堂歇去。切不得舉著。後五日來。却向汝道一句。  
 子曰。這一句子。也不消得。遠遠爲解頤。忠遂作禮。○高  
 菴善悟。洋州李氏子。年十一。得度。聞沖禪師。舉武帝  
 問達磨。因緣如獲舊物。遽曰。我旣廓然。何聖之有。沖  
 異其語。勉之。南詢。授記於清遠。一日有僧。被蛇傷足。  
 遠問曰。旣是龍門。爲甚麼。却被蛇咬。悟曰。應曰。果然。  
 現大人相。遠益器之。後傳此語。到克勤。勤曰。龍門有  
 此僧。耶。東山法道。未寂寥。爾後。悟住雲居。有僧自圓  
 綿州雍氏子。出關。歷扣諸大尊宿。始詣龍門。一日於



曰死心非真向甚麼處贊若贊死心死心無狀若贊虛空虛空無跡無跡下得箇甚麼語若下得語親見死心通曰死心非真真非死心虛空無狀妙有無形絕後再蘇親見死心新大笑惟清遂以空室道人號之自爾叢林知名○大觀元年冬道楷移住天寧嘗作五偈述其門風一曰妙唱不干舌偈曰剎剎塵塵處處譚不勞彈指善財參空生也解通消息花雨巖前鳥不銜二曰死蛇驚出草偈曰日炙風吹草裏埋觸他毒氣又還乖闇地若教開死口長安依舊絕人來三曰解鍼枯骨吟偈曰死中活得是非常密用他家別有長半夜獨懷吟一曲水河紅蓼却清涼四曰鐵鋸和三臺偈曰不是宮商調誰人和一場伯牙何所措此曲舊來長五曰古今無間偈曰一法元無萬法空箇中那許悟圓通將謂少林消息斷桃花依舊笑春風楷住天寧未幾開封尹李孝壽奏楷道行勅賜紫及定照師號楷上表辭上不允令孝壽往諭旌善之意楷確然不同上怒收付有司有司憐其無罪曰長老枯瘁有疾乎言有疾即於法免刑楷曰

已悉厚意乃不敢妄言實無疾也吏太息於是恬然受刑著縫掖編管緇州○闍提惟照簡州人姓李幼超邁而惡俗一日授書至性相近也習相遠也遠曰凡聖本一體以習故差別我知之矣即刺染登具本師令聽起信照輒歸臥曰既稱正信大乘豈言說所能了乃遊方謁道楷嘗夜坐閣道時風雪震薄聞警道者傳呼過之隨有所得辭去楷嬰難照自二吳欲趨沂水僕夫迷道照攀杖擊之忽大悟嘆曰是地非鰲山也耶比至沂楷望而喜曰紹隆吾宗必子數輩矣因留躬耕湖上累年智說成就出領招提歷遷名利後入寂茶毗得舍利如珠排舌齒不壞○齊璉潼川牟氏子落髮受具遊成都依講席居頃之慨然太息曰吾棄家爲大事茲紙上語爾譬如畫日月豈有光明耶棄之南遊歷參名宿有自大陽來者舉道楷示衆語璉心悅服遂往謁初見恍如舊識一日聞板聲豁然大悟趨告楷楷印可之楷嘗語人曰璉首座牛行虎視機鋒橫出異日弘吾道決矣出世住崇寧歷遷名利最後成都大智住大隨時其徒有妄訴於



州者。璉怡然就逮。有司考竟其事。將加捶楚。忽時天  
大晦。冥群鳥飛噪。集於端。有自投於地者。州將駭異。  
璉遂得釋。紹興乙丑。書偈而寂。火浴得舍利百餘粒。  
皆具五色。○太傅高世則。字仲貽。號無功。初參楷。求  
指心要。楷令去其所重。扣已而參。一日忽造微密。呈  
偈曰。懸崖撒手。任縱橫。大地虛空自坦平。照壑輝巖  
不借月。菴頭別有一簾明。

戊子 文準師開法雲巖

文準受心印。回泐潭。大觀二年。雲巖虛席。郡牧囑悟  
新舉所知。新曰。準。山主住。得新。未嘗識。渠見有洗鉢  
頌甚好。曰之乎者也。納僧鼻。孔大頭。向下。若也不會。  
問取東村王大姐。郡牧奇之。因請主雲巖。○葛繁澄  
江人。少登科第。凡公署私居。必營淨室。設佛像。所行  
善事。俱回嚮西方。嘗入室禮誦。舍利從空而下。平時  
以淨業普勸。道俗多服其化。有僧定中神遊淨土。見  
繁在焉。後無疾面西端坐而化。

己丑 宗杲參文準禪師

宗杲至寶峯。侍文準。準曰。我這裏禪。你一時理會得。

教你說也。說得教你做。拈古頌古。小參普說。你也做  
得。只有一件不是你。還知麼。曰。不知。曰。因只欠這一  
解。在不得。這一解。在方丈。與你說時。便有禪。纔出方  
丈。便無了。惺惺思量時。便有禪。纔睡著。便無了。若如  
此。如何敵得生死。杲曰。正是某甲疑處。○法忠。自受  
佛眼心印。尋辭渡九江。露眠草宿。蛇虎爲隣。於山舒  
水緩處。會意。則居海昏道傍。有枯樹。內空且潔。忠兀  
坐其中。逾旬。遠近傳觀者甚衆。因留偈而去。悟新住  
黃龍。學者奔湊。至無所容。因於季春。預結夏。以限來  
者。忠直前抗論。投偈曰。莫怪狂僧罵死心。死心結夏  
破叢林。叢林明眼。如相委。此話須教播古今。又嘗迫  
尋持白木劍。造室問曰。聞老和尚。不懼生死。是否。新  
擬對。忠卽揮劍。新引頸而笑。忠擲劍於地。作舞而出。  
○天游。依文準於泐潭。一日。準普說曰。諸人苦苦就  
準上座。覓佛法。遂指膝曰。會麼。雪上加霜。又指膝曰。  
若也不會。豈不見乾峯示衆曰。舉一不得。舉二放過。  
一著。落在第二游。聞脫然契悟。○善本。臨衆三十年。  
未嘗笑。及閑居。抵掌笑語。問其故。曰。不莊敬。何以率。

衆昔爲叢林故強行之非性寔然也所至見佛菩薩  
行立之像不敢坐伊蒲塞饌以魚蔬名者不食大觀  
三年十二月屈三指謂左右曰止有三日屆期跌坐  
西向念佛而化有異禽鳴於庭○道楷貴絳州己丑  
冬放令自便菴於芙蓉湖中數百人環繞坐臥皆慮  
禍乃日各食粥一盃不堪者稍稍去留者猶百人

庚 佛心才參惟清禪師

佛心才初依海印隆見老宿看經至一毛頭師子百  
億毛頭一時現才指問曰不毛頭師子作麼生得百  
億毛頭一時現宿曰汝乍入叢林豈可便理會許事  
才疑之遂發心願淨頭職一夕汛掃次隆適夜參至  
則遇結座擲拄杖曰了郎毛端吞巨海始知大地一  
微塵才豁然有省及出閭參惟清凡入室出必揮淚  
自訟曰此事我見得甚分明祇是臨機吐不出若爲  
奈何清知其誠篤告以須是大徹方得自在也未幾  
因觀隣案僧讀曹洞廣錄至藥山採薪歸有僧問甚  
處來山曰討柴來僧指腰下刀曰鳴剝剝是箇甚麼  
山拔刀作斫勢才忽欣然擲隣案僧一掌揭簾趨出

衝口說偈曰徹徹大海乾枯虛空迸裂四方八面絕  
遮欄萬象森羅齊漏泄後住潭州上封○法輪應端  
亦清嗣端以妙入諸經自負清管痛割之端乃援馬  
祖百丈機語及華嚴宗旨爲表清笑曰馬祖百丈固  
錯矣而華嚴宗旨與箇事喜沒交涉端憤然欲他往  
因請辭及揭簾忽大悟汗流浹背清見曰是子識好  
惡矣馬祖百丈文殊普賢幾被汝帶累○明辯安吉  
州俞氏子游方至西京少林聞僧學清遠以古詩發  
明勸賓王斬師子尊者話曰楊子江頭楊柳春楊花  
愁殺渡江人一聲殘笛離亭晚君向瀟湘我向秦默  
有所契即趨龍門坐夏居無何遠舉前話問之辯撥  
對遠以手托開辯趨出豁然大徹復回吐露還拽杖  
逐之一日遠問從上祖師方冊因緣許你會得忽舉  
拳曰這箇因何喚作拳辯擬對遠築其口曰不得作  
道理於是頓去知見遂還茗溪○慧洪作觀音大士  
畫像贊并序曰大觀四年春二月戊子之夕病比丘  
慧洪孱然臥縲絆之中夢至一處庭宇闐然有僧導  
入密室舉燭照壁間有鍾山寶公菩薩像意欣然欲

得之而像輒自墮其手復展視之則化而爲十二面觀音慈嚴之像心大驚異遂覺三月甲辰南州德逢

上人以書來訊且曰吾以衣鉢遣僧詣連水畫觀世音像至其莊嚴妙天下之手慧洪追憶前事問其遣像之日乃其得夢之夕因自感嘆菩薩以大悲等慈哀憐照臨如是昭著其何恩何德能報之也惟以筆舌言詞喻海之深誇日之明耳謹稽首爲之讚曰稽首淨聖甘露門無量聖身徧沙界應諸衆生心所求譬如春色花萬卉西方肅殺憂愁地故住寶陀洛伽山此方教體在音聞故稱名者得解脫一切衆生殺心盛癡暗不見不發心故現鷹巢蚌蛤中亦作畫師畫其像菩薩豈有種種心皆其悲願力如是何人毫端寄逸想幻出百福莊嚴身屹然欲動千光集譬如將回紫金山湛然欲瞬衆好生譬如欲折青蓮華蠻奴水王來獻誠想見細雨天花落衆生五濁熱惱中色欲愛見所熏羨忽然觀此寶月相一切毛孔皆清涼成此不思議功德皆因上人心所獻願我蚤熏知見香願我恒被慈忍服願魔障山速崩裂願大智慧

常現前心精遺聞證圓通自然淨極光通達我當定如觀世音一切衆生願如我

辛卯悟新禪師謁守智

悟新謝事黃龍謁雲蓋守智時日已夕侍僧通謁智曳履且行且語曰將燭來看其面目何似生而能致名喧宇宙新亦絕叫把近前來我要照是真師叔是假師叔智即當胸毆一拳新曰却是真箇遂作禮賓主相得歡甚○空室道人智通居金陵嘗設浴保寧揭榜於門曰一物也無洗箇甚麼纖塵若有起自何來道取一句子立乃可大家入浴古靈只解揩背開士何曾明心欲證離垢地時須是通身汗出盡道水能洗垢焉知水亦是塵直饒水垢頓除到此亦須洗却通後爲尼名惟久掛錫姑蘇西竺書偈趺坐而化

壬辰慧洪禪師閱偈有省

慧洪謫海外壬辰三月館於瓊州開元寺海上無經籍壁間有毗舍浮佛偈曰假借四大以爲身心本無生因境有前境若無心亦無罪福如幻起亦滅洪因日夕研味頓入無生○克勤出峽南遊時張商英罷

相寓荆南。以道學自居。少見推許。勤艤舟謁之。劇談華嚴旨要。曰。華嚴現量境界。事理全真。初無假法。所以即一而萬。了萬爲一。一復一萬。復萬浩然莫窮心。佛衆生三無差別。卷舒自在。無礙圓融。此雖極則。終是無風匝之波。英不覺促。揚勤遂問曰。到此與祖師西來意爲同爲別。曰。同。曰。且得沒交涉。英有愠色。勤曰。不見雲門道。山河大地無絲毫過患。猶是轉句。直得不見一色。始是半提。更須知有向上全提時節。彼德山臨濟。豈非全提乎。英乃首肯。翼曰。復舉事法界理法界至理事無礙法界。勤又問。此可說禪乎。曰。正好說禪也。勤笑曰。不然。正是法界量裏。在蓋法界量未滅。若到事事無礙法界。法界量滅始好。說禪如何。是佛乾屎橛。如何。是佛麻三斤。故真淨偈云。事事無礙如意自在。手把猪頭口誦淨戒。越出淫坊。未還酒債。十字街頭。解開布袋。英嘆曰。美哉之論。豈易聞乎。遂以師禮待。勤留居碧巖。勤居夾山。安民侍行。夜參次。勤舉僧問巖頭古帆未掛時如何。頭曰。後園喫草。民未領。遂求決。勤曰。你問我。民學前話。勤曰。庭

前栢樹子。民遂大徹。謂勤曰。古人道。如一滴投於巨壑。殊不知大海投於一滴。勤笑曰。柰這漢何。癸克勤禪師傳法紹隆

紹隆初謁長蘆信有傳。克勤語至者。隆讀之。嘆曰。想醉生液。雖未澆腸沃胃。要且使人慶快。第恨未聆警欬耳。遂依文準準曰。如何。是行脚事。隆露胸曰。和尚驗看。準卽打隆約住曰。且莫盲枷瞎棒。準大笑。復謁悟新。新曰。是什麼。曰。行脚僧。曰。是何村僧。行甚驢脚。馬脚。曰。廣南蠻道。什麼。何不。高聲道。新喜曰。却有禪僧氣息。隆乃喝。新甚器之。嘆曰。再來人也。次謁克勤。一日入室。勤問。見見之時。見非是見。見猶離。見見不能及。舉拳曰。還見麼。曰。見。曰。頭上安頭。隆聞。脫然契證。勤叱曰。見箇甚麼。曰。竹密不妨流水過。勤肯之。

佛祖綱目卷第三十七之上

佛祖綱目卷第三十七之下 露字號

甲午宋徽宗政和四年起戊戌政重和己亥政宣和丙午欽宗靖國元年  
丁未高宗建炎元年辛亥改紹興辛酉金統癸亥高宗紹興十三年止

甲守智禪師住開福

守智退居西堂政和甲午年已九十潭帥遣長沙令佐詣山請供智以老辭令佐曰太守以職事不得入山遣屬吏來迎不往貽山門之咎智乃至入開福齋罷鳴鼓智問故曰請師住持智心知墮計乃受之○宗坦潞州人晚年專求淨土甲午四月日夢佛謂曰汝說法止六日當生淨土覺而白衆至五月四日示衆因緣聚散固當有時淨土勝緣惟憑時刻願衆念佛助我往生言已坐脫滿空雷鳴白雲覆地三日方歇所持瑪瑙數珠盤於指上衆取之竟不能得

○黃龍悟新禪師入寂晦堂心法附臨濟第十世

悟新復領黃龍學者雲委屬疾退居晦堂有乞末後句者新示偈曰末後一句子直須心路絕六根門既空萬法無生滅於此徹其源不須求解脫生平愛罵

人只爲長快活政和四年十二月十三日晚小參說偈曰說時七顛八倒默時落二落三爲報五湖禪客心王自在休參十五日泊然坐逝茶毗舍利五色後有過其區者獲之尤甚

乙未慧懃禪師住蔣山

慧懃住智海經五年遷蔣山○政和五年三月日守智陞座說偈曰未出世頭如馬杓出世後口如驢嘴百年終須自壞一任天下卜度歸方丈安坐良久乃化○安民受法克勤往謁慧懃懃問佛果有不曾亂爲人說底句曾與你說麼曰合取狗口懃厲聲曰不是這箇道理曰無人奪你茶鹽袋叫喚作麼曰佛果若不爲你說我爲你說曰和尚疑時退院別參去懃呵呵大笑後開法保寧遷華藏歸里後入寂闍維舍利頗勝細穴地尺許皆得之尤光明瑩潔心舌亦不壞○文準平生律身以約雖領徒弘法不異在衆時晨興後架只取小杓湯洗面復用濯足放參罷方丈行者人力便如路人掃地煎茶皆躬親爲之政和五年夏臥病進藥者令忌毒物準不從有問故準曰病



有自性乎。曰：無。曰：既無自性，以空納空，吾未嘗顛倒。首座問：和尚尊候如何。曰：跛驢上壁。曰：和尚也好喫一服藥。曰：朽木搭橋。曰：也知和尚不解忌口。曰：你作麼。生座擬進語。曰：你也好喫一服藥。疾亟。宗杲問曰：倘和尚不起教果，依誰可了此大事。曰：有箇勤巴子。我雖不識渠，然汝必依之可了。汝事七月日，更衣說偈而化。茶毗舍利，晶圓光潔，睛齒數珠不壞。○禧誦蔡州宋氏子嗣道楷住西京天寧政和五年九月日，忽召主事，令以楮囊分而爲四，衆僧童行常住津送，各一。旣而復曰：丹霞有箇公案，從來推倒扶起。今朝普示諸人，且道是箇甚底。顧視左右曰：會麼。曰：不會。曰：偉哉大丈夫，不會末後句，遂就寢。右脇而化。○文準旣化，政和六年，宗杲往荊南謁張商英，求準塔銘。英問：遠來當爲何事。曰：勸潭準和尚示寂，茶毗眼睛牙齒數珠不壞，舍利無數。山中耆舊皆欲相公大手筆作塔銘，激勵後學。曰：有一問問公，若道得，只做得道不得。歸山參禪去。遂問準老眼睛不壞，是否。曰：是。曰：我不問這箇眼睛，曰：問什麼眼睛。曰：金剛眼睛。曰：若

是金剛眼睛，在相公筆頭上。曰：若如此，老夫爲他點出光明，令他照天照地去也。遂著之。

丙申慧洪禪師作二大士像贊

慧洪至高安龔德莊，出畫軸有二比丘像，皆梵轡相好，上有化佛，下布雨花，熟視之，有光影滅沒。如日在蒼蒼涼涼間。洪大驚，自失。莊曰：始僧繇畫於漢州德陽善寂寺之東壁，自是有光。世傳神異。唐麟德中有僧摸之，亦有光，以授資州牧王紀。紀奉之舟行風濤覆他舟，而紀舟進止自若。夜泊津次，舟人聚語，嗟異有商婦孕，踰兩年不乳，從紀求摹像禱之一，昔而乳垂拱三年，則天安置內道場，光尤猖狂。中宗嘉嘆，此爲我家瑞。唐祚其昌乎。今朝治平丁未，嘉禾陳舜俞令舉爲湖州，獲之作贊，藏爲家寶。政和六年春，獻於京師。有詔摸傳禁中，而光尤益奇。變京師爭售之，畫工致富者比屋。然傳以爲地藏觀音之像，當有據耶。洪曰：是觀世音得大勢之像也。受記經曰：過去金光師子遊戲佛時，有國王威德從禪定起，見二童子生蓮華中，一名寶意，二名寶上，說偈發願而釋迦如來

前身威德王也。觀世音得大勢寶。意寶上也。於未來世成等正覺。則觀世音號普光功德寶。如來得大勢號。善住功德寶王。如來皆以次補無量壽。故作雲間跏趺之像。僧繇殆非畫師也。莊撫手笑曰。當爲我贊之。洪遂贊曰。人趣可學道。乃爲姪事苦生。那落迦中方無姪欲樂。衆生如犛牛。愛此貪欲尾。異哉兩童子。藕花中化生。對天龍鬼神。作大師子吼。我若從今。始起於貪欲心。是則爲欺誑十方一切佛。以是因緣。故證色身三昧。我亦於今日復作師子吼。若從今日始。不斷貪欲心。是則爲滅絕十方三世佛。願如二大士。持心等虛。無太虛有殞壞。衆生界有盡。我此願不盡。稽首平等慈廣大。同體悲於刹刹塵塵。證我作是說。

○元照字湛然。餘杭唐氏子。少學毗尼。後講天台教觀。四主郡席。晚住靈芝。篤意淨業。念佛不輟。嘗言。化當世莫若講說。垂將來莫若著書。撰十六觀小彌陀義疏。自號安忍子。政和六年秋。忽命弟子諷十六觀經及普賢行願品。跌坐而化。西湖漁人皆聞空中天樂聲。建塔靈芝。諡大智。○慧享住武林延壽寺。依靈

芝習律。專修淨業六十年。每對人必以念佛爲勸。有江自任者。忽夢寶座從空而下。云。享律師當升此坐。適社友孫居士預啓。別享即在家作印。而化享往炷香歸。而謂其徒曰。孫君已去。吾亦行矣。乃集衆念佛。佛爲說偈。端坐而化。號清照律師。○思敏依靈芝。增受戒法。專心念佛二十年。後有疾。請衆諷觀經。半月。越三日。見化佛滿空。臨終念佛聲出。戶外酷暑。留龕七日不變。香滿室中。○胡闔官宣義。平日雖信佛乘。未諳淨土。年八十四。疾革。其子迎清照乞垂誨。示照謂闔曰。公知安身立命處否。曰。心淨則佛土淨。曰。公自度平昔時中有雜念染污否。曰。旣處世間。寧無雜念。曰。如是則安得心淨土。淨曰。一稱佛名。云何能滅八十億劫生死重罪。曰。阿彌陀佛。以弘誓願。塵劫修行。威德廣大。光明神力。不可思議。是以一稱其名。滅無量罪。猶如赫日消於霜雪。復何疑哉。闔遂省悟。即日延僧念佛。次日照復至。闔曰。師來何暮。二大士降臨已久。照於是率衆厲聲念佛。闔乃合掌而逝。

丁法海立禪師入寂

政和七年二月徽宗詔改天下天寧觀爲神霄宮。所在無觀者以寺充。處州法海立陞座。謂衆曰：都緣未徹，所以說是說，非蓋爲不真，便乃分彼分此。我身尙且不有，身外何足道哉！正眼觀來，一場笑具。今則聖君垂旨，更僧寺作神霄，佛頭添箇冠兒，算來有何不可。山僧今日不免橫擔拄杖，高挂鉢囊，向無縫塔中安身立命，於無根樹下笑月吟風。一任乘雲仙客來，此呪水書符印牙作法。他年成道，白日上昇，堪報不報之恩，以助無爲之化。只恐不是玉，是玉也大奇。然雖如是，且道山僧轉身一句作麼生道？還委悉麼？鄒下拂子，竟爾趨寂。奏聞詔仍改寺額曰眞身。○懷深壽春夏氏子，生而祥光現室，文殊堅遙見疑火，詰旦知深始生，往訪之，深見堅輒笑，母許出家。依長蘆，信信舉，良遂見麻谷，因緣問曰：如何？良遂知處深卽洞明，出住資福，屢滿戶外。一日慧勲行化至茶，退深引巡察至千人街坊，勲曰：既是千人街坊，爲甚麼只有一人？曰：多虛不如少實。曰：恁麼？那深赧然值朝廷以資福爲神霄宮，因棄往蔣山請益。勲曰：資福知是

般事便休。曰：深實未穩在望。尚不外勲舉情女離魂話，反覆窮之大豁疑礙。呈偈曰：祇是舊時行履處，等閑舉著便誚訛。夜來一陣狂風起，吹落桃花知幾多。勲拊几曰：這底豈不是活祖師意？○士珪，成都史氏子，號竹菴。與伯父持一居士俱喜楞嚴經。珪曰：若離前塵有分別，性正是生死根本。伯父駭曰：佛說妄耶？曰：佛固不妄，且約只今居士對面徵詰之心，果安在？伯父嘆曰：佛說解第一空名師子，吼汝行矣。無滯此，遂南游登龍門，卽以平時所得白清遠。遠曰：汝解心已極，但欠著力開眼耳。遂俾職堂司一日侍立，次問遠曰：絕對待時如何？曰：如汝僧堂中白椎相似。珪罔措，遠至晚抵堂司。珪理前話，遠曰：閑言語珪於言下大悟。政和末住和州天寧。○惟清，閑居照默堂十五年。天下學者望風而至。政和七年九月十八日，食罷掩房遣呼以樓首座至，叙說訣別，乃起浴更衣，以手指頂侍者爲淨髮，訖安坐而寂。前十日自作無生常住眞歸告銘曰：賢劫第四尊，繼迦文佛，直下第四十八世孫。惟清雖從本覺應緣出生，了緣卽空，初無

自性氏族親里莫得而詳。但以正因一念爲所宗承。是則釋迦之遠孫。其號靈源。叟據自了因。所了妙性。無名字中示稱謂耳。亦臨濟無位真人。傳大士之心。王類矣。亦正法眼藏。涅槃妙心。惟證乃知。餘莫能測者歟。所以六祖問讓和尚。什麼處來。曰嵩山來。祖曰。什麼物。怎麼來。曰說似一物。即不中。祖曰。還假修證否。曰修證即不無。污染即不得。祖曰。即此不污染。是諸佛之護念。汝既如是。吾亦如是。茲蓋獨標清淨法身。以遵教外別傳之宗。而揀云報化非真。佛亦非說法者。然非無報化大功。大用。謂若解通報化。而不頓見法身。則滯汚染緣。乖護念旨。理必警省耳。夫少室道行光騰。後裔則有雲門。偃舊雄音。絕唱於國中。臨濟立振大用。大機於天下。皆得正傳。世咸宗奉。惟清望臨濟九世祖也。今宗教衰喪。其未盡絕滅者。惟二家微派。班班有焉。然名多媿實。顧適當危。寄而朝露身。緣勢迫晞墜。因力病釋俗。從真叙如上事。以授二三子。吾委息後。當用依稟。觀究即不違先聖法門。而目見深益。慎勿。聞末法所向。乞空文於有位。求爲志。

銘張師說以浼吾至囑至囑。因目所叙曰。無生常住。眞歸告且繫之以銘。銘曰。無涯湛海。瞥起一漚。亘乎百年。曷浮曷休。廣漠清漠。歟生片雲。有無起滅。隱顯何分了。茲二者。即見實相。十世古今。始終現量。吾銘此旨。昭示汝曹。泥多佛大水。長船高。清又遺誠。藏骨石於海。會示生死。不與衆隔也。門弟子不敢違朝廷。賜號佛壽。○政和七年九月日。慧懃示衆。祖師心印。狀示鐵牛之機。去即印住。住即印破。直饒不去不住。亦未是。衲僧行履處。作麼生。是衲僧行履處。待十月前。後爲諸人注破。至十月八日。沐浴更衣。端坐手寫數書。別故舊。停筆而化。闍維收靈骨舍利塔於本山。○克勤自夾山受請。復徙道林。丁酉詔住蔣山。○金陵俞道婆。初市油。資爲業。嘗參瑯琊起。起以臨濟無位真人話示之一。曰聞丐者唱蓮花落云。不因柳毅傳書信。何緣得到洞庭湖。忽有省。不覺大笑。拋棄油資。與市兒競拾其夫。詎曰。你顛耶。婆撫掌曰。非汝境界。往見起。起望之。知其造詣。問那箇是無位真人。婆應聲曰。有一無位真人。六臂三頭。努力噴一擊華山。



分兩路。萬年流水不知春。自是見僧便曰。兒兒。纔擬議。便掩却門。守珣往勸之。婆遽呼曰。兒兒。珣曰。娘娘。爺在甚處。婆轉身拜露柱。珣踢倒曰。將謂有多少奇。特便出婆。蹶起曰。兒兒來。我惜你。則箇珣竟不顧。又仲安首座亦往見之。婆問甚處來。曰。德山來。曰。德山。泰乃婆兒子。曰。婆是甚人。兒子曰。老婆被上座一問。直得立地放尿。婆管頌婆子。偷趙州笋。因緣曰。虎穴。魔官到者。稀老婆失脚。又懷疑趙州喫掌。無人會。直至如今。成是非。又頌馬祖不安。因緣曰。面月面虛。空閃電。雖然截斷天下。衲子舌頭分明。只道得一半。○克勤到蔣山。開堂。婆於衆中躍出。以身一拶。便歸衆。勤曰。見怪不怪。其怪自壞。勤次日。至其家。婆不出。厲聲曰。這般黃口小兒也。道出來開堂說法。勤曰。婆子少賣弄。我識得你了也。婆遂大笑出相見。○景元號元布袋。參克勤於蔣山。因僧讀死心語云。既迷須得箇悟。既悟須識悟。中迷迷中悟。迷悟兩忘。却從無迷悟處。建立一切法。元聞而疑。卽趨佛殿。手托門扉。豁然大徹。繼而執侍。勤目爲聲頭。元侍者自題肖像付

曰。生平只說聲頭禪。撞著蒼頭如鐵壁。脫却羅籠截。却跟大地撮來黑。黍黑晚年轉復沒。刀刀奮金剛。椎碎窠窟。他時要識圓悟面。一爲渠儂併拈出。○祖覺嘉州楊氏子。幼聰慧。書史過目成誦。著書排釋惡境。忽現悔過出家。未幾疽發膝上。五年醫莫愈。因書華嚴合論。畢夜感異夢。遂悟華嚴宗旨。嘗講於千部堂。適元靜至。謂覺曰。觀公講說獨步西南。惜未解離文字。相耳。儻能問道外方。卽今之周金剛也。覺欣然罷講。出峽謁張商英。英曰。若向上一著。非蔣山老執能指南。遂遣書爲覺介紹。依克勤一日入室。勤舉羅山道有言。時踞虎頭。收虎尾。第一句下。明宗旨。無言時。觀露機鋒。如同電拂。作麼生會。覺無對。夙夜參究。忽然有省。呈偈曰。家住孤雲頂。長年半掩門。自嗟身已老。活計付兒孫。勤見而大笑。次日入室。勤問。昨日公案作麼生。覺擬對。勤便喝曰。佛法不是這箇道理。○法泰漢州李氏子。克勤住蔣山。泰爲座元。有僧仲安來謁。勤因扣泰。遂領旨及泰住德山。遣安至蔣山。通嗣書。勤在法堂上安棒。書趨前。勤曰。千里馳達。不辱



宗風公案現成如何通信曰。覲面相呈更無回互曰。此是德山底。那箇是專使。底曰。豈有第二人。曰。背後底。響安便度書。勤曰。作家禪客。天然猶在。曰。分付與蔣山。乃下通首座。大眾書首座曰。立沙白紙。此自何來。安呈起書曰。見麼。座遂引手接。安復執却曰。久默斯要不務速說。今日拜呈。幸希一鑒。座便喝。安曰。作家首座。座又喝。安打一書。座擬議。安曰。未明三八九。不免自沉吟。又以書打一下曰。接勤與清遠。立法堂盼其作略。勤厲聲曰。打我首座死也。遠曰。官馬厮踢。有甚憑據。安曰。說甚官馬厮踢。正是龍象蹴蹋也。勤曰。喚來喚來。安復至法堂上。勤曰。我五百衆中。首座你爲甚打他。安曰。和尚也喫一頓。始得勤顧遠吐舌。遠曰。未在。乃問安曰。只如空手把鋤頭。步行騎水牛。人從橋上過。橋流水不流。意作麼生。安低躬曰。所供竝是詣實。遠大笑曰。元來是家裏人。安又至五祖表自處。通法眷書自曰。書裏說甚麼。曰。文彩已彰。曰。畢竟說甚麼。曰。當陽揮寶劍。曰。近前來這裏。不識數字。曰。莫詐敗。自顧侍者曰。這是那裏僧。曰。多少人疑著。

侍者曰。曾在和尚會下去。曰。怪得恁麼滑頭。曰。曾被和尚鈍置。來自遂將書於爐上薰。曰。南無三滿多沒秋辭。歸勤曰。子何所需。曰。短歌須要數十丈長句。只消三兩言。勤遂送以頌曰。使乎不辱命。臨機貴專對。安禪捋虎鬚。著著超方外。不惟明窓下。安排撥向禪。床拶嶮崖拈。槌豎拂奮雄辯。金聲玉振。猶奔雷。九旬落落提綱宗。衲子濟濟長趨風。解黏去縛。手段辣。驅耕奪食。尤雍容。夏滿思山要歸去了。却武陵一段事。勃牢理窟。乃胸中行。行不患無知。已臨行。索我送行篇。栗棘蓬裏金剛圈。短歌須要數十丈長句。只消三兩言。金毛獅子解翻身。箇是叢林傑出人。不日孤峰大哮吼。五葉一華天地春。安後出世。鼎州靈巖嗣。泰○初端裕歷參名宿。晚謁克勤。勤問。誰知正法眼藏。向這瞎驢邊滅却。卽今是滅不滅。曰。請和尚合取口好。曰。此猶未出常情。裕擬對。勤擊之。裕頓去所帶動印。以偈曰。二三四七初無間。顯大威光示的傳。把斷關津勿輕放。草深誰顧法堂前。遂命分座訓徒。

戊芙蓉道楷禪師入寂投子青法嗣  
曹洞第八世

道楷菴芙蓉政和八年五月十四日索筆書偈曰吾年七十六世緣今已足生不愛天堂死不怕地獄撒手橫身三界外騰騰任運何拘束移時乃逝○世奇成都人初造龍門一日燕坐瞌睡群蛙忽鳴誤聽爲淨髮版響亟趨往或曰蛙鳴非版也奇恍然詣方丈剖露遠曰豈不見羅睺羅奇遽止之曰和尚不必舉待某甲自看未幾有省乃占偈曰夢中聞版響覺後蝦蟆啼蝦蟆與版響山嶽一時齊緣是益加參究洞臻玄奧遠命分座奇固辭曰此非細事也如金鍼刺眼毫髮若差睛則破矣願生生居學地而自煅煉遠因以偈美之曰有道只因頻退步謙和元自慣回光不知已自青雲上猶更將身入衆藏暮年學者力請因說偈曰諸法空故我心空我心空故諸法同諸法我心無別體只在而今一念中且道那一念衆罔措奇喝一喝而逝○撫州白楊法順綿州文氏子依法遠聞遠舉傳大士心王銘言下有省後觀寶藏迅轉頓明大法呈偈曰頂有異峰雲冉冉源無別派水泠泠

冷游山未到山窮處終被青山礙眼睛遠肯之久病云衆云久病未嘗推木枕人來多是問如何山僧據問隨緣對窓外黃鸝口更多衆中作者試爲山僧指出病源七尺之軀甚處受病衆下語皆不契自撫掌一下作嘔吐聲又云好箇木枕子遂逝闍維收舍利目睛齒舌數珠塔於寺西○雲居法如丹丘胡氏子祝髮登具徧參宗匠晚至龍門以平日所證白遠遠曰此皆學解非究竟事欲了生死當求妙悟如駭然諦信一日命主香積以道業未辦固辭遠曰姑就職其中大有人爲汝說法未幾晨興開厨門望見聖僧契所未契卽白遠遠曰這裏還見聖僧麼如詣前問訊又手而立遠遠曰向汝道大有人爲汝說法○圓瑛得法慧南住保寧戊戌九月日說偈而逝壽八十三夏六十三闍維不壞者二而糝以五舍利

己汝州天寧明禪師入寂

初道士林靈素以妖術謁蔡東京引見帝帝信之賜素金門羽客自號教主道君皇帝詔改天下大寺爲神霄玉清萬壽宮改佛號大覺金仙餘爲仙人大士

僧稱德士行稱德童法師永道等相向泣曰佛法至此幸生猶死亟詣政府陳狀翼日伏宣德門極陳其不可帝大怒收道付開封獄當黥春陵春陵守一夕夢黥佛械立廷下旦告僚屬僚屬具對同夢頃之道至貌克肖一府大驚遂免其役汝州天寧明禪師者改德士日登座謝恩畢乃曰本簡信手拈來坐具乘時放下雲散水流去寂然天地空歛目而逝又平江府明因曇玩因改德士入頭陀毼食松自全後依克勤因舉桴鼓頓明大法住院後凡有所問法皆對曰莫理會故人亦稱爲莫理會長老○繼成宜春劉氏子號蹠菴得法於普融平宣和元年住淨因

庚子  
宗杲謁張商英

宗杲自觀音往龍安兜率宣和二年春至荆渚謁張商英館於西齋爲法喜遊一日英謂杲曰余頃在江寧戒壇院寓居再閱雪竇拈古至百丈再參馬祖因緣雪竇云大冶精金應無變色投卷曰審如是豈得有臨濟今日耶遂有頌曰馬師一喝大雄峰深入觸醜三日羶黃檗聞之驚吐舌江西從此立宗風因舉

似平禪師平後致書來求頌本又成頌曰吐舌耳聾師已曉搥胸只得哭蒼天盤山會裏翻筋斗到此方知普化顯今又數年諸方少有知余者公自江西法窟來必辨優劣曰居士見處與真淨死心符合近世得此機用獨二老矣曰何謂也杲乃舉其頌云客情步步隨人轉有大威光不能現突然一喝雙耳聾那叱眼開黃檗面復舉死心拈云雲巖敢問雪竇既是大冶精金應無變色爲甚却三日耳聾諸人要知麼從前汗馬無人識只要重論蓋代功英躍然撫几曰不因公語爭見死心真淨用處若非二老難顯雪竇馬師乃述偈曰馬師喝下立宗風嗟我三人見處同海上六鰲吞餌去棲蘆誰更問漁翁既而請別英囑曰子必見圓悟吾助子往杲於是至京師○宣和元年清遠自舒州龍門以病辭歸蔣山之東堂宣和二年書雲前一日飯食訖趺坐謂其徒曰諸方老宿臨終必留偈辭世世可辭耶且將安往乃合掌怡然趨寂門人函骨歸龍門塔於靈光臺側○法常首衆報恩室中惟一矮榻餘無長物庚子九月語寺僧曰一

月後不復留此。十月二十一夕將曉。書漁父詞於室門。就榻收足而逝。詞曰。此事楞嚴曾露布。梅花雪月交光處。一笑寥寥空萬古。風颭語。迥然銀漢橫天宇。蝶夢南華方栩栩。斑斑誰誇豐干虎。而今忘却來時路。江山暮天涯。目送飛鴻去。○庚子冬。淨因繼成同克勤法真懷深并十大法師禪講千僧。赴太尉陳良弼府齋。有賢首宗善華嚴者。對衆問曰。吾佛設教。自小乘至圓頓。掃除空有。獨證眞常。然後萬德莊嚴。方名爲佛。嘗聞禪宗一喝。能轉凡成聖。與諸經論。似相違背。今一喝若能入吾宗。五教是爲正說。若不能入。是爲邪說。諸禪目成。成曰。如法師所問。不足勞三大禪師之酬。只淨因小長老。可以使法師無惑也。成召善善應諾。成曰。法師所謂佛法小乘教者。乃有義也。大乘始教者。乃空義也。大乘終教者。乃不有不空義也。大乘頓教者。乃卽有卽空義也。一乘圓教者。乃不有而有。不空而空義也。如我一喝。非惟能入五教。至世間工巧伎藝諸子百家。悉皆能入。成震聲喝一喝。問善曰。還聞麼。曰。聞曰。汝旣聞。則此一喝是有能入。

小乘教。須臾又問善曰。還聞麼。曰。不聞。曰。汝旣不聞。則適來一喝。是無能入。始教遂顧善曰。我初一喝。汝旣道有。喝久聲銷。汝復道無。道無則原初實有道。有則於今實無。不有不無。能入終教我有一喝之時。有非是有。因無故有。無一喝之時。無非是無。因有故無。卽有卽無。能入頓教。須知我此一喝。不作一喝用。有無不及。情解俱忘。道有之時。纖塵不立。道無之時。橫徧虛空。卽此一喝。入百千萬億喝。百千萬億喝。入此一喝。能入圓教。善乃起再拜。成復曰。非惟一喝爲然。乃至一語一默一動一靜。從古至今。十方虛空。萬象森羅。六趣四生。三世諸佛。一切聖賢。八萬四千法門。百千三昧。無量妙義。契理契機。與天地萬物一體。謂之法身三界。惟心萬法。惟識四時。八節陰陽。一致謂之法性。是故華嚴云。法性徧在一切處。有相無相。一聲一色。全在一塵中。含四義。事理無邊。周徧無餘。參而不雜。混而不一。於此一喝中。皆悉具足。猶是建化門庭。隨機方便。謂之小歇場。未至寶所。殊不知祖師門下。以心傳心。以法印法。不立文字。見性成佛。百千



聖不傳底向上一路在。曰如何是向上一路。曰汝且向下會取。曰如何是寶所。曰非汝境界。曰望禪師慈悲。曰任從滄海變。終不爲君通。○法忠至衡嶽見怪石如臥牛。遂結茅其傍。榜曰牧菴湘潭大旱。忠躍入龍淵。呼曰業畜。當雨一尺。雨隨至。○子淳劍州賈氏子。得法道楷。庚子住大洪。

辛丑 德止禪師住圓通

德止歷陽金紫徐閔中之季子。雙瞳紺碧。神光射人。十歲未知書。多喜睡。其父目爲惰。然子暨成童。強記過人。爲文多奇語。弱冠夢異僧授四句偈。已而有以南安嚴主像遺之者。卽傍所載聰明偈。自是持念不忘。後五年。隨金紫將漕西洛。一夕忽大悟。連作數偈。一曰不因言句。不因物色。不因聲夜半吹燈。方就枕。忽然這裏已天明。每嘯歌。自若衆莫測之。乃力求出家。父弗許。欲以官授。止止曰。某方將脫世網。不著三界。豈復刺頭於利名中耶。請移授從兄珏。遂祝髮受具。印證於惟照名振京師。宣和三年春。徽宗賜號眞際。俾住江州圓通。學徒奔湊。後遷化時。茶毗。

烟氣所及。悉成舍利。

○懷深慈受禪師住慧林

宣和辛丑三月。詔懷深住汴京慧林禪院上堂。古者道忍忍三世如來。從此盡饒饒萬福千殃。從此消默默無上菩提。從此得乃曰。會得此三種語。了好箇不快活。漢山僧祇是得人一牛。還人一馬。潑水相唾。插嘴厮罵。卓拄杖曰。平出平出。上堂雲。自河山起。風從湛澗生。好箇入頭處。官路少人行。上堂不是境。亦非心。喚作佛時也。陸沉箇中本自無階級。切忌無階級。處尋總不尋過。猶深打破雲門飯袋子。方知赤土是黃金。咄。僧問。知有道不得時。如何曰。瘧子喫蜜曰。道得不知有時。如何曰。鸚鵡喚人僧禮拜。深叱曰。這傳語。漢問甚麼人。不被無常吞。曰。祇恐他無下口處。曰。恁麼則一念通玄。箭三尸鬼失奸也。曰。汝有一念定。被他吞了。曰。無一念時。如何曰。捉著闍黎深。謂修行捷徑。無越淨邦。遂建道場。勸衆念佛。頌曰。萬人同志念彌陀。衆力相成願力多。一朶蓮花親見佛。方知淨土勝娑婆。其樹林水鳥各宣揚寶網。金臺盡道場會。



得鐘鳴并鼓響。彌陀觸處放毫光。<sup>其</sup>鬢髮看看染雪

霜。心猿意馬尙顛狂。一朝掩目歸空去。始信泥犁歲

月長。<sup>三</sup>其業報差殊事不同。勞生無地出樊籠。欲知自

性彌陀佛在汝朝昏一念中。<sup>四</sup>其不是山僧說是非。修

行魔事要君知。直須緊峭草鞋底。透過婆婆五欲池

其○天衣如哲。長蘆信嗣。自退席平江。萬壽飲啖無

擇人多侮之。有以瑞巖喚主人公。話問者答。偈曰。瑞

巖常喚主人公。突出須彌最上峰。大地掀翻無覓處

笙歌一曲畫樓中。一日曰。吾行矣。令拂拭所乘筇。與

乃告衆曰。道在用處。用在死處。時人祇管貪歡樂。不

肯學無爲。叙平昔參問。勉衆進修。已忽。豎起拳曰。諸

人且道。這箇落在甚處。衆無對。哲揮案一下。曰。一齊

分付與秋風。遂入輿。端坐而化。○祖覺參克勤於蔣

山。勤未許可。覺復留五年。愈更迷悶。後於廬山。閱法

遠。削執論云。若道悟有疎。親豈有旃檀林中却生臭

草。須知宗師著者。不曾虛發。遂豁然契悟。作偈寄勤

曰。出門依舊入蓬蒿。天網恢恢不可逃。誰信業緣無

避處。歸來不怕語聲高。勤大喜持以示衆。衆曰。覺華嚴

徹矣。○佛照果出世時。常謂人曰。和尚紹聖三年十

一月二十一日。悟得方寸禪。又言。和尚熙寧三年丈

帳在鳳翔府。供申當年。陷了華山。一十八州。你輩茄

子瓠子。那裏得知。詔住法雲。辛丑。退居景德。鐵羅漢

院殿中有木羅漢數尊。京師苦寒。果取而燒之。擁爐

達旦。次日。淘灰中得舍利無數。又住歸宗時。專精行

道。未嘗少懈。深夜修敬。罷坐於僧堂地爐中。忽見二

僧入堂。一人龐眉雪頂。一人少年。皆丰姿頎然。果心

喜自謂曰。我座下有如此僧。須與二人出堂。果襲其

後。見入佛殿中。果亦隨入。燈影熒煌。爐中尙有火。果

炷香禮佛。二僧復出。亦襲其後。至佛殿前。偶失二僧

所在。自念忘却香匣。在殿內回身取時。見殿門扃鑰

遂喚直殿行者守舜。開門。舜取鑰匙開門。見爐中香

烟未散。香匣在竇堵上。果不諭其故。○西蜀鑾法師

佛照果。法嗣果住法雲。謝事居景德。鑾問果曰。禪家

言多不根何也。果曰。汝習何經論。鑾曰。諸經。能知頗

通百法。果曰。只如昨日雨。今日晴。是甚麼法中收鑾

懽然。果舉餐和子擊曰。莫道禪家所言不根。好鑾憤

日昨日雨今日晴畢竟是甚麼法中收果曰第二十四時分不相應法中收鑾恍然有省卽禮謝後歸蜀居講會以直道示徒不泥名相

寅王克勤禪師命紹隆分座

克勤既傳心印於紹隆尋俾掌藏教然隆道貌如甚悞者或問勤曰隆藏主柔易若此何能爲哉勤曰瞋睡虎耳宣和四年舉隆分座訓徒○張商英自受大法後著發願文云思此世界五濁亂心無正觀力無了因力自性惟心不能悟達謹遵釋迦世尊金口之教專念阿彌陀佛求彼世尊願力攝受待報滿時往生極樂如順水乘舟不勞自力而至矣宣和四年十一月黎明作偈曰幻質朝章八十一漚生漚滅無人識撞破虛空歸去來鐵牛入海無消息言訖取枕擲門窓上聲如雷震衆視之已逝矣

癸卯守卓禪師入寂靈源清法嗣  
臨濟十一世

守卓受法於惟清住東京天寧宣和五年十二月二十七日奄然而寂閣維日徽宗遣中使賜香持金盤求舍利焚香罷盤中鏗然視之五色者數顆大如豆

使者持還上見大悅○草堂善清初參祖心心示以風旛話子作麼生會清曰迥無入處乞師方便心日子見貓兒捕鼠乎目睛不瞬四足踞地諸根順向首尾一直擬無不中子誠能如是心無異緣六根自靜默然而究萬無失一也清從是屏去閑緣歲餘忽然契悟以偈告心曰隨隨隨昔昔昔隨隨隨後無人識夜來明月上高峰元來祇是這箇賊心領之復告之日子入處真實得坐披衣向後自看自然七通八達去清復依止七年

甲辰克勤禪師示紹隆法語

宣和六年克勤移住汴京天寧示紹隆法語有曰有祖以來惟務單傳直指不喜帶水拖泥打露布列窠窟鈍置人蓋釋迦老子三百餘會對機設教立世垂範大段周遮是故最後徑截省要接最上機雖自迦葉二十八世少示機關多顯理致至於付受之際靡不直面提持如倒剎竿盤水投鍼示圓光相執赤旛把明鏡說如鐵橛子傳法偈達磨破六宗與外道立義天下太平翻轉我天爾狗皆神機迅捷非擬議思

惟所測暨到梁遊魏。尤復顯言教外別行。單傳心印。六代傳衣。所指顯著。逮曹溪大鑑。詳示說通。宗通歷涉既久。具正眼大解。脫宗師變革。通塗俾不滯名相。不墮理性。言說放出。活卓卓地。脫灑自絲妙機。遂見行棒行喝。以言遣言。以機奪機。以毒攻毒。以用破用。所以流傳七百來年。枝分派別。各擅家風。浩浩轟轟。莫知紀極。然鞠其歸。著無出直指人心。心地既明。無絲毫隔礙。脫去勝負。彼我是非。知見解會。透到大休大歇安穩之場。豈有二致哉。所謂百川異流。同歸於海。要須是箇向上根器。具高識遠。見有紹隆佛祖志氣。然後能深入閭奧。徹底信得及。直下把得住。始可印證。堪爲種草。捨此切宜實秘。慎詞勿作容易。敢行也。隆公知藏湖湘。投機還往北山。十餘年。眞探頤精。通本色衲子。遂學分席。訓徒已三載。予被睿旨。移都下。天寧欲得法語。以表道契。因爲出此數段。

### 乙 克勤禪師傳法宗杲

宗杲至京。館於太宰府。館後菴中。甲辰九月。克勤有天寧之命。杲自慶曰。此老實天賜我也。遂預往天寧。

以待乃自惟曰。當以九夏爲期。其禪若不異諸方。妄以余爲是我。則造無禪論去也。枉費精神。蹉跎歲月。不若弘一經一論。把本修行。庶他生後世。不失爲佛法中人。遂贖清涼疏鈔一部。齋之天寧。及勤至。開法杲曰。夕參扣勤。令看僧問雲門。如何是諸佛出身處。門云。東山水上行。語杲。凡呈四十九轉語。勤皆不肯。一日。陞座。舉雲門語云。天寧即不然。若有人問。如何是諸佛出身處。但向他道。薰風自南來。殿閣生微涼。杲聞豁然去却。礙膺之物。遂白勤。勤曰。也不易。你到這箇田地。可惜死了。不能得活。不疑言句。是爲大病。不見道。懸崖撒手。自肯承當。絕後再蘇。欺君不得。須知有這箇道理。乃令杲居擇木堂。爲不釐務侍者。每舉有句。無句。如藤倚樹。問之杲。纔開口。便道。不是。經半載。忽問勤曰。聞和尚當時曾問五祖。這話不知五祖道甚麼。曰。我問有句無句。如藤倚樹。意旨如何。祖曰。描也描不成。畫也畫不就。又問。樹倒藤枯時。如何。祖曰。相隨來也。杲乃抗聲曰。我會也。勤遂舉數語。訛因緣。詰之杲。酬對無滯。勤曰。今日方知吾不汝欺。遂

著臨濟正宗記付之曰。臨濟正宗自馬師黃檗闡大機。大用脫羅籠。出窠臼。虎驟龍馳。星飛電激。卷舒擒縱。皆據本分。綿綿的的。到興化風穴。唱愈高。機愈峻。西河弄師子。霜華奮金剛。王非深入。闡奧親受印記。皆莫知端倪。徒自名邈。只益戲論。大抵負冲天氣宇。格外提持。不戰屈人。兵殺人不貶。眼尙未髣髴。其趨向。況移星換斗。轉天輪迴地軸耶。是故示三玄三要。四料簡。四主賓。金剛王寶劍。踞地師子。一喝不作。一喝用。探竿影草。一喝分賓主。照用一時。行許多落索。多少學家。搏量注解。殊不知我王庫內。無如是刀。弄將出來看底。只貶得眼。須是他上流契證。驗認正按。旁提。須還本分。種草豈假梯媒。只如寶壽開堂。三聖推出一僧。壽便打。聖云。你恁麼爲人。非獨瞎却這僧眼。瞎却鎮州一城人眼去。在壽擲下拄杖。便歸方丈。興化見同參來。便喝。僧亦喝。化又喝。僧復喝。化云。你看這瞎漢。僧擬議。直打出法堂。侍者問有何相觸。悞化云。是他也有權也。有實。我將手向伊面前橫兩遭。却不曾似此瞎漢。不打更待何時。看他本色。宗風迥

然殊絕。不貴作略。只欽他眼。正要扶荷。正宗提持。宗眼。須是透頂透底。徹骨徹髓。不涉廉纖。迥然獨脫。然後的的相承。可以起此大法。幢然此大法炬。繼他馬祖百丈首山楊岐。不爲黍竊爾。○知和崑山張氏子。兒時嘗習坐垂堂。堂傾。父母意其必死。和瞑目自若。因使出家。年滿得度。謁潞潭乾。乾問作甚麼。和擬對乾。使打。復喝曰。你喚甚麼作禪。和驚領旨。即曰。禪無後無先。波澄大海。月印青天。問如何。是道。曰。道紅塵浩浩。不用安排。本無欠少。乾然之棲雪竇之中峰。棲雲兩菴。逾二十年。住二靈三十年。間居無長物。惟二虎侍其右。宣和七年四月。日跌坐而逝。○普交亦乾嗣。因爲檀越修懺摩。有問曰。公所懺罪爲自懺耶。爲他懺耶。若自懺。罪性何來。若懺他罪。他罪非汝。焉能懺之。交不能對。遂改服遊方。造潞潭。足纔踵門。乾即呵之。交擬問。乾曳杖逐之。一日忽呼交至丈室曰。我有古人公案。要與你商量。交擬進語。乾遂喝。交豁然領悟。乃大笑。乾下禪床。執交手曰。汝會佛法耶。交便喝。復托開。乾大笑。○道旻世稱古佛。興化蔡氏子。



母夢吞摩尼珠有娠生五歲足不履口不言母抱遊寺見佛像遽履地合爪稱南無佛人大異之出家徧參後至勸潭乾器之旻陳列參所得不蒙印可乾舉世尊拈花迦葉微笑語以問復不契後侍乾行乾以拄杖架肩長嘯曰會麼旻擬對乾便打有頃復拈草示曰是甚麼旻亦擬對乾遂喝於是頓明大法作拈花勢乃曰這回瞞旻上座不得也乾挽曰更道更道曰南山起雲北山下雨即禮拜乾首肯○紹興慈氏瑞仙習毗尼因觀戒性如虛空持者爲迷倒乃謂戒者束身之法也何自縛乎又閱諸法不自生亦不從他生不共不無因是故說無生疑曰又不自他不共不無因生畢竟從何而生即省曰因緣所生空假三觀抑揚性海心佛衆生名異體同十境十乘轉識成智不思議境智照方明非言詮所及棄謁諸方後至投子廣鑑璞問鄉里甚處曰兩浙東越曰東越事作麼生曰秦望峰高鑑湖水闊曰秦望峰與你自己是同是別曰西天梵語此土唐言曰此猶是叢林祇對畢竟是同是別仙便喝璞便打仙曰恩大難酬便禮

拜○江公望字民表釣臺人居蔬食清修述念佛方便文以勸道俗又嘗書於家塾曰利根之人念念不生心心無所六根杳寂諸識銷落法法全真門門絕待警爾遂成真如實觀初機後學一心攝念如來即使營辦家事種種作務亦自不相妨礙若能都攝六根淨念相繼不過旬日便成三昧是故上根大器一念直超平展之流善觀方便望有子早亡託夢云大人修道功業已成冥府有金字額題云嚴州府江公望身居言責志慕苦空躬事熏修心無愛染動靜不違佛法語嘿時契宗風名已脫乎閭浮身必歸於淨土宣和末知廣德軍一旦無疾面西端坐而化○王古字敏仲官侍郎嘗參尊宿深契禪宗又悟淨土法門著決疑集三本平生精勤念佛數珠未嘗去手有僧神遊淨土見古與葛繁在焉

丙午李彌遜參克勤禪師

侍郎李彌遜少時讀書五行俱下年二十八爲中書舍人嘗入克勤室一日早朝回至天津橋馬躍忽有省通身流汗直造天寧適動出門遙見便喚曰居士



且喜大事了畢。遂厲聲曰：和尚眼花作甚麼？勤便喝。遜亦喝。自是機鋒迅捷。當機不讓。後遷吏部乞祠。祿歸閩。連江築菴自娛。忽一日示微恙。索湯沐浴畢。遂趺坐作偈曰：謾說從來牧護。今日分明呈露。虛空拶倒。須彌說甚。向上一路。擲筆而逝。○樞密徐俯字師川。每侍其父龍圖徐禧與法昌遇。靈源清語論終日。俯聞之。貌如及遇。歸寂在談笑間。俯乃篤信此道。後父歿。延清說法。清登座曰：龍圖平日讀萬卷書。如水傳器。且道尋常著在甚麼處。而今捨識之後。這著萬卷書的。又向甚麼處著。俯聞灑然。遂曰：吾無憾矣。清下座問曰：適來見箇甚麼。便恁麼道。曰：若有所見。則鈍置和尚也。曰：甚麼則老僧不如。曰：和尚是何心行。清大笑。靖康初。與朝士同志者挂鉢於天寧。擇木堂力參勤。一日同勤至書記寮。見勤頂相。俯指曰：這老漢脚跟未點地。在勤曰：甕裏何曾走却。驚俯曰：且喜老漢脚跟點地。勤曰：莫謗他好。○臨安府中天竺中仁諦窮經論於宗門。未契勤居天寧。凌晨謁之。勤方爲衆入室。仁見敬服。奮然造前。勤曰：依經解義。三世

佛冤離經一字。便同魔說。速道速道。仁擬對勤劈口擊之。因墜一齒。卽大悟。○宗杲居天寧記室。靖康元年。勤舉分座。杲乃炷香誓曰：寧以此身代衆生受地獄苦。終不以佛法當人情。於是叢林浩然歸重。

丁未道川參繼成禪師

道川崑山狄氏子。初爲縣之弓給。聞東齋謙首座爲道俗演法。往從之。習坐不倦。一日因不職。遭笞。忽於杖下大悟。遂辭職。依謙。謙爲改名道川。且曰：汝舊呼狄三。今名道川。川卽三耳。汝能堅起脊梁了辦箇事。其道如川之增。若放倒。卽依舊狄三也。川銘於心。建炎元年。圓頂遊方。至天封。謁繼成。與語鋒投。成稱善。歸憩東齋。學者請益。金剛經因章爲之頌。行於世。○正覺隰州李氏子。母夢五臺一僧解環。與環其右臂。乃孕。遂齋戒。及生。光出於屋右臂。特起若環狀。七歲日誦書數千言。得度。受具。游方。與其祖訣曰：若不發明大事。誓不歸矣。至汝州謁成。枯木一日。聞僧誦蓮經。至父母所生眼。悉見三千界。豁然有省。卽詣丈室。陳所悟。成指臺上香。合曰：裏面是甚麼物。曰：是甚麼。

心行曰汝悟處又作麼生。覺以手畫一圓相呈之。復拋向後。成曰弄泥團。漢有甚麼限。曰錯。曰別見人始得。覺應諾。諾即造謁子淳。淳問如何。是空劫以前。自己曰井底蝦蟆吞却月。三更不借夜明簾。曰未。在更道。覺擬議。淳打一拂子。曰又道不借覺言。下釋然。遂作禮。淳曰何不道取一句。曰某甲今日失錢遭罪。曰未暇打得你在。且去。嘗與僧徵詰公案。不覺大笑。淳責曰汝笑這聲。失了多少好事。不見道暫時不在。如同死人。覺再拜伏膺。俄掌記室遷首座。出世泗州普照建炎。初住舒州太平。○景深台州王氏子出家。謁淨慈象。一日聞象曰思而知慮而解。皆鬼家活計。與不自退。遂往寶峰參惟照。照曰直須斷起滅念。向空劫已前掃除立路。不涉正偏。盡却今時全身放下。放盡還放。方有自緣。分深聞頓領。厥旨照擊鼓告衆曰。深得闡提大死之道。後學宜依之。因號大死翁。建炎改元開法智通。○妙普漢州人。參悟新獲證結茅華亭青龍野。吹鐵笛自娛。警衆偈曰學道猶如守禁城。晝防六賊夜惺惺。中軍主將能行令。不動干戈致太

平十二時中莫住工。窮來窮去到無窮。直須洞徹無窮底。踏倒須彌第一峰。山居偈曰心法雙忘猶隔妄。色空不二尙餘塵。百鳥不來春又過。不知誰是住菴人。建炎初徐明叛道經烏鎮賊欲斬普。普曰大丈夫要頭便斫。取奚以怒爲。我死必矣。能一祭我乎。賊奉肉食。普曰孰爲文賊。笑。普索筆書曰嗚呼惟靈勞我以生。役我以壽。乏我以資。困我以命。賴有出塵之道。悟我之性。與其妙心上同。諸佛之真化下合。凡夫之無明。纖塵不動。本自圓成。妙矣哉。日月未足以爲明。乾坤未足以爲大。磊磊落落。無罣礙。和光混俗。逍遙自在。逢人則喜。見佛則拜。可惜少年。卽風流太光彩。坦然歸去。付春風。體似虛空。終不壞。尙覺文畢舉筯飽餐。餐罷笑曰我是快活烈漢。便請一刀兩段。乃大呼斬賊大駭。羅拜衛普而出。烏鎮悉免焚掠。

戊申克勤禪師住雲居

丙午克勤住金山一十八人悉皆解脫。因改名其堂曰大徹。戊申詔住雲居。賜號圓悟。○正覺自太平遷住江州圓通。能仁謝事遊雲居。謁克勤會長蘆虛席。

大衆堅請勸勉其行入寺未幾遭大寇李在抄掠寺衆奔散覺獨安坐以善語化之在等畏服一方咸賴以安○郡王趙令衿字表之號超然居士任南康時多與禪禪遊公堂間爲維摩丈室適克勤居甌阜衿欣然往參勤不少假衿固請勤曰此事要得相應直須是死一回始得衿默契自疏略曰家貧遭劫誰知盡底不存空室無人幾度賊來亦打動見囑令加護○袁覺本名圓覺郡守填牒誤作袁以覺族姓袁戲謂曰一字名可乎曰一字已多守異之覺徧歷諸方後依法泰陳所見泰曰汝忒煞遠在每學法華開示悟入四字令下語曰直待我豎點頭方是也一日偶不職被斥制中無依寓一俗士家因誦法華至亦復不知何者是舍何者爲火乃豁然制罷歸省泰見首肯之時克勤在雲居覺往通所悟勤呵云本是淨地屙屎作麼覺頓釋所疑○建安二年五月慧洪入滅於同安壽五十八所著有智證傳僧寶傳林間錄文字禪楞嚴疏鈔等書○曇華黃梅江氏子生而奇傑骨目聳秀年十七出家受具十九杖錫參訪徧歷叢

林所至與諸老宿激揚無不投契然華根器遠大不肯得少爲足要求向上鉗鎚透頂透底諸佛列祖羅籠不住一著以滿初願乃上雲居禮克勤勤一見拊勞痛與提策以爲法故服勞難事趨走惟恐居後

己正覺禪師住天童

建炎三年正覺渡浙江至明州禮補陀道繇天童大衆密白郡帥堅請住持虜人犯境僧徒解散智獨遲其來虜至登嶺以望若有所見遂歛兵而退○建炎三年閏八月克勤退雲居示宗杲法語云古德住山率刀耕火種不蓄長物澹然布衲鹿衣糲食將大有爲也慕義學道兄弟相從一切以寬量大度包納之不暴怒不峻阻慈悲喜捨以身帥之蓋菴居五七間不比叢林寬廣咳唾動靜無不與耳目相接若一一責之以禮則久久生怨慕地顏色相及便見參商卽攪道義不見藥山數十年牛欄菴只七八人其後皆爲大法器風穴和尚單丁久之只二三相從後來麟象駢集答問汪洋謂之衆吼瀉山十年煮橡栗喫晚年大安來者著五百衆大梅入深山幽谷初不與世

接因鹽官僧探拄杖乃逢之間酬徑截後半千人今  
既不得已作避世隱遁正欲韜晦俟時清平然後行  
已之願豈可以小不忍而亂大謀哉一切但低細和  
合先防自犯三業提向上那一著子教兄弟自有趨  
向自然忘倦向前去也諺云相見易得好共住難爲  
人要須廓落寬容半見半不見且圖長久斷與常流  
異矣教中道如爲一人衆多亦然三家村裏數間茅  
屋立成箇本分規繩不嚴不緩凡百折衷他日便更  
多多益辦也古人佩章佩絃各攻其偏惟務中道而  
行況辯智過人不能照此細務但患遲鈍太過一色  
便自性久之便不好耳此去有人議論應當回轉著  
亦令讚嘆非常人所可及乃善更有一箇緊要最後  
句不免略說之佛法無多子久長難得人○道心初  
開法天寧又往大別文殊已酉四月示衆舉臨濟入  
滅囑三聖因緣曰正法眼藏暗瞞滅臨濟何曾有是  
說今古時人皆妄傳不信但看後三月至閏八月賊  
鍾相叛其徒欲拉之南奔者心曰學道所以了生死  
何避之有賊至心曰速見殺以快汝心賊即舉槊殘

之血皆白乳賊駭引席覆之而去○潛菴清源得法  
於慧南執侍最久名著叢林嘗頌三關話曰拈一放  
一烏光黑漆打破畫餅青天白日欲識鷲峰峰上機  
摩訶般若波羅蜜年踰八十喪明學者有欲板其語  
要流通源設拒曰若吾語深契佛祖從今百日間目  
復有明則割汝請如期果愈縑素讚喜曰得非般若  
之驗歟建炎己酉冬遷寂壽九十六

庚戌慧蘭禪師入寂大濁詰法嗣  
臨濟第十世

慧蘭不知何許人慕詰法嗣住和州光孝嘗以觸衣  
書七佛名叢林稱爲蘭布褐建炎末逆虜犯淮執蘭  
見酋長酋長曰聞吾名否曰我所聞者惟大宋天子  
之名酋長怒令左右以鎚擊之鎚至輒斷懷酋長驚  
異延致麾下敬事經旬蘭索薪自焚無敢供者乃親  
自拾薪成龕怡然端坐烟焰一起流光四騰虜咸跪  
伏多灼膚者火絕得五色舍利并靈骨七粒○待制  
潘良貴字義榮久參守珣不契一日謂珣曰某祇欲  
知死去時如何珣曰好箇封皮且留著使用而今不  
了不當便去忽被他換却封皮卒無整理處貴又以

斬猫話請益珣曰。你只管理會別人家猫兒。不知走却自家狗子。貴於言下。如醉得醒。珣復曰。不易公進此一步。更須知有向上事。始得如今士大夫說禪說道。只依著義理。便快活。大率似將錢買油。糞喫了。便不飢。其餘便道。是瞞他。亦可笑也。貴唯唯。

辛士珪禪師住鴈蕩能仁

紹興間。士珪奉詔開法鴈蕩。能仁時清了居江心。聞珪至。恐緣法未熟。特過江迎歸。方丈大展九拜。以誘溫人。竊是翕然歸敬。○道元初謁道心。因看廓然無聖之語。忽爾失笑。曰。達磨元在這裏。心譽之往參慧。勲清遠皆蒙賞識。次謁克勤於金山。勤不肯再依。勤於雲居。雖有信入。終以礙膺之物。未去爲疑。會勤問僧生死到來時如何。僧曰。香臺子笑和尚。次問元汝作麼生。曰。草賊大敗。勤曰。有人問你時如何。元擬答。勤憑陵曰。草賊大敗。元卽徹證。勤以拳擊之。元搥掌大笑。勤曰。汝見甚麼。便如此。曰。毒拳未報。永劫不忘。勤歸。昭覺命首衆。○法英住大梅宣和初。勅天下僧。凡爲德士。英肆筆解老子。詣進徽宗。稱善。明年秋詔。

復天下僧尼。英獨無改志。紹興初晨起。戴犢皮冠。披鶴氅。執象簡。穿朱履。使擊鼓集衆。陞座。召大衆曰。蘭芳春谷。菊秋籬。物物榮枯。各有時。昔毀僧尼。專奉道。復平道。安復僧尼。且道僧尼形相作麼生。復取冠示衆曰。吾頂從來似月圓。雖冠其髮不成仙。今朝拋下無遮障。放出神光照碧天。擲之於地。隨易僧服。提鶴氅曰。如來昔日。質皮衣數載。暫將鶴氅披還我丈夫。調御服。須知此物不相宜。擲之。擧象簡曰。爲嫌禪板太無端。豈料遭他象簡瞞。今日因何忽放下。普天致仕老仙官。擲之。提朱履曰。達磨携將一隻歸兒。孫從此赤脚走。借他朱履代麻鞋。休道時難事。掣肘化鵬未遇。不如鵬畫虎不成。反類狗。擲之。橫拄杖曰。今朝拄杖化爲龍。分破華山千萬重。復倚肩曰。珍重佛心眞聖主。好將堯德振吾宗。擲下拄杖。歛目而逝。○道祖初見克勤於卽心。卽佛語下發明。久之分座。一日爲衆入室。祖忽問生死到來如何。迴避。僧無對。祖擲下拂子。奄然而逝。衆皆驚愕。勤至。召曰。祖首座。祖張目視之。勤曰。抖擻精神。透關去。祖點頭。竟趨寂。



壬午紹隆禪師開法虎丘

初紹隆辭克勤歸和州住城西開聖寺。建炎之擾。乃結廬銅峰之下。郡守李光延居彰教次。徙虎丘道大顯著。因追釋白雲端和尚立祖堂故事。乃曰。爲人之後。不能躬行遺訓。於義安乎。遂圖其像以奉。安之上堂。凡有展托盡落。今時不展不托。墮坑落塹。直饒風吹不入。水灑不著。檢點將來。自救不了。豈不見道。直似寒潭月影。靜夜鐘聲。隨扣擊以無虧。觸波瀾而不散。猶是生死岸頭事。拈拄杖劃一劃云。劃斷古人多年葛藤。點頭石不覺。拊掌大笑。且道笑箇甚麼。腦後見腮。莫與往來上堂。目前無法。萬象森然。意在目前。突出難辨。不是目前法。觸處逢渠。非耳目之所到。不離見聞覺知。雖然如是。也須踏著他。向上關捩子。始得。所以道羅籠不肯住。呼唤不回頭。佛祖不安排。至今無處所。如是則不勞歛念。樓閣門開。寸步不移。百城俱到。驀拈拄杖劃一劃云。路逢死蛇。莫打殺。無底籃子。盛將歸上堂。百鳥不來。春又喧。凭欄溢目水連天。無心還似今宵月。照見三千與大千。僧問。生佛未

與時一著落在甚麼處。曰。吾常於此。切曰。官不容鍼。更借一問時。如何。曰。踞虎頭。收虎尾。曰。中間事作麼。生曰。草繩自縛。漢曰。毗婆尸。佛早留心。直至如今。不得妙。曰。幾行叢下路。少見白頭人。問。九旬禁足。意旨如何。曰。理長。卽就曰。祇如大根不具底人。還禁得也。無曰。穿過鼻孔。曰。學人今日小出。大遇曰。降將不斬。曰。恁麼則和尚放某甲。逐便也。曰。停囚長智。○懷深住慧林。勸衆念佛。翕然向化。紹興二年入寂。

甲寅宗杲禪師說法廣因

紹興四年三月。宗杲入圓館於長樂廣因寺。有尼妙道號定光。在雪峰諸處參禪。聞杲在廣因。遂破夏來求挂搭。時僅七十僧。一日兩遍入室。因爲光藏主舉話。次道在外聽得有歡喜處。卽入吐露云。適聞和尚舉。不是心。不是佛。不是物。曰。理會得。杲曰。不是心。不是佛。不是物。你如何會。曰。妙道只恁麼會。杲曰。因多了箇只。恁麼會。道遂豁然。○彌光字晦菴。閩之李氏子。兒時寡言笑。聞梵唄則喜。十五落髮。猶喜閱群書。一日嘆曰。既剃髮染衣。當期悟徹。豈醉於俗典耶。遂

出嶺參學叢林中號爲光狀元初參克勤次謁黃檗祥高菴悟佛心才會宗杲寓廣因往從之杲問汝在佛心處所得試語我來光舉佛心拈普化公案曰佛心卽不然總不恁麼來時如何劈脊便打從教徧界分身曰汝意如何曰某不肯後頭下箇註脚曰此正是以病爲法光毅然無信可意杲曰汝但揣摩看光竟以爲不然經旬忽憶海印信拈曰雷聲浩大雨點全無恍然無滯趨告杲杲以舉道者見瑯琊及玄沙未徹語詰之光對曰杲曰雖進得一步只是不著所在如人所樹根下一刀則命根斷矣汝向枝上所其能斷命根乎今諸方浩浩談禪者見處總如此何益於事楊岐正傳三四人而已光愠而去翼日杲問汝還疑否曰無可疑者曰祇如古人相見未開口時已知虛實或聞其語便議淺深此理如何光悚然杲令究有句無句一日問杲某到這裏不能得徹病在甚處曰汝病最僻世醫拱手何也別人死了不能活汝今活了未曾死要到大安樂地須是死一回始得光因益疑後入室杲問喫粥了也洗鉢盂了也去却藥

忌道將一句來曰裂破杲振威喝曰你又說禪也光卽大悟杲搥鼓告衆曰龜毛拈得笑哈哈一擊萬重關鎖開慶快平生在今日孰云千里賺吾來光呈頌曰一拶當機怒雷吼驚起須彌藏北斗洪波浩渺浪滔天拈得鼻孔失却口○宗杲館廣因林適可司理叔菴海上洋嶼迎杲遂徙居焉曇懿與遵璞曾偕參克勤自謂不疑懿出世祥雲璞佐之法席頗盛杲知其所見未穩恐誤衆致書令來懿猶豫杲小參痛斥其非榜告四衆懿乃破夏來見杲鞠其所證曰汝恁麼見解敢承嗣圓悟老人耶懿歸遂退院偕璞同依法席一日杲問璞三聖與化出不出爲人不爲人話你道這兩箇老漢還有出身處也無璞於杲膝上打一拳杲曰你這一拳爲與化出氣爲三聖出氣速道璞擬議杲劈脊一棒且曰第一不得忘了這一棒又一日聽別僧入室杲問僧德山見僧入門便棒臨濟見僧入門便喝雪峰見僧入門便道是甚麼睦州見僧入門便道現成公案放汝三十棒這四箇老漢還有爲人處也無曰有曰割僧擬議杲便喝出璞

聞忽有省。懿一日入室。果問我要箇不會禪的。做國師。懿曰。我做國師去也。果喝出久之。果曰。香嚴悟處。不在擊竹邊。俱胝悟處。不在指頭上。懿亦有省。後懿住玉泉。○鼎需福州林氏子。號懶菴。幼舉進士。有聲年二十五。因讀遺教經。忽曰。幾爲儒冠誤。欲出家。母以親迎在期。難之。需曰。天桃紅杏。一時分付。春風翠竹。黃花此去。永爲道伴。竟依保壽爲僧。一錫湖湘。徧參名宿。歸里結菴。菴峰絕頂。不下山者三年。佛心才挽出首。衆嘗問學者。卽心卽佛。因緣時宗。果居洋嶼。彌光與需友善。致書云。菴主手段與諸方別。可來少歇。需不答。光以計邀至會。果方爲衆入室。需隨衆在列。果問卽心卽佛話。作麼生會。需下語。果詰曰。你見解如此。敢妄爲人師耶。鳴鼓普說。計其平生珍重得力處。悉排爲邪解。需自惟繆戾。涕淚文頤。默計曰。我之所得。既非則西來不傳之旨。果何如哉。遂歸心弟子之列。一日果問內不放。出外不放。入正恁麼時。如何。需擬開口。果拈竹篋劈脊連打三下。需忽大悟。不覺叫曰。和尚已多了也。果又打一下。需禮拜果笑。

曰。今日方知我不汝欺也。遂印以偈曰。頂門豎亞摩。瞋眼肘後斜懸。奪命符。瞎却眼。卸却符。趙州東壁挂葫蘆。○祖元福建林氏子。參宗果於洋嶼。元風骨清癯。危坐終日。果目爲元枯木。嘗以三世諸佛。不知有話。徵詰三四。一夜坐。睹僧剔燈始。豁然有省。呈偈曰。剔起燈來。是大歷劫無明。照破歸堂。撞見聖僧。幾乎當面。蹉過不蹉過。是甚麼。十五年前奇特。依前只是這箇。果證以偈曰。萬仞懸崖。忽放身起來。依舊却惺惺。飢食渴飲。渾無事。那論昔人非昔人。○宗果居洋嶼。參隨纔五十三人。未五十日。得法者十三輩。時宗徒撥置。妙悟使學者困於寂默。果著論力排其邪。閩士鄭昂字尙明。聰明該洽。靈見尊宿所至。談禪自若。一日持香入室。聲色俱厲。曰。昂欲與和尚理會一件事。只如默然無言。是法門中第一等休歇處。和尚何得肆意詆訶。曰。曾讀莊子麼。曰。讀。曰。莊子云。言而足。終日言而盡。道言而不足。終日言而盡。物道物之極。言默不足以載。非言非默。義有所極。孔子曰。參乎。吾道一以貫之。曾子曰。唯。這箇道理。便是曾子言而

足孔子言而足其徒不會問曰何謂也。曾子却向第二頭答他話。謂夫子之道不可無言。所以云夫子之道忠恕而已矣。要之道與物至極處不在言語上。不在默然處言也。載不得默也。載不得公之所說。尙不契莊子意。何況要契釋迦達磨意耶。且看鑒法師把那無言說處說出來。與人云。釋迦掩室於摩竭。淨名杜口於毗耶。須菩提唱無說以顯道。釋梵絕聽而雨花斯。皆理爲神。御故口以之而默。豈曰無辨。辨所不能言也。這箇是理。與神忽然相撞。著不覺到說不得處。雖然不語其聲。如雷這裏世間聰明辨才用一點不得。到怎麼田地。方始是放身捨命處。這般境界。須是自證自悟始得。所以經云。如來宮殿無有邊。自然覺者處其中。此是從上諸聖大解脫法門。只爲衆生根性狹劣。不到得三教聖人境界。所以分彼分此。殊不知境界如此廣大。却向黑山下鬼窟裏默然坐地。故先聖詞爲解脫深坑。是可怖畏之處。以神通道眼觀之。則是刀山劍樹。饒湯爐灰裏坐地一般。座主家尙不滯默然處。況祖師門下客乎。昂不覺作禮。果乃

問今年幾歲。曰六十四。曰六十四年前從甚麼處來。昂無語。果以竹篴劈脊打出。次日又入室。果曰六十四年前不可元在福州鄭家。只今聽法說法一段。歷歷孤明的未生以前。畢竟在怎麼處。曰不知。曰你若不知。便是生大今生。且限百歲百歲後四大五蘊一時解散。有眼不見物。有耳不聞聲。有箇肉團心分別不行。有箇身火燒刀斫。不覺痛到這裏。歷歷孤明的。却向怎麼處去。曰不知。曰你既不知。便是死大。故曰無常迅速。生死事大。我更問你生平做許多之乎者也。臘月三十日將那一句。敵他生死。須是知得生來死去處。分曉始得。若不知。卽是愚人。昂乃心服。晨夕參求。○佛燈守珣初出世。禾山最後遷天寧。示衆先師祇年五十九。吾年五十六矣。來日無多。甲寅解制。退天寧。謂鄞續曰。十月八日是佛鑑忌。則吾時至矣。乞還鄞。南十月四日。續遣弟僧道如訊之。珣曰。汝來正其時也。先一日不著。便後一日蹉過了。吾雖與佛鑑同條生。不與同條死。明早可爲我尋一隻小船。子來如曰。要長者要高者。曰高五尺許。越三日雞鳴。端

坐如平時侍者請遺偈曰不曾作得言訖而逝

乙居靜禪師住東巖

居靜成都楊氏子出家依元靜靜舉香嚴枯木裏龍吟話往返酬詰居靜言下大悟一日元曰莫守寒巖異草青坐却白雲宗不妙汝作麼生居曰直須揮劍若不揮劍漁父棲巢元矍然曰這小厮兒居珍重便行出住東巖示衆參學至要不出先南堂道最初句及末後句透得過者一生事畢倘或未然更與你分作十門各各印證自心還得穩當也未一須信有教外別傳二須知有教外別傳三須會無情說法與有情說法無二四須見性如觀掌中物了了分明一一田地穩密五須具擇法眼六須行鳥道玄路七須文武兼濟八須摧邪顯正九須大機大用十須向異類中行凡欲紹隆佛祖須盡此綱要方坐得這曲汞牀子受得天下人禮拜敢與佛祖爲師若不到恁麼田地只一向虛頭他時異日閻老子未放你在間有學者各門頌出呈居居示頌曰十門綱要掌中施機會來時自有爲作者不須排位次大都首末是根基○

清素參法演一日聞舉首山西來意話緣然契悟述偈曰顛倒顛顛倒顛新嬾騎驢阿家率便恁麼太無端回頭不覺布衫穿演見乃問百丈野狐話又作麼生曰來說是非者便是是非人演大悅乙卯四月日得微疾書偈曰木人備舟鐵人備馬丙子童子穩穩登喝散白雲歸去也竟爾趨寂○元靜住大隨有一老宿垂語云十字街頭起一間茅廬祇是不許人觸僧舉似靜靜曰是你先觸了更教甚麼人觸老宿遙望大隨焚香拜謝乙卯秋七月山中大雨雪有異象靜曰吾期至矣遂別郡守越三日示少恙於天彭夜謂侍僧曰天曉無月時如何僧無對靜曰倒教我與汝下火始得翼日還棚口廨院留遺誠蛻然示寂弟子奉全身歸烟霧四合猿鳥悲鳴茶毗異香徧野舌本如故舍利五色者不可計○石頭自回世爲石工雖不識字志慕空宗從人口授法華能誦之棄家投靜供灑掃令取崖石手不釋鎚鑿誦經不輟靜見語曰今日磴磴明日磴磴生死到來如何折合回愕然因設禮求究竟法靜令且罷誦經看趙州勘婆因緣



回念念不去。心久之。因鑿石。石稍堅。盡力一鎚。瞥見火光。忽然省徹。走至方丈。禮拜呈偈曰。用盡工夫。渾無巴鼻。火光迸散。元在這裏。靜欣然曰。子徹也。復獻趙州勘婆頌曰。三軍不動。旗閃爍。老婆正是魔王脚。趙州無柄鐵掃帚。掃蕩烟塵空。索索靜可之。授以僧服。○梁山師遠嗣靜號廓然。合川曾氏子。有十牛圖并頌行世。○尙書莫將字少虛。分寧人。官西蜀時。謁靜咨決。心要靜使其向好處。捷擲適如廁。聞穢氣。急以手掩鼻。遂有省。呈偈曰。從來姿韻愛風流。幾笑時人向外求。萬別千差無覓處。得來元在鼻尖頭。靜曰。一法纔通。法法周縱。橫妙用。更何求。青蛇出匣。魔軍伏碧眼。胡僧笑點頭。○學士王簫字觀復。留昭覺曰。聞開靜板聲。有省。問靜曰。某有箇見處。纔被人問。却開口不得。未審過在甚處。曰。過在有箇見處。靜却問。朝旆幾時到任。曰。去年八月四日。曰。自按察幾時離衙。曰。前月二十日。爲甚麼道開口不得。簫乃契悟。○圓悟克勤禪師示寂。五祖演法嗣。臨濟十一世。克勤回蜀。復住成都。昭覺紹興五年八月。日示微恙。跌

坐書偈遺衆。投筆而逝。闍維舌齒不壞。五色舍利無數。塔昭覺寺之側。謚眞覺大師。○慧遠。眉山彭氏子。參克勤。聞舉龐居士不與萬法爲侶。因緣遠忽頓悟。仆於衆衆掖之。遠曰。吾夢覺矣。至夜小參。遠出問淨。裸裸空無一物。赤骨力貧。無一錢戶。破家亡乞。師賑濟曰。七珍八寶。一時拏曰。禍不入謹家之門。曰。機不離位。墮在毒海。遠隨聲便喝。勤以拄杖擊禪床云。喫得棒也未。遠又喝。勤連喝兩喝。遠便禮拜。自此機鋒峻發。勤順寂。遠出世。屢住名利。

丙辰空首座寓古田秀峯

空首座參宗杲。杲問香嚴上樹話。對曰。好對春風唱鷓鴣。曰。是樹上語。是樹下語。空罔然。尋之。疎山因看前話。有所證。自謂頓見妙喜用處。遂歸闍。寓古田秀峰。○紹隆住虎丘。昔之同參。一時畢集。隆每登座。必從容示露一味平等。隨根所應。無不各愜其意。一住三年。丙辰五月。日感微疾。索筆大書伽陀曰。無法可說是名說法。所以佛法無有剩語。珍重擲筆坐逝。丁巳宗杲禪師開法徑山。

張浚在蜀時克勤親以宗杲相囑謂真得法髓及浚造朝遂以徑山延之杲辭再三不得已翻然而起抵三衢與趙令衿會於官驛衿與杲向同法席每以宦游出世爲戒至是衿辟南外宗正司杲赴徑山杲述偈曰超然妙喜兩同參蓋地相逢各負慚我去住山君隨馬前三三與後三三到臨安開堂舉王常侍一日訪臨濟同到僧堂內常侍曰這一堂僧還看經否臨濟曰不看經常侍曰學禪否臨濟曰不學禪常侍曰經又不看禪又不學畢竟作甚麼臨濟曰總教伊成佛作祖去常侍曰金屑雖貴落眼成翳又作麼生臨濟曰我將謂你是箇俗漢杲乃云臨濟老漢握一柄金剛王寶劍氣衝宇宙天下橫行等閑被這官人輕輕一拶便見水消瓦解且道這官人有甚長處聽取一頌世出世間希有事顯發須憑過量人只將補衲調羹手撥轉如來正法輪入院上堂山僧未醒泉州時已與諸人相見了也臨安府亦與諸人相見了也及手來到山中擊動法鼓坐立儼然眼眼相覷爲甚麼却不相識只爲分明極翻令所得遲上堂昔日

楊岐老祖翁牽犁拽耙逞神通兒孫帶水拖泥甚熨斗煎茶鍋不同上堂水底泥牛醫生鐵橋梵鉢提咬著舌海神怒把珊瑚鞭須彌山王痛不徹拍禪床下座上堂拈拄杖卓一下召大眾云還聞麼復舉起云觀世音菩薩來也在徑山拄杖頭上口喃喃地道諸行無常是生滅法生滅既滅寂滅現前拈須彌盧於掌上向鍼眼裏打鞦韆直饒便恁麼見得徹去猶較拄杖子十萬八千且道徑山拄杖子有甚麼奇特直下云不直半文錢上堂廓然無聖不用躊躇蓋色騎聲全承渠力諸佛以此度生衲僧以此爲命露保保赤灑灑沒可把行但行坐但坐飢來喫飯寒來向火直饒恁麼未稱衲僧不見白雲師翁有言有時確觜生花有時佛面百醜李公醉倒街頭自是張公喫酒燈籠數斷眉頭露柱呵呵拍手且道露柱拍手成得箇甚麼邊事參上堂舉雲門道釋迦老子與天帝釋在中庭裏相爭佛法甚鬧乃云這老漢好與三十拄杖且道過在甚麼處誣人之罪以罪加之上堂舉僧問臨濟如何是三眼國土濟云我共汝入淨妙國土

中著清淨衣說法身佛。又入無差別國土中著無差別衣。說報身佛。又入解脫國土中著光明衣。說化身佛。果顯視大眾云。還見臨濟老漢麼。若也未見。徑山爲你指出法身報身化身。咄哉。癩癩。妖精。三眼國中。逢著笑殺無位真人。上堂。舉。興化謂克賓。維那曰。汝不久爲唱導之師。賓云。不入這保社。化云。汝會了不入。不會不入。賓云。總不恁麼。化便打云。克賓。維那法戰不勝。罰錢五貫。設鑽飯一堂。來日化自白。鼐云。克賓。維那法戰不勝。罰錢五貫。設鑽飯一堂。仍須出院。雲居舜云。大冶精金。應無變色。其柰興化。令行太嚴。不是克賓。維那也大難承當。總似而今泛泛之徒。翻轉面皮多少時也。果云。雲居恁麼道。未免拗曲作直。徑山卽不然。要作臨濟。烜赫兒孫。直須翻轉面皮。始得上堂。舉三聖云。我逢人卽出。出則不爲人。卓一下云。賊身已露。放過不可與化。聞云。我逢人卽不出。出則便爲人。又卓一下云。已露賊身。不可放過。大凡宗師決斷是非。要得開人眼目。不可一向盲瞶。瞎棒且道。這兩箇老漢。有甚麼過。鄒下云。龍蛇易辯。獅子難

護。上堂有句無句。如藤倚樹。著眼胡兒。不知落處。且道。落在甚麼處。薦拈拄杖。召大眾曰。看看直下來也。急著眼觀。鄒下拄杖。上堂。舉念法華。與眞圓頭侍立。風穴次穴問眞云。作麼生。是世尊不說說迦葉不聞聞眞云。鴉鳩樹頭啼。意在麻舍裏。穴云。你作許多癡福。作甚麼何不體究。言句穴問念云。你作麼生。念云。動容揚古路。不墮峭然機。穴云。你何不看念法華下語。果云。山僧當時若見這老漢。恁麼道。深掘一坑一時埋却。更牽牛從上踏過。却須放出眞公。出一頭始得。山僧恁麼道。且不是抑強扶弱。亦不是杜撰差排。你若識得。鴉鳩樹頭鳴意。在麻舍裏。便識得動容揚古路。不墮峭然機。這兩轉語。畢竟是一耶。是二耶。若道是一。爲甚麼風穴只肯念法華。不肯眞圓頭。若道是二。爭柰落霞與孤鶩齊飛。秋水共長天一色。參上堂。僧問。一百二十日夏已滿。出門或有人問。如何是徑山道底。且作麼生。答他曰。徑山曾道甚麼。來日爭柰喚作竹篋。則觸不喚作竹篋。則背曰。你作麼生。會僧喝一喝云。三十年後。大有人笑在。曰。何必三十年。

後即今大人笑你乃云尋常向你諸人道喚作竹筴則不喚作竹筴則背不得向舉起處承當不得向意根下卜度不得下語不得良久或有人問畢竟如何向他道也無畢竟也無如何正當甚麼時四楞塌地覆在諸人面前眼辨手親底一連連得便能羅籠三界提拔四生其或未然自是你諸人根性遲鈍且莫錯怪徑山好上堂舉僧問六祖黃梅意旨甚麼人得祖云會佛法人得僧云和尚還得否祖云我不得僧云和尚爲甚麼不得祖云我不會佛法乃召大眾云還見祖師麼若也不見徑山爲你指出蕉芭蕉芭有葉無了忽然一陣狂風起恰似東京大相國寺裏三十六院東廊下北角頭破袈裟畢竟如何歸堂喫茶 歲節秉拂舉僧問鏡清新年頭還有佛法也無清云有僧云如何是新年頭佛法清云元正啓祚萬物咸新僧云謝師答話清云山僧今日失利又僧問明教新年頭還有佛法也無教云無僧云年年是好年日日是好日爲甚麼却無教云張公喫酒李公醉僧云老老大大龍頭蛇尾教云山僧今日失利果

乃云二尊宿一人向高高峰頂立不露頂一人向深深海底行不濕脚是則也是未免有些諸訛今夜或有人問果上座新年頭還有佛法也無只向他道今日一隊奴僕在茶堂裏村歌社舞弄些神鬼直得點胸尊者惡發把鉢盂峯一擲擲過恒河沙世界之外驚得喬陳如怕怖惶惶倒騎露柱跳入擔板禪和鼻孔裏撞倒舒州天柱峰安樂山神忍俊不禁出來攔胸搗住云尊者你既稱阿羅漢出三界二十五有塵勞超分段生死因甚麼有許多無明被這一問不勝懣懣却回佛殿裏第三位打坐依舊點胸點肋道天上天下惟我獨尊自云住住果上座他問新年頭佛法爲甚麼一向虛空裏打筋斗說脫空謾人良久云果上座今夜失利秉拂舉三聖道我逢人即出出則不爲人興化道我逢人即不出出則便爲人真淨和尚云這兩箇老古錐竊得臨濟些子活計各自分疆列界氣衝宇宙使明眼人只得好笑果乃云真淨老人大似欺誣亡沒果上座即不然豁開三要三玄路坐斷須彌第一峰且道在三聖分上耶在興化分上



耶具眼者辯取○智鵬初持鉢至焦山時成枯木與  
照闍提俱嗣道楷先後得法未嘗相識成問鵬曰寶  
峰有何言句鵬舉照自題肖像曰兩洗淡紅桃萼嫩  
風搖淺碧柳絲輕白雲影裏怪石露綠水光中枯木  
春唄你是何人成曰今日方知此老親見先師來鵬  
遂請益成曰豈不見法眼拈夾山境話曰我二十年  
祇作境會鵬乃契悟乃曰元來恁麼地曰汝作麼生  
會曰春生夏長秋收冬藏曰直須保任鵬應諾後出  
世衡州花藥丁已遷婺州天寧○馮楫號濟川遂寧  
人自壯歲徧參後依清遠一日同遠經行法堂偶童  
子趨庭吟曰萬象之中獨露身遠拈楫背曰好聲楫  
於是契入丁已除給事謁宗杲特丐祠坐夏徑山榜  
其室曰不動軒一日杲陞座舉藥山參石頭馬祖得  
悟因緣杲拈罷楫隨至方丈曰適來和尚所舉因緣  
某理會得了曰你如何會曰恁麼也不得囑哩婆婆  
訶不恁麼也不得囑哩婆婆訶恁麼不恁麼總不得  
囑哩恁哩婆婆訶杲印以偈曰梵語唐言打成一塊  
咄哉俗人得此三昧○開封白雲寺僧有文通慧者

其師嘗令掌盥盆一日偶有市鮮者濯於盆文怒擊  
之遽隕因潛奔華州總持寺久之爲長老一日忽謂  
其徒曰二十年前一段公案今日當了衆問故曰日  
午當自知遂趺坐以待時張浚統兵至中有一卒持  
弓矢至法堂瞪目視文將射之文笑曰老僧相待久  
矣卒曰素未識面今見而恚心不可遏卽欲相戕何  
耶文語以昔故卒說偈曰冤冤相報何時了劫劫相  
纏豈偶然不若與師俱解釋如今立地往西天視之  
已立化矣文卽索筆書偈曰三十三年飄蕩做了幾  
番模樣誰知今日相逢却是在前變障書畢泊然而  
化○妙總丞相蘇頌之孫女年十五忽自念曰吾身  
生從何來死復何去良久脫然有得長適毗陵許氏  
厭世浮榮一意禪寂遍參名宿正信已具偶夫許壽  
源官嘉興宗杲至郡源具齋以迎總出禮拜無一言  
杲退謂馮楫曰許司理園中嘗見神見鬼但未遇本  
色鉗鎚如萬斛舟置之絕潢斷港真能轉動曰何言  
之易耶曰他若回頭定須別也次日道俗請杲說法  
總與會杲痛詆諸方異見邪解聽者駭顧總獨喜見



眉睫下座總請道號果以無著號之示偈曰盡道山僧愛罵人未曾罵著一箇漢只有無著罵不動恰似秦時轆轤鑽既罵不動爲什麼似轆轤鑽具眼者辨明年隨衆坐夏徑山一日果上堂舉藥山參石頭馬祖因緣總豁然頓徹果下座偈便隨至方丈自陳悟處果舉似總總曰妙總曾見郭象註莊子識者以爲莊子註郭象果見其語異因舉嚴頭婆子話問之總答偈曰一葉扁舟泛渺茫呈機舞棹別宮商雲山水月俱拋却贏得莊周蝶夢長果欲激其遠到但默而不顯一日正危坐間忽然大悟洞見果平日委曲相爲處不覺撫掌厲聲曰這老賊這老賊遂呈頌云薰然築著鼻頭伎倆冰消瓦解達磨何必西來二祖枉施三拜更問如何若何一隊草賊大敗果亦印以偈曰汝既悟活祖師意一刀兩段直下了臨機一一任天真世出世間無剩少我作此偈爲證明四聖六凡盡驚擾休驚擾碧眼胡兒猶未曉一日果總入室果問古人不出方丈爲甚麼却去莊上喫油糞曰和尚放妙總過妙總方敢通箇消息曰我放你過你試道

看曰妙總亦放和尚過曰爭奈油糞何總喝一喝而出於是名聞諸方時道顏首衆與一千七百衲子咸以偈錢其歸且賀法門之得人馮楫猶未之信舟過無錫問曰婆生七子六箇不遇知音祇這一箇也不消得便棄水中徑山老師稱道人理會得如何理會曰已上供通並是詣實楫大驚○思淨錢塘喻氏子出家早講法華後專念佛暇則畫阿彌陀像人呼爲喻彌陀畫必於淨室寂想見彌陀光明乃下筆或問淨能畫彌陀何不參禪曰平生只解念彌陀不解參禪可奈何但得五湖風月在太平何用動干戈兒時遊西湖多寶山輒作念曰異日當鑄此石爲佛後果爲彌勒像侍郎薛公問彌勒見在天宮說法鑿石奚爲答曰咄哉頑石頭全憑巧匠修只今彌勒佛莫待下生求紹興七年冬端坐七日一心念佛漠然化去

戊道謙參宗果禪師

道謙建寧人初依克勤既從宗果及果領徑山令謙往長沙通紫巖居士書謙自謂我參禪二十年無入頭處更作此行復廢歲月意欲無往友人宗元叱曰

不可在路便參禪不得也。去吾與汝俱往。謙不得已而行。在路泣語元曰。我參禪殊無得力處。今又途路奔波。如何得相應去。曰。你但將諸方參得底悟得底。圓悟妙喜爲你說得底。都不要理會。途中可替底事。我盡替你。只有五件事替不得。你須自家支當。曰。五件何事。曰。著衣喫飯。屙矢放尿。睡箇死屍路上。行謙言下領旨。及通書歸。杲於半山亭望見。便曰。這漢和骨頭都換了也。謙聞曰。老漢驗人處。應不讓釋迦。○宗元號竹原。建寧連氏子。久依杲分座西禪。丞相張浚帥三山。以數院迎之。不就。歸舊里。結茅號衆妙園。○智才住山。以清苦蒞衆。禱子教。畏戊午八月望。俄衆衆書偈曰。戊午中秋之日。出家住持事畢。臨行。自已尙無有甚虛空可覓。其垂訓如常。二十三日。再集衆示問曰。涅槃生死盡是空。華佛及衆生。並爲增語。汝等諸人。合作麼生。衆皆下語不契。才喝曰。苦苦復。曰。白雲湧地。明月當天。言訖。輟然而逝。

### 紀法忠禪師住勝業

法忠結茅衡嶽棲遲二十餘年。或數日不食。或連宵

不臥。髮長不剪。衣敝不易。故禪會呼爲忠道者。常跨虎出游。儒釋望塵而拜。樞密柳仲古鎮長沙。以勝業延忠。徵諸禪勸請忠聞。而宵遁。追蹤至定明。蘭若擣鼓致忠於座。縑素羅拜。忠慨然說偈曰。咄哉黃面老。將法付王臣。林下無心客。官差逼殺人。昔聞其言。今見其事。下座曳杖趨勝業。領住持事。

### 庚申薦福悟本訪道謙

悟本自雲門參侍宗杲。至泉南小溪。英俊畢集。本獨不受印。可私謂棄已。遂欲發去。杲知語之曰。汝但專意參究。如有所得。不待開口。吾已識也。既有聞本入室。謂之曰。本侍者參禪許多年。逐日只道得不會。本語曰。這小鬼。你未生時。我已三度霍山廟裏。退牙了。絲茲益銳志。參狗子無佛性話。一夕將三鼓。倚殿柱昏寐。間不覺無字出口。喚問忽爾頓悟。後三日。杲歸自郡城。本趨丈室。足纔越閭。未及吐詞。杲遽曰。本翁子這回方是徹頭尋首。衆於徑山遠散。席訪道謙於建陽菴。謙畢保事。頌五通仙人因緣。曰。無量劫來。曾未悟如何。不動到其中。莫言佛法無多子。最苦覆

曇那一通我愛他道如何不動到其中既是不動如何到看他古人得了等閑拈出來自然抓著人變處曰因甚却道最苦曇那一通曰你未生時吾已三度雪山裏退牙了也於是相顧大笑○令人本明號明室自機契克勤偏參名宿皆蒙印可庚申二月望親書三偈寄草堂清微露謝世之意句末別親里爾終偈曰不識煩惱是菩提若隨煩惱是愚癡起滅之時須要會過新羅人不知不識煩惱是菩提淨畢生淤泥人來問我若何爲契契語了洗鉢盂莫管他莫管他終日癡憨弄海沙要識本來真面目便是祖師一木又道不得也又下死道得底也又下死畢竟如何不許夜行投明須到○成都范縣君娶居歲久常坐不臥聞克勤往昭覺往禮拜請示入道因緣勸令看不是心不是佛不是物是箇甚麼久無所契泣告曰和尚有何方便令某易會曰有箇方便不是心不是佛不是物范於此有省曰元來恁麼地近那○覺菴道人祖氏建寧游察院之侄女幼志不出適留心祖道於克勤示衆語下了然明白勸曰更須

聽却所見始得自緣祖答偈曰露柱抽橫骨虎弄爪牙直饒玄會得猶是眼中沙○仙州山吳十三每以己事扣諸禪及道謙歸結茅於其左遂往給侍庚申三月日適然啓悟呈偈曰元來無縫罅獨著便光輝既是千金寶何須彈雀兒謙曰碎地折時真慶快死生凡聖盡平沉仙州山下呵呵笑不負相期宿昔心○張九成字子韶號無垢其先封人徙居錢塘幼時父積書坐旁命客就試或置卷歛衽曰精蘊本末初無二致勿謂紙上語不足多下學上達某敢以聖賢爲法諸老驚嘆曰真奇童子也十四游郡庠閉閣終日不越戶限比舍生穴隙視之則歛膝危坐對真大編苦與神明伍乃相驚服游京師從楊時學然心慕楊文公呂微仲諸名儒所造精妙皆從禪學中來於是往謁寶印楚明請問入道之要明曰此事惟念念不捨久久純熟時節一到自然證入復舉趙州栢樹子話令提撕久之無省辭謁善權清成問此事人人有分箇箇圓成是否曰然成曰爲甚麼某無箇入處清出袖中數珠示曰此是誰底成俛仰無對清

復袖曰是汝底則拈取去。纔涉思惟卽不是汝底。成  
悚然一夕如廁忽聞蛙鳴豁然契悟不覺自語云如  
何是祖師西來意。庭前栢樹子大笑汗下被體遂述  
偈曰春天下一聲蛙撞破乾坤共一家。正恁麼時  
誰會得。嶺頭脚痛有玄沙癸丑魁多士。宗杲說法徑  
山成閱其語要嘆曰是知宗門有人恨不一見久之  
會杲說法於天竺成三往不值。暨杲報謁成但寒暄  
而已。庚申造徑山一日與馮揖議及格物。杲曰公祇  
知有格物不知有物。格成茫然。杲大笑成曰師能開  
諭乎。曰不見小說載唐人有與安祿山謀叛者。其人  
先爲圓守有畫像在焉。明皇幸蜀見之怒令侍臣以  
劍擊其首。時圓守在陝西首忽墮地成於是頓領微  
旨。題濟川不動軒壁曰子韶格物。雲晦物格。欲識一  
貫兩箇五百杲肯之一日問曰前輩既得了何故復  
理會臨濟四料揀。曰公之所見只可入佛不可入魔。  
豈可不從料揀中去耶。成遂舉克符問臨濟至人境  
兩俱奪不覺欣然。杲曰余則不然。曰師意如何。曰打  
破蔡州城殺却吳元濟成於言下得大自在。嘗曰成

每聞徑山老人所舉因緣如千門萬戶不消一踢而  
開或與聯輿接席登高山之上或緩步徐行入深水  
之中非出常情之流莫知吾二人落處成了末後大  
事實在老人處此瓣香不敢孤負他也。○道瓊上饒  
人得法於勸潭祥公紹興庚申冬信守以超化革律  
爲禪迎爲第一祖瓊語專使曰吾初無意人間欲爲  
山子正爲宗派耳然恐多不能往受請已取所藏勸  
潭繪像與木菴二字仍書偈勸清泉亭老寄得法弟  
子慧山曰口嘴不中祥老子愛向叢林鼓是非分付  
雪峰山首座爲吾痛罵莫饒伊願專使曰爲我傳語  
侍郎行計迫甚不及修答聲絕而化

辛酉趙令衿居士謁宗杲禪師

庚申冬趙令衿謁宗杲杲聞令擊鼓入室衿欣然袖  
香趨之杲曰趙州洗鉢孟話居士如何會衿曰討甚  
麼碗拂袖便出杲起攔住曰古人向這裏悟去你爲  
甚不悟衿擬對杲拈之曰討甚麼碗衿曰還這老漢  
始得○張九成丁父艱謂徑山老人道眼明徹超然  
生死之表而一衆千七百人皆不爲名聞精心學道



宜飯此處。以少慰先考之心。乃於四月百日之期。登山修崇果座。因說圓悟。謂張昭遠爲鐵剎禪山僧。却以無垢禪爲神臂弓。遂說偈曰。神臂弓一發。透過千重甲。仔細拈來看。當甚臭皮囊。又有神臂弓一發。千重關鎖。一時開。吹毛劍一揮。萬劫疑情悉皆破。之語。秦檜疑其議已。令言官論列。言頃者妄議除三大帥事。九成實爲首。徑山僧宗杲和之。遂敕九成居家持服。服滿別聽指揮。宗杲追牒責衡州。

壬性空妙普菴主人寂

黃龍新法嗣  
臨濟十一世

妙普住青龍庚申冬。造大盆穴而塞之。修書寄雪竇持曰。吾將水壅矣。持答曰。性空老人何快活。只有三衣并一鉢。叢林端的死心兒。見膽開談心豁。豁有時吹笛當言說。一聲吹落西江月。林華菴中快活時。往往觀者舞不徹。甚道理能歡悅。搖手向人應道別。堪笑無人知此意。盡道秤鎚硬似鐵。難謾惟有當行家。爲報臨機莫漏洩。壬戌持至。見其尙存作偈嘲曰。咄哉老性空。剛要餞魚鱉。去不索性去。只管向人說。普笑曰。待兄來證明耳。令徧告四衆。衆集。普爲說法要。

仍說偈曰。坐脫立亡。不若水壅。一省柴燒。二省開墾。撒手便行。不妨快暢。誰是知音。船子和尙。高風難繼。百千年一曲漁歌。少人唱。遂盤坐盆中。順流而下。衆皆隨至海濱。普取塞罽水。而回衆擁觀。水無所入。復乘流而往。偈曰。船子當年返故鄉。沒蹤跡處妙難量。真風徧寄知音者。鐵笛橫吹作散場。其笛聲鳴咽。頃於蒼茫間。見以笛擲空。而沒。衆號慕。圖像事之後三日。於沙上跌坐。顏色如生。道俗爭往迎歸。留五日。闍維。舍利大如菽者。莫計雙鷄盤旋空中。火盡而去。壽七十七。持復悼以偈曰。僧不僧俗不俗。曾得死心親付囑。平生知命只逍遙。行道苦無清淨福。東西南北放癡愁。七十七年捏怪足。漆桶裏著到波裏。潯洗浴箇中。誰會無生曲。隨流去。又流歸。莫是菴前懸節竹。阿呵呵。老大哥快活。誰人奈汝何。

癸法忠禪師傳法印肅

印肅宜春余氏子。號普菴。生時隣人夜望其室。祥光燭天。遠近相愕。已而蓮生道周。或見阡陌衆益異之。六歲夢一僧點其胸曰。汝他日當自省。既寤。白母。



視其點紅塋大似世之櫻珠遂許出家紹興四年投  
壽隆院事賢和尚賢授以法華經肅曰諸佛元旨貴  
悟於心數墨循行何益於道賢甚器之癸亥聞法忠  
道望因辭賢游湘問萬法歸一一歸何處忠豎拂示  
之肅便有省○金大覺寺法慶初住泗州普照後遷  
嵩少破汴被虜北方牧羊次居東京因侍者讀洞山  
錄作愚癡肅侍者曰古人甚奇慶曰吾化後汝可喚  
之若能迴來是有道力也皇統三年作頌曰今年五  
月初五四大將離本主白骨當風揚却占免檀那地  
土衣物盡付侍者肅僧始聞初夜鐘聲坐逝侍者曰  
昔約令喚遂喚三聲慶應曰作麼曰和尚何裸跣而  
去曰來時何有侍者欲強穿衣慶曰休留與後人曰  
正恁麼時如何曰也只恁麼復書一偈曰七十二年  
如擊電臨行爲君通一線鐵牛踴跳過新羅撞破虛  
空七八片儼然而化壽七十三

佛藏綱目卷第三十七之下



佛祖綱目卷第三十八結字號

甲子宋高宗紹興十四年己巳金改天德癸酉金改貞元丙子

金改辛巳金大定元年癸未孝宗隆興元年乙酉改乾道甲午改淳熙

庚戌光宗紹熙元年乙卯改慶元丁巳金改承安辛酉

寧宗嘉泰三年止

子清了禪師住補陀

清了左補雍氏子。禪標入寺見佛喜動眉睫。年十八

得度。習經論。頗大意。出蜀參丹霞子淳淳。問如何是

空。却以前自己了擬對。淳曰。你鬧在。且去。一日登鉢

盂。豁然契悟。歸白淳淳。掌曰。將謂你知。有了便禮

拜。淳翼日上堂。日照孤峰。翠月臨溪水。寒祖師玄妙

訣。莫向寸心安。便下座了。直前曰。和尚今日瞞某甲

不得也。淳曰。你試舉我。今日底看了良久。淳曰。將謂

你警地了。拂袖便出。出世住長蘆。未幾卓菴補陀

乙道行禪師住烏巨佛眼遺法嗣

道行號雪堂。處州葉氏子。得度游方。參清遠。問畢立

沙。築著脚指話。遂大悟。普照有一老僧。每日誦大悲

呪三百遍。諸經呪亦然。至夜又禮佛三百拜。行見其

波波。玃玃。不閑。一日謂之曰。何不一切放下。答曰。纔

放下。便閑。過行曰。你若放下。却不閑。過因語衆曰。此

皆信力未充。所以尋常向兄弟道。不要上他機境。如

何謂之機境。佛謂之機境。法謂之機境。而況文章一

切雜事乎。若守閑閑地。自然虛而靈。寂而妙。如水上

葫蘆。子蕩蕩地。無拘無絆。拶着便動。捺着便轉。真得

大自在也。紹興乙丑。住衢州烏巨。嘗與淨無染書曰。

比見禪人傳錄。公拈古於中。僧問趙州。如何是佛。殿

裏底拈云。須知一箇觸體裏。內有撐天拄地人。竊疑

傳錄之誤。決不是公語也。何故。蓋楊岐子孫終不肯

認箇鑑覺。若認鑑覺。陰界尙出。不得何有宗門奇特

事。耶。因此亦嘗頌之。頌曰。不立孤危。機未峻。趙州老

子玉。無瑕富頭。指出殿裏底。刻盡茫茫三界華。一日

侍郎曾開待制程智道。舉東坡呈照覺。偈問行曰。此

老見處。何如行曰。可惜雙脚踏在爛泥裏。開曰。師能

爲料理否。行即對曰。溪聲廣長舌。山色清淨身。八萬

四千偈。明明學似人。二公相顧嘆服。行後示寂。以後

事委弟子教授汪喬年示偈曰。識則識自本心。見則見自本性。識得本心。本性正是宗門。大病註曰。爛泥裏有刺。莫道不疑。好黎明沐浴更衣。跏趺而逝。闍維五色舍利烟。所至處。曇然齒舌不壞。○守仁號且菴。上虞人。參道行。一日。聞行普說曰。今之兄弟。做工夫。正如習射。先安其足。後習其法。後雖無心。以久習故。箭發皆中。喝一喝。云。只今箭發也。看看仁不覺倒身。作避箭勢。忽然省悟。後住長蘆學士。正己嘗問仁曰。衣裏藏珠。是甚麼人。仁起抖擻曰。一物也。無正己。唯唯。仁贈偈曰。君今親切到長蘆。抖擻衣衫一物無。此去逢人如有問。但言風急浪花飛。正己亦獻偈曰。鍼芥相投宿有緣。千年孤立雪庭寒。禪人若問前程事。萬里長安到不難。○東明遷得法於慕謁。晚居滬山。真如菴。一日。閱楞嚴經。至如我按指海印。發光有僧侍傍。指以問曰。此處佛意如何。曰。釋迦老子好與三十棒。僧曰。何故。曰。用按指作甚麼。僧又曰。汝暫舉心塵勞。先起。又作麼生。曰。亦是海印發光。僧當下欣然曰。許多時。蹉過今日。方得受用也。○明辯佛眼法。

嗣住安吉州道場。家風嚴冷。初機多憚之。室中嘗垂問學者曰。猫兒爲甚麼愛捉老鼠。又曰。板鳴因甚麼犬吠。又曰。蚯蚓爲甚麼化爲百合。作達磨贊曰。昇元閣前。懺懺洛陽峰畔。乖張皮髓傳成話。懶隻履無處埋藏。不是一番寒徹骨。爭得梅花撲鼻香。道行一見大稱賞曰。先師猶有此人在。只消此贊。可以坐斷天下人舌頭。自是衲子奔奏。一日。葛待制。勝仲携客造辯室。坐論天地一指萬物。一馬滾滾不已。辯若不聞。仲疑而問曰。師謂何如。辯笑而不答。良久。厲聲喚待制。仲倉皇應諾。辯曰。天地一指萬物。一馬仲欣然曰。須是和尙始得辯。臨終登座拈拄杖於左邊卓一下。曰。三十二相。無此相於右邊卓一下。曰。八十種好無此好。僧繇一筆畫成。誌公露出草裏。又卓一下。顧大眾曰。莫懊惱。直下承當。休更討下座。歸方丈。儼然跌坐而逝。火後收靈骨舍利塔於仙人山。○朱熹字元晦。號晦菴。婺源人。少年不樂讀時文。因聽一尊宿談禪。直指本心。遂悟。昭昭靈靈。一着年十八。從劉子翬游。翬意其留心事業。搜之箴中。惟大慧語錄一帙而

已嘗致書道謙曰。向蒙妙喜開示。從前記持文字。心識計較。不得置絲毫許在胸中。但以狗子話時。時提撕。願投一語警所不逮。謙答曰。某二十年不能到無疑之地。後忽知非勇猛直前。便是一刀兩段。把這一念提撕。狗子話頭。不要商量。不要穿鑿。不要去知見。不要強承。當烹於言下。有省。有久雨齋居。誦經詩曰。端居獨無事。聊披釋氏書。暫息塵累牽。超然與道居。門掩竹林幽。禽鳴山雨餘。了此無爲法。身心同晏如。嘗曰。看來佛氏之學。與吾儒甚相似。如云。有物。先天地無形。本寂寥。能爲萬象主。不逐四時凋。撲落非他物。縱橫不是塵。山河及大地。全露法王身。看他是甚麼樣見識。今區區小儒。怎生出得他手。宜其爲他麾下也。又曰。今人多言爲事所奪。有妨講學。此是不能使船。嫌曲溪耳。遇富貴。就富貴上做工夫。遇貧賤。就貧賤上做工夫。大語有之。假使鐵輪頂上旋。定慧圓明。終不失世間萬事。顛倒迷妄。耽嗜戀着。無一不是戲劇。真不堪着眼也。瑞巖和尚。每日間常自問主人翁。惺惺否。自答曰。惺惺。今時學者。却不如。此然。烹恨釋

氏末流。輒昌言排之。晚年目盲。嘆曰。六祖真聖人也。○劉子翬字彥冲。號屏山。參宗杲。示法語曰。這箇道理。只爲太近遠。不出自家眼睛裏。開眼處。便刺著合眼處。亦不欠少。開口處。便道著。合口處。亦自現成。擬欲起心動念。□當渠早已蹉過十萬八千了也。翬作十論。或問朱熹。屏山十論之作。全以死生爲言。似以此爲大事。熹曰。他本是釋學。只是翻騰出來。說許多話耳。後翬得微疾。卽謁家廟。與親朋訣。論修身出世之要。居兩日而歿。○王十朋字龜齡。樂清人。紹興中魁。多士幼嘗夢游天台山。橋看一石碑。有神僧數百出迎。指朋示衆曰。彼前身嚴首座也。曾寫此碑。後親到石橋。與夢中所見之境。無異。一日問道行曰。先佛說法。觀根發言。依言立義。禪門乃撥去文字。謂至道不可以理求。真理不可以識解。既撥去文字。復刊藏教流通。何耶。行曰。經是佛語。以心爲宗。心若不明。惟認佛語。欲以理求。識解譬如說食。終不能飽。丙寅淨曇禪師入寂。保寧機法嗣臨濟第十世淨曇號無竭。得法圓瑛。出世住育王。紹興丙寅夏辭



衆直歸付院事。四衆擁視。雲揮扇久之。書偈曰。這漢從來沒縫罅。五十六年成話。爾今朝死去見閻王。剎樹刀山得人怕。打一圓相曰。復一任諸方鑽龜打瓦。收足而化。闍維舍利如霰而下。○泉州尊勝有朋。嘗疏楞嚴維摩等經。學者宗之。每疑祖師直指之道。故多與禪衲遊。一日謁開元琦。跡未及閭。心忽領悟。琦出遂問。座主來作甚麼。曰不敢貴耳。賤目曰。老人大何必如是。曰。自是者不長。曰。朝看華嚴。夜讀般若。則不問如何。是當今一句。曰。日輪正當午。曰。閑言語。更道來。曰。平生仗忠信。今日任風波。然雖如是。祇如和尚恁麼道。有甚交涉。須要新戒草鞋穿。曰。這裏且放你過。忽遇達磨問你作麼。生道。朋便喝。琦曰。這座主今日見老僧氣衝牛斗。曰。再犯不容。琦拊掌大笑。○蘊能初參大潯。潯問上座桑梓何處。曰。西川曰。我聞西川有普賢菩薩。示現是否。曰。今日得瞻慈相。曰。白象何在。曰。爪牙已具。曰。還會轉身麼。能提坐具繞禪床一匝。潯曰。不是這箇道理。能趨出一日。潯爲衆入室。問僧黃巢過後。還有人收得劍麼。僧豎起拳。

潯曰。菜刀子曰。爭奈受用不盡。潯喝出。次問能。黃巢過後。還有人收得劍麼。能亦豎起拳。潯曰。也只是菜刀子曰。殺得人。即休。遂近前攔胸築之。潯曰。三十年弄馬騎。今日被驢子撲。○宗印亦潯嗣。住山後一日。普說罷。召衆曰。諸子未要散去。更聽一頌。乃曰。四十九年一場熱鬧。八十七春老漢獨弄。誰少誰多。一般作夢師。去來兮。梅梢雪重。言訖下座。倚杖而逝。已祖元禪師住能仁。祖元初住連江福嚴菴。紹興己巳春。移住廬山能仁上堂。廬山枯木實頭禪。不在尖新語句邊。背手忽然摸得着。長鯨吞月浪滔天。○法忠以荷負宗教爲己任。然亦不怯去留。故自勝業至大潯。遷五刹。復住黃龍。紹興己巳太尉邢孝揚施金爲造壽塔於藕原洞。纔畢工。方丈後白光上騰。群鵲飛鳴。忠頷之笑曰。吾將行矣。索筆書偈云。六十六年游夢幻。中浩歌歸去。撒手長空書畢。復謂衆曰。後事可依靈源遺範。言訖瞑目而寂。○正賢潼川陳氏子。習經論。過目成誦。義亦頓曉。時稱爲經藏子。出蜀歷參尊宿。後扣清遠一。

日入室。遽舉殷勤。抱得旃檀樹。語聲未絕。賢頓悟。遠曰。經藏子。逗漏了也。自是與賢商確淵奧。因手書員牧二字授之。已已住南康歸宗。○道震初從子淳遊。得洞上宗旨。呈偈曰。白雲深覆古寒巖。異草靈花彩鳳銜。夜半天明日。當午騎牛背面著靴衫。淳深器之。然震自以爲礙。棄依善清。一見契合。日閱藏經。一夕聞晚參鼓罷。出經堂。舉頭見月。遂大悟。亟趨方丈。清望見卽爲印可。尋出世三遷至百丈道大顯著。紹興已巳有律師安踞黃龍。禪衲散去。主事者走錢塘求承宣王繼先書達洪帥。堅命震住持。旣而主事請致書謝。繼先震讓曰。若王公爲佛法。故何謝之有。況吾與之素昧平生。主事慙縮而退。○李邴字漢老。任城人。官翰林學士。後拜參知政事。醉心祖道。有年。聞宗杲力排默照爲邪禪。心疑且怒。過杲。觀聽。值杲方示衆學趙州栢樹子話。垂語曰。庭前栢樹子。今日重新舉打破趙州關。特地尋言語。敢問大衆。旣是打破趙州關。爲什麼特地尋言語。良久曰。當初只道茅長短。燒了方知地不平。邴忽領悟。謂杲曰。無老師後語幾

合。蹉過別後。以書咨決。杲答書略曰。示諭自到城中。着衣喫飯。抱子弄孫。色色仍舊。旣無拘滯之情。亦不作奇特之想。宿習舊障。亦稍輕微。三復斯語。歡喜踴躍。此乃學佛之驗也。當非過量大人。於一笑中。百了千當。則不能知吾家果有不傳之妙。若不爾者。疑怒二字。法門盡未來際。終不能壞。使太虛空爲雲門口。草木瓦石皆發光明。助說道理。亦不柰何。方信此段因緣。不可傳。不可學。須是自證自悟。自肯自休。方始徹頭。公今一笑頓亡。所得夫復何言。後邴病將革。以偈寄彌光曰。曩歲曾經度厄津。深將法力荷雲門。如今稍覺神明復。擬欲酬師不報恩。光答曰。胡床隱坐。已通津。何處還尋不二門。八苦起時全體現。不知誰解報深恩。邴得報。閱罷而逝。○吳偉明字元昭。邵武人。久參眞歇。得自用三昧。爲極致管。跋所施華嚴梵行品。自言於梵行品有悟入處。宗杲見之。笑曰。此人只悟得箇無梵行而已。已被邪師印破面門了也。雲門若見。須盡力救他。明遂至長樂。隨衆入室。杲曰。公所悟者。永嘉所謂豁達空機。因果莽莽蕩蕩。招殃禍

耳又爲引梵行品中錯證據處曰若依此引證謂無梵行是真梵行則是謗大般若入地獄如箭射明聞之心疑當晚入室果問狗子無佛性話明纔擬答果便打遂留咨參一日果曰不須呈伎倆直須碎地折曝地斷方敵得生死若只呈伎倆有甚了期卽辭去道次延平忽然契悟連書數頌寄果皆室中所問者有曰不是心不是佛不是物通身一串金鎖骨趙州親見老南泉解道鎮州出蘿蔔果證以偈曰通身一串金鎖骨堪與人天爲軌則要識臨濟小斯兒便是當年白拈賊彌光問果據頌了得生死否曰了得了不得問取元昭處及光往訪和偈曰通身一串金鎖骨正眼觀來猶剩物縱使當機覲面提敢保居士猶未徹復送書果曰學士相見盡如和尚所說果曰大衆且道說箇甚麼咦疑殺天下人○劉子羽字彥修出知永嘉問道於果果曰僧問趙州狗子還有佛性也無州云無但怎麼看羽後乃於栢樹上發明有頌曰趙州栢樹太無端境上追尋也大難處處緣楊堪繫馬家家門首透長安

庚午佛智端裕禪師入寂圓悟勳法嗣臨濟十二世

端裕住育王紹興庚午十月初示微疾至十八日首座請遺訓裕曰盡此心意以道相資語絕而逝火後目睛舌齒不壞舍利無算黃冠羅肇常平曰問道適外歸獨無所獲翹誠哀請方與客食咀嚼有物吐哺則舍利也大如菽色若琥珀好事者持去遂再拜於闍維所聞香奩有聲亟開所獲如前而差紅潤○成都范縣君娶居歲久常坐而不臥聞克勤住昭覺往禮拜請示入道因緣勤令看不是心不是佛不是物是箇甚麼久無所契縣君泣告曰和尚有何方便令某易會勤曰却有箇方便不是心不是佛不是物縣君於此有省乃曰元來得恁麼近那

辛未曾開居士參慧遠禪師

紹興辛未曾開參慧遠問如何是善知識曰燈籠露柱猫兒狗子曰爲甚贊卽歡喜毀卽煩惱曰侍郎曾見善知識否曰三十年參問何言不見曰向歡喜處見煩惱處見開擬議遠震聲便喝開擬對遠曰開口底不是公開罔然遠召曰侍郎向甚處去也開猛省

點頭說偈曰。咄哉瞎驢叢林妖華。震地一聲。天機漏泄。有人更問意如何。拈起拂子。劈口截遠曰。也祇得一撇。○知府葛郊字謙問。號信齋。少擢上第。就心禪悅。初謁無菴全宪。即心即佛。話久無契。入請曰。師有何方便。使某得入。曰。居士太無厭生。適慧遠來。居剡池。郊舉全語。請爲衆普說。遠曰。即心即佛。眉拖地。非心非佛。雙眼橫。蝴蝶夢中家。萬里子規枝上月。三更留旬日而返。一日全舉不是心。不是佛。不是物。郊豁然有省。說偈曰。非心非佛亦非物。五鳳樓前山突兀。豔陽影裏倒翻身。野狐跳入金毛窟。全肯之。即遣書呈遠。遠報曰。此事非紙墨可旣。居士能過我。當有所聞也。遂復謁。遠遠迎之曰。居士見處止可入佛境界。入魔境界。猶未得在。郊禮拜。遠正容曰。何不道金毛跳入野狐窟。郊乃頓領。嘗問諸禪曰。夫婦二人相打。通兒子作證。且道證父即是。證母即是。淳熙八年感疾。一夕忽索筆書偈曰。大洋海裏打鼓。須彌山上聞鐘。業鏡忽然撲破。翻身透出虚空。召僚屬示之曰。生之與死。如晝與夜。無足怪者。若以道論。安得生死。若

作生死會。則去道遠矣。語畢端坐而化。

壬申景深禪師入寂。寶峯照法嗣曹洞第十七世

景深住智通紹興初。歸寶藏嚴以事民。其衣壬申二月示微恙。乃曰。世緣盡矣。三月十三爲衆小參。仍說偈曰。不用剃頭。何須澡浴。一堆紅燄。千足萬足。雖然如是。且道向上還有事也。無遂歛目而逝。

癸酉印肅禪師住慈化

紹興癸酉印肅住慈化。嘗言。捨家出家。當爲何事。披緇削髮。本屬何因。若不報國。資家虛負。皇恩若不導化。檀那枉作。釋子楮衣。糲食脇不沾席者。十有二年。一日誦華嚴論至達本情亡。知心體合。豁然大悟。徧體汗流曰。我今親契華嚴境界矣。遂示衆。李公長者於華嚴大經之首。痛下一槌。擊碎三千大千世界。如湯沃雪。不留毫髮。許於後進者。作得滯礙。普菴老人一見不覺吞却五千四十八卷。化成一氣。充塞虚空。方信釋迦老子出氣不得之句。然後破一微塵。出此華嚴經。徧含法界。無理不收。無法不貫。便見摩耶夫人是我身。彌勒樓臺是我體。善財童子是甚。茄子文。

殊普賢與我同參不動道場。遍周法界。悲涕歡喜。踴躍無量。大似死中得活。如夢忽醒。良久云。不可說。不可說。又不可說。始信金剛經云。信心清淨。即生實相。實相既生。妄想相滅。全體法身。徧一切處。方得大用。現前即說偈曰。捏不成團。撥不開何須南嶽。又天台六根門首。無人用惹得。胡僧特地來。一日。舉似心齋圓通二子云。達本情亡。知心體合。汝作麼生。會二人相顧笑云。未達明日各呈頌。肅題云。據宗眼看來。句到意未到。其體未合。其情未亡。乘便強占二詞。調曰。解佩令明。眼人親著。三十拄杖。不饒爲什麼。如此不合。雪上加霜。其一云。先天地何名。何樣阿曼陀。無物比況。獨目菩提。自是不肯承當。且輪迴滯名著。相圓融。法界無思。無想。廬陵米不用商量。血脉纔通。便知道。擊木無聲。打虛空。盡成金響。其二云。栢庭立雪一場。敗闕了無爲。當下休歇。百匝千圍。但只這孤圓心月。不措磨。鎮常皎潔。無餘無欠。無聽無說。韶陽老祇得一撇。十聖三賢。聞舉著。魂消膽裂。惟普菴迥然寂滅。○馮楫禪學精深。晚年專修淨業。率道俗作

繫念會。後知卬州所至。宴晦無倦。有偈曰。公事之餘。喜坐禪。少曾將脇到床眠。雖然現出宰官相。長老之名四海傳。紹興癸酉秋。預報親知。期以十月三日。報終至。日令後廳置高座。見客如平時。辰巳間。降塔望闕肅拜。請漕使攝印事。著僧衣履。踞高座。囑官吏道俗各宜向道。扶持教門。建立法幢。漕使請曰。安撫去住自繇。如此何不留一項以表罕聞。楫張目索筆書曰。初三十一中九下七。老人言盡龜哥。眼赤書畢。拈拄杖按膝而化。楫以建炎後名刹教藏多殘。懷捐俸印。施凡一百二十八藏。有偈曰。我賦就癡癡。視財等空虛。不作子孫計。不爲聲色娛。所得月俸。給。惟將贖梵書。庶使披閱者。咸得入無餘。古佛爲半偈。尙乃捨全軀。是以不惜財。開示諸迷途。借問惜財者。終日較錙銖。無常忽到日。寧免生死無。

甲宗杲禪師寄頌曇華

初曇華。參克勤。勤入蜀。指見紹隆。未半載間。通徹大法。出世妙嚴。歷遷名利。兩住歸宗。宗杲在梅楊。見華垂示語。極口稱嘆。以偈寄曰。坐斷金輪第一峰。千妖



百怪盡潛踪。年來又得真消息。報道楊岐正脉通。○  
曉瑩字仲溫。得法宗杲。歸憩羅湖杜門謝客。因追憶  
曠者叢林。聞見或得於尊宿提唱。或得於斷碑殘碣。  
歲月浸久。慮其湮墜。遂會萃成編。命曰羅湖野錄。

子宗杲禪師注阿育

宗杲在衡陽士大夫數通書問道。當軸者滋不悅。紹  
興庚午。遷梅楊六年。間遠近攝化。乙亥冬。蒙恩自便。  
丙子春。離梅楊。至贛州。張九成自南安放還。守永嘉。  
杲維舟俟之。既見。劇談宗旨。未嘗一言及往事。時成  
有甥于憲者。侍舅歸新淦。成令拜杲。憲曰。素不拜僧。  
曰。汝試扣之。憲遂舉中庸天命之謂性。率性之謂道。  
修道之謂教。以問杲。曰。凡人既不知本命元辰下落。  
處又要牽好人入火坑。如何於聖賢打頭一著不鑿。  
破曰。師能爲鑿破否。曰。天命之謂性。便是清淨法身。  
率性之謂道。便是圓滿報身。修道之謂教。便是千百  
億化身。成顯憲曰。子拜何辭。丞相張浚居長沙。其母  
秦國夫人計氏名法真。臥疾將亟。曰。妙喜老師。今不  
復見也。老婆有私恩。未報浚。凡三走价之宜春。趣杲

及至已捐館矣。浚曰。先妣願供養和尚一年。爲報德  
之私。遂詣光孝寺之東堂。初法真少寡。居去紛華。  
蔬食禮誦。杲遣道謙過浚。真問徑山和尚尋常如何。  
爲人謙因舉杲教人看狗子無佛性。及竹篋子話。且  
令暫輟禮誦。專意看話。得透話頭。則禮誦皆妙用。真  
遂諦信。一日忽惘然。因自述悟緣。及數偈呈杲。有曰。  
日逐看經文。如逢舊識人。勿言頻有礙。一舉一回新。  
杲見而肯之。○道顏號已菴。久參克勤。微有省發。泊  
勤還蜀。囑令依杲。仍以書教曰。顏川彩繪已畢。但欠  
點眼耳。他日嗣其後。未可量也。杲居雲門及洋嶼。顏  
皆在焉。朝夕質疑。方大悟。丙子杲過九江。守請生圓  
通三辭不獲。因舉顏補其處。詔杲住阿育王山。十一  
月杲至明州。開堂說法。屢糧問道者萬二千指。百廢  
具舉。冠於今昔。○張栻字敬夫。浚之子。嘗問道顏曰。  
見即便見。擬思即差。又作麼生。顏曰。還問不知有栻。  
曰。知有時如何。顏曰。聞聲見色。只如常栻。豁然有省。  
乃留偈曰。聞聲見色。只如常熟。察精蘊。理自彰。脫似  
虛空藏。碧落曾無少剎一毫芒。顏肯之後。栻方疾革。

定叟求教。試曰：蟬蛻人欲之私，春融天理之妙。語訖而逝。學者稱爲南軒先生。

丁丑 天童正覺禪師入寂 丹霞淳法嗣 曹洞第十世

正覺住天童前後三十年。洞上一宗大著。丁丑九月。謁郡僚及檀度。次謁越帥趙令諤。與之言別。十月七日。還山。翼日辰巳。間沐浴更衣。端坐告衆。願侍僧索筆作書。遺育王宗杲。請主後事。仍書偈曰：夢幻空華。六十七年白鳥烟沒。秋水連天。擲筆而逝。龕留七日。顏貌如生。詔諡宏智。塔曰妙光。○淨慈慧暉初叩真歇。微有所證。後謁正覺。覺舉當明中有暗。不以暗相遇。當暗中有明。不以明相觀。問之語不契。初夜定回。往聖僧前燒香。而覺適至。暉見之。頓明。前話次日入室。覺舉堪嗟。去日顏如玉。却嘆同時。賈似霜。詰之。暉曰：其入離其出微。自爾無滯。覺許爲室中真子。

戊寅 宗杲禪師開法徑山

紹興戊寅。宗杲主徑山。天下宿衲復集。如初時。杲年七十。雖老接引。後進不少。倦室中。嘗舉竹筴問僧曰：喚作竹筴。則觸。不喚作竹筴。則背。不得下語。不得無。

語不得於意。根下下度不得。颺在無事甲裏。不得於舉起處承當。不得良久。不得作女人拜。遶禪床。不得拂袖便行。一切總不得。速道速道。僧疑進語。杲便打。越出有僧奪却竹筴。杲曰：奪却竹筴。我且許你奪却。我喚作拳頭。則觸。不喚作拳頭。則背。你又如何奪。更饒你道。請和尚放下。著我。且放下。著我。喚作露柱。則觸。不喚作露柱。則背。你又如何奪。我喚作山河大地。則觸。不喚作山河大地。則背。你又如何奪。時有舟峯長老云：和尚竹筴子話。如籍沒却人家財產了。更要人納物。事果曰：你譬得極妙。我真要你納物事。你無所從出。便須討死路去。或投河。或赴火。打得方始死得死了。却緩緩地再活起來。喚你作菩薩。則歡喜。喚你作賊漢。則惡發。依前只是舊時人。所以道懸崖撒手。自肯承當。絕後再蘇。歎君不得到這裏。始契得竹筴子話。近禮侍者默究竹筴話。無所入。求指示。杲曰：你是福州人。我說箇喻向你。如將名品荔枝和皮殼剝了。送在你口裏。只是不解。吞禮不覺失笑。曰：和尚吞却。卽禍事後。又問前日吞底荔枝。只是你不知滋。

味曰若知滋味轉見禍事。果肯之。○了明秀州陸氏子身長八尺腹大十圍。所至人必聚觀。初宗杲謫衡州。縣防送甚嚴。或以爲禍在不測。明爲荷枷以行。間關辛苦。未曾少怠。既至貶所。衲子追隨問道者。率不下二三百人。杲以齋粥不給。且慮禍嘗勉之令去。明輒不肯。以身任齋粥。每肩鋤耜行乞。至晚即數十人爲之荷米麵薪蔬食用之。屬成列以歸。衲子雖多。無不具足。如是者十七年。如一日。杲復僧及住育王。明嘗在麾下。杲室中不許衲子下。喝明每入室必振聲一喝而退。杲一日榜方丈前云。下喝者罰一貫錢。明見之。乃密具千錢於袖中。至室中先頓於地。高聲一喝便出。如是者數矣。杲無如之何。再榜曰。下喝者罰當日堂供一中。明見之。即驟步往庫司。語曰。和尚要十兩金主事者不疑。即與之。乃遣行者隨往。方丈明袖之以入。復頓於地。高聲一喝而退。杲大駭。入室罷。徐問知其然爲之一笑。每語明曰。你這肥漢。如是會禪。驢年也未夢見。在然念其勤劬之久。舉令出住舒州。投子遷住長蘆。衲子輻湊叢林。改觀杲住徑山。

明來供施及飯大衆。泊歸長蘆。杲送以偈曰。人言棒頭出孝子。我道憐兒不覺醜。長蘆長老恁麼來。妙喜空費一張口。從教四海妄流傳。野犴能作獅子吼。執云無物贈君行。喝下鐵圍山倒走。○德光新喻彭氏子。母夢異僧入室。驚寤有娠。既生。乃祖曰。吾家世積德。乃生此兒。必光吾門。因名德光。相者曰。是子伏犀貫頂出家。必作法門梁棟。年二十一。聞人誦金剛經。忽然通解。白母曰。適聞誦經。身心歡喜。世間萬事。真如夢幻。力懇出家族。不能奪。遂散家貲。第存度牒。僧具餘悉以予其族。剃染游方。初參吉禪師。吉問不是心。不是佛。不是物。是甚麼。光罔措。遂致疑。通夕不寐。次日詣方丈請益。旣不是心。又不是佛。又不是物。畢竟是甚麼。望和尚慈悲指示。吉震威一喝曰。這沙彌。要更我與你下註脚。在拈棒劈脊打出。光於是有省。自是徧參五十餘員。善知識終不自肯。適宗杲領育王。四海英才鱗集。光亦與焉。杲舉喚作竹筴。則觸不喚作竹筴。則背不得。向舉起處。承當不得。向意根下卜度。速道速道光曰。杜撰長老如麻。似粟。杲曰。你是

第幾箇光曰。今日捉敗這老賊。次年佛涅槃。曰。因頂謁次。自念佛。常住法身。何有生滅。頭未至地。忽然契悟。遽告杲曰。你這回徹也。杲再主徑山。拉以偕往。閱夏。暫至蔣山。省曇華。華稱賞不已。移書與侍郎李浩曰。光兄。一自徑山。老叔印。可如虎插翅。留月餘而歸。杲說偈以頂相付。光曰。有德必有光。其光無間隔。名實要相稱。非青黃赤白。○宗杲住徑山。謁張九成。於慶善院。成問曰。某每於夢中。必誦語孟。何也。杲舉圖。覺經曰。繇寂靜。故十方世界。諸如來心。於中顯現。如鏡中像。成曰。非老師莫聞此論也。成後設心六度。不爲子孫計。因取華嚴善知識曰。供其二回食。以飯糲流。又嘗供十六大天。而諸位茶盃。悉變爲乳。作偈頌曰。稽首十方佛法僧。稽首一切護法天。我今供養三寶天。如海一滴牛一毛。有何妙術能感格。試借意識爲汝說。我心與佛天無異。一塵纔起。大地隔。儻或塵銷。覺圓淨。是故佛天來降臨。我欲供佛佛即現。我欲供天天亦現。佛子若或生狐疑。試問此乳何處來。狐疑即塵塵即疑。終與佛天不相似。我今爲汝掃狐

疑。如湯沃雪。火消冰汝。今微有疑。與惑。鷗子便到新羅國。又頌黃龍三關曰。我手何似佛手。天下衲僧無口。縱饒撩起。便行也是鬼窟裏走。諱不我脚何似驢脚。又被黏膠粘著。翻身直上兜率天。已是遭他老鼠藥。吐不人人有箇生緣處。鐵圍山下幾千年。三災直到四禪天。這驢猶自在。旁邊急得成生。平一皮履。關裂亦不易。衣服飲食。盡惡尤甚。或問性耶。抑愛惜不妄用耶。曰。汝且道。我用心。每日在甚處。若一一從頭至足。理會此形骸。却費了多少工夫。我不被他使。且要我使他。世人役役爲此身。所擾。自早至夜。應酬他不暇。特可爲發一笑耳。

己黃彥節居士參宗杲禪師

黃彥節字節夫。號妙德。參宗杲於一喝下。疑情頓歇。杲以衣付之。嘗舉首山竹筴話。至葉縣省。近前奪得。拗折。擲向墻下。曰。是甚麼。山曰。瞎節曰。妙德到這裏。百色無能。但記得曾作蠟梅絕句。曰。擬嚼枝頭蠟。驚香却肖蘭。前村深雪裏。莫作嶺梅看。○全國教享任城王氏子。先是汴京慈濟寺。有僧名福安。山居任城。

有年一日。齋於芒山村。倚樹而化。見夢於女弟馮曰。我生於西陳村。王光道家。馮語其母及其子夢皆同。詰旦至光道家。享母劉氏。亦夢安來求寄宿。是日享。衆生拳右拇指。同業聞之。往問安公。無恙。享執視良久。伸指而笑。嘗獨臥空室。誦摩訶般若波羅蜜。其母驚顧。彌聲猶囁。孺自幼不苟輩。惟見僧行造門。輒喜從之。相者曰。此兒必領僧。萬指十五游方。參鄭州寶公。久無所入。一日往睢陽宿趙渡。忽馬上憶擊板因緣。有省疑情不散。將抵河津。同行驚曰。師兄此河津也。亨下馬。悲喜交集。歸舉似寶。寶曰。此僵臥人。似欲轉動耳。曾看日面佛公案否。亨笑曰。兒時已念得。曰。我只教人參諸方。掉下底禪。但再參去。一日因雲堂靜坐。忽聞板聲。霍然親證。呈頌曰。日面月面。星飛電轉。若更遲疑。面門著箭。咄。寶遂印可。曰。吾護汝不得也。出世五坐道場。後住中都潭柘。歸隱缺門。復住濟州普照。方丈後叢樹蓊鬱。中有一株高丈餘。群鴉以次來巢。上下十二級如浮圖狀。衆賀曰。和尚佛法將大振乎。不數日奉旨主慶壽二年。退居缺門河南。

知府請居少林。徜徉嵩少者數年。忽杜門謝客。己卯秋七月。日謂衆曰。汝輩各宜著力。索筆書頌畢。寂然而逝。茶毗。焰如蓮花。開合牙齒。目睛不灰。舍利無算。享自兒時。額有圓珠。至是爆然飛去。

辛龍舒居士王日休述淨土文

王曰。休字虛中。號龍舒。爲國學進士。端靜簡潔。博通群書。訓傳六經。諸子數十萬言。一旦捐之。曰。是皆業習。非究竟法。吾其爲西方之歸。自是一意念。佛年六十。布衣蔬茹。重趺千里。以是教人。風雨寒暑。弗皇恤。閒居日課。千拜夜分。乃寢。面目奕奕。有光。見者知爲有道之士。紹興辛巳。述淨土文十卷。刊行於世。刊時舍利流出於板。○印肅住南泉。有蜀僧道存。曾謁疎山。得悟。特往。愍道者處。印證。徧歷諸方。求友。罕有其人。辛巳冬月。冒雪到南泉。肅一見喜曰。此吾不請友也。遂相徵詰。捧喝交馳。心心密密。契存曰。師再來人也。大興吾道。非師其誰。因指雪書一頌。而別。肅亦隨後一句加三句。遂成八頌。存曰。庭前雪子落紛紛。總是吾家入道門。行人到此宜迴首。免使從前業浪奔。三



世諸佛同此路。百千万便。下乾坤。淨人若信平常事。自有山翁樣子。存肅曰。庭前雪子落紛紛。妙觸宣明。應普門不是藥山。無用處。權令龐老警兒。孫總是吾家入道門。無說說中聞。不聞步步透。關田地。穩須彌。踣跳撞。崑崙行人到此宜迴首。此物元來處處有。除非自己肯承當。方信境緣無好醜。免使從前棄浪奔。直入圓音普眼門。賓主歷然誰委悉。不是通方莫與論。三世諸佛同此路。天無門。地無戶。森羅萬象一光吞。歷劫不曾少鹽醋。百千万便一乾坤。得者還須皂白分。珠體未明成五色。舉頭鷄子過羅村。淨人若信平常事。穿過彌縫連孔鼻。多中一。一中多。城東老母難迴避。自有山翁樣子存。家傳祖代沒分文。南北東西無別有。光明遍照獨爲尊。

壬午孝宗賜宗果法號

幸已宗果退居明月堂。壬午孝宗卽帝位。詔問佛法大意。賜號大慧禪師。○妙總受大慧心印。名聞諸方。紹興壬午有以禮部僧牒無著師號爲施者。總說偈受之。遂祝髮披緇。

癸未應菴墨華禪師入寂。虎丘隆法嗣。臨濟十三世。

墨華晚住天童。遠近奔湊。時宗果主徑山。叔侄相望。往來憧憧。必至二大士之門。隆興元年六月日。臨終或以辭世偈爲請。華曰。吾嘗笑諸方所爲。而自爲之耶。區處院事。纖悉不遺。奄然跌坐而化。華於普說小參。問答勘辨之屬。皆從容暇豫。曲盡善巧。而室中機辨。操縱殺活。尤號明妙。飽參宿學。一近隨拂。亦汗下心死。嘗頌徒典利者。但晦匿名跡。以得高巾鉢爲幸。至於行業高潔。每當住持。雖料理建置小物。細故動爲無窮計。而纖毫不可意。卽飄然徑去。莫能回奪。嘗自言。衲僧家著草鞋住院。何至如蛇虺戀窟。勉勵徒衆。不許放逸。事事必身率之。其將示寂也。猶掛牌入室。至夜分。他日多類此。○密菴戒傑。福州鄭氏子。母夢廬山老僧入舍而生。自幼穎悟。出家行脚。遍參知識。後謁墨華於衢之明果。華孤硬難入。屢遭訶責。一日華問。如何是正法眼。傑遽答曰。破沙盆。華頷之。未幾辭回省。親華送以偈曰。大徹投機句。當陽廓頂門。相從今四載。徵詰洞無痕。雖未付鉢袋。氣宇吞乾坤。

却把正法眼。喚作破沙盆。此行將省觀。切忌便跟蹤。吾有末後句。待歸要汝遵。後出世爲巨。遷祥符蔣山。華藏又詔住。徑山靈隱。晚居太白。○南書記福州人。久依曇華。於趙州狗子。無佛性話。豁然契悟。有偈曰。狗子無佛性。羅睺星入命。不是打殺人。被人打殺定。華見喜其脫略。○侍郎李浩。字德遠。號正信居士。幼閱楞嚴經。如游舊國。志而不忘。持曇曇華說法於明。果浩投誠入室。華堪其胸。曰。侍郎死後。向甚麼處去。浩駭然汗下。華喝出。浩退。參不旬日。竟躋堂奧。以偈寄同參嚴康朝。曰。門有孫臏。鋪家存甘。贅妻夜眠。還朝起。誰悟復誰迷。華見之。稱善。有鬻胭脂者。亦久參華。頗自負。浩贈以偈。曰。不塗紅粉自風流。往往禪徒到此休。透過古今圈。禮後却來這裏喫拳頭。

○大慧宗杲禪師示寂

圓悟勤法嗣  
臨濟十二世

宗杲住徑山隆興元年七月。日示微恙。大眾力請末後垂訓。杲囑曰。老僧來日無多。汝等侍吾之久。宜各隨所緣。以佛法爲念。莫負初志。實吾所願。其語懇切。衆皆悲感。十四日夜。有大星隕於寢室之後。流光有

聲。杲聞微笑曰。吾將行矣。八月二日凌晨。法鼓震裂。九日學徒環擁。杲以手搖曳曰。吾翼日始行。至五鼓。親書遺奏及丞相張浚等書以外護吾。宗爲囑。仍示參徒曰。叢林自有常典。切不可過議。小師不得披麻。慟哭。恐混世俗。又口授諸嗣法云。吾自夏及秋。不美飲食。雖無甚疾。苦而幻體。日見羸劣。蓋世緣止於此也。汝既應緣一方。宜堅持願力。以報佛祖恩。是吾之望。臨行以數語爲別。各宜委悉。及了賢等請偈。杲厲聲曰。無偈便死不得也。衆復哀懇。乃不得已書偈付了賢。呈大眾云。生也只恁麼死。也只恁麼有。偈與無偈。是甚麼熱大。投筆就寢。吉祥而逝。壽七十五。夏五十八。塔全身於明月堂之側。龍神戴白鳥獸哀號。孝宗製讚曰。生滅不滅。常住不住。圓覺空明。隨物現處。詔以明月堂爲妙喜菴。賜諡普覺塔名寶光。所賜御書建閣以藏全錄八十卷。詔入大藏流行。○蔣山善直初參杲於回鴈峰。一日杲問上座甚麼處人。曰。安州人。曰。我聞你安州人會厮撲。是否。直便作相撲勢。杲曰。湖南人喫魚。因甚。湖北人著屢。直打筋斗而出。杲

曰誰知冷灰裏有粒豆爆○了明住長蘆及宗杲化孝宗詔明補其處一日陽和王夢一異僧長大蟠腹緩行而言欲化蘇州一莊覺而異之未言也翼日明忽杖履徒步而至門者呵不止以白王王出見之遙望明與夢中無異遽呼其眷屬出觀之竝炷香作禮茶罷首言願大王施蘇州一莊以爲徑山供佛齋僧無窮之福王未有可否因令辦齋齋畢便出更無他語時內外聞傳施莊一事達於帝聽會王入朝帝曰聞卿捨蘇州莊與徑山朕當爲蠲賦稅王謝恩歸次日以書至徑山請明入城而明二日前先已坐化矣自是王宴居寤寐之際或少倦交睫卽見明在前語曰六度之大施度爲先善始善終斯爲究竟王卽以莊緣本山其疏略曰特來謁郡王故意丁寧說冷處著把火大家相煖熱兩堂坐禪僧眞箇修行徹心源湛如水脊梁硬似鐵等心供養渠因果豈虛設福慧自莊嚴共出輪迴劫又偈曰做事須還烈漢拈起筆來便判若要功果完成切莫前思後算

甲申印肅禪師隱居南山

印肅住慈化遠近奔趨絡繹於道有人赴總管府首肅爲妖者府守李姓善雷術遂乘便道抵院謂肅曰借汝壇場施吾法事意欲驅雷以滅肅行之三日不應守抱慚辭去肅曰將天鼓相送遂以拄杖向空指畫雷聲大震電雹交作守乃投誠懺悔自後朝謁益衆人事旁午隆興二年秋肅恐魔惱乃以院事付其徒圓通任之潛往南山入定歷歲餘人無知者○祖琇號石室撰隆興佛運通論甲申論成行於世

乙酉印肅禪師還慈化

印肅隱居南巖楚人丁驥劉汝明因夜立望見南巖上毫光燭天曰此必師所居也於是次日相與披荆棘捫藤蘿討路至肅處但見龍吟虎嘯震崖谷二人及從者皆驚怖肅叱畜生且化身來休驚檀越俄有二童侍側二人固請還寺教化衆生肅遂還慈化

丙戌道昌禪師住淨慈

道昌住靈隱丙戌淨慈處席孝宗詔昌主之

丁亥德光禪師住天寧

德光自受心印名稱奕奕乾道三年李浩分符天台

與光論道相契。遂延住鴻福及遷天寧。禪子雲集。

己曾菴印肅禪師示寂。牧菴忠法嗣臨濟十二世

印肅住慈化。隨宜說法。至於廣津梁。崇塔廟。伐怪木。毀淫祠。鬼神莫測其變化。或問修何行業而得此肅。當空畫曰。還會麼。曰。不會。曰。止。止。不須說。又嘗自贊曰。蒼天蒼天。悟無生法。談不說。禪開兩片皮。括地該天。如何是佛。十萬八千。乾道五年七月。日晡。偈於方丈西壁云。乍雨乍晴。寶象明。東西南北。亂雲深。失珠無限人。遭劫幻。應權機。爲汝清書畢。跏趺而逝。

庚寅尼無著妙總禪師入寂。大慧果法嗣臨濟十三世

隆興改元。舍人張安國守吳門。適資壽虛席。迎請妙總住持。總受請。大唱妙喜宗風。乾道六年七月十四日。集衆說偈畢。撼之則已去矣。塋全身於無錫軍將山之東。後遷平江虎丘。○鍾離松紹興中進士。乾道庚寅奉祠吳門。立寶積精舍。畫九品蓮臺圖。同會者百人。記曰。光陰電掣。因果影隨。勿肆情而造愆。勿倚壯而廢日。瞻玆簡易法門。能即迴光返照。則不離當處。超脫苦輪。○喻良能義烏人。官太常寺丞。所著有

諸經講義。香山等集。嘗賦蓮社詩云。遠公結社事清修。永叔宗雷並俊游。千古空餘舊名。字白蓮。零落不勝秋。前身我是比丘身。處處名山有宿因。何日塵緣都掃盡。重爲香火社中人。

辛卯慧遠禪師說法王宮

慧遠住靈隱。辛卯正月二十日。孝宗召對於宣德殿。賜坐。問如何免得生死。曰。不悟大乘道。終不能免。曰。如何得悟。曰。日本有之性。以歲月磨之。無不悟者。曰。悟後如何。曰。悟了。始知陛下所問。與臣所奏。悉皆不是。曰。一切處不是。如何。曰。脫體現前了。無毫髮可見之相。上大悅。遠復曰。古德道無所是。是菩提。曰。卽心卽佛。如何。曰。目前無法。陛下喚什麼作心。曰。如何是心。遠正身叉手而立。曰。只這是。上又問德山臨濟機緣。遠一一陳之。復曰。悟後千句萬句。乃至一大藏教。只是一句。曰。是那一句。曰。好語不出門。曰。不與萬法爲侶。可參乎。曰。老龐致此。一問驚天動地。驅山塞海。超古今。脫是非。離言說。絕依倚。如陛下至尊至貴大道。本然曰。得道者。誰曰覺道之人。隨其器量淺深。驗在

意表得底人。他亦自知時節。學佛者衆。機緣亦廣。恐勞聖聽。不敢具奏。遂謝恩下殿。○可觀字宜翁。華亭戚氏子。出家受具。依車溪講席。一日。聞舉般若寂寥言下大悟。曰。如服一杯降氣湯。又見慧覺讀指要。至若不謂實鐵床。非苦變易。非遷嘆。曰。世間文字語言。皆糠粃耳。出世主嘉禾壽聖。遷當湖德藏。又遷祥符。兩載以疾復反。當湖一室。蕭然。人不堪之。觀曰。松風山月。此我無盡衣鉢也。乾道七年秋。丞相魏杞出鎮姑蘇。請住北禪天台寺。入院指法座。曰。胸中一寸灰已冷。頭上千莖雪未消。老步只宜平地去。不知何事又登高。杞擊節不已。○魏杞字南夫。壽春人。累官參知政事。篤信佛法。每發願祈來世爲僧。一日。命丹青寫爲僧相。揭之高堂。請德光禪師作贊。光贊曰。身從果位中來。位冠百僚之上。只因熟處難忘。故現比丘真相。後杞將卒。命諸子曰。吾已去當爲我削髮著袈裟。以僧相殮之。諸子遵命。以三衣一鉢投棺中。已。龍舒居士王日休往生淨土。

乾道癸巳正月十日。王日休往訪趙省幹。借淨室云。

道業辦去時好。乃書曰。課念佛。積計九百十二萬五。百於壁。又遍囑諸人。勉進道業。有此後不復再見之語。夜來讀書。罷如常禮念。至三鼓。忽厲聲稱阿彌陀佛。號數聲云。佛來迎我言訖。屹然立化。邦人有夢二青衣引休向西行者。自是家家供事云。

丙申佛海慧遠禪師入寂。

佛果勸法嗣  
臨濟十二世

慧遠住靈隱乙未秋示衆曰。淳熙二年閏季秋九月旦。闢處莫出。頭冷地著。眼看明暗。不相干。彼此分一半。一種作貴人教。誰賣柴炭。向你道不可毀。不可贊。體若虛空。沒崖岸。相喚相呼。歸去來。上元定是正月半。都下喧傳而疑之。丙申忽示微疾。果以上元揮偈安坐而化。偈曰。幻折秤錘。掀翻露布。突出機先。鷄飛不渡。留七日。顏色如生。詔德光補住靈隱。○東山全菴齊已。卽州謝氏子。法嗣慧遠。蓮社道友。請上堂云。漸漸雞皮鶴髮。父少而子老。看看行步。龍鍾疑殺木上座。直饒金玉滿堂。照顧白拈賊。豈免衰殘老病。正好著精彩。任汝千般快樂。渠儂合自繇。無常終是到來歸堂喫茶去。惟有徑路修行。依舊打之遶。但念阿



彌陀佛念得不濟事。復曰。噫。這條活路已被善導和尚直截指出了。也是你諸人朝夕在徑路中往來。因甚麼當面蹉過阿彌陀佛。這裏薦得便可除迷倒障。拔猶豫箭。截疑惑網。新凝愛河。伐心稠林。浣心垢濁。正心諂曲。絕心生死。然後轉入那邊。擡起脚向佛祖履踐不到處。進一步開却口向佛祖言詮不到處。說一句喚回善導和尚別求徑路修行。其或準前捨父逃走。流落他鄉。撞東磕西。苦哉阿彌陀佛。○覺阿曰。本國滕氏子得度。受具。習大小乘有聲。屬商者自中都回。極言禪宗之盛。阿即奮然航海而來。袖香至靈隱拜慧遠。遠問其來。阿輒書而對。復書曰。我國無禪宗。惟講五宗經論。國主無姓氏。號金輪王。以嘉應改元。捨位出家。名行真。年四十四。王子七歲。令受位。今已五載。某等仰服禪師之名。特詣丈室禮拜。願傳心印。以度迷津。且如心佛及衆生。是三無差別。離相離言。假言顯之。禪師如何開示。遠曰。衆生虛妄。見見佛見世界。阿書曰。無明因何而有。遠便打。明年秋辭游金陵。抵長蘆江岸。聞鼓聲忽大。悟旋靈隱。述五偈辭。

遠曰。航海來探教外傳。要離知見。脫蹄筌。諸方參徧。草鞋破水在。澄潭月在天。掃盡葛藤與知見。信手拈來全體現。腦後圓光徹太虛。千機萬機一時轉。妙處如何說。向人倒地便起。自分明。驀然踏着故田地。倒裹幘頭孤路行。求真滅妄元非妙。卽妄明真都是錯。堪笑靈山老古錘。當陽拋下破木杓。堅竿下喝少賣弄。說是說非入泥水。截斷千差休指注。一聲歸笛囉囉哩。遠稱善。歸住叡山通嗣法書。○行機號簡堂。台州楊氏子。年二十五棄妻孥出家。晚參景元。密有契證。出應莞山刀耕火種。單丁者十七年。嘗有偈云。地爐無火客囊空。雪似楊花落歲窮。拾得斷麻穿屨。不知身在寂寥中。每謂人曰。某猶未穩。在一日看斫樹倒地。忽大悟。平昔礙膺之物。泮然冰釋。未幾住江州圓通。陞座云。圓通不開生藥。誦單單只賣死猫頭。不知那箇無思算。喫著通身冷汗。淳熙丙申冬。歸住平田。○淳熙三年冬。孝宗召德光入對。選德殿問佛法大意。留禁中觀堂。五宿。賜號佛照。問釋迦入山修道六年而成。所成何事。光曰。將謂陛下忘却。

丁松窓居士錢端禮入寂

錢端禮字處和號松窓從景元發明已事丁酉秋示微恙修書召行機及國清瑞巖主僧有訣別之語機與二僧詣榻次禮起跌坐言笑移時即書曰浮世虛幻本無去來四大五蘊必歸終盡雖佛祖具大威德亦不能免這一著子天下老和尚一切善知識還有跳得過者無蓋爲地水火風因緣和合暫時湊泊不可錯認爲已有大丈夫磊磊落落當用處把定立處皆真順風使帆上下水皆可因齋慶讚去留自在此是上來諸聖開大解脫一路涅槃門本來清淨空寂境界無爲之大道也今吾如是豈不快哉塵勞外緣一時掃盡荷諸山垂顧咸願證明伏惟珍重置筆顧機曰某坐去好臥去好機曰相公去便了理會甚坐與臥耶禮笑曰法兄當爲祖道自愛遂欽目而逝

庚子德光禪師住阿育

德光住靈隱淳熙七年遷住阿育○楚明嘉州李氏子初謁克勤勤問從上諸聖以何接人明豎起拳勤曰此是老僧用底作麼生是從上諸聖用底明以拳

便打勤亦舉拳相交笑而出復謁宗杲杲問甚處來曰西川杲曰未出劍門與汝三十棒了也曰不合起動和尚杲深肯之會動歸蜀明依安民而大悟出世住雪竇淳熙七年孝宗召明入對問曰三教聖人本同此理曰譬如虚空東西南北初無二也曰但聖人所立門戶異耳故孔子以中庸設教曰非中庸何以安立世間法華云治世語言資生業等皆與實相不相違背華嚴云不壞世間相而治出世間法曰今時士大夫學孔子者多只工文字語言不見夫子之道不識夫子之心惟釋氏不以文字教人直指心源頓令悟人不亂於死生之際此爲殊勝曰非獨後世學者不見夫子之心當時顏子號爲具體盡平生力量只道得箇瞻之在前忽焉在後如有所立卓爾竟捉摸未着而聖人分明八字打開向諸弟子曰二三子以我爲隱乎吾無隱乎爾以此觀之當時弟子尙不識夫子心況今人乎張商英曰吾學佛然後能知儒此言實爲至言曰朕意亦謂如此上又曰老莊何如人曰只是佛法中小乘聲聞以下人蓋小乘厭身如

桎梏棄智如維毒。化火焚身入無爲界。正如莊子形固可使如槁木。心固可使如死灰。老子曰。吾有大患。爲吾有身。大乘人則不然。度衆生。盡方證菩提。正如伊尹所謂予天民之先覺者也。子將以斯道覺斯民也。有一夫不被其澤。若已推而內之溝中也。上大悅。賜號寶印。卽日詔住徑山。○上嘗製原道論。曰。朕觀韓愈原道。因言佛老之相混。三教之相結。未有能辨之者。且文繁而理迂。揆聖人之用心。則未昭然矣。何則。釋氏專窮性命。棄外形骸。不着名相。而於世事自不相關。又何與禮樂仁義。然尙立戒曰。不殺不淫。不盜不飲。酒不妄語。夫不殺仁也。不淫禮也。不盜義也。不飲酒智也。不妄語信也。如此於仲尼何遠乎。夫子從容中道聖人也。所爲執非仁義。又烏得而名焉。譬如天地運行。陰陽循環之無端。豈有意春夏秋冬之別哉。此聖人強名之耳。亦猶禮樂仁義之別。以設教治世。不得不然也。因其強名。揆而求之。則道也。道也者。仁義禮樂之宗也。仁義禮樂固道之用也。彼楊雄謂老子隄仁義滅禮樂。今迹老子之書。其所寶者三。

曰。慈曰。儉曰。不敢爲天下先。孔子曰。溫良恭儉讓。又惟仁爲大。老子之所爲慈。豈非仁之大者耶。曰。不敢爲天下先。豈非遜之大者耶。至其會道。則互相偏舉。所舉者清淨寧一。而於孔聖果背馳乎。蓋三教末流。昧者執之自爲異耳。夫佛老絕念無爲。修心身而已矣。孔子教以治天下者。特所施不同耳。譬猶耒耜而織機杼。而耕後世徒紛紛而惑。固失其理。或曰。當如之何去其惑哉。曰。以佛修心。以老治身。以儒治世。斯可也。惟聖人爲能同之。不可不論也。

壬可觀法師入寂

天台宗

可觀住延慶復歸當湖竹菴。壬寅無疾而逝。荼毗烟所到處。皆舍利。壽九十一。臘七十八。嗣法弟子宗印。即北鹽官陳氏子。年十五具戒。參學得竹菴之道。隱雷峯。毛氏菴。住華亭普光。秀州德藏。復遷華亭超果。蘇之北。禪移天竺靈山。嘉定六年。行化。十二月日至松江。謂其徒曰。吾化緣畢。此右脇而逝。

癸卯楚明禪師序圓覺經註

孝宗註圓覺經。癸卯二月遣中使賁賜徑山楚明作。

序刊行明進頌曰古佛與今佛同一廣長舌於無途轍中爲物啓途轍撥開千嶂雲放出一輪月普令大地人言下悉照徹覺亦無可圓幻亦無可滅只此無亦無紅爐一點雪稽首佛與佛字字無異說上覽之大喜○尤袤字延之梁溪人舉進士聞釋氏出世法見歸宗禪師欲謀隱計朱熹寄詩有逃禪公勿遽且畢區中緣之句出守台州上臨軒遣曰南台有何勝槩曰太平洪福國清萬年曰聞石橋應眞是五百強漢時忽出現卿以何法處之袤執拳曰臣有金剛王寶劍在上喜書遂初老人賜之○趙鳳字文孺自號黃山東平人舉進士性冲澹學道有所得仙和尚坐脫鳳題曰識得從來覺性圓西歸隻履更脩然永嘉穩步曹溪路臨濟飽參黃檗禪桶底脫時無一物機輪轉處有三玄火中留得一莖草依舊光明燦大千

戊申 楚明禪師退居別峯

楚明住徑山淳熙戊申請老賜退居菴名曰別峯○智策號塗毒天台陳氏子幼落髮謁國清寂室光洒然有省次謁大圓圓問甚處來曰天台來曰見智者

中國歷代

大師度曰即今亦不少曰因甚在汝脚跟下曰當面蹉過曰上人不耘而秀不扶而直一日辭去圓送之門掛策背曰寶所在近此城非實策領之往豫章謁天游道經雲居風雪寒路坐閱四十二日午初版聲鏗然豁爾大悟及造門游獨指策曰甚處見神見鬼來曰雲居聞版聲來曰是甚麼曰打破虚空全無靶柄曰向上事未在此東家暗坐西家厮罵曰嶄然超出佛祖他日起家一麟足矣戊申詔住徑山

庚戌 寶印 楚明禪師入寂 華嚴民法嗣 臨濟十三世

楚明退居別峯十一月到寺見智策與之訣別策問行日明日水到渠成歸別峯索紙書十二月初七夜雞鳴時九字如期而化敕諡慈辯塔曰智光

壬子 塗毒智策禪師入寂 湛堂準法嗣 臨濟十一世

智策住徑山壬子七月日將入寂陞座別衆囑門人以文祭策危坐傾聽至尙饗爲之一笑越兩日沐浴更衣集衆說偈曰四大既分飛烟雲任意歸秋天霜夜月萬里轉光輝俄頃泊然而逝

癸丑 德光禪師住徑山

德光住阿育紹熙四年正月日詔遷徑山光力辭上  
曰朝夕相見耳再對便殿進宗門直指

乙德光禪師還阿育

德光住徑山慶元元年春再三懇請還阿育王山詔  
從之○左丞范冲字致虛繇翰苑守豫章過圓通旻  
問曰冲行將老矣墮在金紫行中去此事稍遠旻呼  
內翰冲應諾旻曰何遠之有冲躍然曰乞師再垂指  
示旻曰此去洪都有四程冲佇思旻曰見即便見擬  
思卽差冲豁然有省○樞密吳居厚擁節歸鍾陵謁  
旻曰某日赴省試過趙州關因問前住訥老透關底  
事如何訥曰且去做官今不覺五十餘年旻曰曾明  
得麼曰八次經過常存此念然未甚脫洒在旻度扇  
與之曰請使扇厚卽揮扇旻曰有甚不脫洒處厚忽  
有省曰便請末後句旻揮扇兩下厚曰親切親切旻  
曰吉獠舌頭三千里○諫議彭汝霖手寫觀音經施  
旻旻拈起曰這箇是觀音經那箇是諫議經曰此是  
某親寫旻曰寫底是字那箇是經霖笑曰却了不得  
也旻曰卽現宰官身而爲說法曰人人有分旻曰莫

謗經好曰如何卽是旻舉經示之霖拊掌大笑曰噯  
旻曰又道了不得霖禮拜○中丞盧航與旻擁爐次  
航問諸家因緣不勞拈出直截一句請師指示旻厲  
聲揖曰看火航急撥衣忽大悟謝曰灼然佛法無多  
子旻喝曰放下著抗應諾諾○左司都貺問旻曰是  
法非思量分別之所能解如何湊泊曰全身入火聚  
曰畢竟如何會曰薦直去貺沉吟旻曰可更喫茶麼  
曰不必曰何不恁麼會貺契旨曰元來大近旻曰十  
萬八千貺占偈曰不可思議是大火聚便恁麼去不  
離當處旻曰噫猶有這箇在貺曰乞師再垂指示旻  
曰便恁麼去貺是鐵鑄貺頓首謝○學士葉適字正  
則號水心嘗以佛書條項太多相反處亦不少往問  
石巖璉璉曰佛以戒定慧爲宗心境不感諸緣水流  
花開鳶飛魚躍皆吾性眞要在千差一照事理渾融  
日久月深眞空妙智自印本心矣若能收視返聽心  
外原無別佛不必問條項多言相反也適自是知歸  
○智廉居上虞化度寺初遍參宗門晚節一意西方  
慶元乙卯秋八月別衆曰我夢中見阿彌陀佛大衆



團說說法。佛云。諸善人等。當須專心淨業。來生我國。我見勝相。往生必矣。乃書偈曰。鴈過長空。影沉寒水。無滅無生。蓮花國裏。書畢。回身向西。結印而逝。

丁巳 崇岳禪師住靈隱

崇岳號松源龍泉吳氏子。年二十三棄家參宗杲於徑山杲陞座。稱曇華爲人。徑捷岳聞之。不待旦而行。既至入室。終夜自舉狗子無佛性話。豁然有得。即以扣華。華舉世尊有密語。迦葉不覆藏。岳曰。鈍置和尚。華厲聲一喝。自是朝參夕扣。華大喜。說偈勸使祝髮。既受具。乃徧歷江浙老宿。入閩見安。永一日辭永。永舉有句。無句如藤倚樹。岳曰。裂破永曰。瑯琊道好。一堆爛柴。岳曰。矢上加尖。如是應酬數反。永曰。吾兄下語。老僧不能過。其如未在他日拂柄在手。爲人不得。驗人不得。岳曰。爲人者。使博地凡夫一超入聖域。固難矣。驗人者。打向面前。過不待開口。已知渠骨髓。何難之有。永曰。明明向汝道。開口不在舌頭上。後當自知。岳遂別去。後之衢州見咸傑。隨問即答。傑微笑曰。黃楊禪爾。一曰。傑入室。問旁僧。不是心。不是佛。不

是物。岳侍側。豁然大悟。乃曰。今日方會木菴道。開口不在舌頭上。自是機鋒不可觸。出世平江。澄照嗣密菴。屢遷名利。慶元三年。靈隱虎席。孝宗詔岳補處。安永號木菴。閩縣吳氏子。參鼎需。一日入室。需曰。不問有言。不問無言。世尊良久。不得向世尊。良久。處會隨後便喝。永煥然契悟。作禮曰。不因今日問爭喪目。前機需許之。後住福州鼓山。元曉福州朱氏子。晦菴會中得心。要衆推爲高弟。慶元三年。自雪峰被旨。遷住徑山。師範字無準。梓潼人。姓雍氏。九歲出家。經書過目成誦。紹熙甲寅冬。受具戒。乙卯出游。至成都。坐夏有老堯首座者。晤堂高弟範。請益坐禪之法。堯曰。禪是何物。坐底是誰。範受其語。晝夜體究。一日如廁。提前語有省。丙辰辭去。謁德光於育王。光問何處人。曰。劍州人。曰。帶得劍來麼。範隨聲便喝。光笑曰。這烏頭子也。亂做。因範貧甚。無資剃髮。故人以烏頭子目之。未幾謁松源於靈隱。肯堂於淨慈。後謁祖先於平江西華秀峰。有鈍顛者。入室次。橫幾不讓。先打至法堂。且欲逐出。範解之曰。禪和家爭禪。亦常事。何

至如此先曰豈不聞道我肚飢聞板聲要喫飯去聲  
範聞其語不覺白汗浹背逮先居靈隱第一座復往  
從之因侍先游石笋菴菴之道者請益曰胡孫子捉  
不住乞師方便先曰用捉他作什麼如風吹水自然  
成紋範在侍旁平生礙膺之物頓釋住後上堂云名  
不得狀不得取不得捨不得只麼得且道得箇甚麼  
三人證龜成鼈○祖先號破菴廣安人姓王氏密菴  
傑法嗣學士張鎡捨宅建寺曰慧雲請先開山上堂  
云不是心不是佛不是物忍俊不禁爲諸人作箇撇  
脫拄杖卓一下云流水暗消溪畔石勸人除却是非  
難○肯堂名彥冲於潛盛氏子道顔法嗣○張鎡嘗  
聞鐘聲悟道偈曰鐘一擊耳根塞赤肉團邊去箇賊  
有人問我解何宗舜若多神面門黑○陸游字務觀  
官待制封渭南伯自號放翁參崇岳問曰心傳之學  
可得聞乎岳曰既是心傳豈從聞得游領解呈偈曰  
幾度驅車入帝京逢僧一例眼雙青今朝始覺禪家  
別說有談空要眼聽

戊午笑翁妙堪參淨全禪師

妙堪慈谿毛氏子出家受具初參崇岳次謁淨全言  
下領旨全越州翁氏子字無用大慧杲法嗣  
庚申崇岳禪師退居東菴

崇岳住靈隱六年法道盛行慶元六年以上章乞老帝  
許之退居東菴

壬戌松源崇岳禪師入寂密菴傑法嗣  
臨濟十五世

崇岳退居東菴俄屬微疾倡道猶不少廢嘉泰二年  
八月日忽親作書別諸公卿且垂二則語以驗學者  
曰有力量人因甚擡脚不起開口不在舌頭上及移  
書嗣法弟子光睦善開囑以大法因書偈曰來無所  
來去無所去警轉玄關佛祖罔措跏趺而逝

癸亥佛照德光禪師入寂大慧杲法嗣  
臨濟十三世

德光住育王謂產薄不足贍衆遂以所賜及王臣長  
者所施之資置田歲增穀五千創數椽以自處號曰  
東菴掩關自娛接人不倦時許禪子入室嘉泰三年  
三月告衆曰吾世緣將盡至十五問左右曰今日月  
半也左右曰然又二日索紙作遺書與平昔所厚者  
二十日早集衆叙別皆法門旨要無半語及他事案

浴更衣大書曰八十三年彌天罪過末後殷勤盡情說破跌坐而逝塔全身於菴後勅諡普慧宗覺塔曰圓鑒○周必大字子充廬陵人拜右相封益公撰光塔銘曰我聞萬生各具佛性人有未見見或未盡偉哉光公宿習戒定頓入悟門遂傳心印福慧兩足行解兼進巍巍孝宗見聖繇聖與師晤言謂發深省晚歸東菴不僂接引八十三年報緣已竟勿云鏡明昔現今隱一物本無何用照映勿用谷虛有叩隨應十方皆空何論銷殞摘蕪拈花繫風捕影持問塔中解顏微哂又曰法不孤起道不虛行續佛慧命必有其人其人謂誰佛照禪師是也

佛祖綱目卷第三十八

佛祖綱目卷第三十九為字號

甲子宋寧宗嘉泰四年乙丑宋開禧元年戊辰宋嘉泰四年己巳宋嘉泰四年  
 金大安金貞祐元年癸酉金貞祐元年丁丑金改元癸未金改元乙酉宋理宗元年

宗寶慶元年戊子宋改元癸巳金改元甲午宋改元丁酉宋改元  
 宋改元辛丑宋改元癸丑宋改元己未宋改元庚申宋改元  
 嘉禧元年宋理宗景定四年止癸亥宋理宗景定四年止  
 乙丑佛光道悟禪師入寂法白雲海

金道悟蘭州寇氏子年十六自願出家父母不聽乃不食數日遂許祝髮後二年自臨洮歸宿於彎子店夜夢梵僧喚覺適聞馬嘶豁然大悟歸家喜不自勝吟唱云見也羅見也羅徧虛空只一箇告其母曰我拾得一物母於囊中尋索不見問是何物曰我是無始以來不見了底物其母不省他日欲遊諸方鄉人送者求頌有水須到海鶴出白雲頭之句至熊耳果遇白雲海先是人問海何不擇法嗣海亦作頌有芝蘭秀發獨出西秦之語比悟至夜聞空中人言來日接相公黎明海呼僧行令持香花接我關西弟子寺乃唐郭子儀建今渠自來住持也既至一言相契徑付衣盂寺前嘗有剽而殺人者來告急悟呼衆擒之曰卽汝是賊尋得其巢穴賊衆請命悟與要言而釋之數十年路不拾遺人以此益信是汾陽王云悟

自後化行遠邇甲辰海還寂悟出世鄭州普照復還  
三鄉竹閣菴時著白衣跨牛橫笛於洛川人莫之測  
嘗謂人曰道我是凡向聖位裏去道我是聖向凡位  
裏去道我不是聖不是凡纔向毗盧頂上有些行履  
處泰和五年結夏臨洮大勢寺開圓覺經陞座偈曰  
此席止講得一半去在至五月日晚參翼日早盥嗽  
畢呼侍者我病也尋藥去侍者足未及門悟已臥逝  
方丈上有五色雲如寶蓋中有紅光如日者三  
庚午可宣禪師住徑山

可宣蜀嘉定許氏子出家受具參安民悟旨訣嘉定  
庚午詔住徑山遠近輻輳宣悲夫重趼而來者窮其  
日力食息無所又於雙谿之上築室百間爲接待菴  
濟其所不及宋寧宗嘗錫化城二大字賜號佛日

辛未錢象祖居士往生淨土此菴元法嗣  
臨濟十□世

錢象祖字公相號止菴錢塘人參護國景元元曰欲  
究此事須得心法兩忘乃可法執未忘契理亦非悟  
也曰纔涉唇吻便落意思如何曰日本自無瘡勿傷之  
也祖渙然有得守金陵日專修淨土創止菴高僧寮

爲延談道之所嘉定元年拜左丞相辭歸益進淨  
業四年二月示微疾書偈曰菡萏香從佛國來琉璃  
地上絕纖埃我心清淨超於彼今日遙知一朵開後  
三日僧有問疾者祖曰我不貪生不怖死不生天不  
爲人惟求生淨土耳言訖跏趺而逝○嘗定國號省  
齋爲州學諭專心念佛讀淨土諸經每月三八集僧  
俗誦經念佛嘉定四年夢青衣童告曰佛令召君三  
日當生彼國至日沐浴更衣念佛坐化○眞德秀字  
景元累官參知政事世稱西山先生深於禪學嘗云  
予讀楞嚴經觀世音以聞思修爲圓通第一其曰初  
於聞中入流亡所所入既寂動靜二相了然不生如  
是漸增聞所聞盡盡聞不住覺所覺空空覺極圓空  
所空滅生滅既滅寂滅現前若能如是圓拔一根則  
諸根皆脫於一彈指頃徧歷三空卽與諸佛無異矣  
○陳賁謙官樞密使答眞德秀問禪書略曰承問話  
頭合看與否以某觀之初無定說若能一念無生全  
體是佛何處別有話頭祇因背覺合塵念念生滅佛  
祖方便令咬嚼無義味語然須徹見自己本地風光



方爲究竟此雖人人本有但妄想所覆若不痛加煅煉終不明淨○饒節字德操臨川人以文章著稱往來襄鄧間嘗令其僕守舍一日見僕歸占對異常怪劉之僕曰守舍無所用心開隣寺長老有道價特往請一轉語忽爾開悟身心泰然無他也節嘆曰汝能是我乃不能何哉徑往白崖問道與其僕祝髮爲僧節法名如璧僕名如琳節自號倚松道人嘗勸呂紫微專意學道詩云向來相許濟時功大似頻伽餉遠空我已定交木上座君猶求舊管城公文章不療百年老世事能排兩頰紅好貸夜聽三十刻胡床跌坐究幡風○劉昉字中明初爲丞相府史積勞出爲左殿直已而嘆曰爲吏良苦吾將清吾中腐脫屣塵垢之外遂往晉州樓止東山僧坊沙門道覺詫曰吾然膏油於如來前三十年矣勝利當無涯曰異乎吾所聞修行之子以身爲槩以戒爲膏油以心爲然器照一切無明古所稱然燈佛也居百日別去後於南康伽藍戶解有里人至東都見昉葛裘賣藥於市問曰先生戶解何至此耶曰無則入有解乃歸眞吾家常

事耳子何訝焉○陸沅號省菴任福建提舉居嘗持法華經晨起卽澡浴焚香目不他瞬首倡偈曰盥手清晨貝葉開不求諸佛不讓災世緣斷處從他斷劫火光中舞一迴然後開卷又嘗閱大藏參究少林心宗○修撰劉克莊字潛夫號後村有十釋詠其達磨詠曰直以心爲佛西來說最高始知周孔外別自有英豪○李純甫字之純別號屏山承安中進士性嗜酒中歲始學佛遍觀佛書能悉其精奧嘗賦雜詩云顛倒三生夢飛沉萬劫心乾坤頭至踵混沌古猶今黑白無眞色宮商豈至音維摩癩開口枝上一蟬吟空譯流沙語難參少室禪泥牛耕海底玉犬吠雲邊仰嶠圓茶夢曹山放酒顛書生眼如月休被衲僧穿所著有鳴道集說凡二百十七篇

丁藏叟善珍禪師入寂妙峰善法嗣臨濟十五世

善珍字藏叟泉州呂氏子落髮受具謁妙峰善於靈隱入室悟旨出世里之光孝歷遷名利後住徑山嘉定丁丑五月日入寂壽八十三夏六十

己卯簡侍中觀沼禪師



印簡字海雲寧遠宋姓子生而神悟七歲父授以孝經開宗明義章簡曰開者何宗明者何義父驚異於是禮中觀沼爲師年十一納具戒十二沼乃聽參問諱之曰汝向後把文字語言一一掃除惟身心若枯木死灰今時及盡功用純熟悟解真實大死一場休有餘氣到那時節瞥然自肯方與吾相見簡受教習定一日扶沼行沼曰法燈禪師道看他家事忙且道承誰力汝作麼生會簡將沼手一掣沼曰這野狐精簡曰啍啍沼曰更須別參年十三元兵破寧遠見簡俾歛髻簡曰若從國儀則失僧相也蒙旨如故年十八元兵再下四衆逃散簡侍沼如故沼曰吾迫桑榆汝方富有春秋何當玉石俱焚宜自逃遁簡泣曰因果無差死生有命安可離師苟免乎沼察其誠陰囑曰子向去朔漠有大因緣吾與子俱北渡矣城降元帥史天澤載於黃犢車經年至赤城

庚中和璋禪師傳法印簡

庚辰五月中觀沼將遷寂書偈曰七十三年如擊電臨行爲君遺一線泥牛飛過海東來天上人間尋

不見客曰師幾時行曰三日後至六月初一果無疾而逝闍維收頂骨舍利供養沼既歿印簡乞食看塔一夜聞空中召簡名簡瞥然有省乃遷入三峯道院復聞人告曰大事將成行矣毋滯於此黎明策杖之燕過松鋪值雨宿於巖下因擊火大悟自捫面曰今日始知眉橫鼻直信道天下老和尚不寐語明日至景州見本無立立問從何所來曰雲收幽谷曰何處去曰月照長松立點首曰孟八郎便恁麼去也簡諾諾趨出過洵州遇宿儒張子真問上人何不安住簡曰河裏無魚市上取初沼臨終簡問某甲當依何人了此大事沼囑曰賀八十去迨入燕至大慶壽寺乃省前識於是徑謁中和璋璋先一夕夢異僧策杖徑趨方丈踞師子座天明謂知客曰今日但有旦過當令來見老僧及晚簡至璋笑曰此衲子乃夜來所夢者曰簡不來而來作麼生相見曰參須實參悟須實悟莫打野糲曰某甲因擊火迸散乃知眉橫鼻直曰吾此處別曰如何表信曰牙是一口骨耳是兩邊皮曰將謂別有曰錯簡喝曰草賊大敗璋休去次日璋

舉臨濟兩堂首座齊下。喝僧問還有賓主也。無濟曰。賓主歷然。汝作麼生會。曰。打破秦時鏡。磨尖上古錐。龍飛霄漢外。何勞更下。絕曰。汝只得其機。不得其用。簡便掀禪床。璋曰。路途之樂。終未到家。簡與一掌曰。精靈千載野狐魅。看破如今不直錢。璋打一拂子曰。汝只得其用。不得其體。簡進前曰。青山聳寒色。月照一溪雲。曰。汝只得其體。不得其智。曰。流水自西東。落花無向背。曰。汝雖善語言。三昧要且沒交涉。簡豎起拳。復拍一拍。當時丈室震動。璋曰。如是如是。簡拂袖便出。明日命掌記復以向上鉗鎚。勸驗應答。皆契一日。謂曰。汝今已到大安樂地。宜善護持。吾有如來正法眼藏。祖師涅槃妙心。密付於汝。毋令湮沒。簡掩耳而出。卽授以頌曰。天地同根無異殊。家山何處不逢渠。吾今付與空王印。萬法光輝總一如。

癸未 萬松行秀禪師評唱天童頌古

元移刺楚材晉卿初參聖安。帝屢將古尊宿語錄中所得者叩之。澄間有許可者。及晉卿罷官功名之心束之高閣。求祖道愈亟。遂再訪澄。澄多翻案。不然所

見晉卿甚惑。澄從容謂曰。昔公位居要地。又儒者多不諳信佛書。惟搜摘語錄以資談柄。故予不敢苦加鉗鎚耳。今揣君之心。果爲本分事。以問予。予豈得猶襲前愆。不爲苦口乎。予老矣。素不通儒。不能教君。有萬松老人者。儒釋兼備。宗說精通。君可見之。於是晉卿謁松。杜絕人跡。屏斥家務。廢寢忘餐者幾三年。松始爲印。可以湛然居士從源目之。自後晉卿扈從元帝至西域。因貽書松。請評唱天童頌古百篇。開發後學。間闢七年。癸未始成。松名行秀。雪巖法瑞。嗣曹洞宗。

庚寅 師範禪師住徑山

師範自得法祖先後歷主名刹。紹定庚寅詔住徑山。住二十年。號法席全盛。○至溫字其玉。號全一。邢州郝氏子。幼聰敏。異常兒。六歲祝髮。年十五。參萬松。博記多聞。論辨無礙。松命爲侍者。凡松偈頌法語。一聞輒了。遂得法焉。常以侍者代應。對機鋒不可犯。太保劉秉忠長溫一歲。少時相得。歡甚。忠厭世。故思學道。溫勸之。爲僧後。忠爲元世祖知遇。薦溫可大用。得召

見與語大悅。將授以官。弗受。曰：「天下佛法流通。臣僧之願。富貴非所望也。」憲宗命印簡主釋教。詔天下作資戒會。溫持旨宣布中外而輔成之。○劉秉忠字仲誨。瑞州人。曾大父任邢州節度副使。遂爲邢人。風骨秀異。志氣凌爽。不羈家貧。爲節度府令史。以養其親。一日因案牘事有不愜意。投筆嘆曰：「吾家奕世衣冠。今乃汨沒爲刀筆吏乎。丈夫不得志於世。當求出世間事耳。」卽棄去。隱於武安山巖谷間。草衣木食。以求其志。天寧寺虛照招致爲僧。命掌書記。後遊雲中。住南堂。值印簡被召過雲中。要忠與俱。既至。謁世祖於潛底。應對稱旨。世祖神武英斷。每臨戰陣。前無堅敵。忠嘗讀之以天地好生爲德。佛氏慈悲濟物爲心。方便救護所全活者不可勝計。

辛卯印簡禪師說法大慶壽

印簡住大慶壽寺。一日於廊下逢數僧。簡問第一僧曰：「那裏去？」曰：「賞花去。」簡便打問第二僧。那裏去？曰：「禮佛去。」簡亦打問第三僧。那裏去？曰：「那裏去。」簡亦打問第四僧。那裏去？僧無語。簡亦打問第五僧。那裏去？曰：

覓和尚去。曰：「覓他作麼？」曰：「待打與一頓。」曰：「將什麼來打？」曰：「不將棒來打。」簡連打四下。曰：「這掠虛漢衆皆走。」簡召曰：「諸上座衆。回首簡曰：『是什麼？』」

乙未妙峯善禪師傳法宗整

宗整廬陵王氏子。自號友雲。從幼喜學禪。坐世網不能羈。年十二出家。十九薙髮。受具。二十二參方。聞妙峯善闡化靈。隱往依之。善峻拒以驗其志。久乃得參。堂勇憤自誓。越三白如一日。端平乙未。佛涅槃。曰：「善上堂拈拄杖云：『釋迦老子來也。』」諸人還見麼？微妙淨法身具相三十二。放下拄杖云：『見你諸人不會入涅槃去也。』」整於言下大悟。○印簡住慶壽。孔子之後襲封衍聖公。元措者渡河謁簡。請復曲阜廟祀。簡爲言於忽都護曰：「孔子善稽古典。以大中至正之道三綱五常之禮性命禍福之原。君臣父子夫婦之倫。治國齊家平天下正心誠意之本。教人自孔子至此襲封五十一代。繼承祀事。未嘗有缺忽都護遂命復襲封爵。簡復以顏孟相傳孔子之道及習周孔儒業者令其子孫不絕。亦皆獲免差役。」○余居士古杭人。號放

牛居士宋淳祐間參無門開道者。豁然大悟。嘗曰。大聰明人。纔聞此事。便以心意識領解。所以認影爲眞。到臘月三十日。眼光欲落時。向閻老子道。待我澄心。攝念。却與你去斷不可也。須是急參急悟。又曰。佛法如海。皆從細流而入。如人破竹。纔透一節。其餘皆迎刃而解。不勞餘力。予自小便有此志。參訪江湖名人。與諸方禪者打一世口鼓。自謂佛法止如此。便都放倒了。後參見無門。開公。佛眼。禪師。凡開口。便被他們劈面門。截住。連道。是不是。退而思之。許多年下功夫。豈無歡喜處也。曾零碎碎悟來。終不服無門道。是不是。及見臭菴。遂扣之。吾師得無門。甚麼見解。敢對人天顛倒是非。曰。我在無門座下。無法可得。無道可傳。只得兩箇字。予問兩字如何。說曰。不是。不是。予因此而知無門老人爲人處。一點惡水。不曾輕灑著人。予雖不敏。被臭菴連狀領過。抱屈不少。因述是非。關曰。直指人心。見性成佛。迴光返照。迥絕遮攔。纔擬思量。白雲萬里。逢人品藻。遇物雌黃。重古輕今。貴耳賤目。任伊卜度。沉吟未夢。見是非關。在作麼生透。且

字  
麼上說作

看。又曰。安吉州沈道婆。問有因果否。予曰。有問參學人。實有悟處。師家故言。不是有因果否。曰。佛法不順人情。豈無因果。百丈錯答一轉語。五百生墮野狐身。佛說一切法爲度一切心。我無一切心。何用一切法。曰。是非關有幾句。曰。有四句。曰。四句樣麼。生學曰。第一句。有是有非。則不可。第二句。無是無非。又不可。第三句。是是非非。也不可。第四句。非是是非。亦不可。若得離此四句。始見本地風光。曰。我離得否。予曰。你離不得。曰。人人有分。我何離不得。曰。嫁雞逐雞飛。嫁狗隨狗。走曰。如何是本地風光。曰。月子灣灣照幾州。幾人歡樂幾人愁。曰。不問這箇風光。曰。問那箇本地風光。曰。無男女相。底曰。既無男女相。底問甚是非。關曰。別有向上事也。無曰。有曰。如何是向上事。曰。馬蝗丁住鷺鷥脚。你上天時。我上天。

庚子道冲禪師住天童

道冲號癡絕。武信荀氏子。少長從進士業。棄受釋氏學。游成都。習經論。以名相厭人。復棄去。紹熙壬子。出峽。回鄒荆楚間。時崇岳住饒之薦福。徑造其廬。以歲

飢不受會曹源生出世妙果。冲纔入門。聞語有省。參堂侍香。朝從夕游。老拳痛棒。不少貸。平生知見。至是多無影響。曹源從龜峰冲復待行。久之。以偈辭游浙。有曰。尚餘窮相一雙手。要向諸方痒處爬。至杭時。岳主靈隱門。嚴戶峻。入閱月。不獲入室。或以失士告。岳曰。我已八字打開。挂搭他。自是他當面蹉過了。冲聞其語。徹見曹源嘻笑。怒罵皆爲人善巧方便。出世嘉禾光孝。遷蔣山。遷雪峰。嘉熙庚子。詔住天童。育王。虛席冲又攝住持。事往來說法兩山間。

壬寅護必烈參印簡禪師

己亥冬復起印簡主慶壽壬寅護必烈迎赴帳下。問佛法大意。簡初示人天因果。次以種種法要。開其心地。王生信心。求受菩提心戒。復問佛法中有安天下之法否。曰。包含法界。子育四生。其事大備於佛法境中。此四大洲如大地中一微塵。許況一四海乎。若論社稷在生民之休戚。休戚安危在乎政政不離心。我釋迦氏安天下之法。在王法正論品理。固昭然非難。壽易憐恐王不能盡行也。王大悅。奉以師禮。臨別王

問佛法此去如何受持。曰。信心難生。今已生善心。難發。今已發。務要護持。專一不忘。元受菩提心戒。不見三寶有過。恒念百姓不安。善撫綏。明賞罰。執政無私。任賢納諫。一切時中。常行方便。皆佛法也。簡既辭有一惡少年。肆言謗訕。以佛法不足信。王欲正其罪。專使白簡簡回啓曰。明鏡當臺。妍醜自現。神鋒在掌。賞罰無私。若以正念現前。邪見外魔。殺之可矣。然王者當以仁恕存心。乃可王益敬焉。

癸卯宗鑒禪師結菴佛頂

宗鑒自投機妙峰後。辭歸峰。囑曰。深山裏結箇茅菴。去淳祐癸卯。登東山佛頂峰。捫蘿披榛。得修山主古寺。基掃虎狼狐兔之跡。以居焉。木食澗飯。夙夜危坐。或雪寒無宿火。啖昌歆數寸度。曰。口占偈曰。山僧有分住烟蘿。無米無錢莫管他。水似琉璃山似玉。眼前盡有許來多。繼是稍疏泉壑荒。以自給。春炊樵給皆躬爲之。久之。學衆日集。不數年。轟然一叢席。因襲舊名榜曰。龍濟清涼寺。云峰寄法衣。并自題肖像。以付鑿。曰。妙峰孤頂草離離。橫按竹筵三尺鏡。只許佛頂



龍濟知父子不傳真秘訣。蓋嘗書門以俟來參。曰：除却眼耳鼻舌身意，那箇是你自己？若也道得，許你親見龍濟來。其或未然？且居門外。○鄭清之字德源，四登相位，端平間召用。正人多清之之力，嘗作勸修淨土文，謂今之學佛者，不過禪教律究竟圓頓，莫如禪。非利根上器，神領意解者，則未免墮頑空之失。研究三乘，莫如教。非得魚忘筌，因指見月者，未免鑽故紙之病。護善遮惡，莫如律。非身心清淨，表裏一如者，則未免自纏縛之苦。總而觀之，論其所入，則禪教律要其所歸，則戒定慧。不繇禪教律而得戒定慧者，其惟淨土一門乎？方念佛時，口誦心維，諸惡莫作，豈非戒。繫念淨境，幻塵俱滅，豈非定。念實無念，心花湛然，豈非慧。人能屏除萬慮，一意西方，則不施棒喝而悟圓頓機，不閱大藏經而得正法眼，不持四威儀中而得大自在，不垢不淨，無塵無脫，當是時也，孰爲戒定慧？孰爲禪教律？我心佛心，一無差別。此修淨土之極致也。○吳潛字毅夫，號履齋，理宗朝拜相。嘗謂僧曰：昔文殊告世尊曰：我初入不思議三昧，繫心一緣，所謂

繫心一緣，如日觀月，觀眉間毫相與鼻準白之類事。雖淺近理，實幽微。如趙州云：老僧十二時惟粥飯二時是雜用心。馮山問：懶安云：汝十二時當作何務？安云：牧牛。馮云：作麼生牧？安云：一回入草去，驀鼻拽將來。此皆繫心一緣也。自後尊宿又生巧妙方便，令學者看話頭，如狗子佛性，牘三斤，乾屎橛，青州布衫，庭前柏樹之類，都是理路不通處。教人取次看一則，看來看去，疑來疑去，十二時中常不放捨。忽然鼻孔噴地一下，卽是當人安身立命處。此皆繫心一緣之證據也。潛於法門得大自在，臨終預知時至，語人曰：吾將逝矣。夜必雷雨，已而果然。作詩端坐而逝。

戊申笑翁妙堪禪師入寂無用全法嗣

妙堪住育王，淳祐八年三月入寂，壽七十二。初道沖住天童，淳祐甲辰有旨移住靈隱，居亡何伐鼓辭衆，歸隱金陵。育王虛席，朝論以大覺故，家不輕畀付。特召沖於隱所，三返卒不奉詔。

己酉無準師範禪師入寂破菴先法嗣臨濟十六世

師範住徑山，理宗嘗召見，仍宣詣慈明殿，陞座上垂

簾而聽以所說法要示參政陳貴誼。誼奏云：「簡明直截，有補聖治，乃賜佛鑑禪師號。先是，範去寺四十里，築室數百楹，接待雲水，賜額萬年正續。又西數百武，結菴一區，爲歸藏所。淳祐戊申秋，築室明月池上。榜曰：「退耕乞老於朝而舊疾適作。己酉三月旦日，陞堂示衆曰：「山僧既老且病，無力得與諸人東語西話。今日勉強出來，從前所說不到底盡情，向諸人面前抖擻去也。遂起身抖衣云：「是多少十五日集兩班畫後事親書遺表及遺書十數言，笑諸譚如平時醫者診視。次範謂曰：「你未識這一脉，在十八日黎明，索筆書偈曰：「來時空索索去也。赤條條更要問端的。天台有石橋移頃而逝，葬全身於正續之側。塔曰圓照。」

○道冲禪師住徑山

道冲隱居金陵淳祐己酉，京兆尹趙公請冲開山於吳之法華。冲將領事而勅牒住徑山之命繼至。冲謂不赴法華，則不信重。違君命則不恭，失恭與信，何以爲後學？法乃幡然而起，留法華踰月，卽登徑山。

庚戌癸卯道冲禪師入寂

曹源生法嗣  
臨濟十口世

庚戌三月，道冲手書龕紀并遺書，且曰：「無準忌在三月十八日，吾以十五日行，不能辦香修供矣。說偈書贊，嬉笑言論如平時。侍僧以遺偈請，譬斥不顧，已而笑謂侍者曰：「末後一句無可商量，只要箇人直下承當。卽命筆書辭衆十四日上堂語，至夜分起坐移頃而逝。壽八十二，臘六十一，茶毗舍利五色者無數。」

癸丑祖欽禪師住龍興

祖欽住潭州龍興，自叙五歲出家，見本師與賓客交談，便知有此事。十六爲僧，十八行脚，銳志要出來究明此事。在雙林鐵櫬遠會，下從朝至暮，不出戶庭，縱入衆寮，至後架袖手當胸，徐來徐往，更不左右顧目。前所視不過三尺，初看狗子無佛性，話忽於念頭起處，打一箇返觀，這一念當下冰冷，直是澄澄湛湛，不動不搖。坐一日如彈指頃，都不聞鐘鼓之聲。十九在靈隱掛搭，見妙峰善善死石田繼席，顯東叟在客司。我在知客司，見處州來書記說道：「欽兄，你這工夫是死水不濟事。動靜二相打作兩橛，參禪須是起疑情。大疑大悟，小疑小悟，不疑不悟。須是疑公案，始得他。」

●假癡癡次  
同

自不菴會下來不菴是松源之子說話終是端正我當下便改話頭提箇乾屎橛一味東疑西疑前面生涯都打失從朝至暮昏散交攻頃刻淨潔也不能得聞天目和尚久侍松源是松源之子遂移單過淨慈掛搭時與七箇兄弟結甲坐禪兩年不展被脇不沾席外有修上座漳州人每日在蒲團如箇鐵橛子相似地上行時挺起脊梁垂兩臂開兩眼亦如箇鐵橛子我要與親近說話東來西去西來東去如是二年更不可得一日忽自思量我辦道又不得入手身上衣裳又破碎皮肉又消擦不覺淚流痛自鞭策曰從古至今悟道無數豈我獨無夙種乎且請假歸鄉自此一放都放了兩月後再來參假又從頭整頓一日在廊廡中經行忽遇修遠望之覺怡然自得遂近前問曰去年要與你說話你只管避我如何修曰真正辦道人無剪爪之工更與你說話在他遂問我做處如何與他從頭說一遍且曰即今昏散打併不去修曰有甚麼難自是你不猛烈須是高著蒲團竖起脊梁教他節節拄盡三百六十骨節八萬四千毛

竅併作一箇無字與麼提起更討甚麼昏散來我便依他做工夫不覺昏散兩忘身心一片如銀山鐵壁三晝夜不交睫至第三日午後在三門下如坐而行忽又遇修問你在此作甚麼曰辦道修曰你喚甚麼作道遂不能對轉加迷悶即欲歸堂坐禪又見首座謂曰你但大開了眼看是甚麼道理我被提這一句即便抽身歸堂纔上蒲團面前豁然一開如地陷一般呈似人不得非世間一切相可喻不勝歡喜便下單尋修修在經案上纔見我來便合掌道且喜且喜遂握手到門前柳堤上行一轉俯仰天地間森羅萬象眼見耳聞向來所厭所棄之物與無明煩惱昏沉散亂元來都是自己妙明真性中流出半月餘動相不生可惜不遇大手眼尊宿與我打併不合向這裏坐住謂之見地不脫礙正知見每於中夜睡著泯無夢想時打作兩橛古人有寤寐一如之語又却透不得眼若不睡諸夢自除心若不異萬法一如之說又都錯會了公案有義路者則理會得無意味難於下口者又却都會不得雖在無準先師會下許多年每

遇入室陞座。無一語打著心下事。經教語錄上亦無一句可解此病。如是疑在胸中者。又十年一日在天目山佛殿前行。忽然擡眸見一株古栢。觸著向來所得境界和底。一時颺下。礙膺之物。撲然而散。如閻室中出在白日。自此不疑生不疑死。不疑佛不疑祖。方始得見徑山老人立地處。正好三十拄杖。何故若是大力量大根器底人。那裏有許多曲折。德山見龍潭於吹滅紙燭處。便道窮諸玄。辨若一毫。置於太虛。揭世樞機。似一滴投於巨壑。自此拈一條白棒。掀天掀地。那裏有近傍處。水潦和尚被馬祖一踏。便道百千法門。無量妙義。盡向一毛頭上。識得根源。高亭見德山招手。便乃橫趨。你輩後生。晚進若欲咨參。箇事步趨箇事。須是有這箇標格。具這箇氣槩。始得。若是我說底。都不得記一箇元字。脚記著。則悞你平生。欽又管拈臨濟三頓棒。公案至捋虎鬚。後乃云。臨濟被黃檗打三頓。拄杖盡大地風颯颯。地暨乎末。後向大愚肋下築三拳。間不容髮。所謂以器傳器。以金博金。且道與二祖立雪齊腰。末後禮達磨三拜。是同是別。若

向這裏定當得出。許你會一句中具三立。一玄中具三要。至於有時奪人不奪境。有時奪境不奪人。有時人境兩俱奪。有時人境俱不奪。當甚婉脫。丘後來白雲和尚頌云。一拳拳倒黃鶴樓。一趵趵翻鸚鵡洲。有意氣時添意氣。不風流處也風流。且道這一頌落在黃檗邊。臨濟邊。汝等諸人。於此緇素得出。許你明大法。其或未然。山僧也有一頌。東君有令不虛行。三頓烏藤太險生。龍得水時增意氣。虎逢山色長威聲。

丁巳海雲印簡禪師入寂

中和璋法嗣  
臨濟十六世

印簡住慶壽丁巳閏四月日說偈畢。謂衆曰。汝等少喧。吾欲偃息。侍僧急呼主事人至。簡吉祥泊然而逝。茶毗獲舍利。無算。諡佛日圓明大師。

戊午原妙立限學禪

原妙號高峰。吳江徐氏子。母夢僧乘舟投宿而孕。纔離襁褓。喜跌坐。遇僧入門。輒愛戀。欲從之。游年十五出家。雜染受具。習天台教。二十更衣入淨慈。立三年死限學禪。一日父兄尋訪。巍然不顧。○元發思入土波國人秘密伽陀。一二千言。過目成誦。遍咨名宿。盡

通三藏元世祖龍潛時爰思入知真命有歸馳驛徑詣王府世祖特加尊禮戊午釋道訂正化胡經憲宗

詔爰思入剖析是非道不能答自棄其學上大悅元至

十八年奉旨焚燒道藏偽經除道德經外盡行燒毀命大都報恩寺林泉從倫長老下火輪學火云憶昔當年明帝時曾遇烈祖辨新經大元天子續洪範顯正摧邪誰不知嗟乎道教陰陽佛書自古至今這說提為盜竊釋經言句圖謀具葉題名誘毀如來誠誣先聖詭辭惡語何可言哉思入年既衰難備學始自張陵杜撰不遵老氏玄言謬作龍書詭集靈寶詐道從空而得妄言太上現尊用三張鬼法以誑惑愚夫設五運神符而魔

姦匹歸以此觀之萬孝先徒搜要妙陶洪景謾述浮辭杜光庭白拈巧偷劫賊無異陸修靜外好裏弱說客何殊若非喫苦不甘爭說長短鮑靜被誅猶可王浮招報非輕傳奕奕風不堪道錄張生焦謹何足言論惑

謙之口舌翻翻損他利己林靈素機謀詭詐敗國亡家毀人祖兮定遭一時之辱滅賢矣今必招三世之殃因

果無差報應有準嗚呼悲法琳不遇而遭貶嗟道世雖再而難為致令釋子傷心幸得皇天開眼恭惟我大元

世主皇帝陛下開邪歸正去偽存真恐衆生永墮迷津令萬姓咸登覺路雪冤已竟感謝皇恩粉身碎身莫能

酌報遂以火炬打一圓相云諸仁者只如三洞靈文還能證此火光三昧也無若也於斯會得家有北斗經在

教人口不安寧其或未然從此灰飛

烟滅後任伊到處覓天章急著眼看

已未原妙參斷橋妙倫禪師倫師範臨濟十七世

已未原妙請益斷橋妙倫令參生從何來死從何

去話於是脇不至席口體俱忘或如廁惟中單而出

或發函忘局鑰而去時同參僧顯慨然曰吾已事弗

克辦曷若輔之有成朝夕護侍惟謹

庚申原妙參祖欽禪師

祖欽寓北磻塔原妙特往參叩妙方問訊插香欽便

打出閉却門一再往始得親近乃問已前做處妙一

一供吐欽當下悉與勸除令看無字自此日日參叩

欽忽問阿誰與你拖箇死屍來聲未絕即打如是者

不知其幾妙扣愈虔

辛酉祖欽禪師傳法原妙

祖欽遷處州南明辛酉二月原妙從徑山歸堂夢中

忽憶斷橋所學萬法歸一一歸何處話疑情頓發三

晝夜目不交睫至第六日隨衆詣三塔諷經擡頭忽

觀五祖演和尚真贊末兩句云百年三萬六千朝反

覆元來是這漢驀然打破拖死屍之疑解夏至南明

欽問阿誰與你拖箇死屍到這裏妙便喝欽拈棒妙

把住云今日打原妙不得曰為甚打不得妙拂袖便

出翼曰欽問萬法歸一一歸何處曰狗舐熱油鐺曰

你那裏學這虛頭來曰正要和尚疑著欽休去

癸亥偃溪廣聞禪師入寂浙翁頌法嗣



廣聞字偃溪侯官林氏子。得度受具。游方歷訪尊宿。後參天童浙翁琰。鍼芥難投。自知未及。再參於雙徑。琰笑迎曰。汝來耶。一夕坐簷間。聞更三轉入室。曳履而蹶如夢。忽醒。翼朝造室。琰舉趙州洗鉢孟話。聞將啓。詢琰遽止之。平生疑情當下氷釋。紹定戊子出世。小淨慈歷遷名利所。至革弊支傾。廣容徒衆。景定四年六月日入寂。○浙翁琰台州周氏子。幼岐嶷。穎悟邁倫。徑山石橋散席。詔琰補其處。作維摩贊偈曰。毗耶示疾。放憨癡。添得時人滿肚疑。不是文殊親勘破。這些毛病有誰知。又嘗書懲私篇略曰。此書真閻老子殿前一本赦書也。今之諸方道眼。不知若何果能受持此書。則他日大有得力處。浙翁每以此舉示於人。璩隱山亦云。常住金穀。除供衆外。幾如鳩毒。住持人與司其出入者。纔沾著。則通身潰爛。律部載之詳矣。古人將錢就庫下。回生薑煎藥。蓋可見今之踞方丈者。非但刮衆人鉢盂中物。以恣口腹。且將以追陪自己。非泛人情。又其甚則剗去搜買珍奇。廣作人情。冀遷大利。只恐他日鐵面閻老子與你計算。○原肇

通州潘氏子。生而有異。薙染受具。參浙翁琰。琰問何處人。曰淮人。曰泗洲大聖爲什麼在揚州出現。曰今日又在杭州撞著。曰且得沒交涉。肇徐曰。自遠趨風。琰以肇警敏。欲大激發。未容其參。堂纔見便云。下一轉語來。肇擬開口。琰卽喝。肇以頌呈。末句云。空教回首望長安。琰曰。這裏是什杖所在。曰謝和尚掛搭。始就入室之列。已而命掌記。琰歿。肇出世。光孝歷遷名利。以至徑山。該歎僧殘。未幾樓閣蠹霄雲。訢踵至。

○栢堂禪師山居詩略學十首

千丈巖前倚杖藜。有爲須極到無爲。言如悖出青天。萍行不中修白壁。班馬喻豈能窮萬物。羊亡徒自泣。多岐霞西道者。眉如雪。月上敲門送紫芝。○人間紅日易西斜。萬巧施爲總莫誇。剖出無瑕方是玉。畫成有足卽非蛇。拳伸夜雨青林。蕨心吐春風碧樹花。世念一毫融不盡。功名捷徑在烟霞。○白雲影裏呵呵笑。卽老天荒更不疑。樵徑有霜尋藥冷。石窓無月了經遲。青氈夜雪憐蘇武。黃犬西風嘆李斯。千古青編在天下。流芳遺臭更絲誰。○念念心心不得住。胡爲

自抱百年憂。虛空有體。須親證。定慧無門。莫妄修。睡起碧天三丈日。詩成青樹一聲鳩。雙林大士分明說。會取橋流水不流。○與境不干。諸境盡。更將何事入思量。觀河不改。初年見種菊。惟期晚節。香烟煖。鹿眠三徑。草夜寒。鴈叫一天。霜憑誰說。與貪癡客。荒隴枯骸。曬夕陽。○心心已歇。馳求紙帳。卷雲眠。石樓生死百年花上露。悟迷一旦鏡中頭。人言見道。方修道。我笑騎牛。又覓牛。舉足便超千聖。去百川。昨夜轉西流。○太古淳風。久未迴。滔滔末劫。轉堪哀。素絲受色。離露口。明月蒙塵。出蚌胎。無病空花。寧翳眼。有疑弓影。自沉。孟何人死得偷心。盡來共鋤雲。共種梅。○無為畢竟無為也。畢竟無為。為那處安。玉軸曉開。先佛偈。翠微晴掃。古仙壇。從他鑄印復銷印。任爾彈冠與掛冠。直入千峰萬峰去。人間謾說路行難。○我自將心與我安。從他迷悟。不相干。養來木馬。追風急。放去泥牛。飲海乾。念起萬途皆有礙。理窮千聖透。應難紅爐燄上看飛雪。利刹塵塵海嶽寒。○擬將黃葉止兒啼。搔首碧天紅日低。謊舌不磨。銛似劍。利心非酒醉如。

泥堪嗟。西社無人結。却笑南華有物齊。門外桃花錦千樹。分明畫出武陵溪。

佛祖綱目卷第三十九

佛祖綱目卷第四十霜字號

甲子宋理宗景定五年元乙丑宋度宗咸乙亥宋

宗德祐宋端宗景丙子宋熈宗景戊寅宋帝昀祥庚辰元世

元十年成宗元乙未貞元丁酉改大戊申武宗至壬子仁

七年皇慶甲寅改延辛酉英宗至癸亥元英宗至

子如珏禪師住徑山

如珏婺州人參癡鈍嘗呈偈曰鍾山白刃赤身挨幾度曾經被活埋一自人亡家破後了知無位可安排景定甲子詔住徑山

丁卯至溫禪師入寂萬松法嗣曹洞宗

初劉秉忠以沙門野服從世祖於藩邸密謀帷幄定計社稷薦至溫於世祖世祖登極忠位太保參預中

書省事。賜第奉先坊。錫溫號曰佛國普安大禪師。總攝各路僧尼。忠齋居蔬食。終日澹然。溫亦銳意衛教。凡僧之田廬。見侵於豪富。及他教者。皆力歸之。每歲官賜金帛。修寺之外。世味泊如。憲宗末年。納印辭職。至元丁卯五月。示疾。西向右脇而逝。異香三日。茶毗心舌牙不壞。衆庶培其地。深數尺。猶得舍利云。

己祖欽禪師住仰山無準範法嗣  
臨濟十七世

祖欽住仰山。示衆佛法。下衰無甚。此時全仗後生。晚進發大勇猛。負大志願。赤手扶持。隻肩擔荷。莫孤負佛祖建立垂慈法乳之恩。莫孤負國王外護匡扶水土之恩。莫孤負父母師長養育剃度之恩。莫孤負自己出家行脚之志。虛消信施。虛度光陰。時不待人。轉眼便是來生。此身不向今生度。更向何生度。此身莫待臨渴掘井。臘月三十日到來。眼光欲落。未落。貪生怕死。手脚忙亂。一似落湯螃蟹。到那時。縱欲回光返照。辦此道以破生死。遲了也。何不趁如今身強力健。打教徹去佛法二字。難遭難遇。打箇翻身。墮異類中去。便不聞佛法了也。須是發大勇猛。一往直前提起。

金剛寶劍向他佛祖頭上坐。佛祖頭上臥始得。  
庚午原妙通嗣書

原妙在龍鬚。一日因同宿。枕子墮地。忽然大悟。遂通祖欽嗣法。書曰。昔年敗闕。親曾剖露。師前今日重疑。不免從頭拈出。某十五出家。二十更衣入淨。慈立三年。死限學禪。遂請益斷橋和尚。令參生從何來。死從何去。意分兩路。心不歸一。看看擔閣。一年有餘。每日只如箇迷路。人相似。那時因被三年限逼。正在煩惱中。忽見台州淨兄說雪巖和尚常問你做工夫。何不去一轉。於是欣然懷香詣北磻塔。請益方問訊。插香被一頓痛棒打出。卽閉却門。一路垂淚。回至僧堂。次日粥罷。復上始得親近。卽問已前做處。某一一供吐。當下便蒙勸除日前所積之病。却令看箇無字。從頭開發。做工夫一遍。又令每日上來一轉。如人行路。日日要見工程。因見說得有序。後竟不問做處。一入門便問阿誰與你拖這死屍來。聲未絕。便以痛拳打出。每日但只恁麼問。恁麼打。正被逼拶。有些涯際。值老和尚赴南明請臨行。囑云。我去入院了。却令人來取。

你後竟絕消息。卽與常州澤兄結伴同往。至俗親處。整頓行裝。不期俗親念某等年幼。不曾涉途。行李度牒。總被收却。只得挑包上徑山。二月半歸堂。忽於次月十六夜夢中。忽憶萬法歸一一歸何處話。自此疑情頓發。直得東西不辨。南北不分。至第六日。隨衆閣上。諷經擡頭。忽覩五祖演和尚眞贊末兩句云。百年三萬六千朝。反覆元來是這漢。日前拖死屍。句子驀然打破。直得魂飛膽喪。絕後再甦。何嘗放下百二十斤擔子。乃是辛酉三月二十二少林忌日也。其年恰二十四歲。滿三年限。便欲造南明求決。那堪逼夏。諸鄉人亦不容直至解夏。方到南明。納一場敗闕。室中雖則累蒙煅煉。明得公案。亦不受人瞞。及乎開口心下。又覺得渾了。於日用中。尙不得自繇。如欠人債。相似。正欲在彼終身侍奉。不料同行澤兄。有他山之行。遽遽座下。至乙丑年老和尚在道場掛牌時。又得依附。隨侍赴天寧中間。因被詰問。日間浩浩。作得主麼。答云。作得主。又問睡夢中。作得主麼。答云。作得主。又問正睡著時。無夢無想。無見無聞。主在甚麼處。到這

裏。直得無言可對。無理可伸。和尚囑云。從今不要你學佛學法。窮古窮今。只饑來喫飯。困來打眠。纔眠覺來。抖擻精神。我這一覺。主人公畢。竟在甚麼處安身立命。雖信得及。奈資質遲鈍。轉見難明。遂坐龍鬚。自誓捫一生。做箇癡漢。定要見這一著。子明白。經及五年。一日睡覺。正疑此事。忽同宿道友推枕子墮地。作聲。驚然打破疑團。如在網羅中跳出。追憶日前所疑。佛祖諸訛公案。古今差別。因緣恰如泗州見大聖。遠客還故鄉。元來只是舊時人。不改舊時行履處。自此安邦定國。天下太平。一念無爲。十方坐斷。如上所供。並是詣實。伏望尊慈。特垂詳覽。

癸酉持定參祖欽禪師

持定泰和王氏子。幼絕葷茹。清苦剛立。有塵外志。而世緣奪之年三十一。剪髮聞別傳之旨。參祖欽。欽示衆兄弟。家做工夫。若也七日夜一念無間。眼不交眨。無箇入處。所取老僧頭。做箇屎杓。定默有所契。欽令爲衆持淨。癸酉六月日。衆患痢。委身事之。未幾定亦有疾。疾革。醫謂不可。乃取一觸桶。就屏處危坐其上。

漿飲禁絕。單持正念。目不交睫者七日。第七日夜將半。忽覺山河大地草木叢林。徧界如雪。於明月下。堂堂一身乾坤。包不得久之。如聞擊木聲。驚醒徧體汗流疾亦愈。踴躍自慶。且詣方丈。舉似欽。欽舉公案。詰之。酬答無滯。示偈曰。昭昭靈靈。是什麼。眨得眼來。已蹉過。廁邊籌子。放光明。直下元來。只是我。

戊申原妙禪師開法雙髻峰

原妙隱龍鬚。九載縛柴。爲龕風穿日炙。冬夏一衲。不扇不爐。日搗松和糜。延息而已。嘗積雪沒龕。旬餘路梗。絕烟火。咸謂死矣。雪霽宴坐如初。有僧名若瓊。焚祠牒。從妙於龍鬚。忽染病。妙曰。病中絕緣。正好做工夫。汝臭皮袋。悉委之於我。但和病捱去。決不相賺。瓊病亟。索浴。俯見湯影。即有省。喜笑如脫沉痾。信宿書曰。三十六年顛倒。今日一場好笑。娘生鼻孔。豁開放出。無毛鐵鷄。妙問。如何是娘生鼻孔。瓊豎起筆。妙曰。又喚甚麼作無毛鐵鷄。瓊擲筆而逝。甲戌妙遷武康雙髻峯。○智愚四明人。屢住名利甲戌。遷徑山。示衆已眼未明。底因甚。將虛空作布袴。著盡地爲牢。因甚。

透這箇。不過入海算沙底。因甚向鍼鋒頭上翹足。

丁丑盧舟普度禪師住徑山

普度字盧舟。江都人。史姓。出家徧參。至饒州薦福。謁無得。得遷福嚴華藏。度亦與之俱。一日得問。不與高法爲侶者。是甚麼人。曰。金香爐下鐵崑崙。曰。將謂這矮子有長處見解。只如此度。曲躬作禮。曰。謝和尚證明出世。金陵半山。屢遷名利。至元丁丑。被命徑山。

庚辰盧舟普度禪師入寂無得法嗣  
臨濟宗

普度住徑山。值火餘志圖興。復將有緒。俄示微恙。索筆大書曰。八十二年。駕無底船。踏翻歸去。明月一天。至元庚辰四月日入滅。○妙高字雲峰。長谿人家。世業儒。母夢池上。嬰兒合爪坐蓮花。心手捧得之。覺而生。高因名夢池。自幼嗜書。力學尤耽釋典。固請學出世法。父母以夢故。不忍奪。出家受具。首參道冲。冲曰。此兒語纏纏有序。吾宗瑚璉也。又參師範。範尤器重。擬充侍職。高嘆曰。懷安敗名。吾不徧參諸方不止也。遂之育王。見廣聞入室。掌藏鑰。一日聞舉。譬如牛過窓欄頭角四蹄都過了。因甚。尾巴過不得。高劃然有。



省答曰。鯨吞海水盡。露出珊瑚枝。聞曰。也只道得一半。後出世南輿大盧。屢遷至蔣山。歷十有三載。乙亥寺被兵革。軍士有迫高求金者。以刃擬高。高延頸曰。欲殺即殺。吾頭非汝礪刃。石辭色雍容。了無怖畏。軍士感動。擲刃而去。庚辰詔住徑山。初元世祖即帝位。尊爰思八爲國師。至元庚午。升號帝師。大寶法王。更賜玉印。統領諸國釋教。爲皇太子說器世界等彰所知論。力辭西歸。十七年十一月日入寂。

辛原妙禪師入死關

原妙住雙髻。丙子學徒避兵。四去妙獨掩關危坐。及按堵啓戶視之。則那伽如故。於是戶屢彌夥。應接不暇。乃以拄杖橫肩。顧左右云。大衆會麼。柳樑橫肩不顧人。直入千峯萬峯去。已卯春。腰包宵遁。直造天目。西峯有獅子巖。拔地千仞。崖石林立。妙樂之有終焉之意。未幾。慕羶之蟻復集。辛巳復造巖。西石洞營小室如舟。扁曰死關。上溜下淖。風雨飄搖。絕給侍屏服用。不澡身。不雅髮。截髮爲鑑。併日一食。晏如也。洞非梯莫登。撤梯斷緣。雖弟子罕得瞻視。設三關語以驗。

學者云。大徹底人。本脫生死。因甚命根不斷。佛祖公案。只是一箇道理。因甚有明與不明。大修行人。當遵佛行。因甚不守毗尼。儻下語不契。遂閉門弗接。

癸未祖欽禪師傳法持定

至元戊寅。祖欽命持定爲僧。付衣偈曰。無相福田衣。我今付與汝。悟明心地後。如龍吐甘雨。自是隨大僧。歸堂脇不沾席者。又六年。一日聞欽上堂。舉亡僧死了。燒了。向甚麼處去。自代云。山河及大地。全露法王身。言下疑情蕩盡。身如湧高丈。許衆退。即詣方丈曰。適來和尚舉揚般。若驚得法堂前石獅子。笑舞不已。欽曰。試道看。曰。劫外春回。萬物枯。山河大地一塵無法。身超出如何。舉笑倒。西天碧眼胡。欽敲面前卓子。曰。山河大地一塵無。這箇是什麼。定作掀倒勢。欽笑曰。一彩兩寶。及入室。問曰。親切處。道將一句來。曰。不道。曰。爲什麼不道。定拈起手中香合子。曰。這箇得來。不直半文錢。欽曰。多口漢。欽巡堂次。定以楮被裹身而睡。欽召至方丈。厲聲曰。我巡堂汝打睡。若道得。卽放過。汝若道不得。越汝下山。定隨口答曰。鐵牛無力。

懶耕田帶索和犁就雪眠。大地白銀都蓋覆。德山無處下金鞭。欽曰。好箇鐵牛也。因以爲號。

丙原妙禪師傳法了義

了義德清湯氏子。自幼不苟葷血。六歲始能言。但從其母誦法華經。於人世事。懵無所知。姿貌巍然。志若有所待。年十七。有禪者過之。誦厚妙上堂語曰。欲窮千里目。更上一層樓。義忽言曰。此大善知識。必能爲人拔釘去。概爾能與我往見之乎。母大驚異。乃爲具衣裝與之行。見妙於死關。爲童妙曰。汝所持何多。爲曰。以待寒暑。曰。學佛者不如是。義即刻盡散諸人。乃令提萬法歸一話。因名之曰從一。他日妙爲僧。舉牛過窓欄。話義聞之。忽然生疑。參究不倦。一日告妙曰。上極天宮。下窮水際。盡大地一琉璃瓶。曰。莫作聖解。他日過鉢盂塘。見松上雪。聲未絕。妙痛棒之。不覺北與東。西大地山河一片雪。聲未絕。妙痛棒之。不覺隕身崖下。懸崖壁立。人意其必死。同學明通捫蘿接磴以救之。則義已出半山。無所苦也。乃曰。我往江西見欽公去也。通曰。汝孤負老漢棒矣。力挽之。還義卽

還山之西禪菴。自誓曰。我若七日不證。則決去矣。遂端直堅壁。忘廢寢食。夜則攀樹露立。達旦。未至所期。豁然大悟。馳至死關。呼曰。老和尚。今日護我不得也。因呈頌曰。大地山河一片雪。太陽一照便無蹤。自此不疑諸佛祖。更無南北與西東。妙上堂。我二十餘年。布箇漫天網子。打鳳羅龍。不曾遇著得。一鰕一鱗。今日不期有箇螭蝦蟲。撞入網中。固是不堪上眼。三十年後。向孤峯絕頂。揚聲大叫。且道。叫箇什麼。舉拂子云。大地山河一片雪。義便奪拂子。爲衆舉揚。呵厲同學。辭不少遜。復曰。盡大地有一人發真歸元。從一皆知之。妙嘆其俊快。一日有僧參妙。妙令見義。義曰。蕭直去久。參者愧之。幾有命。若懸絲之慮。遂歸德清。其母爲賣簪珥。與義同入武康上栢山。結茅以居。人皆莫測。五載還山。妙曰。大有人道。你拖泥帶水。曰。兩眼對兩眼。遂薙落。改其名曰了義。亡何分座說法。孤峭嚴峻。機鋒不可觸。十方叢林。聞義首座之名。莫不驚嘆。

丁友雲宗整禪師入寂。妙峰善法嗣。臨濟十五世。

宗整住佛頂峰。至元丁亥七月。忽示疾。二十七日。集衆囑後事。復彈指一聲云。只此是別衆語也。侍僧請留頌。不答。至夜漏將二鼓。遽索筆書云。一燈在望。更無言說。大地平沉。虚空迸裂。遂泊然而寂。壽八十。○原妙入死關。祖欽寄竹篋。塵拂及綠水青山。同一受記。法語丁亥冬。衆請開堂。遂就石室內拈香說法。示衆參禪須具三要。第一要有大信根。明知此事。如靠一座須彌山。第二要有大憤志。如遇殺父冤讐。便欲一刀兩段。第三要有大疑情。如暗地做了一件極事。正在欲露未露之時。十二時中。具此三要。管取尅日成功。○明本號中峯。錢塘孫氏子。母夢無門開道者。持燈籠至其家。翼日遂生。本本神儀挺異。具大人相。纔離襁褓。便跏趺坐。能言。便歌讚梵唄。凡嬉戲必爲佛事。年十五。決志出家。禮佛然指誓持五戒。日課法華圓覺金剛諸經。晝夜彌勤。困則首觸柱。以自警。期必得乃已。閱傳燈至菴摩羅女問文殊生不生公案。有疑。遂志在參決。往天目參原妙。妙孤峭嚴冷。未嘗一啓齒。而笑獨見本。歎然欲爲祝髮。本以父命未許。

妙曰。可舉闇夜多尊者出家。因緣喻汝。父勿自沉溺。未幾誦金剛經至荷擔如來處。恍若開解。本自謂識量依通。非悟也。丁亥年二十五。遂剃染給侍死關。

戊子妙高禪師闡明禪宗

妙高住徑山。至元戊子春。有謫毀禪宗者。高聞之。嘆曰。此宗門大事。吾當忍死爭之。遂趨京。勅集諸徒。廷辨上問。禪以何爲。宗高曰。禪也者。淨智妙圓。體本空寂。非見聞覺知之所可知。非思量分別之所能解。上問。禪之宗裔可歷說歟。高曰。禪之宗裔。始於釋迦世尊。在靈山會上。拈起一枝花。普示大衆。惟迦葉微笑。世尊云。吾有正法眼藏。涅槃妙心。分付迦葉。緣是歷代祖師。授受而至菩提達磨。達磨望此震旦。國有大乘根器。航海而來。不立文字。直指人心。見性成佛。是爲禪宗也。復詳東土六代五宗淵源。上嘉嘆。乃宣高進場前同百法論師仙林。賜坐。使各持論。林曰。始從鹿野苑。終至跋提河。於是二中間。未嘗談一字。既不談一字。五千餘卷。自何而來。高曰。一代時教。如標月指。了知所標。畢竟非月。林曰。如何是禪高以手打一

圓相林曰。何得動手動脚。高曰。只這一圈。尙透不過。說甚千經萬論。林無語。於是禪宗按堵如初。○持定得法祖欽。戊子遊方至衡陽。鄱縣過桃源山。愛其幽深。乃有棲遯意。山舊多頑悍之徒。負險而聚。及遭兵變。遺骸枕藉。蛇虎鬼魅縱橫。出沒行者畏避。定束茅爲廬。與二三禪侶居之。雨霧晦冥之夕。鬼獸圍遶。嗥呼定舉。迷悟因緣。論之群恠。遂息。鄱人素味禪學。丞相伯顏等相率入山問道。從而貴。豪屈膝。四方禪笠踵至。檀信施地。建寺榜曰靈雲大唱雲巖之道。

己原妙禪師傳法明本

明本侍原妙。戊子受具。己丑觀流泉有省。卽詣妙求證。妙打趲出。旣而民間訛傳。官選童男女。本因問曰。忽有人來問。和尙討童男女時如何。妙曰。我但度竹篋子。與他本卽言下洞然。徹法源底。陸沉衆中人無知者。於是妙書眞讚付曰。我相不思議。佛祖莫能視。獨許不肖兒。見得半邊鼻。且俾參徒詣本請益。○瞿霆發號鶴沙。松江人。參原妙。妙握竹篋問曰。相公爲遊山來。爲佛法來。曰。爲佛法來。妙乃擲下竹篋曰。會

麼曰。不會。妙曰。不入虎穴。爭得虎子。發施莊田二百七十頃。以贍海衆。妙曰。多易必多難。吾力弗克。勝堅拒之。發乃議建禪刹。扁曰大覺正等禪寺。

乙高峯原妙禪師示寂雪巖欽法嗣臨濟十八世

原妙患胃疾。數年乙未十一月。大覺寺祖雍師子院院主明初來省。妙竟以後事付囑。十二月一日黎明辭衆曰。西峯三十年妄談般若。罪犯彌天。末後有一句。子不敢累及平人。自領去也。大衆還有知落處者麼。良久云。毫釐有差。天地懸隔。復說偈曰。來不入死關。去不出死關。鐵蛇鑽入海。撞倒須彌山。泊然而寂。啓龕七日。端然如生。塔全身於死關。妙爲人至慈。勸懇誨人。善語和易。或繼以泣。及至室中行祖令。鞭策龍象。盡情勘覈。絲粟無貸。嘗戒學者。今人負一知半解。不能了徹。參徒一詰。茫然莫辨。邪正句來。句去。如手搏兒。盡得處。鹵莽故也。直須大徹親見。親證明得。差別智方解。勘辨殺活。其機用險峻。不可湊泊。如此尤矜細行。崇戒律。雖創兩刹。日未嘗覩信士。全從進得所。剪髮朝夕供禮。舍利纍纍如貫珠。天下識與不

識皆讚嘆曰高峯古佛

庚明本禪師結菴平江

原妙示寂以大覺屬明本本力辭推祖雍主之本往來三吳間挾袂舒州遊廬阜還建康已亥冬憩閬門西麓見松檜蔚然成林問名於居人則曰此雁蕩也本喜曰永嘉有雁蕩山乃應真諸矩羅示現之所名與之同其般若之當與耶遂縛草菴三間以居扁曰棲雲菴自是問道者聯翩而來庚子創精舍一區名其菴曰幻住且曰大覺世尊棄王位臥深雪夜觀明星與無邊有情同時涉入如幻三昧嗟乎衆生迫令沉酣情妄而不自知我曹出家雖依此如幻三昧而住亦有未悟者於是所至結菴一名幻住○雲南沙門玄鑑素明教觀每曰吾聞大唐有禪宗使審是耶吾將從其學如或未當將易其宗旨俾趨教觀繇是與其徒來謁明本言下忽大悟後方圓歸倡道而歿於中吳鑑之徒畫本像歸四衆迎像入城異光從像燭天萬目仰觀翹勤傾信自是興立禪宗奉本爲第一祖○行端字元叟臨海何氏子幼不茹葷超然有

出塵之志得度受具參藏更善珍珍問甚麼人曰台州珍便喝端展坐具珍又喝端收坐具珍曰放汝三十棒參堂去端於言下豁然一日珍曰我泉南無僧端曰和尚暫珍便捧端接住曰莫道無僧好珍頷之即延入侍司珍入寂端謁祖欽欽問何處來曰兩浙曰因甚語音不同曰合取臭口曰潁徑橋高集雲峰峻未識書記在端拍手曰鴨吞螺螄眼睛突出欽笑顧謂侍者點好茶來端曰也不消得欽逝端還浙右庚子出世湖州資福

辛丑及菴禪師傳法清珙

清珙字石屋常熟溫氏子祝髮受具後遊方參原妙妙問汝爲何來曰欲求大法曰大法豈易求須然指香可也曰珙今日親見和尚大法豈有隱乎妙器之服勤三年忽辭他往妙曰溫有瞎驢准有及菴宜往見之至建陽見及菴菴問何來曰天目曰有何指示曰萬法歸一曰此是死句什麼害熱病底教汝與麼拱拜求指的菴曰有佛處不得住無佛處急走過意旨如何珙答不契菴曰這箇亦是死句珙不覺汗下



後入室。兩理前語詰之。珙曰：上馬見路。菴呵曰：在此六年，猶作這箇見解。珙發憤棄去。途中忽舉首見風亭，豁然有省。回語菴曰：珙今日會得活句了也。曰：作麼生會？曰：清明時節雨初晴，黃鸝枝上分明語。菴領之。久乃辭去。菴送之門，囑曰：已後與汝同龕。

壬寅 元長參明本禪師

元長字無明，一號千巖。蕭山董氏子，七歲諸書經目輒成誦，出入蹈矩循綬，有若成人。其父喜曰：是子當以文行。元吾宗乎？年十七，從諸父曇芳游，涉獵九流百氏之言，已而曰：此非出世法也。復從授經師學法華經，至藥王品，即問曰：藥王既然二臂，曷爲復現本身耶？師異之，薙髮受具，走武林，習律。律師問曰：八法往來片無乖角，何謂也？曰：何不問第九法乎？律師曰：問律而答以禪，真大乘法器也。會行丞相府，飯僧長隨衆入時，明本亦在座，遙見謂曰：汝日用何如？曰：惟念佛耳。曰：佛今何在？長方擬議，本厲聲叱之。長遂胡跪作禮，求示法要。本授以狗子無佛性話。

癸卯 持定禪師入寂 雪巖欽法嗣 臨濟十八世

持定住桃源。壬寅冬，手書長偈示衆，其末曰：塵世非久，日銷月磨。桃源一脉三十年後，流出一枝無孔笛，吹起太平歌。癸卯正月，日恬然坐逝。

庚戌 清珙禪師卓菴霞霧

清珙既受旨，訣登霞霧山。卓菴名曰天湖，道洽縉素，戶屢聯臻。伏臘所須，不求自至。凡樵蔬之役，皆躬自爲之。禪暇喜作山居吟，珙於此山有終焉之志。

丑癸 明本禪師傳法元長

元長自明本開示後，繼往緝茅靈隱山中，雪庭傳召掌內，記俄棄歸法門。隨順世緣，殆將十載。一旦忽喟然曰：生平氣志充塞乾坤，乃今作甕裏醃雞耶？復造靈隱，跏趺危坐，脇不沾席者三年。因往望亭，聞鵲聲有省，承見本具。陳悟因本復斥之，長憤然來。歸夜將寂，忽鼠翻食猫之器，墮地有聲，恍然開悟。覺身躍起，數丈如蟬蛻，汗濁之中，浮游玄間。上天下地，一時清明。披衣待旦，復往質於本。本問曰：趙州何故云無？曰：鼠食猫飯，曰未也。曰：飯器破矣。曰：破後云何？曰：築碎方甕本乃微笑，囑曰：汝宜善自護持，棲遯巖穴時節。

若至其理自彰長遂隱居天龍之東菴

甲祖燈禪師住上雲峰

祖燈字無盡四明王氏子父好謙嘗寫華嚴經五色舍利見於筆端燈方年幼嘆曰般若之驗一至於斯耶年十四出家得度受具後參日溪泳泳命司藏鑰一日泳陞座燈出問曰生死事大無常迅速乞師指示泳曰十二時中密密參究忽然觸著却來再問燈抗聲曰無常迅速生死事大語未終泳便喝燈遽禮拜泳曰見何道理便爾作禮燈曰開口即錯泳領之燈服勤數載復歷參名德其所印蓋不異泳云燈既得道思韜晦而護持之遂卓錫天台上雲峯上雲峰光景勝絕五季時東甌大士永安來居之疏釋經論多至百餘卷歸依者日衆因闢地爲巨刹錢忠懿王賜額曰證道三百年間海羅焚毀惟存斷礎於斜照荒烟中燈傷之周覽故址嘆曰大士韶國師之法嗣也吾可不遵行遺轍乎延祐甲寅縛草爲菴廬宴坐其間虎狼蛇豕不能加害○大同字一雲號別峰上虞王氏子生時父見龐眉僧振錫而行問僧來自何

所曰崑崙山竟排闥而入父急追之寂然無有聲聞兒啼聲笑曰兒豈向來浮屠也得度受具會春谷遇講經景德同往依之遇陞寶林召同謂曰子學精且博矣恐滯於心胸以成鹿執曷從事思惟修以剋滌之乎同卽出錢塘參元熙舊所記憶者一切棄絕惟存孤明耿耿自照如是者閱六暑寒餓參明本同將久留本曰賢首之宗日遠而日微矣子之器量足以張大之母久淹乎此也爲贊清涼像而遺之同喜曰吾今始知萬法皆本一心不識孰爲禪那而孰爲教衆內外自此空矣亟還寶林見遇且告之故遇曰可矣遂命分講藥華玄門延祐初出世蕭山淨土寺○曇噩字無夢慈谿王氏子家世宦族母命從鄉校師游泊長窮覽儒籍徹其義隨已而心有所感彈指嘆曰攻書修辭此世間相爾曷若求出世間法乎乃白其母出家凡釋氏契經與台衡賢首慈恩諸文晝夜摩研不知有飢渴寒暑已而復嘆曰教相如海苟執著不同是覓繩自纏爾曷若求明本心乎於是篤意禪觀久之雪庭傳住靈隱噩往侍左右傳歿行端來

補其處端風規嚴峻。非宿學莫敢闖其門。置直前咨叩了無畏懼。機鋒交觸。情想路絕。內外如一。靡間毫忽。一轉至六七語。愈明烈端欣然。領之延祐初。徑山虛谷陵請掌書記。○趙孟頫字子昂號松雪。宋宗室年十二。即好寫金剛經。與僧語親若眷屬。每受明本書。必焚香望拜。提舉江浙儒學時。叩本心要本爲說。防情復性之旨。後入翰林。遣問般若大意。本有淨土偈一百八首。頫作一百八贊。手書授之。○馮子振號海粟。嘗訪道明本。本復書曰。今古利達之士。靡不知三界是大夢宅。苟不曾一回親切警悟。則與此所知之心俱落夢寐。故曰所知障也。惟閣下於吾道信根未嘗不深。獨未見其於信處能脫略所知不世間浮光幻影。能幾何時。向者鄙偈中有披衣終日坐茅堂之句。曾蒙閣下許我踐之。今日所謂貧人索舊債也。○胡長孺字汲仲。天台人。特立獨行。留心內典。嘗著大同論曰。孟子沒一千四百年。而周子出。周子之傳出於北固壽涯禪師。程子朱子皆得之周子。朱子後得張欽夫講究此道。方覺脫然。元來此事與禪學十

分相似。學不知禪。禪不知學。互相排擊。都不曾割著病處。真可笑也。○鄭所南一名思肖。連江人。應宋博學宏詞科。隱居吳下。坐必南向。歲時伏臘。輒望南野哭再拜。乃返。誓不與朝客交游。與明本善。一日會於孝子梅應發家。兩人指對無語。本曰。所南何不說法。肖曰。兩眼對兩眼。無法可說。棄所居弗居。寓城南萬壽覺報二寺。有田盡捨諸刹。○孟珙字璞玉。號無菴。歸安人。理宗朝爲制置卒。諡忠襄。好周易而尤深於佛學。進則料敵設奇。輪刀上陣。退則掃地焚香。隱几危坐。遠貨色絕滋味。自贊云。老拙愛遊戲。忙裏放癡。惡正當恁麼時。無處見無菴。臨終偈曰。有生必有滅。無菴無可說。踢倒玉崑崙。夜半紅日出。

戊午日本印原參明本禪師

印原字古先。日本國人。剃髮受具。徧歷諸師。戶庭咸無證入。慨然嘆曰。中夏乃佛法淵藪。盍往求之乎。於是奮然南遊。初參華頂峯先觀觀曰。汝之緣不在於斯。中峰本公以高峰上足現說法。杭之天目山。爐韞正赤。遠近學徒無不受其煅煉。此真汝導師也。汝宜

急行原卽蓬萊而出往見本本一見遽命給侍左右。原屢呈見解本呵之曰根塵不斷如纏縛何原退涕淚悲泣至於飲食皆廢本憐其誠懇乃謂之曰此心包羅萬象迷則生死悟則涅槃生死之迷固是未易驅斥涅槃之悟猶是入眼金塵當知般若如大火聚近之則焦首爛額惟存不退轉一念生與同生死與同死自然與道相符脫使未悟之際千釋迦萬彌勒傾出四海大水入汝耳根總是虛妄塵勞皆非究竟事也原聞之不覺通身汗下無晝無夜未嘗暫捨積之之久一旦忽有所省現前境界一白無際急趨丈室告本曰原以撞入銀山鐵壁去也曰旣入銀山鐵壁來此何爲原超然領解便辭去本囑曰善自護持原復徧謁諸方咸以叢林師子兒稱之

己未  
海機元熙禪師入寂  
物初觀法嗣  
臨濟十六世

元熙字海機豫章唐氏子世爲儒家熙與兄元齡俱後進士業齡旣登第熙年十九出家游方其母憐之私具白金爲裝熙謂財足喪志卽善辭母不持一錢以行聞物初觀闡化玉几往依之十年無知者偶與

書記清默語默大驚以告觀觀詰之信然留侍左右朝夕諮問盡發其秘字之曰海機爲偈以囑焉楊璉真伽德統釋教因招熙與俱朝京師熙辭曰我有老母兵後孔亡不可知遂歸江西則元齡固以臨江通判從文天祥起兵死獨母在堂熙奉之以孝聞丙申出世百丈遷淨慈七載遷徑山閱三月杖策歸南屏江西學者相率迎歸仰山己未閏八月將示寂手書謝所與往來者作偈示衆薨筆化去壽八十二

庚申  
永寧禪師住廣德實相寺

永寧字一源通州人谷姓朱世爲宦族年六歲入鄉校經籍卽能暗記且了其大意然非性所樂聞人舉佛號遽注耳聳聽九歲懇求離俗父母弗之許輒連日不火食乃使出家於利和利和州之望利末有肇禪師說法度人前一夕寺衆同夢迎肇次日而寧至薙染受具蓬萊出游浙河西見諸大老下語無所契入穹窿山謁克翁紹俾掌藏久之至毗陵約明極景於焦子山精修禪定稍涉昏睡則戴沙運甃懸版坐空如是者五年景曰藏主見解且至宜往參人遂至

太湖參無用寬。寬門庭嚴峻。寧方入戶。厲聲叱出。寧作禮於門外。合爪而立。久之乃許入見。問何處人。曰通州日淮海。近日盈虛若何。曰沃日滔天。不孔涓滴。曰不著。寧道曰請和尚道。寬便喝。寧退就禪室。徹夜不寐。一日聞寬舉雲門一念不起。語聲未絕而有省。急趨入堂。寬便打。然知寧頓悟。令造偈。拈趙州寧立成。曰趙州狗子無佛性。萬象森羅齊乞命。無底籃兒盛死蛇。多添少減無餘剩。寬嗒然一笑。復舉證道偈。問曰掣電飛來。全身不顧。擬議之間。聖凡無路。速道。寧曰火迸星飛。有何擬議。敵面當機。不是不是。寬振威一喝。寧曰喝作麼。曰東瓜山前吞匾擔。捉住清風剝了皮。寧不覺通身汗下。垂五體投地。曰今日方知和尚用處。曰閉著口。自是侍香三年。且以斷崖所贊已像親署一花書授。曰汝緣在浙。逢龍即住。遇池便居。寧遂遠浙。庚申至廣德。縛茆於大洞中。洞左有實相寺。馬祖弟子澄公道場。寧爲起廢重新之。

壬戌明本禪師命惟則分座

惟則號天如。吉安譚姓子。密傳明本心印。至治壬戌

本命則分座說法。衆駭且疑。及則提唱龍象警服。○行端自中天竺遷住靈隱。壬戌詔主徑山。

癸亥永寧禪師住龍池

至治癸亥。宜興龍池請永寧建立禪居。寧以名符懸記欣然赴之。作室數十間。命之曰禹門興化菴。

○中峯明本禪師入寂

高峯妙法  
臨濟十九世

明本住天目。癸亥春自叙其出家始末曰。六旬幻跡。蓋已有去世意。又曰。幻菴向秋。決作離散計。朝夕化骨。便還歸三塔。若停龕祭奠。諷經入祠。做忌一切佛事。不許徇世禮也。復條示師子寺。惟以放下節儉克究初心。慎守開山明訓。令法久住之意。至八月遺誠門人其略曰。佛法無汝會處。生死無汝脫去。汝喚甚麼作佛法。任以百千聰明。一把他三乘十二分教。千七百則陳爛葛藤。百氏諸子。從頭註解。得盛水不漏。總是門外打之邊。說時似悟。對境還迷。此事向道無汝會處。汝轉要會轉不相應。莫見與麼說。便擬別生知解。直饒向千人萬人。拶不入處。別有生機。總不出箇要會底。妄念惟具大信根。叩已躬下。眞參實



佛祖綱目卷第四十一 金字號

猶乃能荷負。若作荷負。想依舊沒交涉。當知衆生結習濃厚。無汝奈何。處汝若無力處。衆只全身放下。向半間草屋。冷淡枯寂。句食鴉衣。且圖自度。亦免犯人苗稼。作無慚人。越十日。示疾有來省者。謂曰。幻住菴上漏旁穿。籬墻壁倒。不可久住也。語笑如平時。或強之服藥。本曰。青天白日。曲徇人情。耶。揮去。十三日。手書寫偈。遺別外護及法屬。故舊十四。蚤作辭衆曰。我有一句分付大衆。更問如何。無本可據。置筆安坐而逝。停龕三日。身體溫。顏貌不少。變塔全身於望江石。壽六十一。一本所至。悉成寶坊。而一衲一單。未嘗寓目。遊淮坂井。汲艱遠。終身不復。賴浴聞說人。過俯首不答。凡傳記語。涉詆毀。掩卷不顧。上自王公大人。下逮屠販。斯養暴悍之徒。一以真慈相與。隨宜說法。未嘗異視。海內識與不識。皆尊之曰大和尚。

佛祖綱目卷第四十

甲子行端禪師傳法梵琦

甲子元泰定戊辰改政和庚午文宗至癸酉順帝  
元年起乙亥元重紀辛巳改至戊申元高祖癸  
年亥元明洪武十六年止

梵琦字楚石。小字曇曜。象山朱氏子。父杲有隱德。母張事佛。惟謹。夢日墮懷而生。琦襁褓中有神僧摩頂。謂其父曰。此佛日也。他日必當振佛法。照曜昏衢。父因字以曇曜。四歲。祖母口授論語。輒能成誦。或問書中所好者何。語即應曰。君子喻於義。七歲能書大字。詩書過目不忘。遠近稱為奇童。九歲棄俗。薙染十六。受具。二十本師命琦為侍者。尋典藏鑰。一日閱楞嚴。至緣見因明暗成。無見不明。自發則諸暗相承。不能昏恍。然有省。自是閱內外典籍。宛如宿習。然於佛祖向上一著。終有滯礙。游方至徑山。參行端。問如何是言發非聲。色前不物。端遽曰。言發非聲。色前不物。速道。速道。琦擬進語。端震威一喝。琦乃錯愕而退。群疑

塞胸如填巨石。曾元英宗詔善書者。赴京金書大藏經。琦在選中。辭端至燕。泰定元年春正月十一日。五更睡起。聞綵樓上鼓鳴。豁然大悟。汗下如雨。拊几笑曰。徑山鼻孔。今日入吾手矣。因述偈曰。崇天門外鼓騰騰。薰剗虛空就地崩。拾得紅爐一片雪。却是黃河六月水。是歲東歸。再參端於徑山。端迎笑曰。且喜汝大事了畢。復云。妙喜大法盡在於汝。

乙水盛禪師隱居南巢

水盛字竺源。饒州范氏子。生時祥光照室。及成童。以嬉戲爲佛事。年十七。依羅山僧常。常使從儒者。學盛每習禪定。且鍼指出血書金剛經。常呵之。盛曰。學儒可敵生死耶。曰。汝黃口小兒。姑注意於儒。他時入道未晚也。盛弗答。已而參月庭。忠於蔣山。時孤舟濟爲第一座。以皖山誨蒙山者。誨之盛。撫几曰。吾已見二老矣。乃端坐一室。舉四肢百骸。及山河大地。咸攝入一念。後三四日。見色聞聲。漸撼搖不動。盛自信法決可證。因取所携書帙火焚之。且發願曰。吾此生不能作佛。當入無間獄也。旁觀者吐舌。俄過巨廬。止東林。

復奮曰。今夕必就蒲茵上死。爾卽正襟趺坐。加精進力。夜參半。至極切孤危之際。捐命一躍。不覺如出荆棘叢中。所履之地。忽爾平沉。返觀自身。澄澄湛湛。惟有一念不忘。在盛猶以墮於斷滅。益進修。弗懈。泊歸羅山。方全體頓現。參以諸祖契證。坦然明白。自謂開悟。及掌藏。鑰於東林。偶閱妙喜明心見性非桑門事之語。又復致疑。不能釋。或謂曰。法離唇吻。道絕言詮。子何太滯也。於是胸中蕩焉若洗。然不敢謂已至。越五載。重謁濟濟曰。蒙山嘗言。栽松道者。不具二緣而生。達磨塞龍耳。後隻履西歸。果神通耶。抑法如是也。曰。此形神俱妙而已。曰。不然。子他日當自知之。盛復往。無爲參。無能教學。濟話教曰。爲汝弗解故也。盛忽大悟。盡脫去。玄妙知解。歷觀從前所見。如通霄一夢。夢時非無。及至覺後。絕無所得矣。教撫其背曰。爾後當大弘吾宗。盛辭歸浮梁。薦福海印。請盛分座說法。久之。隱居南巢。巢民柳氏。割山地建蘭若。以獻地。當五峯之下。舊有龍潭五所。聞盛至。悉乘風雷徙去。○崇裕字約之。毗陵陳氏子。母夢龍眉異僧。乘肩輿直

叩寢門呼曰。吾將假館於斯。遂有娠。裕既生。資識超群。童上十六。解通儒家言。然體素羸。弱十日九疾。每都佛菩薩像。輒胡跪瞻禮。依戀不忍舍。父母以其應夢。命從壽昌院曉爲沙彌。院有大梨木。三十年不發花。及裕來。花開滿枝。結實大如罍。曉知爲祥徵。度爲大僧。俄登雙徑。謁行端。閱二年。未有所證。入復走天目。見了義。又三年。復走中天竺。參大訖。一造戶庭。如膠漆相入。卽決以超脫生死大事。訖爲舉臨濟無位真人話。且詰之曰。爾還知否。裕不覺下拜。訖曰。爾何所見。而作禮耶。曰。拜者非是他人。曰。從門入者。豈家珍耶。曰。和尚慎。毋欺人也。訖首肯者久之。

丙了義禪師開法師子正宗禪寺

高峯示寂了義。深自韜晦。或遊禪林。頽然居下坂。孤峭巖峻。不假借人辭色。或觸其機鋒。發言如奔雷。諸方宿衲。莫不驚嘆。居不擇地。隨寓而休。而律範大閑。凜如冰雪。所至四衆歸重。師子正宗禪寺。累請住持。義若不聞。亦未嘗受請立。僧至治三年。明本歿。秦定三年。義方勉狗衆。請學徒奔湊。示衆曰。若要超凡入

聖。永脫塵勞。直須去皮換骨。絕後再甦。如寒灰發焰。枯木重榮。豈可作容易想。我在先師會下多年。每被大棒打徹骨髓。無一念遠離心。直至今日。觸著痛處。不覺淚流。豈似汝等。咬著些子苦味。便掉頭不顧。殊不知苦味能除百病。大凡工夫。若到省力時。如順水流舟。只要稍公牢。牢把舵。纔有絲毫異念。生管取喪自失命。若到純一處。不可起一念。精進心。不可起一念。懈怠心。不可起一念。求悟心。不可起一念。得失心。纔有念生。卽被一切邪魔入你心腑。使你顛狂胡說亂道。永作魔家眷屬。佛也難救你戒之戒之。○懷信字孚。中奉化姜氏子。母夢大星墜室中。有光如火。亟取吞之。遂有孕。及誕。狀貌異。凡子性凝莊。不安舉動。惟見沙門。至必躍然親近。年十五。離俗已。而祝髮受具。習三觀十乘之旨。嘆曰。教相繁多。浩如烟海。苟欲窮之。是誠算沙徒自困耳。卽棄去。渡浙西。徧叩名叢林。勿契不勝憤。悱華藏竺西坦遷主天童。信隨質所疑。坦一見。知爲法器。厲色待之。不與交一語。信群疑愈熾。一日上堂。舉與化打克賓公案。問信。信擬曰。俊

哉師子兒也。自是依止不忍去。就維那之職。坦。歿雲外岫來。繼其席。命信司藏。鑰泰定丙寅。出世明州觀音寺。策勵徒衆。視分陰若尺璧。惟恐其失之。○無愠字。恕中別號空室道人。臨海陳氏子。七歲入鄉校。凡所讀書。不煩再授。年未冠。白父母。願歸沙門。遂往徑山。依行端。薙染受具。繼見一元。靈扣擊法門。細大事已而復還。徑山端命居擇木寮。聲譽日著。

丁卯元長禪師開法伏龍山

元長隱居天龍中天竺大。訴力薦起之。江浙行省丞相亦遣使迫長出世。皆不聽。泰定四年。諸名山爭相勸請。長度不爲時所容。乃杖錫至烏傷。伏龍山卓錫巖際。誓曰。山若有水。吾將止焉。俄山泉溢出。作白乳色。長遂依大樹以居。初山有禪寺。號聖壽。其廢已久。當長入山時。鄉民咸夢有異僧來。遂相率以訪。見長宴坐不動。爭持食飲以獻。邑大姓爲構精廬。尋建大伽藍。內而齊魯燕趙秦隴。閩蜀外而日本三韓八番羅甸交趾琉球。莫不奔走膜拜。咨決心要。嘗作警世偈曰。百年只是暫時間。莫把光陰當等閒。努力修行。

成佛易。今生蹉過。出頭難。無常忽到。教誰替有債元來用。自還若要。不經閻老案。直須參透祖師關。

戊辰慧照禪師出世樂清明慶

慧照字大千。永嘉麻氏子。童年便欲入道。聞人誦習契經。合爪諦聽。年十五。剃染受具。誓究大不思議事。首誦晦機。熙不契。一日。閱真淨語。至頭陀石擲筆峰處。默識懸解。流汗浹背。往謁東嶼。海海曰。東奔西走。將欲何爲。曰。特來參禮。爾曰。天無四壁。地絕八荒。汝於何地措足。耶。照抵掌於几而退。海知其夙有所悟。尋復召至。反覆勘辯。始印可之。遂留執侍。左右然照以爲心法。既通。不閱修多羅藏。無以闡揚正教。後入天之聽。乃主藏室於萬壽寺。及海遷淨慈。舉照分座。戊辰出世。樂清明慶。示衆佛法。欲得現前。莫存知解。縛禪看教。未免皆爲境礙。何如一物不立而起。居自在乎。所以德山之棒。臨濟之喝。亦有甚不得已耳。

己水盛禪師住西湖妙果

水盛隱居南巢天曆二年起住西湖妙果。示衆凡剃髮染衣。當洞明諸佛心宗。行解相應。以正悟之鏡。靈

靈自照歲久月深。具大無畏。如透水月華。萬浪千波。觸之不散。方不被生死陰魔所惑。○懷信住明州觀音天曆己巳。遷補恒洛迦山。自持一鉢。丐食吳楚間。姑蘇產奇石。信購善工。造多寶佛塔十三層。載歸東海。俾信心者禮焉。○大訢住天竺。元文宗以潛邸之舊。建龍翔集慶寺。己巳。召訢授大中大夫。開山住持。  
庚午 宋濂居士參元長禪師

宋濂字景濂。號無相居士。金華人生。時母夢異。僧手寫華嚴經來。謂母曰。吾乃永明延壽願假一室。以終此卷。覺已濂。即生。因名曰壽。後更名濂。六歲日記二千餘言。九歲能詩。入青蘿閣。鄭氏所著書數萬卷。聞伏龍元長吐言如奔雷。欲屈之。特往謁。相與詰難。數千言不契。而退。復上長書。長答曰。前日承一宿山中。今日有書來報。無明讀一過。不覺失笑。笑箇什麼。笑景濂坐井觀天。又如貧兒拾得錫。說與人要做銀子賣。只是自不識貨。教別人不識貨。則不可何以故。景濂每嘗在塵勞聲色境界中。輒得爛骨地。熟了思量。計較文字語言。弄聰明業識。多了。乍聞吾輩說一

箇放下。可以做寂靜工夫。透脫生死。得此事入手。暫時起一念厭離心。退步靜坐。回頭乃見。無思量。無語言處。便錯認作法。身喻如玲瓏八面窓。喻如須彌山。言說不得。這箇只是暫時岐路。如何便罵得佛。贊得祖。贊得無明耶。贊罵憎愛心不除。但增長我見。我見未忘。目前只見別人過失。不知自家過失。要成辦透脫生死大事。難矣。景濂果欲辦這件事。只向無思量。無言語處。仔細推窮。不用說向人。驚忽命根。斷偷心。絕絕後。更趲欺君不得。却來求印。可亦不遲。濂得書。越二年。又往見長長曰。聞君閱盡一大藏教。有諸曰。然曰。君耳聞乎。抑目觀也。曰。亦目觀耳。曰。使目之能觀者。君謂誰耶。濂揚眉向之。於是相視一笑。○慧曇字覺原。天台楊氏子。母夢明月自天而墮。取吞之。遂有娠。及生。容貌巖如長不與群。童狎每入塔廟。輒對法王瞻禮。父母察其志。俾出家。受具已。而學律習教。忽拋髻嘆曰。毗尼之嚴。科目之煩。固我佛祖方便示人。若欲截斷衆流。一超直入非禪波羅密。曷能致之。時大訢住中天竺。曇往謁。備陳求道之切。訢斥曰。從



外人者。卽非家珍。道在自己。奚向人求耶。曇退凝神。獨坐一室。久未有所入。訢一日。舉百丈野狐話。曇大悟。曰。佛法落我手矣。只爲分明極。翻令所得遲。訢曰。見何道理。敢爾大言。耶。曇展兩手。曰。不直一文錢。訢領之。乃命侍香龍翔時掌藏。鑰庚午。訢如燕都。見文宗於奎章閣。同行者皆股栗。不能前。曇獨神氣恬然。訢嘆曰。眞吾家師子兒也。及歸。適寺新鑄銅鐘。成。訢曰。非福慧雙全者。莫先鳴鐘。卽令曇擊之。

辛未世愚禪師住烏石

世愚號傑峯。西安余氏子。母夢觀世音。送青衣童子。覺而生。愚自幼好禮佛塔。出家受具。晝夜奉香燈。惟謹。用鍼出指端血。書金剛經。忽抵几。嘆曰。縱能盡書一大藏教。亦屬有爲。絕如夢幻。不可控搏。盍學無爲。以明心宗乎。於是出謁古崖純石門。剛涕淚悲泣。祈以求端用力之要。一師欣然。語之愚。佩受其言。兀坐如枯株。復嘆曰。年日以增。而學日以退。豈非聞見未充。無以啓發。知解乎。渡江而西。見諸善知識。下語不契。遂止南屏。三年不踰戶限。聞止巖成。倡道大慈。亟

往謁焉。成曰。不是心。不是佛。不是物。是何物。愚聞而愈疑。仍還南屏。諸緣盡捨。惟一念歷然。一日。坐至夜分。聞鄰僧咏證道歌云。不除妄想。不求眞。豁然如釋重負。喜曰。佛法元在目前。祇爲太近。故人自遠之耳。卽操觚成偈。有夜半忽然忘月。指虛空。迸出日輪紅之句。走見成。備陳悟緣。成喝曰。何處見神見鬼。曰。今日捉了賊也。曰。賊在何處。愚便喝。成曰。開口合口。都不是。向上舉。將一句來。曰。徧界明明。不覆藏。成豎起竹筴。愚便掀倒禪床。成曰。你欲來捋虎鬚耶。愚作禮成。連打三下。囑曰。善。自護持。遂執侍三年。又還南屏。尋入大慈爲首座。至順辛未。還西安時。烏石山有福慧古刹。愚獨結廬以居。蛇虎縱橫。了無怖意。影不出山者一十六載。○清珙卓菴霞霧山。自謂終隱計。至順辛未。當湖新創福源寺。廣教聞珙名。敦請爲第二代住持。珙堅臥不起。或勸之曰。夫沙門者。當以弘法爲重任。閑居獨善。何足言哉。於是幡然而起。

壬申紹大禪師出世烏龍山

紹大吳氏子。世居桐江。故因以爲號。自幼不樂處塵

埃中稍長祝髮受具私自計曰化龍之魚肯於蹄落求生乎即日杖策上雙徑謁大辨陵陵一見便大喜授以單傳心印相與詰難者久之大退復自計曰如來大法天地所不能覆載其止如斯而已乎遽辭去徧參諸尊宿諸尊宿告之者不異徑山時大復慨然曰吾今而後知法之無異味也乃歸見陵陵俾給侍左右大登奮勵脇不沾席者數載遂得自在無畏法未幾掌藏鑰於淨慈尋以心法既明而世出世智不可不竟手飄貝葉寒暑俱忘每夜敷席於地映像前長明燈讀之三閱大藏教又旁及儒家言及老氏諸書至順壬申出世嚴州烏龍山景德禪寺

癸可傳參元長禪師

可傳舊名李羅帖木兒後改今名字無授高昌人生有異徵年十五薙染杖錫南游徧參閩浙諸尊宿得法於元長長示偈曰祖道昭昭在目前絲毫已隔路三千自家桶底一翻脫肯信西來別有傳

甲斷崖了義禪師入寂高峰妙法嗣  
臨濟十九世

了義住正宗禪寺元統元年歲除日忽謂從者曰有

一件事天來大你還委悉麼良久云明朝是年朝至正月六日詣法雲塔西指空地曰更好立箇無縫塔其晚與禪者談笑至夜分乃曰老僧明日天台去也禪者曰某甲隨師去義曰你走馬也越我不及翼午踟躕而化壽七十二臘四十九藏全身於師子巖之後送者數千人初明本示寂會塋齋次義笑謂衆曰後十二年更爲老僧一會至是果十二年○永寧住龍池庚午出世李山禪寺甫三年退歸龍池甲戌總管府請主常之天寧萬壽寧漠若無聞或激曰大法火冷灰寒師乃欲自暇自逸耶寧爲之蹶然而起

○無見先觀禪師入寂斷橋倫法嗣  
臨濟十八世

先觀字無見仙居葉氏子住華頂峯四十年聞其風者不遠數千里參問元統二年五月望日遺書謝朋舊作偈跌坐入滅火焚舍利成五采白乳如注

乙梵琦禪師主杭州報國

初梵琦出世海鹽福臻戊辰遷本縣天寧乙亥主杭州報國示衆曰既稱長老出世爲人喻如金錘刮眼膜非是小事若傷鋒犯手未免破睛危乎險哉聞不

容髮豈可恣矇袋掉三寸舌脫空謾人你看他夾山初住京口寺已有發明到垂手處不無滲漏後往華亭見艸子始大徹所以道參禪須是悟始得悟了須是見人始得若不見人只成得箇杜撰禪和說拍盲禪到處教壞人家男女去也第一本領要端正履踐要明白院子大小正當置之度外臨濟下風穴首山又何嘗聚三百五百衆來至今道行天下所謂山不在高有仙則名也又曰如今兄弟喫著佛祖飯不去理會本分事爭持文言俗句高聲大語略無忌憚全不識羞有般底不去蒲團上究明父母未生前本來面目冷地裏學客春指望求福懺除業障與道太遠在又曰凝心歛念攝事歸空念想纔生即便遏捺如此見解即是落空亾底外道魂不散底死人又有的忘認能嘆能喜能見能聞認得明白了便是一生參學事畢且問你無常到時燒作一堆灰這能嘆能喜能見能聞的什麼處去也怎麼參的是藥汞銀禪此銀汞真一煨便流因問你尋常參箇什麼答云有教我參萬法歸一一歸何處又教我只如此會今日方

知不是就和尙請箇話頭我道古人公案有什麼不是汝眼本正因師故邪累請不已向道去參狗子無佛性話忽然打破漆桶却來山僧手裏喫棒

丙元長禪師傳法德然

德然字唯菴松江人初參清珙中謁元長遂傳其道長示法語曰德然上人你參我老石屋和尙指示道但於十二時中放下全身坐斷主人公不起第二念可謂的的從祖佛相傳不可傳不可授不可說底意旨矣只如你全身放得下麼一箇臭皮袋子飢時要粥飯喫不喫則肚飢過不得如何全身放下一法如是萬法亦然自己如是衆人亦然佛祖聖賢如是凡夫亦然一切衆生亦然正放下時身在甚麼處放下時你又在甚麼處放得下不曾放下放不下何用放下人境俱空凡聖俱泯又何處現釋迦老子與石屋和尚又向何處參父母未生前面目又向何處求無明法語又向何處入彌勒樓閣會得赤肉團上有箇無位真人能分許多位次眼須覩色不爲色所迷耳須聽聲不爲聲所惑世間色見聲求是行邪道若

行見聞覺知是則見聞覺知非求法也求底是心見聞覺知是心佛是不是心不是佛不是物一掌打破虛空骨森羅萬象眼睛開鼻孔何妨高突兀

丁大訢禪師傳法懷渭

懷渭字清遠號竹菴南陽魏氏子生時有靈芝產於庭槐占者云是子將以文顯乎已而果英發誦書攻文不待師授知解日勝時渭舅氏大訢住持龍翔集慶聞之喜曰此吾宗千里駒也亟挽致座下集慶爲東南都會四方名縉紳無不翕聚與訢游渭因得與聞反覆參求其學於是大進形諸篇翰精明自然老於文學者爭歆慕曰此文中虎也渭恚曰公等謂吾專攻是業耶佛法與世法不相違背故以餘力及之將光潤其宗教爾苟用此相夸豈知我哉一日訢警勵諸徒衆未有對渭直前肆言訢振威叱之渭氣不少沮如是詰難至於再三訢笑曰汝可入吾室矣

己曇噩禪師住瑞龍

至元乙卯曇噩出世慶元保聖遷國清己卯瑞龍院欲易住持爲禪利請噩開山噩每戒諸徒曰吾與爾

儔研究空宗當外形骸忘寢食以消累劫宿習然後心地光明耳自是日惟一食終夜凝坐以達於旦庚辰可授禪師出世大雄山

可授字無旨號休菴臨海李氏子自幼處童子中屹然如稚松超乎蒿葭年十二出家十九得度受具已而嘆曰所貴爲比丘者務欲究明心宗爾苟繼蔽文字相中何時能脫離耶徧參諸尊宿不契久之參普覺明於靈隱明松源五葉孫其門庭嚴峻未易叩擊授直入無畏問答之頃疑情盡釋明欣然印可之尋還石門至元六年出世大雄山安聖寺一香供明云辛巳紹大禪師主金華廣福

紹大住烏龍山至正元年遷主金華山廣福禪寺四方學子翕集座下一時法會號爲極盛

○元叟行端禪師入寂藏叟珍法嗣臨濟十六世

行端住徑山至正元年八月四日端坐而逝年八十八空全身於寂照塔院端平頂古貌眼光燦人額下數髯磔立凜然如雪後孤松坐則挺峙行不旋顧英風逼人賓友相從未嘗與談人間細故舍大法不發

一言自爲僧至化滅無一夕脫衣而寢其從南屏歸化城受經夏夕啓窓而臥忽一梵僧飛錫而來與談般若樞要。疊疊不絕。未幾騰空而去。及將示滅。所剪爪髮留。盛化城菴。逮啓視之。舍利粲然生矣。

壬惟則禪師住菩提正宗寺

明本示寂。諸名山屢請。惟則主席。則堅却不去。隱居華亭城北。距城二里許。至元辛巳。客吳門。幻住至正壬午。門人相與築室於姑蘇城中。師子林號菩提正宗寺。奉則居焉。示衆曰。山僧從幼聞有宗門下事也。學坐禪。惜乎不遇惡辣。鉗鎚未免。也被一知半解所障。又被一種速求開悟底心。梗礙胸次。自不知是病。及到天目。依附幻住老和尚。每每見他道老幻一生參禪。不曾開悟。心中竊有所疑。後來方知老和尚具大人相。不險不怪。不矜不誇。他平生不肯自說悟緣得處。而又嚴約參徒。潛行密用者。意在使今時未得謂得。未證謂證。妄稱知識。誑誑閭閻之徒。知所羞媿。知所畏懼。此政是切救今時墮邪之病。以爲後學掠虛之戒者也。宗師爲人處。局面時時新。至此老又是

一番變局。豈常情所能測哉。山僧雖是依附多年。要且一法無所得。非但一法無所得。更且和我從前所學所解。底一時打失了。以是之故。自知恩大難酬。因而索性放下。山邊水邊。做一箇萎萎隨隨。無出豁漢。但是此老平生諱忌底約束。底不敢輕易動著。如是者二十三年矣。今此現前一會禪德。但當信取自家有箇活脫無依底活潑潑地。無所滯礙。雖無形狀。無處所。而能通貫十方。徧入諸法。一切神通三昧。變現自在。不少一絲毫六道神光。晝夜未嘗間歇。不用安排。不用揀擇。直下體取。便是一念相應。便是要得一念相應。但放下世間出世間事。休歇世間出世間心。不得嫌事礙心。不得將心避事。你但一切時一切處。於心無心於事無事。自然左右逢原。所以道直下便是天寬地平。要用便用。一切現成。豈不省力。豈不慶快平生。○松隱名茂子實菴奉化鄭氏子。幼常中夜跌坐。母惡之。推其使仆。輒達旦不眠。年十六。剃染受具。主僧使司米鹽細務。茂嘆曰。離家爲求道耳。荷羈縻於此。何異狗苟蠅營者耶。乃潛行至江西。見南澗



泉果命入室一夕聞巖泉泠泠微有覺觸遽往白泉泉曰此間不足發子大機大用古林茂乃橫川嫡嗣子當往依之茂即發謁古林林曰爾來欲何爲茂曰生死事大特來求出離耳林曰子明知四大五蘊是生死本何緣入此革囊耶茂擬對林以杖擊之茂遂悟自是機辨峻絕至正壬午出世明州瑞雲山○智及字以中吳縣人俗姓顧初生時靈夢發祥祝髮受具往聽賢首家講法界觀未及終章筦爾而笑曰一眞法界圓同太虛但涉言辭即成臆法縱獲天雨寶華於我奚益哉遂走建業見大訢訢以文章道德傾動一世見及文彩彰露文相延譽及有同袍訢曰子才俊爽若此不思負荷正法甘作詩騷奴僕乎無盡燈偈所謂黃葉飄飄者不知作何見解及舌噤不能答即歸海雲胸中如礙巨石目不交睫者踰月忽見秋葉吹墜於庭豁然有省於是登雙徑謁行端自列其所證甚悉端勘辯之及隨機參會不問一髮未幾命侍左右俄遷藏室及取教典益溫繹之宗通說貫若決江河壬午出世昌國隆教○輔良字用貞號介

菴范文正公十世孫誕鍾粹氣聰悟夙發見佛書輒躍然朗誦若所素習有相士謂父母曰是兒骨格清聳緊峭恐非世間法可縛若使學佛必能弘大宗乘矣里多阿蘭若良曰與群童遨遊其間徘徊愛慕終日不忍去父察其志與相者言合乃曰昔范蜀公好與名僧交嘗勉圓悟勤公參叩道要卒爲天下禪宗吾能惜爾而不使遂其志乎遂俾薤落受具即慨然曰學佛將以明心心非師無以示肯綮終日牆面可乎去習天台教白雲寺杓公誨之曰教乘固當學若沉溺不返如入海算沙徒自困耳何不更衣以事禪寂乎笑隱訢公見主龍翔其道大被東南盍往依焉良即往參訢問答之際棒喝交馳一利那間凡情頓喪久之遂契心法至正壬午出世嘉興聖壽

癸未 永寧禪師退歸龍池

永寧住天寧癸未退歸龍池○慧日號東溟天台賈氏子出家依子庭訓習天台教觀訓嘆曰投九下峻坂不足踰其迅疾也北峰之道其藉以大昌乎日一旦假寐有上下兩天竺之夢未幾出世吳山遷住下

天竺至正三年又遷上天竺

甲申智度禪師還福林

智度號白雲處州吳氏子年十五慨然有出塵之趣欲就浮屠學父母不許度不火食者累日乃使出家薙髮受具深習禪定每跌坐達旦不寐如是者四三春秋已而嘆曰六合之大如此頽然滯一室可乎遂出游七閩徧歷諸山不契復還郡之白雲山築福林院以爲憩息之所日取楞嚴圓覺二經疏鈔而熟讀之已復嘆曰拘泥文字中如油入麵了無出期德山所謂窮諸玄辨若一毫置於太虛者信不誣也盍去之乎又出遊浙西見靈石芝上天日參斷崖義時無見先觀說法華頂峰度復往拜之問西來密意未審何如觀曰待娑羅峰點頭却與汝言度以手搖曳欲答觀遽喝度曰娑羅峰頂白浪滔天花開芒種後葉落立秋前觀曰我家無殘羹剩飯也度曰此非殘羹剩飯而何觀領之服勤數載將辭還觀囑曰昔南嶽十五歲出家受大鑒記前後得馬祖授以心法鍼芥相投豈在多言耶勿掉三寸舌誑人須真正見解著

於行履方爲報佛深恩耳度佩服弗敢忘至正四年

還福林與毒種曇成山欽互相策勵如恐失之○大

訢住龍翔凡十有四年至正四年五月日遷寂

乙酉懷信禪師主天童

懷信住補陀壬午升主中天竺乙酉遷天童

丙戌世愚禪師主石溪

世愚住烏石聲名籍甚至正六年遷主廣德石溪興

龍禪寺嚮化之盛不下烏石時

丁亥源水盛禪師入寂無能教法嗣臨濟十○世

水盛住西湖妙果未幾返南巢故隱嚮慕者愈衆至

正丁亥夏四月日黎明召四衆戒飭之且云世尊有

言我今背痛將入涅槃吾其時矣侍僧捧紙求偈盛

訶曰何以偈爲強之乃引紙膝上書曰端坐而逝初

盛預建壙塔於諸峰之下是夜有光如匹練自天際

下燭交相通貫未幾散布五峰之頂複合於塔中彌

三夕乃止居民凡數十里聚觀駭異之○祖銘字古

鼎四明應氏子幼不茹葷稍長通左氏書尤嗜釋典

剏染受具出游諸方莫有契者時行端在靈隱銘往

從焉一日入室叩黃龍見慈明因緣端詰曰只如趙州云臺山婆子被我勘破慈明笑曰是罵耶你且道二老漢用處是同是別曰一對無孔鐵鎚曰黃龍直下悟去又且如何曰也是病眼見空花曰是不是銘擬進語端便喝銘當下廓然出世隆教遷寶陀遷中天竺至正七年遷徑山上堂舉大愚之示衆大家相聚喫葶藶若喚作一莖藎入地獄如箭乃云宗師爲人如蠱毒家置毒飲食之中飲人未嘗不欲斷其命根雖然是冤對者能有幾人○可授初住大雄山遷隆恩又遷白巖丁亥遷主龍華一座十三春秋凡四坐道場皆不出乎台境諸方爭欲聘致授皆不從作休菴於西塢日修念佛三昧法門且曰此正禪定之功也惡可強分同異哉○元長住伏龍宋濂每寄書論道至正七年長復答書曰士林中來者無不盛談左右乃間氣所生文章學問絕出爲浙東群儒之冠且尤深於內典欣羨無已承叙自幼讀佛書領其要旨出入有無空假中中至於中且不有有無何在三復斯言此今之士夫執有執無離邊離中分彼此

儒釋之異如左右儒釋一貫者能有幾人人言爲不虛矣張無盡云余因學佛然後知儒古德云居無爲界中而不斷滅有爲之法居有爲界中而不分別無爲之相暗合道妙不易不易審如是則有爲底便是無爲底左右已百了千當何處更有身心之慮未祛事物之來未息又何處更有真實工夫可做而後出離有爲了生死大事耶左右與山野交二十年會或劇談別或寄語永有如此書之至誠也人天之際唯誠朋友之道亦誠而已只如左右未動念未操觚拂紙未陳一言及寫在紙上了是有爲是無爲是生是死是生死法是出生死法這些子直是誑訛故孔子謂子路曰未知生焉知死孔子底說話莫道子路不知落處盡大地人都不知落處豈不見黃山谷訪死心死心云聞公會禪諸方皆印可是否答云不敢死心云我有一問問公公試答看彼此燒作一堆灰在甚處相見山谷茫然後參晦堂示吾無隱乎爾一言聞桂花香打破漆桶鼻孔掾天大丈夫欲成辦箇事自有箇般時節山谷雖是一塊精金須入死心晦堂

作家爐韞惡辣鉗鎚始得這一隊漢若到無明門下更須一一勘過何也不是弄潮人休入洪波裏山野如是杜撰左右以爲如何

戊子寶金禪師至燕京

寶金號壁峯姓石氏生於乾州永壽縣之名胄父通甫人號爲長者母張亦嗜善弗倦有桑門持鉢乞食以觀音像授張且囑曰汝謹事之當生智慧之男未幾生金白光照室幼恒多疾纏綿衾枕間父母疑之曰此兒感祥徵而生其宜歸之釋氏乎六歲出家薙落受具徧詣講肆窮性相之學已而撫髀嘆曰三藏之文皆標月之指爾昔者祖師說法天花繽紛金蓮湧現尙未能出離生死況區區者耶卽更衣入禪林時如海眞樹正法幢於晉雲山中亟往見之眞示以道要金大起疑情二三年間寢食爲廢偶携筐隨眞插蔬於園忽凝坐不動歷三時方寤眞曰爾入定耶金曰然曰汝何所見金曰有所悟爾曰汝第言之金舉筐示眞眞非之金寘筐於地拱手而立眞又非之金厲聲一喝眞奮前搥其胸使速言金築眞胸仆之

眞猶未之許笑曰塵勞暫息定力未能深也必使心路絕祖關透然後大法可明耳金聞之愈精進不懈遂出參諸方憩蛾眉山誓不復粒食日採松栢啖之脇不沾席者又三年一念不生前後際斷照體獨立物我皆如自是入定或累日不起嘗跌坐大樹下溪水橫逸人意金已溺死越七日水退競往視之金燕坐如平時惟衣濕耳一日聽伐木聲通身汗下如雨嘆曰妙喜大悟十有八小悟無算豈欺我哉未生前事吾今日方知其眞耳急往求證於眞反覆相辨詰甚力至於拽傾禪榻而出眞曰是則是矣翼日重勘之至期眞於地上畫一圓相金以袖拂去眞復畫一圓相金於中增一畫又拂去之眞再畫如前金又增一畫成十字又拂去之眞視之不語復畫如前金於十字加四隅成卍文又拂去之眞乃總畫三十圓相金一一具答眞曰汝今方知佛法宏勝如此也百餘年間參學有悟者世豈無之能明大機用者寧復幾人無用和尙有云座下當出三虎一彪一彪者豈非爾耶爾宜往朔方其道當大行也無用蓋眞之師云



先是金在定中見一山甚秀麗。重樓傑閣。金碧絢爛。諸佛五十二菩薩行道。其中有招金謂曰。此五臺山秘魔巖也。爾前身修道。其中靈骨猶在。何乃忘之。既寤。遂遊五臺道。逢蓬首女子。身被五綵。弊衣赤足。徐行一黑髮。隨其後。金問何之。曰。入山中。爾曰。將何爲。曰。一切不爲。良久。乃沒。叩之。同行者皆不見。或謂文殊化身。云。金乃就山建靈鷲菴。四方聞之。不遠千里。日負餼糧來獻。金悉儲之以食。游學之僧多至千餘人。至正戊子冬。元順帝召至燕都。慰勞甚至。天竺僧指空久留燕。相傳能前知。號爲三百歲金。往與叩擊。空瞪眎不答。及出。空嘆曰。此真有道者也。冬夕大雪。有紅光自金室中起。上接霄漢。帝驚嘆。

### 己世愚禪師還烏石山

世愚住廣德凡三年。烏石之衆念愚久去。鄉里力迎其還。愚嘗示五臺善講主曰。假饒文殊放金色光。與汝摩頂。師子被你騎來。觀音現千手眼。鸚哥被你捉得。皆是逐色隨聲。於你自己有何利益。要明已躬大事。透脫生死牢關。先須截斷一切聖凡虛妄見解。十

二時中迴光返照。但看不是心。不是物。不是佛。是箇甚麼。切莫向外邊尋討。設有一毫佛法神通聖解。如粟米粒大。皆爲自欺。總是謗佛謗法。直須參到脫體無依。纖毫不立處。著得隻眼。便見青州布衫。鎮州蘿蔔。皆是自家所用之物。更不必別求神通聖解也。○懷信住天童。己丑冬十月。遷住金陵龍翔。或謂龍翔初政。稍示威嚴。以懲驕慢之習。信笑而不答。

### 庚寅守貴禪師住天龍

守貴字無用。號水菴。浦江甄氏子。其家業耕樵。每使之行。饁田間。貴志弗樂。乃同鄉童子從師傳讀。書年十八。剃染。二十游方。至龍華。參元長。長授以向上。一著貴冥參默究。恍若有契。隣院天龍有大道平者。挽長主之。丁卯春正月。笑隱言長行業於行宣政院。將俾出世住大禪坊。長竟遁逃。不見使者。夜渡潯江。走伏龍山。貴與之俱。山有庵。剎曰聖壽。長爲一新之。命貴領其徒。貴嘗往參。斷崖義梁山寬。反覆叩答不異。見長時。乃太息曰。千江雖殊。而明月則一。吾今而後無疑矣。戊子夏。退居嘉興建菴爲佚老計。庚寅秋七



月十日夢大道平來別曰。吾已棄人間世矣。貴大驚。急拏舟往視之。平果已告寂。自是復住天龍。○守貴住天龍。通嗣書於元長。長答書略曰。無用既爲一方主人。便與前來獨居時不同。何以故。古之參禪辦道之士。或獨居。或處衆。單單以生死兩箇事爲急務。如救頭然。打破漆桶之後。日夕磨礪身心。一如蕩然。無纖毫過患。久久不可掩其光明。自然敗露。不得已被人擡在座子上。坐地以其得處穩密。用處諦當。一動一靜。一語一默。皆可與人作箇樣子。故有住持之說。夫住持者。住於不可住之地。持其不可持之法。利濟一切。傳之無窮。豈小根劣器之所能眞。世出世間大力量大丈夫大善知識。所以有眼者見有耳者聞。猶國之有君家之有父君聖而臣賢。父慈而子孝。衆人以一人爲之主。一人以衆人爲之賓。賓主歷然。風行草偃。不言而治。蓋本於斯。況頂顙具大眼目。辨龍蛇別虎兇。啓大鑪。轉大鈞。鎔凡聖。烹佛祖。向千箇萬箇中。點一箇出來。作靈山正傳。爲少林種草。如燈照燈。如水與水。故有法嗣之說。豈有今之紛紛者以

勢利相傾。人我相勝。詐僞相欺。狼戾相奪。甚至詞訟相加。毒害相殺。往往白衣面前。搖尾乞憐。鏡面活閻羅王。手中乞命。如斯之輩。似粟如麻。作地獄業。名地獄查。喚作住持。得麼。喚作法嗣。得麼。苦哉。屈哉。百丈臨濟。一宗掃地盡矣。

辛卯明德禪師住松江東禪

明德號孤峰。明州朱氏子。父與補陀僧玠。公交玠。聞雞聲入道。凡說法必鼓翅爲雞號。玠亡已久。母夢玠來託宿覺。而有娠。歷十四月而生。童幼不好嬉弄。每結跏端坐。不動藏主慧明訶曰。童子不知誦詩讀書。癡坐將焉求德。曰。欲學坐禪。求作佛爾。明奇之。挾至鄞縣金鷲院。俾給洒掃之役。時年十二。越五載。得度受具。慨然有求道之志。杖錫而出。首謁竺西坦於天童。坦曰。汝從何方來。曰。金鷲來。曰。金鷲山高多少。曰。不見其頂。坦斥之。德益自策勵。以必證爲期。坦一日升座。舉世尊拈花公案。德於衆中聞之。忽若有解遽造。偈呈坦。坦領之。德猶弗自是也。復如淨慈。見晦機熙熙。見德至。問曰。什麼人。德曰。胡張三。黑李

四又問從朝至暮著衣喫飯還認自己否德又曰胡張三黑李四熙拈棒欲打德拂袖竟出抵雙林見明極俊會日本迎俊爲國師德送至海濱而竺田霖亦自雪竇至見德氣貌不凡延歸山中居第一座霖上堂舉隱山泥牛入海公案諄諄誘掖德不覺慶快群疑頓釋因以偈呈霖霖嘆曰人天眼目儼然猶在自是邀仲方倫結菴桃花塢相與激揚暇則翻閱華嚴足不踰戶限名稱日聞行宣政院請住松江東禪寺○明叟昌至伏龍參元長長憫其求道懇切示偈曰峰頂高寒雪未開上人忍凍爲何來齊腰不用庭前立待得天晴煖自回昌遵行忽然有省長印可之

壬辰蘭室馨禪師住清隱

蘭室馨得法元長至正壬辰與同袍古道猷遊方至金華清隱初城西三里所有郡人劉主簿嶠隱居於此嶠字子淵事親極孝家雖貧力學聚徒以養非道義錙銖不取風節行義爲邦人所稱後一百七十年而猷歿至遂於此地建立叢林即名之曰清隱○德然嘗謁清拱拱告之曰子去我而求憩息之所其必

松江之華亭乎華亭民富而趨善富則樂於施與趨善則可化以吾佛之道其必有以處乎矣書松隱二字授之以行至華亭郭滙之陽忽憶懸記遂結茅而居其中創建功成取石屋所書名之曰松隱○清拱隱居天湖至正壬辰七月日示微疾越二日中夜與衆訣其徒請曰和尚後事如何遂索筆書偈曰青山不著臭尸骸死了何須掘土埋顧我也無三昧火光前絕後一堆柴擲筆而逝茶毗舍利五色璨然不知其數壽八十一臘五十四○時蔚字萬峰樂清金氏子母夢沙門入其寢覺而生適有光燭室母懼欲弗舉其姑育之襁褓中見僧輒笑作合掌態出家受具參止巖成成曰因甚參禪人不悟眞性逐日區區打關過了或三五成群說長老如何或三五成群說叢林好醜一向不在已躬下做工夫若要了悟上乘切要眞參實學就示以南泉三不是公案令參蔚乃別入明州達蓬山究竟成語至忘寢食一日寺主舉似馮山錫倒淨瓶話觸發疑情不覺因地一聲即說偈曰顛顛倒倒老南泉累我工夫却半年當下若能親

薦得如何不進劈胸拳。遂往華頂訪無見。觀觀問從何處來。曰杭州來。曰曾見何人。曰止巖和尚。曰有何指示。曰南泉三不是。曰我這裏南泉三不是。即不問如何是萬法歸一。曰從生至死皆無一。曰如何是一。歸何處。蔚近前叉手曰不審。又問如何是道。曰道無可道。曰不道有不道箇甚麼。曰正要和尚辯著。曰疑著。即錯。曰不疑亦錯。觀便喝。蔚亦喝。觀又喝。蔚亦喝。拂袖而行。觀曰你雖悟得真。性年紀小。在未可印證。你且居山十年二十年。我自令人來取你時年二十六。復返蓬獨處者十年。忽聞止巖圓寂。遂往掃塔。偶宿靈隱。一僧學元長頌有兩輪日月如梳過。一合乾坤似磨忙。寄語諸方參學者。莫教蹉過好時光。之句。蔚聞便同本僧直造伏龍見長。長問將甚麼與老僧相見。蔚豎拳頭曰這裏與和尚相見。曰死了燒了。向何處安身立命。曰溫生溫滅。水還在。風息波平。月映潭曰莫要請益受戒。摩蔚即掩耳而出一日。佛誕長上堂。今日有三種好事。一者世尊降誕。二者天道清明。三者有人施主設齋。若向此三種好事上識得。

老僧舌頭落處。日消萬兩黃金。蔚從西過東。一手指天。一手指地。曰天中天天中。天釋迦彌勒誰後。先長曰大師子吼過了也。還有小師子麼。又一日上堂。舉無風荷葉動。必定有魚行。蔚出衆。震聲一喝。拂袖而行。長示偈曰鬱鬱黃花滿目秋。白雲端坐碧峯頭。無賓主句輕拈出一喝。千江水逆流。未幾蔚還蓬蓬復移嵩山。閱九載。長手書招致分座。尋返嵩山。壬辰卓錫蘇州鄧蔚山。創建道場。號曰聖恩。參學者雲集上堂。大丈夫漢向威音王以前空劫那畔擔負得行。何處有許多周折。豈不見臨濟在黃檗會下問佛法的大意。三度問話。三遭痛棒。後至大愚被他一拶。豁然大悟。便道黃檗元來佛法無多子。大愚云你適問有過無過。便道佛法無多子。畢竟有多少。速道。濟於大愚肋下壓三拳。到這裏一點子也瞞他不得。自後顯大機發大用。開鑿人天眼目。發揚佛祖宗猷。機鋒如石火電光。相似實難近傍。凡見學人入門便喝。大衆如臨濟會下兩堂首座。齊下一喝。且道那喝是主。那喝是賓。這裏見得徹去。便見臨濟老人立地處便。

見自己及大地衆生立地處懷藏智鑑鑑在機先顯發大用超格外以至東家杓柄長西家杓柄短無不知之如今叢林參學高士至死不明此事病在何爲堪嗟學人妄自執法爲病以病攻病致使佛性愈求愈遠轉急轉遲伶俐漢迴光返照直下知非藥病兩忘眼睛突出爍破山河大地耀開百億須彌全卷全舒全殺全活捉敗德山門戶看破臨濟家風是則是要見德山卽易要見嵩山卽難何故須知死句中有活句活句中有死句死句中有死句活句中有活句會麼善財到此無行路有在渠儂彈指間

癸 自緣禪師結菴古寺

自緣號會堂臨海陳氏子母感奇夢而生緣氣骨不凡脩然有出塵之趣每入寺見像變梵筴必胡跪合爪父謂母曰是子如青蓮花水不能沾豈俗能淹耶乃命出家薙髮受具趺坐一室以縛禪爲事已而還台參日溪泳泳一見輒喜命侍左右泳還淨慈緣從其行咨決心要豁然契悟久之復還台省父道經寧海日已暮悲風號林莽間緣皇皇急走夜行三里

許乃逢逆旅主人破屋一間不能蔽風雨緣竟夕不寐明發指天自誓曰所不能建菴廬以延旦過者有如日里中有妙相古寺兩廡蕭然緣往還視喜曰是足以遂吾志矣白於主僧假其西偏冀除蕪穢具床几設衾褥罔不整潔縣東桃源橋上故有圓通閣緣遷至其處建華嚴閣橋之南復築彌陀閣像淨土十六觀相令覽者觀相與行啓發極樂正因

甲 輔良禪師住天童

輔良出世嘉興聖壽凡十三年至正甲午遷天童

乙 慧照禪師住寶陀

至正乙未慧照遷住寶陀先是寺以構訟而廢照謂訟興在辨難太迫一處之以寬慈絕無與較且曰我佛得無諍三昧所以超出群品我爲佛子可不遵其教耶衆服其化○普仁字德隱蘭溪趙氏子祝髮受具有慨然求道之志危坐達旦期息妄緣了然義以大辨之子丕振臨濟宗風仁往造焉入室問答機鋒奮觸電掣霆奔義命侍香久之出游閩浙江湘凡名利所在必求諸尊宿以證其所悟無不改容禮之雙

徑南楚說請陞座說法。說化古鼎來補其處。益推敬仁。且謂相見之晚。仁猶不敢自足。亟走四明。見月江印雲外。岫相與辨詰。無虛日。徵以宗門機緣。大而沙界小而毫芒。無不收攝。乙未出世金華淨土寺。

丙申慧照禪師住阿育

慧照住寶陀。一日僧夢一神人衣冠甚偉。飛空而來。僧作禮問之。神曰。我從阿育王山來。欲請大千師赴供耳。未幾。行宣政院署。照住是山。照憫大法陵夷。孝孥誘掖。不遺餘力。嘗垂三關語。以驗來學。一曰。山中猛虎。以肉爲命。何故不食其子。二曰。虛空無向背。何緣有南北東西。三曰。飲乳等四大海水。積骨如毗富羅山。何者是汝。最初父母時。未有契其機者。○慧曇初出世牛頭山。遷廣慧。又遷保寧。丙申。王師定建業。曇謁上於轅門。上見曇氣貌異。常嘆曰。此福德僧也。命主蔣山太平興國禪寺。時當儉歲。曇化食以給其衆。無闕乏者。山下田人多欲隸軍籍。曇懼寺田蕪廢。請於上而歸之。山之林木爲樵者所剪伐。曇又陳奏。上封一劍授曇。曰。敢有伐木者。斬至今。

蓋鬱然云。○元潯字天鏡。號樸隱。會稽倪氏子。容貌魁偉。襟懷煦然如春。世間機弄。押闔之術。不識爲何物。祝髮受具。巍然有遠志。從天岸講天台止觀。復往雙徑。參行端靜。入門端厲。聲一喝。潯若聞雷霆。聲黏縛盡。脫遽稽首作禮。端曰。汝果何所見耶。復問。答曰。三轉皆愜端意。端顧左右曰。是般苦位中人。也。遂命歸侍司。尋掌書記。時年二十七。丙申出世會稽長慶。陞天衣。萬壽。四方問道者。聞風來歸。

丁酉力金禪師住瑞光

力金號白菴。吳郡姚氏子。母夢一龐眉僧直趨房闥。麾斥弗退。因驚呼而覺。遂懷妊。既生。芬香滿庭。年臨五六方。額圓額白。皙如玉琢。見者無不憐愛。七歲讀書。過目成誦。或見佛像。輒五體投地。一日請於母曰。兒患世相起滅。不當將求出世間法。可乎。母曰。出家甚苦。爾年幼。豈能堪乎。曰。兒心自樂之。想無苦也。累請不已。遂令出家。祝髮受具。精研教乘。忽喟然嘆曰。名相之學。略諸之矣。盍棄諸緣。而往躋覺路乎。遂更衣入虎林。謁古鼎銘於雙徑。銘示以德山見龍潭語。



金奮迅踴躍直觸其機。從而有契。銘俾掌記室。未幾分座說法。至正丁酉。出世蘇州瑞光寺。

○千巖元長禪師入寂。中峯本法嗣。臨濟二十世。

至正丁酉六月日。元長示微疾。索浴更衣。會衆書偈云。平生饒舌。今日敗闕。一句轟天。正法眼滅。遂投筆而逝。○良亮遍參諸方。久未能證入。往參元長。長見亮誠懇。可與進修。時加警策之已。而命司藏鑰。使日閱三藏。玄文久之。陞居第一座。嘗示偈曰。無明佛法無多子。一味砒霜藥殺人。待汝棺材瞪得眼。却教劍刃上翻身。一日謂亮曰。如如真性。迥出根塵。祥光發現。照燭乾坤。非有絕念之深功。不能超出生死。而入常寂之場子。蓋縛茅於重山密林。而究明之手。亮躍然曰。山下。丁酉春。行至龍游縣北。有山曰寶蓋。遂駐錫焉。三四年。便成伽藍。名曰實際禪居。○善繼字絕宗。諸暨樓氏子。母夢神人授白芙蓉而生。始能言。見母舉佛號。合爪和之。稍長。讀春秋。喟然嘆曰。春秋乃世間法。欲求出世間。非釋氏將疇。依此身不實有。如芭蕉。縱因書而致高官峻爵。寧得幾何時耶。遂祝

髮。受具。習天台教觀。復往天竺。從湛堂澄澄曰。法輪之轉。他日將有望於斯子乎。出世三主伽藍。俄謝事東歸。嚴修淨業。丁酉七月日。集衆曰。佛祖弘化。貴乎時節。因緣緣與時違。化焉托乎吾將歸矣。遂索筆書偈而化。茶毗。齒舌不壞。舍利粲然滿地。○懷信住龍翔當。大明兵下金陵。僧徒俱散去。信獨結跏趺。坐執兵者滿前。無不擲杖而拜。上嘗幸寺。聽信說法。嘉信純懇。特改龍翔爲大天界寺。寺之遺糧。在民間者。遣官爲徵之。丁酉八月日。晨興。索蘭湯沐浴。更衣。趺坐。謂左右曰。吾將歸矣。汝等當以荷法自期。勵精進行可也。言畢。而瞑侍者。撼且呼。求偈不已。信握筆書曰。平生爲人戾氣。七十八年漏洩。今朝撒手。便行萬里晴空。片雪書畢。復瞑。茶毗。舍利如菽。如麻。五色燦爛。雖烟所及。處亦粲然。生貯以寶瓶。光發瓶外。信生平進修極勤。自壯至耄。默誦法華經一部。無一日闕。屢感蓮花香。滿院芬郁。異常。將終前一日。上統兵駐江陰。當晝而寢。夢信服褐色禪袍來見。上問曰。師何爲乎來也。對曰。將西歸。故告別耳。上

還聞信遷化衣與夢中正同大悅。詔出內府幣帛助其喪事。舉龕之夕。上親致奠。送出都門外。

戊戌古鼎祖銘禪師往生淨土。

元叟端法嗣  
臨濟十七世

祖銘住徑山。元日祝釐江浙省垣。境白光三道丞相康里見之加敬。又康里奉銘所贊觀音像於紫薇閣。是夕瑞光煜然。延至郡城雲居。時詣銘叩宗門玄旨。一日看經次。問長老何不看經。銘曰。尋行數墨爲看經。耶里無語。銘翻經曰。老僧看經去也。里以手掩經曰。請爲說破。銘曰。伊尹周公是阿誰。做到正戊戌將遷寂。致書囑里外護。正月日語門人曰。觀世音蓮臺至矣。遂索筆書偈曰。生死純真太虛純。滿七十九年。搖藍繩斷擲筆而逝。○輔良主天童閱四春秋。移中天竺時。海內大亂。兵燹相仍。南北南山諸刹皆化於烈焰。靈隱古稱絕勝。覺場涼烟白草。淒迷於夕照之間。過者爲之慨嘆。丞相康里選良居之。既至。葺茅爲廬。以棲四方學者。雖當凋零之秋。開示徒衆。語尤激切。嘗曰。達磨一宗。陵夷殆盡。汝等用力如救頭然。可也。然百千法門。無量妙義。於一毫端可以周知。如知

之變大地爲黃金。受之當無所讓。否則貽素食之愧。歲月流電。向上之事。汝等急自進修。參學之士多有因其言而悟入者。○紹大住金華山。凡十有八年。戊戌移住義烏雲黃山寶林禪寺。○楊允真字無識。金華人。縣東五十五里許。有一土阜。延袤數里。餘曰羅漢山。先是宋元豐間。里之善士鄭克允與其弟克明。於其地治鐵鑄阿羅漢像五百十八尊。山因是得名。二百餘年後。允真居於山側。與其室人王氏本淨同往伏龍山謁蘭室。馨受大乘三聚淨戒。以縛禪爲事。一夕夢有異僧若來自西域者。告曰。汝宜於羅漢山建永寧菴。以修學禪。定覺而異之。乃即其地構佛廬。眞手植青松。蔚乎成林。而門樓亦具。

己必才法師往生淨土。

必才字大用。臨海屈氏子。年十二。習天台教觀。祝髮受具。游虎林謁湛堂。澄時玉岡潤來居第一座。才執經入室。足不踰戶限者十年。潤嘆曰。是子非靈山會上業已習之。烏能致此。哉。出世海鹽。當湖至正癸未。陞演福。己亥三月日。召弟子曰。我生緣將盡。卽焚香。

向西而坐。厲聲稱西方佛號。晝夜六時。聲無暫輟。翼日又曰。爾等勿謂修持無驗。吾淨土緣稔三昧現前。吾其行矣。卽具浴更衣遺書以別相知者。復作辭世偈一首。及昇龕就火。五色神光自龕中發。火已舌如紅蓮。齒牙如珂貝。舍利如菽者滿地。萬衆競取。灰燼一時俱盡。後至者穴地尺餘。亦得之。○梵琦主嘉興本覺丁酉遷本郡天寧己亥築室海鹽天寧西偏。以居。自號西齋老人。一意淨業。嘗見大蓮花充滿世界。彌陀在中。衆聖圍繞。作懷淨土詩勸同袍之士。及同社之人。凡有心者。悉令念佛。○允若字季衡。姓相里氏。出家受具。從佛海澄與天岸濟我菴。無玉庭。罕皆有重望。人稱爲佛海會中四天王。住天竺。退居雲門。會天下大亂。干戈紛擾。苦與之遇。賜以白刃。若不爲屈。因遇害。白乳溢出兵。退圍維護。舍利無算。

庚子 崇裕禪師住圓通

崇裕受大訖心印。留侍左右十餘年。中丞張起巖問。訖曰。選佛場中。僧伽如此衆多。其有弗忼般若者乎。曰。戒律精嚴。言行不相背馳。惟崇裕一人。自受度以

來。脇不沾席者三十載矣。巖深加獎嘆。未幾出世。太平光孝一日。令丐人填壁。壁中隆然。如有物。函抉之。獲悉達多太子像。乃佛牙所刻成。裕召工傳以黃金。迸裂舍利。從中涌出。雕小香殿奉之。遐邇施者。日新月盛。尋遷九江圓通。宋初有神僧緣德。將示寂。累青石爲塔。語其徒曰。此塔若紅。卽吾再來。暨圓機旻來鎮法席。塔果紅色。旻臨終復懸記。有三百年後大興佛事之識。裕入院時。衆僧夢旻至其塔。燁然有光者。彌月。識者謂自旻至。裕正逾三百之數。○善學號古庭生。馬氏出家。受具。投華嚴諸師。而窮其說久未有所入。時寶覺簡講經曹溪。學從之。簡謂門人曰。學上人可謂名實相副矣。爾曹能如其賢。吾宗庶幾復興乎。自是名稱勃然。出世崑山薦福。越二年棄去。還東林。專修白業。誦同志曰。吾觀慈雲淨土懺義。明白簡要。五悔諸文。皆出華嚴。吾欲藉是生安養耳。

辛丑 竺遠正源禪師入寂

虛谷陵法嗣  
臨濟□□世

正源字竺遠。歐陽修之後裔。居南康。母夢梵僧入室而生。受具。行脚。見虛谷陵。以龍潭滅紙炬語問之。

源曰焦石可破層水曰破後如何曰探索乃知曰所知者何事源擬對陵舉杖擊之悚然默喻出世住觀音與聖道場靈隱徑山五巨刹皆勸人念佛曰石鞏張弓三平駕箭遠公徑捷勸修行一句彌陀無別念至正辛丑預告日期六月日書偈而化塔全身於徑山弟子分髮爪髮舍利叢叢然生○守貴住天龍辛丑八月日作偈一首寄別丞相達識帖穆爾明日趣浴索筆書頌曰一蠅臭殼內外穢惡撒手便行虛空振鐸天龍一指今猶昨擲筆而化貴平生戒行甚峻骨落一箇其左右櫝藏之中生舍利五色燁然日見增長○智及自隆教轉普慈又遷淨慈辛丑秋遷徑山風動四方考德者愈

癸卯永寧禪師住慈慧

庚子永寧領善權募萬人爲萬善同歸會二晝夜及瘞兵後枯骨至無萬數壬寅復退歸龍池癸卯廣德大旱寧爲結壇誦呪梵唄未終大雨如瀉衆於是強寧住麻蕪山慈慧禪菴

甲辰松隱茂禪師入寂

茂住清涼十五年退隱東堂影不出山甲辰八月日示微疾左右請偈茂指心曰我此中廓然也何偈之爲明日召諸比丘言別即端坐憑几握右手爲拳以額枕之而逝經七日容顏明潤捫其頂猶溫火化獲舍利如珠璣者頗衆壽八十五臘七十○初智度隱楞伽甲辰移住龍泉普慈

乙巳明德禪師住淨慈

明德住松江東禪再遷集慶保寧一住十五夏三遷湖之道場乙巳丞相康里請居淨慈

丁未允清禪師建法海精舍

允清字有源金華王氏子出家冬元長脇不沾席者十年一旦入室機鋒相撐觸莫窮涯際長欣然領之乃囑其出游閩浙淮間以求印可清見諸師了不異長時退隱故山文彩自露尋出世子湖遷玉山丁未飛錫蘭溪龍巖樂其風氣襲藏乃嘆曰如此靈壤可不開般若之場乎遂卽南洲建法海精舍○懷渭得法大訴訴瀕沒呼渭曰吾據師位者四十餘年接人非不夥能弘大慧之道使不墜者惟汝與宗渤爾汝

其懋哉。訖歿。渭出世寶相。遷報國。又遷道場。雖當兵燹。相仍之際。爲法求人。無少退轉。元至正末。避地匡廬。悍兵來索金帛。渭瞋目訶曰。浮屠烏有是物耶。兵怒。拔劍欲殺之。渭引頸就劍。兵嘆息而去。○慧曇住蔣山。丁酉。遷天界。吳元年。大內新成。詔曇引千二百衆。披閱大藏。曇陞座說法。上親帥群臣幸臨。瞻聰曇法音洪暢。妙契皇情。出內帑帛。以施遠邇。學徒聞風。奔赴堂筵。至無所容。凡祖庭規矩。曇備行之。觀者喑喑曰。三代禮樂。無以加焉。初。僧堂寮庫。有司權以貯戎器。久而不歸。上命相國李善長出之。且御書天下第一禪林六大字。懸於三門。○智度住普慈。乙巳。移茅山。遷武峰。丁未。復隱岑樓。

戊申。洪武元年。開善世院。

慧曇住天界。戊申。春三月。開善世院。特授曇演梵。善世利國崇教大禪師。住持大天界寺。統諸山釋教。寺當是時。宗社有志之流。山林抱道之士。聯鑣而迭出。咸居名山大剎焉。自古崇尚法門於斯爲盛。章鑣之士。以釋氏爲世蠹。請滅除之。上以其章示曇。曇曰。

孔子以佛爲西方聖人。以此知真儒必不非釋。非釋必非真儒矣。上亦以佛之教陰翊王度。却不聽。上聞寺僧多行非法。命嚴馭之。曇但誘以善言。諸群沙門。汙染習俗。實悖教範。或勸當痛治。曇曰。諺有云。大林有不材之木。能盡去乎。祇益釋門之累耳。事呈露者。勿恕可也。示衆。春風浩浩。浩春日遲遲。黃鸝啼在百花枝。箇中無限意。消息許誰知。語未既。遽有僧問曰。心意識。遏捺不住。時如何。曇厲聲曰。是誰遏捺。曇室中謂僧曰。二六時無你。啗啄分無你。趣向分會麼。僧罔措。曇曰。未明三。八。九。難免自沉吟。○自緣住報恩禪院。元季政亂。海上兵動。烽火漲天。三關與寺皆鞠爲茂草。之場。緣盡然傷心。又以興復爲己任。持鉢行化。聚落中隨其地。建華嚴傳經之會。演說因果。屠沽爲之易業。於是施者四集。緣乃於桃源夾河兩堤。甃石建閣。畢工未久。而緣厭世矣。洪武戊申三月一日。早作無疾。如平時。索浴更衣。屬諸弟子以見性爲急。且曰。吾明日將逝。至期呼筆書偈。怡然委順。龕留七日。顏貌如生。茶毗得舍利無算。○惟則字天真。俗



姓費吳興人母夢異僧覺而有娠及誕異香襲人因名僧寶曇年出家受具遊方謁楚石琦千巖長無見觀無用寬等一十八人皆不契後聞匡廬無極源爲雪巖欽法嗣欽嘗命源曰子福薄不宜出世度人年已百歲獨坐茅菴終日不語則徑造之源亦無啓發後值源在廁上乃趨問曰如何是祖師西來意源擒住曰道道則於言下大悟但搖手而已源曰子有所得耶則遽答曰何得之有源曰子作道理耶則拂袖而出自此機鋒不可犯服勤月餘日益玄奧諸方畏服久之掌藏鑰於靈隱後聞受業師老病遂歸侍焉有誓不涉世之語四方學者日闐其門衆請開法海門千指圍繞道價日振洪武初徵天下高僧赴京則當首選俄以足疾賜還海上癸酉春示微疾一日侵晨告衆曰吾去矣侍者乞偈則厲聲曰平常說底不是耶遂瞑目而逝茶毗獲舍利無數頂骨牙齒舌根不壞○崇裕住圓通洪武元年移主阿育寺居五山之一領寺事者俱一時名德繼者頗難其人聞裕之臨少長咸悅香花遠迎者接踵於道時當仲冬風恬

日妍天樂四聞萬口稱頌爭言見未曾有及其接引未悟專指單提向上之功棒喝縱橫逢者膺落

己無盡祖燈禪師入寂日溪沐法嗣

祖燈住天台上雲峰日與其徒修苦行以自給冬一裘夏一葛朝夕飯一盂影不出山者踰五十春秋人多化之以勤勞修持爲急有以土田布施者則辭曰先佛以乞食爲事吾焉用此爲己酉春正月忽示微疾召弟子普饒繼其席二月八日復作書與同袍道別夜將半顧左右曰天向明乎曰未也曰和尚正當此際何如燈破顏微笑曰昔古德坐疾有問云還有不病者乎曰有曰何物是不病者曰阿爺阿爺燈既舉此語良久又曰如此喚做病得否衆皆無言燈祝曰色身無常早求證悟時至吾將行矣侍者執紙求偈燈曰終不無偈便未可死耶侍者請益堅乃書曰生滅與去來本是如來藏撈倒五須彌廓然無背向投筆端坐而逝火化異香襲人舍利不可勝計○永寧住麻蕪山戊申又退歸龍池己酉夏六月示微疾屬弟子裁紙製内外衣且曰吾將逝矣十七日昧爽

起沐浴服紙衣書偈曰七十八年守拙明明一場敗  
關泥牛海底翻身六月炎炎飛雪書畢側臥而化停  
龕七日容貌如生茶毗五色光現齒牙舌輪及數珠  
皆不壞舍利無算烟到士林亦纍纍然生人競折枝  
取之至灰土掬取淘汰獲者亦衆門人各分餘骨與  
不壞者就龍池寺五所建塔藏焉○慧主天界遭  
際昌辰寵賚便蕃凡位居臣列被召必以名惟曇  
詒勅咸以大禪師稱前所未有洪武二年冬曇忽得  
瘡疾遂罷院事○洪武改元首開善世院俾擢有道  
浮屠蒞天下名山杭之淨慈虛席僉欲起嘉興天寧  
力金主之金力辭退居同歸菴迎母以養已而有  
旨起金住大天界寺金至闕見上於外朝慰勞優  
渥即令內官送入院金精通西竺典及東魯諸書與  
縉紳談論霏霏如吐玉屑至於勘驗學子務直指心  
源宗說兼行機用迭發允使聽者敬仰不置

庚  
戊白雲智度禪師入寂

無見頂法嗣  
臨濟□□世

智度居華頂庚戌春二月示微疾浩然有歸志四衆  
堅留度曰葉落歸根吾所願也遂回處州福林纔五

日三月日忽沐浴易衣索筆書偈曰無世可辭有衆  
可別太虛空中何必釘橛遂擲筆而逝闍維得五色  
舍利及齒牙數珠等盛於院西○善學住潯溪光福  
庚戌院僧以官賦違期當徙虔州有司知學專任講  
道欲與辨析學曰吾爲主僧法當坐敢累他人耶遂  
毅然請行或問故學曰宿業已定不可道也庚戌四  
月行抵池陽馬當山示疾而化○寶金居五臺已酉  
燕都平夷戌詔金至南京見上於奉天殿且曰  
朕聞師名久以中州苦寒特延師居南方耳遂留於  
大天界寺時召入問佛法及鬼神情狀○世愚住  
烏石洪武三年冬十二月略示微疾召門弟子勉以  
精進入道索筆書偈曰生本不生滅本不滅撒手便  
行一天明月擲筆而逝

辛亥介菴輔良禪師入寂

廣智新法嗣  
臨濟十八世

輔良住靈隱化緣既周洪武四年正月日手疏衣費  
入公帑散交游及治喪歛之事顧謂左右曰翼日已  
時吾將逝矣及期澡浴端坐書偈而化闍維齒牙堅  
潔舌根紅潤皆無壞者火滅諸舍利珠圓玉噉將至

盈升四衆爭取灰燼爲盡。瘞骨歸雲塔中。初良未告寂時。以書屬後事於同門宗泐曰。吾大期已至。子宜速還。若稍遲遲。不復相見矣。時泐留姑蘇。謂良精神尙彊。豈遽如其所言及治任來歸。良火化已數日矣。良性簡直。舉揚大法。不務緣飾。而西來之旨。自明復以淨土觀門。苦海舟航。時兼修之。未嘗少怠。

○楚石梵琦禪師入寂

元叟端法嗣  
臨濟十七世

洪武四年秋。上以鬼神之理甚幽。意先佛必有成說。妙選僧中通三藏之說者。問焉。琦與夢堂噩等應召而至。館於天界。援據經論。成書將入奏。七月二十二日。琦忽示微疾。二十六日。索浴更衣。跏趺書偈曰。眞性圓明。本無生滅。木馬夜鳴。西方日出。置筆謂噩曰。師兄。我去也。噩曰。何處去。曰。西方去。曰。西方有佛。東方無佛耶。琦震威一喝。泊然而逝。上聞嗟悼。時禁火塋。以琦故。特命開之火。餘齒舌數珠不壞。舍利五色。粘綴遺骨。纍纍然如珠。弟子奉骨及諸不壞者。歸海鹽。建塔天寧。塋焉。壽七十五。臘六十三。○宗泐住徑山。洪武四年春。詔集三宗名僧十人及其

徒二千。建廣薦法會於鍾山。命天界寺力金總持齋事。金對以母老。舉泐自代。復還菴居。泐遂住天界。○初。慧曇主天界。以病謝院事。庚戌春二月。病良已。夏六月。廷義西域。未臣伏。上以彼域敦尙佛乘。特命曇往。曇承命。卽日登途。自浙閩之洋。凡歷國邑。布宣

天子威德。莫不聞而來歸。辛亥秋七月。道憩僧伽羅國。其國王喜甚。館於佛山精舍。寅夜參承。令闔國臣民悉得瞻禮。曇隨機開導。咸蒙法益。九月。示微疾。未幾沐浴更衣。呼左右謂曰。予不能復命矣。跏趺端坐。夜參半。問曰。日將出否。曰。未也。已而復問。至於四三。日出矣。怡然而逝。踰五日。顏貌如生。王大驚嘆。築壇茶毗。王與百僚送至壇下。命比丘千餘。旋繞誦諸陀羅尼。時有白烟一道。上燭於天。薪盡火滅。舍利無算。舌根齒牙不壞。乃收靈骨。附塋其國。辟支佛塔。先是。彼佛曾亦懸記。今之開祔。適符其言。

壬子洪武五年建廣薦法會

太祖卽位之四年。重念元季兵興。六合雄爭。有生之類。不得正命而終。動億萬計。靈氛糾蟠。充塞下上。吊

莫靡至。煢然無依。天陰雨濕之夜。其聲或啾啾有聞。哀衷若疚。且謂洗滌陰鬱。升涉陽明。惟大雄氏之教爲然。乃於冬十二月。詔徵江南有道浮屠十人。詣南京。就蔣山太平興國禪寺。不建廣薦法會。上宿齋室。却葷肉。弗御者一月。五年壬子春正月十三日昧爽。上服皮弁。服臨奉天殿啓。御撰章疏。授禮部尙書陶凱。凱捧出午門。真龍輿中。導至蔣山。俄法駕臨幸雲中雨五色子如豆。十五日將晏。上服皮弁。服僧玉珪。上殿面大雄氏北向立。自迎佛以至望燎。無不極其誠敬。樂凡八奏。首曰善世曲。二曰昭信曲。三曰延慈曲。四曰法喜曲。五曰禪悅曲。六曰漏應曲。七曰妙濟曲。八曰善成曲。解嚴群臣趨出還宮。時隨有佛光五道。從東北貫月燭天。良久乃沒。○明德主淨慈時。當元季戎馬紛紜。逮入聖朝。德以耄年。謝歸道場竹林菴。壬子二月日。示微疾。戒其徒曰。吾身雖微。一眞圓性。與如來等。世相起滅。無異石火電光。晝夜勤行。毋生退轉。吾歿後。當遵佛制。付之茶毗。勿令四衆衣麻而哭也。言畢。索筆寫頌一首。泊

然入滅。壽七十九。臘六十二。火餘頂骨不壞。舍利纍纍出灰燼中。○智順字逆川。瑞安陳氏子。大父母精修白業。既沒。蓮花現門。屏間父娶妻氏。屢至哭。子情不勝哀。乃塑智者大師像。事之一夕。夢像頂有圓光。逆江流而上。招婁氏謂曰。吾當爲汝子及寤。有娠。既生。美質夙成。然自少不喜畜髮。脩然有塵外趣。七歲出家。稍長。受具。讀法華經。歷三月。通誦其文。游方習天台教觀。久之。嘆曰。義學雖益多。聞難禦生死。卽禦生死。舍自性。將奚明哉。遂更衣入禪。走天寶山參鐵關樞。樞授以心要。願欲依樞而住。樞叱曰。丈夫不於大叢林與人相頡頏。局此蠹殼中耶。拂袖而入。願下且過寮。潸然而泣。或慰曰。善知識門庭高峻。拒之卽進之也。樞聞笑曰。吾知其爲法器。姑相試耳。乃延入室。踰月。因如廁。便旋觀中園。瓠瓜觸發妙機。四體輕清。目前大地。綏爾平沉。亟上方丈。求證適樞入府城。順不往見。水濱林下放曠。自如已而歷抵諸師。皆不合。復自念。非樞不足依。洊走閩中。見焉。樞遙見喜曰。我子今來也。順舉所悟求證。樞曰。此第入門耳。最上



一乘則遊在萬里之外也。乃囑曰：汝可悉棄前解專於參提上致力，則將自入閻奧矣。順從樞言，踰五月一日，將晚參，擬離禪榻，忽豁然有省，厲聲告樞曰：南泉敗關，今已見矣。樞曰：不是心，不是佛，不是物，是何物？順曰：地上磚，鋪屋上瓦。覆樞曰：卽今南泉在何處？順曰：鷄子過新羅。樞曰：錯。順亦曰：錯。樞曰：錯。錯。順禮拜而退。樞曰：未然也。乃披大衣，鳴鐘集四衆，再行勘驗。順笑曰：未吐辭前，已不相涉，和尚眼目何在？又爲此一場戲劇耶？樞曰：要使衆皆知之，遂將宗門諸語一一詢順。順一一具答。樞囑曰：善自護持，勿輕泄也。久之，分座說法。樞歿，順嗣住院事，已而同浙尋返永嘉，住報恩，復入閩，住東禪，遷雪峰，還溫，潛居林泉。壬子，懷渭主淨慈，舉順以爲代。順初不從，繼而嘆曰：所賣沙門行者，隨緣應世，何所容心哉？乃振錫而往。○寶金留天界。壬子春正月，既望，上親行獻佛之禮，夜將半，勅金施摩陀伽斛法食，竣事，寵賚優渥。夏五月，悉鬻衣孟之資，作佛事七日，乃示微疾。上知之，親御翰墨，賜詩十二韻，有玄關盡悟，已成正覺。

之言時疾革，不能詣闕謝。至六月四日，沐浴更衣，與四衆言別，正襟危坐，目將瞑。弟子請曰：和尚逝則逝矣，不留一言，何以暴白於後世？耶金曰：三藏法寶，尙爲故紙。吾言欲何爲夷然而逝？後三日，茶毗，獲五色舍利，齒舌數珠，不壞，紛然爭取，灰土爲盡。

丑癸 無夢曇噩禪師入寂

曇噩隱居象山瑞龍別室。洪武三年，詔徵江南有道僧而噩與焉。館於天界寺，旣奏對，上憫其年耄，放令還山。六年二月，時噩年八十有九，一旦無疾，忽戒浴易衣，出器物分遺叢林諸友。命弟子曰：三界空華，如風捲烟，六塵幻影，如湯澆雪，亘古亘今，惟一性獨存。吾之幻軀，今將入滅。滅後，闍維煨骨爲塵，不可建塔以累後世。聽吾偈曰：吾有一物，無頭無面，要得分明，涅槃後看言訖，歛目危坐而逝。○可授住龍華一坐。十三春，洪武六年，遷中天竺，行至錢塘江濱，淨慈諸勤舊謀曰：此大善知識，胡可失也？天竺尙可致，吾屬獨不能耶？帥衆邀居其位。○智順赴淨慈，欲大有設施，而諸僧負官通者，係累滿庭，順爲出涕，悉代。



償之洪武六年至南京僅四閱月沐浴書偈而逝閣維獲舍利無算○慧照住阿育九年退於妙喜泉上築室曰夢菴掩關獨處凝塵滿席不顧也洪武癸丑十月朔召門弟子曰吾將西歸汝輩有在外者宜趣其還越七日屬後事於住持崇裕沐浴更衣索紙書偈書已恬然化滅壽八十五夏七十茶毗牙齒眼晴及數珠不壞餘成舍利五色爛然○力金退居同歸菴洪武五年冬復建法會大駕臨幸詔金闡揚第一義諦自公侯以至庶僚環而聽之靡不悅服六年十二月日忽示門弟子曰吾有夙因未了必當酬之汝等勿以世相逼我未幾示微疾謝去醫藥飲食手書一偈委順而化停龕六旬始行茶毗視其貌如生數珠齒牙不壞設利羅無算觀者競取之而去

甲印原禪師入寂中峰本法師  
臨濟二十世

印原自明本記前所至皆以叢林師子兒稱之會清拙澄將入日本建立法幢原送至四明澄曰子能同歸以輔成我乎原曰雲水之蹤無住無心何不可之有卽攝衣升舟其後澄能化行遐邇者皆原力也原

還日本歷主名利洪武甲寅春正月日夜參半召門人謂曰吾今日逝矣爾等卽龕瘞之母狗世俗行祭奠禮更可偏語諸刹舊弟子恪守吾平日所訓使法輪永轉可也黎明賓朋候問起居應接如平常及午呼侍者曰時至矣可持觚輪來及至復曰吾塔已成惟未書額耳大書心印二字入室端坐泊然入滅○李願證字大猷姑熟人母陶無嗣晝夜禱於觀自在佛夜夢一比丘尼乘白鹿車抱嬰兒授曰此福慧兒也善視之既而有娠生未逾月兒忽身熱如火不進抱母復夢前比丘尼持栗數顆嚼食之夢覺兒汗下如雨遂瘳年四歲嬉戲父膝下因授以記姓書兒曰此有何義讀之將奚爲父大驚更以孝經一誦卽能闇記稍長益駿發異常父嘗手書楞嚴圓覺二經逐卷取讀之力白父母出家祝髮受具久之杖錫來南京謁慧曇於天界曇命爲侍者謂曰子才銳甚宜留意文學他日期子弘宗持教也於是獨坐一室竺墳魯典無不研窮尋命掌記戊申出世嘉興水西寺庚戌遷吳興道場未幾退居武康山中著觀幻子內外

篇以合儒釋一貫之妙。癸丑冬還天界時。宋濂侍  
上升武樓遙望禪林。顧濂曰。中有良僧乎。對曰。近有  
二僧從吳越中來。皆能文辭。上曰。其名謂何。曰。一  
則願證。一則證傳。上曰。試取觀之。濂因進證傳文  
一編。上親覽終卷曰。是或儒者之所不及。復問願  
證所著。曰。太常丞張丁家有往復論性書。遂遣中官  
召丁携證書至。上復覽如前。喜曰。論議甚高。其鐵  
中錚錚者乎。明日乃召見。謹身殿慰勞備至。敕  
吏部二僧皆除應奉翰林文字。賜第太平門。及妻妾  
各二。令中秘給書籍。閉門習讀。三月俟髮長。勝冠然  
後蒞職。後三月證有疾。中使問疾者。絡繹於道。竟不  
起。病將革時。惟仰首言曰。死則死所可憾者。受上  
深恩。不能報爾。遂口授其友草謝表。表未終而逝。  
上夜夢證來謝服大布寬衣。巾稍欹。叩其家人服色  
正。同因移棺。據巾不正。上尤爲嗟異。時甲寅春二  
月也。壽三十七。證傳即郭傳字文遠。會稽人。與證同  
召。後陞修起居注。遷考功監令。一日上謂濂曰。卿  
言楞伽爲達摩氏印心之經。朕閱之信然。人至難

持者心也。觸物而動。淵淪天飛。隨念而遷。凝冰焦火。  
經言操存制伏之道。實與儒家言不異。使諸侯卿大  
夫人咸知此。縱未能上齊佛智。其禁邪思。絕貪欲。其  
不胥爲賢人君子之歸。濂對曰。誠如聖諭。第其文  
學簡古。義趣淵微。宋臣蘇軾頗嘗患其難讀耳。上  
曰。此書生纏蔽文義之過也。朕於宮中略覽數過。已  
悉領其大旨。即勅奉御取經示濂。且點誦曰。如佛  
語心品第一卷所言。諸識有二種生。謂流注生。及相  
生。有二種住。謂流注住。及相住。有二種滅。謂流注滅。  
及相滅。此三相者。最爲微隱。惟佛能究言之。第四卷  
所言。自心妄想。非性智慧。觀察不墮二邊。先身轉勝。  
而不可壞。得自覺聖。趣是般若。波羅蜜。此言六度萬  
行。互相融攝。成菩提分。皆絲般若成立。尤爲深切。般  
若心。經金剛般若經。皆心學所繫。不可不講習也。○  
可傳自得法於元長。去棲范蠡。嚴嚴有虎。一夕避去。  
杭之仁和。去城東五里。所其地當元季爲戰鬪之區。  
莽無居人。及歸。我明遺民稍集。往往好勇嗜利。屠羊  
豕以成肆。傳憫之。托鉢行化。有稽道真與金藏者。首

爲迎禮。先是真夢異僧至其廬。倡倡爲贈。及見傳。儼然與夢不殊。真遂與薊日乞食。饋傳且請右族共建精舍。一區。甲寅七月訖。功名其菴曰圓應。○普仁住智者禪寺。一坐十五夏。別築燕居於西麓。曰潛菴。將有終焉之志。洪武戊申。抗之中竺。請仁住持。仁欲往。郡守從容問曰。佛法有重輕耶。曰。否。曰。佛法既無重輕。師位寧有崇卑耶。仁一笑而止。甲寅淨慈虛席。使者自武林凡三至。仁乃起而應之。開法曰。黑白環聽者千人。各挹深飲。醴嘆咏而去。○初無愠參。竺元道公請問。狗子無佛性。話纔開口。被道一喝。愠大悟。通身汗下。因呈頌云。狗子無佛性。春色滿皇都。趙州東院裏。壁上掛葫蘆。道乃發笑曰。恁麼會。又爭得。愠拂袖便出。嘗謂同參曰。此事如魚飲水。冷暖自知。決不在語言文字上。我輩若不遇這箇老和尚。幾被知解埋沒。一世公等設有把茆蓋頭。當不忘所自出世住明州靈巖。遷台之瑞巖。示衆穩坐家堂。因甚。主人翁不識掀翻大海。擲碎須彌平地上。因甚。擡脚不起。眼光燦破四天下。自家眉毛落盡。因甚。不見前後下語。

者多不契學者。方景從。竟謝事入松巖。松巖在萬山之巔。人跡罕到。愠至。悉謝遣徒御。但緘一書寄寺衆。衆發緘。乃退院上堂。讀也。遂抵巖。泣請還寺。愠堅拒不允。甲寅東夷聞愠名。使者入貢中國。兼奏請住持。愠至南京。以老病力辭。上憫而不遣。留處天界時學士宋濂遇休沐。必訪愠。劇談道妙。是年冬。歸隱鄞江。丙寅七月日忽示微疾。僧問疾者。至愠。惟力談禪病。勉以祖道。自重。無一語及世間相。索筆書偈云。七十八年無法可說。末後一句。露柱饒舌。咄。端坐而逝。○乙德隱普仁禪師入寂。普仁住淨慈。乙卯春秘書事起。有誣智者寺僧。購名畫以歸者。事下刑曹。刑曹以仁舊主寺者。當知其是非。逮而質焉。事將白。仁忽示微疾。於京師寓舍屈指計曰。今夏五月矣。左右曰。然。曰。此八月八日最良。吾將逝矣。至期整衣端坐而逝。雖當瘞暑。容色不變。○可授居淨慈。二載。洪武八年八月日。擊鍵椎集衆。再三申精進之戒。手撾鼓而退。歸臥竹院。忽示微疾。端坐西向。召左右謂曰。吾將逝矣。左右進觚翰。請書偈。

授麾去之曰。吾宗本無言說。乃合爪連稱佛號。至聲漸微而寂。茶毗齒牙貫珠不壞。舍利光色晶瑩如金銀水精者。徧滿於地。○懷渭自淨慈退居錢塘梁渚。問道者接踵而至。乙卯十二月日。忽示微疾。召門弟子。屬以後事。怡然而逝。火化得不壞者三。曰牙齒曰鉢塞。莫曰室利羅。渭軀分短。小神宇超朗。終身持誦金剛經。未嘗虛日。報國入院季秋。而山丹發花一枝。五莖如佛手。然淨慈行化有陳氏婦。預夢神僧臨其門。及渭至。稽首作禮。願爲尼。以相依。渭舉大法開導之。其婦恍若有所悟。入渭行未百步。而婦竟與家人別。坐脫而去。○初晉義熙中有西域僧法情。至廬山與慧遠結社。已而蘇以念佛三昧化導有情。蘇人翕然歸之。爲建淨壽院。後改名萬壽。元末天下大亂。寺爲兵所焚。洪武癸丑。蒲圻魏觀來爲郡。周視廢基。蹙額言曰。是刹之廢。不得名浮屠不足以起之。行中仁公乃寂照和尚。世適今住虎丘德涵道融。堪爲人天師中興之責。庶其是在。是乎遣使致書。幣凡三往。而後應之。仁泊然獨居。未幾遠近清修士魚貫而來。仁

曰。可矣。於是重興殿宇。百廢具舉。乙卯冬十月告成。仁太息曰。吾耄矣。宜選春秋強盛者繼之。乃退居松林。蘭若勤舊合輿議。延景璫繼其席。璫字瑩中。

丙辰明叟昌禪師入寂。千巖長法嗣臨濟廿一世

明叟昌得法元長。元至正己亥與弟子無聞聰結菴浦江縣東十五里。其地曰花山。菴名棲靜精舍。晝夜以禪寂爲務。洪武丙辰十月日。一旦無疾辭衆。說偈曰。生本非生。滅亦無滅。撒手便行。虛空片月。說已端坐而逝。昌及聰繼之弗懈。益虔。

戊午樸隱元潛禪師入寂。元叟端法嗣臨濟十七世

元潛住靈隱入院甫浹日。左右請曰。寺政實繁。乏都寺僧司之。有德現者稱多才。昔掌崇德莊田。能關其萊蕪。以食四衆。儻以功舉。其誰曰不然。潛諾之。先是勤舊有聞。歆現之獲田利。率無賴比丘。請前主僧代之。及現被選。大懼發其奸私。走崇德縣。列現過失。縣令丞責不問。未幾有健令至上。其事刑部。刑部訊鞠。既得實。以潛爲寺長。法當緣坐。移符逮潛。或謂潛曰。此三年前事。爾況師實不知。且不識閒宜。自辨訴可。



也。潞笑曰：定業其可逃乎？至部，部主吏問曰：現之犯禁爾知之乎？曰：知之。曰：既知，當書責款。以上潞即操觚如吏言，尚書暨侍郎覽之大驚，曰：師當今名德也，惡宜有是。洛審之潞了無異辭，於是皆謫陝西爲民。聞亦大悔，且泣曰：聞草芥耳，豈意上累師德，蚤知至此，雖萬死不爲也。潞弗顧，行至寶應，謂從者曰：吾四體稍異常，時報身殆將盡乎？夜宿寧國禪寺，潞女弟之夫陳義安時爲青州衛知事，移戍鳳陽，以道經寺中，潞悅曰：吾遺骸有所托矣。是夕共飯，猶備言遷謫之故，不見有魘色。明旦忽端坐合爪，連稱無量壽佛，名泊然而逝。龕斂火焚，骨間舍利叢布如珠。○智及居穹窿，戊午八月示微疾，九月四日索筆書偈而逝。茶毗火燄化成五色，有氣襲人如沉香齒牙數珠不壞，遺骨紺澤，類青琉璃，舍利交綴於上。○慧朗別號幻隱，台州項氏子，七歲患疽，置床上忽不見，已而求得之，問其故曰：頃睡中有四童子昇至此，無他也。翼日疽愈，既長出家，參行端端，問東嶺來，西嶺來，朗指草鞋曰：此是三文錢買得，端曰：未在更道，朗曰：

某甲只如此，和尚作麼生？端曰：念汝遠來，放汝三十棒，朗乃悟旨。久之遂罄底蘊，曰：纔涉思惟，皆爲剎法，出世五峯，戊午住靈隱。

紀東溟慧日法師往生淨土天台宗

慧日住天竺前後二十五年，洪武改元始獲謝事，時有學僧伽奉詔入京，魚貫而見，日年最高，白眉朱顏，其班前列。上親問以升濟沉冥之道，日備述其故。上悅，顧衆謂曰：邇來學佛者，惟飽食優游，沉埋歲月而已。如金剛楞伽諸經，皆攝心之要典，何不研窮其義，苟有不通，質諸白眉法師可也。自後數召見，字而不名。及建鍾山法會，請日說毗尼淨戒，辭歸上天竺。日修西土安養之學，十二年秋七月朔日，夢青蓮華生方池中，華色敷腴，清芬襲人，既寤，召弟子曰：此生淨土之祥也。吾去人間世殆不遠乎？至四日，跌坐書頌合爪而寂，壽八十九臘七十三，藏全身於山之西峯，日軀幹修偉，眉長一寸餘，其白勝雪，目睛閃閃射人，道德餘光所照，不問耄倪，見日經行，輒曰：我白眉和尚來也。爭持香華以爲供養，居嘗顏面嚴。



冷片言不妄發。即發雖對王公大臣。未嘗出一軟媚語。至於誘掖後進。色溫如春陽。

辛酉 萬峯時蔚禪師入寂 千巖長法嗣 臨濟廿一世

時蔚住鄧蔚山三十餘年。學徒奔湊。示衆大凡參學做工夫者。先將平日所知所見人我利名。盡情掃却。然後將本參話頭。頓在目前。行住坐臥時也。參著衣喫飯時也。參屙屎送尿時也。參靜鬧閑忙時也。參喜怒哀樂時也。參但於十二時中心。心無間念念相續。不忘這箇話頭。須是大起疑情。大疑即大悟。不疑即不悟。悟即悟自本心。明即明自本性。古人云。佛見法見。是一種鐵圍山。若有所見。盡成其障。所以證道歌云。心是根。法是塵。兩種猶如鏡上痕。痕盡除。光始現。心法雙忘。性即真。此事不論根性利鈍。即要信得及。行得切。時節到來。忽然觸著。磕著洞明。大事祖師云。我本求心不求佛。法界元來無一物。佛者覺也。如何是覺。因呵呵方知。此語實無妄也。且道笑箇什麼。經云。心生大歡喜。自知當作佛。然須如是。須經大善知識。爐鞴煅煉。將來方可續佛慧命。謹參洪武辛酉。

正月十五日告衆曰。吾今時節至矣。大衆切莫遠去。二十九日忽沐浴更衣付囑曰。如今已得須向山間林下。鑽頭邊接引一箇半箇。闡揚吾道。報佛恩德。不可攀高接貴。輕慢下流。逐利追名。迷真惑道。如今末法將沉。汝等切須仔細。復書偈曰。七十九年一味杜田懸崖撒手。杲日當天。遂跌坐而逝。塔全身於院西。蔚一生清苦。衲衣蒲履之外。錙銖不蓄。至於室中畢古。驗今直截根源。並無剩語。所有示衆法語等。不肯留傳。但曰。從上佛祖言說。句句朝宗。言言見諦。後學初機。略不聽從。況吾區區杜田話柄。乎悉付火爐。門人記錄。略成文卷。仍行於世。得法弟子甚衆。而無念勝學者。獨號能紹其傳云。

佛祖綱目卷第四十一終

余編次佛祖綱目四十一卷。甫竣。崇禎壬申春。黃澹志王心岫諸君子。倡導勸緣。謀付剞劂。是年七月。余忽患脾疾。老年精血乾枯。似無生理。余於生死業已。

坦然獨是書佛祖命脉所關。校勘刊刻。刷印流通。須一一躬親。非歲月了局可柰。何是夜夢人持書一封。像一幅。啓視書云。知汝欲開坦然書院。像則夢中竊計此丁南羽所畫觀音大士像也。明旦脾疾遂愈。因追憶萬曆丁巳元旦五更夢入一殿宇。莊嚴高聳。金碧輝煌。大士身長丈餘。南面而立。余方拜起。大士手抱一嬰兒授余曰。無智亦無得以無所得。故豈所爲坦然者。卽無所得之真種子。令余小子普覺大千盡未來際。而共證無生乎。阿那含拘尼佛偈曰。佛不見身。知是佛。若實有知。則無佛。智者能知罪性空。坦然不怖於生死。實有知則無所得。無所得則坦然。此正先佛後佛互證教外別傳之秘旨。而余小子編次四十一卷綱目之微意也。學者其無忽諸。

壬申臘月三十日五更夢一縉紳相貌非常。揖余而謝曰。拙稿蒙老先生訂贖。余曰。老先生真稿。未知有幾篇。曰。四十一篇。是日偶人按嘉興新進談生考卷來。揭視首題下註云。宗師考取第幾十名。首卷次題云。太尊考取第幾十名。首卷既云。幾十名。又云。首卷。余怪問。故則曰。卷者篇也。始悟夢中四十一篇者。乃綱目四十一卷云。事關佛祖冥證。不得不附跋於此。佛弟子朱時恩謹識。

佛祖綱目。迥異他書。上續慧命。下度群品。真心樂助者。固已旋趨於覺路。見聞隨喜者。亦且共脫夫迷途。本願大法流通。統祈自他兼利。眞如福德。各各無邊。至於王心岫居士捐貲助刻。首末二本外復助刊刻。刷印銀貳拾兩。特願過去先祖王朝松。先祖母毛氏。先父王孫熙。先母張氏等。盡獲超昇。現在側室顧氏。長男王鈺生。母盧氏。次男王鉉生。母盧氏等。均蒙保佑。本邑道人彈指無非佛事云。

皇明崇禎癸酉孟冬日。心空居士朱時恩敬書。

# 皇明名僧輯略

明・雲棲株宏 編



皇明名僧輯略凡例

一生於元示寂於本朝者錄示寂於元者不錄

一楚石以下十家各有語錄不能悉具全書其上

堂示衆普說拈頌題咏諸雜著等皆錄少分

一附錄者宋景濂學士集中所載諸善知識序文

誌銘亦以曾與本朝者錄其少分

一又附者以失記普濟師朝代故

目錄

楚石琦禪師

毒峯善禪師

空谷隆禪師

天琦瑞禪師

傑峯英禪師

楚山琦禪師

性原明禪師

雪庭禪師

笑巖寶禪師

古音琴禪師

附錄

古鼎銘禪師

雪窗光禪師

南堂欲禪師

徑山悅空禪師

佛光普照禪師

璧峯金禪師

東溟日禪師

孤峯德禪師

又附

高麗普濟禪師

皇明名僧輯略

明雲棲寺比丘 祿宏 輯

楚石琦禪師

行實

師諱楚琦。楚石其字也。寧波府象山縣人。姓朱氏。年九歲授經於訥翁謨公。十六剃染。閱楞嚴經。有省。隨元叟端公入京。聞西樓鼓聲。汗如雨下。因偈曰。捉得紅爐一點雪。却是黃河六月冰。見元叟。元叟許可。會報恩虛席。以待師。勉赴而築室西齋。爲終焉之計。師形軀短小。而神觀精明。舉揚正法。無愧妙喜。世壽七十五。僧臘六十三。有六會語錄行世。

上堂

除夜小參。善哉三下板。知識盡來參。既善知時節。吾今不再三。諸仁者。一舉更不再舉。今已再舉。一聞更不再聞。今已再聞。頭頭上明。物物上了。如理如事。亘古亘今。不是涅槃。心亦非正法眼。恁麼恁麼。三世諸佛。祇言自知。不恁麼。不恁麼。六代祖師。無啓口處。設使言前薦得。猶爲滯殼迷封。假饒句下精通。未免觸。



迷狂見今紅爐上拾得一點雪枯木上糝些子花與  
你諸人赴箇時節殘燈隨臘盡爆竹送春來復舉盤  
山云向上一路千聖不傳慈明云向上一路千聖不  
然妙喜云向上一路熱盃鳴聲師云三大老盡力道  
只發明得向下一路若是向上一路驢年未夢見在

普說

上堂舉僧問乾峯十方薄伽梵一路涅槃門未審路  
頭在什麼處峯以拄杖畫一畫云在這裏師云白雲  
萬里僧舉前話問雲門門云扇子跨跳上三十三天  
築著帝釋鼻孔東海鯉魚打一棒雨似盆傾師云白  
雲萬里忽有人出來問天寧與麼批判還慳得二大  
老意麼向他道白雲萬里呵呵囉囉哩囉囉哩囉  
囉哩利利塵塵知幾幾十字街頭石敢當忽然吸竭  
滄溟水你輩茄子瓠子那裏知得拍禪牀便起  
當晚小參僧問諸佛不出世祖師不西來佛法徧天  
下談玄口不開既是佛法徧天下爲什麼談玄口不  
開師云南斗七北斗八進云未審此理如何師云去  
去西天路迢迢十萬餘乃云人天衆前激揚此事也

須是本分衲僧始得若非本分衲僧未免遭人怪笑  
只如適來禪客立箇問頭怎麼答他却理會不得再  
舉一徧既是佛法徧天下爲什麼談玄口不開簷聲  
未斷前宵雨電影還連後夜雷

結夏小參僧問如何是山裏禪師云胡孫上樹尾連  
顛進云如何是城裏禪師云十字街頭一片靚進云  
如何是村裏禪師云扶桑人種陝西田進云謝師答  
話師云蒼天蒼天乃云衣食養壽命一日不可無糞  
埽敵寒暑纏纏瘵形枯昨日三春今朝九夏何不趁  
色身強健時撥教生死路頭明白要去便去要住便  
住誰障得你誰礙得你豈不俊哉豈不快哉且道生  
死路頭作麼生撥空手把鋤頭步行騎水牛人從橋  
上過橋流水不流若不會與你下箇註脚空手把鋤  
頭驟馬上高樓步行騎水牛鬧處冷秋秋人從橋上  
過飯糲頭受餓橋流水不流撥火覓浮漚時不待人  
參復舉圓覺經云居一切時不起妄念於諸妄心亦  
不息滅住妄想境不加了知於無了知不辨眞實師  
云若然道有也得道無也得向上也得向下也得得

也得不得也得數片白雲籠古寺一條綠水遶青山

### 示衆

師云一朝寺院主萬劫出頭難大難大難若是箇漢佛語祖語不教蘊在胸襟掉向他方世界何況世間淺近之學便誦得四韋陀典但增妄想堪作甚麼食人涎吐未有了日不如無事好見我道無事便作無事會又爭得若要真箇無事須下死工夫夫死一回死中得活便能超毗盧越釋迦百千重七通八達祖師巴鼻向上宗乘盡與掃除不勞拈出雲門云我今日共你說葛藤屎灰屎火泥豬疥狗不識好惡屎坑裏作活計汝若跳出屎坑却來山僧手裏喫棒示衆看這般時節有志學道兄弟那裏放包從上來建立門庭爲什麼事可但爲你幾鄉親法眷圖口腹恣無明成羣作隊造地獄業佛法禪道推向一邊爭知業報卒難避不得刀山劍樹鑊湯爐炭無人替代渠如今大方叢林兵變以來南北東西萬中無一因什麼如此蓋是惡貫滿業果熟自作自受更教誰承當祖師勸你出家終不但爲衣食名利拋鄉別井也

只爲生死事大無常迅速尋師訪友切切究明噴地一發成佛作祖去報父母深恩去度脫天下人去既不如此因何出家冷地思量古風大好饑則乞食寒則補衣日中一餐樹下一宿旅泊三界示一往還永斷無明方成佛道豈不見無業國師示衆云古人得意之後茅茨石室折脚鐺裏煮飯喫過三二十年名利不干懷財寶不爲念大忘人世隱跡巖叢君王命而不來諸侯請而不赴豈同吾輩貪名愛利汨沒世塗如短販人有少希求而忘大果與麼指示可煞分明作福不如避罪多虛不如少實在此衣線下一道圓光阿誰無分莫教失却人身只要你直下攝取便與佛祖齊肩若道山僧妄語甘入拔舌地獄示衆教中有六念念佛念法念僧念戒念天念施祇僧門下念箇什麼若道念佛念著佛字漱口三日不可是念佛也若道念法法尙應捨何況非法不可是念法也清淨行者不入涅槃破戒比丘不入地獄不可是念僧也持犯徂束身非身無所束不可是念戒也三界無安猶如火宅不可是念天也施者受者併

所施物三輪空寂俱不可得。不可是念施也。莫是無念麼。纔無念便是有念。避溺投火。轉見病深。直饒獨脫。無依。要作山僧奴子。未可在欲得會麼。千年無影樹。今時沒底靴。

舉雲門一日拈拄杖云。凡夫實謂之有二乘。析謂之無緣覺。謂之幻有菩薩。當體卽空。衲僧見拄杖。但喚作拄杖。行但行坐。但坐。總不得動著。妙喜云。我不似雲門老人。將虎空剎窟。籠鶻拈拄杖云。拄杖子不屬有不屬。無不屬。幻有不屬。卽空。卓一下云。凡夫二乘緣覺菩薩。盡向這裏各隨根性。悉受用。惟於衲僧分上。爲害爲冤。要行不得。行要坐不得。坐進一步則被拄杖子迷却。路頭退一步則被拄杖子穿却。鼻孔只今莫有不甘底麼。試出來與拄杖子相見。如無來年更有新條在。惱亂春風。卒未休。凡夫不合起。有二乘不合起。無見緣覺不合起。幻有見菩薩不合起。當體卽空。見不可放過。雲門老漢貪觀白浪。失却手橈。累天下衲僧。總落拄杖圈。積放過不可好。與一坑埋却。

舉昔有一婆子。施財請趙州和尚。轉大藏經。趙州下禪牀。遶一匝云。轉藏已畢。人回。似婆子婆子云。比來請轉一藏。如何。和尚只轉半藏。妙喜云。衆中商量道。如何是那半藏。或云。再遶一匝。或彈指一下。或咳嗽一聲。或喝一喝。或拍一拍。恁麼見解。只是不識。蓋若是那半藏。莫道趙州更遶一匝。直饒百千萬億匝。於婆子分上。只得半藏。設使更遶須彌山百千萬億匝。於婆子分上。亦只得半藏。假饒天下老和尚。亦如是。遶百千萬億匝。於婆子分上。也只得半藏。設使山河大地。森羅萬象。若草若木。各具廣長舌。相異口。同音。從今日轉到盡未來際。於婆子分上。亦只得半藏。諸人要識婆子麼。良久云。鴛鴦繡出從君看。不把金鍼度與人。師云。這婆子謂趙州只轉半藏。弄假像真。當時只消道。何不向未遶禪牀時會取。

舉德山小參示衆云。老僧今夜不答話。問話者三十棒。時有僧出禮拜。德山便打僧云。某甲。話也未問。爲什麼打某甲。山云。你是甚處人。僧云。新羅人。山云。未跨船舷。好與三十棒。法眼云。大小德山。話作兩橛圓。

明云大小德山龍頭蛇尾雪竇云德山握閫外之威  
權有當斷不斷不招其亂底劍要識新羅僧只是撞  
著露柱底瞎漢

塗毒鼓未擊早是鴨聞雷漫天網未收躍鱗衝浪  
來德山老德山老正令當行非草草法眼重加矢  
上尖圓明更向聲前掃千古流芳雪竇師長劍在  
手親提持

舉德山挾複子到瀉山上法堂從東過西從西過東  
瀉山默坐不顧德山云無無便下去復云也不得草  
草遂具威儀見瀉山提起坐具云和尚瀉山擬取拂  
子德山便喝當時背法堂著草鞋便去瀉山至晚問  
首座適來新到在什麼處首座云當時背法堂著草  
鞋便去瀉山云還識此子麼已後向孤峯頂上蟠結  
草庵呵佛罵祖去在

作家相見無背無面眼似流星機如閃電提起坐  
具略露鋒銳擬取拂子脚乘快便已後孤峯結草  
庵牛頭向北馬頭南

開示

夾縫夾

既稱長老出世爲人驗如金錘刮眼膜非是小事若  
傷鋒犯手未免破睛危乎險哉間不容髮豈可恣矜  
袋掉三寸舌脫空瞞人你看他挾山初住京口寺已  
有發明到垂手處不無滲漏後往華亭見船子及船  
子向他道離鉤三寸子何不道道不得劈口一撓竿  
頭絲線從君弄不犯清波意自殊始大徹所以道參  
禪須是悟始得悟了須是見人始得若不見人只成  
杜撰禪和說拍盲禪到處教壞人家兒女去也第一  
本領要端正履踐須明白院子大小正當置之度外  
臨濟下風穴首山何嘗聚三百五百衆來至今道行  
天下所謂山不在高有仙則名也

又云兄弟開口便道我是禪和及問他如何是禪便  
東觀西觀口如扁担相似苦哉屈哉喫著佛祖飯不  
去理會本分事爭持文言俗句高聲大語略無忌憚  
全不識蓋有般底不去蒲團上究明父母未生前本  
來面目冷地裏學客春指望求福懺除業障與道太  
遠在○凝心歛念攝事歸空念想纔生即便遏捺如  
此見解即是落空亡的外道魂不返的死人又有妄

返轉

認能瞋能喜能見能聞認得明白了便是一生參學事畢我且問你無常到時燒作一堆灰這能瞋能喜能見能聞的什麼處去也。怎麼參的是藥汞銀禪此銀非真一煅便流因問你尋常參箇什麼答道有教參萬法歸一一歸何處又教我只如此會今日方知不是就和尙請箇話頭我道古人公案有什麼不是汝眼本正因師故邪累請不已

## 淨土詩略卷十首

有箇彌陀在自心。纔生一念隔千岑。於中豈待回光照。直下翻爲向外尋。綠水青山皆妙體。黃鶯紫燕總玄音。凡夫只爲貪瞋重。不覺身棲寶樹林。遙指家鄉落日邊。一條歸路直如弦。空中韻奏般般樂。水上花開朵朵蓮。維樹莖成百寶羣。居服食勝諸天。吾師有願常垂接。不枉翹勤五十年。一朵蓮含一聖胎。一生功就一花開。稱身瓔珞隨心現。盈器酥醅逐念來。金殿有光吞日月。玉樓無地著塵埃。法王爲我談真諦。直得虛空笑滿腮。願將參法會。禮金仙。漸逐香風出寶蓮。紅肉髻光流不

## ◆特擬持

盡紫金身相照無邊重重樹網垂平地一一華臺接遠天。諸佛界中希有事了如明鏡現吾前一寸光陰一寸金。勸君念佛早回心。直饒鳳閣龍樓貴。難免雞皮鶴髮侵。鼎內香煙初未散。空中法駕已遙臨。塵塵刹刹雖清淨。獨有彌陀願力深。金作層樓玉作臺。琉璃田地絕纖埃。惟心淨土無高下。自性彌陀不去來。紅日初非天外沒。白蓮只在意根栽。衆生障重須存想。想極情亡眼豁開。莫將胎獄比華池。早向池中占一枝。却坐寶華成佛子。何煩慈母浴嬰兒。口餐法喜眞饒饒。心得明門妙總持。般若臺前定回日。令人長憶雁門師。多言極樂向西尋。究竟不離清淨心。空影入池皆碧玉。日光穿樹盡黃金。事如夢幻雖非實。理到圓常却甚深。八萬四千眞相好。請君危坐扣靈襟。須摩提國讚何窮。不與他方佛境同。百味酸甜長滿鉢。一身輕健任游空。初心便獲無生忍。具縛能教宿命通。今古往生留傳記。盡塵沙界扇慈風。念極心開見佛時。自然身到碧蓮池。火輪罪淨千千



劫琪樹光分萬萬枝。善友深談終不厭。靈禽妙語實難思。功成果滿須臾事。尚謂奔流閃電遲。

祿宏曰。本朝第一流宗師。無尚於楚石矣。築石室。扁曰西齋。有西齋淨土詩一卷。行世。今止錄十首。以見大意。彼自號禪人。而淺視淨土者。可以深長思矣。

### 毒峯善禪師

#### 上堂

諸大德。既來這裏。相從貧道。參禪究明生死。須依貧道家風。行持他後。決不相賺。各各俱要屏息身心。諸緣一心向道。追復百丈以前。釋迦老子所行。頭陀之行。是謂家風。此之苦行。頭陀經中具載。請自檢看。然雖今人難比。古人且請於中行得一半。庶亦得瞻頭陀苦行之少分矣。不可似今時學者。全不問著。甘作無慚愧人。佛法驢年會得。只如世尊當時。饑則領衆持鉢入城乞食。歸則各處岩穴之間。後來趙州。諗和尚三十年。不開口告人。不雜用心。區但山和尚。唯餐象栗。過日丹霞。然和尚一生。只箇布裘。更看芙蓉楷。

和尚不發疏簿。不請化主。一生唯事淡泊。此諸尊宿。俱是行頭陀苦行家風。所以一箇箇魁壘秀出。於當時而千古之下。爲世所尊。上諸大德。若依此苦行而行。持久之不移。不易。則僧問如何。是佛雲門道。乾屎橛。管取呵呵大笑。嘗有僧問如何。是和尙家風。答曰。前江潮急。魚行遶。後嶺松高。鳥泊難下座。

上堂。僧問。昔高峯和尚。示衆云。海底泥牛銜月走巖前。石虎抱兒眠。鐵蛇鑽入金剛眼。崑崙騎象驚絲牽。此四句內。有一句能殺能活。能縱能奪。若人點檢得出。許你一生參學事畢。不知是那一句。師云。待你悟。卽向你道。會麼。僧云。不會。師云。不見道。你有主杖子。我與你主杖子。你無主杖子。我奪却你主杖子。下座。

#### 開示五羊深禪人

若了自心。本來是佛者。一切惟假名。況復諸三有。儻爾於斯直下。不能領略。別無方便。但將吾所付之念。佛公案。用心提撕。單單參究。以期徹悟。精進不懈。勇猛無怯。務要討箇明白。而後已。欲上參時。先須拌捨世間恩愛利名等事。使身心灑落。虛融淡泊。切切以。

了生死大事爲己重任。抖擻精神。看這念佛底是誰。要在這誰字上著到。深下疑情。疑這念佛底是誰。故謂大疑大悟。小疑小悟。不疑不悟。良哉言也。你若纔有切切之心。疑情重也。話頭自然現前。絲絲密密。淨念相繼。凝定身心。回光返照。執而持之。勿令間斷。一念不生。前後際斷。目前空。牢牢地。胸中虛。碧地澄澄。湛湛。卓卓巍巍。到此喚作生滅。滅已寂滅。爲樂。正好再見。眞善知識。掃除悟跡。別立生涯。不受天下老和尚舌頭。顛然後水邊林下。保養聖胎。待時龍天推出。方可爲人也。

## 囑大川關主

欲作吾家眞種草。要須直下坐斷。聖凡情量。不守靈鑑。虛明廓亡。自他當體。不顧亦不作。無已知解。自然本體露現。如大日輪昇於虛空。無處不照。正恁麼時。若有箇承當底人。則不能於那事相應。此是佛祖自證三昧。比比不相知。各各不相到。喚作大事。因緣空生身子。睥睨不著三賢十聖。只爲聖心未忘。見性如隔羅縠。饒你才並馬鳴。解齊龍樹。亦只得一生兩生。

不失人身。此是根思夙淨。聞之即解。去道逾遠。況小智薄德淺之學者乎。又如慧可大師。無書不解。無經不通。到初祖面前。一詞不措。万覓安心。從斯一切放下。心如牆壁。至於立雪斷臂。猶不肯可。及乎瞥地一下。則禮三拜。依位而立。始曰。汝得吾髓。此豈造次近世學者。心靈認指爲月。天地懸殊。自既錯解。將此印證。後昆一盲引衆。盲爲害非細。或者謂我已坐禪得箇安樂處。身心輕安。更無異念。直是靈靈不昧了。了常知於生死岸頭。已得不疑。只未會古今差別。公案是何言歟。蓋因邪師法眼未明。妄據師位。以方便爲眞實。是非不辨。認箇湛不搖處。作空劫那邊事。豈非認奴作郎。殊不知湛入合湛。是識邊際。永嘉云。損法財。滅功德。莫不由斯心意識。古德云。諸佛說心爲破心。相令知心相元是虛妄。今人認心是道。深違佛意。又增戲論。殊乖大體。或者云。一切皆空。有甚正悟處。此是斷見外道。或者云。一切無著。自然無礙。此是掩耳偷鈴。自屎不覺臭。或者云。齋戒明白。清淨無染。自然不墮惡趣。此是住相布施。三途業因。或者云。大

悟不拘於小節。任意浮沈。隨處騰騰。便是快活道人。此是常見外道。闡提癡漢。或者云。但一切人如死人。去更有甚事。此是白日寐語。誇談馬角。豈不見道。那伽嘗在定。無有不定時。或者云。某人雖不會道。奈何死得好。有堅固子。此是夢中說夢。僧問古德云。大死底人。却活時如何。答云。不許夜行。投明須到。且無你用心處。你若古今見盡。迷悟情消。則常轉法輪。一切時出生。一切時滅度。貧道痛以慧命危。甚若一絲九鼎之懸。觀今玄紹之徒。槩似兒戲之所爲耳。但要誑得入手。則已。豈知吾祖有行解相應名之曰祖之誠乎。亦是爲師者不審學者之才器。堪否而苟圖收拾。門人之私致。招法門之辱累也。如子順大川。禪人自捨緣入道。於真定金臺二處掩關。下得定力之功。而本地光明未發。故南詢師匠。決擇雲香禮余。呈似工夫次第。余知做到湛不搖處。猶未出他識陰區宇。此是靜想不脫。所以已見不明。殊知勞慮永斷。得法界靜。卽彼靜解。爲自障礙。要知得在神靜。失在物虛。錯認定盤星。且喜沒交涉。此是大解脫門。自在三昧。須

是塵勞不染。靜妙不收。步步活潑。纖纖地宛轉。無窮闊浩浩處。識得方始。八面玲瓏。七穿八穴。子更下那一步工夫。一日如桶底脫。則知如上葛藤。盡是爲蛇畫足。雖然。要作大法器。建立門庭。直須久依吾住。再向那邊更那邊打數百箇懸空觔斗。歸來始得。智過於師。方堪傳受。豈不見道。雪後始知松柏操。事難方見丈夫心。

### 行實撮略

季善祖。貫鳳陽人。隨任生於廣東之雷陽。父吳姓。母鍾氏。十七歲出家。初遇源明和尚。請益蒙受無字公案。囑云。須發大願。以自護持。我便發願。若生死不了。大事未明。遺棄修行。貪著名利。死墮阿鼻地獄。受苦無量。云云。蒙念長老送入關關中。不設臥牀。安一凳。誓不倒身。以悟爲則。睡魔沈重。垂頭眠著。不覺半夜。因去坐凳。立誓不坐。晝夜行立。忽靠屋柱。睡著。又立願不近牆壁。遼空經行云云。一朝聞鐘聲。忽說偈云。沈沈寂寂。絕施爲。觸著無端。吼似雷動。地一聲消息。盡觸骸粉碎。夢初回云云。汝等果能依我修行。須要

具我如是誠信決烈如是守戒行持如是勇猛精進如是打七煉磨如是剋期取證如是禪定解脫如是次第覺觸如是信解悟入如是尋師印可如是涵養淘汰如是待時爲人還有一重如是直待案山點頭卽向汝道

示徒悟玄

誠哉此事見則便見擬思則白雲萬里況如之若何汝欲決要明此一件大事須著做直捷工夫能向一毫頭上安身立命做教久久則便得一念不生前後際斷矣若得真到此地則曠劫不明之事當下分明猶如啞子夢見親娘與人說不得亦復如人飲水冷暖自知方可水邊林下保養聖胎待時龍天推出扶持末運接續祖燈廣化衆生同成正覺其或未然只須將我所付念佛公案貼在鼻端上不許執在一邊須向一切處常目在之勿使須臾失其照顧疑箇念佛底是誰於這一句絲絲密密直教首尾一貫逼拶將去如不得力再加箇畢竟念佛底是誰儻被散亂昏沈之魔攪擾或有間斷莫容滯久如雞抱卵若冷

却其窠子無出頭期矣工夫絲密之喻無如此也儻宿有靈骨得箇覺觸處切不可自許須見本色宗匠入他爐鞴受他煅煉出來真偽淺深一一得知更不存其悟跡做箇無事無爲底自在道人所以道金屑眼中翳衣珠法上塵已靈猶不重佛祖是何人到這裏但有纖毫悟理未忘佛法玄微去之未盡皆墮法塵見刺之圈穢誠哉此事乃無大極大底大事真能欺賢壓聖豈可輒作容易想而不慎乎至囑  
祿宏曰關內行持可謂大強勇猛精進矣樂閒逸而坐關者惕諸

空谷隆禪師

示真性源

參禪須要信得徹有主宰提撕話頭默默參究於一切處無著無依逆順境界到手便爲驀直行去不起分別不見有逆順不見有境界蓋爲大解脫中不存一法也洞然了悟直下承當更進一步了却向上一著虛徹靈明如金剛王寶劍萬物曷敢嬰其鋒更說甚麼世法佛法煩惱菩提透頂透底舉體全真是爲

逸格之人也

示圓鑑堂

念佛一門捷徑修行之要也。識破此身不實。世間虛妄。是生死根。惟淨土可歸。念佛可恃。緊念慢念。高聲低聲。總無拘礙。但令身心閑淡。默念不忘。靜鬧閑忙。一而無二。忽然觸境遇緣。打著轉身一句。始知寂光淨土不離此處。阿彌陀佛不越自心。雖然如是。若乃將心求悟。反成障礙。佛性是自然之物。不屬心思。意解若見。怎麼說你便執箇無心。又成大病。但以信心爲本。一切雜念都不隨之。如是行去。總然不悟。沒後亦生淨土。階級進修。無有退轉。優曇和尚令提云。念佛者是誰。或云。那箇是我本性。阿彌陀。謂是攝心念佛。參究念佛。汝今不必用此等法。只用平常念去。

示肄南宗

趙州無字未悟之時。如銀山鐵壁。今日也無。無明日也無。無一朝水到渠成。始知鐵壁銀山。元非別物。只貴退步休心。切切要明生死大事。不可呆蠢蠢念。箇無字。虛延歲月。亦不可推詳計較。義理曲會。但於時

中憤憤然要明這箇無字。忽爾一朝懸崖撒手。打箇翻身。方見孤明歷歷。如是現成。到此不可耽著。味著。還有腦後一槌。極是難透。你但怎麼參去。

舉世尊初生

朕兆纔彰。成露布。復指乾坤行七步。只要羣生正眼。開落盡眉毛。渾不顧。

舉如人上樹

百醜千拙。齊露出明眼。衲僧見不得。斷人命脈。只斯須。香巖老子賊賊賊。

答誠敬堂

向上一著者。悟徹之後。結角羅紋。殺著一鎚。所謂末後一句也。言語說不到。只用活機手段調治。而至百丈再參馬祖。馬祖正用此機。臨濟再參黃檗。黃檗亦用此機。臨濟打洛浦亦此機也。後於夾山棒下方始警地。興化打克賓亦此機也。真淨和尚頌曰。丈夫當斷不自斷。興化爲人徹底漢。日後從他眼自開。棒了罰錢趕出院。此頌甚對機。汝今公案未明。如何明得。此一著子。夙有靈根者。公案亦甚易明。不見臨濟凡



問佛法便被黃檗毆打十分切當。後得大愚一句打發。洞明黃檗機用。假如今日汝問我。向上一著。我亦不用搖唇動舌。只用毆打。再問再打。汝被我打得荒了。無計可施。無理可說。不得意中。忽然猛省。亦未可知。我雖不施棒喝。汝但怎麼承當去看。

示道禪人

參禪一著。是超生死脫輪迴之關。極子豈可小識。小見而能擬議耶。此是三世諸佛捷徑度人之大法。所謂一超直入如來地也。自從世尊於靈山會上拈花示衆。迦葉尊者獨悟深旨。次第傳來。度人無限。非語言文字而能教誨。惟在具大手段。大善知識。生機活法。點悟而已。昔因風吹旛動。一僧言風動。一僧言旛動。六祖云。非風旛動。是汝心動。二僧皆得省悟。嗚呼。旛動便悟佛心。汝今且去窮究。非風旛動。是汝心動。如是參去。忽然省悟。自知果然。非風旛動。是我心動也。那時却來回報。然後爲汝敲磕末後一句。

自製塔銘

生事死葬。祭之以禮。孔子之教也。死而火化。安葬骨塔。釋迦之教也。古今依教。莫不皆然。余生姑蘇洞庭。龜山陳氏父字顯宗。號月潭處士。母金氏。余諱景隆。字祖庭。號空谷。生於洪武癸酉七月十二日。永樂壬辰。從弁山白蓮懶雲和尚受學。參禪湖海禪伯古拙和尚。輩莫不參扣。雖以家居。參究不替。庚子歲。許令出家。從虎丘先師石菴和尚收爲行童。洪熙乙巳。給牒爲僧。宣德二年。從杭昭慶守宗師得具戒。六年。先師膺薦。住持杭之靈隱。遂同至矣。七年。往天目山禮高峯塔鰓錫。一觀剋苦。參究忽有省會。懶雲和尚時在海昌。淨妙遂造之。剖露心法。懶雲大喜。九年。靈隱先師圓寂矣。闍維斂骨。葬於本山造骨塔并塔院。奉祀有年。今老且病。死日在邇。思無餘地。以葬遺骨。遂承佃錢塘縣尉司上扇第二圖。修吉山下沈敬元佃官地一段。爲墳地。葬骨塔。蓋墳屋居之。待盡餘年。名其屋曰正傳塔院。嗚呼。生死一夢。骨塔奚爲。蓋表佛法流芳。靈踪不斷。卽幻明眞。以致佛祖命脈源遠流長矣。幻身雖滅。佛性不遷。後之來者。見窣堵峻嶒峯。

巒蒼翠鳥鳴喬木泉瀉幽巖不馳外境不執內心盡忘愛惡陶然泰和始知法界爲身。虎空爲口。萬象爲舌。晝夜說禪。未常間歇。於此見得明透得徹。如醉復醒。廓然領悟。便見佛祖不曾涅槃。老僧不曾圓寂。大圓鏡中。覲面相見。西來祖意。兩手分付。如古師嗣雲門。青師嗣太陽。無前後無去來。大千沙界。自他不隔於毫端。十世古今。始終不離於當念。懶雲和尚是景隆受業師。之受業師。景隆心法受印。可於懶雲。卽南極安禪師。也得臨濟正傳。二十世師上。泝天真。則無極源雪巖欽。前後嗣法。亦無定規。前嗣後者。阿難。迦葉。後嗣前者。興化。嗣臨濟。理貫古今。詣實爲至。銘曰

廓周法界。空蕩無涯。羣靈昇墜。恒無已時。佛祖垂應。爲導爲師。夙膺微幸。直斯化儀。不善弘道。隨力所宜。卒於武林。骨空山崖。窅堵莫安。山同壽期。以幻歸幻。有爲無爲。成住壞空。斯道恒夷。正統九年。春景隆五十二歲著

### 示徒參禪

禪宗厥旨。是轉迷成悟之要道。也是明心見性之妙訣。也是超凡入聖之關樞。也自宋末。至於今日。師法不逮。參徒根器。亦爲下劣。變壞妙訣。死法傳流。無繩自縛。本是活人。縛作死漢。做作規矩。提死話頭。執倚偏邪。無由開悟。嗟夫。靈山會上。別傳心法。超出功用。大解脫法門。也要在妙悟。豈局規模。老僧今日。不用提話頭。不用參公案。先要識破此身。空花幻影。不越百年。安可溺於世情。埋沒靈明覺性。隨逐妄緣。汨沒生死六道循環。不能超出。既知此患。盡情放下。更不留心。惟令默自思惟。我今思善思惡。怕熱怕寒。知饑知渴。者心也。因有幻身。此心存活。死了。燒了。何處安身。只思此二句。其餘言語。知得便了。不須記憶。但於行住坐臥。靜鬧閒忙。苦樂逆順。一切時中。唯自思惟。死了。燒了。何處安身。忽然識得。自會做人。自知入道。至於此時。方參公案。切須穩重。窮究末後。一句方到牢關。始爲了事人也。涵養此道。如百煉精金。更無變色。還垂方便。接引後人。是爲報佛恩德。

### 答問

明本源曰。永明大師道有禪有淨土。猶如帶角虎。是則二法兼行。耶兼行。則古人謂之腳踏兩邊船。必陷中間也。湖海弟兄。浩浩商量。是非蜂起。乞師指決。去我癡癡。答曰。永明大師出此言時。無人反覆扣問。歷代祖師在世。亦無人反覆扣問。故無辨明也。學人疑似之心。蘊之於懷。未常發問。懷懼含糊。迨今五百年矣。子發此問。大哉問也。惜乎景隆虛度。光陰七十四年。道德智眼。皆所不逮。安能答此言乎。強答之。恐不契佛祖之心。反覆罪咎。然有問無答。亦非道也。勉赴來意。隨力言之。子當裁擇。執守參禪。提箇話頭。自謂守靜工夫。更無別事。念佛往生。寅夕禮誦。皆所不行。此謂有禪無淨土也。此等參禪。亦非正氣。是爲守死話頭。不異土木瓦石。坐此病者。十有八九。莫之能救。禪是活意。如水上葫蘆。捺著便轉。活潑潑地。故云參祖師活意。不參死句。如此參禪。不輕念佛往生之道。寅夕禮誦。亦所遵行。左之右之。無不是道。雪峯作典座。楊岐作監寺。籍身勞動。內力參禪。永明參韶國師之禪。大弘念佛之道。所謂內圓而外方。內祕菩薩行。

外現是聲聞。此謂有禪有淨土也。輒以俚言。免鑿子問別訪高明以求的意。

### 示坐關安清二上人

大藏經中傳燈錄裏。教人修行者。皆言親近明師。時時聞法。或念佛。或數息。或屍觀。或居阿蘭若。閑淡性情。剋求妙悟。自從拈花示衆。迦葉妙悟。教外別傳。禪學厥旨。二祖覓心不得。而得安心。南嶽禪師參六祖。祖曰。什麼物。與麼來。嶽大悟。乃曰。說似一物。即不中。疏山聞潞山曰。有句無句。如藤倚樹。疏山賣布。單作路費。三千里外。直造潞山。扣問樹倒。藤枯。句歸何處。潞山大笑而已。疏山不契。發憤而去。行到明招。言及於此。明招曰。却使潞山笑。轉新疏山。大悟大慧亦問樹倒。藤枯。句歸何處。圓悟答云。相隨來也。大慧亦悟。有僧問一老宿。百尺竿頭。如何進步。宿云。噫。其僧大悟。雪峯三登投子。九到洞山。古人坐立不安。切切求悟。豈肯死坐。關房守株。度日。唐有大梅。宋有和菴。主閑靜。餘情養道而已。唐宋之時。皆無坐關之說。元時生出計較。設箇關房。安坐待悟。至今倣倣也。汝既如

是精進用心切切求悟。聊爲庶幾。豈可安坐關房。現成衣食。自在過時。而況張道伴李道伴。張施主李施主。常來相望。各入關房。閑話半日。豈是真正修行。純淨工夫。剋時求悟也。靈源居昭默堂。高峯坐死。關皆悟道之後。養道者也不似今人。茫然而坐。古人不捨分寸光陰。不廢翦爪之工。捨身命而求妙悟也。今恐虛消信施。空喪光陰。帶果招因。難以逃避。由是老僧如是苦口。若契汝心。留爲警覺。或不契心。付之水火。

又

來書說許多言語。皆欲辨明。且夫義學中人。讀書經教文義。立義豈不過汝百倍。尙不能一一辨明。不能窺測禪宗公案。汝欲辯明。何異入海算沙。禪宗厥旨。非思量分別之所能解。昔有僧問石頭和尚曰。如何是禪。答云。碌輓。如何是道。答云。木頭。禪是如是之處。悟將出來。思惟之心。安在何處。一悟之後。萬法皆明。何待辨論。大慧和尚頌十智同真公案云。兎角龜毛。眼裏栽鐵山。當面勢崔嵬。東西南北無門入。曠劫無明當下。灰禪宗悟境界如是而已。通此消息。令汝會

意。前者見汝多於人事。故寫書來。令汝自省。又恐汝獨執於坐困。在昏鈍。故寫幾段古人用心切近。悟處令汝學他。用心昔晦堂和尚參雲峯悅禪師。日日挨拶。日日不悟。峯曰。你且去參黃龍南禪師。到彼挨拶數日。亦不悟。復回雲峯。峯已遷化。復回黃龍。途中遇雪。阻於一寺。無師參扣。便看傳燈錄。偶然揭開。看見僧問多福。如何是多福。一叢竹。福云。一莖兩莖。斜僧云。不會。福云。三莖四莖。曲晦堂大悟。覺華嚴參圓悟。日日挨拶。日日不悟。圓悟令看羅山語錄。亦不悟。登憤出門。行到一寺。忽然大悟。古人如是坐立不安。磨心擦腹。挨拶出來。豈是安然自在。守待自悟。觀汝來書。知汝不會參禪。不聞真正開發。只是江湖中碌碌然之開發也。良可惜哉。老僧寄書。令汝師於古人。莫師今人。老僧於永樂年間十九歲時。遇見信心銘。證道歌。一看之後。超然省會。從此發心。力求出家。參見南極老和尚。古拙老和尚。金陵湖廣兩浙之間。做知識者。一一往見。所有開發。皆不中意。我自主張。只用傳燈中上古祖師。機用開發。用心參究。所以今日得

這些小見識兒也。忝與上古相合。不與今時雷同。我期望汝成箇法器。不可平常過了。汝今抖擻精神。自著精彩。參箇萬法歸一一。歸何處。返究自己力要。省會是歸何處。拌捨此身。默做遲鈍工夫。一生用心去。終有悟日。此是沒奈何處。用此痛切之心也。古人則不然。有云。我坐在這裏。等你悟去。我立在這裏。等你悟去。如是容易。豈不快哉。古人用心苦切。一團精彩。悟將出來。不是拘縛身體。呆呆兀坐。昏茫過日。此上所言多說禪病。脫得禪病。庶可悟道。古云。千魔萬難。轉惺惺。直須精進。切心。庶有悟日。

祿宏曰。諸師多教人參念佛。是誰。惟師云。不必用此等法。隨病製方。逗機施教。二各有旨。不可是非彼。

### 天琦瑞禪師

#### 普說

汝等諸人。既知生死事大。無常迅速。何得依稀過日。浪蕩度時。三箇攢攢。四箇簇簇。只圖熱鬧。那有直前做去底人。縱有悔懊。又不肯行。更道今年這裏不好。

等待明年別尋去處。及到明年依舊如此。似此之流。盡空盡界。誰肯發丈夫之志立。決定之心。直至老死。永無那移。又有無知之輩。纔然行持。便去訪問諸尊宿。悟門面前。聽得隨後便講。誰深誰淺。誰悟誰學。一向誹謗他人德行。不知轉增自己貢高。苦哉苦哉。有何利益。今此大衆。莫學斯等之流。除去心中詔曲。截斷人我貪瞋。直教一念不生。萬緣頓息。然後向此乾乾淨淨處。提箇話頭。萬法歸一一。歸何處。一歸何處。畢竟一歸何處。或前後考究。或上下通參。或單追何處。舉定不令浮沈。字字明白。句句皆參。其目如觀其耳。如聽審定。詳參念念相續。心心無間。綿綿不絕。密密常然。若有一句不參。只這一句便是妄念。惟其不參。所以爲妄。亦名狂念。今時學者。一味去念。齊聲囉喊。只圖其熟。故不肯參。若然不參。直饒念到彌勒下生。也只討得一場口滑。又不識羞。更道我不提自提。不舉自舉。如何不得開悟。大衆決不是教你念話頭。決不是教你煉昏沈。縱然不睡。又中何用。也只是箇精魂。這段生涯。決不是這箇道理。你莫錯用其心。吾



今告汝莫生疑謗。我終不以狂言詐語圖名愛利。誤賺諸人。不是教你不念話頭。不是教你不煉昏沈。你若不參話頭。煉到盡未來際。又且如何。終是蒸砂作飯。從經塵劫。只名熱砂。決不成就。欲求開悟。須是大起參情。參究一歸何處。念中起參。參中起念。一挨一拶。一拶一挨。無縫無罅。無空無缺。因其參情綿密。日用之中。自然行不知行。住不知住。坐不知坐。臥不知臥。東西不辨。南北不分。不知有六根六塵。大忘人世。晝夜一如。若不參情結秀。憑何得箇廢寢忘餐。至此境界。儻到這地面。不可便爲工夫猛著。精彩更加一拶。直得虚空粉碎。萬象平沈。又如雲消日出。世間出世間。獨露無私。信手拈來。無有不是。千聖萬賢。籠罩不住。復看生死涅槃。果如昨夢。到這裏。方信從前說話。苦口相窮。元來的實不虛。大衆但辦肯心。必不相賺。

又

大道普乎天下。無一人而不具。蓋因迷不自覺。所以沈埋縱顧。其念念不著實。亦不返顧。汪汪洋洋。終日

竟夜。雖不放逸。亦不成就。更不知過在於何。皆爲不參。只去狂念。儻有參者。又不實參。有時而緊。有時而慢。髣髴依稀。空延歲月。如此行持。寧能得悟。汝等諸人。從今以往。更莫蹉跎。發箇決定信心。晝三夜三。永無恣縱。直盡今生。以悟爲則。舉定本參。看他箇什麼境界。是箇什麼道理。務要討箇分曉。以句挨句。以意拶意。意句相連。參情自然綿密。左之右之。無間無斷。若依山僧之語。世情自然生疏。道念自然濃厚。日久歲深。自然廢寢忘餐。不煉昏沈。昏沈自退。不除散亂。散亂自絕。行住坐臥。自然不知有身。自然不知有世間境界。何故純一無雜。心念不二。放之不去。收之不來。無彼無此。無是非物我。混然晝夜一如。忽然會得如夢而醒。復看從前。皆是虛幻了知。當體本來現成。萬象森羅。全機獨露。天上人間。悉無別法。蕩蕩然無拘無束。坦坦地自由自在。於這大明國裏。也不枉爲人。向此法門。也不枉爲僧。然後却來隨緣度日。豈不暢哉。古云。隨緣消舊業。更莫造新殃。

開示

都是年尊老宿何以返近於吾吾將何法開示於汝。擎拳云會麼衆曰不會示曰諸佛諸祖皆無言說言說轉遠故我直示汝又不識只這不會底是諸法王是諸佛母三世十方一切聖凡盡從這不會底生出所以喚作摩耶夫人如來號正徧知海汝等返爲無明復擎拳云會麼衆曰不會追曰是誰不會今言不會必有一箇不會底若識得這箇不會底便見世尊拈花俱胝豎指秘摩擎權靈雲豎拂德山棒臨濟喝一一盡通更無隔越故云參須實參悟須實悟

### 示衆

大衆切莫分別若不分別更無異路南北縱橫東西自在只爲分別所以不如各生異見妄立階級故有三賢十地等妙二覺成分段修而分段證所以有證說生死於一性中分爲五性於一乘中分爲三乘不知聖凡假立誤認成實良由取捨有此不如於妄功用便顯差別似此等流入海算沙何時休歇盡是背父逃逝縱得迴心不免從邑至邑從國至國備質展轉次第而進序序而昇歷盡階級又未盡善儻到本

國不識本國偶遇本父不識本父喚作當面蹉過當機不識將謂別有不肯承認屈作方便始能附近不免脫珍御之服著弊垢之衣與他同途方使心安日久月深故令出內以內徧外名之曰出以外歸內名之曰內內外無疑方堪付業吾觀此輩不識常住妙心妄生功用沈淪多劫不悟玄源縱經塵劫只名造作於理轉喪有何益哉若肯直下承當似臨濟受三頓痛棒便解肋下還拳俱胝見豎一指當時冰消瓦解阿難能記三藏又滯補特伽羅外道纔見默然便道開我迷雲師良久云東方衲子不如西方外道復嘯一聲

### 示無畏居士

學道之法誠無善巧只要辨其肯心更無別說舉起話頭字字著力莫管純孰不純孰只故參將去參來參去參得擬情頓發直教應用無虧周旋無隔盡古盡今盡空盡界無斷無續通然只是一箇參情收之不來放之不去行住坐臥悉無有別忽然爆地一聲虚空粉碎大地平沈獨露一箇本來面目偶爾迴途

頓同大千沙界到此之地正好諸方決擇更書一偈以爲資助。偈曰

晝夜身心莫放閒。務教參透這重關。忽然撲落乾坤境。露出眞常佛祖顏。明月掌中隨應用。清風袖裏絕追攀。那時寶劍當堂坐。方見山僧句外玄。

### 拈古

四祖問三祖云。願和尚慈悲。乞求解脫法門。祖曰。誰縛汝。四祖云。無人縛。祖曰。何更求解脫法門。四祖大悟。拈曰

只知請問解脫。不知刺頭入膠盆。當時不遇作家。焉得以楔出楔。忽然夢醒。方見無端。劈面云。貓僧參馬祖。地上畫四畫。上一長。下三短。云。不得道。一長三短。離此四字外。請和尚答。師畫一畫曰。不得道。長短答汝了也。忠國師別云。何不問老僧。拈曰

這僧却是夢裏渡河。不知渾身泥水。馬祖就樹探花。未覺還飛他。圃山僧待忠國師道。何不問老僧。當時只對他道。自屎不覺臭。大眾三人且止。卽今不道長不道短。又作麼生會。

惟政禪師問南泉諸方善知識。還有不說似人底法也無。泉云。有。師曰。作麼生。是不說似人底法。泉云。不是。心不是。佛不是。物。師曰。恁麼則說似人也。泉云。某只恁麼。和尚又作麼生。師曰。我又不是大善知識。爭知有說不說底法。泉云。某不會。却請和尚說。師曰。我太繁與汝說了也。拈曰

天下鶻子負鉢挑囊。入一叢林。出一保社。還知有不說底法麼。若知得。何必去江南。海北。鼓扇是非。你看這兩箇老漢。拈頭失尾。拈尾失頭。若惹諸方笑怪。既有不說底法。且道還許賓主問答否。點檢得出。進退無門。更誇精細。轉見不堪。大眾到此。如何。卽是各請歸珍重。

有講僧參馬祖。師曰。莫是獅子兒否。僧云。不敢。師噓兩聲。僧云。此是法師曰。此是什麼法。僧云。獅子出窟。法師乃默然。僧云。此亦是法師曰。是什麼法。僧云。獅子在窟。法師曰。出。不入。是什麼法。僧無對。百丈云。見麼。拈曰

在窟出窟。空擔獅子之名。噓噓默然。枉費兩頭奔。

競若是山僧待馬祖道莫是獅子兒否便道這畜生非但把住百丈亦使馬祖有口無言何故殺斬不由獻帝存留盡在曹公

歸宗智常禪師問新到僧什麼處來僧云鳳翔來師曰還將得那箇來否僧云將來師曰在什麼處僧以手從頂擎棒呈之師作接勢拋向背後僧無對師曰這野狐精拈曰

平常無生之句與世間語言杳無蹤跡這僧却也善辨爭奈只是箇知解之徒師言不是歷良爲賤本乃據款結案若是箇漢道箇賀喜何事而不了畢

鄧隱峯推車馬祖路上展脚坐峯云請師收足祖曰已展不收峯云已進不退推車碾足便行祖歸法堂上執斧曰適來碾損老僧足者出來峯引頸近前祖乃置斧拈曰

師勝資強人間少有切不可流俗見解雖然蓋世禪和能有幾箇作家何故未到盡驚山嶮峻曾來方識路高低

陸亘大夫問南泉云弟子家中一片石有時坐有時臥於今猶作佛得否師曰得陸云莫不得否師曰不得雲巖云坐則佛不坐非佛洞山云不坐卽佛坐則非佛拈曰

陸亘大夫向這石頭上坐臥不安仔細檢點將來皆是自不守分不是南泉爭得風光徧界恁麼便恁麼不恁麼便不恁麼若不具眼總是泥裏洗土塊雲巖證據洞山交互方見打鼓弄琵琶相逢兩會家

### 行實

師自云吾江西南昌府鍾陵人也父江臺母徐氏幼隨父商年將二十至荊門聞無說能和尙乃有道之士拜爲師剃落教看一歸何處後得昱首座苦口提攜晝夜逼拶不許說話不許眨眼一日聽廊下有人說話昱便打曰又不瞌睡如何也打昱云你不瞌睡聽那裏又二僧裁裙度量不已我不覺眼看昱兄又打云你眼也不曾停住話頭豈能著實我因此驚覺平日只說有念便罷那曉得如此用心自此其目如

觀其耳如聽字字明白句句歷然後因看古語沈吟  
是阿誰學處是何人只管疑是誰晝夜如一忽不見  
山河大地及與自身後患痢疾甚重有山東靜東暉  
示我大慧杲患背疽因緣我卽豁然又見寶峯云云  
乃得印證

祿宏曰不枉爲人不枉爲僧數語直是警策百倍  
讀之踴躍歡喜增長志氣

### 傑峯英禪師

#### 送黃龍明知客

拈起玻璃一輪明月撲碎玻璃紅爐片雪因思呂洞  
賓黃龍納敗闕半升鎗裏煮山川不識斧頭元是鐵  
莫若龐公見馬師心空及第眞英傑一口西江吸盡  
時化現三千廣長舌

#### 送歸德演禪師

萬法歸一一歸何處青州布衫常陽顯露因甚持往  
南方覓取長篇偈句山僧無法可傳畢竟有何分付  
一碗淡醋齋湯一鉢香油豆腐喫得一飽齟齬世事  
總皆不顧演禪人悟不悟於斯直下便承當何待更

### 回歸德府

#### 送天台洪禪人

天台石橋五百牛趙州石橋度驢馬越聖超凡古至  
今赫赫聲名洞天下一脚當頭踏斷來竟洪志氣眞  
瀟灑勘破諸方老古雖瀾翻辯舌如泉瀉切莫騎牛  
更覓牛笑殺賓頭盧尊者

#### 送伏龍溢南海維那

九月秋高暮山紫道人何事來於此黃花白露染單  
衣擇友尋師問生死生死由來卽自心一心起滅任  
漂沈塵勞寂寂如山積業識茫茫似海深拈起金鎚  
俱擊碎雙溪落落無人會驚動千年老古雖三十鳥  
藤雨霽霽

#### 示道信侍者

大信大疑大疑大悟提起話頭一切不顧行參坐究  
口念心思密密推窮時時觀捕忽然拶破疑團覷面  
更無回互布毛吹起塞虛空利刺塵塵皆顯露果能  
直下便承當何異靈山親囑付

#### 頌古



世尊初降王宮

霍曇生下便驚羣爭似雲門一棒親盡道五更侵早起誰知更有夜行人

勘辯

大都安講主來參師問講主講甚麼經答云金剛經  
晉於無所從來亦無所去處得箇省處師曰既是無  
來無去因甚得到這裏答云便是無來無去底師云  
卽今在甚麼處答一喝師云下喝行拳都且止四大  
分散時向何處安身立命答云盡大地那裏不是自  
己師云忽遇劫火洞然大千俱壞時如何答云我到  
這裏却不會師云六祖不會破柴踏碓達摩不識九  
年面壁你不會見箇甚麼答云我只是不會師云瞎  
漢請坐喫茶

跋虛谷和尚法語

徑山虛谷和尚示慶禪人法語舉趙州訪一庵主入  
門便問有麼庵主豎起拳州云水淺不是泊船  
處又訪一庵主問有麼庵主亦豎起拳州云能  
縱能奪能殺能活便禮拜庵主既然一般豎拳因甚

麼肯一不肯一若從這裏分辯得出許你具衲僧正  
眼師云山僧有六十棒前庵主豎起拳有殺人刀無  
活人劍好與二十棒後庵主豎起拳有活人劍無殺  
人刀也好與二十棒趙州因甚不肯前庵主肯後庵  
主也好與二十棒虛谷和尚教他自領出去

楚山琦禪師

解期

選佛場開定祖機辨明邪正在鉗鎚禹門浪暖風雷  
動正是魚龍變化時卽今衆中莫有衝波激浪者麼  
問答不錄師以拂子打一圓相云機前一著覷面全  
提復擊禪牀一下云句外一言和聲揭露箇裏不許  
停思顧慮豈容開口分疏只饒眨得眼來劍去久矣  
縱是佛祖到此也只得攢眉有分何也蓋非言路所  
通亦非心識所測若是箇英俊衲僧向未舉以前自  
當點首一笑是故祖師門下法應如是嗟觀近世以  
來人心不古禪學之者不務眞參實悟惟是接響承  
虛以覺識依通爲悟明穿鑿機緣爲參究破壞律儀  
爲解脫貴緣據位爲出世以致祖風彫弊魔說熾然

塞佛法之坦途。瞽人天之正眼。使吾祖教外別傳之道。於斯而委地矣。故我大覺釋尊於二千年外。已識盡衆生心病。預設多種奇方。於無漸次法中。曲垂修證規則。不過只要誘引當人。一箇入路。攷經云。末世衆生。希望成道。無令求悟。惟益多聞。增長我見。又云。衆生未悟。作何方便。普令開悟。佛令結制安居。剋期取證。過三期日。隨往無礙。故知結解之有時也。且如卽今諸大德。於九十日中。還曾證悟也。無已悟之者。置之勿論。如其未悟之者。則此一冬不免又是虛喪了也。若是箇本色道流。以十方法界爲箇圓覺期堂也。莫論長期短期。百日千日。結制解制。但以舉起話頭爲始。若一年不悟。參一年。十年不悟。參十年。二十年不悟。參二十年。盡平生不悟。決定不移此志。直須要見箇真實究竟處。方是放參之日也。故先哲所謂一念萬年。豈虛語哉。遂舉起拂子。召衆云。還知這九十日内。參究的消息。落處麼。不見世尊。道居一切時。不起妄念。於諸妄心。亦不息滅。住妄想境。不加了知。於無了知。不辨眞實。箇裏明辨得。老瞿曇得失。請訛。

處要證圓覺。不爲難矣。設或未能見徹。切忌依語生解。幻叟今日不辭饒舌。試爲諸人頌出。猛火鑄成金彈子。當機捏碎。又渾圓等閒。失得俱拈。過風送潮音出海門。

示秀峯居士

夫念佛者。當知佛卽是心。未審心是何物。須要看這一念佛心。從何處念起。復又要看破這看的人。畢竟是誰。這裏有箇入處。便知圓悟禪師道。不是心。不是佛。不是物。是箇甚麼。故祖師云。心同虛空界。示等虛空法。證得虛空時。無是非法。所言心者。非妄想緣慮之心。乃清明圓湛廣大無相之心也。三世諸佛之所證證。此心也。六道衆生之所昧昧。此心也。諸佛由悟而證。號曰菩提。衆生因迷而昧。故曰煩惱。在聖不增。在凡不減。得之。不有失之。不無。迷則業緣。悟名佛性。蓋知迷悟。在已得失。非他當知。此心曠劫至今。本無生滅。原非染淨。孤光皎皎。脫體無依。妙用眞常。廓周沙界。無形狀可見。無聲響可聞。雖然。無相無相。不宗。雖曰無聲無聲。不應是一切色相之根。乃一切聲。

響之谷。色空不二。動靜一如。法法虛融。塵塵解脫。是知心有則法有心。空則法空。心邪則一切邪。心正則一切正。若了此心法。亦不有心法。既無則一切是非名相皆空。是非名相既空。則山河大地。色空明暗。直下與當人自性心佛觀體混融了無隔礙。居士於此果能信入。則與從上佛祖所證所得更無差別。復何凡聖迷悟得失之可論哉。設或未然。亦不用別求玄妙。厭喧取寂。但將平日所蘊一切智見。掃蕩乾淨。單單提起一句阿彌陀佛。置之懷抱。默然體究。常時輟起疑情。這箇念佛的畢竟是誰。返復參究。不可作有無卜度。又不得將心待悟。但有微塵許妄念存心。皆爲障礙。直須打併教習中空蕩蕩。無一物而於行住坐臥之中。乃至靜鬧閒忙之處。都不用分別計較。但要念念相續。心心無間。久久工夫純一。自然寂靜。輕安便有禪定。現前儼止念。不得鈍一昏散起時。亦不用將心排遣。但將話頭輕輕放下。迴光返照。看這妄想昏沈從甚麼處起。只此一照。則妄想昏沈當下自然頓息。日久堅持此念。果無退失。薰忽工夫入妙不

覺不知一拶。疑團粉碎。歷劫塵勞當下冰消瓦解。只箇身心二字亦不可得矣。於這不可得處。豁開頂門正眼。洞徹性空源底。自當點首一笑。始知涅槃生死。穢土淨邦。俱爲贅語。到此始信山僧未嘗有所說也。更須向真正鉗鎚下。撲空悟迹。掀翻窠臼。然後證入廣大甚深無礙自在不思議解脫三昧境中。同佛受用以斯治國澤民。則可以垂拱無爲而坐致太平者矣。以此超脫死生。則應用施爲而無可無不可。也居士其尙勉之。

### 示月庭居士

夫格外真機難容湊泊。初參之士。必假筌蹄。所謂梵語阿彌陀佛。此云無量壽佛者。覺也。覺卽當人之自心。心卽本來之佛性。是故念佛者。乃念自心之佛。不假外面馳求。馬大師所云。卽心卽佛。是也。或謂卽心是佛。何勞更念佛乎。只爲當人不了自心。是佛是以執相循名。妄生倒惑。橫見生死。枉入迷流。故勞先聖曲垂方便。教令注想觀心。要信自心是佛。則知念佛念心心念。念佛念念不忘。心心無間。忽爾念到心思

路絕處當下根塵。穎脫當體空寂。始知無念。無心。無心。無念。心念既無。佛亦不可得矣。故云。從有念而至無念。因無念而證無心。無心之心。始是真心。無念之念。方名正念。無佛之佛。可謂無量壽佛者矣。到此覓一毫自他之相了。不可得。何聖凡迷悟之有哉。只這不可得處。卽識心達本之要門。乃超生脫死之捷徑。居士果能於此洞徹。自心源底。始信火宅凡居。卽爲西方安養。學足動足。無非古佛道場。溪光山色。頭頭章紫磨金。容谷韻風聲。歷歷展紅蓮舌。相塵塵契妙法。該宗不卽不離。心心解脫於斯。領旨管取一笑而無疑矣。居士其尙勉乎哉。

### 機緣法語

次日性空首座入室。參扣曰。昨蒙和尚開示。濟川首座蒙山三關話。弟子雖獲與聞。心猶未了。幸望和尚別垂方便。師云。照前問將來。空云。蠶螟蟲吸乾滄海魚龍蝦蟹。向何處安身立命。師曰。長安路上金毛臥。曰。水母飛上。色究竟天。入摩醯眼裏。作舞因甚。不見師云。五鳳樓前鐵馬嘶。曰。蓮湖橋爲一切人直指明。

眼人因甚落井。師云。明月照見夜行人。曰。請師一頌。以爲究竟。師云。好與痛棒。曰。棒則弟子甘領。領則望和尚垂慈。師乃呵呵一笑。而爲頌曰。當機把斷聖凡。津擬議知伊屈未伸。欲識蒙山端的。旨垂鈞意在釣金鱗。師云。會麼。空遂作禮而退。

僧寶金山者。入室參禮。次師乃問云。面南觀北斗。低首看青天。此語明甚。麼邊事。曰。和尚合却口。好師云。未在。曰。瞞別人。卽得。師云。差別用處。非智眼不能無。惑子欲洞明佛祖真宗。須具透關正眼。未審如何是透關正眼。山振聲一喝。師云。具得正眼。當明向上一機。如何是向上一機。曰。青天日當午。師云。猶未夢見。在。曰。木人拈玉線。石女度金鍼。師云。從上佛祖不傳之妙子。作麼生領會。山近前禮一拜。師云。轉身一句。速道將來。曰。雨添山色秀。風來竹影移。師擬拈拄杖。山乃一喝拂袖而去。師云。放子二十棒。山復回身。近前合掌曰。謝和尚垂慈。深雖痛割。師云。子雖有翫天之浪。且無湛水之波。山又叉手默然。師云。如是如是。山遂作禮。



僧問有佛處不得住時如何師舉起手中拂子僧云無佛處急走過又作麼生師放下手中拂子云會麼僧云不會師云兩頭不著千聖難窺這箇且置只如古人道藏身處沒蹤跡沒蹤跡處莫藏身意旨如何僧云不即不離師云不即不即箇甚麼不離不離箇甚麼僧擬對師打一拂子云這虛頭漢僧無語

師宴坐室中有勝上座者從外入來師云是誰勝云某甲師云作麼勝云佛殿裏拜佛來師云佛向你道甚麼勝云不曾道師云你頭不曾點地那勝云下點地師云又謂不曾道勝云某甲會也師云你會箇甚麼勝云吐露太分明師便喝勝擬對師云拄杖不在手放汝二十棒出去

天溪擬上座來參師云不用之乎也者父母未生前親切道一句看擬云千聖覷不著師云覷不著的是甚麼擬云父母未生前師云爲甚麼覷不著擬云爲無蹤跡師云既謂無蹤跡說甚麼覷不著你在無蹤跡處窺白這箇且置只如燒了撒了你向甚麼處安身立命擬云青山重疊疊澗水響潺潺師云我不問

你青山重疊澗水潺潺畢竟燒了撒了向甚麼處安身立命擬云日用分明常顯露師云這虛頭漢脚跟尚未點地在說甚麼顯露不顯露擬乃觸禮一拜師云亦未在擬又擬開口師叱云你再亂道闢破你口門擬禮謝而退

有僧扣師云不是心不是佛不是物畢竟是箇甚麼師與僧一掌云你道是箇甚麼僧擬開口師以手掩其口僧於言下悟旨

師因消遣至詔古音關房以拄杖扣門三下曰關主在麼詔曰他不會有出入誰云在不在即開門見師乃觸禮一拜師曰此猶是奴兒婢子之事請關中主相見詔乃叉手默然師曰此則沈寂默去也詔曰師適來問甚麼師曰問汝關中主詔曰喚作寂默得麼詔遂呈偈曰只此寂默非寂默非寂默中非亦絕渠儂目面已呈師動靜何曾有區別師曰恁麼則子不在關內耶詔曰弟子見師亦不在關外師以手拍關門一下曰怎奈這箇何詔擬對師叱曰汝但於心不生分別只箇門戶亦無所有門戶既非則誰在關內



誰在關外耶。雖然理則如是。亦不可越他世諦規矩。尤不可違其自己志願。正好向這無分別無內外處。豎立脊梁。全機坐斷。徹底掀翻。團圓嚼破。一一從自己。冒襟流出。可也。曰。言曰行。可以模範後學。抑不負其已靈也。子其勉而進之。三載出關之日。拄杖子再爲汝勘過。詔遂作禮。

### 行實

師諱紹琦。楚山其字也。姓雷。唐安人。九歲出家。初從玄極和尚。最後謁東普。無際和尚。得法。正統六年。再見東普。普問子數年來。住在何處。曰。我所住廓然。無定在普。曰。汝有何所得。曰。本自無失。何得之。有普曰。莫不是學得來者。曰。一法不有。學自何來。普曰。汝落空耶。曰。我尚非我。誰落誰空。普曰。畢竟事若何。曰。水淺石出。雨霽雲收。普曰。莫亂道。只如佛祖來。也不許。縱爾橫吞。藏教現百千神通。到這裏。更是不許。曰。和尚。雖是把斷要津。其奈勞神不易。普曰。克家須是破家兒。恁麼幹疊也。省力既退。至晚復召入。詰之曰。汝將平昔次第。發明處。告我。楚山悉具。以對。普曰。還我

無字意來。曰。這僧問處偏多。事趙老何曾涉。所思信口一言。都吐露。翻成特地。使人疑。普曰。如何是汝不疑處。曰。青山綠水。燕語鶯啼。歷歷分明。更疑何事。普曰。未在。更道。曰。頭頂虛空。腳踏實地。普召弟子鳴鐘。集衆。取袈裟拂子。以授楚山。

祿宏曰。所云以提起話頭之日。爲始事。一年不悟。參一年。乃至十年二十年三十年。盡平生不移此志。直至大悟。方名罷參。至哉言也。

### 性原明禪師

#### 小參

靈隱入院至晚。小參欲識佛性義。當觀時節。因緣時節。若至其理自彰。是故達摩大師十萬里西來。不立文字。直指人心。見性成佛。謂之教外別傳。於是二祖求箇安心法門。師云。將心來與汝安。祖云。覓心了不可得。師云。與汝安心竟。冬瓜印子一印印定了也。然師資契會。千載難逢。山僧今夜小參。禪客問話。現前一衆坐立。儼然豈不是時節。因緣。時節。因緣。既爾畢。竟佛性義在什麼處。莫是在覓心了不可得處麼。莫

是在與汝安心竟處麼。若道在覓心了不可得處。是埋沒二祖。若道與汝安心竟處。是辜負大師。到這裏。不可容易。直須明自本心。見自本性。未明明。取未見。見取若也。明見不了。縑素不分。一生只成得箇顛。顛。佛性儼。儼。真如。這般。漢臘月三十日到來。手忙脚亂。如箇落湯螃蟹。相似。無人替汝光陰迅速。各自勉旃。復說偈曰。年登六十一。春秋只合投閒待死休。不料業風吹到此。又同衲子結冤讎。

浴佛上堂。舉藥山儼禪師因遭布衲作殿主。浴佛次。山問汝祇浴得這箇。還浴得那箇麼。還云。把將那箇來。山休去。師云。者一箇。那一箇。一一從頭都浴過。藥山布衲謾商量。仔細看來。成話墮。成話墮。轉諸訛。拍禪牀云。武林春已老。臺榭綠陰多。

佛誕上堂。舉世尊纔生。下一手指天。一手指地。周行七步。目顧四方。云。天上天下。唯吾獨尊。真成大人相。不是小兒嬉。雲門云。我當時若見一棒打死與狗子喫。貴圖天下太平。要作老胡種族。直須恁麼始得法。昌云。好一棒太遲。生未離兜率。脚根下便與一錐。豈

到今日雖然。如是大似賊過後張弓。將謂胡鬚赤。更有赤鬚。胡黃面老子。故是末上賣僧。似乎旁若無人。雲門法昌。雖則見義勇爲。爭奈劒去久矣。爾方刻舟。以主杖畫一畫。召衆云。還會麼。一把柳絲。收不得。和煙搭在玉欄杆。

碧峯和尚。闍維奠茶五臺山。拾得來誠非凡種。關西子。沒頭腦。却是靈根。惟茲一味清茶。蕩滌衆生熱惱。只如川。拋下茶籃。仰山撼動茶樹。畢竟明甚麼邊事。度盡云。踏翻生死海。靠倒涅槃城。

龍山次韻

龍山吾兄。瘦無肉。度量汪汪。幾千斛。看他小小現神通。彈指徧遊諸佛國。枯禪久甘藜藿。腸節身不在。餐楓香。頂額一著超言義。二三四七空搏量。從古風顛稱普化。格外玄機未爲蹉。等閒打出勦斗來。傳得師真能幾箇。而今痛自韜其光。臥雲深處開巖房。是非榮辱我何有。二時粥飯還如常。

乳虎已有食牛氣。況是親從道場至。入門未辨主與賓。輒問西來祖師意。水之冰也。藍之青。當陽啼吼人。

皆驚豁開自己神通。藏剖破微塵。出大經。永嘉作歌。唯證道凡聖兩途俱淨。掃曹溪一宿。歸去來。珊瑚枝上日。曷曷。

淨慈次韻

十里平湖一鏡開。六橋險峻滑如苔。直饒不滯程途者。到此依然喫跌迴。

行實

師諱慧明。字性原。別號幻隱。生於元父。頂母陳氏。七歲發痘。忽失所在。求得之。則曰四童子昇我至此。識者知師爲天神所祐矣。未幾出家。後謁竺元道公於仙居紫籙山。又謁徑山元叟端公。端問東嶺來。西嶺來。師指草鞋曰。此是三文錢。買得端曰。未在。更道。師曰。某甲只如此。和尚作麼生。端云。念汝遠來。放汝三十棒。師乃悟其旨。久之。遂罄底蘊。曰。纔涉思惟。皆爲贗法。洪武十九年。示寂。壽六十九。夏五十八。

雪庭禪師

請益

僧問。雲門不起一念。還有過也。無門云。須彌山幸遇。

此僧當機不薦。蹉過雲門。直至於今。攔街塞巷。無存放處。此僧若也。下得一語。道某甲這裏安放不得。且請和尚撥過一邊。非唯自己千古之下。作箇自在。快活閒人。抑且撈得雲門忙手忙脚。撒了收不得。收了撒不得。豈不丈夫。然雖幻寄與麼。也是勞神不少。且道還有安放處也。無自代云。看取雲門道底。古潭清。典座等各爲曠大劫。來一段真光。埋沒於業識茫茫。念起念滅。黑闇深坑。欲求提掣。且此事如人淩萬仞。懸崖須要親能撒手。始得又不見道。不是一番寒徹骨。爭得梅花噴鼻香。其或不然。又勞幻寄。將冰清玉潤。白藕池中。拖泥帶水。栽箇業種子去也。履今向去。但只時中一貧如洗。赤灑灑看箇父母未生以前。那箇是我本來面目。呌及盡今時一念。從始至終。務要歷然討箇分曉。不可向輕安省力處。純熟現前。以當消遣時光。決定向這父母未生已前。那箇是我本來面目。話頭上。不管得力。不得力。昏散不昏散。密密提撕。去看他疑情。頓發如烈燄光中。忽擲莖茅片雪。欲覓來去之蹤了。不可得。正當恁麼時。設起一念覺照。

之心亦復如是。那時摸著娘生鼻孔。始信雲門道不起一念須彌山。磕破虛空腦蓋。築折混沌眉毛。爭怪得幻寄道某甲。這裏無安放處。珍重勉之。

拈古

潯山靈祐禪師侍立百丈丈問誰師云某甲丈云汝撥爐中有火否師撥之曰無火丈躬起深撥得少火舉以示之曰汝道無這箇。師由是發悟禮謝陳其所解。

師拈云家貧家富父子方知。花落花開春風不顧。應時應節則是未免。傍觀者。哂呵呵。老不歇心。少不奴力。

行實

師自謂吾生幻寄浙省仁和桂姓父諱徵母徐氏兄弟三人。吾最後。以景泰丙子年生。毀齒喪父。患痘風。雙目短視。羞明抱疾。弗廖。夢中感金神教使出家。母兄不允。姑隨善友逐邪師。苟延歲月。至年十五。雖克勤晝夜體究孜孜。唯益邪解。成化癸巳間。聞四川休休翁寓郡城仙林寺。以禮參請。一見契合。始得出家。

受持無字公案。十七剃染。隨侍黃梅。心切太過。滯沈寂之境。座元勉以看教。因閱楞嚴於一毛端。現寶王刹有疑。成化乙巳。寓常州江陰乾明寺。忽觀萬佛國金碧崢嶸於眉宇間。會得毛端現刹之句。始知幻寄兩間。如夢如旅。又明年。因詠黃鸝。忽逢作者云。此句法未得意在言外之趣。由此茅塞泮然。信口道云。多情自信惜春光。飛入園林錦繡鄉。記得小窗驚我夢。滿庭紅杏帶斜陽。遂和永明山居律詩弘治戊申除夕。忽聞鐘聲數年行履。處於此活脫信口道圓響心非聞大千同一照。抹過上頭關。更不存玄妙。乙卯休休翁應湖南淨寺請。予復依附日。逐詢究乃蒙印可。夫幻即寄之蹤。寄乃幻之跡。幻起寄亡。全寄是幻。幻逐寄生。全幻是寄。翳目生華。山河大地華翳不生。空真實際。幻之寄之。誠哉兒戲。

古音琴禪師

開示

縱遇開示一時。難悟。要假話頭。遍開心慧工夫。日久磨千煉。如雞抱卵。煖氣久蒸。忽然一日。時節到來。

或遇因緣觸發。心目方得開悟。古云是花各有開時。節春蘭秋菊不同途。凡作工夫。當離喧鬧。截斷衆緣。屏息雜念。單提本參。話頭至於行住坐臥。苦樂逆順。一切時中。不得忘失。念茲在茲。專心正意。切切思。念念自究。返觀自己。這箇能追能問。底是箇什麼人。若能如是。下疑疑來。疑去疑到。水窮山盡。處樹倒藤枯。處擬議不到。處心忘境。絕處忽然疑團迸散。心花朗發。大悟現前。頓見自己本來佛性。一段風光。非從外得。若得真有此見處。更要求覓高見。宗匠決擇。邪正不可以此便休。如此纔名入門。纔名得地。坐中所見善惡。皆由坐時不起觀察。不正思惟。但只瞋目靜坐。心不精采。意順境流。半夢半醒。或貪著靜境。爲樂致見種種境界。夫正因做工夫者。當睡便睡。一覺一醒。便起抖擻精神。擲擲眼目。較住牙根。握緊拳頭。直看話頭。落在何處。切莫隨昏。隨沈。絲毫外境不可采著。

念佛警策

一句阿彌陀佛。宗門頭則公案。譬如騎馬拄杖把穩。

生涯一段不拘。四衆人等持之。悉有應驗。行住坐臥之中。一句彌陀。莫斷須信。因深果深。直教不念自念。若能念念不空。管取念成一片。當念認得念人。彌陀與我同現。便入念佛三昧。親證極樂內院。蓮胎標的。姓名極功之者。自見親見彌陀授記。同菩薩作伴。自此出離娑婆。一路了無憂患。直至無上菩提。永劫隨心散誕。依得此道歸來。決定成佛不欠。

開示

夫眞參實悟者。非在念得一句佛熟。而致非在持一萬法無字公案。日久自然而致。非在長坐不臥。苦礙睡魔。而致何故。在人正念正氣。而感致也。大抵要具觀察慧力。念念自疑。自攻。直至攻化日久。塵勞屏息。淨體現前。忽然隨機激發。大悟本來通身是佛。更不許你分心分性。自然得箇安樂田地。如若一法不明。亦用辯明一理不通。亦用參通。無惡不去。無善不修。無功不完。無理不辯。方成聖道。假使悟明本體之後。便休歇去。不能通達化門文物者。古人謂之墮在百尺竿頭。落於二乘小果。終不能至一切智海。故大覺



云。懸崖撒手。自肯承當。絕後再甦。欺君不得。豈虛言哉。

又

未審作工夫。從甚處起。甚處得半。甚處了畢。有此喻者。我方信之。晃兄曰。正如此問。方可與汝說之大。抵人之佛性。各各皆有。只因無佛智慧。破除煩惱。所以不得機緣。相合見在。情塵所縛。譬如世間造酒。雖有米水。大用麪力。多若無麪力。攻化終不成。酒人之佛性。喻米。福緣喻水。然雖有性有福。有緣若無大智大慧。內攻內化。終不成佛。只名凡夫。大凡作工夫之人。務將平生是與不是。悉皆丟在一邊。只持一句本參話頭。自疑自問。自疑自逼。自追自攻。自究不許求人。說破不許依義解明。務要句下。精通命根。頓斷如此。晝三夜三。逼將去年久月。深忽日心。不思量。口中自然流出一句二句。或四句八句。應機合格。語此名聰明境界。大凡悟道之人。皆從聰明境過。不可便認。依前逼將去。忽日信口道出。百千偈頌。却如通身是口。切莫放下。正好用工。著力。如造酒相似。大沸後

直倒澄。方止。人作工夫。直至聰明境過。大悟現前。頻將古人一千七百則公案。無一不勘明。無一不了。當直至無禪可參。無佛可修。無法可疑。乃至頭頭上達。物物上通信。口道來。皆合古格。那時不了。自了不休。自休不待放下。而自休歇。如人到家。不愁路也。方名工夫到家之人也。

行實

師聞興賢人父蔡。姓母黃氏。二十七出家。餘不載。殊宏曰。勸念佛偈。甚好。冗句裁出。

笑巖寶禪師

上堂

舉世尊陞座。文殊白。罷話。師乃曰。不憶黃面老子。當時也。知有這箇時節。爭奈未遇知音。往往義學云。世尊陞座。文殊白。罷。乃是作家相見。師資倡和。蓋不知文殊多口。相席打令。賊誣一上。大煞放過。山僧今日也不教伊做處。亦不獨爲貴欲求箇知音出來。與伊把臂共行。寧不爲之好事。遂拈拄杖云。有麼。有麼。時有僧出作禮。劈脊便打云。多口作麼。僧云。某甲一言。

也未發何爲多口師復打云再犯不容

翌日上堂云昨舉世尊陞座公案未圓未能解得諸人惑未能令諸人與世尊把臂共行何謂若是知音作者纔恁麼便解不恁麼然後沒交涉直教兩頭撒開中間放下自然活卓卓底隨處作主如水投水似空合空佛祖不能知鬼神莫能測到此地要與世尊握腕猶問一線道在如欲豁通這一線道須是更聽山僧重宣一偈云佛身等空座稱身何曾陞也何曾下文殊觀影生狂華引得兒孫成話欄下座

拈古

舉佛果勤佛鑒懃佛眼遠同侍五祖主夜深祖云各下一轉語看佛鑒云彩鳳舞丹霄佛眼云鐵蛇橫古路佛果云看脚下祖云滅吾宗者克勤是也徵二人之語還有優劣也無若道無優劣五祖何以恁麼道若道有優劣什麼處是優劣處

開示

諸佛與衆生唯是一心更無別法悟者心能轉物物皆歸自心卽是諸佛迷者背心向物妄隨物轉卽

是衆生是故諸佛與衆生唯是一心更無別法且我釋迦文佛未成正覺時於雪山六年苦行靜慮功極至午夜舉頭見明星出豁然大悟彼當時悟箇甚麼悟者惺也只是惺得自己本有之心不從人得本來現成本來常住隨即普觀大地一切衆生箇箇具有如來常住真心成佛種性只因妄想執著不能證得遂運慈悲普度一切便有四十九年所說言教非真實也皆不得已見諸衆生疑多信少不能直下大信自心生起萬差不免應病與藥引衆權而歸一實又恐一切衆生隨語生解認著言說墮於教網後復陞座不發一言唯拈起青蓮花一枝默顧四衆欲人人當下直明本心覲面親會不意大衆依然蹉過獨有迦葉動容微笑會合本機便付法立爲第一祖展轉相傳至於第二十八祖達磨尊者觀見此土衆生有大乘根器遂航海西來直指人心見性成佛不立文字不用能巧唯一直心當下自契大衆卽此便是從上以來佛祖共一切衆生直悟一心見性成佛底樣子也

行實

師云予金臺世族也父吳門母丁氏弱冠出家禮大寂能和尙爲師後徧參知識修進開悟行道因緣備載全集恐繁不錄

祿宏曰予遊京師參徧融笑巖二師次年二師俱示寂融師一味實心實行無著述傳世巖師隱柳巷罕接見人有笑巖集四卷今撮其少分云

附錄

宋景濂學士集中諸師碑銘祿宏採其少分以紀聖朝盛事不致淹沒故

古鼎銘禪師

師諱銘臨濟十五世孫四坐道場將示寂謂其徒曰觀世音持蓮華至矣安坐而逝火化舌根齒牙數珠不壞五色舍利無數國史危先生爲之碑有四會語錄行世

雪窗光禪師

師名悟光字公實姓楊氏號雪窗成都之新都人以三昧力入智慧海初說法於白馬寺已而住育王天

童四會說法虞文清公贊謂佛果一枝鳳毛麟角洪武十四年記

南堂欲禪師

師諱清欲字了菴南堂其號也姓朱氏台之臨海人住開福本覺靈巖三刹有三會語錄也

徑山悅空禪師

悅空頤公以東嶼正嫡住崑山東禪轉吳門萬壽升虎林南屏遂陟雙徑有四會語錄先師王文獻公現宰官身敷宣般若與禪師爲方外交松月印公稱師之道高於圓照佛照云

祿宏曰四會語錄今無存松月亦未知何許而曰道高於圓照佛照夫二公豈易及哉而曰過之更俟賢者考正

佛光照禪師

師幼齡中夜坐禪母推使仆輒達旦不寐後出家參雲居泉公晝夜繫念一夕松月下聞流泉聲有省往白泉公泉公俾詣古林古林問子明知四大五蘊是生死根本爲何入此革囊師擬議林以錫杖擊之豁

然悟入住清涼十五年。退隱東堂。影不出山。壽八十五。僧臘七十。逝七日。顏貌明潤。頂猶暖。舍利如珠。幾云。

### 壁峯金禪師

師諱寶金。姓石氏。號碧峯。生杭之永壽縣。六歲出家。徧參講肆。參如海真公。寢食爲廢。隨公摘蔬。忽凝坐不動。後入定。累日不起。常坐樹下。溪水橫至。人意師溺死。越七日。蒸坐如平時。一日聽伐木聲。汗如雨下。求證於公公。印可之。洪武二年。召至京。極蒙恩賜。師示疾。上親灑宸翰。賜詩十二韻。六月四日沐浴更衣。正襟危坐而逝。世壽六十五。僧臘五十。火化五色舍利。泐然齒舌數珠不壞。

### 東溟日禪師

師諱慧日。號東溟。天台赤城人。洪武初年。召入京。奏對稱旨。後辭歸杭之天竺。修西方淨業。洪武十二年七月朔日。謂弟子言。吾夢青蓮華池中。清芬襲人。吾殆將去乎。四日坐逝。世壽八十九。僧臘七十。師對王公大臣。未嘗出一輒媚語。至於誘進後學。溫然如春。

陽云

### 孤峯德禪師

師諱明德。號孤峯。十五爲僧。謁竺西坦公公。問何來。曰金鵝來。又問金鵝山高多少。師曰無見。其頂竺西斥之一日。舉世尊拈花因緣。師聞之。忽有省。又謁淨慈晦機照公公。問什麼人。怎麼來。師云胡丈三黑李四。又謁雙林明極俊公。竺田霖公。羣疑冰釋。洪武五年二月二十七日坐逝。世壽七十九。僧臘六十二。火之頂骨不壞。舍利累累出灰。爐中有四會語錄。行世。又附。

### 高麗普濟禪師答李相國書

既曾於無字話提撕。不必改參也。曾參無字。必於無字有小因地。切莫移動。切莫改參。但於二六時中。四威儀內。舉起話頭。莫待幾時。悟不悟亦莫管。有滋味無滋味亦莫管。得力不得力。移到心思不及意慮不行。卽是諸佛諸祖放身命處。

祿宏曰。此語錄。萬歷丁酉福建許元真都閩東征得之朝鮮者。中國未有也。元真攜原本還閩。僅錄

其一篇云

皇明名僧輯略終



# 正宗心印後續聯芳

明・善燦

編



正宗心印後續聯芳

僧果增法號秀岡。是閩中方氏子也。嘗年出家。性有聰慧。學不加思。待衆以恭。事師有禮。一日師見問曰。前日你病。大衆說將死。你意下如何。答曰。本來無生。豈有死耶。師曰。既知無生。從何處來。果增揚聲念佛。師曰。從何處而去。增拱手當胸默然良久。師曰。其中事若何。卽答偈曰。本來清淨體。如然隨機應。現善方圓。回光返照。超今古。眞妙融通。離語言。師曰。如是如是。宜自至淳。遂囑一偈。當機直指示秀岡。體露眞常。不覆藏。吾今囑汝。宜珍重。時至須當效祖傳。

◆奧義

僧德圓法號明鏡。是福清縣石氏子也。預誠往參求。乞眞要。師曰。我佛大慈平等。敷演三乘五教。隨機濟度。末後拈花。示衆教外別傳。涅槃妙心。實相無相。付典摩訶迦葉。通代相傳。至達磨大師而來。東土直指人心。見性成佛。汝自回光返照。明自本心。見自本性。非色非空。非中非外。洞徹十方。融通三際。百千三昧。恒沙妙用。不離當處。德圓有省。卽說偈。本來清淨不

思議。隨方就圓。在當機三昧。現前通大道。放光現瑞妙希奇。師曰。自當護持圓明。種智付囑。一偈單傳。直指心印。心眞如無相。現精明。叮囑東君。宜保守。時當悲運接後人。

僧果潤法號天洞。是三山潘氏子也。求師究竟眞常之道。師豎起一指示之。曰。會麼。果潤禮拜。師曰。吾無法與人。汝若併息諸緣。莫著空見。回光返照。見自心性的要。明白果潤忽然有省。卽說偈曰。本來無罣碍。清淨常自在。如如不動尊。光眼現沙界。師曰。如然保守。至淳眞妙。復囑一偈。默默全持。正令親一枝五葉。付知音聯芳。紹至賢才處。囑汝時當耀祖庭。

僧德法法號月江。是閩縣陳氏之子。求示法報化三身佛事。師曰。莫向外尋。汝自具足。覺性圓明。妙用現前。體用不偏。花果同彰。三觀融通。十方廓徹。亘古亘今。無欠無餘。德洪忽然有省。卽說偈曰。本來湛寂體。如如妙用。縱橫任卷舒。覺性虛玄。元無相權實。雙融應無窮。師卽印可。善自扶持。復囑一偈。一枝拈起。現堂堂。夙緣會遇。付月江。囑汝賢才。宜珍重。時至紹隆

報祖恩

茲者圓陳號洞庵是浙江紹興府諸暨縣琴川屠氏子也。往求直指無上菩提師曰：日用事是如何？圓陳答曰：清風應在手。師曰：如何是理性無碍？圓陳答曰：處處透當胸。默然良久。師曰：如何是理事無碍？答曰：處處透長安。師即印可。善自保重。重復囑一偈。事理分明。號洞庵。融通無碍。體量寬。吾今付汝。無餘事。時當續焰報靈山。

僧果延號壽岳是邵武府光澤縣危氏子也。乞示大事。因緣師曰：門前榕樹常如春。果延擬議。師即喝。延禮拜。師曰：汝還會否？延曰：未解。其意望師開示。師曰：大事不從外得。汝宜向一切時中念念不迷。真心常存。通融無滯。覺性週遍。無欠無餘。果延有省。即說偈曰：湛寂如然。應大千當機。獨露妙中。立圓明無碍。超今古洞兮。照徹不夜天。師曰：汝既達之。可宜珍重。復囑一偈。少林一花五葉。蓮紹至今。示果延英靈。忽省承斯旨。不離當處見祇園。

僧果畔法號碧雲是福州閩縣彭氏子也。見師問曰：

材器村

如何是佛師曰：會麼？果聯曰：望乞慈悲。師曰：頓悟自性。卽是天眞之佛。不然徒勞工力。汝若是箇眞參實悟禪和言。前薦得本分家風。不屬有無。非關聲色。物全彰顯。頭顯現。信手拈來。無有不是。佛與衆生本來平等。果聯有省。卽曰：元來自家的。師曰：如何是自家的？聯念佛一聲。師曰：如何是佛？聯歛手默然。師卽印可。宜至眞淳。復囑二偈。碧祖岩前安心旨。傳至曹溪普開示。相承續焰至今。付囑時當紹祖理。

僧明直號大乘是浙江紹興府諸暨縣石海材周氏子也。往求師證。師曰：汝師誰耶？答曰：寶峰師曰：教汝何爲？答曰：看心念佛。師曰：如何是心明直？持起數珠。師曰：如何是佛？直扠手而立。師印可也。善自保重。復囑一偈。權實雙彰。號大乘體悟無生。耀古今。付囑英靈。宜珍重。時至須教覺後人。

僧德宗號古心是閩南鄭氏子也。求師眞要。師曰：吾宗本無言說。亦無有法與人。汝但二六時中。四威儀內。回光返照。攝妄歸眞。明自本心。見自本性。絲毫勿令有味。歷歷的要分明。德宗忽省。卽說偈曰：本性湛

◆指點

如然妙用豈能量充滿大千界。隨處現真常。師即印可。宜自保重。復囑一偈。佛祖心印。古至今當。機直示甚分明。叮囑賢才善守護。時續祖焰接後人。

僧德光號徹空。是蘇州府常熟縣楊氏子也。往求印證。師曰。諸師有何指示。答曰。都教我念佛。師曰。如何是佛。德光合掌當胸。詰曰。如何是當機。發現事。光念佛一聲。師即印可。宜自保持。復囑一偈。念佛忽悟。本來因時時不離這。當人叮寧。涵養淳真。處續焰時當紹祖庭。

僧果通法號大乘。是福州長樂縣王氏子也。求師直指。西來意。師指山曰。是什麼。果通曰。不解。乞垂開示。師曰。且去。通曰。望惠我窮。師曰。莫隨聲轉。勿被色謾。莫論有無。勿分西東。但自惺悟。當處真如。寂然廓徹。妙明自在。汝還會否。通忽於言下有省。即說偈曰。如如不動若虛空。應現無拘遍處通。有無不立能所畢。色空無二總圓融。師允印可。善自保持。復囑一偈。南華法雨普沾恩。心印相承紹祖燈。宿緣幸會宜尊重。時當續焰耀層層。

茲者普遇法號正宗。是山西太原府大谷縣李氏子也。往參求。示師曰。時中生涯事。如何。答曰。常念佛。師曰。如何是佛。答曰。心即是師。師曰。如何是心。答曰。佛即心。即說偈曰。一真獨露不二門。即心即佛理事融。體用雙彰今幸會。本來清淨至無餘。師即印可。宜常如然。復囑一偈。大事因緣體用彰。動靜工純般若香。融通法界恒無碍。圓明種智證真常。

僧果清法號大海。是三山陳氏子也。恭誠參禮。求師開示。師曰。本來具足。非從人得。汝宜回光返照。明自本心。見自本性。非色非聲。不空不有。彌滿十方。融通三際。本來具足。汝曾知否。果清即說偈。妙明顯露叩真宗。體用不偏具圓融。密密無間觀自在。如如不動現靈通。師曰。如是善。為復囑一偈。劫外靈枝絕點塵。信手拈來示諸人。英才頓悟承斯旨。囑汝時當播祖庭。

僧果達法號大洲。乃三山鄭氏子也。求示大事因緣。師曰。進前來。果達進前。師曰。是大。小答曰。未審斯意。師曰。若乃上根利智。者見聞開示。便能悟入。若未



然者自當勉勵專誠研究。忽然迷雲頓散。心月圓明。方知自己有一大事與佛平等。無別果邊。卽曰元來具足。師曰元來何爲。答曰元無動靜。來應十方。師曰久默斯要。直至真純。復囑一偈。末後一著。付飲光。西天東土。遍相傳英靈。衲子須悟入機緣。相契可聯芳。僧德鑑法號大融。是閩縣王氏子也。求師印證。師曰曾見何人來答。曰天真和尚。師曰教汝何爲。答曰教我追究念佛。師曰是誰追究。鑑豎起一指。師曰如何。是佛鑑。授手良久而說偈曰。無去無來妙中玄。單持一念密綿綿。忽然頓覺無生旨。打破虛空不用拳。師曰將什麼打破虛空。鑑高聲念佛。師卽印可。善自保重。復屬一偈。明鏡非臺。耀古今宗風。遍布相承。從茲付囑。無餘事。晦迹眞淳。接後人。

直指示本元歷代相承不二門。囑汝英才宜尊重。時當耀祖繼聯芳。

僧圓壽法號樂堂。是河南歸德府鹿邑縣蘇氏子也。欽風往參求師法。印師曰法印不無。非從外得。但莫隨於聲色。滯於名言。了了分明。人人本具。威靈廓徹。求劫不壞。相將非離焉。何不會圓壽忽於言下有省。達本卽說偈曰。本來如如性。非色亦非聲。三玄同一休。湛湛自天真。師曰如是。保任淘汰。磨光復囑一偈。曹溪普示天下知。正宗心印接上機。相承斯旨宜尊重。時至須當接後奇。

僧果聰法號天章。是三山韓氏子也。求師究竟佛祖。良久曰。會麼。答曰不會。師曰正者不偏。眞者不僞。要者以信解悟入法界門。以戒定慧趣樂土。玄猷宜向一切時中放捨諸緣。明自心性。絲毫不昧。體用圓融。方知大道本來具足。清言下契本。卽說偈曰。如如法中王。光明照十方。圓融妙無比。眞空沒斷常。師卽印可。善自保任。云云。復囑一偈。法王正令古至今。英靈頓悟遍相承。吾今印汝聯芳繼。時至須教覺後人。僧

●休鑒休

●求鑒永

明玉號無瑕是北京河澗府交河縣陳氏子也。往參於師。志求法要。師據座而視。問曰。會麼。答曰。未達斯意。師曰。至道普乎天下。非一人而不具。但自時時省悟。刻刻提撕。爾之心性。與古聖何殊。從茲悟入。恢弘自在。明玉忽爾豁然。即說偈曰。眞如本安然。應現遍大千。湛寂常清淨。權實體中玄。師印如然。至淨精妙。復囑一偈。正宗心印不二門。直指當機達本元。囑付英才宜保重。時至須教效祖傳。

僧果澄法號天濟。是閩縣阮氏子也。請益於大庵禪師。恭誠入室。求師眞要。師據座遙然示之。問曰。會否。答曰。乞垂慈誨。師曰。汝若是眞修行人。宜放諸緣單持一念。念茲在茲。念的性如虛空。心猶大地。智日慧月。洞徹圓明。方知大道本來具足。亘古亘今。何增何減。盡言下有省。即說偈曰。本體元無相。如如常現前。古今恒不滅。普應妙無邊。師印符表善。自保任復囑一偈。大道堂堂亘古今。悟來顯現在富人。付囑英賢宜珍重。時至聯芳耀祖庭。

士果融法號晶齊。是延平府南平縣陳氏子也。求師

垂示法要。師曰。以心爲宗。以悟爲則。真空妙體。本自天然。不屬有無。元非動靜。洞千古之淵源。造萬象之模則。劫火壞時。常安然。法欲泯時。全體露。一道靈光。本來具足。在凡不滅。在聖不增。但莫憎愛。洞然明白。融忽然有省。即呈偈曰。本自如如皎然時。無形無名洞圓明。遍周沙界融無碍。不污不淨覺虛靈。師印如然。善保精純。復囑一偈。當機一札契眞如。始信無生道不虛。圓融三諦無滯碍。囑汝時當紹祖衢。

僧果滿法號天資。是閩縣葉氏子也。請益於大庵禪師。禮師問曰。如何。是一大因緣出現於世。師曰。進前來。滿進一步。師曰。會麼。答曰。不知。請垂慈誨。師曰。本來非二三當機。一任看。諸佛之儀式。列祖正法眼緣。遇直開示。悟入性海。寬圓融無滯碍。清淨絕波瀾。滿言下性天廓豁。心地開明。即說偈曰。獨露堂堂亘古今。無相寂滅覺圓明。彌滿十方通三諦。實際理地絕纖塵。師印可。善自護持。復囑一偈。佛祖親傳心印。心燈燈續焰。至于今。付囑英靈宜尊重。因緣時至覺後人。

僧果現法號本應是閩中祖武侯千兵韓氏次子也。請益於真空禪師。參師乞示法要。師據直視良久。問曰。會麼。現忽然有省。即說偈曰。如如不動本虛靈。應現融通遍剎摩。頓悟無生超法界。隨方就圓了眞明。師印如然。善保精純。復囑一偈。教外別傳。古來心祖。祖聯芳遍。相承吾今。囑汝宜珍。重燈燈續。焰耀祖庭。僧果潤法號天津。是閩縣江氏子也。請益於大庵禪師。叩師而問。如何是正眞之道。師豎指示之。問曰。會麼。答曰。不知。師曰。汝實向道。宜於時中。勿住功位。莫逐聲色。本來心性的要明白。念茲在茲。廓然通徹。方知大道無雍無塞。坦蕩從容。優游彌勒。忽於言下。有省。即說偈曰。古今常現妙虛靈。方便圓融在當人。全體眞如生慧日。返本還源徹底清。師曰。如然。善任涵養。精純復囑一偈。真空無去亦無來。捏不成團撥不開。宿緣會遇承斯旨。囑汝時當接後才。僧果明法號慧庵。是福清縣薛氏子也。禮師乞示無上菩提。師曰。無上妙道。本非言說。亦無名相。靈明無住。迥脫根塵。清淨無餘。融通自在。汝之本具。非從外

◆於下聯脫言下二字

得果明。忽於有省。即說偈曰。菩提元來本虛靈。時時顯現大光明。眞如廓徹於法界。清淨融通耀古今。師印印可。善自扶持。復囑一偈。佛祖法印直指心。悟徹相承至果明。珍重涵養淳眞華。時至運悲繼祖庭。僧圓淨法號悟空。是長樂縣陳氏子也。受業於悟達禪師。請益於真空禪師。一日來參。即呈偈曰。本元無去亦無來。放光現瑞秘密開。湛然清淨無可比。照徹乾坤絕點埃。師曰。是箇什麼。照徹淨。伸起一手。師曰。如何是清淨處。淨。歛手當。默然良久。師曰。如是如是。涵養眞純。復囑一偈。拈花示衆。劫外春。悟明心性本來同。祖裔聯芳承斯旨。囑汝時當振古風。僧正圓號中天。是泉州府惠安縣陳氏子也。請益於大庵禪師。一日見師。拜問。如何是佛。師曰。會麼。答曰。未達仰乞垂示。師曰。佛即汝心。不須外尋。心性冥符。無我無人。當機獨露。本自圓成。圓忽於言下。有省。即說偈曰。曠劫流落到如今。蒙師直指本來因。忽達眞常無間斷。隨方就圓在當人。師曰。如是。宜向雲巒深處。古跡清虛。涵養眞純。復囑一偈。燈燈續焰至正圓。忽

悟體用本雙全付囑賢才宜保守時當悲覺效祖傳  
僧圓金號無壞是福清縣薛氏子也受業於徹空禪  
師謂益於真空禪師乞惠大事因緣師曰看看會  
者見不難非從外邊得亦非在中間但自回光照了  
妄絕波瀾本來惟一實無二亦無三金言下忽省即  
說偈曰眞如本無形清淨絕纖塵回向無爲藏放出  
大光明師印如然涵養淳淳復囑一偈忽悟非染淨  
動靜恒相應通代繼聯芳囑汝紹祖印

◆來歷

居士正瀚法號鳳岐是閩縣葉氏子也稟性仁慈立  
心正直邁年八十之餘精神怡暢力行信道誓期安  
養勤念彌陀請益於大庵禪師忽憶單傳恭來法要  
啓師而曰我今老矣惟冀直指師曰本來無生豈有  
老病覺性堅剛知音可證單傳妙旨圓機普應全彰  
體用融通慧定直趣菩提指歸中正踴躍拜曰承  
斯立旨深契愚衷本無老少道豈西東師曰既無老  
少西東是箇什麼道理合掌念佛師曰宜自珍重  
復囑一偈克念彌陀正修持忽悟最上妙玄機宿緣  
慶會聯芳繼囑汝時當覺後奇

行者果提法號大用是閩南高湖林氏子也一日師  
見問曰汝於時中作麼生理答曰常念佛師曰佛在  
什麼處提合掌當習默然而立師曰是何光瑞提進  
前作禮即說偈曰無形無跡妙無邊包遍三千及大  
千當機應現眞端的般若常存不夜天師印如是善  
任眞純復囑一偈鷲嶺拈來一枝春吾今授汝亦皆  
同惟囑賢才宜尊重時至聯芳報祖風

僧如果法號三祇是江西人氏也懷香往參志求真  
印師即叩齒三下問曰會麼答曰不識乞垂示誨師  
曰眞者法身清淨等若虛空印者智行圓妙融通無  
滯時中受用不涉僧祇汝自本有莫妄生疑果忽然  
有省即曰元來具足再不外馳當處頓呈眞不思議  
師見印可如是如是復囑一偈少室岩前安心旨續  
焰聯芳至三祇吾今囑汝宜珍重時當耀祖覺後奇  
僧正瀛法號性海是閩南董氏子也請益於大庵禪  
師受業於真空禪師一日求祖正法眼藏祖云待西  
山月上向汝道回舉于師師曰祖傳心印非慧莫續  
疑議一年一日疑團頓破即自慶曰非他之事即呈

偈曰本來無上下圓光應虛空融通週法界寂照合  
正宗祖徵詰印可宜自保重復囑一偈佛祖心印至  
于今妙圓淨耀繼上乘囑付賢才宜尊重因緣時至  
接後人

僧圓滔法號大潮乃閩邑林氏子也請益於圓海禪  
師受業於真空禪師一日求示一隻眼之法祖曰待  
南江水乾向汝道回舉於師師默然示之良久曰會  
麼答曰未曉斯意師曰妄心歇處即菩提疑議一年  
忽朝疑團頓破即曰一口吞盡也不難即呈偈曰寂  
寂寥寥本如然隨機應感露全彰宇宙寬弘包不住  
返照回光入覺庭祖徵詰之即印於心宜自涵養復  
囑一偈曹溪祖印印心源頓入法海息妄奔從茲直  
指宜珍重時至須當效祖傳

僧眞智號法無壞是福清縣陳氏子也受業於圓慶  
禪師請益於東暉禪師往參師前乞示大道眞要師  
豎起拂子良久問曰會麼答曰不會師曰離文字語  
言非我人能所無大無小不樂不苦頭頭顯現物物  
全露咦緣何不達宜速省悟眞智言下忽省即說偈

時聯芳

曰體本無罣碍普現週沙界古今常如然無損亦無  
壞師即徵詰體用動靜眞妙符契師即印可宜自涵  
養復囑一偈確嘴花開至今鮮紹繼聯芳宿有緣囑  
付賢才宜架守六度三身一性圓

茲者果濂法號映橋是閩縣魏氏子也齋戒有年專  
精法華經一日求師指示一大因緣出現於世師即  
直視良久曰會麼答曰不達師曰二三則非眞惟此  
一事實果濂言下有省即呈偈曰無去無來古至今  
本來清淨合天真妙應圓通由自在堂堂獨露現光  
明師徵詰之印可囑偈一首鶯嶺傳來一枝春宿緣  
有分今相逢慶幸聯芳宜珍重時至須當播祖風  
茲者正泌號鳳崗是閩縣葉氏子也齋戒有年行德  
精純請益於大庵禪師一日乞示法要師撫案一聲  
即曰會麼答曰未諳大意師曰圓通無滯碍薦取未  
聞前正泌忽然有省即自而曰這箇奇時非從外得  
師印如然宜深涵養復囑一偈本來元具足忽悟非  
他物善保至眞純祖焰聯芳續  
茲者果鈺法號銘齋是閩縣阮氏子也孝義仁慈志



誠剛毅齋戒十有餘年。精通大乘。一日師見問曰。宿緣幸會。敢問銘齋何處人。果誌答曰。當體舒張。顯現彌陀。皆實相師。又問曰。道學齋修是何因。答曰。悟來全不由他人。師曰。時常門外施能。所答曰。頓入三摩極樂親。又呈偈曰。幻改真難改。舟移岸不移。如如無極妙。頓徹大虛儀。師徵詰印可。宜精純粹。復囑一偈。磨磚作鏡。啓眞明。續焰聯輝。至如今。付囑東君宜尊重。時當覺後耀祖庭。

僧正亨號和剛。是江西廣州府貴溪縣胡氏之子也。請益於寶峰禪師。受業眞空禪師。因師開示大衆法華經云。諸佛爲一大事出現於世。亨迷不悟。又聞大潮求一隻眼之法。祖云。南江水乾。向汝道。亨疑議轉添寢食不安。忽然頓悟。自曰。識河枯竭。正亨湛寂。四流旋返。百川浪息。直上祖室。而呈偈曰。清淨體如如。隨機任卷舒。本來無一物。瞬目露全軀。祖徵詰印可。宜深淘汰。復囑一偈。單傳直指。心印心。從茲涵養。至精純定惠。惟均勿偏執。時至須當播祖風。茲者圓澄法號。曠空是閩縣鳳山鄭氏子也。齋戒有

△親証觀下

年孝行仁慈。精研大乘志求大道。請益於眞空禪師。求示一大因緣。師直指示之。問曰。一是大證。忽省。卽曰。本來元具。非欠非餘。頓入三摩光充太虛。師印如是。宜善扶持。復囑一偈。正宗印心。元直指教。外傳幸遇聯芳。繼保守至眞純。

僧圓應法號通泉。是侯官縣劉氏子也。受業於眞空禪師。依戒定慧修。豁悲智行。願一日思惟法。要求師開示。師俯首曰。見麼。答曰。見師曰。見性分明。非色非聲。不從外得。悟者可證。應忽省。卽曰。道本無形。亘古亘今。親面無隱。幸遇知音。師印可。宜深涵養。眞純至淨。復囑一偈。一喝如雷。震聯芳至圓應。英靈宜尊重。時當耀祖庭。

僧圓現法號慧泉。是侯官縣卓氏子也。受業於眞空禪師。一日入室乞求法要。祖喝一聲曰。是何法要。未達再求。至道祖揚眉示之曰。會麼。答曰。不解。祖曰。非外而得自己。本具現忽省。卽說偈曰。寂寂本如妙。用豈能拘。恰恰眞慈滿。玄玄榮有餘。祖徵詰印可。宜深養眞純。復囑一偈。西來大意。心印心。燈燈續焰。至

如今從茲指徹全彰。事時至須當紹祖庭。

茲者果惠號大千。是懷安縣陳氏子也。齋戒念佛。研究眞理。忽有省處。卽呈偈曰。一法通來萬法通。承茲示誨不二門。當機應現無偏向。返照回光合本源。師徵詰印可。宜自涵養。復囑一偈。無盡燈傳遍大千。寂照常明不夜天。吾今囑汝惟心證。時至須當接後賢。僧正志法號曉天。是泉州府晉江縣施氏子也。受業於天鑑禪師。一日祖見問曰。正志何所爲。答曰。時中不相違。祖曰。任麼請相見。答曰。當處現巍巍。卽說偈曰。湛寂虛靈古至今。堂堂顯現太分明。清淨圓滿超空相。大地山河卽佛心。祖徵詰印可。宜深淘汰。復囑一偈。黃梅衣法嫡南傳。祖印相承不二門。囑付英才宜尊守。時至耀祖繼聯芳。

茲者正涪號琨泉。是閩縣林氏子也。請益於大庵禪師。受持齋戒。精進於道。一日入室。乞求大道。師默然良久。曰。會麼。答曰。未惺。師曰。大者彌綸宇宙。道者通遍法界。汝之本有。非二非別。若達斯旨。不從外得。涪忽於言下。有省。卽說偈曰。當機獨露不覆藏。大道無

偏體。用全光明。廓徹週沙界。本來清淨永常存。師卽徵詰印可。宜深涵養。淘汰眞純。囑偈一首。少林一花五葉聯。優曇茂盛遍大千。吾今示汝宜尊重。時至須當接後賢。

僧明桂號弘惠。是閩南鳳山鄭氏子也。受業於大潮禪師。請益於大智禪師。一日入叩眞空。禪翁丈室。乞求法要。祖指蓮花。示之花開見佛。與汝道。桂未達斯旨。舉上智師。師念佛一聲。亦未通曉。願師開示。師曰。觸物頓現眞般若。亦未悟入。疑議一年之餘。忽然有省。卽呈偈曰。本是清淨物。豈拘淤泥出。在水不涉水。花開卽見佛。祖曰。如何是清淨的。桂歛手當。督默然良久。祖曰。如何。卽見佛。桂進前禮拜。祖曰。如是如是。善自扶持。宜嗣大智。後囑一偈。本脉無去來。應感週沙界。吾今付汝守。時至接後才。

茲者果鈞法號大運。是三山洪氏子也。齋戒精修。研究上乘。忽有省處。卽呈偈曰。指念彌陀悟本來。非聲非色現靈臺。湛然寂靜通今古。體用圓融絕點埃。師詰印可。叮以深淘宜。純淨妙復。囑一偈。理事雙彰無

住心圓機普應通刹塵本來清淨非污染時當續焰  
耀祖庭

茲者果嗣號誠庵是閩縣高氏之子齋戒有年一日  
思惟世尊拈花達磨安心祖祖相傳以心印心心我  
未達將何可印。虛生至老迷心失性於是切心恭入  
師室稽首座前師見問曰日用作什麼答曰常念阿  
彌陀師曰卽今在何處答曰合掌唉呵阿師曰果嗣  
耀法界宜自回光入三摩答曰因慈惠宗旨方悟見  
性證一乘卽說偈曰如如不動體安然真性融通離  
文言彌陀實相將出現悲智圓明遍大千師曰出現  
時如何果誑念佛一聲師曰是什麼真彌陀果嗣進  
前合掌默然良久師印如然善自保任涵養真純云  
云復囑一偈曹溪法印古今傳宿緣慶遇繼聯芳付  
囑知音宜寶守涵養真純體用全

茲者果洙號睡海是建陽縣江氏之子齋戒有年念  
佛參禪以期安養聞師直指見性明心若不如是非  
爲究竟嗣是懷香敬入師室稽首座前師曰汝是何  
處人答曰觀面現全身時中說何法答曰彌陀不染

塵卽說偈曰念佛追究心始悟是當人摩尼親捧獻  
清淨自圓明師曰摩尼今何在果洙念佛一聲師曰  
塞卽不問何如彌陀果洙進前合掌默然良久師印  
如然宜善保任真至真純復囑一偈靈山法會獻摩  
尼頓悟圓明證菩提祖道聯芳燈續焰涵養真純覺  
後奇

茲者果浩號玉波是閩縣高氏之子齋戒有年一日  
思惟六祖普說開示摩訶般若融通真諦法印相承  
單傳直指由是特發虔誠躬入師室叩座請益師曰  
汝是何人耶答曰是果浩師曰果浩週法界宜自回  
源入三摩答曰本性啓妙玄忽達真覺卽無生而說  
偈曰承師示彌陀頓悟在剎那本來真覺妙面光薩  
婆訶師曰彌陀卽今在何處果浩進前一步雙手捧  
上師曰回光時如何果浩歛手當胸默然良久師卽  
印可善自護念涵養真純云云復囑偈曰黃梅衣法  
付南能悟入圓宗繼聯芳付囑知音宜尊重涵養真  
純耀祖庭

茲者果恩號大慧是三山李千兵次子齋戒有年度

◆室聯芳

誠參請躬入師室稽首座前師見問曰汝是什麼人。答曰持齋爲佛子。師曰佛今在何處。答曰威光徹太虛。師說一偈。古道實坦平。清淨絕纖塵。往來由自在。悟者見眞明。師曰是何威光。果恩大。叫青天。師曰如何是眞明。果恩進前問訊。卽歸本位。師曰。如然。宜善扶持。涵養純粹云云。復囑一偈。雪嶺木樵至今存。圓機活潑繼聯芳。英靈頓悟承斯旨。囑汝時當效祖傳。茲者正堪號清泉。是福清縣林氏之子。齋戒有年。一日聞諸法友得須正宗懸記。直指明心見性大事。因緣正堪慚愧不已。彼卽通達。吾何室塞。今若不悟。後悔徒然奮發。虔誠躬叩祖室稽首座前。祖見問曰。汝從何所來。答曰。乞慈傳正法。祖曰。直示豈隱乎。答曰。始悟從心發。祖曰。你知從心發。宜自回光入三摩。答曰。緣逢承妙旨。當處還源證一乘。卽說偈曰。清淨本虛靈。如如妙圓明。廓徹恒沙界。獨露這眞人。祖曰。妙旨意如何。正堪叩頭三下。祖曰。還源作麼生。正堪合掌默然歸於本位。祖印如然。宜善保任。直至眞純復囑一偈。拈花示衆。小知音。飲光微笑。密相承。宿緣有。

分續燈焰。囑汝時當耀祖庭。

僧眞智法號無壞。是閩縣陳氏子也。受業於圓慶禪師。請益於東輝禪師。時詣予。前乞示大道眞要。師豎起拂子。示之問曰。會麼。答曰。不會。師曰。離文字。語言。非我人能所。何緣不悟。耳聞目覩。智忽省卽說偈曰。體本無罣礙。普現週沙界。古今常如然。無損亦無壞。師徵詰體用。符契宜自深。汰直至純妙。復囑一偈。確嘴花開至今鮮。紹繼聯芳宿有緣。囑付賢才宜尊重。大度精明一性圓。

茲者果元法號慶堂。是閩中楊氏子也。齋戒行願。欲繼眞乘。研究玄微。精通妙理。一日忽省。卽呈偈曰。本來無小欠。十方通顯現。時時無間斷。體用常自見。師詰眞微。符合非外宜。當淘汰涵養。純然復囑一偈。金剛般若波羅密。忽悟元來不外覓。囑汝時當圓明處。大千照徹威神力。

茲者正淑法號琚泉。是閩縣阮氏子也。孝慈齋戒。慧解佛乘。請益於大庵禪師。參立常親於祖庭。一日忽有省處。卽呈偈曰。體藏珍寶。自主張。啓開朗耀妙全。

彰放下一毫元不立融通淨土遍十方師詰真微符  
合至理宜深涵養直至圓明復囑一偈高峰正宗顯  
大機親面承當不思議囑汝恒常宜保守時至須當  
續後奇

◆ 跋

茲者果元法號靜庵是閩縣林氏之子也齋戒有年  
念佛無間靜定之中忽見勝境觀音菩薩示教念佛  
心口相應特詣丈室求師指明至道師曰至道妙理  
離諸虛望夢幻不實非爲究竟但自回光頓悟真常  
圓明具足本來平等非從外得元忽省卽說偈曰本  
體元清淨光明應大千眞常無增減妙用普週前師  
徵詰印可宜善眞純復囑一偈祖來直指教外傳聯  
芳相承至果元囑付賢士宜保守涵養眞純體用全  
茲者果澹法號太泉是三山蕭氏之子也稟性仁慈  
立心中正齋戒有年志慕菩提一日師見問曰汝號  
什麼答曰太泉師曰太泉通法界十方圓滿一眞明  
答曰本佛在靈山一法通明萬法通師曰一法是如  
何澹高聲念佛師曰靈山卽今在何處澹合掌當曾  
默然良久師說偈曰諸相非相不染塵遍週沙界一

眞明出入步步非他物充滿虛空古佛身師曰如然  
宜深淘汰直至眞純復囑一偈靈山一枝遠遞來始  
如優鉢火中開吾今付囑宜珍重智行融通上品臺  
僧仁槐法號仰石是福清縣翁氏子也受業於少石  
闍黎一日思惟禪宗法要懷香入室乞求直指大道  
師曰直指卽不無大道豈壅塞迷雲若頓開當處見  
明白槐忽然有省卽說偈曰元來非他物不悟而自  
屈頓覺承恩力了然無拘束師印如然宜善保持至  
純眞妙悉由於汝復囑一偈一棒體用彰至道離文  
言幸嗣宜尊重時當覺有緣

茲者正明法號大暉是平江蘇氏子也醫慈濟衆齋  
戒精修志慕菩提欲速成就請益於大庵禪師虔誠  
參叩進問之曰以何法修速至菩提師曰法卽本無  
菩提非速見色聞聲自當旋復無長無短非紅非綠  
清淨洞然本來面目明忽省卽說偈曰廣大涵法界  
全彰遍十方本來清淨體處處現祥光祖徵詰印可  
宜深涵養眞純復囑一偈西來法旨心印心續焰聯  
芳至正明宿緣得遇宜尊重時當耀祖覺後人



茲者果沼法號是江是建陽縣雙井社王氏子也。齋戒有年。修諸福行。師教念佛。福慧雙修。迫究心惟。悉是其誰。莫住空有。勿論東西。直要明白。本分家風。承茲指示。念念不離。沼忽然有省。即說偈曰。念佛悟真性。不離本來心。時時常不昧。融通極樂城。師曰。不昧時如何。沼進前問。訊師曰。即今心性要分明。沼合掌念佛。就歸本位。師曰。如然。善自保任。直至精純。復囑一偈。福慧双修。不落偏進。趣菩提紹祖。聯惟囑善扶宜珍重。嚴土時開七寶蓮。

茲者果文法號紹仁。是三山楊氏子也。稟性仁慈。立行孝義。齋戒有年。信解精進。家親男女。同志清修。研究真乘。通明妙道。一日思惟。正宗直指。恭誠入室。師見回顧。振聲問曰。是誰答曰。是果文。師曰。果文超法海。妙圓清淨。證菩提。文答曰。般若契大千。行願双彰。成正覺。就呈偈曰。本來清淨耀光明。權實双彰貫古今。奧理三空真妙用。大千沙界現全身。師曰。宿緣幸會。敢問上座何處人。文進前答曰。累劫植因。豈擬慈尊。尋劣子。師曰。慈劣。即不問尊子。是何如文。合掌念

佛師印如是。宜善扶持。直至真純。圓明自在。復囑一偈。碧祖直指。可安心續。焰聯芳至。紹仁囑付。賢才宜保守。緣會酬恩。接後人。

茲者正植法號龍泉。是閩縣林氏子也。稟性慈仁。立心恬澹。双親早喪。志出塵勞。受業於天洞禪師。一日祖見問曰。時常拳拳爲何因。正植答曰。朝夕務誦進功。提祖曰。放蕩勿著人和我。答曰。頓脫收藏。這卷經又呈偈曰。本來無罣礙。清淨常自在。如如不動尊。頓然超物外。祖曰。什麼超物外。植拍掌念佛。祖曰。清淨是如何。植歛手當智。祖即印可。宜深淘汰。直至純粹。復囑一偈。少室花開。至今芳綿。綿相繼續。龍泉付囑。知音宜尊。守時當悲。智效祖傳。

茲者正檀法號香林。是閩縣張氏子也。稟性溫柔。仁慈孝義。精修齋戒。志尙高賢。頓捨家緣。出塵學道。受業於天鑑禪師。慇懃僧務。事師敬順。待衆謙和。一日思惟。無上妙道。特發虔誠。恭詣祖室。稽首座前。祖見問曰。汝堪樑棟否。檀答曰。當承古規模。祖曰。即今揮一斧。答曰。直下薩婆訶。即說偈曰。一道靈光遍太虛。

十方普照盡無餘。現前拍掌其中妙。古月清泉應本如祖詰。曰是什麼妙。正檀進前拈香云。恭惟普同供養祖。曰是什麼應本。如檀問訊。却歸元位。祖卽印可。宜深涵養。淘汰精純。嗣於天鑑。復囑一偈。佛祖心印。至如今燈燈續焰的相承。慶汝宿緣皆有分。紹隆末運播中興。

茲者正恕法號皓泉。是福清縣鄭氏子也。稟性仁慈。立心孝行。精修齋戒。志出塵勞。受業於天洞禪師。精通教理。研究玄微。祖一日見之。問曰。時中生涯事如何。恕答曰。事師奉衆。漏泄多。祖曰。休隨聲色外邊走。恕答曰。忽悟回光。入三摩卽。呈偈曰。本來妙處靈清淨。自圓明處處無。貪染迥脫六根塵。祖曰。常當如然。宜善保任。涵養純粹。可嗣天洞。復囑一偈。曹溪源演紹如今密密綿綿。至英靈囑汝恒常宜保守。時當續焰耀祖庭。

茲者正錕法號琦泉。是福清縣夏氏之子也。稟性仁慈。立心公行。小惡輒鮮。長好文言。因親早喪。欲報無由。洗心齋戒。投誠聖真。願父母以超昇。捨功名而學

道脫塵出家於双隆。受業天洞禪師處。祖命盡錄妙空宗教。一日思惟前聖後賢。皆悉爲法忘軀。燈燈續焰耀古亘。今吾何人哉。自屈己靈。如今不達徒勞後悔。虔誠入室。祖見問曰。汝名什麼。答曰。正錕。祖曰。正錕耀光明。宜且修藏待時。用正錕答曰。般若本靈通。從此真參而頓現。卽呈偈曰。體本無生空寂寂。圓明普應妙無極。昭然頓脫塵根境。自在混融樂聖真。祖曰。普應什麼。正錕高聲叫師尊。祖曰。如何是自在處。正錕合掌當。曾默然良久。祖卽印可。宜善保任。直至真純。當嗣天洞。復囑一偈。臨濟宗風格外高。聯芳衍慶繼英豪。囑汝拳拳宜珍重。時當覺後唱祖歌。

茲者正膛號敬泉。是福清縣張氏子也。稟性溫良。立心正直。崇仁履義。忠信力行。双親早喪。一心慕道。脫塵出家。擇賢訪友。受業於天洞禪師。勤務於僧行。德首晝夜辛勤。自他不二。一日見衆通相究竟。欲求菩提。明心爲本。自愧思惟。人人有志。廓徹玄微。我慧何遲。今尤未解。於是切心恭入祖室。叩拜祖前。惟希開示。祖曰。日用事如何。答曰。討柴充典座。祖曰。諦省是

誰力答曰。違心皆是我。即說偈曰。本來無形迹。包遍及大千。處處無遮礙。常放白光明。祖曰。如何無遮礙。正睦高聲念佛。祖曰。大千將甚包。正睦默然良久。祖印如然。淘汰磨光。宜嗣天洞。復囑一偈。栽松負春。祖家風。正宗心印理。皆同宿緣。慶會承斯旨。囑汝時當紹祖隆。

茲者正。誠號珍泉。是三山林氏子也。稟性仁慈。宿植德本。幼志清修。長近賢良。思親恩之罔極。念光陰之迅速。洗心滌慮。齋戒虔誠。願双親獲福。善立一志。學菩提。塵出於天資。和尚法習於大乘。要妙一日往來。祖室見於法筵。龍象言言超格。句句合宗。聯芳祖道。紹隆佛種。正誠慚愧不已。彼是大夫吾何人哉。髣髴不達空筵。歲月於是志誠。稽首座前。祖見問曰。出家爲何。因答曰。脫塵要明心。祖曰。汝心在何處。答曰。見聞即當人說。偈呈曰。本來無塵礙。清淨由自在。般若常現前。光明週沙界。祖曰。什麼的週沙界。正誠拜一拜。念佛一聲。祖曰。如何由自在。正誠合掌歸本位。祖即印可。善自扶持。宜嗣天資。復囑一偈。靈山慈指古

佛心歷代相承。至如今囑付英才。宜尊重時當續。耀耀祖庭。

僧正泰法號弘隱。迺閩縣龍臺張氏之子也。稟性仁慈。宿慧敷榮。早喪双親。髫年有志。孝思嚴慈。恩大罔極。立心齋戒。仰叩聖真。願親脫苦。速超天界。奮心出塵。頓往高觀。投誠天章禪和。尚教授戒法。學菩提精研。大乘通明。悲智藥傳神効。威靈法要圓頓。了義一日思惟。世尊拈花。碧祖直指。正泰切窮斯旨。愧未悟入。特發虔誠。往入祖室。稽首座前。乞求垂示。祖見問曰。是何人。答曰。是正泰。祖曰。正泰。陽春令萬物增輝。由本真。答曰。靈明顯化機。二諦融通成等覺。即說偈曰。清淨本來春。普現昭萬物。一理悉融通。廓達無爲。佛祖曰。春到來。正泰慈容喜色進。前問訊。祖曰。如何。是無爲。佛泰合掌當。曾復還本位。祖印如然。宜善保任。直至真純。當嗣天章。復囑一偈。少室一花五葉開。聯芳不替至賢才。囑汝涵養純真妙。時當接續耀祖臺。

茲者果。騰號紹泉。是福州萬安所千兵黃氏之子也。

稟性仁賢立心耿直。思親罔極之恩。愧子無心之報。沈心滌慮。齋戒虔誠。歸依能仁。信奉法僧。仰三寶以慈悲。願雙親而超證。見浮世之匪堅。出塵勞而學道。看誦大乘研究玄妙。六度圓脩。四流頓棄。欲冀無上家風。奈然未達妙指。一日虔誠敬入師室。趨拜座前。師見問曰。是誰答曰。是果騰師。曰。果騰遊法界。飄沉由已。當自觀答曰。智度入覺海。圓修在我。顯真明。卽說偈曰。本來真平等。光明應十方。頓悟回光照。清淨體用全。師印如然。宜深涵養。直至真純復囑一偈。少室岩前一枝春。聯芳紹繼至東君。付囑知音宜珍重。時當覺後闡宗風。

茲者正恭號月泉是福清縣率氏之子也。稟性仁慈立心孝義。見浮世之匪堅。思無常之迅速。洗心滌慮。投誠於三尊。決志修行。研究於一乘。請益於天洞禪師。恭受於菩薩尊戒。一日往參祖室。見聞龍象勝衆。遍相詰言。修行不明心性。非爲究竟。正恭思惟愧今不悟後追。何及虔誠直入祖室。叩拜座前。祖曰。曾作什麼來。答曰。持齋念彌陀。祖曰。志願何究竟。答曰。從

聞入三摩祖曰。是誰持齋。答曰。從吾發達。祖曰。從聞入三摩。是什麼道理。正恭拜一拜起身。合掌當胸。默然良久。卽呈偈曰。菩提從心發明。鏡光皎潔。本來妙圓。成處處皆遍。徹祖印如然。宜善扶持。深涵涵養。直至真純復囑一偈。從聞入三摩。親觀古彌陀。囑汝宜尊重。時當覺後豪。

茲者正愈號期泉是福清縣魏氏子也。稟性仁慈立心正直。孝行虔誠。修持齋戒。願雙親以超天界。決一志而趣玄猷。請益月潭禪師。敬奉菩薩戒法。一日往參祖室。見諸僧善遞相究竟。言辭美妙。解悟真明。正愈慚惶未達大意。一日專誠入室。祖見問曰。汝是什麼人。答曰。爲佛真的子。祖曰。曾用誰家風。答曰。邪外亦不舉。祖曰。真佛卽不問如何。是子正愈叩頭一下。祖曰。如何是真佛。正愈問訊。斂手歸位。卽呈偈曰。般若常不滅。如如觀自在。本來妙圓通。遍處無遮礙。祖印如然。宜善保持。淘汰深隱。直至真純粹妙。嗣於天洞復囑一偈。祖燈聯續。焰綿綿古至今。紹繼宜珍重。囑汝第相承。

茲者果暘號大昇是候官縣林氏之子也宿植德本稟性慈良立心孝義決志堅剛思親恩德至大莫及無常迅速生死事大若不修心將何可托於是洗心齋戒信念虔誠仗三寶大慈悲願雙親獲福善進趣玄猷洞徹妙道參師訪友決擇身心息妄歸真須憑法則一日特誠往求師指師見問曰汝名什麼答曰是果暘師曰果暘耀法界頓悟圓明入聖真答曰真心應塵剎廓徹虛靈證菩提即說偈曰心性本虛靈清淨自圓明了無罣礙頓入極樂城師印如然宜善保養直至真純復囑一偈靈山一枝遠邇來始知優鉢火中開吾今付囑宜尊重時當耀祖覺後才茲者果津號大勝是長樂縣卓氏之子也稟性慈柔孝義怡恬思親恩難以報答樂榮會忽以無常愛惱相縈得失無定於是發心齋戒決志修持望三寶垂弘慈願雙親昇天界誓學般若進趣菩提參通真妙研究玄微一日善友邇相穷究聖祖直指格外玄猷若不明心見性豈達宗風的旨因預虔誠敬入師室稽首叩座師見問曰是誰答曰是果津師曰果津千

派潤還源一点是如何答曰慧燈十方照回光頃刻入真明即說偈曰因緣從本來顯現大千界寂寂體如如返照大自在師印如然宜善扶持深淘明妙復囑一偈靈山一枝遠邇來始知優鉢火中開吾今付囑宜尊重時當耀祖覺後才

茲者正鏡號琬泉是建寧府建陽縣余氏之子也稟性正直仁慈孝義思雙親恩廣大信三尊道玄微齋戒虔誠篤存聖道親賢擇友所冀菩提請益月潭禪師求受教法一日往參祖室懇懃叩拜切求慈訓祖垂問曰汝是何方人答曰與師同姓名祖曰生涯共有異答曰惟心慕大乘祖曰大乘即不問如何是汝心正鏡拈起一莖草祖曰是何與吾同正鏡開眼直視即呈偈曰湛寂本虛靈清淨自圓明當機收真養發出顯光明祖印如然宜善調牧直至真純復囑一偈祖印邇相傳有緣繼聯芳囑汝宜尊重時當播祖光



# 先覺宗乘

明・圓信 校定

郭凝之 彙編



◆改修先覺  
爲者則先覺  
存原序三章  
而刪隱本文

### 先覺集序

學佛然後知儒此頑儒之論也。古人與麼道。即便與麼讚。是誠先覺之公心。今人不知佛之所以爲佛。儒之所以爲儒。不過分門別戶。逐影循聲。焉爾。世尊云。天上天下。惟我獨尊。且道如何。是我夫子曰。吾道一以貫之。且道如何。是一打頭一著。不能明了。祇從形迹中論。枝葉上觀。豈非門外。欺哲人達士。學有本據。道有實悟。世出世間。初無二致。自覺覺他。罔有差殊。或現比丘。比丘尼。優婆塞。優婆夷。或現宰官。長者。婆羅門。居士。隨其緣會。所至卽導利乎羣品。克垂範於後昆。夫是之謂先覺。一機一境。一話一言。可以開闢人天正眼。顯揚歸佛心宗。先覺集之所由著也。明潛陶公輯先覺集。而祇存居士者。何蓋緣建立維摩之院。供其位。卽考其入道之由。所以與雲居和尚暨同道諸君參詳訂證。而成此言。雖未咸備。已露一斑。厥功懋哉。其中大意。旣宣之於中山碑記矣。欲以是集彙登。稟問叙於余。更爲申明其說。

皆

康熙十八年歲在己未夏六月。傳臨濟正宗三十二世道安靜和尚撰。

### 先覺集序

從上以來。佛祖聖賢諸位。菩薩說種種法。演種種教。皆是鏡中煙。塵夢裏幻事。本無實法。繫綴于人。所以大覺世尊。道吾四十九年。未曾說著一字。是眞實語。又古人道大千沙界海中漚。一切聖賢如電拂者裏。何曾有佛。有法。有僧。有俗。有覺。未覺不見道。未離兜率。已降王宮。未出母胎。度人已畢。斯乃先覺誌疏。陶明潛解得此義。纂先覺集。欲行於世。乞序于予。予以從上古。雖掀翻一上。會得者。作如是觀。不會者。切忌向先覺集中絆倒。

皆

康熙丙寅。佛成道日。盤山青溝拙菴智朴撰。

### 先覺集序

夫繼天立極之道。不異乎禪。垂世立教之書。統歸乎

理道非言而不著理非事而不明所以儒有墳典經史諸子百家以至稗官小說各各有宗趣焉惟吾釋門因西天東土之文北教南宗之旨旁流正出散聖異人分支別派授受淵源幸存商牘考實之徵不致紊亂傳燈誦訛繼席益信一切語言三昧內外典集皆爲載道之器傳遠之用也有惠後昆功不細矣茲明潛陶居士從學多年執勞甚久苦參實究歷徧辛酸涉水登山悉知冷暖于壬子冬忽然有省于海會室中未幾辭往中山寺薙草耕雲跣趺閉影不聞塵事復檢殘編遂纂先覺集二卷編叙優婆塞夷從上諸公乞余弁言爲然不覺喟然而嘆居士身說法仍以居士身供養未審鼻祖西來供養有幾始知彰顯正教全在乎人非其人而不能弘其道非其道而不能知其人而名實全備于天下者匪至人而誰能之但緝書紀事之任若不洞究先覺佛理之精交補切難要免闕遺恐二乘見地翻以庭前瑞草之謂凡吾同儕必攝無礙觀觀之便知十世古今不離當念塵影起滅何足記哉自然舉目視而有欲皆充信手拈

而有疾皆愈同瞻維素寶鑑名蓋先哲不孤晚參可托眞勝事也故敢引紙運墨聊爲碧眼鉄漢一語云爾

皆

康熙丁卯春王吉日圓教解三洪撰

子公整參諸名宿晚從天衣游天衣每引龐居士後語令研究探微後奉祠泰山一日聞者語曰如盤前忽大悟遂別有男不遇有女不嫁之侶曰男大須婚女大須嫁計甚期工元更說華主書家等天衣





太守楊銜之間達磨

使者宋雲問達磨

向居士問二祖

崔趙公問國一欽

中使楊光庭

問本淨禪師

相國杜鴻漸

問無住禪師

鄭侯李

泌問懶殘

張

漬行者問忠國師

魚軍容問忠國師

刺史李

渤問歸宗常

相國崔

羣問東寺會

相國于

頤問紫玉通藥山

文公韓

愈問大顛通

燕

王訪趙州

趙王王

鎔問趙州

馬大夫問趙州

周員外問趙州

劉相公問趙州

竺尚書問長沙

李軍容參漢山

劉侍御問仰山

朱行軍請際上座

尚書溫

造問圭峰密

史山人問圭峰密

相國宋齊丘

訪慧覺禪師

閩王王審知

禮雪峰存玄沙

王延鈞

延羅山和尚夢筆和尚

陳尚書問雲門

韋監軍謁玄沙

陳尚書問洞山

節度使成汭問雲居

劉禹端問雲居

張霸遷問陳山仁

劉翥謁青林度

鍾司徒問安鐵胡

給事陶穀

禮常覺禪師

李相公問福嚴承

李王禮清涼益

宋令公對大寧寺僧

相國馮延巳

問游鍾山僧

樞密李崇矩

問圓明禪師

歐陽文忠公修

延浮山遠

丞相呂許公

謁志言大士

王

質問法華言

助教徐岳

問法華言

相國王安石

禮吳山端

武昌劉居士對雲居舜

李端愿

禮宗本禪師

葉清臣蔣侍郎

禮政黃牛

陳

瓘問宗道者

太尉陳良弼

禮淨因

李朝請

謁道場琳

相國錢象祖參此菴元

卷五無名宰官居士

洪州廉使

俗士問天堂地獄

歸宗因官人來問

儒者問三教

行者問即心即佛

丹霞逢老人與童子

丹霞會留守

百丈政路逢官人

趙州與官人遊園

官人問趙州

官人問趙州燒木佛

俗官問趙州

秀才乞拄杖

秀才問趙州

俗士獻袈裟

趙州勸行者

秀才問長沙岑	普化見步使
天使問睦州	秀才訪睦州
睦州問秀才	閩帥問壽山年多少
有俗士舉手	俗士問殺牛
仰山問推官	行者問霍山
洞山行脚遇官人	官人問洞山
投子赴檀越齋	有官人問壽州
閩王問雪峰存	閩王封柑橋至雪峰
廣主請雲門開堂	常侍問雲門
官人問雲門	閩王送玄沙上船
泉守請玄沙登樓	閩帥請辨驗聲明三藏
閩帥問鼓山晏	行者至菴
童子見鏡清	俗士問靜上座
俗士獻畫障子	老人參桐峰
儒者謁南院	牧主請風穴陞座
提刑問璉三生	工部問三交嵩
提刑問楊岐會	俗士投五祖出家
居士往五祖齋僧	俗士問雲峰悅

太守問九頂	侍郎問九僊
益州辭知府	巡檢問黃龍明
俗士問歸仁	官人問襄陽
居士官人問天平	居士問東山雲頂
童子上經	洪塘橋官人問僧
賣鹽翁	騎牛公子
跨驢人	道流背佛而坐
行者向佛而睡	魚浮水上
佛殿鴿子	廣南國主出獵
官人入鎮州天王院	官人作無鬼論
官人問無揀僧	

先覺宗乘目錄終

先覺宗乘卷一

徑山語風老人 圓信 較定

無地地主 郭凝之 彙編

維摩大士

維摩會上三十二菩薩各說不二法門。文殊曰：我於一切法無言無說無示無識。離諸問答。是為菩薩入不二法門。於是文殊又問維摩：仁者當說何等是菩薩入不二法門。維摩默然。文殊讀曰：乃至無有語言文字。是菩薩入不二法門。雪竇舉此至仁者當說何等是菩薩入不二法門。不舉維摩默然。便云維摩道甚麼。又云勘破了也。復頌云：咄。這維摩老。悲生空懷。惱臥疾。耽耶。羅全身太枯。不靠倒。金毛獅子無處討。圓悟動云：如今禪和子。便道無語是靠倒。且莫錯認。定盤星。白雲端頌云：一箇兩箇。百千萬。屈指尋文數。不辨暫時。放在暗處。前明日與君重計弄。

梁雙林善慧大士傳翕

善慧大士者。婺州義烏縣人也。齊明帝建武四年丁丑五月八日。降於雙林鄉傳宣慈家。本名翕。年十六。納劉氏女名妙光。生普建。普成二子。梁普通元年。年二十四。與里人稽亭浦。鰥魚。獲已沉籠水中。祝曰：去

者適止者。留人或謂之愚。會有天竺僧嵩頭陀引之。臨水觀影。見圓光寶蓋。法從甚盛。翕笑而悟。乃至松山頂結庵。雙樹樹間。自號雙林善慧大士。種植蔬果。為人傭作。晝作夜歸。與妻敷演佛法。苦行七年。大士欲導羣品。令弟子奉書詣闕。稱武帝為國主救世菩薩。帝預勅鎖門。以觀其意。大士袖出木槌。一扣諸門。盡開。直入見帝。於善言殿上。御榻對語。帝問師事。從誰答曰：從無所從。師無所師。事無所事。大士三至京師。以度道俗。不可數計。帝召見壽光殿。共論真諦。大士曰：息而不滅。帝請講金剛經。大士纔陞座。以尺揮案一下。便下座。帝愕然。聖師曰：陛下還會麼。帝曰：不會。聖師曰：大士講經竟。又一日講經次。帝至。衆皆起。大士端坐不動。衆報聖駕臨。此何不起。大士曰：法地若動。一切不安。大士一日披袈裟。頂冠。履朝見。帝問：是僧耶。大士以手指冠。是道耶。大士以手指履。是俗耶。大士以手指袈衣。陳宣帝大建元年。入涅槃。壽七十三。嘗著心王銘曰：觀心空王。玄妙難測。無形無相。有大神力。能滅千災。成就萬德。體性雖空。能施法則。

觀之無形。呼之有聲。爲大法將。心戒傳經。水中鹽味。色裏膠青。決定是有。不見其形。心王亦爾。身內居停。面門出入。應物隨情。自在無礙。所作皆成了。本識心。識心見佛。是心是佛。是佛是心。念念佛心。佛心念佛。欲得早成。戒心自律。淨律淨心。心卽是佛。除此心王。更無別佛。欲求成佛。莫染一物。心性雖空。貪瞋體實。入此法門。端坐成佛。到彼岸已。得渡羅蜜。慕道眞士。自觀自心。知佛在內。不向外尋。卽心卽佛。卽佛卽心。心明識佛。曉了識心。離心非佛。離佛非心。非佛莫測。無所堪任。執空滯寂。於此漂沉。諸佛菩薩。非此安心。明心大士。悟此玄音。身心性妙。用無更改。是故智者。放心自在。莫言心王。空無體性。能使色身作邪作正。非有非無。隱顯不定。心性離空。能凡能聖。是故相勸。好生防愼。剎那造作。還復漂沉。清淨心智。如世黃金。般若法藏。並在身心。無爲法寶。非淺非深。諸佛菩薩。了此本心。有緣遇者。非去來今。有偈曰。夜夜抱佛眠。朝朝還共起。起坐鎮相隨。語默同居止。纖毫不相離。如身影相似。欲識佛去處。祇這語聲是。

保寧勇云。大衆傳大士此。

頌。古今不墜。一切人知。向此管地者。固多錯會者。不少。玄沙云。大小傳大士。只認得箇昭昭靈靈。河山總云。且道。納僧家。日裏還曾睡也。無此兩轉語。誰言世上無仙客。須信箇中別有天。保寧亦有一頌。要眠時卽眠。要起時卽起。水洗面皮光。煎茶濕却嘴。大海紅塵。又曰。空處平地。波濤起。阿呵呵。阿呵呵。囉哩囉哩。又曰。空手把鋤頭。步行騎水牛。人從橋上過。橋流水不流。

倫頌云。狗走抖擻口。猴愁樓搜頭。瑞巖門外水。自古向西流。張無盡見。皓布視舉大士此頌。皓曰。此頌得法身邊事。頌不得法身向上事。無盡曰。請和尚頌。皓遂應聲頌曰。昨夜雨霽。亭打倒。葡萄樹。知事普請。行者人力。挂底挂。撐底撐。撐撐挂。又曰。有物先天地。無形本寂寥。能爲萬象主。不逐四時凋。

唐龐蘊居士嗣法馬祖一

襄州居士龐蘊。衡州衡陽縣人也。字道玄。世本儒業。少悟塵勞。志求真諦。唐貞元初。謁石頭遷禪師。問不與萬法爲侶者。是甚麼人。石頭以手掩其口。豁然有省。後與丹霞爲友。一日石頭問曰。子見老僧以來。日用事作麼生。居士曰。若問日用事。卽無開口處。乃呈偈曰。日用事無別。唯吾自偶諸頭頭。頭非取捨處處沒。張乖朱紫誰爲號。丘山絕點埃。神通并妙用。運水及搬柴。石頭然之。曰。子以緇邪素邪。居士曰。願從所慕。遂不剃染。後參馬祖。問不與萬法爲侶者。是甚麼人。

馬祖曰待汝一口吸盡西江水卽向汝道居士於言

下頓領玄旨東林珪老頌云大海波濤淺小入方寸深海枯終見底人死不知心雲門杲

頌云一口吸盡西江水甲乙丙丁庚戌巳唱咄咄囉囉

哩白雲端頌云一口吸盡西江水萬古千今無一調

要須黨理不黨親乃留駐參承二載居士一日問馬

祖曰知水無筋骨能勝萬斛舟此理如何馬祖曰遮

裏無水亦無舟說甚麼筋骨居士又問馬祖曰不昧

本來人請師高著眼祖直下觀居士曰一種沒絃琴

惟師彈得妙祖直上觀居士題作禮馬祖歸方丈居

士隨後入曰弄巧成拙妙喜曰馬師觀上觀下卽不無爭奈昧却本來人居士雖

然禮拜渾崙吞箇裏馬祖歸方丈居士有偈曰有男

士隨後入云弄巧成拙救得一半居士有偈曰有男

不婚有女不嫁大家團樂頭共說無生話徑山杲示

昔龐居士有言有男不婚有女不嫁大家團樂頭共說

無生話後來元豐間有箇士人謂之無爲居士姓楊名

傑字次公嘗參前輩於宗門中有真實得力處曾和龐

公此偈云男大須婚女大須嫁討甚閑工夫更說無生

話這兩箇俗漢子將他十方常住一片田地不向官中

印契各自分疆列界道我知有而時時向無佛處稱尊

當時亦有箇不平底謂之海印信禪師時住蘇州定慧

因見無爲此偈亦有一偈曰我無男婚我無女嫁困來

便打眠誰管無生話這三箇老漢說此三偈決然居士

說定道總不恁麼若總不恁麼又落在妙喜團圞裏要

出三老團圞則易要出妙喜團圞則難快然畢竟如何

却緩緩地來爲你說破自爾機辯迅捷諸方嚮之因

至藥山藥山和尚藥山問曰一乘中還著得這箇事

麼居士曰某甲祇管日求升合不知還著得麼藥山

曰道居士不見石頭得麼居士曰拈一放一未爲好

手藥山曰老僧住持事繁居士珍重便出藥山曰拈

一放一的是好手居士曰好箇一乘問宗今日失却

也藥山曰是是因辭藥山藥山命十禪客相送至門

首居士乃指空中雪曰好雪片片不落別處有全禪

客曰落在甚處居士遂與一掌全曰也不得草草居

士曰恁麼稱禪客閻羅老子未放你在全曰居士作

麼生居士又掌曰眼見如盲口說如啞丹霞和尚法

頭石一日來訪居士見女子靈照洗菜次霞問居士在

否靈照放下菜籃歛手而立霞又問居士在否靈照

提籃便行歸舉似居士居士曰亦土搽牛欄丹霞乃

隨後入見居士居士見來不起亦不言霞乃豎起拂

子居士豎起槌子霞曰祇恁麼更別有居士曰這回

見師不似於前霞曰不妨減人聲價居士曰比來折



你一下。霞曰：「怎麼則癡却天然口也。」居士曰：「你癡由本分累我，亦癡霞使擲下拂子而去。」居士召曰：「然闍黎然。」闍黎霞不顧居士曰：「不惟患癡，兼更患聾。」丹霞一日訪居士曰：「昨日相見，何似今日？」居士曰：「如法。」昨日事來作箇宗眼。霞曰：「祇如宗眼，還著得龐公麼？」居士曰：「我在你眼裏。」霞曰：「某甲眼窄，何處安身？」居士曰：「是眼何窄？是身何安？」霞休去。居士曰：「更道取一句，便得此話圓。」霞亦不對。居士曰：「就中這一句，無人道得。」一日居士向丹霞前叉手立，少時即出去。霞不顧居士却來坐。霞却向居士前叉手立，少時便入方丈。居士曰：「汝入我出，未有事在。」霞曰：「這老翁出出入入，有甚了期？」居士曰：「却無些子慈悲心。」霞曰：「引得這漢到這田地。」居士曰：「把甚麼引霞迺拈起居士幞頭曰：「却似一箇老師僧。」居士却將幞頭安霞頭上曰：「一似箇少年俗人。」霞應喏三聲。居士曰：「猶有昔時氣息在。」霞乃拋下幞頭曰：「大似一箇烏紗巾。」居士迺應喏三聲。霞曰：「昔時氣息爭忘得？」居士彈指三下曰：「動天動地。」一日丹霞見居士來，便作走勢。居士曰：「猶是拋身。」

勢怎生是囉呻勢？霞使坐居士乃向前以拄杖畫地作七字。霞於下面書箇一字。居士曰：「因七見一，見一忘七。」霞曰：「這裏著。」詰居士乃哭三聲而去。一日居士與丹霞出行，見江水澄碧。居士指水曰：「得恁麼也？」還辨不出。霞曰：「的箇辨不出。」居士以手屏水潑霞三遍。霞曰：「莫恁麼，莫恁麼，却以水潑居士。」居士曰：「當恁麼時，堪作箇甚麼？」霞曰：「無物外。」居士曰：「得便宜人少，得便宜人少。」霞無對。居士曰：「誰不落便宜？」又一日訪居士至門首相見，乃問居士在不。居士曰：「饑不擇食。」丹霞曰：「龍老在否？」居士曰：「蒼天蒼天，便入宅去。」丹霞曰：「蒼天蒼天，便回。」居士一日訪長髯和尚。法嗣石頭師陞座，衆集定。居士出曰：「各請自檢好，却於禪牀右立。」時有僧問不觸主人翁，請師答話。長髯曰：「識龐公麼？」曰：「不識。」居士便攔住曰：「苦哉苦哉，僧無對。」居士便拓開師少間，却問適來這僧還喫棒否。居士曰：「待伊甘始得。」長髯曰：「居士祇見錐頭利，不見鑿頭方。」居士曰：「恁麼說話？」某甲即得外人聞之，要且不好。長髯曰：「不好箇甚麼？」居士曰：「阿師祇見錐頭尖，不見鑿頭利。」應若舉云風行

草偃水到渠成。親面提持。斬釘截鐵。居士打開無盡寶藏。運出自己家珍。要且只解自家富貴。安能富貴別人。長髮久經陣敵。慣戴作家至險。至危處。愈見八面玲瓏。歸宗大衆。集定其間。設有一個半個。善能自檢。便與提出。何故家無白澤。大同普濟和尚。法嗣。石頭。一日問居士曰。是箇言語。今古少人避得唇舌。只如翁避得麼。

居士應喏。普濟再舉前話。居士曰。甚麼處去來。普濟又舉前話。居士曰。甚麼處去來。普濟曰。非但如今古人亦有此語。居士作舞而去。普濟曰。這風顛漢。自過教誰點檢。一日普濟訪居士。居士曰。憶在母胎時。有一則語。舉似阿師。不得作道理。主持普濟曰。猶是隔生也。居士曰。向道不得作道理。普濟曰。驚人之句。爭得不怕。居士曰。如師見解。可謂驚人。普濟曰。不作道理。却成道理。居士曰。不但隔一生。兩生。普濟曰。粥飯底僧。一任檢實。居士鳴指三下。普濟一日見居士來。便掩却門曰。多知老翁。莫與相見。居士曰。獨坐獨語。過在阿誰。普濟乃開門。居士把住曰。是師多知。是我多知。普濟曰。多知且置。閉門與開門。卷舒爭幾許。居士曰。祇此一問。氣急殺人。普濟默然。居士曰。弄巧成拙。一日見普濟。居士拈起手中策籬曰。大同師大。

同師普濟不應。居士曰。石頭一宗。到師處水消瓦解。普濟曰。不得龐翁舉灼。然如此。居士拋下策籬曰。寧知不直一文錢。普濟曰。雖不直一文錢。欠他又爭得。居士作舞而去。普濟提起策籬曰。居士。居士回首。普濟作舞而去。居士撫掌曰。歸去來。歸去來。大梅和尚。法嗣。居士聞之。欲驗師實。特去相訪。纔相見。居士便問。久嚮大梅。未審梅子熟也未。大梅曰。熟也。你向甚麼處下口。居士曰。百雜碎。大梅伸手曰。還我核子來。居士便去訪芙蓉。太毓。法嗣。因行食到居士前。居士擬接毓。乃縮手曰。生心受施。淨名蚤訶。去此一機。居士還甘否。居士曰。當時善現。豈不作家。毓曰。非關他事。居士曰。食到口邊。被他奪却。毓乃下食。居士曰。不消一句子。圓悟勸云。善現作家芙蓉。奇特盡被龐居士一時領過了也。只如龐居士道。不消一句子。且道是那一句。端坐受供。養施主。蒙安樂。頌云。淨明阿善。現美。容勒。龍老。彼此不相。饒。暖。機。無處討。雲行雨施。雷奔電掃。殺虎陷虎。出草入草。又問馬大師。著毗婆尸。佛早留心。直至如今。不得妙。實爲人處。還分付吾師否。毓曰。某甲尚未見他。作麼生知他。善實處。居士曰。祇此見知也。無討處。毓曰。居士也不得一向言說。居士曰。一向言說。師又失宗。若

作兩向三向師還開得口否。毓曰：直是開口不得，可謂實也。居士撫掌而出。本谿和尚法嗣馬祖因居士問丹霞打侍者意在何所。本谿曰：大老翁見人長短，在居士曰：爲我與師同參。方敢借問。本谿曰：若怎麼從頭舉來共你商量。居士曰：老大翁不可共你說人是非。本谿曰：念翁年老。居士曰：罪過罪過。一日本谿見居士來，乃目示多時。居士廼將杖子畫一圓相。本谿便近前以腳踏居士曰：是甚麼？是甚麼？却於居士前畫一圓相。居士亦以腳踏。却本谿曰：來時有去時？無居士抱杖子而立。本谿曰：來時有去時？無居士曰：幸自圓成，徒勞目視。本谿拍手曰：奇時！一無所得。居士拈杖子點點而去。本谿曰：看路看路。居士曰：是甚麼？是甚麼？石林和尚法嗣馬祖見居士來，乃豎起拂子曰：不落丹霞機。試道一句子。居士奪却拂子，却自豎起拳。石林曰：正是丹霞機。居士曰：與我不落看。石林曰：丹霞患瘧。龐公患聾。居士曰：恰是石林無語。居士曰：向道偶爾。又一日問居士某甲有箇借問。居士莫惜言語。居士曰：便請舉來。石林曰：元來惜言語。居士曰：這箇

問訊不覺落地。便宜石林乃掩耳。居士曰：作家作家。石林一日自下茶與居士。居士纔接茶。石林乃抽身退後曰：何似？生居士曰：有口道不得。石林曰：須是怎麼始得。居士拂袖而去曰：也大無端。石林曰：識得龐翁也。居士却回石林曰：也大無端。居士無語。石林曰：也解無語去。又訪齊峯和尚法嗣馬祖。齊峯曰：俗人頻頻入僧院討箇甚麼。居士廼顧兩邊曰：誰恁麼道。齊峯乃咄之。居士曰：在這裏。齊峯曰：莫是當陽道麼。居士曰：背後底。齊峯回首曰：看看。居士曰：草賊大敗。齊峯無語。一日齊峯與居士並行。居士廼前行一步曰：我強如師一步。齊峯曰：無背向。老翁要爭先在。居士曰：苦中苦。未是此一句。齊峯曰：怕翁不甘。居士曰：老翁若不堪。齊峯堪作箇甚麼。齊峯曰：若有棒在手，打不解倦。居士便行一擱曰：不多好。齊峯始拈棒被居士把住曰：這賊今日一場敗闕。齊峯笑曰：是我拙是公巧。居士乃撫掌出曰：平交平交。居士又問：此去峯頂有幾里。齊峯曰：甚麼處去來。居士曰：可謂峻硬，不得問著。齊峯曰：是多少。居士曰：一二三。齊峯曰：四五

六居士曰何不道七齊峯曰纔道七便有八居士曰住得也齊峯曰一任添取居士喝便出去齊峯隨後亦喝居士曰不得堂堂道齊峯曰還我恁麼時龐公主人翁來居士曰少神作麼齊峯曰好箇問訊問不著人居士曰好來好來應菴華云發大機頭大用且非電光石火疾快過風要須平地上險崖孤峻處平坦看他二老深入虎穴透徹淵源至於結角羅紋游刃磅礪得大自在因甚麼峰頂未曾到只如齊峰云還我恁麼時龐公主人公來士云少神作麼歸宗向這裏擬着箇眼也要諸人警地良久云竹影掃地塵不動又訪百靈和尚法嗣馬祖路次相逢百靈便問南嶽得力句還曾舉向人也無居士曰曾學來百靈曰舉向甚麼人居士以手自指曰龐公百靈曰直是妙德空生也讚歎不及居士却問阿師得力句是誰得知百靈戴笠子便行居士曰善爲道路百靈更不回首徑山杲云這箇話端若不是龐公幾乎錯舉似人雖然如是百靈輸他龐公一着何故當時不得箇破笠頭遮却鬚鬚有甚面目見他龐公楚石琦云百靈戴笠便去得力句分明舉似來因甚麼妙喜老人道百靈有甚面目見他龐公也是扶強不扶弱有人與妙喜作主要問作麼生是得力句速道速道擬議不來劈脊便棒一日百靈問道得道不得俱未免汝且道未免箇甚麼居士以目瞬之百靈曰奇特更無此也居士曰師錯許人百靈曰誰不恁麼誰不恁麼

居士珍重而去一日百靈在方丈內坐居士入來百靈把住曰今人道古人道居士作麼生道居士打百靈一摑百靈曰不得不道居士曰道即有過百靈曰還我一摑來居士近前曰試下手看百靈便珍重一日居士問百靈曰是這箇眼目免得人口麼百靈曰作麼免得居士曰情知情知百靈曰棒不打無事人居士轉身曰打打百靈方拈棒起被居士把住曰與我免看百靈無語又訪松山和尚法嗣馬祖同居士喫茶居士舉起橐子曰人人盡有分爲甚麼道不得松山曰祇爲人人盡有所以道不得居士曰阿兄爲甚麼却道得松山曰不可無言也居士曰灼然灼然松山便喫茶居士曰阿兄喫茶爲甚麼不揖客松山曰誰居士曰龐公松山曰何須更揖後丹霞聞乃曰若不是松山幾被箇老翁惑亂一上居士聞之乃令人傳語丹霞曰何不會取末舉橐子時一日松山與居士看耕牛居士指牛曰是伊時中更安樂只是未知有松山曰若非龐公又爭識伊居士曰阿師道渠未知有箇甚麼松山曰未見石頭不妨道不得居士曰見



後作麼生。松山撫掌三下。一日居士訪松山。見松山携箇杖子。便曰。手中是箇甚麼。松山曰。老僧年邁。闕伊一步不得。居士曰。雖然如是。壯力猶存。松山便打居士曰。放却手中杖子。致將一問來。松山拋下杖子。居士曰。這老漢前言不付後語。松山便喝居士曰。蒼天中更有怨苦。一日松山與居士行。次見僧擇菜。松山曰。黃葉卽去。青葉卽留。居士曰。不落黃葉。又怎生。松山曰。道取居士曰。不爲賓主大難。松山曰。只爲強作主宰。居士曰。誰不恁麼。松山曰。不是不是。居士曰。青黃不留處。就中難道。松山曰。也解恁麼去。居士珍重大衆。松山曰。大衆放你落機處。居士便行。一日松山與居士話。次倏拈起案上尺子曰。還見這箇麼。居士曰。見松山曰。見箇甚麼。居士曰。松山松山。松山曰。不得不道。居士曰。爭得松山。乃拋下尺子。居士曰。有頭無尾。得人憎。松山曰。不是公。今日還道不及。居士曰。不及箇甚麼。松山曰。有頭無尾。居士曰。強中得弱。卽有弱中得強。卽無松山抱住居士曰。這箇老子就中無話處。又訪則川和尚。法嗣馬祖則川曰。還記得見石

頭時道理否。居士曰。猶得阿師重舉。在則川曰。情知久參事。慢居士曰。阿師老耄。不啻龐公。則川曰。二彼同時。又爭幾許。居士曰。龐公鮮健。且勝阿師。則川曰。不是勝我。祇欠汝箇幞頭。居士拈下幞頭曰。恰與師相似。川大笑而已。川摘茶次。居士曰。法界不容身。師還見我。否則川曰。不是老僧。泊答公話。居士曰。有問有答。蓋是尋常。則川乃摘茶不聽。居士曰。莫怪。適來容易。借問川亦不顧。居士喝曰。這無禮儀。老漢待我一一舉向明眼人。則川乃拋却茶籃。便歸方丈。雪竇云。則川只解把定封疆。不能同生同死。當時好與將下幞頭。誰敢喚作龐居士。一日則川在方丈內坐。居士見曰。只知端坐。方丈不覺僧到。參時則川垂下一足。居士便出。三兩步却回。則川却收足。居士曰。可謂自由自在。則川曰。爭奈主人何。居士曰。阿師只知有主。不知有客。則川喚侍者點茶。居士乃作舞而出。居士到仰山。法嗣渴山問久嚮仰山。到來爲甚麼。却覆仰山。豎起拂子。居士曰。恰是仰山。曰。是仰是覆。居士乃打露柱曰。雖然無人也。要露柱證明。仰山擲下拂子曰。若到諸方。一任舉似。白雲端頌云。兩箇八文爲十六從頭數過。



猶不足。拿來亂撒向塔。又訪洛浦和尚。法嗣居士拜

起曰。仲夏毒熱。孟冬薄寒。洛浦曰。莫錯。居士曰。龐翁

年老。洛浦曰。何不寒時道寒。熱時道熱。居士曰。患聾

作麼。洛浦曰。放你二十棒。居士曰。瘧却我口塞。却你

眼。應菴華云。龐居士雖是煅了底金。要且未經本分

鎚。洛浦雖輕放過歸宗。不免賊過後張弓。當時待他

道。仲夏毒熱。孟冬薄寒。便與趕。居士一日訪谷隱道

者。谷隱問曰。誰居士。豎起杖子。谷隱曰。莫是上上機

麼。居士拋下杖子。谷隱無語。居士曰。只知上上機不

覺。上上事。谷隱曰。作麼生。是上上事。居士拈起杖子。

谷隱曰。不得草草。居士曰。可憐強作主宰。谷隱曰。有

一機人。不要拈掇。豎拂亦不用對答。言辭。居士若逢

如何。則是居士。曰。何處逢谷隱。把住居士。乃曰。莫這

便。是否居士。薰面便睡。谷隱無語。居士與一頌曰。焰

水無魚下底鈎。覓魚無處笑君愁。可憐谷隱攷禪伯。

被睡如今見。亦羞居士嘗遊講肆。隨喜金剛經。至無

我無人處。致問曰。座主既無我無人。是誰講誰聽。座

主無對。居士曰。某甲雖是俗人。粗知信向。座主曰。祇

如居士意。作麼生。居士以偈答曰。無我復無人。作麼

有疎親。勸君休歷座。不似直求真。金剛般若性外絕

一纖塵。我聞并信受。總是假名陳。座主聞偈欣然。仰

歎居士。因在床上臥看經。有僧見云。居士看經須具

威儀。居士翹起一足。僧無語。居士一日在洪州市內

賣策籬。見一僧緣化。乃將一文錢問曰。不辜負信施

道理。還道得麼。若道得。即捨僧無語。居士曰。你問我

與你道。便問不辜負信施道理。作麼生。居士曰。少人

聽。又曰。會麼。僧曰。不會。居士曰。是誰不會。居士一日

見牧童。乃問路從甚麼處去。童曰。路也不識。居士曰。

這看牛兒童。曰。這畜生。居士曰。今日甚麼時也。童曰。

插田時也。居士大笑。居士所至之處。老宿多往復問。

齋。皆隨機應響。非格量軌轍之可拘也。元和。中。北遊

襄漢。隨處而居。有女名靈照。常鬻竹漉籬。以供朝夕

居士嘗有偈曰。十方同聚會。箇箇學無爲。此是選佛

場。心空及第歸。又曰。心如境。亦如無。實亦無。虛有亦

不管。無亦不拘。不是聖賢了事。凡夫妙喜拈云。白的

能灑火。不能燒。是箇甚麼。切不得問着。問著則瞎。却你

眼。以拄杖擊香臺一下。楚石琦拈云。要作了事。凡夫

更須進。易復易。卽此五蘊有眞智。十方世界一乘同。

無相法身豈有二若捨煩惱入菩提不知何方有佛

地護生須是殺殺盡始安居會得箇中意鐵船水上

浮園悟動舉此偈云且道殺箇甚麼殺衆生物命凡夫

見解殺六賊煩惱座主見解殺佛殺祖大闢提人見

解解僧分上畢竟殺箇甚麼試定當看僧問未審殺箇

甚麼師曰大有人疑着曰學人到這裡直得步步絕行

蹤時如何悟曰未有金剛王寶劍在國悟又云只如護

生須用殺且道殺箇甚麼便有禪和子道不是殺物命

只是殺無明賊殺煩惱賊殺六根六塵賊殺爭人爭我

賊雖然一期也似要且未夢見衲僧脚跟頭既是護生

須是明殺意如何是殺意險若向箇裏辨得出便可放

一線道浩浩之中管取坐斷天下人舌頭然後始殺得

盡然雖如是釋迦老子也殺不盡迦葉也殺不盡西天

二十八祖也殺不盡唐土六祖也殺不盡要明不盡底

須是放却從前已後見解明暗玄妙理性殊勝奇特潔

淨剷除不留毫末也不到極盡處只如正盡處合作麼

生還委悉麼深山大澤無人到聚頭正好共商量中

峰本云莫是殺生與護生一念平等麼麼麼商量唐人

眼居士與行婆靈照坐次居士曰難難難十石油麻

樹上攤婆曰易易易百草頭上祖師意靈照曰也不

難也不易饑來喫飯困來睡妙喜云此三人同行不

心意識博量卜度非獨不見三人落著處十二時中亦

自昧却本地風光不見本來面目未免被難易不難易

牽挽不得自在欲得自在將此三人道底作居士曰

一句看妙喜已是拖泥帶水下注脚了也

末後太過直饒齊行齊到若到雲門一坑埋却且道過

在甚麼處明明百草頭明明祖師意楚石琦云明明

百草頭明明祖師意龐公只解拋磚靈照何曾

瞥地從教千古萬古黑漫漫填溝壑塞沒人會偶同

寶渡籬下橋契撲靈照見亦倒地居士曰你作甚麼

靈照曰見爺倒地某甲相扶居士將入滅謂靈照曰

視日早晚及午以報照遽報日已中矣而有蝕也居

士出戶觀次靈照即登父座合掌坐亡居士笑曰我

女鋒捷矣於是更延七日州牧于公頓問疾次居士

謂之曰但願空諸所有慎勿實諸所無好住世間皆

如影響言訖枕于公膝而化遺命焚棄江湖緇白傷

悼謂禪門龐居士即毗耶淨名有詩偈三百餘篇傳

於世鑒嘆氏云余覽居士臨終偈有空華落影陽焰

悲示現爲在家標榜故管抵裏過羅子難問狀聞居士

有感隨自言償商賈事便謂布施本欲集福翻以貽禍

因棄家財云則已入不住法門矣乃居士遷化去長子

適往田間婆急以告其子應聲未了忽倚鑊頭而逝豈

惟女捷于機哉及婆收諸靈骨已直向鹿門絕壁震威

一喝訝然中開遂投壁與身俱隱畢竟是所有空爲復

是所無空若也縊素得出許伊把手龐公其或不爾且莫竊語

先覺宗乘卷一

雙髻釋頓讓訂閱

先覺宗乘卷二

徑山語風老人 圓信 較定

無地地主人 郭凝之 彙編

唐甘贄行者嗣法南泉頤

池州甘贄行者一日入南泉設齋黃檗爲首座行者請施財黃檗曰財法二施等無差別甘曰乃行願翠巖真云甘贄行者何曾夢見妙喜學翠巖語云一等是隨邪逐惡這雲居羅漢却較些子楚石琦云恁麼恁麼扶起甘贄推倒黃檗不恁麼不恁麼扶起黃檗推倒甘贄只如恁麼中不恁麼不恁麼中却恁麼又作麼生師子咬人韓獝逐塊又一日入寺設粥仍請南泉念誦南泉乃白椎曰請大衆爲狸奴白牯念摩訶般若波羅蜜甘拂袖便出南泉粥後問典座行者在甚處典座曰當時便去也南泉便打破鍋子妙喜云心不負人面無慙色甘常接待往來有僧問曰行者接待不易甘曰譬如餒驢餒馬僧休去有住庵僧緣化什物甘曰有一問若道得卽施乃書心字問是甚麼字曰心字又問妻甚麼字妻曰心字甘曰某甲山妻亦合住庵其僧無語甘亦無施又

問一僧甚麼處來曰瀉山來甘曰曾有僧問瀉山如何是西來意瀉山舉起拂子上座作麼生會瀉山意曰借事明心附物顯理甘曰且歸瀉山去好保福問之乃仰手覆藥山令供養主抄化甘曰行者問甚麼處來曰藥山來甘曰來作麼曰教化甘曰將得藥來麼曰行者有甚麼病甘便捨銀兩錠意山中有人此物却回無入卽休主便歸納疏藥山問曰子歸何速主曰問佛法相當得銀兩錠藥山令舉其語主舉已藥山曰速送還他子善賊了也主便送還甘曰緣來有人遂添銀施之同安顯云早知行者恁麼問終不道藥山來

唐刺史陸亘嗣法南泉頤

陸亘字景山蘇州吳人觀察池州時請南泉普願禪師入郡伸弟子禮公問曰古人瓶中養一鵝鵝漸長大出瓶不得如今不得毀瓶不得損鵝和尚作麼生出得南泉召大夫公應諸南泉曰出也高峰妙云南泉潦倒手脚不親縱曉出得也是死貨高峰只向他道大夫還曾示人麼纔擬擬祇對便與亂棒打出非待爲遮漢脫却鵝莫布衫要便天下窮僧箇箇解粘去縛憂快平生公從此開解卽禮謝問弟子從六合來彼中還更有身否南泉曰分明記取學似

作家曰和尚不可思議到處世界成就南泉曰適來總是大夫分上事公異曰謂南泉曰弟子亦薄會佛法南泉便問大夫十二時中作麼生曰寸絲不掛南泉曰猶是墻下漢又曰不見道有道君王不納有智之臣南泉一日上堂公曰請和尚爲衆說法南泉曰教老僧作麼生說曰和尚豈無方便南泉曰道他欠少甚麼曰爲甚麼有六道四生南泉曰老僧不教他公與南泉見人雙陸指骰子曰怎麼不怎麼正怎麼信彩去時如河南泉拈起骰子曰臭骨頭十八公問弟子家中有一片石或時坐或時臥如今擬鑄作佛還得否南泉曰得公曰莫不得否南泉曰不得雲巖即佛不坐即非佛洞山云不坐即佛坐即非佛天奇拈云陸亘大夫向這石頭上坐臥不安仔細檢點將來皆是自不守分不是南泉爭得風光遍界怎麼便怎麼不怎麼便不怎麼若不具眼總是泥裏洗土塊靈岩證據洞山交互方見得打公向南泉道肇法師也甚奇鼓弄琵琶相逢兩會家

怪解道天地與我同根萬物與我一體南泉指庭前牡丹花曰大夫時人見此一株花如夢相似圓悟勸手攀金鎖南泉八字打開直得七珍八寶羅列目前乃堅起拂子云天地一指萬物一馬通身是眼分疎不下妙喜泉云若向理上看非但南泉誤他陸亘大夫一點不得亦未摸着他脚跟下一莖毛在若向事上看非

但陸亘大夫誤他南泉一點不得亦未夢見他汗臭氣在或有出來道大小徑山說理說事只向他道但向理萬物一體上會落在華法師圈裏若向理上會又落道妙喜葛藤中總無自由分只如南泉指牡丹向陸亘道大夫時人見此一株花如夢相似你畢竟如何會天寧不惜眉毛爲你諸人下個註脚平蕪盡處是青山行人更在青山外妙喜頌云天地同根伸一問未曾重發玉本無瑕却有瑕公又問天王居何地位曰若是天王即非地位曰弟子聞說天王是居初地位應以天王身得度者即現天王身而爲說法公辭歸宣城治所南泉問大夫去彼將何治民公曰以智慧治民南泉曰怎麼則彼處生靈盡遭塗炭去也南泉入宣州公出迎接指城門曰人人盡喚作魏門未審和尚喚作甚麼門曰老僧若道恐辱大夫風化曰忽然賊來時作麼生南泉曰王老師罪過公又問大悲菩薩用許多手眼作甚麼南泉曰祇如國家又用大夫作甚麼楚石琦代云暨南泉圓寂院主問大夫何不哭先師公曰院主道得即哭院主無對長慶代云哭密雲悟代云蒼天蒼天雖似將哭代哭也可救一半

唐相圓裴休嗣法黃藥運

相國裴休居士字公美河東聞喜人也家世奉佛兒



時與兄弟偕隱。晝講經。夜著書。經年不出戶。中年後不食葷血。常齋戒。屏嗜慾。香爐貝典。不離左右。詠歌贊唄。以爲法樂。刺洪州時。入龍興寺。觀畫壁。乃問是何圖。相主事者對曰。高僧眞儀公曰。眞儀可觀。高僧何在。主事無對。公曰。此間有禪人否。曰。近有一僧投寺執役。頗似禪者。僧卽黃檗運也。公延至。曰。適有一問諸德客辭。今請上人代酬一語。黃檗曰。第言之。公舉前問黃檗。朗聲曰。裴休公應諾。黃檗曰。在甚麼處。徑山杲禪師因李參政到山。舉此公案。拈云。裴公將錯就錯。脫盡根塵。黃檗信口垂慈。不費心力。似地擎山。不知山之孤峻。如石含玉。不知玉之無瑕。雖然如是。黃檗只有殺人刀。且無活人劍。今日大資相公。或問雲門眞儀可觀。高僧在甚麼處。雲門亦召云。相公相公。若應諾。高僧在甚麼處。分明換却眼睛。黃檗更召相公。剛把鉢盂安柄。老妙喜與人錯下注脚。便道似地擎山。不知山之孤峻。如石含玉。不知玉之無瑕。蹉過了也。天寧卽不然。亦召相公。相公應諾。劈脊便棒。免致這漢向死水裏淹。公當下知旨。如獲寶珠。曰。吾師眞善知識也。遂延入府署。篤志內典。深入法會。旣通徹祖意。復博綜教相。諸方禪學咸謂裴相不浪出黃檗之門也。一日公以所解一編示黃檗。黃檗接置于座。略不披閱。良久曰。會麼。公未測。黃檗曰。若便恁麼會得。猶較些子。若

也。形於紙墨。何有吾宗。公一日拓一尊佛於黃檗前。跪曰。請師安名。黃檗召曰。裴休公應諾。黃檗曰。與汝安名。竟公禮拜。妙喜云。裴公贊。樂可謂如水入水。似金博金。雖然如是。檢點將來。不無滲漏。今日或有捧一尊像。請雲門安名。卽向道清淨法身毗盧遮那佛。若云。謝師安名。卽向道下。坡不走。快便難逢。楚石琦云。裴公捧像。黃檗安名。冷地看來。如大家教新婦相似。直是好笑。笑須三十年。妙喜旣不能坐斷。未免隨例顛倒。喚作清淨法身毗盧遮那佛。周人以栢股人以栗。公謁石霜諸禪師。石霜拈起。笏問在。天子手中爲珪。在官人手中爲笏。在老僧手中。且道喚作甚麼。公無對。石霜乃留下笏。密悟代云。和尚。公啓建法會。問僧看什麼經。曰。無言童子經。曰。有幾卷。曰。兩卷。曰。旣是無言。爲甚麼却有兩卷。僧無對。後龜山代云。若論公爲觀察。入山訪華林覺禪師。問曰。還有侍者否。曰。有一兩箇。祇是不可見。客公曰。在甚麼處。華林乃喚大空。小空。時二虎自菴後出。華林語二虎曰。有客且去。二虎咆哮而去。公問曰。師作何行業。感得如斯華林。良久曰。會麼。曰。不會。華林曰。山僧常念觀音。空音湛頌云。僧來展具已。輪常念觀音。獨不休。離虎風生。君未會。可憐空。磕破鐘樓。公嘗與圭峰密禪師遊入其闔域。休居嘗不御酒肉。著釋氏文數萬言。如作勸發菩提心。



文圖覽經敘法界觀敘禪源詮敘原人論敘世皆服其精要

唐常侍王敬初蜀法涌山旃

王敬初襄州人爲常侍視事次米和尚至公乃舉筆示之米曰還判得虛空否公擲筆入宅更不復出米致疑明日憑鼓山供養主人探其意米亦隨至潛在屏蔽間偵伺供養主纔坐問曰昨日米和尚有甚麼言句便不相見公曰獅子噉人韓盧逐塊米聞此語卽省前謬遽出朗笑曰我會也我會也公曰會卽不無你試道看米曰請常侍舉公乃豎起一隻筍米曰這野狐精公曰這漢徹也大漢詰云米胡雖然如是徹去大似看樓打樓大漢卽不然常侍雖是箇俗漢筆下有生殺之機米胡是一方善知識要且出他圈積不得當時待他擲下筆但問僧一切衆生還有佛性也向道我從來疑著這漢無僧曰有公指壁上畫狗子曰這箇還有也無僧無對公自代曰看較著汝鄂州無等禪師謁公辭退將出門公召曰和尚無等回顧公敲柱三下無等以手作圓相復三撥之便行公初見睦州睦州問曰今日何故入院遲公曰看打毬來睦州曰人打毬馬打毬

公曰人打毬睦州曰人困麼曰困睦州曰馬困麼曰困睦州曰露柱困麼公惘然對歸至私第中夜忽然有省明日見睦州曰某甲會得昨日事也睦州曰露柱困麼曰困睦州許之臨濟與公到僧堂公問這一堂僧還看經麼臨濟曰不看經曰還習禪麼臨濟曰不習禪曰既不看經又不習禪畢竟作箇甚麼臨濟曰總教伊成佛作祖去曰金屑雖貴落眼成翳臨濟曰我將謂你是箇俗漢楚石琦云臨濟吹毛劍什麼王常侍在自出洞來無敵手得饒人處且饒人麼處去也若也拈出有什麼

唐尚書陳操蜀法陳睦州

睦州刺史陳操位至尚書參睦州陳尊宿一日睦州看經次公問和尚看什麼經睦州曰金剛經公曰六朝翻譯此當第幾譯睦州舉起經曰一切有爲法如夢幻泡影公與僧齋次拈起餠餅問僧江西湖南還有這箇麼僧曰尚書適來喫箇甚麼公曰敲鐘謝響又齋僧次躬自行餅一僧展手擬接公却縮手僧無語公曰果然果然楚石琦代云久知尚書不吝問僧有箇事與上座商量得麼曰合取狗口公自摑口曰某甲罪過曰



麼處得者消息。公便喝慈明曰：「野干鳴。」公又喝慈明曰：「恰是公大笑。」慈明辭公問：「如何？」是上座臨行一句。慈明曰：「好將息。」公曰：「何異？」諸方慈明曰：「都尉又作麼？」生公曰：「放上座二十棒。」慈明曰：「專爲流通。」公又喝慈明曰：「瞎公曰：「好去。」慈明應喏喏。及還唐明公遣兩僧訊之。慈明於書尾畫雙足寫來。僧名寄之。公作偈曰：「黑毫千里餘。金梯示雙趺。人天渾莫測。珍重赤鬚胡。寶元戊寅。公遣使邀慈明曰：「海內法友。惟師與楊大年耳。大年棄我而先。僕年來頓覺衰落。忍死以一見。公仍以書抵潭帥。敦遣之。慈明惻然與侍者舟而東。下舟中作偈曰：「長江行不盡。帝里到何時。既得涼風便。休將榜棹施。至京師與公相會。月餘而公果沒。公臨終時。膈胃躁熱。有尼道堅謂曰：「衆生見劫盡大火所燒時。都尉切宜照管。」主人公公曰：「大師與我煎一服藥來。」堅無語。公曰：「這師姑藥也不會煎。」得時慈明來視公。畫一圓相。又作偈獻師曰：「世界無依山。河匪礙大海。微塵須彌納。芥拈起幞頭。」解下腰帶。若覓死生。問取皮袋。慈明曰：「如何？」是本來佛性。公曰：「今日熱。」

如昨日隨聲便問。臨行一句作麼。生慈明曰：「本來無罣礙。隨處任方圓。」公曰：「晚來困倦。更不答話。」慈明曰：「無佛處作佛。公於是泊然而逝。二廟尤留神。空宗聞公化。與慈明問答嘉嘆久之。慈明哭之。慟臨壙乃別。

宋侍郎文公楊億詞法廣慧

侍郎文公楊億居士字大年。幼學神嬰壯負才名。未知有佛。一日過同僚見讀金剛經者。且笑之。彼誦自若。公竊疑曰：「豈出孔孟之右乎？」何佞甚。因閱數板。憮然始少敬。信後會翰林李維勉令參問。迨三十時。由秘書監出守汝州。首謁廣慧公。便問布鼓當軒。擊誰是知音者。廣慧曰：「來風深辯。」公曰：「怎麼則禪客相逢祇彈指也。」廣慧曰：「君子可入公應喏。」廣慧曰：「草賊大敗。夜語次。廣慧曰：「秘監曾與甚人道話。」來公曰：「曾問雲巖諒監寺。兩箇大虫相咬時如何。」諒曰：「一合相某曰：「我祇管看未審恁麼道。還得麼。」廣慧曰：「這裏即不然。」公曰：「請和尚別一轉語。」廣慧以手作拽鼻勢曰：「這畜生更踉蹌在公於言下脫然無疑。有偈曰：「八角磨盤空裡走。金毛獅子變作狗。擬欲將身北斗藏。」

應須合掌南辰後。公又問天上無彌勒。地下無彌勒。未審在甚麼處。廣慧曰。敲磚打瓦。又問風穴道。金沙灘頭馬郎婦。意旨如何。廣慧曰。更道也不及。又問承和尚有言。一切罪業皆因財寶。所生勸人踈於財利。然南閻浮提衆生。以財爲命。邦國以財聚。人教中有財法二施。何得勸人踈財乎。廣慧曰。幡竿尖上鐵籠頭。公曰。海壇馬子似驢。大廣慧曰。楚鷄不是丹山鳳。公曰。佛滅二千歲。比丘少慚愧。公置一百問。請答。廣慧一一答。回詳在洞山聰禪師語要中。慈明依唐明嵩禪師。嵩謂慈明曰。楊大年內翰。知見高入道穩實。子不可不見慈明。乃往見大年。公問曰。對面不相識。千里却同風。慈明曰。近奉山門。請公曰。眞箇脫空。慈明曰。前月離唐。明公曰。適來悔相問。慈明曰。作家公便喝。慈明曰。却是公復喝。慈明以手劃一劃。公吐舌曰。眞是龍象。慈明曰。是何言。歟。公喚客司點茶。元來是屋裡人。慈明曰。也不消得茶罷。又問如何。是上座爲人一句。慈明曰。切。公曰。與麼則長裙新婦拖泥走。慈明曰。誰得似內翰。公曰。作家作家。慈明曰。放你二

十棒公拊膝曰。這裡是甚麼所在。慈明拍掌曰。也不得放過。又問。記得唐明當時悟底。因緣麼。慈明曰。唐明問首山。如何是佛法的大意。首山曰。楚王城畔。汝水東流。公曰。祇如此語。意旨如何。慈明曰。水上挂燈毬。公曰。與麼則孤負古人去也。慈明曰。內翰疑則別參。公曰。三脚蝦蟆跳上天。慈明曰。一任踴跳。公乃館于齋中。日夕質疑。恨見之晚。久之。慈明辭還河東。公曰。有一語寄與唐明。得麼。慈明曰。明月照見夜行人。公曰。却不相當。慈明曰。更深猶自可。午後更愁人。公曰。開寶寺前金剛。近日因甚麼汗出。慈明曰。知公曰。上座臨行。豈無爲人底句。慈明曰。重疊關山路。公曰。與麼則隨上座去也。慈明噓一聲。公曰。眞師子兒。大師子吼。慈明曰。放去。又收來。公曰。適來失腳踏倒。又得家童扶起。慈明曰。有甚麼了期。公笑嘗問鹿門。昭山主曰。入山不畏虎。當路却防人。時如何。昭曰。君子坦蕩蕩。又問李都尉曰。釋迦六年苦行。成得甚麼事。都尉曰。擔折知柴重。又與都尉唐明廣慧汾陽問答。次都尉曰。彌陀演化於西方。達磨傳心於東土。胡



來漢現水到渠成。五嶽鎮靜以崢嶸。百谷朝宗而浩渺。一靈之性託境現形。三有之中憑何立命。慈明曰。仙人無婦。玉女無夫。公曰。尼剃頭不復生子。慈明曰。陝府鎮牛能啼吼。嘉州大象念摩訶。都尉曰。側跳上山巔。慈明曰。騎牛不著靴。元叟端云。大小唐明。猶墮人有入室操戈之舉。是你諸人且作麼生會。不堅局。不固致。令他俗拂子云。白鷺下田。千點雪。黃鸝上樹。一枝花。廣慧曰。進象倒戈。汾陽曰。端身裂面。破問玄沙。不出嶺。保福不渡河。善財參知識。五十三員。慧遠結黑白。一十八士。雪峰三度上投子。智者九旬講法華。這六箇漢。爲復野干。鳴爲復師子。吼速道速。道慈明曰。水急魚行。澁峰高鳥不棲。公曰。泗州大聖。慈明曰。土上加泥。更一重都尉曰。舌上覆金錢。明曰。半夜款樂動。誰人得知音。慧曰。歌謠滿路。人皆望。汾陽曰。看壁畫人。吟問風穴。提印南院。傳衣昭公。演化於西河。嵩師領徒於并壘。南宗之旨。北土大興。且道二師承誰。恩力慈明曰。不入蓮池浴。懶向雪山遊。公曰。清涼山裡。萬菩薩。慈明曰。維摩會中。諸聖集。都尉曰。背負乾薪。遭野火。慈明曰。口是禍門。廣慧曰。藏頭白。海頭黑。汾陽曰。

◆光一作通

告天手捺地。嘯嘯問。切利透日月之上。四禪無風火之災。三交駕。鎮牛之車。臨汝握全提之印。彌猴有一面古鏡。狸奴有萬里神光。直下承當。是何人也。慈明曰。朝看東南。暮看西北。公曰。狸奴白牯。却知有慈明。曰。淹殺家頭。蓋都尉曰。月裡煮油。鑑慈明曰。石人腰帶。廣慧曰。陳蒲鞋。周金剛。汾陽曰。直裰又縫。胡釘鉸。問一切諸佛。盡在裡許。動即喪身。失命。覲著兩頭俱瞎。擬議之時。千山萬水。直下會得。也是炭庫裡坐地。有不惜眉毛者。通箇消息來。慈明曰。百雜碎。公曰。平生不妄語。慈明曰。也要道過。都尉曰。出穴兔。遭買。慈明曰。東西無滯礙。南北得自由。廣慧曰。振錫下犁泥。汾陽曰。穿山透石。壁鼻孔。血淋淋。慈明復有頌曰。一言纔出。徹龍庭。攪動須彌帝釋驚。三世諸佛齊坐了。杖頭傀儡弄雙睛。公答曰。今年桃李味甘香。一顆千金買得。嘗貯藥。胡盧拖鼠。味穴門。小窄轉難藏。五臺山裡有文殊。羅漢天台洞內居。爲問子湖一隻狗。何如普化一頭驢。再答曰。蜘蛛網中坐。虫兒不敢過。昨夜三尺雪。百鳥盡遭饑。果熟樹低垂。驚肥飯。箬破借。

◆味一作題



問末山尼何如劉鍊磨慈明又作宗本頌左顧右觀黃昏弄齒展手回來早是彰露且道作麼生是彰露底句公曰正殺人時督出頭慈明曰兩脚揜空手又曾都尉曰左鬚右髮隱文章慈明曰維摩一默文殊贊善若遇老僧在彼各與三十棒且道這二老漢過在甚麼處公曰頭破作七分如阿梨樹枝慈明曰迦葉不擎拳阿難不合掌都尉曰似犢牛兒未用角時慈明曰忙屈拳打令又曰教有明文佛身充滿于法界老僧今日充滿于法界侍郎即今在甚麼處公曰布裙一截泥努出膝蓋子慈明曰寬口布袴三尺杖都尉曰河水一擔直三文慈明曰只見鼻頭寬不見頂後濕蓋庶幾龍象蹴踏信非驢所堪矣公因微恙問環大師曰某今日忽違和大師慈悲如何醫療環曰丁香湯一盃公便作吐勢環曰恩愛成煩惱環爲煎藥次公曰有賊環下藥於公前又手側立公瞪目眎之曰少叢林漢環拂袖而出又一日問曰某四大將欲離散大師如何相救環乃誚曾三下公曰賴遇作家環曰幾年學佛法俗氣猶未除公曰禍不單

行環作嘯嘯聲公書偈遺李都尉曰漚生與漚滅二法本來齊欲識真歸處趙州東院西都尉見遂曰泰山廟裡賣紙錢都尉即至公已逝矣公修景德傳燈錄入大藏流通於世

宋侍郎楊傑蜀法天衣

楊傑字次公無爲人也宋元祐中爲侍郎自號無爲子公歷參諸名宿晚從天衣游天衣每引龐居士機語令研究深造後奉祠泰山一日聞鷄鳴曙日如盤湧忽大悟遂別有男不婚有女不嫁之偈曰男大須婚女大須嫁討甚閒工夫更說無生話書以寄天衣天衣稱善時海印信禪師見之亦有偈曰我無男婚亦無女嫁困來便打眠誰管無生話其互相提唱爾耳公又問本嵩律師以宣律師所講毗尼性體本嵩以偈答曰情智何嘗異犬吠地自行終南的意曰午打三更公肯之比提刑曰與果昌覺禪師同遊山次公拈起大士飯石問既是飯石爲甚麼咬不碎果昌曰祇爲太硬公曰猶涉繁詞果昌曰未審提刑作麼生公曰硬果昌曰也是第二月公爲寫七佛殿額

乃問七佛重出世時如何。果昌曰：一回相見，一回新公領之而已。投子聰禪師嘗被人殺，監寺更押聰繫獄。時公按行入州界，夢神人云：州有肉身菩薩枉坐縲紲。公即訪吏以聰事告公，遽立釋之。其贊投子青像曰：一隻履兩牛皮，金烏啼處木鷄飛。半夜賣油翁發笑，白頭生得黑頭兒。復贊五祖曰：人孰無父祖，獨有母其母爲誰？周氏季女濁港滔滔入大江，門前依舊長安路。及會芙蓉楷禪師，公曰：與師相別幾年？芙蓉曰：七年。公曰：學道來參禪，來芙蓉曰：不打這鼓笛。公曰：怎麼則空遊山水，百無所能也？芙蓉曰：別來未久，善能高鑒。公大笑。公有辭世偈曰：生無可戀，死無可捨。太虛空中之乎者也。將錯就錯，西方極樂便奄然而終。公有輔道集，蘇軾爲序傳於代。

宋簽判劉經臣詞法智海逸

劉經臣字與朝，爲簽判少以逸才登仕版於佛法。未之信年三十二，會東林照覺總禪師始醉心祖道，後抵京師謁慧林冲禪師於僧問雪竇如何，是諸佛本源。答曰：千峰寒色語下有，省歲餘官。維幕就參韶山。

◆於一作舉

◆逗一作及

杲禪師將去官辭韶山韶山囑曰：公如此用心，何愁不悟？向後或有非常境界，無量歡喜，宜急收拾。若收拾得去，便成法器。若收拾不得，則成失心之患。未幾復至京師，趨智海依正覺逸禪師。請問因緣，智海曰：古人道平常心是道。爾十二時中放光動地，不自覺知，向外馳求，轉疎轉遠。公益疑不解，一夕入室，智海舉傳燈所載香至國王問波羅提尊者何者是佛尊者曰：見性是佛。意旨如何？公不能對，疑甚。歸就寢，熟睡至五更覺來，方追念間見種種異相，表裏洞徹六根震動，天地回旋如雲開月現，喜不自勝。忽憶韶山臨別所囑之言，姑抑之。逗明悉以所得告智海，爲證。景智海曰：更須用得始得。公曰：莫要踐履否？智海厲聲曰：這箇是甚麼事？却說踐履。公默契。幻寄云：簽判寒色警地，遂帶累波羅提尊者入。乃作發明心地頌無尾巴獼猴隊中輪轉流浪悲夫。

八首及著明道論儒篇以警世。詞曰：明道在乎見性，已孟子曰：口之於味也，目之於色也，耳之於聲也，鼻之於臭也，四肢之於安佚也，性也。楊子曰：視聽言貌思性所有也。有見於此，則能明乎道矣。當知道不遠人，人之於道猶魚之於水，未嘗須臾離也。唯其迷已逐物，故終身由之而不知。佛曰：大覺儒曰：先覺蓋覺此耳。昔人有言曰：今古應無墜分明在目前。又曰：大道祇在目前要。

且目前雖睹欲識大道真體不離聲色言語又曰夜夜抱佛眠。朝朝還共起。起坐鎮相隨。語默同居止。欲識佛去處。祇這語聲是。此佛者之語道為最親者。立則見其參於前也。在與則見其倚於衡也。瞻之在前。忽焉在後。也。取之左右逢其源也。此佛者之語道為最通者。奈何此道唯可心傳。不立文字。故世尊拈花。而妙心傳於迦葉。達磨面壁。而宗旨付於神光。六葉既數。千花競秀。分宗列派。各有門庭。故或瞬目揚眉。拳拳墨指。或行棒行喝。豎拂拈祖。或持叉張弓。觀舞弄拳。或拽石搬土。打鼓吹毛。或一默一言。一吁一笑。乃至種種方便。皆是親切。為人然祇為太親。故人多罔措。警然見者。不隔絲毫。其或沉吟迢迢。萬里欲明。道者宜無忽焉。祖祖相傳。至今不絕。真得吾儒所謂忿而不發。開而弗達者矣。余之有得。實在此門。反思吾儒自有其道。其說孔子之言。默而識之。一以貫之。故曰擊而道存。指掌而意喻。凡若此者。皆合宗門之妙旨。得教外之真機。然而孔子之道。傳之子思。子思傳之孟子。孟子既沒。不得其傳。而所以傳于世者。特文字耳。故余之學。必求自得。而後已。幸余一夕開悟。凡目之所見。耳之所聞。心之所思。口之所談。手足之所運動。無非妙者。得之既久。日益見前。每以與人。人不能受。然後知妙道果不可以文字傳也。嗚呼。是道也。有其人。則傳無其人。則絕。余既得之矣。誰其似之乎。終余之身。而有其人。邪。無其人。邪。所不可得而知也。故為記。頌歌語。以流播其事。而又著此篇。以諭吾徒云。

宋清獻公趙抃山泉

趙抃字悅道。衢州西安人。號知非子。官至參政。年四十餘。擯去聲色。系心宗教。初從蔣山法泉禪師游。微有省。又從大名天鉢寺重元禪師問心要。師曰。公立朝論政。崇化明倫。奚暇刻意於此。公曰。聞別傳之旨。人人本有之事。豈抃不能願究明之師。乃令看狗子。

無佛性話。會佛慧居衢之南禪。公曰。親之慧未嘗容措一辭。後典青州政事之餘。多宴坐。忽大雷震驚。即契悟。作偈曰。默坐公堂。虛隱几。心澄不動。湛如水。一聲霹靂。頂門開。喚起從前自家底。舉頭蒼蒼。喜復喜。剎剎塵塵。無不是中下之人。不得聞妙用。神通而已矣。佛慧聞笑曰。趙悅道撞彩耳。元豐初年。七十二以太子少保告老。退居三衢。與山僧野老往來。無間名所居為高齋。以詩自見。曰。軒外長溪溪外山。捲簾空曠雲水間。高齋有問如何答。清夜安眠白晝閑。又題偈見意曰。腰佩黃金已退藏。箇中消息也尋常。世人欲識高齋老。祇是柯村趙四郎。復曰。切忌錯認公。一日徧辭親友。其子帆問後事。公厲聲叱之。遺佛慧書曰。非師平日警誨至此。必不得力矣。少頃語如平時。忽跌坐而化。年七十七。佛慧以偈贊曰。仕也邦為瑞。歸歟世作程。人間金粟去。天上玉樓成。慧劍無纖缺。冰壺徹底清。春風灑水路。孤月照雲明。

宋丞相張商英率悅

丞相張商英居士字天覺。號無盡。蜀人也。年十九應

舉入京道由向氏家向預夢神人報曰明日接相公。凌晨公至向異之。勞問勤腆。乃曰秀才未娶當以女奉洒掃。後果及第。乃娶之初任主簿。因入僧寺觀梵夾莊嚴。甚乃怫然曰。吾孔聖書不及胡人教耶。夜坐書室。馮紙長吟。中夜不眠。向曰。官人夜深何不睡去。公以前意白之。正此著無佛論。向應聲曰。既是無佛。何論之有。當須著有佛論始得。公疑其言。遂止後訪一同列見佛龕前經卷。乃問何書。云維摩詰所說經。公信手開閱。至此病非地大亦不離地。大處歎曰。胡語亦能爾乎。問此經幾卷。曰三卷。乃借歸閱。次向氏問看何書。公曰維摩詰所說經。向曰可熟讀此經。然後著無佛論。公繇是深信佛乘。留心祖道。因提刑至汾謁大達國師塔及夢國師。接引覺而閱其語。至國師問馬祖西來心。印祖曰。大德正開在。且去。國師去。祖喚曰。大德國師回首。祖曰。是甚麼。公乃有省。作偈曰。是甚麼。是甚麼。羅殿前燈是火。不是阿祖喚回。泊被善財觀破毗嵐風。急九天。高白鷺。眼盲魚走過。元祐六年爲江西漕。首謁東林照覺總禪師。覺詰其

所見與已合。乃印可曰。吾有得法弟子住玉谿。乃慈古鏡也。亦可與語。公復因按部過分寧。諸禪逝之。公到先致敬玉谿。慈次及諸山。最後問兜率悅禪師。悅爲人短小。公曾見龔德莊說其聰明可人。乃曰。聞公善文章。悅大笑曰。運使失却一隻眼了也。從悅臨濟九世孫對運使。論文章政如運使。對從悅論禪也。公不然其語。乃強屈指曰。是九世也。問玉谿去此多少。曰三十里。曰兜率。嚮曰。五里。公是夜乃至兜率。悅先一夜夢曰。輪昇天。被悅以手搏取。乃說與首座。曰。日輪運轉之義。聞張運使非久過此。吾當深錐痛割。若肯回頭。則吾門幸事。首座曰。今士大夫受人取奉。慣恐其惡。發別生事也。悅曰。正使煩惱祇退得。我院也別無事。公與悅語。次稱賞東林。悅未肯其說。公乃題寺後擬瀑軒詩曰。不向廬山尋落處。象王鼻孔謾遶天。意譏其不肯東林也。公與悅語至更深。論及宗門事。悅曰。東林旣印可。運使運使於佛祖言教有少疑否。公曰。有。悅曰。疑何等語。公曰。疑香嚴獨脚頌。德山拓鉢話。悅曰。旣於此有疑。其餘安得無耶。祇如嚴頌



言末後句是有耶是無耶。公曰有。悅大笑。便歸。方丈閑却門。公一夜睡不穩。至五更下牀。觸翻溺器。乃大徹猛省。前話遂有頌曰。鼓寂鐘沉。拓鉢回巖頭。一拶語如雷。果然祇得三年活。莫是遭他授記來。遂叩方丈門曰。某已捉得賊了。悅曰。賊在甚處。公無語。悅曰。都運且去來。日相見。翌日公遂舉前頌。悅乃謂曰。參禪祇爲命根不斷。依語生解如是之說。公已深悟。然至極微細處。使人不覺不知。墮在區宇。乃作頌證之曰。等閑行處。步步皆如。雖居聲色。寧滯有無。一心靡異。萬法非殊。休分體用。莫擇精麤。臨機不礙。應物無拘。是非情盡。凡聖皆除。誰得誰失。何親何疎。拈頭作尾。指實爲虛。翻身魔界。轉脚邪塗。了無逆順。不犯工夫。公邀悅至建昌途中。一一伺察。有十頌敘其事。悅亦有十頌酬之時。元祐八年八月也。悅又設三問。問學者一曰。撥草參玄。只圖見性。卽今性在什麼處。公頌曰。陰森夏木。杜鵑鳴。日破浮雲。宇宙清。莫對曾參問。曾哲從來孝子諱。爺名二曰。識得自性。方脫生死。眼光落地時。作麼生。脫公頌曰。人間鬼使符來取。天

下花冠色。正萎好箇轉身時。節子莫教闍老等。爾和三曰。脫得生死。便知去處。四大分。雖向什麼處去。公頌曰。鼓合東村李。大妻西風曠。野淚沾衣碧。蘆紅蓼江南岸。却作張三坐釣磯。蓋得悅爐韞爲多。公嘗問覺範洪禪師。汾陽臨濟五世嫡孫也。今其法派皆謂三玄三要。一期建立語。但於諸法不生異見。一切平常。卽是祖意。是否。慈明接人亦多舉汾陽十智同真話。願遂問其說。覺範曰。十智同真與三玄三要同一關。樞諸方祇愛平實見解。不信有悟門。使汾陽再生親爲剖析。亦以爲非矣。公嗟咨久之曰。然乃其旨趣豈無方便。覺範答偈曰。十智同真面目。全於中一智是根源。若人欲見汾陽老。劈破三玄作兩邊。公又問臨濟四種賓主法。門覺範答。文長不載。公尤喜接引尊宿。曾薦浩布衲。知大陽院。事未幾復請浩住玉泉開堂。日衆官畢集。浩顧視大衆曰。君不見。又曰。君不見。公操蜀音曰。和尚見浩應聲曰。但得相公見。便了。卽下座。公又訪玘道者。於洪之翠巖。玘門迎。公問如何。是翠巖境。玘答曰。門近洪崖千尺井。石橋分水遠。



松杉公握機手曰。聞道者名素矣。何能作此祇對。玢曰。適然耳。公微笑。仍哦曰。野僧迎客下烟嵐。試問如何。是翠巖。後便以前二句足之。林下相傳爲盛事。先是公在慧林。一僧談禪。不肯諸方。公問。覓子答。祖師西來意。乃曰。神前酒臺。玢意旨如何。其僧張目直視曰。神前酒臺。玢公戲之曰。廟中是夕有燈。則已不然。覓子佛法。遂爲虛施。其入游戲三昧。又皆此類。政和間。公被謫。渚宮會峨眉山峰。民師特過訪之。議論教乘。公極嘆賞。聞民充夾山座。元公致書佛果。勸禪師曰。民座主捨義學。開宗眼如波斯珍寶。滿船遇風到岸矣。勤亦喜出峽。南游順流下荆門。當是時。公以道學自居。少見推許。勤艤舟謁之。劇談華嚴旨要。曰。華嚴現量境界。理事全真。初無假法。所以卽一而萬了萬爲一。一復一萬。復萬浩然莫窮。心佛衆生三無差別。卷舒自在。無礙圓融。此雖極則。終是無風雨。而雨之波。公於是不覺促揚。勤遂問曰。到此與祖師西來意爲同爲別。公曰。同矣。勤曰。且得沒交涉。公色爲之愠。勤曰。不見雲門道。山河大地無絲毫過患。猶是轉句。

直得不見一色。始是半提。更須知有向上全提時節。彼德山臨濟。豈非全提乎。公乃首肯。翌日復舉事。法界理法界。至理事無礙法界。勤又問。此可說禪乎。公曰。正好說禪也。勤笑曰。不然。正是法界量裏在。蓋法界量未滅。若到事事無礙法界。法界量滅。始好說禪。如何是佛乾屎橛。如何是佛麻三斤。是故眞淨偈曰。事事無礙。如意自在。手把猪頭口誦淨戒。越出淫坊。未還酒債。十字街頭。解開布袋。公曰。美哉斯論。夫豈易聞乎。於是以師禮。留居碧巖。初勸潭準禪師示滅也。大慧求塔銘于公。相見。次公問。上人祇麼著草屨。遠來曰。某數千里行乞來見相公。公曰。年多少。曰。二十八。公曰。水牯牛年多少。曰。兩箇。公曰。什麼處學得。遮虛頭來。曰。今日親見相公公。公笑曰。且坐喫茶。纔坐復問。遠來有何事。大慧趨前曰。準和尚示寂。茶毗目睛牙齒數珠不壞。舍利無數。山中耆舊皆欲相公大手筆作塔銘。激勵後學。特遠來。公曰。有一問。上人若道得。卽做。若道不得。與錢五貫。裹足歸兜率。參禪去。曰。請相公問。公曰。聞準老眼睛不壞。是否。曰。是公。

曰我不問者。簡眼睛。曰問什麼。眼睛。公曰。問金剛眼。睛。曰。若是金剛眼睛。在相公筆頭上。公曰。老夫爲他。點出光明。令照天照地。去也。公又問。爾師準吾知之。久矣。爾不遠辛苦而來於準。亦有得乎。大慧曰。若有得。則不來見大丞相也。公曰。咄者。掠虛漢。異日語大慧。曰。余閱雪竇拈古。至百丈。再參馬祖。因緣曰。大治精金。應無變色。投卷嘆曰。審如是。豈得有臨濟。今日耶。遂作頌曰。馬師一喝。大雄峰。深入骨髓。三日。聾黃。磔聞之。驚吐舌。江西從此立宗。風後平禪師。遣書求頌本。余作頌寄之。曰。吐舌耳聾師。已曉。搥胸祇得哭。蒼天盤山會裏。鬚筋斗到此方知。普化顯諸方。往往以余聰明博記。少知余者。師自江西法窟來。必辨優劣。試爲老夫言之。大慧曰。居士見處。與眞淨死心。合眞淨頌曰。客情步步隨人轉。有大威光不能現。突然一喝。雙耳聾。那吒眼。開黃磔面。死心拈曰。雲巖要問雪竇。既是大治精金。應無變色。爲甚麼却三日耳聾。諸人要知麼。從前汗馬無人識。祇要重論蓋代功。公拈几曰。不因公語。爭見眞淨死心用處。若非二大老。

◆通一作遠

難顯雪竇馬師。爾且述偈曰。馬師喝下立宗風。嗟我三人見處同。海上六鰲吞餌去。栖蘆誰更問漁翁。公於宣和四年十一月黎明。口占遺表。命子弟書之。更作偈曰。幻質朝章八十一。遍生遍滅無人識。撞破虛空歸去來。鍊牛入海無消息。言訖。取枕擲門窓上。聲如雷震。衆視之。已薨矣。公有頌。占護法論行於世。公見雲巖和忠道者。牧牛頌曰。兩角指天。四足踏地。拽斷鼻繩。牧甚尿屁。甚爲犖節。公一日問大慧。佛具正偏。知亦有漏處。吾儒尙云。西方有聖人。堯舜禹湯皆聖人也。佛何故略不及之。大慧曰。佛且以梵王帝釋爲凡夫。即餘可知矣。公曰。何以知之。大慧曰。吾教備言。佛出世時。則梵王前引帝釋。後隨公大犖節。以爲高論。張文定謂王荆公曰。孔孟後豈無人。惟儒門淡薄。收拾不住。故獨鍾于馬祖。諸老耳。公曰。達者之言也。公注海眼經。其說八成就。如是我聞。一時云事。無不是之謂。如理無不如之謂。是一一之所起之謂。時我心洞十方之謂。聞多之所大慧云。自來無人如此說。

宋侍郎李彌遜  
嗣法圓悟動

李彌遜號普現居士。少時讀書。五行俱下。年十八中鄉舉。登第。京師旋歷華要。二十八歲爲中書舍人。常入圓悟室。一日早朝回。至天津橋。馬躍忽有省通身汗流。直造天寧道。語出門遙見。便喚曰。居士且喜大事了畢。公厲聲曰。和尚眼花作甚麼。悟便喝。公亦喝。

於是機鋒迅捷。凡與悟問答。當機不讓。公後遷吏部乞祠。祿歸闕。連江築菴自娛。忽一日示微恙。遽索湯沐浴畢。遂跌坐作偈曰。謾說從來牧護。今日分明呈露。虎空拶倒。須彌說甚。向上一路。擲筆而逝。

宋給事馮楫嗣法龍門遠

◆通與途通

馮楫字濟川。蜀遂寧人。官給事。號不動居士。自壯扣諸名宿。雖在仕途。不忘學佛。最後居龍門。從佛眼遠禪師再歲。一日同遠經行法堂。偶童子趨庭吟曰。萬象之中獨露身。遠拈公背曰。好。齊公於是契入。紹興丁巳。除給事。會大慧禪師就明慶開堂。大慧下座。公挽之曰。和尚每言於士大夫曰。此生決不作這蟲豸。今日因甚却納敗闢。大慧曰。盡大地是個呆上座。你向甚處見他。公擬對。大慧掌之。公曰。是我招得。後白和尙問之。代公擊起掌云。念你作新長老。又揚顯代大慧提起契獎云。幾多人要不能得在。越月特丐祠。坐夏徑山。榜其室曰不動軒。一日大慧陞座。舉藥山問石頭曰。三乘十二分教。某甲粗知承聞。南方直指人心。見性成佛。實未明了。伏望慈悲。示誨石頭曰。恁麼也不得。不恁麼也不得。恁麼不恁麼總不得。

你作麼生。藥山罔措。石頭曰。子緣不在此。可往江西見馬大師。去藥山至馬祖處。亦如前問。馬祖曰。有時教伊揚眉。瞬目。有時不教伊揚眉。瞬目。有時教伊揚眉。瞬目者。是有時教伊揚眉。瞬目者。不是藥山大悟。大慧拈罷。公隨至方丈。曰。適來和尚所舉。底因緣。某理會得了。大慧曰。你如何會。公曰。恁麼也不得。嚙嚙。娑婆訶。不恁麼也不得。嚙嚙。娑婆訶。大慧印之以偈曰。梵語唐言。打成一塊土。戔俗人得此三昧。大慧又舉似尼妙總。妙總曰。曾見郭象註莊子。識者曰。却是莊子註郭象。大慧見其語異。復舉巖頭婆子話。問之妙總。答偈曰。一葉扁舟泛渺茫。呈機舞棹別宮商。雲山海月都拋却。贏得莊周蝶夢長。大慧休去。以語公公。疑其所悟。不根。後過無錫。招至舟中。問曰。婆生七子。六箇不遇知音。祇這一箇也不消得。便棄水中。大慧老師言道。人會得。且如何會。妙總曰。已上供通。並是詣實。公大驚。烏龍長老訪公。說話次。公問。昔有官人問泗州大聖曰。師何姓。大聖曰。姓何。曰。住何國。大聖曰。住何國。

此意如何。烏龍曰：大聖本不姓何，亦不是何國人，乃隨緣化度耳。公咲曰：大聖決定姓何？住何國？如是往返數次，後致書於大慧，乞斷此公案。大慧曰：有六十棒，將三十棒打大聖，不合道姓何？三十棒打濟川，不合道大聖決定姓何？若是烏龍長老，教自領出去，其論遂定。大慧一日過明月庵，見壁間畫髑髏公，因有頌曰：屍在這裡，其人何在？乃知一靈不居皮袋。大慧不肯別作頌，曰：即此形骸，便是其人。一靈皮袋，皮袋一靈。公益歎服。公後知邛州，所至宴晦無倦，嘗自詠曰：公事之餘，喜坐禪。少曾將脇到牀眠，雖然現出宰官相。長老之名四海傳，紹興二十三年秋，乞休致。預報親知期以十月三日，告終。至日，令後廳置高座，見客如平時。至辰巳間，具衣冠降階，望闕肅拜，請漕使攝印事。著僧衣履，踞高座，囑諸官吏及道俗各宜向道，扶持教門，建立法幢，遂拈拄杖按膝，蛻然而化。漕使請曰：安撫去住如此，自由何不留一頌公張目？索筆書曰：初三十一，中九下七。老人言盡龜，哥眼赤書畢，竟爾長往。建炎後，名山巨剎教藏多不存，公屢以

已傳印施，凡一百二十八藏，門人蒲大聘嘗誌其事。有語錄頌古行於世。

宋侍郎張九成 蜀法徑山泉

張九成字子韶，杭州鹽官人，號無垢居士。歷官禮部侍郎，未第時，因客談，楊文公呂微仲諸儒皆由禪學而至，心慕之。聞寶印楚明禪師道傳大通，居淨慈，請問入道之要。楚明曰：此事唯念念不捨，久久純熟，時節到來，自然證入。復舉趙州栢樹之話，令時時提撕。久之，無省辭。謁善權禪師，問此事人人有，分箇箇圓成，是否？清曰：然曰：爲甚某無入處？清於袖中出數珠曰：此是誰底？公俛仰無對。清復袖之曰：是汝底，則拈取去。纔涉思惟，即不是。汝底公悚然未幾，留蘇氏館一夕，如廁以栢樹子話究之，聞蛙鳴，釋然契入。有偈曰：春天月夜一聲蛙，撞破乾坤共一家。正恁麼時，誰會得？嶺頭脚痛有玄沙，屈明謁法印一禪師。機語頗契適，私忌就明靜庵供雲水主僧。惟尙纔見，乃展手公便喝。惟尙批公頰，公趨前，惟尙曰：張學錄何得謗大般若？公曰：某見處祇如此，和尚又作麼生？惟尙



舉馬祖陞堂百丈卷席話詰之

馬祖陞堂衆纔集百丈出卷席祖便下座

叙語未終公推倒卓子惟尙大呼張學錄殺人公躍起問傍僧曰汝又作麼生僧罔措公毆之顧惟尙曰祖禪不了殃及兒孫惟尙大笑公獻偈曰卷席因緣也大奇諸方聞舉盡攢眉臺盤趨倒人星散直漢從來不受欺惟尙答曰從來高價不饒伊百戰場中奮兩眉奪角衝關君會也叢林誰敢更相欺紹興癸丑魁多士復謁惟尙於東庵惟尙曰浮山圓鑑曰饒你入得汾陽室始到浮山門亦未見老僧在公作麼生公叱侍僧曰何不祇對僧罔措公打僧一掌曰蝦蟆窟裏果沒蛟龍丁巳秋大慧董徑山學者仰如星斗公閱其語要歎曰是知宗門有人持以語惟尙恨未一見及爲禮部侍郎偶參政劉公請大慧說法于天竺公三往不值暨大慧報謁公見但寒暄而已大慧亦默識之尋奉祠還里至徑山與馮給事諸公議格物大慧曰公祇知有格物而不知有物格公茫然大慧大笑公曰師能開諭乎大慧曰不見小說載唐人與安祿山謀叛者其人先爲闔守有畫像在焉明

皇幸蜀見之怒令侍臣以劍擊其像首時闔守居陝西首忽墜地公聞頓領深旨題不動軒壁曰子韶格物妙喜物格欲識一貫兩箇五百大慧始許可後守邵陽丁父艱過徑山飯僧秉鉤者誣大慧議及朝政遂貳大慧於衡陽令公居家守服服除安置南安丙子春蒙恩北還道次新淦而大慧適主與聯舟劇談宗要未嘗語往事于氏心傳錄曰憲隨舅氏自嶺下歸新淦因會大慧舅氏令拜之憲曰素不拜僧舅氏曰汝姑叩之憲知其嘗執卷遂舉中庸天命之謂性三句以問大慧曰凡人既不知本命元辰下落處又要牽好人入火坑如何聖賢於打頭一著不鑿破憲曰吾師能爲聖賢鑿破否大慧曰天命之謂性便是清淨法身率性之謂道便是圓滿報身修道之謂教便是千百億化身憲以告舅氏曰子拜何辭繼鎮永嘉丁丑秋丐祠枉道訪大慧於育王越明年大慧得旨復領徑山謁公於慶善院公曰某每於夢中必誦語孟何如大慧舉圓覺曰由寂靜故十方世界諸如來心於中顯現如鏡中像公曰非師莫聞此論也其



頌黃龍三關

黃龍嘗問僧曰。人人盡有生緣。上座生緣在何處。正當問答。却復他手。曰。我手何似佛手。又問。諸方參請所得。却復垂脚。曰。我脚何似驢脚。示此三問。莫有契旨。叢林謂之黃龍三關。

我手何似佛手。天下衲僧無口。縱饒撩起便行。也是

鬼窟裏走。

諱不得。我脚何似驢脚。又被齩膠粘著。翻身

直上兜率天。已是遭他老鼠藥。

吐不。

人人有箇生緣。

處鐵圍山下。幾千年三災直到西禪天。這驢猶自在

旁邊。

煞得工夫。公設心六度。不爲子孫計。因取華嚴善知

識。曰。供其二回食。以飯糲流管供十六天。而諸位

茶杯悉變爲乳書。偈曰。稽首十方佛法僧。稽首一切

護法天。我今供養三寶天。如海一滴牛一毛。有何妙

術能感格。試借意識爲汝說。我心與佛天無異。一塵

纔起大地隔。儻或塵銷覺圓淨。是故佛天來降臨。我

欲供佛佛卽現。我欲供天天亦現。佛子若或生狐疑。

試問此乳何處來。狐疑卽塵塵卽疑。終與佛天不相

似。我今爲汝掃狐疑。如湯沃雪火銷冰。汝今微有疑。

與惑。鷄子便到新羅國。

宋知府葛鄉

詞法靈隱遠

葛鄉字謙問。官知府少擢上第。玩意禪悅。首謁無菴。

◆爐竈錄

全禪師問道無菴。令究卽心。卽佛久無所契。請曰。有

何方便。使鄉得入無菴。曰。居士太無厭生。已而佛海

來居劔池。公因從游。乃舉無菴所示語。請爲衆普說。

佛海發揮之曰。卽心卽佛。眉拖地。非心非佛。雙眼橫。

蝴蝶夢中家。萬里杜鵑枝。上月三更留旬日。而後返。

一日舉不是心。不是佛。不是物。爐然頓悟。頌曰。非心

非佛。亦非物。五鳳樓前山突兀。豔陽影裏倒懸身。野

狐跳入金毛窟。無菴肯之。卽遣書呈佛海。佛海報曰。

此事非紙筆可。既居士能。過我當有所聞。遂復至虎

丘。佛海迎之曰。居士見處止。可入佛境界。入魔境界

猶未得。在公加禮不已。佛海正容曰。何不道金毛跳

入野狐窟。公乃痛領公。嘗問諸禪曰。夫婦二人相打。

通兒子作證。且道證父卽是證母。卽是或菴禮禪師

著語曰。小出大遇。淳熙六年守臨川。八月感微疾。索

筆大書曰。大洋海裏打鼓。須彌山上聞鐘。業鏡忽然

撲破。驪身透出虛空。召僚屬示之曰。生死如晝夜。無

足怪者。若以道論。安得生死。若作生死。會去道遠矣。

語畢。端坐而化。

宋放牛居士余公詞法無門開

放牛居士余公杭州人自幼遍參諸方宋淳祐間參無門開公佛眼禪師凡開口被無門劈面截住連道不是不是居士退而思曰許多年下工夫豈無懽喜處也曾零零碎碎悟來終不伏無門道是不是及見臭菴遂扣之曰吾師得無門甚麼見解敢對人天顛倒是非臭菴曰我在無門座下無法可得無道可傳祇得兩箇字居士問曰兩字如何說臭菴曰不是不是居士遂徹悟乃曰今日始知無門老人爲人處一點惡水不曾輕洒著人因述是非關行於世嘗曰大聰明人纔聞此事便將心意識領解所以認影爲眞執空求實無有悟處臘月三十日眼光欲落時向閻羅老子道待我澄心攝念却來與你去斷不可也須是急參急悟始得又曰應以居士身得度者卽現居士身而爲說法是法平等不離本心十方三界六道四生萬別千差皆歸當念看經食素布施消災不隔纖毫臨官治政事主奉親有何不可若乃妄談般若說法安身誑惑人天隨業受報色身與法身無異

我性與佛性一同但要識得本心便可出離生死把攬放船是不是臭菴讚曰放牛居士述是非關大似醉漢罵街孰敢嬰其銳惟眼裏聞聲者識是醒時語

先覺宗乘卷二

雙髻釋頓讓訂閱

先覺宗乘卷三

徑山語風老人 圓信 較定

無地地主人 郭凝之 彙編

唐侍郎白居易詞法佛光露

白居易字樂天久參佛光得心法彙稟大乘金剛寶戒元和四年因與善寬禪師至闕下公問曰禪師何以說法寬曰無上菩提者被於身爲律說於口爲法行於心爲禪應用者三其致一也譬如江湖淮漢在處立名名雖不一水性無二律卽是法法不離禪云何於中妄起分別公曰旣無分別何以修心寬曰心本無損傷云何要修理無論垢與淨一切勿念起公

曰垢即不可念淨無念可乎寬曰如人眼睛上一物不可住金屑雖珍寶在眼亦爲病公曰無修無念又何異凡夫耶寬曰凡夫無明二乘執著離此二病是曰真修真修者不得動不得忘動即近執著忘即落無明此爲心要云爾十五年公牧杭州入秦望山訪烏窠和尚問曰禪師住處甚危險烏窠曰太守危險尤甚公曰弟子位鎮江山何險之有烏窠曰薪火相交識性不停得非險乎又問如何是佛法大意烏窠曰諸惡莫作衆善奉行公曰三歲孩兒也解恁麼道烏窠曰三歲孩兒難道得八十老人行不得公作禮而退嘗致書于濟法師以佛無上大慧演出教理安有狗機高下應病不同與平等一味之說相反援引維摩及金剛三昧等六經闢二義而難之又以五蘊十二緣說名色前後不類立理而徵之並鈎深索隱通幽洞微復受東都凝禪師八漸之目各廣一言而爲一偈釋其旨趣自淺之深猶貫珠焉凡守任處多訪祖道學無常師後爲賓客分司東都聲已傳修龍門香山寺寺成自撰記凡爲文動關教化無不費美

佛乘見于本集其歷官次第歸全代祀卽史傳存焉

唐刺史李翱嗣法藥山靈

李翱字習之趙郡人刺史鼎州時慕藥山惟儼禪師道風屢請不赴乃躬謁之藥山執經不顧公遂拂袖行曰見面不如聞名藥山却呼太守公應諾藥山曰何得貴耳賤目公謝之乃問如何是道藥山以手指上下曰會麼公曰不會藥山曰雲在青天水在瓶公欣然乃呈偈曰鍊得身形似鶴形千株松下兩函經我來問道無餘說雲在青天水在瓶玄覺云且道李翱他語須是又問如何是戒定慧藥山曰貧道這裏行脚眼始得無此閑家具公莫測立旨藥山曰太守欲得保任此事直須向高高山頂立深深海底行閨閣中物捨不得便爲滲漏張無盡頌云雲在青天水在瓶眼光隨指落深坑溪花不耐風霜苦說甚深深海底公見老宿獨坐問曰端居丈室當何所務宿曰法身凝寂無去無來法眼別云汝作甚麼來公問藥山何姓曰正是時公不悉却問院主某甲適來問和尚姓曰正是時未審姓甚麼院主曰恁麼則姓韓也藥山聞乃曰得恁麼不識好惡若是夏時對他便是

姓熱一夕師登山忽雲開見月大嘯一聲聲落灤陽  
九十里許公聞之復贈詩曰選得幽居愜野情終年  
無送亦無迎有時直上孤峰頂月下披雲嘯一聲公  
嘗問龍潭信禪師曰如何是真如般若龍潭曰我無  
真如般若公曰幸遇和尚龍潭曰此猶是分外之言  
公一日問僧馬大師有甚麼言教僧曰大師或說即  
心即佛或說非心非佛公曰總過這邊公却問西堂  
藏馬大師有甚麼言教藏呼李翱公應喏藏曰鼓角  
動也有一僧乞置塔公問曰教中不許將屍塔下過  
又作麼生僧無對僧却問驚湖義禪師義曰他得大  
闡提

唐張拙  
嗣法石霜諸

張拙秀才因禪月大師指參石霜石霜問秀才何姓  
曰姓張名拙石霜曰覓巧尙不可得拙自何來張忽  
有省乃呈偈曰光明寂照徧河沙凡聖含靈共我家  
一念不生全體現六根纔動被雲遮斷除煩惱重增  
病趨向真如亦是邪隨順世緣無罣礙涅槃生死等  
空花  
雲門問僧光明寂照徧河沙豈不是張拙秀才  
語僧云是雲門云墮話也妙喜云腫揀濕處尿

唐相國陸希聲  
諱仰山寂

陸希聲蘇州吳人昭宗朝拜同中書門下平章事嘗  
欲謁仰山慧寂禪師先作此○相封呈仰山開封於  
相下書曰不思而得落第二頭思而得之落第三首  
遂封回公見遂入山仰山乃門迎公纔入門便問三  
門俱開從何門入仰山曰從信門入公至法堂又問  
不出魔界便入佛界時如何仰山以拂子倒點三下  
公便設禮又問和尚還持戒否仰山曰不持戒還坐  
禪否仰山曰不坐禪公良久仰山曰會麼曰不會仰  
山曰聽老僧一頌滔滔不持戒兀兀不坐禪釀茶三  
兩碗意在饅頭邊仰山却問承聞相公看經得悟是  
否曰弟子因看涅槃經有云不斷煩惱而入涅槃得  
箇安樂處仰山豎起拂子曰祇如這箇作麼生入曰  
入之一字也不消得仰山曰入之一字不爲相公公  
便起去  
法燈云上座且道入之一字爲甚麼人又云相公且莫煩惱  
唐太傅王延彬  
嗣法長慶稜  
太傅王延彬居士請長慶住招慶開堂日公朝服趨  
隅曰請師說法長慶曰還聞麼公設拜長慶曰雖然

如此恐有人不肯一日入招慶佛殿指鉢孟問殿主

這箇是甚麼鉢殿主曰藥師鉢公曰祇聞有降龍鉢

殿主曰待有龍即降公曰忽遇孽雲驟浪來時作麼

生殿主曰他亦不顧公曰話墮也玄沙云盡你神力

福云歸依佛法僧百丈恒作覆鉢一日公入院見方

丈門閉問演侍者曰有人敢道太師在否演曰有人

敢道太師不在否長慶謂太傅曰雪峰豎拂子示僧

其僧便出去若據此僧合喚轉痛與一頓公曰是甚

麼心行長慶曰泊合放過公到招慶煎茶朗上座與

明招把鉢忽翻茶鉢公問茶爐下是甚麼朗曰捧爐

神公曰既是捧爐神爲甚麼翻却茶朗曰事官千曰

失在一朝公拂袖便出明招曰朗上座喫却招慶飯

了却向外邊打野撾朗曰上座作麼生明招曰非人

得其便雪竇顯云當時但踏倒茶爐復頌云來問若

成風應機非善巧堪悲獨眼龍曾未呈牙爪

唐真人呂巖龍機

呂巖真人字洞賓京兆人也唐末三舉不第偶於長

安酒肆遇鍾離權授以延命術自爾人莫之究嘗遊

廬山歸宗書鐘樓壁曰一日清閒自在身六神和合

報平安丹田有寶休尋道對境無心莫問禪未幾道

經黃龍山觀紫雲成蓋疑有異人乃入謁值黃龍擊

鼓陞堂黃龍見知是呂公也欲誘而進厲聲曰座傍

有竊法者呂毅然出問一粒粟中藏世界半升鐘內

煮山川且道此意如何黃龍指曰這守屍鬼呂曰爭

奈囊有長生不死藥黃龍曰饒經八萬劫終是落空

亡呂飛劍脅之劍不能入遂再拜求指歸黃龍詰曰

半升鐘內煮山川即不問如何是一粒粟中藏世界

呂於言下頓契作偈曰棄却瓢囊擲碎琴如今不戀

汞中金自從一見黃龍後始覺從前錯用心龍囑令

加護別紀呂真人遇黃龍禪師隱座師曰會中有竊

法者巖出曰雲水道人師曰雲盡水乾時如何

巖無對師代後謁潭州智度覺禪師有曰余遊韶郡

云黃龍出現東下湘江今見覺公觀其禪學精明性源淳潔促膝

靜坐收光內照一禱之外無餘衣一鉢之外無餘食

遠生死岸破煩惱殼方今佛衣寂寂兮無傳禪理懸

懸兮幾絕扶而興者其在吾師乎聊作一絕奉記達

者推心方濟物聖賢傳法不離真請師開說西來意



七祖如今未有人

宋丞相王隨嗣法首山念

王隨字子正河南人也。居營幕裴休之爲人謁首山念禪師。得言外之旨。自爾履踐深明大法。公以御史中丞出鎮錢塘。往候與教小壽禪師至湖上去。騎從獨步登寢室。壽方負暄。毳衣自若。忽見之。問曰。官人何姓。公曰。隨。姓王。卽拜之。壽推蒲團藉地而坐。語笑終日而去。他日公復至寺。衆橫撞大鐘。萬指出迎。而壽前趨立於松下。公望見。出與握手。其手曰。何不如前日相見。而遽爲此禮數耶。壽顧左右且行且言曰。中丞卽得奈知事。曠何公與楊大年皆號參禪有得者。大年編次傳燈錄三十卷。公刪去其繁爲十五卷。曰玉英集。公臨終書偈曰。盡堂燈已滅。彈指向誰說。去住本尋常。春風掃殘雪。

宋夏竦嗣法首山念

夏竦字子喬。德安人。皇祐中。參知政事。公於谷隱聰禪師。因語契機。日與老衲遊。偶上藍澗。禪師至。公問。百骸潰散時。那箇是長老自家底。溥曰。前月二十離

新陽公休去。溥却問。百骸潰散時。那個是相公自家底。公便喝。溥曰。喝則不無。畢竟那箇是相公自家底。公答偈曰。休認風前第一機。太空何處著思惟。山僧若要通消息。萬里無雲月上時。溥曰。也是弄精魂。

宋節使李端愿嗣法首山念

節使李端愿居士。兒時在館舍。常閱禪書。長雖婚宦。然篤志祖道。遂於後圃築室。類蘭若。邀達觀處之。朝夕咨參。至忘寢食。達觀一日視公曰。非示現力。豈致爾哉。奈無箇所入。何。公問曰。天堂地獄。畢竟是有。是無。請師明說。達觀曰。諸佛向無中說。有眼見空花。太尉就有裏尋。無手搯水月。堪笑眼前見。牢獄不避心。外聞天堂欲生。殊不知忻怖在心。善惡成境。太尉但了自心。自然無惑。公曰。心如何了。達觀曰。善惡都莫思量。公曰。不思量。後心歸何所。達觀曰。且請太尉歸宅。公曰。祇如人死。後心歸何所。達觀曰。未知生焉知死。公曰。生則某已知之。達觀曰。生從何來。公罔措。達觀起。搯其胸曰。祇在這裡。更擬思量。個甚麼。公曰。會得也。達觀曰。作麼生。會。公曰。祇知食程不覺。蹉路。達

觀拓開曰百年一夢今朝方省既而說偈曰三十八  
歲懵然無知及其有知何異無知滔滔汴水隱隱隋  
堤師其歸矣箭浪東馳

宋太傅高世則詞法美

太傅高世則字仲貽號無功初參芙蓉楷禪師求指  
心要芙蓉令去其所重扣已而參一日忽造微密呈  
偈曰懸崖撒手任縱橫大地虛空自坦平照整輝嚴  
不借月菴頭別有一簾明

宋太守許式詞法洞

許式洪州太守參洞山聰禪師得正法眼一日與渤  
潭澄上藍薄坐次渤潭問曰聞鄖中道夜坐連雲石  
春栽帶雨松當時答洞山甚麼話公曰今日放衙蚤  
渤潭曰聞答泗州大聖在揚州出現底是否公曰別  
點茶來渤潭曰名不虛傳公曰和尚蚤晚回山渤潭  
曰今日被上藍觀破上藍便喝渤潭曰須是你始得  
公曰不奈船何打破屎斗公入上藍僧堂問首座年  
多少曰六十八公曰僧臘多少曰四十七夏公曰聖  
僧得幾夏曰與虛空齊受戒公拍板頭曰下官喫飯

不似首座喫鹽多附記許式清西蜀時謁廣慧禪通  
老廣慧曰蝦蟇吞大蟲公曰恁麼則總不拜去也廣慧  
曰運使活麼公曰許長老具一隻眼廣慧以衣袖便拂  
許曰今日看破便禮拜

宋修撰曾會詞法雪

曾會字宗元官翰林學士公幼與明覺顯禪師同舍  
及冠異途天禧間公守池州一旦會于景德寺公遂  
引中庸大學參以楞嚴符宗門語句質明覺明覺曰  
這箇尚不與教乘合況中庸大學耶學士要徑捷理  
會此事乃彈指一下曰但恁麼薦取公於言下領旨  
天聖初公守四明以書幣迎師補雪竇既至公曰某  
近與清長老商量勘婆子話未審端的有勘破處也  
無明覺曰清長老道箇甚麼公曰又恁麼去也明覺  
曰清長老放過一著學士還知天下禪僧出這婆子  
閣禮不得麼公曰這裏別有箇道處趙州若不勘破  
婆子一生受屈明覺曰勘破了也公大笑

宋丞相富弼詞法投

丞相富弼居士字彥國初於宗門未有所趣趙清獻  
公抃勉之曰伏惟執事富貴如是之極道德如是之

盛福壽康寧如是之備。退休閑逸如是之高。其所未甚留意者。如來一大事。因緣而已。能專誠求所證悟。則他日爲門下賀也。公自清獻警勵之後。不舍晝夜。力進此道。聞顒禪師主投子法席冠淮甸。往質所疑。會顒爲衆登座。見其顧視如象王回旋。公微有得。因執弟子禮趨函丈。命侍者請爲入室。顒見卽曰。相公已入來富。猶猶在外。公聞汗流浹背。卽大悟。尋以偈寄圓照本曰。一見顒公悟入深。黃緣傳得老師心。東南謾說江山遠。目對靈光與妙音。後奏署顒師號。顒上堂謝語有曰。彼一期之悞。我亦將錯而就錯。公作偈贊曰。萬木千花欲向榮。臥龍猶未出滄溟。形雲彩霧呈嘉瑞。依舊南山一色青。

宋衛州王大夫嗣法元豐

衛州王大夫逸其名。以喪偶厭世。相遂參元豐於言。下知歸元豐。一日謂曰。子乃今之陸亘也。公便掩耳。旣而同壇山之陽。縛茆自處者三載。偶歌曰。壇山裏日何長。青松嶺白雲鄉。吟鳥啼猿作道場。散髮採薇歌又笑。從教人道野夫狂。

宋太史黃庭堅嗣法黃龍心

太史山谷居士黃庭堅字魯直。以般若夙習。雖臘仕澹如也。出入宗門。未有所向好。作豔詞嘗謁圓通秀禪師。秀呵曰。大丈夫翰墨之妙。甘施於此乎。秀方戒李伯時畫馬事。公謂之曰。無乃復置我馬腹中耶。秀曰。汝以豔語動天下人姪心。不止馬腹中正。恐生泥犁耳。公悚然悔謝。由是絕筆。惟孳孳於道。著發願文。痛戒酒色。但朝粥午飯而已。往依晦堂。乞指徑捷處。晦堂曰。祇如仲尼道二三子。以我爲隱乎。吾無隱乎爾。太史居常如何理。論公擬對晦堂曰。不是不是。公迷悶不已。一日山行。次時巖桂盛放。晦堂曰。聞木樨花香麼。公曰。聞晦堂曰。吾無隱乎。爾公釋然。卽拜之。曰。和尚得恁麼老婆心切。晦堂笑曰。祇要公到家耳。時公初有所入。問晦堂。此中誰可與語。晦堂曰。漳州權遂同晦堂往見權。方督役開田。公曰。直歲還知露柱生兒麼。權曰。是男是女。公擬議。權揮之。晦堂謂曰。不得無禮。權曰。這木頭不打更待何時。公大笑久之。謁雲巖死心新禪師。隨衆入室。死心見張目。問曰。新

長老死學士死燒作兩堆灰向甚麼處相見公無語死心約出曰晦堂處參得底使未著在後左官黥南道力愈勝于無思念中頓明死心所問報以書曰往年常蒙苦苦提撕長如醉夢依稀在光影中蓋疑情不盡命根不斷故望崖而退耳謫官在黥南道中晝臥覺來忽爾尋思被天下老和尚讓却多少唯有死心道人不肯乃是第一相爲也後作晦堂塔銘曰某夙承記莧堪任大道眼未圓而來瞻窣堵實深宗仰之歎乃勒堅珉敬頌遺美公復設蘋蘩之供祭之以文弔之以偈曰海風吹落楞伽山四海禪徒著眼看一把柳絲收不得和烟搭在玉欄干

宋觀文王韶

龍心 詞法黃

觀文王韶居士字子淳出刺洪州乃延晦堂禪師問道默有所契因述投機頌曰晝曾忘食夜忘眠捧得驪珠欲上天却向自身都放下四稜塌地恰團圓晦堂深肯之

宋秘書吳恂

龍心 詞法黃

吳恂字德夫官至秘書居晦堂入室次晦堂謂曰平

生學解記憶多聞即不問你父母未生已前道將一句來公擬議晦堂以拂子擊之即領深旨呈以偈曰咄這多知俗漢數盡古今公案忽於狼籍堆頭拾得蟻螂糞彈明明不值分文萬兩黃金不換等閑拈出示人祇爲走盤難看咦晦堂答曰水中得火世還稀看著令人特地疑自古不存師弟子如今却許老胡知多見知識心地明淨偶閱鄧隱峰傳見其倒卓化去而衣亦順身不礙疑之曰彼化之異固莫測而衣亦順之何也以問晦堂老人晦堂曰汝今衣順垂于地復疑之乎曰無所疑也晦堂笑曰此既無疑則彼倒化衣亦順豈何疑之有哉教夫言下了解故其一時應機之辭如雷如雲開警香整者多矣

宋內翰蘇軾

林總 詞法東

蘇軾字子瞻因宿東林與照覺論無情話有省黎明獻偈曰溪聲便是廣長舌山色豈非清淨身夜來八萬四千偈他日如何舉示人天竺語法師謂此庵元宿東林偈曰也不易到此田地此庵曰向未見路徑何言到耶曰祇如他道溪聲便是廣長舌山色豈非清淨身若不到此田地如何有這箇消息此庵曰是門外漢耳曰和尚不吝可爲說破此庵曰却祇從這裏著精彩觀捕看若觀捕得他破則亦知本命元辰落著處通夕不寐及曉鐘鳴去其秘密以前偈別曰東坡居士太饒舌聲色關中欲透身溪若是聲山是色無山無水好愁人特以告此庵此庵曰向汝道是門外漢又

曰橫看成嶺側成峰到處看山了不同不識廬山真面目只緣身在此山中未幾抵荊南聞玉泉皓禪師機鋒不可觸公擬抑之即微服求見玉泉問尊官高姓公曰姓程乃稱天下長老底稱玉泉喝曰且道這一喝重多少公無對於是尊禮之

楚石琦云玉泉是作家宗匠東坡是

當世大儒無劉相遂發揮此道盡謂東坡休去衲尾無星殊不知八兩半斤總在自家手裏雖然如是也扶起玉泉只如他道這一喝重多少多公謫黃州佛印住少人道不得直饒道得更與一喝

廬山歸宗爲方外交及佛印移住金山公獲釋知杭州過金山值佛印入室公竟造之佛印曰此無坐處公曰暫借和尚四大作禪床佛印曰有一轉語若答得當如所請若擬議即留所繫玉帶公即置帶几上佛印曰山僧四大本空五蘊非有內翰欲於何處坐公擬議佛印呼侍者曰收取玉帶永鎮山門公過金山時有寫公照容者公戲題曰心似已灰之木身如不繫之舟問汝平生功業黃州惠州瓊州

宋參政蘇轍

詞法上  
藍順

參政蘇轍居士字子由元豐三年以睢陽從事左遷瑞州權筦之任是時洪州上藍順禪師與其父文安

先生有契因往往訪焉相得歡甚公咨以心法順示以搐鼻因緣已而有省作偈呈曰中年聞道覺前非邂逅相逢老順師搐鼻徑參眞面目掉頭不受別鉗鎚枯藤破衲公何事白酒青鹽我是誰慚愧東軒殘月上一杯甘露滑如飴

宋寺丞戴道純

詞法黃  
龍濟

戴道純字孚中官寺丞咨扣靈源一日有省乃呈偈曰杳冥源底全機處一片心花露印紋知是幾生曾供養時時微笑動香雲

宋文定胡安國

詞法上  
封秀

文定公胡安國字康侯別號草庵居士久依上封秀禪師得言外之旨崇寧中過藥山有禪人舉南泉斬貓話問公公以偈答云手握乾坤殺活機縱橫施設在臨時玉堂兔馬非龍象大用堂堂總不知又寄上封有曰祝融峰似杜城天萬古江山在目前須信死心元不死夜來秋月又同圓

宋左丞范冲

詞法圖  
通曼

范冲字謙叔一字致虛由翰苑守豫章謁圓通曼禪



師曰某行將老矣宿世作何行業今生墮在金紫囊中去此事稍遠圓通呼內翰公應諾圓通曰何遠之有公躍然曰乞師再垂指誨圓通曰此去洪都有四程公佇思圓通曰見即便見擬思卽差公乃豁然有省

宋樞密吳居厚

嗣法圓通旻

吳居厚官樞密擁節歸鍾陵謁圓通旻禪師曰某頃赴省試到此過趙州關因問前住訥老透關底事如何訥曰且去做官今不覺五十餘年圓通曰曾明得透關底事麼公曰八次經過常存此念然未甚脫灑在圓通度扇與之曰請使扇公卽揮扇圓通曰有甚不脫灑處公忽有省曰便請末後句圓通乃揮扇兩下公曰親切親切圓通曰吉獠舌頭三千里

宋諫議彭汝霖

嗣法圓通旻

彭汝霖官諫議手寫觀音經施圓通圓通拈起曰這個是觀音經那個是諫議經公曰此是某親寫圓通曰寫底是字那箇是經公笑曰却了不得也圓通曰卽現宰官身而爲說法公曰人人有分圓通曰莫謗

經好公曰如何卽是圓通舉經示之公拊掌大笑曰噯圓通曰又道了不得公禮拜

宋中丞盧航

嗣法圓通旻

盧航官至中丞與圓通擁爐次公問諸家因緣不勞拈出直截一句請師指示圓通厲聲指曰看火公急撥衣忽大悟謝曰灼然佛法無多子圓通喝曰放下著公應喏喏

宋左司都貺

嗣法圓通旻

都貺官左司問圓通曰是法非思量分別之所能解當如何湊泊圓通曰全身入火聚公曰畢竟如何曉會圓通曰薰直去公沈吟圓通曰可更喫茶麼公曰不必圓通曰何不恁麼會公契旨曰元來太近圓通曰十萬八千公占偈曰不可思議是大火聚便恁麼去不離當處圓通曰噯猶有這箇在公曰乞師再垂指示圓通曰便恁麼去鑑是鐵鑄公頓首謝之

宋比部孫居士

嗣法楊岐會

比部孫居士因楊岐會禪師來謁值視斷次公曰某爲王事所牽何由免離楊岐指曰委悉得麼公曰望

師點破楊岐曰。此是比部弘願深廣利濟羣生公曰。未審如何。楊岐示以偈曰。應現宰官身。廣弘悲願深。爲人重指處。棒下血淋淋。公於此有省。

宋提刑郭祥正詞法白雲端

郭祥正字功甫。當塗人。號淨空居士。官至殿中丞。棄去隱於青山。嘗絕江謁舒州白雲端禪師。師上堂曰。夜來枕上。作得個山頌。謝功甫大儒廬山二十年之舊。今日遠訪白雲之勤。當須舉與大眾請。已後分明舉似諸方。此頌豈唯謝功甫大儒。直要與天下有鼻孔衲僧脫却。著肉汗衫。莫言不道。乃曰。上大人。丘乙巳。化三千七十七。士爾小生八九子。佳作仁。可知禮也。公切疑。後聞小兒頌之。忽有省。以書報白雲。白雲以偈答曰。藏身不用縮頭。斂跡何須收脚。金烏半夜遶天。玉兔趕他不著。一日白雲問曰。牛淳乎。公曰。淳矣。白雲叱之。公拱手而立。白雲曰。淳乎。淳乎。南泉大瀾無異此也。乃贈偈曰。牛來山中水足草足。牛出山去。東觸西觸。元祐中。往衢之南禪謁泉萬卷。請陞座。公趨前拈香曰。海邊枯木。入手成香。爇向爐中。橫穿香。

積如來鼻孔。作此大事。須是對衆白過。始得。雲居老人有箇無縫布衫。分付南禪禪師。著得不長不短。進前則諸佛讓位。退步則海水澄波。今日囑呻六種震動。遂召曰。大眾。還委悉麼。有意氣時。添意氣。不風流處。也風流。泉曰。邇相鈍置。公曰。因誰致得。崇寧初。到黃梅東山。請演禪師說法。公趨前拈香曰。此一瓣香。爇向爐中。供養我堂頭法兄禪師。伏願於方廣座上。壁開面門。放出先師頂相。與諸人描邈。何以如此。白雲巖畔舊相逢。往日今朝事不同。夜靜水寒魚不食。一爐香散白蓮峰。祖遂云。曩謨薩怛哆鉢囉野。怎麼。怎麼。幾度白雲谿。上望黃梅華向雪。中開不怎麼。不怎麼。嫩柳垂金線。且要應時來。不見龐居士。問馬大師曰。不與萬法爲侶者。是甚麼人。大師云。待汝一口吸盡西江水。卽向汝道。大眾一口吸盡西江水。萬丈深潭窮到底。掠約不是趙州橋。明月清風安可比。後又到保寧。亦請陞座。公拈香曰。法鼓既鳴。寶香初爇。楊岐頂額門。請師重著楔。保寧卓拄杖一下曰。著楔已竟。大眾證明。又卓一下。便下座。又到雲居。請佛印。

●發一作早

●道藏書

陞座公拈香曰。覺地相逢一何蚤。鴛臭布衫今脫了。要識雲居一句玄。珍重後園驢喫草。召大眾曰。此一瓣香。薰天炙地。去也。佛印曰。今日不著。便被這漢當面塗糊。便打乃曰。謝公千里來相訪。共話東山竹徑深。借與一龍騎出洞。若逢天早便爲霖。擲拄杖下座。公拜起。佛印曰。收得龍麼。公曰。已在這裏。佛印曰。作麼生。騎公擺手作舞。便行。佛印拈掌曰。祇有這漢。猶較些子。江州歸宗可宣禪師與郭功甫善及師領歸宗時功甫任南昌尉俄郡守志師不爲禮一君甚遂作書寄功甫曰某世緣尚有六年奈州主抑逼當棄餘喘託生公家願無見阻功甫閱書驚喜且領之中夜其妻夢問見師入其寢失聲曰此不是和尚來處功甫域而問之妻詳以告呼燈取書示之相笑不已遂孕及生乃名宣老期年記問如昔至三歲白雲端抵其家始見之曰吾姪來也白雲曰與和尚相別幾年宣倒指曰四年矣白雲曰甚處相別曰白蓮莊上白雲曰以何爲驗曰爹爹媽媽明日請和尚齋忽聞推車聲白雲問門外是甚麼聲宣以手作推車勢白雲曰過後如何曰平地兩條溝果六周無疾而逝

宋郡王趙令矜嗣法昭覺勤

郡王趙令矜字表之號超然居士太祖五世孫任南康政成事簡多與禪游公堂間爲摩詰丈室適圓悟禪師奉旨來居歐阜公欣然就其鑪錘圓悟不少假公固請圓悟曰此事要得相應直須是死一回始

得公默契嘗自疏之其略曰家貧遭劫誰知盡底不存空室無人幾度賊來亦打圓悟見囑令加護紹興庚申冬公與汪內翰藻李參政邨曾侍郎開詣徑山謁大慧大慧聞至令擊鼓入室公欣然袖香趨之大慧曰趙州洗鉢孟話居士作麼生會公曰討甚麼碗拂袖便出大慧起搗住曰古人向這裏悟去你因甚麼却不悟公擬對大慧撥之曰討甚麼碗公曰還這老漢始得

宋樞密徐俯嗣法昭覺勤

徐俯字師川分寧人號東湖居士建炎中累官僉書樞密院事每侍先龍圖謁法昌靈源二禪師語論終日公聞之貌如也及法昌歸寂在笑談間公異之始篤信此道後丁父憂念無以報罔極命靈源至孝址說法靈源登座問答已乃曰諸仁者祇如龍圖平日讀萬卷書如水傳器涓滴不遺且道尋常著在甚麼處而今捨識之後這著萬卷書底又却向甚麼處去也公聞灑然有得遂曰吾無憾矣靈源下座問曰學士適來見箇甚麼便恁麼道公曰若有所見則鈍置

和尚去也。靈源曰：「慙麼？」則老僧不如公。曰：「和尚是何心行？」靈源大笑。靖康初，爲尚書外郎，與朝士同志者，挂鉢於天寧寺，之擇木堂，力參圓悟。圓悟亦喜其見地超邁。一日，至書記寮，指圓悟頂相曰：「這老漢，脚跟猶未點地。」在圓悟顙面曰：「甕裏何曾走？」却鼈公曰：「且喜老漢脚跟點地。」圓悟曰：「莫謗他好。」公休去。

宋尚書莫將

詞法大隨靜

莫將字少虞，豫章人。官至尚書，因宦西蜀，謁南堂靜禪師，咨決心要。南堂令向好處提撕，適如廁，俄聞穢氣急，以手掩鼻，遂有省。卽呈以偈曰：「從來姿韻愛風流，幾笑時人向外求。萬別千差無覓處，得來元在鼻尖頭。」南堂答曰：「一法纔通，法法周縱，橫妙用更何求？」青地出匣，魔軍伏碧眼，胡兒笑點頭。語風信頌云：摸得黃金特地愁。

支離縱好漫風流，當時若作今時用，截斷尚書吳鼻頭。

宋龍圖王蕭

詞法大隨靜

王蕭字觀復，官爲龍圖，留昭覺，日聞開靜板聲，有省。問南堂曰：「某有箇見處，纔被人問，却開口不得，未審過在甚處？」南堂曰：「過在有箇見處。」南堂却問朝旆幾

時到任，公曰：「去年八月四日，南堂曰：『自按察幾時離衙？』」公曰：「前月二十。」南堂曰：「爲甚麼道開口不得？」公乃契悟。

宋參政李邴

詞法徑山泉

李邴字漢老，濟州任城人。拜參知政事，公醉心祖道，有年，聞大慧排默照爲邪，禪疑怒相半。及見大慧示衆舉趙州庭柏垂語，曰：「庭前柏樹子，今日重新學打破。」趙州關特地尋言語，敢問大衆。既是打破，趙州關爲甚麼却特地尋言語？良久曰：「當初祇道茆長短，燒了方知地不平。」公領悟。謂天慧曰：「無老師後語，幾蹉過後。」以書咨決曰：「邴近扣籌室，伏蒙激發，蒙滯忽有省。」入顧惟根識暗鈍，平生學解盡落情見，一取一捨如衣壞絮，行草棘中，適自纏繞。今一笑頓釋所疑，欣幸可量。非大宗匠委曲垂慈，何以致此？自到城中，著衣喫飯，抱子弄孫，色色仍舊，既無拘執之情，亦不作奇特之想。其餘宿習舊障，亦稍輕微。臨行叮嚀之語，不敢忘也。重念始得入門，而大法未明，應機接物，觸事未能無礙，更望有以提誨，使卒有所至，庶無玷於

法席矣。又書曰：比蒙誨答，備悉深旨，邇自驗者三。一事無逆順，隨緣即應，不留胸中二宿習，濃厚不加排遣，自爾輕微。三古人公案，舊所茫然，時復瞥地，此非自昧者前書大法未明之語，蓋恐得少爲足，當擴而充之，豈別求勝解耶？淨勝現流，理則不無，敢不銘佩。

宋寶學劉彥修

嗣法徑山杲

劉彥修字子羽，官爲寶學，出知永嘉，問道於大慧禪師。大慧曰：僧問趙州，狗子還有佛性也？無。趙州道無，但恁麼看。公後乃於柏樹子上發明，有頌曰：趙州柏樹太無端，境上追尋也大難。處處綠楊堪繫馬，家家門底透長安。

宋提刑吳偉明

嗣法徑山杲

吳偉明字元昭，官提刑，久參真歇了禪師，得自受用。三昧爲極，致後訪大慧於洋嶼庵，隨衆入室。大慧舉狗子無佛性話，問之公，擬答大慧以竹篋，便打公無對。遂留咨參，一日大慧謂曰：不須呈伎倆，直須啐地折擻地，斷方敵得生死。若祇呈伎倆，有甚了期？即辭去。道次延平，倏然契悟，連書數頌寄大慧，皆室中所

問者有曰：不是心，不是佛，不是物，通身一具金鎖骨。趙州親見老南泉，解道鎮州出蘿蔔。大慧即說偈證之曰：通身一具金鎖骨，堪與人天爲軌則。要識臨濟小厮兒，便是當年白拈賊。

宋門司黃彥節

嗣法徑山杲

門司黃彥節字節夫，號妙德，於大慧一喝下，疑情頓脫。大慧以衣付之，嘗舉首山竹篋話至葉縣，近前奪得，拗折擲向堦下，曰：是甚麼？首山曰：瞎公曰：妙德到這裏，百色無能，但記得曾作臘梅絕句曰：擬嚼枝頭蠟，馨香却肖蘭。前村深雪裏，莫作嶺梅看。

宋參政錢端禮

嗣法護國元

錢端禮字處和，號松窓，任至參政，參護國元禪師，發明已事後，於宗門旨趣一一極之。淳熙丙申冬，簡堂歸住平田，遂與往來。丁酉秋，示微疾，請簡堂機，詣榻次，公起趺坐，言笑移時，即書曰：浮世虛幻，本無去來。四大五蘊，必歸終盡，蓋爲地水風火暫時湊泊，不可錯認爲自己。從上諸聖去住自由，今吾如是，豈不快哉？置筆顧簡堂曰：坐去，好臥去，好簡堂曰：相公去便。



了理會甚坐與臥耶公笑曰法兄當爲祖道自愛遂歛目而逝

宋內翰曾開嗣法靈隱遠

曾開字天游官至禮部侍郎久參圓悟暨往來大慧之門有年矣紹聖辛未佛海遠禪師住三衢公與超然居士趙公訪之問曰如何是善知識佛海曰燈籠露柱貓兒狗子公曰爲甚麼贊即歡喜毀即煩惱佛海曰侍郎曾見善知識否公曰某三十年參問何言不見佛海曰向歡喜處見煩惱處見公擬議佛海震聲便喝公擬對佛海曰開口底不是公惘然佛海召曰侍郎向甚麼處去也公猛省遂點頭說偈曰咄這瞎驢叢林妖孽震地一聲天機漏洩有人更問道如何拈起拂子驀口截佛海曰也祇得一橛公又致書大慧曰某自幼年發心參禮知識扣問此事弱冠之後即爲婚宦所役用工夫不純因循至今老矣未有所聞常自愧嘆今幸私家塵緣都畢閑居無事正在痛自鞭策以償初志第恨未得親炙教誨耳一生敗闕已一一呈似必能洞照此心望委曲提警日用當如何做工夫庶幾不涉他途徑與本地相契也如此說話敗闕不少但方投誠自難隱逃其可慙也至扣大慧答書曰既爲士人科舉婚宦聖賢亦不能免但時時於靜勝中切不得忘了須彌山放下着兩則語但從脚下着實做將去已過者不須怖畏亦不必思量思量佈畏即障道矣

宋待制潘良貴嗣法佛燈珣

待制潘良貴居士字義榮金華人年四十回心祖闢所至挂鉢隨衆參扣後依佛燈久之不契因訴曰良貴祇欲死去時如何佛燈曰好箇封皮且留著使用而今不了不當忽被他換却封皮卒無整理處公又以南泉斬貓兒話問曰某看此甚久終未透徹告和尚慈悲佛燈曰你祇管理會別人家貓兒不知走却自家狗子公於言下如醉醒

宋侍郎李浩嗣法天童華

侍郎李浩字德遠號正信幼閱首楞嚴經如遊舊國志而不忘持橐後造明果投誠入室應庵堪其旨曰侍郎死後向甚麼處去公駭然汗下應庵喝出公退參不旬日竟躋堂奧以偈寄同參嚴康朝曰門有孫臆舖家存甘贄妻夜眠還蚤起誰悟復誰迷應庵見稱善有鬻胭脂者亦久參應庵頗自負公贈之偈曰不塗紅粉自風流往往禪徒到此休透過古今圈積後却來這裏喫拳頭

宋吳十三道人嗣法開善謙

建寧府仙州山吳十三道人每以已事扣諸禪及開善歸結茅於其左遂往給侍紹興庚申三月八日夜適然啓悟占偈呈開善曰元來無縫罅觸著便光輝既是千金寶何須彈雀兒開善答曰啐地折時真慶快死生凡聖盡平沉仙州山下呵呵笑不負相期宿昔心

先覺宗乘卷三

雙髻釋頤讓訂閱

先覺宗乘卷四

徑山語風老人 圓信 較定

無地地主人 郭凝之 彙編

楊街之

北魏楊街之爲期城太守早慕佛乘達磨至魏住禹門千聖寺街之問曰弟子歸心三寶亦有年矣而智慧昏蒙尙迷真理願師慈悲開示宗旨達磨說偈曰亦不觀惡而生嫌亦不觀善而勤措亦不捨智而近愚亦不拋迷而就悟達大道兮過量通佛心兮出度

不與凡聖同躋超然名之曰祖街之悲喜交并曰惟願久住世間化導羣有

宋雲

宋雲北魏使者胡太后使同比丘慧生如西域求佛經行四千里至赤嶺始出魏境又西行再期至乾羅國得佛書百七十部而還過蔥嶺見達磨隻履翩翩獨逝雲問師何往曰西天去雲歸具說其事時達磨先已死門徒發其墓但有隻履而已

向居士

向居士幽棲林野不食禪飲北齊天保初聞二祖盛化乃致書曰影由形起響逐聲來弄影勞形不識形爲影本揚聲止響不知聲是響根除煩惱而趨涅槃喻去形而覓影離衆生而求佛果喻默聲而求響故知迷悟一途愚智非別無名作名因其名則是非生矣無理作理因其理則爭論起矣幻化非真誰是誰非虛妄無實何空何有將知得無所得失無所失未及造謁聊申此意伏望答之二祖回示曰備觀來意皆如實真幽之理竟不殊本迷摩尼謂瓦礫豁然自

覺是真珠。無明智慧等無異。當知萬法卽皆如。慙此二見之徒。輩申辭措筆作斯書。觀身與佛不差。別何須更覓便。無餘居士。捧披祖偈。乃申禮覲。密承印記。

### 崔趙公

崔趙公逸其名。問國一欽禪師曰。弟子今欲出家。得否。國一曰。出家乃大丈夫事。非將相之所能爲。公於是省。

### 楊光庭

唐天寶三年。玄宗遣中使楊光庭入司空山。採常春藤。因造本淨禪師丈室。禮問曰。弟子慕道斯久。願和尚慈悲。略垂開示。淨曰。天下禪宗。碩學咸會京師。天使歸朝。是可咨決。貧道隈山傍水。無所用心。光庭泣拜。淨曰。休禮貧道。天使爲求佛邪。問道邪。曰。弟子智識昏昧。未審佛之與道。其義云何。淨曰。若欲求佛。卽心是佛。若欲會道。無心是道。曰。云何。卽心是佛。淨曰。佛因心悟。心以佛彰。若悟無心。佛亦不有。曰。云何無心。是道。淨曰。道本無心。無心名道。若了無心。無心卽道。光庭作禮信受。

### 杜鴻漸

杜鴻漸字子異。濮州濮陽人家。世奉佛爲靈武定策功臣。後以宰相鎮撫益州。遣使詣白崖山。請無住禪師入城。問法曰。弟子聞和尚說無憶無念無妄三句。法門未審。是一是三。無住曰。無憶名戒。無念名定。無妄名慧。一心不生。卽具戒定慧。非一非三也。公曰。後句妄字。莫是從心之忘乎。曰。從女者是。公曰。有據否。曰。法句經云。若起精進心。是妄。非精進。若能心不妄。精進無有。涯公又問師。還以三句示人否。無住曰。初心學人。還令息念。澄停識浪。水清影現。悟無念體。寂滅現前。無念亦不立也。於時庭樹鶉鳴。無住問相公。聞否。曰。聞鶉去。又問。今聞否。曰。鶉去。無聲。云何言聞。無住曰。聞與不聞。非關聞性。有聲之時。是聲塵自生。無聲之時。是聲塵自滅。而此聞性。不隨聲生。不隨聲滅。悟此聞性。卽免聲塵之所流轉。乃至色香味觸。亦復如之。公喜躍稱善。又問。何名第一義。第一義者。從何次第得入。無住曰。第一義無有次第。亦無出入。世諦一切有。第一義卽無。諸法無性。性說名第一義。佛

言有法名俗諦無性第一義公曰如師開示實不可思議公又曰弟子性識微淺昔因公暇撰得起信論章疏兩卷可得稱佛法否無住曰一切法從本以來離言說相離名字相離心緣相畢竟平等無有變異唯有一心故名真如今相公著言說相著名字相著心緣相既著種種相云何是佛法公又問云何不生云何不滅如何得解脫無住曰見境心不起名不生不生即不滅既無生滅即不被前塵所縛當處解脫不生名無念無念即無滅無念即無縛無念即無脫舉要而言識心即離念見性即解脫離識心見性外更有法門證無上菩提者無有是處公曰何名識心見性無住曰一切學道人隨念流浪蓋為不識真心真心者念生亦不順生念滅亦不依寂不來不去不定不亂不取不捨無為無相活潑潑平常自在此心體畢竟不可得無可知覺觸目皆如無非見性也公繇是益棲心禪悅自蜀還食千僧大曆四年辭宰相臨終沐浴命朝服加僧伽梨剃髮髮別衆而逝遺命依浮屠法焚臠為塔以塋不為封樹

鄴侯李泌

鄴侯李泌微時在衡岳寺中讀書聞懶殘禪師中宵梵唱響徹山林一夕公潛往道名瞻拜殘大詬曰是將賊我公拜益恭殘撥牛糞火中出一芋以半授公啗之公捧食再拜謝殘曰慎勿多言領取十年宰相

張漬行者

南陽張漬行者問於忠國師曰承和尚說無情說法某甲未體其事乞和尚垂示國師曰汝若問無情說法解他無情方得聞我說法汝但聞取無情說法去

魚軍容

魚軍容問於忠國師曰師住白崖山十二時中如何修道國師喚童子來摩頂曰惺惺直言惺惺歷歷直言歷歷已後莫受人謾軍容無語密雲悟代云不問那知

李渤

李渤字濬之為江州刺史日嘗問歸宗常禪師曰須彌納芥子即不問如何是芥子納須彌歸宗曰人傳使君讀萬卷書是否公曰然歸宗曰摩頂至踵如椰子大萬卷書向何處著公有省異日又問一大藏教

明得箇甚麼邊事。歸宗舉拳示之曰。還會麼。曰。不會。歸宗曰。這箇措大拳頭。也不識。曰。請師指示。歸宗曰。遇人卽途中授與。不遇卽世諦流布。

### 崔羣

相國崔羣字敦詩。貝州武城人。被讒出爲湖南觀察。使至任。卽訪東寺如會禪師。問曰。師以何得東寺。曰。見性得。東寺方病眼。公曰。旣云見性。其奈眼何。東寺曰。見性非眼。病眼何害。公稽首謝之。法眼別云。公見鳥雀於佛頭上放糞。乃問鳥雀還有佛性也。無。東寺曰。有。公曰。爲甚麼向佛頭上放糞。東寺曰。是伊爲甚麼不向鷄子頭上放。

### 于頔

于頔字允元。代人。憲宗朝拜司空同平章事。初爲襄州刺史。與居士龐道玄相得甚。驩一日詣居士問疾。居士謂曰。但願空諸所有。慎勿實諸所無。公嘗問紫玉道通禪師。師如何。是黑風吹其船。漂墮羅刹鬼國。紫玉曰。于頔這客作漢問。恁麼事作麼。公失色。紫玉乃指曰。祇這便是。漂墮羅刹鬼國也。公又問如何。是

佛紫玉喚相公公應諾。紫玉曰。更莫別求。天奇云。一呼一諾。賓主分明。因甚麼。卻墮羅刹鬼國。皆因逐語隨言。拋真棄覺。被這黑風扇鼓。萬劫漂沈。焉得不爲客作賤人。豈起拂子云。若向這裏會得。頔出。藥山聞之曰。噫。可惜于無明業海。免宿門前草菴。

家漢生理。向紫玉山中。公聞乃謁見藥山。藥山曰。聞相公在紫玉山中。大作佛事。是否。公曰。不敢承聞。有語相救。今日特來。藥山曰。有疑。但問公曰。如何。是佛。藥山召于頔。公應諾。藥山曰。是甚麼。公於此有省。招共羅山舉次。招慶云。一等是道。甚是奇特。雲泥有隔。羅山云。大師也不得草草。當時賴遇于相公。可中草窠裏。若撥着箇焦尾大蟲。何處有藥山也。招慶云。作麼。生羅山云。還知于相是鍛了金塵。

### 韓愈

韓愈字退之。貶潮州後訪靈山大顓。寶通禪師問曰。師春秋多少。大顓提起數珠曰。會麼。公曰。不會。大顓曰。晝夜一百八。公不曉。遂回次。日再來至門前。見首座。舉前話問。意旨如何。首座扣齒三下。及見大顓。理前問。大顓亦扣齒三下。公曰。原來佛法無兩般。大顓曰。是何道理。公曰。適來問首座。亦如是大顓。乃召首座。是汝如此對否。首座曰。是大顓便打。越出院。語風信拈云。大顓和尚。賊過後張弓。活埋他俗人。雖然如是。祇救得一半。頔云。夜深賊被狗子咬。墻洞慌忙補得好。補不



好長安幾。公一日又問曰：弟子軍州事繁，佛法省要，個知天曉。處乞師一語，大願良久。公罔措，時三平爲侍者，乃敲禪牀三下，大顛曰：作麼？三平曰：先以定動，後以智拔。公乃曰：和尚門風高峻，弟子於侍者邊得個入處。

### 燕王

燕王至觀音院訪趙州，從諗禪師，師乃端坐不起。燕王問曰：人王尊耶？法王尊耶？師曰：若在人王人中，尊若法王；法王中，尊燕王。唯然。

### 王鎔

王鎔帥真定，自稱趙王，嘗入東院訪趙州，諗禪師。趙州不起，以手拍膝曰：會麼？鎔曰：不會。趙州曰：自小持齋，身已老，見人無力，下禪牀，鎔尤加禮重，翌日令客將傳語趙州，下禪牀受之。侍者曰：和尚見大王來，不下禪牀，今日軍將來爲甚麼却下？禪牀。趙州曰：非汝所知。第一等人來禪牀上，接中等人來下禪牀，接末等人來三門外，接因侍者報大王來也。趙州曰：萬福。大王侍者曰：未到在趙州，曰：又道來也。鎔問曰：和尚尊年有幾箇箇在趙州，曰：祇有一箇。鎔曰：爭喫得物。

趙州曰：雖然一箇下下，較著時鎔奏到命服。趙州堅讓不受。左右曰：大王爲禪師佛法故，堅請師著此衣。趙州曰：老僧爲佛法故，所以不著此衣。後寄拂子與鎔曰：若問何處得來，便說老僧平生用不盡者。鎔讀師像曰：碧溪之月，清鏡中頭我師我化天下趙州。

### 馬大夫

馬大夫問趙州曰：和尚還修行也？無。趙州曰：老僧若修行，卽福事。大夫曰：和尚卽不修行，教甚麼人修行？趙州曰：大夫是修行底人。曰：某甲何名修行？趙州曰：若不修行，爭得撲在人王位中，饒得來赤凍紅地，無有解出期。大夫乃下淚拜謝。

### 周員外

趙州問周員外：你還夢見臨濟也？無。員外豎起拳。趙州曰：那邊見員外？曰：這邊見。趙州曰：什麼處見臨濟？員外無對。趙州又問：員外什麼處來？曰：非來非去。趙州曰：不是老鴰飛來飛去。

### 劉相公

劉相公入東院，見趙州掃地，問曰：大善知識爲甚麼

却掃塵趙州曰從來

### 竺尚書

竺尚書問於長沙岑曰蚯蚓斬爲兩段兩頭俱動未審佛性在阿那頭長沙曰莫妄想曰爭奈動何長沙

曰會卽風火未散尚書無對又陸月供奉問師蚯蚓斷爲兩段兩頭俱動未

審佛性在阿那頭師曰動與不動是何境界曰言不干典非智者之所談祇如和尚言動與不動是何境界出自何經師曰灼然言不干典非智者之所談大德豈不見首楞嚴云當知十方無邊不動虛空并其動搖地水火風均名六大性真圓融皆如來藏本無生滅復示偈曰最甚深最甚深法界人身便是心迷者迷心爲衆色悟時利境是真心法界二塵又謁長沙長沙召尚書爲實相分明達此是知音

尚書應諾長沙曰不是尚書本命曰不可離却卽今

祇對別有第二主人長沙曰喚尚書作至尊得麼曰

怎麼總不祇對時莫是弟子主人否曰非但祇對與

不祇對時無始劫來是箇生死根本有偈曰學道之

人不識真祇爲從前認識神無量劫來生死本癡人

喚作本來人妙喜曰卽今祇對者既不是本來人却喚作本來人喚甚麼作本來人良久曰我怎麼道且

馬醫

### 李軍容

李軍容具公裳入瀉山參靈祐禪師值師泥壁次李

直至師背後端笏而立瀉山回首見便側泥盤作接

泥勢李便轉笏作進泥勢瀉山便拋下泥盤同歸方

丈又別記白侍郎至廬山謁歸宗常禪師值歸宗泥壁次歸宗問云君子儒小人儒白云君子儒歸宗打泥柘一下白遂過泥歸宗接得便用良久云莫便是快後底白侍郎麼白云不敢歸宗云祇有過泥分

### 劉侍御

劉侍御問仰山禪師了心之旨可得聞乎仰山曰若要了心無心可了無了之心是名真了

### 朱行軍

朱行軍於洛京南禪設齋入僧堂顧視曰直下是遂行香口不住道至際上座面前上座便問直下是箇

甚麼行軍便喝上座曰行軍幸是會佛法底人又惡

發作甚麼行軍曰喚作惡發卽不得上座便喝行軍

曰鉤在不疑之地又喝行軍便休齋退入客司

請適來下喝僧來上座至便共行軍言論並不顧諸

人僧錄曰行軍適來爭容得這僧無禮行軍曰若是

你諸人喝平官有劔僧錄曰某等固是不會須是他

暉長老始得行軍曰若是南禪長老也未夢見在

### 溫造

溫造字簡與并州祈人官禮部尚書嘗問於圭峰密禪師曰悟理息妄之人不結業一期壽終之後靈性何依圭峰曰一切衆生無不具有覺性靈明空寂與佛無殊但以無始劫來未會了悟妄執身爲我相故生愛惡等情隨情造業隨業受報生老病死長劫輪迴然身中覺性未嘗生死如夢被驅役而身本安閒如水作冰而濕性不易若能悟此性卽是法身本自無生何有依託靈靈不昧了了常知無所從來亦無所去但多生妄執習以性成喜怒哀樂微細流注難以卒除須常覺察但以空寂爲自體勿認色身以靈知爲自心勿認妄念妄念若起都不隨之臨命終時自然業不能繫雖有中陰所向自由天上人間隨意寄託愛惡之念旣泯卽不受分段之身圓覺大智朗然獨存名爲佛矣圭峰先有八句偈顯示此意偈曰作有義事是惺悟心作無義事是狂亂心狂亂隨情念臨終被業牽惺悟不由情臨終能轉業圭峰向公誦之公奉命解釋

## 史山人

史山人者逸其名爲十問問圭峰禪師一問如何是道何以修之爲復必須修成爲復不假功用答無礙是道覺妄是修道雖本圓妄起爲累妄念都盡卽是修成二問道若因修而成卽是造作便同世間法虛僞不實成而復壞何名出世答造作是結業名虛僞世間無作是修行卽真實出世三問其所修者爲頓爲漸漸則忘前失後何以集合而成頓則萬行多方豈得一時圓滿答眞理卽悟而頓圓妄情息之而漸盡頓圓如初生孩子一日而肢體已全漸修如長養成人多年而志氣方立四問凡修心地之法爲當悟心卽了爲當別有行門若別有行門何名南宗頓旨若悟卽同諸佛何不發神通光明答識水池而全水藉陽氣而鎔消悟凡夫而卽眞資法力而修習水消則水流潤方呈漑滌之功妄盡則心靈通始發通光之應修心之外無別行門五問若但修心而得佛者何故諸經復說必須莊嚴佛土教化衆生方名成道答鏡明而影像千差心淨而神通萬應影像類莊嚴佛國神通則教化衆生莊嚴而卽非莊嚴影像而亦

色非色六問諸經皆說度脫衆生且衆生卽非衆生何故更勞度脫答衆生若是實度之則爲勞既自云卽非衆生何不例度而無度七問諸經說佛常住或卽說佛滅度常卽不滅滅卽非常豈不相違答離一切相卽名諸佛何有出世入滅之實乎見出沒者在手機緣機緣應則菩提樹下而出現機緣盡則娑羅林間而涅槃其猶淨水無心無像不現像非我有蓋外質之去來相非佛身豈如來之出沒八問云何佛化所生吾如彼生佛既無生生是何義若言心生法生心滅法滅何以得無生法忍耶答既云如化化卽是空空卽無生何詰生義生滅滅已寂滅爲眞忍可此法無生名曰無生法忍九問諸佛成道說法祇爲度脫衆生衆生既有六道佛何但住在人中現化又佛滅後付法於迦葉以心傳心乃至此方六祖每代祇傳一人既云於一切衆生皆得一子之地何以傳授不普答日月麗天六合俱照而盲者不見盆下不知非日月不普是障隔之咎也度與不度義類如斯非局人天揀於鬼畜但人道能結集傳授不絕故祇

知佛現人中也滅度後委付迦葉展轉相承一人者此亦樂論當代爲宗教主如土無二王非得度者唯爾數也十問和尚因何發心慕何法而出家今如何修行得何法味所行得至何處地位今住心耶修心耶若住心妨修心若修心則動念不安云何名爲學道若安心一定則何異定性之徒伏願次第爲說答覺四大如幻達六塵如空華悟自心爲佛心見本性爲法性是發心也知心無住卽是修行無住而知卽爲法味住著於法斯爲動念故如人入闇則無所見今無所住不染不著故如人有目及日光明見種種法豈爲定性之徒既無所住著何論處所

### 宋齊丘

慧覺禪師問相國宋齊丘曰還會道麼宋曰若是道也著不得慧覺曰是有著不得是無著不得宋曰總不恁麼慧覺曰著不得底嚮宋無對

### 王審知

王審知字信通光州人梁封閩王王嘗延雪峰存立沙備二禪師入府求示心法乃曰大王志心聽取幻

化空身是大王法身知見覺了是大王自性觀心無心從妄想起我心自空即悟實相已知本性則一時放下不得別生絲毫許也王禮二師曰吉生慶幸得逢指示王問玄沙曰此一真心本無生滅今此一身從何而有玄沙曰此本源真性徧周法界爲妄想故而一點識性從父母妄緣而生受千般苦身有輪迴大王既知覺了不落惡趣但請大王頻省妄想歸真合道王作禮喜受

### 王延鈞

王延鈞審知次子素奉佛法度僧一萬人由是閩中多僧嘗請羅山和尚開堂說法陞座歛衣左右顧視便下座王近前執羅山手曰靈山一會何異今日羅山曰將謂你是個俗漢又請夢筆和尚齋問曰和尚還將得筆來也無夢筆曰不是稽山繡管慙非月裏兔毫大王既垂顧問山僧敢不通呈又問如何是法王曰不是夢筆家風

### 陳尙書

雲門到江州有陳尙書者請齋纔見便問儒書中即

不問三乘十二分教自有座主作麼生是衲僧行脚事雲門曰曾問幾人來尙書曰即今問上座雲門曰即今且置作麼生是教意尙書曰黃卷赤軸雲門曰這箇是文字語言作麼生是教意尙書曰口欲談而辭喪心欲緣而慮忘雲門曰口欲談而辭喪爲對有言心欲緣而慮忘爲對妄想作麼生是教意尙書無語雲門曰見說尙書看法華經是否尙書曰是雲門曰經中道一切治生產業皆與實相不相違背且道非非想天有幾人退位尙書無語雲門曰尙書且莫草草三經五論師僧拋却特入叢林十年二十年尙不奈何尙書又爭得會尙書禮拜曰某甲罪過

### 韋監軍

韋監軍來謁玄沙乃曰曹山和尚甚奇怪玄沙曰撫州取曹山幾里韋指傍僧曰上座曾到曹山否曰曾到韋曰撫州取曹山幾里曰百二十里韋曰恁麼則上座不到曹山韋却起禮拜玄沙曰監軍却須禮此僧此僧却具慚愧雲居錫云甚麼處是此僧具慚愧者檢得出許上座有行脚眼玄沙一日與韋監軍喫菓子韋問如何是日用而不知



玄沙拈起菓子曰喫。韋喫菓子了再問玄沙曰祇這是日用而不知。

### 陳尙書

陳尙書問洞山价五十二位菩薩中爲甚麼不見妙覺洞山曰尙書親見妙覺。

### 節度使成汭

荆南節度使成汭入山設供問雲居膺禪師曰世尊有密語迦葉不覆藏。如何是世尊密語雲居召尙書尙書應諾雲居曰會麼尙書曰不會雲居曰汝若不會世尊有密語汝若會迦葉不覆藏。

### 劉禹端

劉禹端問雲居膺禪師曰雨從何來雲居曰從端公問處來公歡喜讚歎雲居却問公雨從何來公無語。  
有老宿代云道來道甚麼歸宗柔別云謝和尙再三

### 張霸邊

信士張霸遷問疎山匡仁禪師曰和尙有何言句疎山示偈曰吾有一寶琴寄之在曠野不是不解彈未遇知音者。

### 劉翁

青林師虔禪師在洞山栽松次有劉翁求偈師作偈曰長長三尺餘鬱鬱覆青草不知何代人得見此松老劉得偈呈洞山洞山謂曰此是第三代洞山主人鍾司徒。

### 鍾司徒

穎橋安鐵胡一日在風穴團爐內坐有鍾司徒來見便問三界焚燒如何出得安將火匙撥開火鍾擬議安曰司徒司徒鍾忽有省。

### 陶穀

給事中陶穀入東京普淨院致禮常覺禪師問曰經云離一切相則名諸佛今目前諸相紛然如何離得覺曰給事見箇甚麼陶欣然仰重。

### 李相公

李相公至南嶽問福嚴審承禪師如何是祖師西來意師指庭前柏樹公如是三問師如是三答公欣然乃有頌曰出沒雲閑滿太虛元來真相一塵無重重請問西來意唯指庭前柏一株。

### 李王

清涼文益禪師一日與李王論道罷同觀牡丹花王命作偈清涼卽賦曰擁毳對芳叢由來趣不同髮從今日白花是去年紅豔冶隨朝露馨香逐晚風何須待零落然後始知空王頓悟其意

宋令公

宋令公爲洪州太守一日大寧寺僧陳乞請第二座開堂公曰何不請第一座衆無語法眼代云不勞如此

馮延巳

馮延巳爲江南相與數僧遊鍾山至一人泉問一人泉許多人爭得足一僧對曰不教欠少延巳不肯乃別曰誰人欠少法眼別云誰是不足者

李崇矩

開寶中樞密使李崇矩巡護南方因入院觀地藏菩薩像問僧地藏何以展手僧曰手中珠被賊偷却也李却問圓明禪師既是地藏爲甚麼遭賊明曰今日捉下也李禮謝之

歐陽修

歐陽修謚文忠聞浮山遠禪師奇逸造其室未有以

異之與客碁浮山坐其旁文忠遽收局請因碁說法浮山卽令搥鼓陞座曰若論此事如兩家著碁相似何謂也敵手知音當機不讓若是綴五饒三又通一路始得有一般底祇解閉門作活不會奪角衝關硬節與虎口齊影局破後徒勞綽綽所以道肥邊易得瘦肚難求思行則往往失粘心粗而時時頭撞休誇國手謾說神仙贏局輸籌卽不問且道黑白未分時一著落在甚麼處良久曰從來十九路迷悟幾多人文忠嘉歎從容謂同僚曰修初疑禪語爲虛誕今日見此老機緣所得所造非悟明於心地安能有此妙旨哉後官洛中一日遊嵩山却去僕吏放意而往至一山寺入門修竹滿軒霜清鳥啼風物鮮明文忠休於殿陞旁有老僧閱經自若與語不甚顧答文忠異之曰這人住山久如對曰甚久也又問誦何經對曰法華經文忠曰古之高僧臨生死之際類皆談笑脫去何道致之耶對曰定慧力耳又問今乃寂寥無有何哉老僧笑曰古之人念念在定慧臨終安得亂今之人念念在散亂臨終安得定文忠大驚不自知膝

之屈也。謝希深嘗作文記其事。

### 呂許公

丞相呂許公謁法華志言大士問佛法大意。法華曰：本來無一物，一味却成眞。

### 王質

集僊王質問如何是祖師西來意。法華曰：青山影裡，潑藍起寶塔，高吟撼曉風。又曰：請法華燒香。法華曰：未從齋戒覓，不向佛邊求。

### 徐岳

國子助教徐岳問祖師西來意。法華曰：街頭東畔底。徐曰：某甲未會。法華曰：三般人會不得。

### 王安石

王安石字介甫，相仁宗，封荊國公。時吳山端禪師在京師，公請講禪，就大相國寺設齋。公入院焚香畢，問諸方云：佛未出世時看甚麼？經衆無語。端曰：相公周孔未出世時讀甚麼書？公曰：伶俐。端又偈曰：南無觀世音，說出種種法。衆生業海深，所以難救拔。古今沉沒者，聲聲怨菩薩。時公在朝，更新庶務，故作偈。

云云公平時見端偈語，稱賞之曰：有本者如是。洪覺範曰：王文公方大拜，賀客塞門，公默坐甚久，忽題於壁間曰：霜筠雪竹鍾山寺，投老歸歎寄此生。又元霄賜宴於相國寺，觀俳優坐客，權甚公作偈曰：諸優戲場中，一貴復一賤。心知本是同，所以無欣怨。子嘗謂同學曰：此老人通身是眼，滿渠一點也不得。

### 武昌劉居士

雲居舜老夫初參洞山，一日如武昌行乞，首謁劉居士。居士曰：老漢有一問，若相契，即請開疏。若不契，即請還山。遂問古鏡未磨時如何？舜曰：黑似漆。磨後如何？舜曰：照天照地。居士長揖曰：且請上人還山。舜懨懨而歸。洞山問其故，舜述前語。洞山曰：汝問我舜理，前問洞山曰：此去漢陽不遠，進後語。洞山曰：黃鶴樓前鸚鵡，舜於言下大悟。

### 李端愿

李端愿居士世以佛學名。慧林宗本禪師問曰：十方同聚會，箇箇學無爲。既曰無爲，作麼生學？李無對。

### 葉清臣蔣侍郎

內翰葉清臣牧金陵，迎惟正禪師。語道一日，葉曰：明日府有燕飲，師固奉律，能爲我少留一日款話否？

正諾之翌日遣使邀正留一偈而返曰昨日曾將今日期出門倚杖又思惟爲僧祇合居巖谷國士筵中甚不宜坐客皆仰其標致杭守蔣侍郎亦與正爲方外交每往謁至郡庭下憤譚笑終日而去蔣有詩曰禪客尋常入舊都黃牛角上挂餅孟有時帶雪穿雲去便好和雲畫作圖

陳瑾

陳瑾字退夫初赴省闈問於宗道者曰瑾此行欲作狀元得否宗熟視曰無時即得退夫竟以第三名上第而時彥者作魁

宋太尉陳良弼

陳良弼官太尉請淨因圓悟法真慈受并十大法師禪講千僧赴府齋會時徽宗皇帝私幸觀之太史魯國公亦與焉有善華嚴者乃賢首宗之義虎也對衆問諸禪曰吾佛設教自小乘至於圓頓掃除空有獨證眞常然後萬德莊嚴方名爲佛嘗聞禪宗一喝能轉凡成聖則與諸經論似相違背今一喝若能入吾宗五教是爲正說若不能入是爲邪說諸禪視淨因

淨因曰如法師所問不足諸大禪師之酬淨因小長老可以使法師無惑也淨因召善善應諾淨因曰法師所謂愚法小乘教者乃有義也大乘始教者乃空義也大乘終教者乃不有不空義也大乘頓教者乃即有即空義也一乘圓教者乃不有而有而不空而空義也如我一喝非唯能入五教至於工巧技藝諸子百家悉皆能入淨因乃震聲一喝曰聞麼善曰聞淨因曰汝既聞則此一喝是有能入小乘教須臾又問善曰聞麼曰不聞淨因曰汝既不聞適來一喝是無能入始教遂顧善曰我初一喝汝既道有喝久聲銷汝復道無道無則元初實有道有則而今實無不有不無能入終教我有喝之時有非是有因無故有無喝之時無非是無因有故無即有即無能入頓教須知我此一喝不作一喝用有無不及情解俱忘道有之時纖塵不立道無之時橫徧虛空即此一喝入百千萬億喝百千萬億喝入此一喝是故能入圓教善乃起再拜淨因復謂曰非唯一喝爲然乃至一語一默一動一靜從古至今十方虛空萬象森羅六道四

生三世諸佛一切聖賢八萬四千法門百千三昧無量妙義契理契機與天地萬物一體謂之法身三界唯心萬法唯識四時八節陰陽一致謂之法性是故華嚴經云法性徧在一切處有相無相一聲一色全在一塵中含四義事理無邊周遍無餘參而不雜混而不一於此一喝中皆悉具足猶是建化門庭隨機方便謂之小歇場未至寶所殊不知吾祖師門下以心傳心以法印法不立文字見性成佛有千聖不傳底向上一路在善又問曰如何是向上一路淨因曰汝且向下會取善曰如何是寶所淨因曰非汝境界善曰望禪師慈悲淨因曰任從滄海變終不爲君通善膠口而退聞者靡不歎仰皇帝顧謂近臣曰禪宗玄妙深極如此淨因才辯亦罕有也近臣奏曰此宗師之緒餘

### 李朝請

李朝請與甥藏林居士向子謹謁道場琳禪師遂問家賊惱人時如何琳曰誰是家賊李豎起拳琳曰賊身已露李曰莫茶糊人好琳曰賊證見在李無語

### 錢象祖

錢象祖字公相錢塘人相寧宗守金陵日嘗問道於保寧無用禪師又問道於護國此庵元禪師此庵曰欲究此事須得心法兩忘乃可法執未忘契理亦非悟也公曰纔涉唇吻便落意思如何此庵曰本自無瘡勿傷之也公渙然有得公嘗於鄉州建接待十所皆以淨土極樂名之創上菴高僧寮爲談道處自左相辭歸益修淨業偶得微疾僧有問起居者公曰不貪生不怖死不生天不生人惟當往生淨土耳言訖跌坐而化

### 先覺宗乘卷四

雙髻釋頤讓訂閱



先覺宗乘卷五

徑山語風老人 圓信 較定

無地地主人 郭凝之 彙編

洪州廉使

洪州廉使遂其名問馬祖曰喫酒肉即是不喫即是馬祖曰若喫是中丞祿不喫是中丞福廉使有省

俗士問天堂地獄

有一俗士問西堂智藏禪師有天堂地獄否師曰有曰有佛法僧寶否師曰有更有多問盡答言有曰和尚怎麼道莫錯否師曰汝曾見尊宿來耶曰某甲曾參徑山和尚來師曰徑山向汝作麼生道曰他道一切總無師曰汝有妻否曰有師曰徑山和尚有妻否曰無師曰徑山和尚道無即得

歸宗因官人來問

廬山歸宗智常禪師因官人來乃拈起帽子兩帶曰還會麼曰不會歸宗曰莫怪老僧頭風不卸帽子

儒者問三教

有儒者忘其名問大珠海禪師儒釋道三教同異如

何師曰大量者用之則同小機者執之即異總從一性起用機見差別成三迷悟由人不在教之同異也

行者問即心即佛

有行者問大珠曰即心即佛那個是佛大珠曰汝疑那個不是佛指出看行者無對大珠曰達即徧境是不悟乖疎

丹霞逢老人與童子

丹霞因去馬祖處路逢一老人與一童子丹霞問公住何處老人曰上是天下是地丹霞曰忽遇天崩地陷又作麼生老人曰蒼天蒼天童子噓一聲丹霞曰非父不生其子老人便與童子入山去

丹霞會留守

丹霞於天津橋橫臥會留守鄭公出呵之不起吏問其故丹霞徐曰無事僧留守異之

百丈政路逢官人

洪州百丈山惟政禪師因入京路逢官人喫飯忽見驢鳴官人召曰頭陀師舉頭官人却指驢師却指官人法眼別云但作驢鳴天奇拈云混俗和光何妨異類橫身絲毫不掛那容堅拂敲床大丈夫漢莫覩東

魯西晉休談北狄南蠻方見得出岫  
靈雲然後却來嘲三驢四叉且何如

### 趙州與官人遊園

趙州與官人遊園次。兔見乃驚走。遂問和尚是大善  
知識。兔見爲甚麼走。趙州曰。老僧好殺。

### 官人問趙州

官人問趙州和尚還入地獄否。趙州曰。老僧未上入。  
曰。大善。知識爲甚麼入地獄。趙州曰。老僧若不入阿  
誰教化汝。

### 官人問趙州燒木佛

官人問趙州曰。丹霞燒木佛。院主爲甚麼眉鬚墮落。  
趙州曰。官人宅內變生作熟。是甚麼人。官人曰。所使。  
趙州曰。却是他好手。

### 俗官問趙州

有俗官問趙州佛在。曰。一切衆生歸依佛。佛滅度後。  
一切衆生歸依什麼處。趙州曰。未有衆生。曰。現問次。  
趙州曰。更覓什麼佛。

### 秀才乞拄杖

有秀才見趙州手中拄杖。乃曰。佛不奪衆生願。是否。

趙州曰。是秀才。曰。某甲就和和尚乞取手中拄杖。得否。  
趙州曰。君子不奪人所好。秀才曰。某甲不是君子。趙  
州曰。老僧亦不是佛。

### 秀才問趙州

有秀才辭趙州曰。某甲在此括撓和尚多時。無可報  
答。待他日作一頭驢來報答和尚。趙州曰。教老僧爭  
得鞍。又秀才見趙州乃讚歎曰。和尚是古佛。趙州曰。  
秀才是新如來。

### 俗士獻袈裟

有俗士獻袈裟。問曰。披與麼衣服。莫辜負古人也無。  
趙州拋下拂子曰。是古是今。

### 趙州勸行者

趙州聞行者勸僧曰。我有十貫錢。若有人下得一轉  
語。即捨此錢。有人下語並不契。趙州遂往行者家行。  
者曰。若下得一轉語。即捨此錢。趙州戴笠子便行。  
覺云。武帝求仙不得。  
仙王喬端坐却昇天。

### 秀才問長沙岑

有秀才看千佛名經。問長沙岑禪師曰。百千諸佛。但

見其名未審居何國土還化物也。無長沙曰黃鶴樓。崔顥題後秀才還曾題也。未曰未曾。長沙曰得閑題取一篇好。黃龍新頌云黃鶴樓前法戰時百千諸佛。堅降旗問渠國土歸何處。贏得多才一首詩。圓悟勸拈云。驚刀劈面解辨者何人。劈箭當胸。不當者有幾。若能向奔流度刀。疾箭過風。處見長沙。機身為物去。不消一捏。其或隨言。趁入露布。便問問東。答西。裂轉話頭。且作麼生。是長沙端的。處還委悉麼。役人刀活人劍。語風信拈云。可借一座黃鶴樓。被長沙和尚埋沒殺千佛名。經裏許喚作註解。得麼。癡人面前。勿得說夢。頌云。塞雁一聲。喚起。冷樓。樓。苗月。明中。荒唐。踪跡。無漁火。徒有秋烟。拂暗風。

普化見步使

鎮州普化和尙見馬步使出。喝道普化亦喝道。作相撲勢。步使令人打五棒。普化曰。似。即。似。是。即。不是。

天使問睦州

有天使問睦州三門俱開。從那門入。睦州喚尙書天使應諾。睦州曰。從信門入。天使又見畫壁。問曰。二尊者對譚何事。睦州擲露柱曰。三身中那箇不說法。

秀才訪睦州

一秀才訪睦州。稱會二十四家書。睦州以拄杖空中點一點。曰。會麼。秀才罔措。睦州曰。又道會二十四家書。永字八法。也不識。

睦州問秀才

睦州問秀才。治甚經。曰。治易。睦州曰。易中道。百姓日用而不知。且道不知箇甚麼。曰。不知其道。睦州曰。作麼生。是道。秀才無對。睦州曰。果然不知。妙。喜云。秀才契睦州只是少末後。一著。徑山當時若見睦州。道果然不知。但撫掌呵呵。大笑。管取睦州不相虧。

閩帥問壽山年多少

閩帥問壽山年多少。師曰。與虛空齊年。曰。虛空年多少。師曰。與壽山齊年。

有俗士舉手

益州西睦和尙上堂。有俗士舉手。曰。和尙便是一頭驢。師曰。老僧被汝騎。士無語。去後三日再來。白言某甲。三日前著賊師拈杖。越出。

俗士問殺牛

有俗士問慧覺某甲平生殺牛。還有罪否。慧覺曰。無罪。曰。爲甚麼無罪。慧覺曰。殺一個還一個。

仰山問推官

有官人訪仰山。仰山問官居何位。曰。推官。仰山豎起拂子曰。還推得這箇麼。官人無對。仰山令衆下語。皆

不契時三聖不安在涅槃堂內將息。仰山令侍者去請下語。三聖曰。但道和尚今日有事。仰山又令侍者問未審有甚麼事。三聖曰。再犯不容。

### 行者問霍山

有行者問霍山景通禪師曰。如何是佛法大意。霍山乃禮拜行者曰。和尚爲甚麼禮俗人。霍山曰。汝不見道尊重弟子。

### 洞山行脚遇官人

洞山行脚次有官人問曰。我要註三祖信心銘得否。洞山曰。只如纔有是非。紛然失心作麼生註。楚石瑄代云。幾着香

### 官人問洞山

官人問洞山有人修行否。洞山曰。待公作男子。卽修行。

### 投子赴檀越齋

舒州投子山大同禪師在京赴一檀越齋。檀越將一盤草來。師拳兩手安頭上。檀越便將齋來。後有僧問和尚在京投齋意旨何如。師曰。觀世音菩薩。

### 有官人問壽州

壽州紹宗禪師有官人謂師曰。見說江西不立宗師。曰。遇緣卽立。曰。遇緣立箇甚麼。師曰。江西不立宗。

### 閩王問雪峰存

閩王問雪峰義存禪師曰。擬欲蓋一所佛殿。去時如何。王曰。何不蓋取一所空王殿。曰。請師樣子。雪峰展兩手。雲門云。一學四十九

### 閩王封柑橘至雪峰

雪峰因閩王封柑橘各一顆遣使送至東。問旣是一般顏色。爲甚麼名字不同。雪峰遂依舊封回。王復馳問玄沙。玄沙將一張紙蓋却。

### 廣主請雲門開堂

廣主請雲門出世靈樹開堂。曰。廣主親臨。曰。弟子請益雲門。曰。目前無異路。法眼別云。不可無益于人

### 常侍問雲門

雲門在文德殿赴齋。有常侍問靈樹菓子熟也未。雲門曰。甚麼年中得信道生。

### 官人問雲門

雲門行脚時有官人問還有定乾坤底句麼雲門曰蘇嚕蘇嚕悉哩薩訶

### 閩王送玄沙上船

閩王送玄沙備禪師上船師扣船召曰大王爭能出得這裏去王曰在裏許得多少時也歸宗柔別云不因和尚不得到

### 泉守請玄沙登樓

泉守王公請玄沙登樓先語客司曰待我引大師到樓前便昇却梯客司稟旨公曰請大師登樓玄沙視樓復視其人乃曰佛法不是此道理法眼云未昇梯時日幾度登樓

玄沙與泉守在室中說話有一沙彌揭簾入見却退步而出玄沙曰那沙彌好與二十拄杖守曰恁麼即

某甲罪過同安顯別云玄沙曰佛法不是恁麼鏡清云不

爲打水有僧問不爲打水意作麼生鏡清云青山碾爲塵散保沒閑人

### 閩帥請辨驗聲明三藏

西天有聲明三藏至閩帥請玄沙辨驗玄沙以鐵火筋敲銅爐問是甚麼聲三藏曰銅鐵聲法眼別云請大師爲大王聽和尚問玄沙曰大王莫受外國人謾三藏無對法眼

代云大師久受大王供養法燈代云却是和尚謾大王

### 閩帥問鼓山晏

閩帥入萬歲寺瞻仰佛像指問鼓山曰是甚麼佛鼓山曰請大王鑒帥曰鑒即不是佛鼓山曰是甚麼帥無對長慶代云久承大師在衆何得造次

### 行者至菴

鏡清憇禪師住菴時有行者至徐徐近牀取拂子提起問某甲喚這箇作拂子庵主喚作甚麼鏡清曰不可更安名立字也行者乃擲却拂子曰著甚死急

### 童子見鏡清

有僧引一童子到鏡清曰此童子常愛問人佛法請和尚驗看鏡清乃令點茶童子點茶來師啜了過盞羹與童子童子近前接鏡清却縮手曰還道得麼童子曰問將來法眼別云和尚更喫茶否僧曰此童子見解如何鏡清曰也祇一兩生持戒僧

### 俗士問靜上座

有俗士失其名問靜上座曰弟子每當夜坐心念紛飛未明攝伏之方願垂示誨上座曰如或夜間安坐



心念紛飛。却將紛飛之心。以究紛飛之處。究之無處。則紛飛之念何存。反究究心。則能究之心。安在。又能照之智。本空。所照之境亦寂。寂而非寂者。蓋無能寂之人也。照而非照者。蓋無所照之境也。境智俱寂。心慮安然。外不尋枝。內不住定。二途俱泯。一性怡然。此乃還源之要道也。

### 俗士獻畫障子

俗士獻畫障子。法眼看了。問曰。汝是心巧手巧。士曰。心巧法眼曰。那個是汝心。士無對。歸宗柔代云。某甲今日却成容易。

### 老人參桐峰

有老人入山參桐峰菴主桐峰。問曰。住在甚處。老人不語。桐峰曰。善能對機。老人地上拈一枝草。示之。桐峰便喝。老人禮拜。桐峰便歸。菴老人曰。與麼疑殺一切人在。

### 儒者謁南院

有儒者博覽古今。時呼爲張百會。來謁南院。南院問。莫是張百會麼。曰。不敢。南院以手於空畫一畫。曰。會麼。曰。不會。南院曰。一尙不會。甚麼處得百會來。

### 牧主請風穴陞座

風穴沼禪師於牧主衙內度夏。請陞座。時有盧陂長老出問。學人有鐵牛之機。請師不搭印。風穴曰。慣釣鰲鯢。澄巨浸。却嗟蛙步。驢泥沙。陂佇思。風穴喝曰。長老何不進語。陂擬議。風穴便打一拂子。曰。還記得話頭麼。試舉看。陂擬開口。風穴又打一拂子。牧主曰。信知佛法與王法一般。風穴曰。見甚麼道理。牧主曰。當斷不斷。反招其亂。風穴便下座。

### 提刑問璉三生

有提刑問璉。三生曰。某甲四十年爲官。作麼脫得此塵去。璉無對。道吾真代曰。一任蹉跎。又看上峰路。璉曰。這箇是上峰路。提刑曰。寺在上頭。那璉曰。是提刑曰。恁麼則不去也。璉無語。道吾代曰。今日勘破。

### 工部問三交嵩

有工部問三交。智嵩禪師曰。百尺竿頭。獨打毬。萬丈懸崖。絲繫腰。時如何。三交曰。幽州著脚。廣南斯撲。工部無語。三交曰。勘破這胡漢。工部曰。二十年江南界裏。這問却見禪師。三交曰。瞎老婆吹火。

提刑問楊岐會

有提刑問楊岐會曰和尚法嗣何人曰慈明提刑曰見箇什麼道理便嗣他楊岐曰共鉢盂喫飯提刑曰與麼則不見也楊岐捺膝曰什麼處是不見提刑大笑楊岐曰須是提刑始得又請入院燒香提刑曰却待回來楊岐乃獻茶信提刑曰這箇却不消得有甚乾囉囉底禪希見示些子楊岐指茶信曰這箇尙不要豈況乾囉囉底禪提刑擬議楊岐乃有頌示作王臣佛祖罔措爲指迷源殺人無數提刑曰和尚爲什麼就身打劫楊岐曰元來却是我家裡人提刑大笑

俗士投五祖出家

有俗士投五祖演出家自曰捨緣五祖曰何謂捨緣士曰有妻子捨之謂之捨緣五祖曰我也有個老婆還信否士默然五祖乃頌曰我有個老婆出世無人見晝夜共一處自然有方便

居士往五祖齋僧

舒州有一居士常往五祖齋僧一日問首座曰某俗人參得禪麼首座云你是俗人如何參得禪居士不

會舉似五祖五祖云首座却有本分手段爲人居士方信遂寫志參究後見佛眼佛眼展手曰因甚麼喚作手居士忽大悟

俗士問雲峰悅

有俗士問雲峰文悅禪師曰如何是佛雲峰曰著衣喫飯量家道曰恁麼則退身三步叉手當何去也雲峰曰醉後添杯不若無

太守問九項

太守呂公瞻大像問九項清素禪師曰既是大像爲甚麼肩負兩楹九項曰船上無散工至閣下觀觀音像又問彌勒化境觀音何來九項曰家富小兒竊太守乃禮敬

侍郎問九僊

侍郎曾公問九僊法清禪師曰上座山鄉甚處曰嚴州曰與此間是同是別九仙拽伽梨下地揖曰官人曾到嚴州否曾罔措九仙曰待官人到嚴州時却向官人道

益州辭知府

益州澄遠禪師將示寂辭知府曰老僧行脚去通判曰這僧風狂八十歲行脚那裏去知府曰大善知識去住自由

### 巡檢問黃龍明

黃龍同胡巡檢到公安二聖巡檢問曰達磨對梁武帝云廓然無聖公安爲甚麼却有二聖黃龍曰一點水墨兩處成龍

### 俗士問歸仁

有俗士問歸仁禪師俗人還許會佛法否歸仁曰那箇臺無月誰家樹不春

### 有官人問興陽

有官人問興陽清剎禪師曰和尚甚麼時開堂師曰不歷僧祇數日月未生前

### 居士官人問天平

有居士問天平契愚禪師曰法無動搖時如何天平曰你從潞府來居士曰一步也不曾焉天平曰因甚得到這裏居士曰和尚睡語作麼天平曰放你二十棒又官人問無鄰可隔爲甚麼不相見天平曰怨阿

誰

### 居士問東山雲頂

福州東山雲頂禪師有居士問曰洞山道有一物上拄天下拄地未審是甚麼物師曰擔鐵枷喫鐵棒曰天地黑山河走師曰闍老殿前添一鬼北邙山下臥千年士叫快活快活師曰也是野狐吞老鼠

### 童子上經

有童子上經次僧令持經著函內童子曰某甲念底著向那裏法眼代云汝念甚麼經

### 洪塘橋官人問僧

福州洪塘橋上有僧列坐官人問此中還有佛麼僧無對法眼代云汝是甚麼人

### 賣鹽翁

昔有一僧去覆船路逢一賣鹽翁僧問覆船路向甚麼處去翁良久僧再問翁曰你患聾那僧曰你向我道甚麼翁曰向你道覆船路僧曰翁莫會禪麼翁曰莫道會禪佛法也會盡僧曰你試說看翁挑起鹽籃僧曰難翁曰你喚這個作甚麼僧曰鹽翁曰有甚麼

交涉僧曰你喚作甚麼曰不可更向你道是鹽

騎牛公子

公期和尙因往羅漢路逢一騎牛公子師問羅漢路向甚麼處去公拍牛曰道道師喝曰這畜生公曰羅漢路向甚麼處去師却拍牛曰道道公曰直饒恁麼猶少蹄角在師便打公拍牛便走

跨驢人

昔有跨驢人問衆僧何往僧曰道場去其人曰何處不是道場僧駁之曰這漢沒道理向道場裡跨驢不下

道流背佛而坐

昔有道流在佛殿前背佛而坐僧曰道士莫背佛道流曰大德本教中道佛身充滿於法界向甚麼處坐得僧無對法眼代云  
識得汝

行者向佛而唾

有一行者隨法師入佛殿行者向佛而唾法師曰行者少去就何以唾佛行者曰將無佛處來與某甲唾法師無對鴻山云仁者却不仁者不仁者却仁者仰  
山代法師云但唾行者又云行者若有語

即向伊道還我無行者處來

魚浮水上

死魚浮於水上有人問僧魚豈不是以水爲命僧曰是曰爲甚麼却向水中死僧無對杭州天龍橋和尚  
代云是伊爲甚麼  
上去岸  
上死

佛殿鴿子

鴿子越鴿子飛向佛殿欄干上顫有人問僧一切衆生在佛影中常安常樂鴿子見佛爲甚麼却顫僧無對法燈代  
云怕佛

廣南國主出獵

廣南有僧住庵國主出獵左右報庵主大王來請起庵主曰非但大王來佛來亦不起王問佛豈不是汝師庵主曰是王曰見師爲甚麼不起法眼代云  
未足酬恩

官人入鎮州天王院

昔有官人入鎮州天王院觀神像因問院主曰此是甚麼功德曰護國天王曰祇護此國偏護餘國曰在秦爲秦在楚爲楚曰臘月二十九日打破鎮州城天王向甚麼處去院主無對密雲悟云官人切莫過反  
復云今日得官人作證

官人作無鬼論

昔有官人作無鬼論。中夜揮毫。次忽見一鬼出云。汝

道無我。潛五祖演云。老僧當時若見。便以手作鴛鴦。向伊道。谷谷。

官人問無揀僧

官人問僧名甚麼。曰無揀。官人曰。忽然將一碗沙與

上座。又作麼生。曰。謝官人供養。法眼別云。此僧是揀底。

先覺宗乘卷五終

雙髻釋頤讓訂閱